



PHYSICÆ SUBTER- RANEÆ

Introitus seu Proœmium.

SYNOPSIS.

N. 1. *Desideratur in Scriptoribus Chymicis autopsia seu experientia.* N. 2. *De duobus magnis mundi laboratoriiis.* N. 3. *Ocularis horum contemplatio commendatur.* N. 4. *Contemplatio talis per gradus instituenda.* N. 5. *Connexio laboratorii Naturæ & Artis.* N. 6. *Authoris scopus in hoc opere.* N. 7. *De dignitate studii subterraneorum.* N. 8. *Detrimento Naturæ & admirandis tribus ejusdem Officinis.* N. 9. *De necessitate hujus studii.* N. 10. *De obscuritate ejusdem, & causis hujus obscuritatis.* N. 11. *De divisione hujus operis.*

INTROITUS.

TEXTUS.



ARduum ad Subterranea iter est, quod N. non sine periculo scalis & luminibus I. absolvitur, nec enim cuivis contingit adire Corynthus, & hæc difficultas, causa movens est, quòd plurimi Scriptorum de Subterraneis plurima scripserint describendo aliorum labores, quos pro propriis venderunt,

A

derunt,



derunt, ipsi interim prorsus rudes, at mihi in hâc materia plus testis oculatus unus placet, quàm auriti decem, ne proinde in hoc opere ipse commit- tam, quod in aliis damno, ecce oculatum ego me tibi testem sistam, & omnium eorum prædicum, quorum in hoc libro fit mentio, hâc tamen lege, ut & tu oculatus fias, non enim te subtilibus & cæcis Theoriis (quibus omnium otiosorum cerebra tur- gent) involvam, sed sapidos quosdam tibi nucleos excorticabo, ut & tu putamina diffringere discas.

- N. Ante omnia ergò, *duo magna in mundo laboratoria*
 2. esse scias, unum *Naturæ*, alterum *Artis*, *subterraneum* unum, alterum *superterraneum*, posterius priori in- servit, ut ancilla, prius se habet ut Domina, seu ut exemplum accuratius proferam, prius mater, poste- rius obstetrix est, nollem ergò, sicubi felicem partû nancisci velis, ut gravidam, & jam jam parturien- tem relinquo sine obstetrice, vel obstetrici gravi- dum demas uterum, hâc enim ratione nec hâc fru- galiter exciperet, nec illa feliciter conciperet. Di-
 N. sces itaq; si animus ad subterranea pruriat, ea im-
 3. primis, loco naturali, in mineris & propriis locis indagare, eruere, tractare, postmodum arte, quæ cognovisti, examina, ut ex ungue leonem discer- nas, id est, corpora subterraneorum prius dignosce, deinde per anatomiam ignis eorum naturam co- gnosce, hoc enim in studio omnis bona & frugalis Theoria ex praxi venit, quæ rursus Theoriam pa- rit, hoc itaq; in circulo semper hæreas Theoriam praxi, & praxin Theoriæ jungendo. Quoniam ve-
 N. rò omnis praxis oculatas manus requirit, quæ nul-
 4. lo modo neq; ab ipso Apelle delineari, aut sufficien- ter describi possunt, necessum erit, ut ante omnia
 à peri-

à perito quodam practico , manuales , & quidem primò simplices operationes practicas discas , frustra enim cæco de Sole loquimur , aut furdo consonantem Musicam exhibemus , præ supposito ergò , quod communes practicas operationes intelligas , quodq; subterranea , si non in ipsâ naturæ matrice in mineris saltim eruta noscas , tum inquam hoc opusculo , si non ad summa , ad quæ quidem adspiramus , ad altiora tamen , & extra communium cini - florum coronam te ducemus , multa deprehendes falsa , quæ hætenus vera à multis seculis credita sunt , & multa vera erunt , quæ pro non entibus hætenus conclusa , & habita fuere , tuum jam erit gratis discere , quod , ut te docere possem , multos sumptus temporis , sanitatis , laboris , & estimationis jacturam impendi . Etsi verò animus N.
mihi non sit , te ad Artis laboratorium superterraneum ducere , ac demonstrare , quas mirandas enchyrises cum Naturâ Ars ineat , sed propositum S.
meum in eo tantum consistat , ut laboratorium Naturæ subterraneum , seu Naturæ laborem , quo in producendis varii generis subterraneis utitur , explicem , nihilominus , cum utraq; laboratoria ita sibi affinia sint , ut vix tria verba de uno dici possint , ubi alterum non attingere necessum fuerit , (omnis enim , ut jam dictum est , Theoria Praxi , & praxis Theoriâ defenditur , ita ut una de alterâ testimonium perhibeat) non potui non plurimas praxes , variasq; Theorias pro aliis novis inveniendis intermiscere , quæ lectori Philosophico Chymico , ubi aliàs intentum nostrum intelliget , displicere non poterunt , id enim semel pro semper statuimus , concludimus , ac affirmamus , opus- N.
culum 7.

sculum hoc ob nullum alium finem nisi ad subterraneorum naturam ac veritatem Physicam circa eorum generationem eruendam conscriptum esse, non tam, ut lectori in omnibus satisfaceremus, quod nec potuimus, nec in omnibus pro nunc volumus, quàm ut aliis ingeniosis Naturæ indagatoribus ansam & inventionum titulos pararemus, potior enim plerumq; inventionis pars, ejus titulus est, omnes ergò Auripoëtas à lectione hujus opusculi prorsus arcemus, id enim hominum genus non modo difficillimam Artem quærit, sed &, quod ridiculum est, facillimam ad eam viam esse existimat, unde fortuitos potius casus quàm rerum Physicam notitiam desiderat, abstrahendo ergò à talibus, veros Physicos ac Philo-Chymicos pro hujus operis lectoribus exopto, æquos nempè naturalium rerum censores, & ab his facile veniam inveniam, quod Theorias, praxes, theses, positiones, Propositiones, varias deniq; quæstiones, unam in massam involverim, & vel apertè vel tectè, vel certè, vel dubiè, de hoc vel illo subjecto locutus fuerim, omnia enim talia, prout posita sunt, lector inveniet ut facili negotio Theoriam à praxi, certa à dubiis, quæstiones à conclusionibus, & quidquid deniq; Natura discursus demonstrativi pro contexendâ serie involvit, discernere queat, quæ apertè dicere nolui, silentio velavi, non tam modernorum Chymicorum pessimam consuetudinem, quàm illud Gellii sequutus sum, nempè, *Qui loqui vult, quod nemo intelligat, magnam rem præstat, si taceat*, & ut paucis instituti mei rationem exponam, non tam decisiones, quàm materias disputandi circa subterraneorum generationem, materiam

riam aliàs satis per se obscuram, Physices Studio-
sis relinquere volui, potior tamen ratio fuit, ut
Chymicis manuductionem ad subterraneorum no-
titiam pararem, quâ, si manuductore opus habe-
rent, pro lubitu uti possent, sequi enim volenti-
bus scribo, non aliis, qui proprio contumaci cere-
bro freti, libentius in lapidem impingunt, quam
ab aliis admonitionem de lapide admittere velint.
Philo-Chymicis ergò, heic loci, sermo fit, qui præ- N.
liminariter, & pro introitu circa notitiam Physicæ 7.
subterraneæ tria considerent, dignitatem nempe,
necessitatem, & obscuritatem hujus studii. Digni-
tatem quod attinet, facilè magni facient, si magna
ista mysteria perscrutentur, tam Theologica, quàm
Physica, quæ in numero trinario latent; In Physi-
cis quidem, non contemnendum trinarium, in tri-
bus Naturæ regnis inuenimus, omnia namq; cor-
pora, quæ vel generationem, vegetationem, vel
accretionem habent, tribus classibus distinguun- N.
tur, vel enim animalia, vel vegetabilia, aut minera- 8.
lia sunt, & tot rursus natura fœcundos uteros ge-
rit, nempe tres magnas officinas, quarum conci-
piendis animalibus prima, vegetabilibus altera,
tertia fossilibus inservit, harum verò quælibet tan-
tis miraculis plena, & tam stupendis operationi-
bus efficax est, ut tota hominum ætas ne uni qui-
dem ad sufficientiam explicandæ & considerandæ
sufficeret, quid enim incomprehensibilius? quàm
in tenebricoso matris utero, ex substantiâ tam vi-
li & corruptibili, modo tam simplici & communi,
paucos intra menses, hominem, tot instructum
venis, nervis, membranis, valvulis, vasis, & organis
generari, ut talem structuram nemo etiam peritissi-
morum

morum artificum in unius duntaxat venæ ductu, sine errore & perfectè imitari queat. Vegetabilium officina si priorem non excellat, proximè tamen succedet, quid enim mirabilius? quàm unâ nocte, unâ pluviâ, unâ terrâ, tot varia & diversa vegetabilia nutriri, tot discrepantes, ac colore, odore, sapore, formâ variantes fructus, in tantâ copiâ & diversitate produci, ut ne unum quidem mortalium unquam extitisse arbitrer, qui hanc vegetabilium copiam & diversitatem vel plenè viderit, vel perfectè noverit? Quid dicam de subterraneorum officinâ? quæ prioribus, quoad admirationem minimè cedit, cessabit omnis ratiocinatio, si in abditiſſimis montibus tam diversas fossilium species gigni; compactiſſimos lapides fumis penetrari, profundissima subterranea antra metalliferis principiis repleti consideremus, & hæc omnia nullo exteriori adminiculo contingere; Quis Crystalli, Adamantis, reliquorumque lapidum genesin vel ad oculum vidit, vel evidenter exposuit? multa quidem in his sunt, quæ scimus, plurima tamen, quæ nescimus, solum hoc cum Davide sufficienter scimus, *magnificata esse opera Domini, atque omnia*

- N. *in sapientia condita.* Post dignitatem hujus studij
 9. nunquam satis commendabilem, usus ejusdem & necessitas in ordinem veniunt, ubi, si consideremus, nullum opificium, quod circa subjecta metallica aut fossilia operatur, defectu hujus scientiæ dextrè & cum fructu tractari posse, ipsam etiam Physicam hoc in puncto magnâ ex parte mancā esse, artem pharmaceuticā & medicinā absq; subterraneorum notitiā languere, Chymicos, Alchymistas, aliosq; naturæ indagatores
 hoc

hoc studio carere non posse, defectu notitiæ mineralium fertilissimas interdum mineras negligi, metalli fodinas unicum medium esse, quo sine subditorum, & conscientiae gravamine Principes ditescere possunt, hoc inquam & multa alia, si diligentius expendantur, neminem hujus studij vel utilitas, vel necessitas ulterius latebit, qui non firmiter concludet, id non modò scientiam, sed & ad usum civilem necessarium esse. Quamvis autem, ut ex præcedentibus liquet, studium hoc valè utile & necessarium sit, ac proinde præ cæteris coli deberet, à multis tamen seculis tot obscuritatibus involutum mansit, ut à paucissimis sive doctis, sive discipulis dextrè tractatum fuerit, cujus quidem impedimenti Philosophia peripatetica potior causa fuit, quæ scientiæ suæ fundamenta, ut plurimum in inania verba ponit, Hermeticæ doctrinæ è diametro contraria, hinc vera & practica Physica, circa doctrinam subterraneorum semper à cordatis Viris desiderata fuit, & hoc magis, quod ejusmodi scientia nec in scholis, nec in Academiis unquam tractata fuerit, etsi enim Galenicorum aliqui sub ficto Chymici nomine, collegia aperuerint, pecuniam tamen potius, quàm Auditorum emolumentum quæsierunt, nihilq; veri, certi, vel solidi tradere potuerunt, quod ipsi, præter quod in libris legerunt, nihil scierint. Licet quoq; multi Scriptores Chymici exstiterint, qui de naturâ fossilium scripta reliquerunt, horum tamen alii, vel tantummodò circa metallorum separationem, alii verò circa usum civilem occupati, nucleum non attigerunt, qui corticem semper lambebant. Veterum tradita ut Aristotelis, Plinij,

aliorumq; de rebus subterraneis relicta scripta, adeò frivola, ridicula, & in praxi tenuia sunt, ut si talium scriptorum doctrinam in hoc genere accuratè expendas, meritò ventilare incipias, utrùm in reliquis granum veritatis habeant, qui in subterraneorum doctrinâ prorsus ut cæci oberrant. Sed maximum damnum Pseudo-Chymici, Neoterici scriptores dederunt, qui indiscriminatim, nescio quâ prurigine & pravâ scribendi consuetudine impulsî, aliorum mendacia descripserunt, quæ profundamentis posuerunt, nihil interim vel in naturâ vel in artis praxi scientes, sed decepti alios deceperunt, atq; ita mendacium mendaciis cumularunt. Etsi quoq; non pauci seduli fossilium indagatores, multis non contemnendis experimentis fulciti extiterint, genuina tamen & solida Theoriâ caruerunt, quod tales laborantes & metallicolæ plerumque non studuerint, neq; literis operam dederint, nonnulli etiam omnia praxi, nihil Theoriæ tribuentes de rerum causis desperârint. Deinde si qui boni fuêre Theorici, à praxi plerumq; alieni fuerunt, indignum judicantes, sumptus, sanitatem, tempus, & æstimationem sordidis, & periculosis laboribus practicis impendere, unde eorum Theoria rarò praxi stabilita fuit, hoc & similia impedimenta non parùm huic studio obfuerunt, & multum detrimenti ac obscuritatis pepererunt, quâ verò ego viâ incessem, quomodo huic studio, & theoricè & practicè operam dederim, quâq; occasione ea invenerim, quæ pauci hætenus attigerunt, præfatio hujus operis exhibebit, ubi lector plura de

N. his legere poterit. Jam ad distributionem operis

II. veniemus, quod *quatuordecim Sectionibus* absolvetur,

tur, *septem* priori, & *totidem* posteriori libro continentur. *Primi libri* sectionum *prima* creationem Orbis universi inprimis cœli & terræ, deinde productionem omnium rerum ex his exponet. *Sectio secunda* de Principiorum Subterraneorum motu inprimis aquæ & terræ subterraneæ descensu & ascensu in centrum & superficiem terræ, demonstrabit. *Sectio tertia* digressionem specialem ad tria subterraneorum principia facit. *Sectio quarta* de Principiorum subterraneorum mixtione aget, & animalium, vegetabilium & mineralium, circa mixtionem feminalem, combinationem, & Analogiam instituet, ac proinde de generatione, vegetatione, & accretione, specialia proferet, præmissis generalibus de mixtionis necessitate, & Theoriâ ac praxi circa eam acquirendam. *Sectio quinta* de mixtorum solutione verba faciet, & prout in mixtione, comparisonem mineralium solutionis cum animalium & vegetabilium solutionibus instituet, hinc putrefactionem, quæ animalibus competit, & fermentationem, quæ vegetalibus propria est, tandem liquefactionem, quâ subterranea resolvuntur, fusissimè exponet. *Sectio sexta* de mixtis, quæ vel ex mixtione, vel ex solutione veniunt, in genere tractabit, recensendo eorum genera & species. *Sectio septima*, & libri prioris ultima mixtorum subterraneorum accidentia & communes affectiones physicas explicabit. *Libri secundi* Sectionum *prima* specialem salis alkali, Nitri, & salis communis: *Secunda* Vitrioli, Aluminis, & Borracis: *Tertia* Sulphuris, Arsenici, Argenti vivi: *Quarta* Antimonii, Gismati, Zinkij, Marcasitæ, Magnesiæ Kobolti: *Quinta* Plumbi, Stanni, Ferri, Cupri, Argenti, Auri:

Sexta lapidum, Diaphanorum, & opacorum, nec non glareæ, arenæ, limi & terræ : *Septima* & ultima *Sectio*, Zoo - mineralium, & Phytho - mineralium, ut Succini, corallii, &c. *specialem* & accuratam practicam Anatomiam instituet, ità ut *prior liber Theoriam, posterior praxin* contineat. *Sectionum* verò prænominatarum seriem, cursus & ordo Naturæ defendet, prout quodlibet caput in contextu ex antecedenti suum principium nanciscetur. Etsi enim in quolibet conscribendo opere disposita methodus servanda sit, sola tamen & sterilis Dichotomia non sufficit, præsertim talis, quæ non ex Naturâ, sed vi & materialium defectu, proinde ex vacuâ & inani quâdam Aphthonij & Lulij locatione provenit, nos in amplissimo & fertilissimo præscriptæ materiæ campo, non ità patiemur nobis manus stringi, sed luxuriabimur, atq; in plurimas materias exspatiabimur, sed ità ut ad scopum redeuntes jucunda oberratio ordinem reddat gratiorem.

PHYSICÆ SUBTERRANEÆ

Liber primus

Sectio prima de Creatione Universi Orbis.

Caput primum de Creatione cœli.

SYNOPSIS.

- N. 1. *Explicatio verbi creare.* N. 2. *cur cœlum primo fuerit creatum.* N. 3. *differt ab isto cœlo, quod firmamentum vocatur.* N. 4. *cœlum statuitur pro prin-*

principio & elemento Mundi primo. N. 5. adscribitur eidem rarefactionis & condensationis vis. N. 6. raritati & densitati, omnium motuum causa assignatur. N. 7. Cælum principium omnium motionum est. N. 8. ejus status in creatione & primus motus. N. 9. motus perpetuus mundi. N. 10. Veterum & recentiorum Philosophorum consensus cum hac opinione. N. 11. multa hoc modo commodius in Physicis explicantur. N. 12. continens cæli.

TEXTUS.

NUllibi legimus, Deum in creationis principio N. præter cælum & terram aliud quid creasse, re- I.
liqua enim omnia ex his producta sunt. Cælum ergo & terra propriè creata dicuntur, etsi enim Deum hominem quoque creasse, sacra Scriptura testetur, hæc tamen creatio non nisi productivè ex primis creatis sumenda est, ex terrâ enim homo factus est, quam Deus in substantiam carneam formavit, & disposuit, quæ dispositio, productio potius, quàm creatio vocanda est, vocabulum ergo creare aut creatum esse circa hominis originem, de nobiliore ejus parte, nempe de ejusdem animâ, quæ à Deo creata est, intelligendum esse nemo negabit. Cæterum ex dictis infertur, in Physicis nihil præter cælum & terram creatum, id enim textus habet. *In principio creavit Deus cælum & terram, &c.* Cælum quidem non sine causâ præponitur. Cæ- N.
lum enim cum, ut ex sequentibus patebit, locum 2.
tantum denotet, in quo omnia creata subsistunt, necessario, ut locus ante locatum cujuscunque etiam momenti intervallo præcedere debebat, ut quæ postea crearentur, & producerentur, locari possent,

- N. possent, hoc verò Cœlum diversum cum altero
 3. esse, cujus Moses eodem capite versiculo octavo meminit, cùm ait, *vocavitq; Deus firmamentum cœlum, &c.* nemo non videt, hoc enim productum, illud creatum est, nec posterius Cœlum principale hoc primum esse potuit, cùm necdum firmamentum tanquam ejusdem materia adfuerit, conclu-
 N. dendum ergò primum hoc cœlum, quod creatum
 4. esse probavimus primum Mundi principium Universale & Catholicum fuisse, quod non sine prægnantibus rationibus Elementum Mundi Hyperphysicum imposterum vocabimus, nam ut inferius docebitur, duo tantum mundi principia primordialia existunt, unum Hyperphysicum, Physicum alterum. Heic loci verò de primo Hyperphysico tantum, nempe de Cœlo loquimur, cui qualitates Hyperphysicas, medias nempe inter res spirituales & corporales, pro utrisq; uniendis, adscri-
 N. bimus, seu clariùs loquendo, primordiali Cœlo
 5. raritatis & densitatis principium & causam tribuimus, cœlumq; pro solâ & unicâ materiâ rari & densi seu raribili & densescibili statuimus, pro certo enim fundamento concludimus, omnem raritatem & densitatem à præfato cœlo, & non ab aëre procedere, cùm omnem vim elasticam, quæ hætenus aëri concessa fuit, non sine fundamentis in dubium revocemus, ipsum etiam aërem sine cœli Elaterio, nec rarefieri, nec densari concludentes, ut postea latius explicabimus, nunc sive ex postulatis, sive ex concessis, quæ hætenus diximus, bonâ
 N. cum lectoris gratiâ pro fundamentis interea collo-
 6. cabimus, iisq; superædificabimus,tribuendo nempe cœlo omnium motuum sive Hyperphysico-
 rum,

rum, five physicorum, animarum nempe, Spirituum & corporum, omnis deniq; mobilis, causam primam moventem, quod ex dictorum consequentiâ non aliter esse poterit, Cœlum enim si raritatis & densitatis subiectum sit, raritate verò & densitate omnes motus perficiantur, sequitur præfatum cœlum omnium, prout diximus, motuum causam esse, non corporalium modo, sed & spiritualium rerum, irrefragabile enim est, animam in homine, artus, mediantibus nervis, & hos ex raritatis & densitatis principiis movere, communis quoq; opinio est, spirituum operationes & actiones mediante raritate & densitate contingere, imò omnes generationes, vegetationes & accretiones iisdem mediis promoveri, & finiri certissimum est, & multis modis ac experimentis demonstrari posset, sine raritate & densitate omnia corpora perire debere, nullum corpus ardere & flammam concipere, nullum augeri aut diminui posse, si perniciozæ quoq; Sagarum incantationes veræ sint, sine raritatis & densitatis ope, eas absolvi quilibet fatebitur, sicut & nemo diffitebitur, raritatis & densitatis Naturam hermaphroditicam catenam quasi esse, quæ supernaturalia cum naturalibus connectit, sine quâ nec Spiritus in corpora, nec hæc in Spiritus agere possent, ex quibus omnibus sequitur, cum raritas & densitas communissimæ & primæ corporum affectiones sint, earum verò origo cœlo tanquam proprio suo subiecto tribuatur, præfatum cœlum omnium consequentiarum principium esse, unde omnes motus in corporibus causantur, cum cœlum N. tanquam locus & Elementum primum omne im-7.
pleat, quod in eo continetur. Jam reliquum est,
ut,

- ut, quomodo cœlum in raritatis & densitatis gradibus moveatur, exponamus. Quare sciendum est, cœlum in creationis statu densissimum & frigidissimum exstitisse, nam, ut alibi defendemus, raritas caloris, densitas frigoris causa & principium est, nec densa, aut frigida rarefieri vel calefcere possunt, nisi per rara, aut quod idem est, calida jam existentia, cœlum ergò in creationis statu densissimum moveri vel rarefieri non poterat, nisi aut per Angelos, aut calorem jam existentem, qui posterior cùm deesset, necessariò, ut capite sequenti tertio demonstrabimus, cœlum primâ vice in productionis actu, per Angelos moveri debebat, in ordine ad rarefactionem, unde majus spatium occupaverat, nimîâ verò rarefactione, ut postea docebitur, lux est orta, cujus origine Angelorum motus cessavit, motusq; Solis cœlum rarefecit, quo ipse interim Sol continuò ventilatur & rarefit, atq; is est universi hujus motus continuus, qui nisi vim ab ipso Creatore patiatur extraordinariam, nunquam ab ordine aut officio desistit.

- Etsi verò me non lateat, multos opinioni meæ refragaturos, levi tamen operâ evincere & demonstrare potero, tam veteres quàm quosdam cordatiores Neotericos Philosophos opinionis meæ fuisse, quid enim Veterum spatium illud vastissimum imaginarium aliud nisi universi hujus continens denotat? doctrina de loco & motu, commodius ex hac opinione, quàm vel per vacuū aut atomos aut nescio quas alias ideas & loca explicatur, deinde cur Neotericorum aliqui inter æthera & aërem distinguunt? posteriori Physicas, priori Hyperphysicas qualitates ascribentes, non pauci

pauci cœlo animam, spiritum alii attribuerunt, adducti eò, quòd cœlum perpetuâ raritatis & densitatis vicissitudine agitari, & mox majus subinde minus spatium occupans, quasi respirare, consideraverint, cœlum enim hoc in Deo consistit, in cœlo verò omnia creata, tanquam loco, quo, ut primâ causâ movente ad omnes, motus Physicos afficiuntur, quiescunt, prout hæc omnia, si nostri instituti foret, sufficientissimis rationibus, & infallibilibus experimentis evincere possemus. Nos heic loci brevitati studemus, qui ex præcedentibus nullum aliud fructum desideramus, quam ut lector, cum in subsequentibus rarefactionis ac condensationis sæpius mentio fiat, originem sciat, unde hæc omnia proveniunt, licet enim omnes tales Physici motus, ex postfacto Naturales dicantur, omnes tamen à cœlo procedere, idq; in tot infinitis quasi raritatis & densitatis gradibus, singulari divina providentiâ dirigi, & certo ordine contineri, certissimum est.

Sectionis primæ, Caput secundum De Creatione terræ.

SYNOPSIS.

- N. 1. *Duplex terra exponitur, cujus in primo capite Genesios mentio fit.* N. 2. *Relatio terræ ad cœlum.* N. 3. *quid sub terræ nomine intelligatur.* N. 4. *Globi terr-aque-aërei natura.* N. 5. *de statu globi terr-aque-aërei in creatione.* N. 6. *cur terra post cœlum creata sit?* N. 7. *triplicitas terræ.* N. 8. *cur aër & aqua sub terræ nomine comprehendantur.* N. 9.

- N. 9. de spatio terræ in creatione. N. 10. Panspermia, & quo sensu terra confusa fuisse dicatur, & quotuplex fuerit. N. 11. primordialis corporum differentia. N. 12. Verum de facto Chaos exstet. N. 13. Quid sit quinta mundi essentia.

T E X T U S.

- N. 1. **U**T Cœlum in creatione tanquam primum mundi principium, & Elementum præcedit, ita terra ut alterum, sed purè Physicum sequitur, non autem illa terra est, de qua textus in eodem capite versiculo decimo habet: *Et vocavit Deus Aridam, terram, congregationesq; aquarum Maria, &c.* Hæc enim terra ob separationem duntaxat terra vocata fuit, quæ nomen suum siccationi & productioni debet, nostra verò terra, de quâ hoc capite agimus, principium Mundi existit, & originem suam ex primâ creatione habet, duo namq; tantum, ut ex præcedentibus demonstratum est, mundi principia existunt, unum Hyperphysicum, alterum Physicum, ex quo posteriori omnia corpora Physica, sicut ex priori rerum Physicarum affectiones Hyperphysicæ originem trahunt, prius verò se habet
2. ad posterius in relatione, nempe cœlum ad terram, ut forma ad materiam, cum cœlo omnium formarum causam efficientem, terræ verò omnium rerum materiam primam assignemus, idq; non frivole, sed multis ex causis, quas suo tempore communicabimus, si quis nos ob hanc opinionem durius tractare ausus fuerit, lectorem tamen rogamus, ne, quò probè & sufficienter nos intelligat, præsertim in prioribus his tribus capitibus, cum de cœlo, vel terrâ loquimur, alia intelligat, quàm cœlum & terram,

terram, de quâ Moses ait, *in principio creavit Deus
 cœlum & terram, &c.* nam si de altero cœlo & terra,
 quorum in eodem capite in sequentibus mentio fit,
 opinio nostra intelligatur, utiq; absurda foret, nec
 præsentî Theoriæ aut subsequenti praxi corre- N.
 sponderet. Deinde etiam lectorem monitum volu- 3.
 mus, nos hoc loco sub *terre* nomine semper glo-
 bum terr - aque - aëreum intelligere; nam licet sa-
 cra Scriptura in creationis historiâ, nec creatæ, nec
 productæ aquæ vel aëris ullam mentionem faciat,
 sed textus statim subnectat: *terra autem erat inanis,
 & vacua, & Spiritus Domini ferebatur super aquas,* ni-
 hilominus neminem adeò inexpertum fore spero,
 ut per *aquas*, alias, quàm eas intelligat, quibus ter-
 ra circumvoluta erat, & *Spiritum Domini* aliter in-
 terpretetur, quàm aërem, quò universa massa terr-
 aquea circumdata fuit. Haud pauci quidem com-
 mentatores per Spiritum Domini, sanctum Spiritum
 interpretantur, sed hi aut Physicarum rerum
 parùm gnari sunt, aut Scripturæ sacræ stylum &
 loquendi consuetudinem non sufficienter intelli-
 gunt: præfata enim Scriptura non aërem modo,
 sed & ventos perscèpè Spiritum Domini vocare so-
 let, in vocabulis ergò hærent, & mysteria fingunt,
 ubi nulla sunt, unde ab Arianis non immeritò ri-
 dentur, quòd eorum Adversarii ad tàm frivolam
 interpretationem recurrant, firmiora relinquentes.
 Uno autem quasi momento, & in instanti, nempè N.
 eo ipso puncto, quo primum tempus esse cœpit, id 4.
 est, *in principio temporis* globus terr - aque - aëreus
 ista generali trinâ divisione, quâ etiamnum existit,
 creatus est, Harmonicæ tamen Naturæ, & quidem
 terreæ, aquam enim & aërem terram fluidam esse,

alibi demonstrabimus , diversis autem & tribus gradibus globus hic inter se differt , quæ differentia non in raritate & densitate tantummodo consistit , alioquin aër & aqua per modum productionis , ut reliqua , produci ex terrâ potuissent , sed differt differentia creationis , quam primo momento Creator eidem impressit , hinc fit , quod Aër , Aqua , & Terra confundi & commisceri quidem inter se possint , nunquam verò unum in alterius naturam realiter transmutetur , in ipsâ verò creatione , etsi globus terr- aque- aëreus unus & idem fuerit , quoad cohærentiam & connexionem , nullo tamen modo confusus existit. Quodlibet namque Elementum sine ullo motu aut reactione , respectu suæ gravitatis & quantitatis , tanquam communissimæ & primæ affectionis Physicæ competentem locum tenebat , nam quod alii Chaos vocant , id non in creationis tempore , de commixtione globi terr- aque- aërei , sed de diversi generis terrarum commixtione intelligendum esse ratio suadet , prout sequenti capite docebimus. Cæterum certissimum est , Deum in hujus universi creatione eundem ordinem servasse , quem nos etiam nunc Naturæ cursum vocamus ; Naturale autem consequens erat , locum ante locatum , nempe cælum ante terram existere , & motum ante mobile. Unde apparet , prout etiam sacra Scriptura factum esse testatur , necessarium fuisse , ut cælum tanquam locans & causa movens , ut hujus universi continens , ante omnia crearetur , ut & locaret , & contineret , contenta moveret , mota misceret : quoniam verò res una & simplex non aliter nisi

nume-

numericè misceri potest, necessarium erat, ut pro mixtione Physicâ, primordialis terra diversa esset. Hinc in tres classes divisa, ipsa creatione, ut dictum, N. globus terr-aque-aëreus facta est, ut misceri qui- 7. dem, transmutari autem præter creatoris voluntatem non possit. Aërè autem opus erat tanquam terræ portione subtilissimâ, ut proximè à cælo moveri posset, & aqua requirebatur, ut aëri medium agendi in spissam terram daretur; terra verò densissima erat, ut Subjectum præberet dissolvendum. Ex quibus omnibus sequitur, Globum terr-aque-aëreum omninò trinum & in creatione non confusum fuisse, consequens quoque est, omnes mixtiones in tres classes reduci debere, prout nempe in extremo gradu vel terreæ, aqueæ, aut aëreæ existunt. Hoc tamen non prætereundum esse censeo, quod à terrâ tanquam potiori denominatio in sacra Scripturâ sumatur, aquæ verò & aëris nulla N. 8. mentio fiat, terra enim duobus reliquis Elementis hypostasim præbet, tanquam subjectum, in quod reliqua duo agunt, unde in totâ sacra Scripturâ à terra semper primum locum obtinet. Sic de homine textus habet, *terra es, & in terram reverteris*, etsi enim in mixto hominis præter terram, multum aquæ & aëris sit, à terra tamen tanquam à potiori ingrediente denominatio sumitur, nec homo tantum ex terra, sed quidquid cernimus, exinde provenit, ita ut non modò omnium mater, fons, & origo, sed & omnium corporum receptaculum & finis terra sit. Omnium enim rerum ultima reductio & annihilatio, terra est, nec sublunaria tantum, sed superlunaria quoque ex terra constant, ut sequenti capite docebitur; necessariò autem ex hæcenus di-

- N. Ætis sequitur, cœlum in creatione ob densitatem minus spatium, terram verò majus occupâsse, quod omnium super- & sublunarium corporum materialis substantia etiamnum in eâ latuerit, hinc terram tum temporis longè aliam, & à nostrâ modernâ diversam, variè commixtam, multas alias substantias in se continuisse indubitatum est, omnium enim rerum & corporum substantiæ & semina in eâ latitabant, undè jure merito terra virginea seu
10. Panspermia dici poterat, unde tanquam ex fœcundo fœtu omnia suum esse per successivam productionem nanciscerentur. Ne se verò lector confundat, necessarium erit, ut hanc terram diverso modo consideret, aliter se enim habebat in creatione, aliter post creationem, aliter in productione, aliter post productionem, de hoc posteriori ejus statu in sequenti sectione mentio fiet, hoc verò loco de terrâ acturi erimus, quatenus ante productionem, prima omnium rerum materia, & Panspermia, in confuso, ut Chaos exstitit, quintuplici mixtione confusa, & hoc quidem statim in ipsâ primâ creatione, sic volente Creatore, quare hæc quinque divisiones seu terrarum genera, quæ in Chao sunt, nunquam vel radicitus commisceri, vel invicem transmutari queunt, in Chao quidem commixta fuerunt, sed non ita, ut Naturam loci seu gravitatis suæ non servârint, leviora enim in circumferentiâ, graviora in centro hærebant, commixta tamen fuerunt, in quantum eorum natura cohæSIONEM invicem desiderabat, *natura enim natura gaudet*, quod etiamnum videmus, nam sidera multum de sublunaribus, sublunaria non parum de superlunaribus, animalia de vegetabilibus, alia de aliis participant.,

ticipant, quæ confusio non accidentalis sed primor-
 dialis, & essentialis est, unde proverbium oritur: *in*
Naturâ quidlibet esse quodlibet, & quod inferius est, ei
simile esse, quod superius est, hâc enim confusione tota
 sibi Natura tanquam catenâ & magnetismo cohæ-
 ret. Quæ verò quinq; ista terrarum genera, quo-
 rum hætenus mentionem fecimus, fuerint, quoq;
 explicandum venit: *primum* genus terræ omnium
 nobilissimum est, & materiam sideribus & stellis
 exhibuit: *secundum* variorum Meteororum mater
 est: ex *tertio* animalia facta sunt: *quartum* vegeta-
 bilium origo fuit: *ultimum* mineralium, corporum N.
 itaq; diversitas sive super - sive sublunarium non II.
 ab aquâ vel aëre, sed à terrarum differentiâ prove-
 nit, nam confusio seu Chaos in terrâ, non in aquâ
 vel aëre locum habuit, quomodocunq; enim Ele-
 menta confundantur, rursus ad trinarium suum
 numerum redeunt, in quantum verò aqua & aër se
 à terrâ separari patiantur, ex infrâ dictis patebit.
 Hoc verò loco quæri posset, utrùm in rerum na-
 turâ, etiamnum tale confusum primordiale Chaos
 detur, prædictarum nempè quinq; terrarum mas-
 sa? hæc enim Chaos vocabatur, diversarum com-
 mixtarum terrarum respectu, non quòd in crea-
 tione globus terreus, licet ab aquâ ambiebatur, eâ-
 dem perfusus aut commixtus fuerit, ut ex sequen-
 ti capite patebit. Ad quæstionem ergò ut redeam, N.
 respondeo negando, nam sicut ante actualem 12.
 productionem ex Chao, nullum specificum cor-
 pus actualiter, sed tantum potentialiter in eodem
 exstitit, ita post productionem actualem, talis quin-
 tplex massa seu Chaos non nisi in diversis corpo-
 ribus separatim, nec amplius ita confusum, nisi
 B 3 quan-

quantum prima confusionis species in ipsâ creatione impressa permittit, etiamnum & de facto existat, id est potentialiter, quâ decisione & isti refutantur, qui *quintam rerum essentiam* etiamnum in mundo superstitem esse & virgineam, id est, sine N. productione prorsus simplicem vocant. Ob quintuplicem terræ differentiam, primum Chaos, quintum omnium rerum vocari posse, non inficiabor, Chaos verò, cum post sex dierum productionem, non nisi in specificis corporibus, & certo modo existat, quis dubitet? hanc simplicem quintam essentiam alio quoque modo, quam in creatione erat, productis inde corporibus, inesse. Ex prædictis ergo concluditur, hanc virgineam & primam terram ante productionis actum terream prorsus ac siccam fuisse, alteriusque naturæ cum productis, quæ jam ex postfacto ob admixtam aquam & ærem, aquea non raro & ærea magis, quam terrea existunt, prout in sequentibus Sectionibus, ubi de speciali corporum mixtione agemus, specialiter etiam exponemus. Nunc ordo ad tertium caput vocat, quo de productione omnium rerum ex hac terrâ, nec non de commixtione aquæ & aëris cum eadem breviter acturi erimus.

Sectionis primæ Caput tertium De productione universali omnium corporum ex Chao.

SYNOPSIS.

N.1. De statu cæli & terræ ante productionem. N.2. comparatio

paratio Globi terr-aque-aërei cum ovo. N. 3. de vacuo seu inani. N. 4. explicatio terminorum, creare, fieri, producere. N. 5. differentia intercreationem & productionem. N. 6. productio per mixturem, mixtio per motum, motus per rarefactionem fit N. 7. primus cœli motus. N. 8. quæ ex eodem consequuta sunt. N. 9. actio Globi terr-aque-aërei in se ipsum. N. 10. motio terræ, nec non lucis & per lucem diei ac noctis productio. N. 11. productionis gradus, nec non differentia ignis cum reliquis Elementis exponitur. N. 12. Firmamenti & Meteororum productio. N. 13. stellarum materia. N. 14. Aridi & marium productio. N. 15. primæ terræ fertilitas, & vegetabilium productio. N. 16. stellarum productio. N. 17. de differentia primæ lucis cum stellis. N. 18. cessatio primæ lucis & successio Solis, Sphæræ igneæ seu cœli Empyreï nullâ de factò existentia. N. 19. Piscium & insectorum productio. N. 20. avium productio. N. 21. hominis productio, qui universalis productionis finis est. N. 22. terra circa centrum per præcedentes productiones & elixationes siccior redditâ subterraneis ortum præbuit. N. 23. Hypotheses quædam Physicæ pro subterraneorum Genesi.

TEXTUS.

HActenus de statu cœli & terræ actum est, quatenus ea in creatione se habuerunt, jam restat, ut exponamus, quis eorum status ante productionem fuerit? S. textus ait: *terra autem erat inanis & vacua, &c.* ex quo, eam puram nec cum aquâ vel aëre commixtam fuisse sequitur, cum enim nec dum ignis aut aliud quoddam movens adfuerit, N. I.

quod cœlum rarefaceret, necessum erat, id densissimum existisse, quasi crystallinum, aërem, aquam, & terram, eodem modo glaciei instar densa fuisse necessum est, & hæc communis densitas tenebritatis & maximi frigoris tum temporis causa fuit, impediēbatq; , ne Elementa invicem misceri potuerint. Nam cum terra propter strictissimos & densissimos poros nullum ingressum habuerit, nec aqua in eam, nec aër in aquam agere, & per consequentiam nihil misceri potuit; medium enim mixtionis rarefactio est, quam etiamnum defuisse superius diximus: statum ergo nostri cœli & Globi terr-aque-aërei in primâ creatione ante productionem, se ut ovum habuisse, nobis imaginabimur, cujus vitellus terram, albumen aquam, cuticula aërem, & putamen cœlum, ambiens verò locus seu continens ovi, Deitatem indigitat. Quod verò textus vocabulum *inane* & *vacuum* ponat, id non sumitur eo modo, quo Neotericorum aliqui id accipiunt, nempe pro vacuitate Physicâ, sed intelligi debet de productione, nempe quòd terra secundâ commixtione, quæ per subsequentem productionem facta est, & de quâ hoc capite acturi erimus, etiamnum vacua, id est, nullis corporibus specificatis plena fuerit, scilicet enim textus hoc loco terram describit, quatenus in creatione, non quatenus in productione se habuit; Jam cœli & terræ creatione explicatâ, quæ à Deo ex nihilo facta, & ex statu inexistentiæ ad essentiam deducta erat, non incongruum erit, pauca quædam de superinvenienti productione proferre, ut quasi per gradus de generalioribus ad specialiora, & ad nostrum propositum, ad subterraneorum nempe genesin deveniamus. Ante omnia

omnia verò differentia vocabulorum, *creare, fieri, N. producere* exponenda est, his enim S. textus in 4. creationis historiâ utitur nempe: *creavit, fiat, producat*. De vocabulo *creare* jam in præcedentibus dictum est, *fiat* verò à vocabulo *producat*, in eo differt, quòd hoc ad mixtionem, illud ad motum spectabat, *fiat* enim mandantis vox est, quæ ad intelligentem refertur, statuimus autem primum motum in mundo per Angelos causatum esse, ad quos vocabulum *fiat* à Deo dirigebatur. Sic cùm S. textus habet, *fiat lux, &c.* intelligendum est, lucem ab Angelis elaboratam esse, & cùm idem textus ait, *producant aquæ reptilia, &c.* id de aquâ, vel terrâ intelligendum, sicut & de germinatione, &c. quæ omnia mixtionis secundariæ ope facta sunt, cuncta ergò sive *fiunt* sive *producuntur* ex N. cœlo & terra, cœlo quidem tanquam causâ movente, terrâ verò, sub quâ aquam & aërem quoq; intelligimus, materiam præbente, & hæc omnia contingebant non ulteriori creatione, sed sequenti successivâ productione, quæ ut jam sequetur, mixtionis ope facta est, ad mixtionem autem hanc universalem & primigeniam motus requirebatur, motus verò non datur sine rarefactione, ergò sub- N. jectum rari & densi, quod cœlum esse diximus, ante omnia & quidem primo finito creationis, & in- 6. cipiente productionis actu, movendum erat, cum- que necdum adesset lux aut lucis effectus, nempe N. calor, qui rarefaceret, & rarefaciendo moveret, ne- 7. cessum fuit, ut cœlum aliâ extraneâ causâ movente moveretur, per motum rarefieret, atq; per rarefactionem omnium rerum mixtio contingeret, hanc ergò mundi primam causam moventem an-
 B 5 gelicæ

gelicæ virtuti adscribunt , nempe Angelo primo motori, ad quem, ut antè hac diximus, vocabulum fiat dirigebatur , neq; hæc nostra opinio Metaphysicis adversatur. Utrum verò unus vel plures Angeli motores fuerint ? non immorabimur, licet ut postea ex Hiob dictum allegabimus, ex quo fortè pluralitas Angelorum circa hoc officium occu-

N. patorum à curiosioribus defendi posset. *Primum*

8. ergò, ut ad propositum redeamus, Angeli motoris Officium erat, cœlum rarefacere (id nempe cœlum, de quo capite primò mentionem fecimus) quo rarefacto latius extendebatur, sicut & omnes atomi aëris, aquæ, & terræ extendi cœperunt, tanquam à cœlo, ut subjecto rari & densi undiquaq; penetrati; cœlo enim rarefacto necessarium erat omnia contenta ejus quoq; rarefieri, & juxta diversam gravitatem in diversam quoque situationem ferri. Ex hoc ergò progressu subsecutum fuit, quòd Elementis invicem aditus fieret, quo in se agere, seq; miscere possent, & hæc operatio est primum fundamentum universalis productionis & mixtionis: *alter effectus* hujus rarefactionis angelicæ erat, quòd ob nimiam cœli raritatem in isto loco, ubi ab Angelo movebatur, aër quoq; plus rarefieret, rarefaciendo impelleretur, ac impulsus

N. 9. ventos præberet, unde motus aëris in aquam, jam quoq; certis gradibus raram, aquæ verò ingressus in dilatatam & raram terram dabatur, ex quibus omnibus aëris cum aquâ, & aquæ cum terrâ prima mixtio & confusio sequebatur. *Tertius* hujus rarefactionis angelicæ *effectus* est, quòd eo loco, ubi ab Angelo directâ motio fiebat, rarefactio fortior esset, ita ut aquas dissiparet, globusq; terr-

N. 10. aqueus

aqueus eo loco levior redderetur, undè gravior ejusdem pars se gradatim eò convertit, hinc globi terr- aquei conversio & motus nocturnus & diurnus, de quo postea; quoniam verò particulæ terreæ, quæ simul cum aquâ elevabantur, & rarefiebant, fortissimè à primo motore agitabantur, ignem tandem concipere cœperunt, quem S. textus primam *lucem* vocat, quæ primum eo loco apparuit, quo fortissima rarefactio contingebat, nempè ubi directâ motio ab Angelo fiebat, & ubi ex consequenti forti rarefactione magna pars aquæ ac terræ elevata globum terr- aqueum directè infra lucem ea sui parte leviolem reddidit; Globus ergò terr- aqueus jam pondere suo inæqualis sensim se ad lucem convertere incœpit, ex quâ conversione prima *dies & nox* orta est, hæc enim Globi pars, quæ directè infra lucem stabat, ab eâdem illustrabatur, quæ illustratio *dies* vocatur, altera autem Globi pars è diametro prioris à luce remota, noctem patiebatur, id est, non illustrabatur à luce. In unâ ergo Globi terr- aquei parte *dies*, in altera *nox* erat, quod S. textus expressit, cùm inquit: *fiat lux, & facta est lux, & divisit lucem à tenebris, appellavitq; lucem diem, & tenebras noctem, factumq; est Vespere & manè dies unus, &c.* unaquæq; enim Globi conversio diem & noctem constituebat, licet hi primordiales dies, nostris modernis longè majores & longiores exstiterint ob tardiolem Globi conversionem, quæ propter majorem ejusdem molem contingebat, quod in eo omnia adhuc fidera & meteora materialiter nempè & ante productionem adhuc continerentur, ex quibus prædictis sequitur mixtionem aëris, aquæ, & terræ primum productionem.

ductionis gradum, lucis verò manifestationem ejusdem secundum fuisse, undè ignis à reliquis tribus Elementis differt, quod illa creata sint, ignis verò productus, & non creatum, sed productum tantum Elementum nuncupandum sit. Jam *quartus* angelicæ rarefactionis effectus sequitur, firmamenti nempè productio, consequens enim & naturale erat, per magnam istam rarefactionem, & per istum jam excitatum ingentissimum ignem, maximam quoq; molem aquarum elevari & sursum ferri, & quoniam istâ attractione, aquarumq; elevatione, ipsæ elevatae aquæ subtiliores redderentur, quòd à terreis partibus magis abstraherentur, duo necessum erat consequi, primò quòd per præfatam abstractionem subtilioris & dulcis aquæ, reliquæ Globi aquæ sæculentiores, graviore, & proindè falsæ redderentur, ipse quoq; Globus terr-aqueus magna aquæ mole liberatus minor & levior fieret, deindè, quòd aquæ in maximam altitudinem per ignem sublatae & subtiliores redditæ delabi amplius, & ad inferiores aquas redire non potuerint, ex causâ, quod aër globum terr-aqueum ambiens, & crassioribus globi effluviis refertus ipsâ nubium aquâ gravior exstiterit, quæ ejusdem densitas, cœlestes præfatas aquas delabi non permittebat, & hinc magnum illud, & continuum inter nubes & terram intervallum, quod S. textus firmamentum vocat, cùm ait, *fiat firmamentum in medio aquarum, & dividat aquas ab aquis, & fecit Deus firmamentum, divisitq; aquas, quæ erant sub firmamento, ab his, quæ erant super firmamentum, vocavitq; Deus firmamentum cœlum & factum est Vespere & manè dies secundus, &c.* Congruè S. textus perhi-

perhibet, divisisse Deum aquas ab aquis, Globus enim terr-aqueus, tùm temporis nec dum siccus erat, sed in superficie undiquaq; aquosus, licet non amplius tam multis & copiosis aquis oppleretur, ob magnam aquarum partem pro nubibus construendis abstractam; firmamenti ergò productio, separatio aquarum ab aquis fuit, nempè alicujus aquæ portionis à Globo terr-aqueo elevatio, & hæc firmamenti fabrica rursus una globi conversione, quam diem & noctem semper constituere diximus, contigit. Magna ergò aquæ copiâ, ut dictum est, in altum elevatâ, ignis in superstitem & jam minorem Globi terr-aquei circumferentiam aquosam potentius & propius agere potuit, quàm proinde facilius dividere, terram aquis denudare, atq; ità in ipsam terram operari potuit, terra autem ob raritatem, & porositatem, aquis undiq; perfusa, procul dubio valdè adhuc tenuis, lutulenta, & limosa exstitit, id est, aquæ pertina- N.
citer adhærens, quâ proinde præmissâ nubium fa- 13.
bricâ, continuo igne, jam quoq; successivè versus ignem in firmamentum attractâ, necessariò subtilis hujus terræ non pauca quantitas cum suâ aquâ elevabatur, quæ aquarum terrestrium attractio, secunda aquarum elevatio in actu productionis fuit, à nubium sublevatione in eo differens, quod nubium aqua tenuis, dulcis, & quasi spiritus aquæ, hæc verò posterior aqua atomis terreis referta fuerit, & prout primam nubium aquam subtilissimam aquarum partem esse diximus, & præ cæteris elevabilem ità hanc terram, quæ in hac secundâ aquarum elevatione quoq; in firmamentum raptâ fuit, subtilissimam vocamus quasi Spiritum & essen-

essentiam terræ, præ reliquis raribilem & ascensibilem, & hæc est illa terra, quæ cum aqua conjuncta, stellis & sideribus in firmamento ut postea docebimus, materiam & originem præbuit. Cæterum sicut per primam aquæ abstractionem Globus terræ-aqueus minor factus est, ita per hanc secundam superstitis periphericæ aquæ abstractionem denudata, varias jam terræ superficies vicissitudines passa est, necessum enim erat, & consequens, per totum istum tractum superficiei terræ, quam in conversione ejusdem, lux illustraverat, aquam cum terrâ attraxerat, atq; elevaverat, ingentem cavernam & foveam oriri, ad quam, naturali gravitate, reliquæ superficiales aquæ gradatim defluebant, unde terra in superficie aquis denudata, sicca apparuit, cavernas verò, jam aquis plenas S. textus *maria* appellat, cum pergit: *congregentur aquæ, quæ sub cælo sunt in locum unum, & appareat arida, & vocavit Deus aridam terram, congregationesq; aquarum maria, &c.* Ex quo sequitur, duplicem aquarum separationem contigisse, una, cum aqua ab aquis, altera, cum aqua à terrâ separaretur. Probabile autem est, & ex postfacto ab experientiâ liquet, aquas, quæ se in ductum cavernosum receperant, & quæ *maria* vocantur, stellaribus aquis, de quarum elevatione ante hac diximus, longè crassiores & saliores fuisse, magnam tamen adhuc harmoniam cum stellarum & siderum proprietate habere. Sed ad terram redeamus, quæ licet jam ob aquarum defluxum atq; in cavernas receptum, ficcior ex hac secundâ abstractione, quàm ex prima fuerit, valdè tamen humidam & lutosam exstitisse, probabile est, utpote tantâ aquæ mole tam diu ob-

fessa

fessa ac penetrata, sed ob eandem causam nullum N.
 dubium est, eam fertilissimam exstitisse, hinc lucis 15.
 calore multum adjuta, levi negotio & brevi tem-
 pore varii generis vegetabilia proferre potuit, sub-
 stantiam nempe humidam applicando & coagu-
 lando, quâ magnâ ex parte in vegetabilia mutata,
 reliquæ terræ major siccitas, abstracto quasi suo
 humido radicali, sequebatur, & ita terræ, maris
 & vegetabilium productio rursus una globi, &
 quidem tertiâ conversione facta est, sic enim S.
 textus habet: *germinet terra herbam virentem, & fa-*
cientem semen, &c. & factum est Vespere & mane dies N.
tertius, &c. Cæterum ex antedictis patet, terram 16.
 ex primâ creatione diversi generis exstitisse, seq;
 in primo productionis actu cum aquâ miscuisse,
 cum quâ post primam nubium elevationem in fir-
 mamentum attracta, stellis, ut antehac diximus,
 subjectum & materiam præbuit, subtilior enim
 terræ pars & volatilior, cum aquis in firmamentum
 elevata crassio rem aërem reddidit, humidior em
 nempe & terrestriorem, cum verò lucis seu ignis
 primordialis vis indefinenter in firmamentum age-
 ret, atq; humiditatem ejusdem nonnihil sicca-
 ret, necessum erat, ut partes terrestriores nonnullâ
 tamen aquæ portione adhuc permixtæ densaren-
 tur, & quasi grumescerent, seq; proportionem re-
 spectivâ ad centrum suæ gravitatis globosè con-
 stringerent, & coagularent, unde sidera & stellæ
 sunt ortæ, consequens autem erat, firmamentum
 seu aërem debuisse clariorem & puriorem reddi,
 quod stellares substantiæ se conglobâssent, atq;
 in certa loca recepissent, atq; ita unâ operatione,
 & firmamentum Diaphanum est factum grume-
 scienti-

scentibus quasi ejusdem inquinamentis, & ipsa inquinamenta quasi feces firmamenti eidem pro ornamentis erant, sidera enim & stellas ex singulari terrâ lucente & aquâ consistare nemo inficiabitur, qui textum accuratè examinabit in Psalmo: *Et contignas cœnacula ejus ex aquis, &c.* per Cœnacula enim sidera intelligi, communis interpretum opinio est, siderum ergo productio rursus una globi conversione peracta est, nam sic S. textus ait: *fiant luminaria in firmamento cœli, & dividant diem ac noctem, & sint in signa & tempora, & dies, & annos, ut luceant in firmamento cœli, & illuminent terram, &c. & factum est Vespere & manè dies quartus, &c.* Ex quibus manifestè liquet, in eum finem sidera creata esse, ut luceant, ut diem & noctem distinguant, quæ hætenus omnes primæ productæ lucis effectus & officia fuerunt, terram nempe convertere, illuminare, & conversionibus globi diem ac noctem facere, immani enim & vastissimæ aquarum moli elevandæ partim in nubes, partim in sidera & ventos convertendæ maxima rarefactio, & ad eam procurandam potentissimus ignis requirebatur, quem S. textus in creationis historiâ lucem vocat; terrâ autem jam siccata, nubibus elevatis, sideribus & meteoris productis, vegetabilibus quoq; perfectis, tantâ ignis quantitate non amplius opus erat, unde stellis, imprimis sole jam producto, Angelum motorem à rarefactione destituisse, ac proinde lucem illam primordiale cessasse, rationale est, & consequens. In cessantis ergo lucis locum, vices, & officium Sol successit, rarefactione suâ priori luce longè moderatior & debilior, ad reliqua tamen, quæ producenda supererant, animalia nempe,

nempè, & varia insecta proferenda, & vegetabilia jam progenita conservanda, & vegetanda, sufficiens, & primordiali isto vehementissimo igne adhuc & similia naturæ munia absolvenda, longè commodior erat. Producto ergò sole, primus motor, atq; ita prima lux cessavit, recensq; jam nata natura se ipsam perficere incepit, solis nempè ope & auxilio. Ex his & similibus, facile colligere poterimus, illos nobis non entia obtrudere, qui existentiam præfatæ primordialis lucis, in nescio quâ Sphærâ seu cœlo Empyreo sine ullâ causâ aut consequentiâ nobis etiamnùm obijciunt; possemus etiam hoc loco de stellarum in primis Solis materiâ incombustibili, nempè de stellaris terræ Diaphaneitate, & perpetuitate, nec non de ejusdem analogiâ cum quodam terræ genere, etiamnùm in nostro globo terrestri existente, proponere, & ventilare, sed quoniam brevitati studemus, nec hæc, quæ hætenus de productione scripsimus, in alium finem, quam ad demonstrandam subterraneorum originem pertractemus, meritò ad finem nostri scopi & proindè ad diem quintum properabimus, qui è regione quarti est. Quemadmodum enim in quarto die terrestris aqua, quæ ex cavernis globi terræ aquei in altum sublevata fuit, postmodum in sidera coit, relicto reliquo aëre puriore, prout jam diximus; ita illa aqua, quæ in locum antecedentis in cavernas successit, & maria constituit, quinta globi conversione coaluit, sequè ipsam præcipitavit. Cùm verò hæc aqua antea & quidem diu supra terram steterit, non modo ob admixtam terram lutosa, lenta, & crassior, sed & propter abstractionem purioris materiæ pro nubibus, stellis, & meteoris, fæculentior facta est, quæ fæculen-

culentiæ, postquam (quemadmodum illæ in firmamento, unde stellas processisse diximus) præcipitatae essent, valde humidæ & lutulentæ naturæ erant, quæ proindè facili putrescerent, & putrescendo varias novas species præberent, unde varia aquatilia pro fœculentiæ nempe diversitate producta sunt, ut pisces & cete grandia, &c. ex hac ergo fœculentiarum depositione duo consequebantur, primo, quod depositis fœculentiis aqua marina purior redderetur & limpidior, prout firmamentum clarius est factum ex stellarum coitione, deinde ipsæ fœculentiæ aquatilibus originem præberent, dum ergo hæc in mari contingunt, variæ interim species animantium ex terræ superficie prodire, humida enim adhuc erat, & per levem calorem ac exinde provenientem putredinem, ex sub-

N. tilioribus terræ vaporibus, facili negotio omnis
20. generis insecta generari poterant, quibus, ut productis humidioribus, terra rursus ficcior reddita varii generis aves protulit, quarum proindè caro cæteris ficcior æstimatur, hæc omnia S. textus confirmat, cum ait : *producant aqua reptile viventis anima, & volatile super terram sub firmamento cæli, creavitq; Deus cete grandia, &c. & factum est Vespere & manè dies quintus, &c.* Nubibus ergo productis, sideribus

conglobatis, atq; ita firmamento puriore reddito, vegetabilibus reptilibus, & avibus productis, atq; ita terrâ superfluitatibus purgatâ atq; ad temperamentum redactâ, piscibus quoq; productis, atq; ita

N. mari limpidiore reddito, omnia statum naturalem
21. incipere habebant. Hinc sexto die ex temperatione terrâ animalibus reliquis ex terrâ productis, quadrupedibus nempe, nobilis ille bipes homo plas-

mari

mari cœpit, quo perfecto totum productionis opus complementum & finem suum nactum est, de quo hæc loci non nisi quantum ad nostrum scopum pertinet, differere volumus. Ex omnibus enim his, quæ hætenus diximus, nihil aliud pro scopo nostro inferre placet, quàm quòd ejusmodi abstractionibus, elixationibus, separationibus, & solutionibus reliqua N. Globi terr-aquei pars siccior, & crassior, ac fœculentior sit reddita, ex quâ siccissimâ, crassissimâ 22. & fœculentissimâ Globi terr-aquei, circa interiora, parte (superficies enim terræ & subtilior, & humidior est ob attractionem humiditatis à centro ejusdem ad circumferentiam, ut Sectione sequenti docebimus) subterranea constare in sequentibus defendemus, prout enim in firmamento partes crassiore in sidera coisse reliqua firmamenti parte puriore existente & sicut fœculentias maris aquatilibus materiam reliquo mari limpidiore reddito præbuisse diximus, ita hoc loco fœculentiorem, & crassio-rem terræ partem, in gummata, succos minerales, montes, lapides, saxa & metalla coisse, & quasi congruuisse, reliquâ interim terrâ subtiliore & tractabiliore redditâ asserimus, assertorum nostrorum cum bono Deo, in sequentibus hujus libri sectionibus sufficientem, ut speramus, rationem reddemus. Nunc ex prædictis tria Physica axiomata N. pro scopo nostro eruemus. *Primum erit, quòd aqua 23. marina prima productionis mixtione salsedinem suam acceperit. Secundo quòd salsedo maris terra sit, prima commixtione aquis permixta. Tertiò, quòd aqua salina marina, totum Globum terreum conservet, & perpetuò vegetet, prout hæc omnia Sectione sequenti sufficienter demonstrabimus.*

Sectionis primæ Caput Quartum
De Generali Corporum differentiâ, quam ex primâ omnium rerum productione, & commixtione nacta sunt.

SYNOPSIS.

N. 1. *Prima rerum principia elementalia, aër, aqua, & terra sunt.* N. 2. *aër quomodo mixta ingrediat.* N. 3. *tres universales mixtiones.* N. 4. *Mixta, quæ ex aquâ & terrâ constant.* N. 5. *Mixta, quæ ex aquâ & aquâ constant.* N. 6. *Mixta, quæ ex terrâ & terrâ constant.* N. 7. *differentia inter metalla & lapides.* N. 8. *cur S. Textus in creationis historia nullum subterraneorum inprimis metallorum, & lapidum mentionem faciat.*

TEXTUS.

N. I. **F**initâ productionis universalis historiâ ordo expostulat, ut nonnulla de productorum corporum differentiâ, ac generali distinctione differamus, ut in sequentibus in tantâ eorum multitudine non confundamur, sed præmissâ ordinatâ dispositione à generalioribus ad generalia, à specialioribus ad specialia, nempe à genere ad speciem subterraneorumq; propriam Genesin locum & speciem inter reliqua mixta deveniamus. Etsi autem quàm plurima corpora sint, quæ externo intuitu, & respectu prorsus inter se differentia existunt, tamen omnium eorum origo, fons & principium in terrâ

terrâ & aquâ fundatur, ex his enim tanquam totius universi principiis, omnia corpora constare, & producta esse in præcedentibus ad longum demonstravimus, ex quibus cõret, terram omnium rerum basin esse, & aquæ permixtam, diversa corpora produxisse, etsi quoq; non negandum sit, aërem in mixtis reperiri, cum, tamen potius mixta, N. tanquam instrumentum ingredi, certissimum est. 2. Quemadmodum enim aqua proximum vehiculum est, pro terræ subactione & mixtione, ita aër proximum instrumentum est, mediante quo aqua moveri & ad motum ac commixtionem impelli potest; ita gradatim à subtilioribus ad crassiora motus fit, & commixtio, cœlum enim in aërem, aër in aquam, aqua in terram agit, prout ex antecedentibus in productionis historia sufficienter notum est. Sola ergo terra & aqua miscibilia, omniumq; miscibilium principia sunt, aër verò, cœlum & ignis miscentia, seu mixtionum causæ existunt, quæ pro diversitate mixtionis, diversa etiam mixta producunt, quorum primum genus est, commixtio aquæ cum terrâ, universalis nempe illa, quæ in primordio primæ productionis omnium rerum contigit, N. 3. cujus etiamnum speciem & similitudinem ex parte in aquâ falsâ marinâ cernimus; deinde omnis quoque commixtio duplex est, superficialis nempe, cum aqua terræ permiscetur, non ut miscibilis, sed ut instrumentum mixtionis, quæ proinde rursus sine mixti extirpatione ab eodem separari potest, ut in farinâ videmus, & limo pro lateribus coctilibus, utrumq; nempe subiectum, per aquam in pastam redigitur, ut misceri queat, partesq; terreæ sibi cohæreant, quâ factâ coagulatione, caloris ope

aqua rursus evaporat, mixtumq; relinquit. Centralis verò mixtio est, cum aqua ita terræ permiscetur, ut sine totali mixti extirpatione ab eadem separari nequeat, ut, cum en cucumeris, pomi, aliorumq; mixtorum compositionem ingreditur, non enim nisi cum mixti deturbatione à composito separari poterit, varii tamen gradus in hac cohaesione dantur, in quibusdam enim mixtis pertiniaciùs terra aquæ cohæret, quàm in aliis, & hoc quidem ex axiomatibus contingit, quæ Sectione quartâ cap. 3. in sequentibus proponemus, deinde etiam tria mixtorum genera in communi extant, pro universali trinâ commixtione, quæ in primâ productione contigit, ibi enim, ut ex præcedentibus patet, tres mixtiones factæ sunt, ex quibus tria

N. mixtorum genera prodire: Primum mixtorum

4. genus est, cum aqua terræ permiscebatur, & ex hoc mixto tanquam potiori non modo fidera, sed & animalia, vegetabilia & magna pars mineralium, illa nempe, quorum compositionem aqua ingreditur, ut sunt gummata, succi concreti, constant.

N. secunda commixtio est, ubi aqua aquæ permiscebatur, etsi enim aqua genericè sub uno nomine comprehendatur, prorsus tamen non dubitandum est, dari varias aquæ species, quæ sive naturâ suâ, sive multitudine vel paucitate admixtæ terræ differant, parùm nos morantur, modo aquarum diversitatem causent, diversis ergò aquis permixtis, diversa quoq; mixta aquea prodire necessum est, prout in nive, pruinâ, rore, grandine & glacie, aliisq; meteoris conspicimus, quæ licet producta aquea sint, diversæ tamen naturæ cum aliâ aquâ esse, nemo non videt, quod etiam elegantj experimento mathe-

mathematico demonstrare possemus, si non po-
 tiorem rationem subterraneorum, quàm meteoror-
 um hoc loco haberemus, ubi brevitati studentes,
 licet omnes ambages evitemus, vix tamen evince-
 re poterimus, quin non apud quosdam prolixitatis
 nomine accusetur. Tertium mixtorum genus^{N.}
 ex terrâ constat, cum nempe terra cum terrâ misce-^{6.}
 tur, etsi enim terra sub uno nomine generico Ele-
 mentum vocetur, lippis tamen & tonsoribus, ut
 dici solet, notum est, varias terrarum species dari,
 quæ commixtæ, nova composita producant, quæ
 terrea vocanda erant, quod in eorum compositio-
 nem nihil nisi terra ingrediatur, ad hanc ergo mix-
 torum classem metalla & lapides numerantur, ex
 terrâ enim constare certissimum est, ut Sect. tertiâ
 ad longum probabimus. Sicut autem in præfatis
 tribus mixtorum classibus variæ mixtorum spe-
 cies & subdivisiones dantur, ita inter mixta
 terrea magna rursus differentia est, nos, quoniam
 hoc loco generalia tantum recensebimus, specia-
 lia in sequentibus sectionibus pertractaturi, nullius
 ergo nisi istius distinctionis mentionem faciemus,
 quæ inter lapides & metalla est, utraq; enim com-^{N.}
 posita terrea sunt, utraq; tres terras, ut Sectione^{7.}
 tertiâ probabimus, pro principiis continent, utra-
 que duas communes habent, sed in tertiâ, quæ me-
 talleitatem & malleabilitatem dat, differunt, un-
 de metalla malleabilia, lapides friabiles sunt pro-
 ut hæc omnia Sectione tertiâ vix non ad nauseam
 & sufficientiam evincemus. Speciales verò diffe-
 rentias metallorum & lapidum benevolus lector
 in hujus libri sectione sextâ inveniet, hoc loco tan-
 tum libuit ex primis productionis fontibus genera-

lem mixtorum differentiam eruere, ut specialis subterraneorum correlatio cum reliquis eo evidentius ob oculos veniat, quam si accuratius consideremus, deprehendemus metallorum & lapidum classem è diametro meteororum stare, prout enim illa ex aquâ & aquâ constant, ita lapides & metalla ex terrâ & terrâ constant, utraque simplicius mixta, & in mixtione suâ magis homogenea, quàm prima mixtorum classis, quæ ex aquâ & terrâ constat, & animalia ac vegetabilia, nec non succorum mineralium partem involvit, ob hanc subterraneorum relationem cum meteoris, nonnullos extitisse arbitror, qui occasionem indè arripuerint, non modò subterraneis magnam harmoniam cum meteoris, sed & meteoris, inprimis planetis influentiam, imò causam productivam affingendi, sed certè quidquid id est, ego utriusque mixti meteororum nempè & subterraneorum harmoniam & affinitatem in nullâ re pono, quàm nudâ quâdam correlatione, quod nempè, sicut, quæ aquea mixta sunt, meteora vocantur, ita quæ terrea mixta existunt, meteora terrestria dici queant, solo cum priorib9, nomine duntaxat, affinia, & hanc propriam quoque causam esse existimo, cur Physici quidam doctrinam de subterraneis semper sub titulo meteororum pertractarint. Nunc pro conclusione reliquum est, ut consideremus, cur S. textus in productionis historiâ

N. 8. *lam subterraneorum mentionem faciat*, sed non mirabimur, si consideremus, S. Scripturam de istis productis tantum verba facere, quæ motum Physicum habent, atque ex partibus dissimilaribus constant, horum enim productio ob diversitatem, officia, & functiones partium, mirabilior est, quorum

rum proinde S. textus mentionem facere voluit, ut nempè exindè Creatoris & productoris omnipotentiam cerneremus, etsi enim, ut postea demonstrabimus, subterranea quoque indies crescant, & generentur, reactionesque patiantur, variosque motus Physicos, magna tamen disparitas in eorum & reliquorum corporum genesi est, cùm, ut dictum, subterraneorum compago simplicius mixta, magisq; homogenea sit, undè in S. Scripturâ sub uno & generali nomine terræ complectitur, *S. enim textus productorum potius ex terrâ, quam ipsius terra rationem habuisse videtur*, cùm productorum longam mentionem faciat, terræ verò creationem paucis tantum verbis complectatur, nempè *In principio creavit Deus cælum & terram*, in textu verò ad longum, productionis omnium rerum ex terrâ mentio fit, quâ nempè ratione, variis modis aquis permixta, rursus ab eisdem liberata, elixata, atque ex parte arida facta fuerit, aridam ergò Deus terram vocavit, ex quâ varia animalia & vegetabilia producta sunt, quod deindè de terrâ reliquum mansit, id tanquam siccissimum & grossissimum, tacito nomine subterraneis tribuitur, quæ S. Scriptura non rarò terram vocat, sic enim Esdra ait, *terram multum materia pro fingendis vasis fictilibus, paucum autem pulverem dare, unde aurum fit*, ex quibus omnibus concludimus, subterraneorum materiam & principium, grossissimam terram esse, quæ subtilissimæ stellarum terræ opponitur, nec minus variat, quam sidera & planetæ, in claritate & fulgore differunt.

Libri primi Sectio Secunda

De Globi terr-aquei statu & motu Physico, post productionem universalem, in ordine ad subterraneorum genesin, ubi de admirandâ Globi terr-aquei fabricâ, nec non de motu aquæ & terræ super- & subterraneo in specie agitur.

Caput primum.

Præliminaria de motu aquæ super- & subterraneo continet.

SYNOPSIS.

N. 1. *Quid per motum principiorum subterraneorum intelligatur.* N. 2. *Motus aquæ & terræ, quomodo consideretur.* N. 3. *qualiter aqua ad subterraneorum Genesin concurrat.* N. 4. *Productio aquarum mineralium non tantummodo fit per elixationem.* N. 5. *de aquis mineralibus supra horizontem aquæ.* N. 6. *P. Schotti conclusum circa fontium originem in dubium vocatur.* N. 7. *Helmontij opinio circa fontium originem.* N. 8. *Distinctio inter aquas superterraneas & subterraneas, harumque circulatio & communicatio.* N. 9. *In quo Authoris opinio à reliquis differat.*

TEXTUS.

N. I. **P**Ræcedenti Sectione de Universali omnium rerum ortu creatione, & productione egimus, tanquam de rerum principiis & causis remotissimis, nunc

nunc ordo vocat, ut abstrahentes ab aliis ad specia-
liorem subterraneorum Genesin properemus, in-
primis ut doceamus, quomodo principia subterra-
neorum, quæ ex terrâ constare diximus, concur-
rant, atq; moveantur, in eum finem & ordinem, ut
compositum & mixtum minerale constituent, &
quoniam in præcedentibus dictum est, aquam omnis
mixtionis causam esse & vehiculum, etiam illorum
corporum, quorum compositionem, non nisi su-
perficialiter ingreditur, deindè quod multa decom-
posita subterranea sint, quæ ex terrâ & aquâ con-
stant, quorum mixtionem aqua nonnihil intimius
constituit, non ingratum lectori & inutile erit, si hâc
sectione pauca quædam de motu aquæ præmiserò,
quatenus nempe mixtioni & Genesi subterraneo-
rum inservit, seu quatenus instrumentum & vehi-
culum mixtionis subterraneæ est, nam de terrâ mi-
nerali tanquam subjecto subterraneorum misci-
bili in sequenti tertiâ Sectione ad sufficientiam age-
mus, hoc verò loco, de aquâ ut causâ miscente &
movente sermo erit. Intelligimus autem per motum ^{N.}
Physicum, potentiam principiorum intrinsecam ^{2.}
Physicam, quâ natura versus finem suum semper in-
tendit agere, quæ actio in mixtione consistit, de quâ
Sectione quartâ in specie acturi erimus, hoc verò
loco principiorum tantum motum considerabimus,
quo ad mixtionem tendunt, ab universali autem ad
particulare, nempe de materiâ remotâ ad propin-
quam progrediemur, quare hoc loco motum aquæ
& terræ considerabimus, primò, prout univer-
saliter tanquam principium subterraneorum re-
motissimum, deindè prout particulariter tanquam
principium principiatum, seu materia ad subter-
raneo-

raneorum genesin , nempe in tres illas terras , de
 quibus in sequenti sectione agemus, disposita, existi-
 tit, movetur, & agit. Ut autem à demonstratione
 evidentiori exordium capiamus , communia pri-
 mum considerabimus , quæ circa mixtionem aquæ
 & terræ mineralis occurrunt, manifestum enim est,
 aquam communem, Vitrioli, Aluminis, Boracis ,
 N. Nitri , Salis , aliorumq; succorum subterraneorum
 3. mixta ingredi, & experientia indies confirmat, in
 acidulis & thermis, id contingere , cum enim aqua
 suapte naturâ non talis sit , sequitur eandem mine-
 ralibus terris imbui & tingi, nempe cum per venas
 minerarum currit, infici, de quâ mixtione jam præ-
 liminariter agemus, deindè specialiora proferemus,
 quomodo nempe terræ minerales mediante aquâ in
 ordine ad subterraneorum genesin producantur ,
 & moveantur. Quantum ergò acidulas & ther-
 mas, tinctas nempe aquas communes mineralibus
 terris, attinet, harum mixtionem & imbutio-
 nem jam paucis antè dedimus, aquam nempe commu-
 nem per venas minerales currere , & in cursu suo
 non nihil de terris mineralibus solvere , & hæc qui-
 dem opinio communis est , & irrefragabilis vide-
 tur, sed reverà si accuratius examinetur, multum
 N. dubietatis habet, copiosissimè enim aliquas acidu-
 4. las à multis seculis fluxisse scimus, quarum conten-
 ta terrea, si inspissata in uno loco simul forent, va-
 stissimos montes mole suâ æquare crederem , neq;
 ullus subterraneus ductus adeò capax esset , aut
 tam dives vena , quæ non temporis tractu elixaretur,
 cum in salinis ingentissima spatia unâ aquæ dul-
 cis immissione prorsus elixari cernamus , adeò ut
 secundâ aquæ immissione ea insipida maneat , cum
 econtra acidulas & thermas à tot seculis fluxisse , &

conten-

contentis suis quoad mineralitatem semper æquales fuisse, probæ salinarum de anno ad annum testantur, & manifestum est. Duæ ergò difficultates circa resolutionem hujus quæstionis proponuntur, Primo, unde tanta thermarum, & acidularum copia & perpetuitas proveniat? Deindè, undè tanta contentorum, nempè succorum & terrarum mineralium quantitas, quibus aquæ infectæ sunt, oriatur? Primam ergò difficultatem quod attinet, N. undè nempè tanta aquæ subterraneæ copia prove-
 niat? facile ea resolvi posset, si thermæ & acidulæ semper infra Horizontem propinqui fluvij seu maris aut stagni essent, exindè enim naturali propensione & declinatione aqua eò properaret, sed cum acidulas & thermas in altissimis sæpè montium cacuminibus inveniamus, meritò earum originem longè super Horizontem locare, & ad alias rationes confugere cogimur, & quidem ad eas, quæ in communi de scaturiginibus ventilari solent, etsi, ut ingenuè fatear, nulla earum mihi satisfaciat, quarum N. R. P. Schottus in tractatu speciali de fontium origi-
 ne mentionem facit, collegit autem omnium ferè authorum opiniones circa hanc materiam, tandem concludit, omnium fontium Originem mari tribuendam esse, quod terrâ longè altius esse existimat, verùm ista petitio longa nimis est & dissita, quanta enim distantia requiritur, ut superficies altitudinis maris altissimarum scaturiginum Horizonti correspondeat? Deindè quanta sæpè intervalla & distantia? Cum videamus in ipso mari insulas, in insulis montes, in montium supremis cacuminibus scaturigines dari, quæ cum fluxu & refluxu vicini maris quoad incrementum, & decrementum accurate

curatè conveniunt, quod & animadvertimus in Rhēni tractu, ubi ad minimum centum pedum altitudine, supra vicini Rhēni Horizontem, copiosas scaturigines observavimus, quæ accuratè cum incremento & decremento Rhēni vicissitudines patiuntur, ex quo manifestum est, ejusmodi scaturigines à Rhēno procedere, & cum ejus rei observationem caperemus, Moguntiæ in S. Michaëlis monte, sequeretur, cum ascensus scaturiginis istius montis ex inferioris Rhēni Horizonte procedat, scaturiginem præfatam, juxta P. Schotti opinionem in eâ Rhēni parte originem suam capere debere, quæ quoad Horizontis altitudinem superficiei præfati montis conveniret, & æquilibraret, quod multis milliariis ad minimum quinquaginta, à Moguntia contingere deberet, vix enim credo, propter tardum Rhēni fluxum duo millia secundo flumine ultra unum pedem proclivia esse, quod si juxta P. Schotti opinionem, origo hujus scaturiginis oceano tribuenda sit, ultra mille profectò millia procedendum erit, donec ad maris, & hujus montis æquilibrem lineam Horizontalem deveniatur, ex Hollandico enim mari processûs hujus initium peti non poterit, cum inferius sit Rhēno, eò quòd Rhēnus naturali gravitate tanquam ad locum declivorem illuc feratur, deindè dato, sed non concesso, originem hujus scaturiginis, seu omnium scaturiginum ex mari procedere, & quidem ad tantam distantiam prout jam exemplum dedimus, ità ut maris Horizontem cum scaturiginis Horizonte, atq; ità principium & finis scaturiginis æquilibrarent, nullam tamen viam video, aut evidentem ductum subterraneum,

neum, mediante quo aqua marina à principio ad finem, nempè ex mari ad scaturiginem deducatur, non enim sola & nuda quædam imaginaria via nobis proponenda est, sed potius ad praxin recurrendum, atq; natura in ductibus suis practicè consideranda, nam prout in communibus aquarum ductibus per canales seu tubos plumbeos animadvertimus, magna eorum soliditas & accurata connexio ac integritas requiritur, si vel ad minimam altitudinem aut distantiam aliqua aquæ quantitas in illis contineri, & ab uno loco ad alterum duci debeat, & licet hydraulicorum summâ industriâ ejusmodi canales solidentur, non rarò tamen periculum est, quin rumpantur, minima quoq; & vix sensibilia foramina aperiuntur, & sese produnt, si nempè plumbum, cum pro canalibus funditur, nimio calore nonnihil porosum existat, prout inter quàm plurima alia, exemplum in arce Herbipolensi habemus, ubi ex Mœno, mediante communi machinâ pressoriâ, per molendinum, aqua per tubos plumbeos ad arcem pro 800. pedum distantia in linea hypotenusâ protruditur, tantâ potentiâ & vi, ut licet aqua in tubo, in diametro vix duas uncias aut pollices contineat, atq; ita totus tubus paucos tantum centenarios aquæ contineat, non rarò tamen rumpatur, ex quo colligi potest, quid eventurum foret, si aqua pedis diametro ita elevari deberet, prout id indies in multis scaturiginibus contingere videmus, & ne quis existimet, hanc ingentem vim præfatæ machinæ, ex vi pressoria linearum procedere, cui fortè ab imperitis adscribi posset, aliud Exemplum proferam, ubi nulla vis pressoria accedit, sed aqua tantum

tantum proprio æquilibrio per tubum continuum, de uno monte in alterum derivatur, nec ad tam magnam altitudinem vel distantiam aut copiam, & hoc Posonii in horto Archiepiscopi observavimus, ubi ex vicino monte aqua per tubos in hydraulica quædam opera ducitur, & quidem longè non ad illam altitudinem, quâ delabitur, nihilominus magnus labor in contignandis & conglutinandis tubis requiritur, cum aqua diligentissimè exitus quærat, magnâ vi & penetrantiâ, quid jam contingeret, si ad mille milliarium distantiam de unâ immensâ altitudine ad alteram, pro ingenti aquæ copiâ, talis tubus, summè continuus fabricari deberet? Statuo perfectò eum neque naturâ, neque arte possibilem esse, aut in praxin reduci posse, quot enim interjacent valles, montes, flumina? Imò pro scaturiginibus in insulis marium, ut in S. Helenæ insula, &c. requireretur tubus infra fundum maris ad longissimam, nempe talem maris distantiam, quæ scaturiginis Horizonti æquilibraret, quod in mari ad mille milliaria se extendet, quam stupendam tubi longitudinem & accuratissimam soliditatem si confidemus, prorsus de ejusdem existentiâ dubitabimus, nisi enim talis ductus subterraneus summè solidus sit, aut minimam fissuram habeat, utique contenta aqua illicò eò elaberetur, & ambienti salinæ aquæ commisceretur, ex quâ autem materiâ & subjecto benevolus lector hunc ductum subterraneum fabricatum esse existimet? Ex arenâ constare, aut ex limo impossibile est, lapideos & primâ productione tot, tantosque tubos fabricatos esse, ipsa aquæ marinæ natura reclamât, cum enim dulcis aqua ex scaturiginibus profiliat, vel talem aquam nunquam

falsam

falsam fuisse, vel falsam extitisse necessum est, & quidem posterius probabile, si scaturiginum aqua ex mari originem traxerit, quo supposito consequens est, hanc falsam aquam falsedinem suam deposuisse, aut quò deponeret sine ductuum obstructione? rejectâ scilicet saburrâ, perpetuo fluxu à tot seculis, in hodiernum usq; diem, videmus sanè, si dulcis fontana aqua & limpidissima diutius per tubos, ad hunc vel alium locum currat, eos tandem variis inquinamentis repleti, & nisi purgentur, obstrui, nec obest, si vè dicamus, ejusmodi feces vel ab aquâ vel à tubo, cujus pars per aquam resolvi, præsertim salinam, tractu temporis credibile est, provenire, modò proveniant & noceant, hoc enim est, quod inferre volumus, tubos nempe subterraneos à tot seculis ex nullâ materiâ constare potuisse, quæ non ab aquâ interiori & exteriori marina falsâ aut resolveretur, aut obstrueretur; Ex his ergò & similibus colligere poterimus, facilius tales tubos & ductus subterraneos in cerebro concipi, quàm in praxi monstrari posse, quocunq; enim se perspicax homo vertat, non inveniet ex P. Schotti opinione circa fontium originem satisfactionem, & mirum est, præmemoratum P. Schottum rei hydraulicæ, mechanicæ inprimis non usquequaq; aliàs ignarum has difficultates non præsensisse, priusquam concluderet, imò plus miror, quod ità liberè Helmontium censeat, ità, ut eum N. circa hanc materiam delirare dicat, cum tamen Helmontius fundamenta longè solidiora hujus rei afferat, & si enim, ut dici solet, gravissimam hanc quæstionem circa fontium originem, non acutè tingerit, laudandus tamen potius fuisset, quàm ità

sine sufficienti ratione delirii accusandus, quòd scopum tangere voluerit, præsertim cum in hac materiâ magis consonâ P. Schotto proferat, motum enim aquæ subterraneæ, Physico, non crasso mechanico modo, sicut P. Schottus facit, explicat, tribuendo aquæ fontanæ subterraneæ vividum quendam Spiritum, cujus ope naturâ suâ sursum tendit, quamprimùm verò extra sphæram suæ subterraneitatis venit, privari eam tali spiritu, & gravitatis naturam acquirere asserit, cujus exemplum in sanguine vivi & mortui corporis proponit, in vivo enim homine sanguis naturâ suâ sursum, in mortuo deorsum tendit, atq; ita distinguit, inter aquam vivam & mortuam, & certè aquam fontanam nonnihil calidi spiritûs habere, experientia docet, quòd hyeme non congelascit, quòd ex fontibus fumantes vapores vaporare cernamus, & quòd, quam primùm ex ipso fonte venit, ore detenta, nonnullos spiritus in caput mittere deprehendatur, an tamen naturâ suâ & propter hos spiritus, aqua fontana totâ, & tantâ quantitate in altum feratur, meritò in dubium vocatur. Nos, ne

- N. aliorum opiniones prolixius examinando, lectori
 8. benevolo molesti simus, ad nostra redeamus, nostramq; opinionem exponemus, distinguendum autem esse censemus inter aquas superterraneas & subterraneas, superterraneas voco, quæ in superficie terræ sunt, ut maria, flumina, lacus, &c. subterraneas verò appello, quæ intra terram sunt, ut scaturigines, meatus aquatici, receptacula aquarum in montibus, antris, & specubus, variaq; alia hydro-phylacia, hæc distinctione præpositâ (quam etiam metallicolæ observant, cum inter aquas superfi-

perficiales, quas *Tagwaffer* / & centrales *Grundwaffer* vocant, distinguunt) ulterius progredior, & dico, manifestum esse, omnia flumina ad maria recurrere, nempe in superficie terræ, & nusquam observari ex ullo mari in superficie terræ mininum etiam fluvium prodire, quin potius evidens est, omnia flumina à fontibus & scaturiginibus originem trahere, postea in maria decurrere, & hæc quidem omnia cum aquis superterraneis, in superficie terræ contingere. Jam demonstrandum nobis erit, quâ ratione, modo, & ordine, aquæ subterraneæ invicem permutentur, atq; moveantur, dico itaq;, motum talium aquarum subterranearum superterraneis contrarium esse, nam ut supra terram, omnia flumina ex fontibus ad maria tendunt, ita intra terram, aquæ marinæ sursum ad fontes properant, tali consequentiâ: *ut intra terram mare sit origo fontium, & supra terram fontes constituent originem marium.* Sed objicies, N. in quo differs à reliquorum sententiâ, qui idem 9. statuunt, mare principium & finem omnium fluminum & scaturiginum vocantes, juxta illud Ecclesiast. cap. 1. vers. 7. *Omnia flumina intrant in mare, & mare non redundat, ad locum, unde exeunt flumina, revertuntur, ut iterum fluant, &c.* Ad quæ respondeo, me non differre circa finem & originem fontium, quod ex mari procedant, rursusq; in id recurrant, sed circa modum & motum perpetuæ hujus circulationis & commutationis aliter sentire, nam quod illi de ductibus, & tubis subterraneis fabulantur, nec non de altitudine maris super terram, unde fontium originem juxta communes leges hydrostaticas defendunt, prorsus

à nostrâ opinione alienum est, peritiores fumus in
 Physicis, naturæq; solventis aquæ & continuò sub-
 jecta, quæ ambit, lambentis, gnari, quàm cum P.
 Schotto in libro suo de fontium anatomîâ lib. 4.
 pag. 242. ductus subterraneos, aut nobis imagine-
 mur, aut imaginatos ex incongrua materia fabrice-
 mur, aut fabricatos non sine temeritatis nota geo-
 metricè dimetiri, & lectori ob oculos ponere, qua-
 si manibus tractassemus, audeamus. Sic enim ille
 novus fontium Argos, quem oculatissimum jura-
 res, loco citato ex ore Ariæ Montani loquitur: *Per
 media terræ viscera, certos canales venarum instar Deus
 deduxit, vel lapide, vel cretâ, vel alio bitumine munitos,
 interdum ampliores, angustiores alios, & aliquando
 spongia instar habentes, aut per tophum, aut per are-
 nam immissum humorem nunc excolaturos, nunc copiosè
 exceptum contenturos, atq; continuatis viis proîmanare
 permissuros. Horum canalium initia abyssò adnectun-
 tur, postremi fines ad superficiem usq; terra pertingunt.
 Prima capita laxiora sunt, qua susceptus liquor abundè
 subire possit, postremi verò fines plerumque angustiores, in-
 termedia partes varia, jam laxa, jam angusta pro natu-
 râ, & opportunitate glebæ, saxi, arenæ, argillæ, vel tophi,
 atque spiritû Elohîm, aquarum facies perpetuò movente,
 & agitante, liquor in canales vicinos succedit, canales ve-
 rò semel subiens retrorsum verti aut refluere non valet,
 tum propter abyssi ambientis magnam molem, tum pro-
 pter succedentis retrò liquoris, & à Spiritu Elohîm, aut
 aliàs à vento repulsi vim, cui ut cedat, per continentes ca-
 nales proruit, sive illos decliviores, sive paulatim sese at-
 tollentes nanciscatur, donec aut in editiore montium jugo,
 aut in depressiore convalle & campo januam, quâ erump-
 pat, invenerit, &c. hac & similia ex Aria Montano.*

P. Schot-

P. Schottus loco memorato citat, quem doctè simul & eleganter philosophatum esse asserit. Nos verò exuto omni affectu & respectu, potius huic Philosophiæ delirii titulum quàm Helmontii opinioni tribuendum esse censemus, quidquid enim in toto suo tractatu P. Schottus de fontium origine ventilet, distinguat & dubitet, utrùm nempe mare altius sit terrâ, & utrùm fontes ex maribus procedant, non moramur, nam quæstio nostra dummodo est de communissimâ fontium origine, quàm mari quoq; tribuimus, per canales autem & tubos subterraneos, prout P. Schott defendit, maria in scaturigines ferri, prorsus negamus, cum nostra opinio sit, aquam marinam per transcolationis modum, centrum terræ petere, ibi in vaporem resolvi, vaporem à centro ad circumferentiam tendere, ibi deniq; in aquam densari, prout P. Schott cit. opusc. lib. 5. pag. 344. assert. 5. quoq; nobiscum consentit, nos tamen isto loco cum illo differimus, quòd ipse hunc motum tantùm pro particulari quorundam fontium origine statuatur, nos verò eundem pro communissimo & universali modo omnium scaturiginum perpetuarum constituamus, specialiusq; juxta nostram experientiam exponemus, ne verò lector existimet, nostram opinionem à præfato P. Schotto mutuata esse, pro conclusione hujus capitis pauca ista, quæ sæpè citatus P. Schott: loco præmemorato de hâc materiâ habet, adjicere, atq; ità hoc caput concludere volumus. *Aqua marina, inquit, ascendit ad aliquorum fontium scaturigines evaporatione, & quasi destillatione, quod probatur, quia è mari in subterranea receptacula transcolata, idem à subiectis aut circumjectis ignibus subterraneis*

calefiunt, calefactæ resolvuntur in vapores, hi ascendunt in album, & cavernarum fornicibus adhærescunt, ibique vi frigoris extrinseci addensantur in aquam, & guttatim destillant, inventoq; exitu in fontes formantur. Hactenus P. Schottus, ubi duo nobis placent, *primò* quòd statuatur, aquam marinam ad subterranea receptacula se colligere, ibidemq; transcolari, *deindè* in vaporem redigi, sursum ferri, & in aquam resolvi. Sed duo quoq; nobis displicent, *primò*, quòd statuatur aquam subterraneam per calorem, seu, ut ille vocat, ignes subterraneos rarefieri, & in vaporem redigi, nam certum est, ut alibi demonstrabimus, in profunditate terræ nullum ardentem ignem dari, & hoc quidem ob superincumbentem aërem, quo omnis ignis extinguitur, ut in profundioribus minis & vasis urinatoriis videmus, quæ, etsi per canales sufficientem aërem habeant, tamen cùm in profundius mittuntur, illico omnis flamma extinguitur, ex quibus sicut & aliis experimentis facile Pyrrhophylaciorum subterraneorum circa profunditatem & centrum terræ non entitas demonstratur, non negamus tamen circa superficiem terræ sulphureos subterraneos halitus incendi, & in flammam redigi, sed hoc repugnat præfatæ P. Schotti assertioni, ubi ignis aquam calefaciens in profundissimis terræ receptaculis latere deberet, ut nempè vaporem aqueum ad extremitatem pelleret, non autem posset id facere, si ipse jam in extremitate & superficie terræ esset, nec aqua ad extremitatem pelli diceretur, quæ jam in extremitate lateret, *deindè* nobis displicet ex eodem fundamento, quod calefactas aquas cavernarum fornicibus adhærere, ibidem in aquam densari, guttatim destillare, & in
scatu-

scaturigines formari dicat, ex hoc enim sequeretur, cavernarum fornices scaturiginibus semper altiores esse debere, ut ex illis in scaturigines delabiqueant, quod quàm absurdum sit, nemo non videt, ipsaq; autopsia contrarium clamat, cum scaturiginum Horizon omnibus interdum circumjacentibus montibus & collibus altior sit, in his ergò & similibus etiam in hâc P. Schotti assertione, alieni sumus.

Sectionis secundæ Caput secundum De Centro terræ, ejus conditione & statu, nec non de motu aquæ marinæ ad centrum terræ.

SYNOPSIS.

- N. 1. *Gravitas aquæ, quâ aqua centrum versus premit, experimento Mathematico probatur.* N. 2. *Aqua firmamentum convexum centri terræ penetrat, ubi de constitutione & natura centri terræ.* N. 3. *de abyssu maris & voraginibus.* N. 4. *centrum terræ convexum spatium est.* N. 5. *cur quidam infernum in centrum terræ collocent?* N. 6. *Centrum terræ ex primâ creatione originem traxit.* N. 7. *sicut aquæ fontane gravitate Mathematica in maria decurrunt, ita aquæ marinæ centrales gravitate physicâ ascendunt.* N. 8. *Centrum terræ est aquâ refertum, quæ ex mari per firmamentum convexum centri terræ eo distillat.* N. 9. *Firmamenti convexi centri terræ, natura & status.* N. 10. *diversa aquæ centralis natura cum aquis*

marinis. N. 11. de tepore & vapore in centro terræ, atque intrinseco calore. N. 12. Vapores ex naturâ suâ sursum tendunt. N. 13. de varietate terræ, quæ firmamentum convæsum centri terræ constituit. N. 14. per quas firmamenti partes centrales vapores sursum ferantur. N. 15. Confirmatio dictorum ex variis authoribus inprimis S. Scripturâ.

TEXTUS.

N. **S**ub initium hujus capitis, ne benevolus lector I. se confundat, sciendum est, nos non omnes ductus subterraneos negare, sed primò hoc in dubium vocare, quòd ejusmodi ductus per modum tuborum & canalium se habeant, deindè quòd ad tam vastam distantiam ferantur, distinguendum ergò erit, inter ductus subterraneos, qui sunt infra terram, sed non ità profundi, per quos nempè maria & flumina uniuntur, prout multis in locis id cernimus, etiam hic in Bavaria medietate circiter viæ inter Monachium & Wasserburgum, totum aliquod flumen subito per terram absorbetur, & ductu subterraneo procedit, donec post aliqua miliaria rursus in lucem prodeat, ità R. P. Kircher mare Caspium, Pontum Euxinum, mare rubrum, & Indicum per ductus subterraneos coire testatur, à nobis de ejusmodi ductibus heic loci nullus fiet sermo, properabimus namq; ad profundiores meatus, quibus scaturigines promoventur, & oriuntur, per quos meatus, non ductus aliquos intelligimus, sed saxorum fissuras, glareæq; subterraneæ poros. Nostra enim sententia est, aquam marinam ad centrum terræ tendere, ibi in vaporem redigi, vaporem undequa; expelli, tandemq; super

super superficiem terræ in aquam resolvi, hoc ergo capite de motu aquæ marinæ ad centrum terræ, sequenti verò capite, de motu aquæ ex centro terræ ad superficiem agemus, posteriorem motum gravitate Physicâ, priorem mathematicâ contingere asserimus, demonstrare ergò hoc loco incipiemus, quâ ratione aqua marina ad centrum terræ feratur, ubi de ejus gravitate ante omnia verba faciemus. Ut autem nostra demonstratio accuratius intelligatur, ante omnia considerandum erit, aquam ex naturâ suæ gravitatis directè & perpendiculariter fundum premere, juxta latera enim multo minus gravidat, prout in Hollandiâ videmus, ubi exiguis quibusdam aggeribus, totum mare detinetur, sed & mechanico experimento ob oculos dictorum veritas poni potest, sumatur enim dolium cujuscunq; magnitudinis & capacitatis, in cujus fundi medium foramen constituatur, quantum fieri potest, rotundum, pedis diametro, per quod tubus ligneus sive solidus sive cavus dirigatur, tantæ tamen longitudinis, ut aliquos pedes infra & supra dolium promineat, latitudinis verò, ut præfati foraminis latera, epistomii instar, dextrè occludat, ita tamen ut sursum & deorsum, in foramine moveri queat, nec nimium proinde arctè nec negligenter nimis præfatum foramen obstruere debet, tum superior tubi pars fune suspendatur ad extremitatem alicujus bilancis, è regione verò nempè ad alteram libræ partem pondus quoq; alligetur, præfato tubo ligneo opposito æquilibrium constituant, dolium verò cum tubo erectè locetur, & situ perpendiculari, his ergò sic instru-

Etis, dolium prorsus aquâ replebis, quo repleto, pristinum æquilibrium inter tubum, & antifarcoma prorsus non mutari videbis, quod tamen non contingere posset, si vel minimo motu, aqua laterâ tubi gravaret & premeret, hypothesis ergò mathematica est, aquam non premere, nisi corpus suprà vel infrà tangat, ex quo concludo, mare circa fundum magis quàm circa littora premere & gravare, quod evidentissimum est, deindè certum quoq;, quòd, quo magis corpora ab aquâ premuntur, hoc pluris etiam humectantur, præsertim cùm corpora per se porosa sint, porosum autem propriè dicitur, quando corpora ex minoribus corpusculis constant disunitis, prout in arenâ aliisq; subtilissimis pulveribus cernimus, qui ob hunc finem in arte Chymicâ in subtilissimum pulverem & Alcohol rediguntur, ut à solventibus eò citiùs penetrari queant, cùm ergò fundus maris ex subtilissimo sabulo, arenâ, & glareâ constet, ex corpusculis nempe infinitis & quoad divisionem minimis, quibus interim immensa aquæ moles superincumbit, sequitur, præfatum fundum maris fortissimè & N. profundissimè ab aquis penetrari & humectari, 2. in istis nempe locis, ubi major aquæ copia est, nempe in maribus, & cum omnium Doctorem communi consensu, fundus maris prorsus sibi similis sit, sequitur, eundem ab aquis penetrari usq; ad finem, nempe usq; ad centrum terræ, non intelligo autem per centrum terræ imaginarium quoddam punctum geometricum, quod dividitur & mensuratur respectu totius globi, sed sumo pro aliquâ cavitate in meditullio terræ, quam posterum centrum terræ vocabimus, & hanc quidem cavi-

cavitatem ingentis capacitatis esse statuimus & convexitatis, nam cum diameter terræ ultra 100. milliaria contineat, si pro cavitate centri 20. tantum milliaria pro diametro statuamus, quanta erit area contenti? & quantæ copiæ aquæ capax? statuo ergò, centrum terræ esse quoddam non adeò exiguum spatium, aquis refertum, quæ per fundum maris illuc continuò instillant, uno siquidem impetu irrumpi nequeunt, cum probabile sit, interiorum fundum maris circa convexitatem centri ex tenaciori luto constare, prout in quâcunq; terrâ videmus, cum profundius ad fundamentum venimus, ubi lutum quoddam solidum firmumq; reperitur, insuper quò propius in profundum venimus, hoc plus aquæ reperitur, in locis, etiam in superficie siccissimis, quod manifestum signum est, terram circa fundum aquosam esse, non tamen prorsus perviam. Licet enim non pauci sint, N. qui in mari abyssos dari inexplorabiles affirmant, 3. longè tamen se aliter res habet, nam cum semidiameter terræ sexaginta circiter milliaria contineat, à quibus decem centro tribuimus, mirum non est, si superior maris profunditas ad triginta saltim milliaria se extendat, si ejusdem terminus nullo modo explorari queat, & proindè pro abyssos respectu indagatorum habeatur, cum nullum medium sit ejus fundum experiundi, quis enim funem seu chordam ad triginta milliaria sese extendentem daret? Vel, quæ navis eam veheret? aut uno loco immota staret, donec mensuratio absolveretur? concludo ergò, mare profunditate suâ immediate centrum terræ nunquam attingere, nisi destillatorie, quòd verò centrum terræ convexum spatium

- N. spatium vocem, & quidem non adeò exiguum,
 4. multas rationes & causas habeo, quarum *Prima* est, Deum & Naturam nihil frustra fecisse, at quæso, cui usui tam immanis terræ subterraneæ moles, si nihil ibi operaretur, quid autem, in eâ operari possset, si tot miliaribus solida esset, continua, & impermeabilis? nostro verò modo sequeretur, illud spatium, quod centrum vocavimus, non minus fertile esse & necessarium, quàm ipsam terræ exteriorem superficiem. *Secundum* argumentum est, quòd in omnibus productis etiam in pomis, pyris, aliisque fructibus interiora cava & elaborata cernamus, cur ergò in Macrocosmo à communi naturæ cursu excipere volumus. *Tertium* argumentum est, quòd ipsa S. Scriptura non rarò terræ basin, nempè centrum, aqueum vocet, quin imò il-
- N. lam ità describat, ut non pauci Theologi commo-
 5. ti fuerint, inferni sedem illic locare, & sanè si ex sequentibus diligentius consideremus, quanta, etiam respectu Physico in præfato centro aquarum confusio, saburra, mixtio, putredo, fætor, vapor, tenebritas, anxietas, instillationes, exsudationes, æstuarialia, variiq; motus & actiones sint, & ibi contingant, nulla profectò majori pœnâ, exceptâ privatione visûs Dei, damnati affici possent, quàm ut eorum animæ in tale Chaos & locum à vivis longè diffitum relegentur, ubi infra pedes omnium mortalium collocantur tanquam abjectissimi, nec condigior locus illis assignari posset, quàm ut terræ includerentur, qui in hoc mundo, toti terrenis opibus & ex centro terræ provenientibus divitiis dediti, nihil præter aurum sitierunt, conveniēs inquam est,
 ut

ut tales terrâ ad satietatem post hanc vitam fruantur, & tam immensâ terræ mole operiantur, ut tanquam talpæ terram fodientes, in intima ejus viscera protrudantur, hâc quoq; ratione quidam commoti, varios, in terræ abditis, Spiritus subterraneos morari, statuerunt, & si metallicolis ac urinatoribus nonnullis fides adhibenda, non raro spiritus in subterraneis & centro terræ propinquieribus locis cernuntur, & audiuntur, deinde infra inferni Etymologia, locum infra nos, nempe intra terram esse exponit, ex quibus & multis aliis non adeò absolum erit concludere, centrum terræ magnum convexum spatium esse, in quod aquæ ex fundamento maris destillant, ac tanquam in universale naturæ receptaculum seu hydro-phylacium colliguntur, quid enim opus est, multa ejusmodi receptacula statuere? atq; ita entia sine necessitate multiplicare, cum unum sufficiat, cum unico hoc Naturæ repositorio, omnia illa quæ ex ejusmodi receptaculis juxta aliquorum mentem, multis, consequi solent, sufficientius ac solidius exponi possint, quàm si infinita ejusmodi receptacula fingamus, non nego quidem, dari stagna subterranea ac paludes, verum non in eum finem, ut scaturigines producant, atq; subterranea fœcundent, prout id universali nostro receptaculo competere, ac proprium esse, in sequentibus demonstraturi erimus, differt ergò hoc centrale aquarum receptaculum à reliquis particularibus hydrophylaciis in causis, quas modò diximus. Quod verò cavitatem terræ N. centri attinet (ut ad structuram ejusdem veniamus) 6. illam primâ terræ creatione, non secundariâ productione fabricatam esse probabile est, nam ut quidam

dam non vulgares Theologi arbitrantur, cum locum, nempe paludem sulphuream & piceam à principio mundi, nempe in ipsâ cœli & terræ creatione pro Diabolo paratam esse, cum enim is futuram creationem, totamq; generis humani historiam prævideret, seq; Deo per superbiam opposeret, de cœlo dejectus est, necessariò ergò locus requirebatur, in quem conjiceretur, cum ante creationem cœli & terræ nullus locus, aut ubi exstaret, statim ergò post creationem cœli Diabolum in terræ centrum conjectum esse probabile est, ne scilicet universali isti omnium rerum productioni ex terrâ interesset, neq; tam nobili operationi invideret, ad quam reliqui Angeli tantâ cum lætitiâ properabant, ut omnes præ gaudio exultarent, juxta illud Hiob : *Vbi eras, dum ovarent stella matutine sive exultarent pariter, simul & tubis sonarent omnes filii Dei, &c.* Ubi per filios Dei Angelos intelligi, commentatores asserunt. Sed mittamus Theologica, & redeamus ad Physica, ubi pro hypothese

N. 7. ponimus, *centrum terra magnum, & convexum spatium esse, in quod ex fundo maris aqua marina transstillant, ac naturali & directâ gravitate & penetrantiâ transsudent.* Jam ulterius progrediamur, nam, prout superius, fontium aquas superterraneas omnes in maria Mathematicâ, id est, communi gravitate devolvi diximus, itâ hoc loco demonstrabimus, quomodo subterraneæ aquæ, Physicâ gravitatē in altum rursus, nempe ad fontes & scaturigines ferantur atq; itâ motum perpetuum naturæ, continuamq; circulationem efficiant. Quod ut accuratè exponamus, in mentem revocandum erit, quod

N. 8. jam diximus, nempe aquas marinas in centrum terræ

terræ destillare , hæ itaq; aquæ destillatoriæ , ob
destillationem & quasi transcolationem longè alias
qualitates acquirunt , inprimis non amplius tam
salsæ esse possunt , licet enim aliqui contendant,
mare tantum in superficie salsum esse , neq; ne-
gemus ibidem falsius quàm in fundo existere, pra-
xi tamen per instrumenta compertum habemus,
aquam marinam fundo propinquam , non modo
salsam , sed & bituminosam esse, quod procul du-
bio à maris sedimento & saburrâ venit , quæ circa
fundum subsidit, quod contingit , cùm pars quæ-
dam maris per terræ fundum in centrum , ut jam
diximus, destillat, & transcolatione suâ præfatum
fundum sulphureum , lutosum , & bituminosum
reddit. Sic volente summo rerum Arbitro, ut unâ N.
nempè fideiâ , duo parietes dealbarentur, sabur- 9.
râ se : aquæ per fundum , ut transcolatorium ab
aquâ separaretur, ipsa verò saburra pro conservan-
do maris fundamento & convexi centri terræ fir-
mamento , novam quasi materiam constituendo,
inserviret , ut & aquæ marinæ salsedo , & funda-
menti terræ firmamentum conservaretur, mariaq;
indies haberent , quod inundarent , ejicerent,
& ad littora deponerent. Alterius ergo naturæ N.
aquas centrales cum marinis esse non dubitandum 10.
est, marinæ enim aquæ claræ & salsæ, centrales ve-
rò lutosæ & bituminosæ sunt , minusq; salis , sed
plus terrestritatis , sulphuris , & bituminis habent,
quod tam ex naturâ ipsius salinæ aquæ (sal enim
marinum sulphur vivum in se continet , ut lib. 2.
demonstrabimus) quàm ex ipsius maris fundi
naturâ provenit, transcolatoria enim seu filtrato-
ria , multum de naturâ suâ filtratis & transcolatis
impri-

imprimere experientia docet, quod experiri licet, si vinum quoddam per chartam emporeticam filtres, longè enim alterius naturæ deprehendes, quàm antea erat, ex hâc ergò tam longâ & profunda aquæ marinæ transcolatione eam alterari, ex salinâ sulphuream & bituminosam reddi, antehac nō sine ratione nec sine experientiâ diximus, ut lib. 2. cap. de sale communi specialiter probabimus, ex quibus facilè colligi poterit, centrali huic aquæ ob naturam sulphuream & bituminosam, innatum quendam calorem inesse, salem enim ex aquâ & sulphure constare, ex sale communi sulphur commune ardens præparari posse, experientia probat, aliud etiam astrale sulphur seu terram, stellari materiæ, cujus præcedente Sectione cap. 3. mentionem fecimus, analogam, quæ margaritis, conchis, aliisq; testaceis argenteum colorem & semidiaphanum splendorem præbet, aquæ marinæ inesse, alibi probabimus, præsertim lib. 2. cap. de Zoomineralibus. Prorsus ergò non dubitandum erit, ob abstractionem partium aquearum, reliquas crassiores fieri, magisq; sulphureas transcolatione nempè, & aquarum marinarum per fundum terræ destillatione, in his innatum ergò calorem esse, non temerariè statuere poterimus, & ex hoc calore varias alterationes in aquis centralibus causari, ratio suadet, & in experientiâ praxis, nam cum undiq; in centro terræ, convexum firmamentum quasi clausum sit, & non nisi poris permeabile, necessariò magnus tepor & vapor illic esse debet, unde inclusa aqua tepefacta, ac quasi in digestionem posita separationem partium patitur intrinsecâ suâ fermentatione adjutâ, quâ particulae

terreæ

terreæ ab aqueis resolvuntur, unde maximum calorem oriri consequens est & naturale, atq; in aliis naturæ operationibus indies ob oculos, prout in cellis, ubi nova vina fermentant, imò in æstuariis & balneis videre est, sed & ipsa natura aquæ centralis, mutatione suâ, calorem hunc non parum promovet, mutabilis enim est, & putrescibilis, quod nemini mirum esse debet, cum ipsa aqua salina, imò quod plus est, fortissimus salis spiritus, debitâ operatione tractatus in summam putredinem duci queat, ita ut atramenti instar in colore putrescat, cadaverisq; instar foeteat, prout lib. 2. ulterius hæc examinabimus. Ex omnibus ergo istis concludo, *aquam centram tepidam & vaporosam esse, sulphureis particulis refertam, & proprio calore semper in actu & motu existere.* Hucusq; ergo in centro terræ delituimus, & tanquam in æstuario sudavimus, imò fastidioso itinere aquas à fontibus per flumina in maria, inde ad centrum terræ nempe ultimum aquarum finem finul & exordium secuti sumus. Nunc tempus & ordo postulant, ut motu aquarum mathematico absoluto, earundem Physicum, nempe, ut expositâ aquarum destillatione ad centrum terræ, earundem regressum & ascensum ad fontes & scaturigines consideremus; Clarum autem est, vapores sursum & à N. centro ad circumferentiam, nempe ex loco calido 12. in frigidum tendere, ut omnes destillationes id doceant, non ergo paradoxum erit, si aquam centram, quàm vaporosam esse demonstravimus, à centro ad circumferentiam tendere ex propriâ naturâ, & ob innatum calorem statuamus, tendent autem N. præfati vapores ad ea loca, quæ permeabilia sunt, 13. prout illæ firmamenti centralis partes existunt, quæ

E nullâ

nullâ aquâ exteriori marina premuntur, sed terram
 & montes superiores habent; illæ enim firmamen-
 ti centralis partes, super quas maria quiescunt, luto-
 sæ sunt, & compactiores, ne scilicet aquæ uno impe-
 tu irrumpant, deinde ut præfata transcolatio, &
 destillatio melius succedat, hinc probabile est & na-
 turale, vapores centrales non istas convexi centri
 partes petaturas, per quas potenti destillatione, a-
 quæ marinæ instillant, cum propter istius loci soli-
 ditatem, tum propter immensam superincumben-
 tis maris molem, istas ergò partes relinquere, & il-
 las convexi penetrare, quæ plus penetrabiles sunt,
 & quas diximus, istas esse, quibus montes, & reli-
 qua terræ pars innititur, planè conveniens est, &
 naturale. Eæ verò partes ex duplici capite cæteris
 N. porosiores sunt, *Primò* quòd illis nulla aqua incum-
 14. bat, quæ irrumpere & reprimere posset, *deinde*
 quòd Creatore sic volente ipsâ primâ productione
 sic porosa reddita fuerit, ut nempe inferiores va-
 pores transpirare possent, porosam autem voco,
 non quòd spongiæ instar se habeat, sed quòd in i-
 psis compactissimis lapidibus & saxis fissuræ inve-
 niantur, quas metallicolæ *die Klüfften* vocant, &
 pro bono indicio habent, quòd illac fertiles vapo-
 res minerales transire animadvertant, unde metal-
 la generari, experientia probat. Si tamen propiùs
 centrum terræ accedamus, omnia saxa, lapides, &
 montes, duritiemq; terræ cessare probabile est,
 undè videtur, sicut hujus libri Sect. I. cap. 3. do-
 cuimus, terram propter varias elixationes, abstra-
 ctiones, & extractions per primam productio-
 nem, quasi circa suam superficiem tantum densa-
 tam & incrustatam, circa meditullium verò humi-
 diorem

diorem & molliorem extitisse. Recordamur nos legisse in Chronologiâ minerali, vulgò *Berg-Cronick*/metallicolas in quodam monte ad vastissimam profunditatem laborando infrâ Horizontem terræ venisse, sensimque saxa tractabiliora reddita & molliora fuisse, tandem omnimodè cessasse, atque in glaream adeò tenuem defuisse, ut pro clepsydri infervire potuisset, infinitis tamen aquarum scaturiginibus permixta, adeò, ut siquis incidisset, in tali arenâ non secus ac in aquâ submersus fuisset, adeò divisa, subtilis, porosa, & successiva erat, explorâsse metallicolas fundum ejus, longissimâ perdicâ, sed nullum ejus finem indagare potuisse, cui historiæ nos propriâ experienciâ freti adstipulamur, nec proindè *Helmontius* delirat, cùm de ejusmodi glareâ loquitur, quam vivam vocat, certè vivis scaturiginibus turget, nec sine eâ in profundo ullæ scaturigines reperiuntur. Sed ut ad propositum redeamus, omnimodè probabile est, terram circa fundum, & firmamentum centri terræ non prorsus unius naturæ, sed diversæ constitutionis esse, in fundo maris, ubi ad centrum transtillat, lutosa est, sed in aliis terræ partibus, & montibus firmamento terræ incumbentibus, per quas aqua centralis rursus ascendit, & vaporis instar transfudat, porosa existit, deindè quòd in centro terræ præfatam aquam in vaporem redigi dixerimus, id malim interno aquarum calori & activitati, quàm nescio cui intelligentiæ, aut angelo ad id officium à quibusdam delegato adscribere, naturalia enim semper mihi naturaliter explicanda videntur, præsertim si evidentes causæ naturales præ manibus sint. Cæterùm ne quis existimet,

nostram opinionem, quâ statuimus, aquam centralem per modum vaporis in altum ferri, & in scaturigines resolvi, novam & absurdam esse, non quidem variorum Physicorum, utpote Fromondi, Cabeï, Mauri, & Cartesii consensum allegabimus, quorum prior expressè sequentibus nobis adstipulatur, cùm ait: *Mons instar capitis alembici in destillationibus Chymicorum est, in quo vapores à lento supposito igne in altum expulsi refrigerantur, & iam ab internâ formâ aquæ, quàm frigore ambientium saxorum ad naturalem densitatem se reducunt: guttatim quidem primò, sed plures per modum imbris in unum torrentem confluentes, & prolixiore circuitu incrementa colligentes plenâ tandem venâ bulliunt. Ex quo liquet, fontium generationem imbribus planè esse affinem, &c.* Non inquam hæc & multa alia testimonia in medium profereamus, sed ad ipsius S. Scripturæ testimonium confugiemus, sic enim S. Textus habet: *Non enim pluerat Dominus Deus super terram, & homo non erat, qui operaretur eam, sed fons ascendebat è terrâ, irrigans universam superficiem terræ, &c.* Ubi notandum, textum originalem pro vocabulo fonte *vaporem* ponere, deinde addit universam *superficiem* terræ irrigatam fuisse, vaporem nempe centralem ex omnibus partibus permeabilibus transpirasse. Cur verò terra primitus à vapore terræ subterraneo, & non à pluviâ superterraneâ irrigata, & quasi ad primam fœcunditatem stimulata fuerit? postea ventilabimus, ubi de vaporis centralis fertilitate agemus, hoc verò loco, si consideremus, cur versiones quædam S. Scripturæ *vaporem*, aliæ *fontem* ponant, facilè eas conciliare poterimus; vapores enim, cùm frigescunt, in aquas & fontes resolvuntur, ut omnes destilla-

stillationes Chymicæ testantur, nec implicat, terram primordiali hac fœcundatione in quibusdam locis per aquæum vaporem, in aliis verò per fontem aut inde emanantem fluvium irrigatam fuisse, cum id etiamnum contingere indies videamus, vapores enim aqueos terram humectare & Nilum exundatione suâ id quoq; præstare experientia docet. Multum ergo hic S. Scripturæ locus pro nostrâ demonstratione facit, *tum*, quòd expresse dicat, *vapores è terrâ prodiisse*, quorum præsentia, etiamnum manifestum signum montium est, teste Vitruvio, licet manè sumendum; cum enim maria noctu turgeant, destillationes ad centrum quoq; copiosiores sunt, & hinc evaporationes centrales rursus circa diem fortiores existunt, *deinde quòd S. Textus vapores & fontes in synonymiâ ponat*, nempè quòd vapores centrales in scaturigines, & fontes resoluti fuerint, & hoc postremum jam demonstrandum nobis incumbit.

Sectionis secundæ, Caput tertium

De motu aquæ ex centro ad circumferentiam terræ, ubi de scaturiginibus & fontibus in specie agitur.

SYNOPSIS.

- N. 1. De causâ diversitatis vaporum subterraneorum.
 N. 2. de effluviis centralibus, aëreis pestilentibus, & terræ-motibus. N. 3. Effluvia centri terræ aquea, duplicia sunt, dulcia nempè & mineralia. N. 4. de causâ dulcis aquæ, nec non de Spiritu, qui aquæ inest.

N. 5. *causa copiosa fontanae aquae.* N. 6. *quomodo vapor aqueus in liquorem resolvatur, quem aquam vocamus.* N. 7. *luti, quod circa scatrigines reperiri solet, vis & effectus.*

T E X T U S.

N. 1. **U**T motum Physicum aquae subterraneae centralis, quem in praecedenti capite incepimus, feliciter absolvamus, atque quas, vapores centrales in ascensu suo vicissitudines & affectiones patiantur, consideremus, ante omnia sciendum est, aquam subterraneam dum sursum fertur, non minus alterari, quam dum deorsum tendebat, & ex fundo maris ad centrum destillabat, nam quemadmodum nonnihil ibi de falsedine sua deponebat, & ex diversis locis marium diversimodè in centrum instillabat, ita dum ascendit, non modò circa ascensum sui initium multum sedimenti & faecum deponit, sed & in diversis locis pro conditione terrae diversimodè ex centro ascendit, & in viâ alteratur, quod ex effectu patet, quomodocumque verò alteretur, in fine motus sui, nempe cum superficiem terrae attingit, spissatur & congelatur, seu ut rectius dicam, densatur, quod ex sequentibus clarius patebit. Triplicia autem effluvia subterranea dantur, nempe juxta tria Elementa, Globi terr-aque-aërei, hinc effluvia subterranea aërea, aquea, & terrea cernimus. Et quidem circa aërea non multum morabimur, hinc enim exhalationes minerales & sulphureae oriuntur, quas metallicolae *Witterungen* vocant, quae cum superficiem terrae attingunt, non rarò ita fortes sunt, ut arbores, herbas, & glebas, quin imò ipsos lapides

des, quasi fulgura comburant, quæ proindè à metallicis *Qußbrånd* vocantur, ejusmodi exhalationes minerales interdum ab aliquot milliaribus viatorum nares petunt, & si contrariis qualitatibus agantur, pestiferæ evadunt, cumq; in viâ intercluduntur, vi tandem erumpunt, & hinc terræ-motus oriuntur, dubium enim nullum est, magnum aërem in centro terræ excitari ob magnam & flatulentam vaporum copiam, cui si per varios casus exitus intercludatur, vi eam erumpere necessum est, maximâ interdum potentiâ, ut totas nonnunquam urbes pervertat, prout nuper triste experimentum in Epidauro habuimus, inclusus ergo vapor cum tantâ vehementiâ in auram redit, variaque effluvia terrea secum vehit, non raro malignas vicino aëri qualitates imprimit, undè varia meteora, cometæ ac periculosæ influentiæ generantur, quæ tandem suas malignas qualitates vel in terram, vel rursus in mare, tanquam suum principium deponunt, & hæc est ratio, quod plerumq; post terræ-motus, pestis, aliq; contagiosi morbi sequantur. Aquea effluvia quod attinet, de quibus hoc capite nobis potior sermo erit, 3. duplici illâ qualitate in lucem seu terræ superficiem prodire autopsia docet, *primò* quidem aquæ dulcis fontanæ, *deindè* mineralis aquæ larvâ præfata effluvia aquea subterranea se nobis ob oculos fiſtunt, sit autem aqua centralis dulcis, cum circa initium convexitatis seu firmamenti centri terræ, quâ transudat, limum seu lutū offendit, quod vulgò *Thonſetten* &c. vocant, per ejusmodi enim lutum transiens aqua, quasi filtratur, & transcolatur, sæculentiasq; suas deponit, quod idem in ascensu suo cõ-

tingit, cum per varios lapides, arenas, & argillas depuratur, hic ergò vapor aqueus, qui sui itineris initio calidissimus erat, & sulphureus, nec non fœculentus, gradatim depuratur, & frigore densatur, donec circa superficiem terræ in aquam resolvatur, atq; in scaturigines abeat, in forma claræ & dulcis fontanæ aquæ, optimè per transcolationem depuratæ, nullisq; in viâ & ascensu suo, mineralibus succis imbutæ, in quo aqua fontana realiter ab aquis mineralibus differt, de quibus postea. Nunc duo circa aquarum fontanarum naturam consideranda occurrunt, *primò*, quòd etsi aqua fontana dulcis & insipida gustu appareat, reaptè tamen subtilem in se spiritum contineat, quod anatomia chymica, & ipsa fontium natura docet, quâ manè fumant, & aliis aquis tardius congelascunt, singulares insuper qualitates præ aliis aquis stagnantibus circa papyro-pæjam, Zytho-pæjam, & tinctoriam artem manifestant, unde vulgò *Hartz Wasser* vocantur, atq; ab aquis mollibus vulgò *N. Weich-Wasser* notabiliter discernuntur, *deinde* 5. resolutio vaporis centralis subterranei in aquam, multis suspecta esse posset, quod tam copiosè & continuò fluat; sed mirum non erit, in diversis ductibus subterraneis, ob diversam transcolationis naturam, diversas quoq; aquas fontanas prodire respectu sanitatis, hujus vel illius complexionis, artis, opificii, aut usûs, utiles vel inutiles, deinde cum in visceribus terræ, varios ductus exitusq; vapores centrales sibi præparaverint, atq; per tot secula penetrando ampliaverint, quid mirum si jam continuò, succedente semper novo vapore illâc ferantur, & indefinenter fluant, adeò, ut, si circa
super-

superficiem terræ scaturigo obstruatur, illicò novos sibi ductus quærat, alibiq; erumpat? Si quis etiam scaturiginis orificio, tubum addat, aquam fontanam in eo ascendere deprehendet ad talem altitudinem, quali ferendæ, lateralis scaturiginum terra potens est, cùm enim illa cedit, scaturigo aliò derivatur, & in tubo descendit, quod non contingit, ut quidam volunt, ex Horizontis principiis, & scaturiginis æquilibrio, sed ex causis, quas jam dedimus, nempe ex cedentibus scaturiginum lateribus. Cæterum per transfennam non silentio prætereundum est, quòd in præfato tubo, scaturiginis orificio adaptato, diligenter & cum magnâ jucunditate observavimus, noctu nempe totum pedem aquam in eo altiùs ascendere, interdium verò imminui, quod utiq; contingit, quia mare noctu pleniùs, potentiùs, ad centrum terræ destillat, undè ex stillationes quoq; à centro ad circumferentiam, nempe ad scaturigines, isto tempore copiosiores existere, probabile est, & sanè totum, quod hætenus diximus, in corpore humano tanquam majoris mundi compendio & microcosmo indies contingit, ubi humores, cùm per errorem, sibi ductus subcutaneos ad hoc vel illud membrum aperuerunt, continuo, sed copiosiùs circa matutinum tempus affluunt, & hoc plus faciunt, quò magis illis ab imperitis Medicis, per fontanellas via aperitur, quæ postmodum sine periculosâ humorum in corpus regurgitatione claudi nequit, sed & uno obducto foramine, alibi novum sibi quærun, atq; ità afflicto Corpus scaturiginosum reddunt. Nunc ad tertiam difficultatem redeundum est, nempe quâ ratione ex solâ densatione vaporis subterranei,

tanta fontium copia oriri queat, sed nemo miretur, copiosum vaporem, copiosam aquam præbere, imber enim ex pluviâ, & hæc ex resoluto vapore nubium stillatim procedit, paucis interim horis ingentissimam aquæ copiam proferens; animadvertimus quoque, in antris quibusdam subterraneis, ex fornicibus guttas sudare, quæ paucio intervallo scaturiginem trium pollicum magnitudine in diametro pepererunt, in spiritus vini destillatione, quem ex fæcibus & frumento parant, manifestè cernimus, paucos & quidem subtiles vapores, mediante alembico & gyris refrigeratoriis quasi illicò densari, ut aquæ formâ, venæ instar continuo & copiosè fluant, refertq; Jonstonius in Dendrographiâ suâ sub titulo de arboribus admirandis lib. 10. cap. 4. pag. 469. §. 6. *In unâ ex Insulis Canariis vulgò dicta Ferro, arborem aquam fundentem reperiri tantâ copiâ; ut incolis, armentis, & navibus ad aquandum appellentibus sufficiat.* Sed hoc considerandum nobis erit, utrùm vapores subterranei solo frigore condensentur, & in aquam resolvantur? Ad quæ respondeo, frigus quidem potiore causam existere, terram verò infra superficiem suam frigidam esse, nemo non ignorat, & quidem potius tempore æstivo, hyemali enim calidior non nihil est, hinc etiam aqua fontana reliquis stagnantibus minus congelascit, deindè magnum frigus in terrâ contineri experientia docet, quâ milites, cùm in campo morantur, quasi in momento lagenas potu plenas refrigerant, imponendo eas foveæ, circa quam ignem struunt, atque ita frigus, quod in terra est, ad lagenam repellunt, quæ proinde statim frigesit. Sed his omnibus suo loco relictis, non usquequaq; mihi satisfactis-

N.
6.

tisfaciunt, qui densationis vaporum subterraneorum causam soli frigori assignant, aliæ enim rationes subesse videntur, quas, sequentem historiam enarrando, indigitabimus. Multum antehac studio hydraulico tam theorico quàm practico incubui, hinc varias scaturigines quæsi, variosq; aquarum ductus feci, quod etiam Moguntia in Carthusiâ ad montem S. Michaelis exhibui, situs est hic locus in colle satis alto, penes Rhenum, cujus in præcedentibus mentionem fecimus, nullam interim aquam neque scaturigines in monasterio habebant, nisi quam fastidioso labore ex profundo quodam puteo exhaurirent, ita, ut ferè plus vini quàm aquæ in Carthusiâ haberent, ego, cum ob notitiam, quæ cum P. Priore ejus loci intercesserat, sæpius locum frequentarem, mihiq; præfatus Pater incommodum hoc sæpius conquereretur, cœpi accuratius scaturigines in monte quærere, & investigare, habitis ergò signis & indiciis quibusdam, cœpi promittere, me scaturiginem Horizonti Carthusiæ æquilibrantem reperturum, aquam fontanam in monasterii culinam perpetuò salientem ducturum, quod & præstiti. 2000. circiter pedes à Carthusiâ in alio colle scaturiginem inveni, sed extra præfatæ Carthusiæ territorium, licet vix decem passus abhinc distaret, quod quidem præfato P. Priori placuit, optabat tamen, ut scaturiginem in proprio territorio, & in monasterii vineâ haberet, altera enim, quam inveneram, ad viam publicam sita erat, simul & communis rumor erat, ArchiEpiscopum Moguntinum viam illam totaliter aboliturum, quod hostium receptui & occultationi occasionem præbe-

præbere posse videretur, timebat itaq; præfatus noster P. Prior, ne, taceo ipsa Carthusia, illa via, in quâ scaturiginem inveniebam, quoq; terrâ oppleretur, aut nullam ergò, aut in propriâ potestate scaturiginem habere volebat, de novo ergò in vineâ Carthusiæ scaturigines quærens, tandem suavissimam inveni, quinq; circiter pedes infra terræ Horizontem, effossâ enim superficiali hortensi terrâ, in lutum subcæreuleum incidi, quo habito, ipsa scaturigo illicò præsens erat, generale namq; axioma est, & experimentum, nullam scaturiginem sine tali luto reperiri, econtrâ præfati luti præsentia, certissimum signum adfuturæ scaturiginis esse, & licet nonnullæ scaturigines ex durissimis montibus & saxis profluant, tamen si profundius in eas inquiratur, tale lutum non emanabit, in præfatâ ergò vineâ, quamprimum in simile lutum inciderem, illicò scaturigo transsudare incipiebat, sed cum sperarem, copiosiore futuram, si profundius lutum eruerem, quod cum effodiendum curarem, ita ut totum tandem lutum effoderetur, in arenam incidi; tres enim isto loco terræ reperiiebantur, prima superficialis erat nigra, & hortensis, altera lutum erat, de quo hætenus egimus, prior ad quinq; ferè pedes se extendebat, posterior ad decem, arena verò, quam pro tertiâ terræ specie pono, utiq; ad magnam profunditatem se extendebat, in cujus proinde fundum non investigare opus erat, nec instituto nostro conveniens, profundius enim quam conducibile erat & necessarium, jam in effossione luti processimus, & hinc contrarius ille effectus secutus, quod cum speraremus, nos in profundo copiosiore scaturiginem habituros, è contrario minorem,

norem, tandem prorsùs nullam habuerimus, omnis enim aqua scaturiens, quamprimùm luti finem & arenæ principium attigimus, evanuit, quod cum me pessimè haberet, cœpi in omnes circumstantias accuratiùs speculari, & nullam rationem præter effossum lutum reperire potui, fundamentalis enim arena clara erat & porosa, nec re obstructa, accessi etiam summo mane, & totam foveam vaporibus plenam offendi quasi nube tectam, quo indicio nonnihil animus redire cœpit, tribueram enim densationem hujus vaporis effosso luto, quod proinde rursus in foveam injici, & fistucâ nonnihil solidari curavi, altero mane, cùm citra spem & metum, summo tamen cum desiderio foveam accederem, scaturiginem meam summâ cum admiratione & gaudio rediisse, copiosioremq; extitisse observavi, qui casus speculationi meæ certum fundamentum posuit, vapores nempe subterraneos non tantùm N. frigore, sed potissimum tali luto densari, & in cor- 7. pus reduci, cumq; hic casus, quem recensuimus, tam brevi tempore in tam paucò luto contigerit, quid mirum, si in altissimis montibus circa superficiem sæpè scaturigines copiosas deprehendamus? cùm econtrâ circa fundum montium, & in eorundem meditullio nulla aquositas appareat, ob præfati densantis luti defectum, in quo sane mirandum est, quod duæ contrariæ qualitates in uno subiecto, unâ eademq; vice reperiantur, idem enim præfatum lutum corporali & densatæ aquæ resistit, ut in aggeribus videmus, ubi tale lutum contra aquarum irruptionem tanquam unicum remedium, obstaculum & firmamentum adhiberi solet, nostrum verò experimentum, aliæq; observationes, vapores aqueos,

aqueos, seu aquam rarefactam, per præfatum lutum in corpus densari & liquidam reddi, docent, merito ergò hoc lutum fomes aquæ, vocandum erit, seu ejus receptaculum in quo vapores aquei coeunt, spiritualitatemq; suam deponunt, proinde etiam hoc lutum non paucarum virium in Physicis est, si enim cæruleam istam præfati luti speciem, quam hoc loco unicè intelligo, sumas, atq; per cucurbitam adaptato alembico, igne etiam lentissimo, destilles, illicò subtilissimus transiens spiritus alembicum ita calefaciet, ut manu tangi nequeat, striasq; interdum faciat spiritui vini prorsus similes, cum tamen in vas recipiens nihil nisi insipida aqua prodeat, quæ à Galenistis pro inutili phlegmate reputaretur, sed maximarum virium est, tum quoad metallicas operationes, tum quoad medicas, inò quoad vegetationem vegetabilium vix quidquam in mundo huic aquæ palmam præripere existimo, est enim revera vegetabilium Mercurius, seu ut Helmontiano termino utar, primum eorum *Gas*, quod in vino manifestè videmus, quocum hic liquor tantam affinitatem habet, ut cum illo permixtum ad miraculum usq; conservetur & fortificetur, & is est ille vapor seu terræ spiritus, qui in fermentatione musti resolvitur, quiq; cerebrum ita ferit, & quem aliqui occlusâ fermentatione in vinum reagent, & fingunt, unde vina fortissima sed lenta vulgo *Stumme Wein* redduntur, etsi longè melius negotium succedat, si vino jam fermentato Mercurius hic addatur, hoc enim modò non densatur, sed summè Mercuriale manet, unde talia vina *lufftig* nominari solent, prout Sect. 5. cap. de fermentatione sufficientius

cientiùs pertractabimus, magna ergò vis huic liquori inest, tanta quidem, ut cùm in productione universali vaporis instar è terrâ prodierit, universam terram fœcundaverit, prout in præcedentibus ex S. Scripturâ allegavimus, magnum profectò hoc loco arcanum dignis pariter & indignis aperio, sed vile æstimabitur quia è vili materiâ prodit, & quod à me, tanquam homine coram mundo exili hæc aperiantur, sed sint hæc, *veritas Domini manebit in æternum*, qui vaporem hunc pro terræ fœcunditate ab initio orbis hucusq; posuit, cujus una gutta plus quam plaustrum fimi fœcundat, exspectent illi quid frugaliùs, quibus nihil nisi aurum placet, esurientes scientiæ bonis implet, & divites inanes non quidem temporalibus, sed bonis scientiis experientiis, & rationibus, quibus ad Creatorem magis & propius, quàm ullo alio modo acceditur, implere & saturare, magnus ille œconomus solet, congrue itaq;, ut ad finem perveniam, Hermes præfatum vaporem describit, cùm in tabulâ Smaragdinâ ait, *Quod est superius, simile est ei, quod est inferius, &c.* Nam ex suavissimis & saluberrimis cœli siderumque destillationibus spiritus provenit nostro subterraneo, de quo hæctenus locuti sumus, prorsus analogus, atq; ita juxta illud Mariæ Prophetissæ, *Fumus Fumum complectitur*, nec modò herbæ & mineræ sed & homines capiunt utrumq;, à terrâ ascendit & à cœlo rursus in terram descendit tanquam matrem omnis perfectionis, cujus potentia perfecta est, si in terram mutetur, & hoc est, quod pro magno beneficio & benedictione S. textûs reputat, cùm ait, *Det tibi Deus de rore cœli & de pinguedine terra,*
per

per rorem cœli superiorem mundi spiritum , per pinguedinem verò terræ illud intelligi, quod terram fecundat, probabile est , sulphureum autem hunc vaporem subterraneum, non modò mineralia sed & vegetabilia, & animalia nutrire, postea probabimus.

Sectionis Secundæ, Caput quartum De aquis mineralibus, acidu- lis, salinis, & thermis calidis.

SYNOPSIS.

N. 1. *Aquarum mineralium origo ex non sufficienti transcolatione provenit.* N. 2. *Aquæ centrales in centro terræ singulari terrâ imbuuntur, ex quâ acida fiunt, ac universalem qualitatem solvendi acquirunt, mediante quâ varia mineralia terræ & lapides solvuntur, unde acidularum differentia.* N. 3. *Salinarum origo.* N. 4. *Differentia inter acidulas & salinas.* N. 5. *Acidum universale varias minerales species solvit, unde varia decomposita.* N. 6. *Mineralium succorum, & decompositorum origo.* N. 7. *Acidularum perpetuus fluxus.* N. 8. *De effluviis mineralibus terreis liquidis.* N. 9. *de montibus, antris, & specubus ignivomis.* N. 10. *de thermarum calidarum origine, & naturâ.*

TEXTUS.

N. 1. **H**Atenus de fontium Origine egimus, de isto
1. nempè vaporis subterranei genere, qui purus,
& sine admixtione in fontanam resolvitur, nunc
juxta

juxta superiorem divisionem, de isto vapore agemus, qui in resolutione suâ aliis mineralibus speciebus permiscetur, & in acidulis, aliisque aquis mineralibus vulgò *Wild = Berg = Wasser* videmus. Non verò existimandum est, ejusmodi minerales aquas tantummodò provenire, quod succi quidam minerales per transluentem aquam fontanam solvantur, nam ut experientia docet, si tale quidquam contingeret, brevissimo tempore, ut superius diximus, vastissima subterranea loca, mineralibus plena, tali continuâ solutione elixarentur, & brevi deficerent, statuendum itaque, prout etiam praxis Chymica demonstrat, vaporem centralem, sub initium convexitatis firmamenti centri terræ, quod transpirat, non omnibus locis ejusdem naturæ esse, ob præfati firmamenti, tanquam transcolatorij, diversitatem, ulterioremque in terrâ progressum, cum enim talia loca soliditate & porositate diversa esse prorsus non dubitandum sit, necessariò etiam sequitur, permeantes subterraneos vapores pro conditione transcolatorii, plus & minus transcolari & alterari, per solidum namque transcolatorium, vapores pro fontanâ plus, per porosum verò pro minerali aquâ, minus depurari prorsus evidens est; Quoniam itaque in præcedente capite de strictâ fontanarum transcolatione egimus, nunc hoc capite ad laxiorem procedemus, vaporibus enim centralibus, si liber transitus detur, prorsus mirum non erit, eos multum terrestris ac sulphuræ substantiæ ex centro secum avehere, & elevare, quod etiam in communibus vegetabilium destillationibus videmus, ubi evaporans humiditas oleum secum elevare solet, sulphuræ & terrestris substantiæ, notus quoque

nobis liquor est, qui ex eodem fundamento, gravissimum & compactissimum aurum secum elevat, de quo in secundo libro. Centralis ergo aqua cum sulphurea, bituminosa, & salina existat, faciliter cum in vaporem resolvitur, nisi transcolatione depuretur, substantiam hanc sulphuream,

N. salinam & terream secum rapit, atq; ex diversis

2. qualitatibus tertium quoddam mixtum constituit saporis acidi, quod omnes ferè Philosophi *acidum universale*, *spiritum esurinum* *acetum naturæ* & *solvens Catholicum* nominârunt, *principium* nempe subterraneorum succorum *remotissimum*, ut postea ex Rupecissâ allegabimus, hoc enim minerali acido vapore, subterranea loca potius mineralibus succis replentur, quàm quòd per elixationem mediante hâc minerali aquâ, iisdem priventur, manifestum namq; est, salinas vulgò *Salz Berg / Stein-Salz* / cum prorsus exciduntur, & dulcis aquæ immissione elixantur, post aliquod temporis intervallum repleri rursus & crescere, quod evidens signum est, id à vapore salino subterraneo procedere, & tantæ aquæ salis copiam, quæ ex fontibus salinis vulgò, *Salzbrunnen* tanto tempore profluit, non aliundè quàm à centro terræ tanquam naturæ *universali Promocondo* provenire, ductibus enim mediterraneis ad tam diffita loca ex mari procedere, omnimodè impossibile est, cum nullum ductum tam continuum & ad tantam distantiam dari posse sine ruptione, intermixtione, aut effluxu superius probaverimus, salzarum ergo aquarum ex fontibus salinis perpetuum fluxum, ex vapore centrali procedere statuiamus, cum per porosa loca currit, eamq; terram deponit, cujus præ-

N.
3.

sentiâ

sentiâ & intermixtione *acidum universale* causatur, de quo antea egimus, & postea proluxius acturi erimus, si verò ex nimia viarum, quae transcurrit, porositate, deinde etiam ex defectu terræ, quæ istis viis inesse, & quæ hanc acidam centalem terram stringere & præcipitare solet, præfata aqua centralis qualitate sua sulphureâ, bituminosâ & acidâ minerali terrâ, non probè liberetur, non rarò contingit, cum non tam salinam quàm mineralem existere, quam proinde Salinarij *Wildwasser* vocant, econtra cum ejusmodi mineralis centralis terra probè separatur, reliquam aquam salinam vulgò *Salz-Brunnenwasser* nominare solent, differt autem hæc aqua salina à sale gemmæ vulgò *Steinsalz* quod in formâ liquidâ, & in superficie terræ, magnæ aquæ quantitate permixta, sal verò gemmæ, sine aquâ, in formâ solidâ, intra terræ viscera, succi concreti instar, reperiatur, centralis nempe & salinus vapor, circa fundum terræ faciliè densatur, præsertim si parùm de vaporibus aqueis secum vehat, cum econtra vapores aquei, qui salinos secum vehunt, faciliè circa terræ superficiem in liquorem resolvantur, differt autem sal fontanum coctile, à sale gemmæ, quòd hoc plus, illud minus terreitatis contineat, atque inde subtiliùs existat, utrumq; autem, tam sal fontanum quàm montanum, à sale marino in eo differt, quòd sal marinum bituminosum, magis sulphureum ac fortius sit, utpote per firmamentum centri terræ, nec primâ nec secundâ vice, nec in descensu per fundum maris, nec in ascensu per terræ fundum transcolatum, defœcatum, & depuratum, nemo verò miretur nos statuere, salem communem, ex præfato

acido universali originem trahere, & quidem sepositâ aliquâ terrâ, undè prædicti acidi aciditas & basis sequitur, quod omninodè verum est, hâc enim terrâ rejectâ, certis tamen gradibus, reliquum in salem mutatur, hâc additâ, optima aqua salina, rursus mineralis vulgò *Wildwasser* fieri potest, imò hâc præter modum appositâ, tota nova species succi mineralis exsultat, & hâc prorsus separatâ, aqua salina, fortissima etiam, in aquam elementalem inspidam resolvi potest, prout hâc omnia in lib. 2. sub convenientibus locis variis experimentis ad oculum demonstrabuntur. Multum ergo circa hanc acidi nostri universalis terram considerandum est, hoc namq; acidum quasi prima omnium mineralium succorum materia est, undè non immeritò Rupecissa ait: *Vitriolum seu sal, est primum principium, generandi omnia mineralia, tanquam principium remotissimum, &c.* Licet Rupecissa nec vitriolum nec sal commune intelligat, utrumq; tamen pro exemplo posuit, quod in utroq; terra reperiatur, quæ sæpè acidum memoratum constituit, etsi enim *terra salis*, valdè affinis sit cum *terra nostri acidi*, multum tamen etiam cum illâ differt, salis namq; terra omnia corpora volatilia & fluida reddit, vitrioli econtrâ seu acidi universalis omnia figit, & adstringit, quod claro experimento videmus, cum ferrum vel cuprum in spiritu salis solvitur, inspissatione factâ, vitriolum quidem accipimus, sed ad aërem salis tartari instar fluens, econtrâ, si eadem metalla in spiritu Sulphuris vel Vitrioli solvantur, vitriolum prodibit, naturali per omnia simile, & hâc comparatio in præparatione aluminis, plurimumq; aliorum mineralium succorum, promul-

multis differentiis eruendis, locum obtinet, diversitatem autem hanc à terrâ nostri acidi procedere, certissimum est, ut lib. 2. cap. de anatomîâ Spiritus Vitrioli & sulphuris probabimus, & hanc albissimam acidi universalis terram ad oculum ponemus, maximi enim momenti est, utpote sine quâ, in metallicis operationibus vix quidquam feliciter peragi potest, virginea autem hæc acidi terra, in fornicibus centri terræ, seu in convexo firmamento ejusdem præparatur, ubi ab aquâ centrali, reactionem in se ipsâ passâ, tanquam *sulphureum & bituminosum Gas* ad circumferentiam convexi extrusa, digeritur, & successivè per transudantes vapores, extrahitur, & in partes subterraneas invehitur, ubi in variis antris, evaporantibus aqueis vaporibus, nonnunquam Stiriarum instar, ad fornices & latera concrescit & consistit, ut plurimum autem aquæ forma larvatur, cui solventes & adstringentes qualitates imprimit, unde aciditas oritur; & prima hujus aquæ acidæ dispositio; varia in suo transitu solvendi, & solutione tali, nova decompositâ produciendi, cum enim suprà minerales venas, terras, N. & lapides fluit, & moratur, nonnullas talium sub-
jectorum particulas solvit, & pro solutorum corpusculorum gravitatis naturâ, mixtum constituit, atq; in varias figuras striatas, quadratas, foliatis, angulares, &c. formatur, ut in sale communi, nitro, alumine, borace aliisq; succis videmus, nempè ut dictum est, juxta diversam corpusculorum gravitatem, de quibus omnibus lib. 2. in specie, nolim tamen hoc loco lector existimet, potissimam mineralium aquarum causam, in eo tantum consistere, ut succi quidam concreti minerales, in præter-

fluentibus scaturiginosis aquis subterraneis resol-
vantur, quod absurdum foret, aqua enim fontana,
licet diutissimè supra ferrum coquatur, nullam
tamen inde vitriolitatē acquirat, & ipsum Sal
commune, nam à Spiritu excipio, ægrè etiam si in
liquidâ formâ cum metallis bulliat, ea resolvit, &
licet nonnihil per longiorem cōctionem abrasat,
longè tamen, ut paulò ante diximus, de vitriolifa-
tione metallorum per spiritum salis, imperfectio-
ra decomposita producit, minerales ergo succi sive
N. concreti sive liquidi, qui hoc acido nostro univer-
6. sali producuntur, ita circa Genesin suam consi-
derari debent, ut præsupponamus, minimam ex-
ternæ speciei partem, in ejusmodi decompositis mi-
neralibus aquis & acidulis, quas indies videmus,
solutam latere, id est, potiorē hujus decomposi-
tæ aquæ mineralis partem, in *acido universali*, nem-
pè in *terra esurina*, minimam verò partem in adjun-
cta quâdam & solutâ minerali specie, sive metallo,
sive terrâ, aut lapide consistere, non secus pro-
inde se habere quàm mixtum, quod *viride aris de-*
stillatum vocant, ubi in centum libris vix triges-
ima pars cupri est, reliqua tota augmenti substan-
tia ex aceto destillato venit, cujus salinis corpu-
sculis solventibus, soluta cupri corpuscula, licet
minimâ quantitate, maximâ tamen extenuatione
& coloratione adhærent, mixtumq; inspissant, &
ad certam formam adstringunt, salinam nempe &
angularem, quod experientia probat, cùm idem
mixtum destillatur, ubi partes salinæ à cupreis dif-
cerpuntur, nonnullasq; à cupreis secum vehunt,
unde singularem qualitatem acquirunt, terrestrio-
res autem partes, partium acidarum, apud corpu-
scula

scula cuprea in residuo remanent, undè cupreæ,
 alias qualitates quoq; adipiscuntur, ita ut frequen-
 ti solutione novi cupri in præfato discerpto spiri-
 tu, omnis tandem terra, unde aceto suus acor, cum
 cupro figatur, acetumq; in aquam elementalem ab-
 eat. Idem planè contingit in metallorum vitriolisa-
 tione per spiritum sulphuris seu vitrioli, ubi potior
 vitrioli pars, & augmentum, spiritibus attribuen-
 dum, totumq; mixtum in analysi cum præcedenti
 experimento convenit. Ex quibus levi negotio N.
 explicare poterimus, cur à tot seculis acidulæ ali- 7.
 quæ fluant, & cur non opus sit timere, quod sub
 initium hujus sectionis ex aliorum opinione con-
 sequi necesse esse diximus, nempe immensum spa-
 cium subterraneum tandem evacuatum iri, cum
 potior acidularum pars, minimâ mineralium par-
 te intermixta, ex nostro acidò centrali perpetuo &
 inexhaustili constet, cum enim nostri acidi funda-
 mentum & basin terram salis marini esse statuamus,
 in centro terræ alteratam, & in fornicibus firma-
 menti centri terræ plus digestam, aqua verò marina
 indies in centrum influat, necessario sequitur, in-
 fluxum hujus terræ quoq; continuum esse, & pro-
 inde effluxum ad scaturigines nunquam deficere
 posse. Cæterum dubium nullum est, acidum hoc in
 meatu & cursu suo multum alterari, meliorari, dete-
 riorari, variis succis & terris misceri, hæc verò o-
 mnia ex diversis causis & casibus procedere, &
 hinc rursus varias acidularum species & qualitates
 provenire, quod experientia docet, cum ejusmodi
 minerales aquæ inspissantur, tum enim vitriolum,
 alumen, sulphur, calx, aliæq; subterraneæ species
 procedunt, prout lib. 2. quodlibet horum mine-
 ralium

- ralium subjeſtorum in ſpecie exponemus , pro nunc verò, tam aquarum mineralium quàm fontanarum originem, ſtatum, & motum, in quantum inſtituti noſtri ratio permittit, indagare & rimari N. volumus. Nunc ordo vocat, ut tertium & ultimum
8. effluviis centralium genus conſideremus, quod ex terreis atomis conſtat, diximus enim aërem aquam, & terram in centro terræ latitare, quæ unâ cum aquâ marinâ per fundum maris inſtillant, corpuscula nempe bituminosa & ſulphurea, & generali, in centro terræ, deſtillatione ulterius præparata, atq; in varias ſubſtantias & qualitates alterata, quorum ſubtiliores partes cum expulſâ vaporosa ſubſtantia aquæ excernuntur, aliæ in mediis viis tranſcolantur, plurimæ verò circa fundum terræ, nempe convexitatem & firmamentum centri terræ, ut partes craſſiores ſeparantur, ex quâ cauſa in profundo terræ, minerales ſpecies ſemper copioſiores reperiuntur, cùm terreæ exhalationes centrales maximâ parte ibi conſiſtant, ita ut in quibusdam locis, maximâ vi erumpant, atq; ſic volente naturâ, bituminosa, & ſulphurea, à centro ad circumferentiam protrudatur, quæ alias in immenſam molem, per tot ſecula excreſceret, hinc igni-
9. vomiti iſti montes, æſtuaria, & ſulphuraria terræ, quæ a multis ſeculis ignem & ſulphur evomunt, non quòd ignem actualem in centro terræ eſſe ſtatuamus, & igniſluas iſtas flammas, quas in circumferentiâ montium videmus, ex ipſo centro terræ prodire credamus, ſed quòd per fortem motum, ejuſmodi ſulphurea corpuscula, levi negotio circa extremitatem terræ incendi poſſe exiſtimemus, ignem verò ſemel incenſum tam diu durare, quam diu
- nova

nova materia flagrabilis, affluit, hanc verò, ob perpetuum marium, in centrum terræ influxum, continuo durare, probabile est, distinguendum itaq; inter *ignem actualem & potentialem*, prior enim effectivè flammatur, alter flammabilis est, nondum quidem flammans, calidus tamen, prout in quibusdam antris subterraneis vulgò *Rühren / Zächen* animadvertere licet, nec mirum est, ex ejusmodi æstuariis calidissimis, interdum calidas quoq;, imò ferventissimas aquas profluere, sicut in Oppido *Wißbaden* / imò in ipso Rheno, ubi ex medio aquarum frigidarum, in ipso Rheni flumine, calidissima vena prodit, vulgò *Schlungenbad* / observare licet, nam, cum aquei & terrei vapores ac exhalationes ex Centro terræ, pro qualitate effluentia & viarum, ex firmamento Centri terræ mox conjunctim, mox separatim effluant, mirum non est, si tanto itinere vapores aquei cum sulphureis conjuncti, calefiant, etsi circa superficiem terræ amissis per evaporationem suis sociis, nempe subtilioribus sulphureis Spiritibus tandem frigescent, distinguendum ergò est, inter *vapores subterraneos centrales, purè terreos*, de quibus sequenti capite agemus, & inter *vapores terreos centrales aqueis permixtos*, de quibus hoc loco agimus, commixtos ergò tales vapores & indè per densationem procedentes thermas calidas, ob subtiles terreos spiritus inclusos, penetrantes esse & medicinales, & ratio & experientia docet, hinc enim variæ talium thermarum operationes, in calefaciendis membris, resolvendis tophis, confortandis nervis, & reliquis affectibus, vim calefactoriam & attenuantem expostulantibus, errant proindè, qui thermarum calorem reactioni, & ex

aquâ & calce vivâ, quam montibus inesse somniant, vel nescio cujus destillati spiritus, supra ferri mineram effervescenti reactioni vel sulphuri corporali adscribunt, nos magno studio, non prout isti Galenistæ, qui imaginariis & occultis qualitatibus ejusmodi thermarum calorem accendunt, & multos de talibus thermis libros, de calidâ nempe materiâ frigidissimè scripserunt, alio inquam modo, & ut dixi magno labore, ejusmodi thermas examinavimus, sed nec in destillatione partium spirituosarum, nec in præcipitatione reliquarum, nec in rubro illo sedimento, quod circa thermarum scaturigines reperiri solet, quidquam invenire potuimus, ne minerale aut sulphur vivum quidem, cui tam ingentem calorem manifestè & cum satisfactione adscribere potuerimus, præsertim curiosis naturæ indagatoribus satisfaciendo, qui occultarum qualitarum larvas deponere audent, salem tamen seu potius crustam, lixivio calcis vivæ supernatari solitæ non absimilem copiosè, præsertim in thermis Wisbaden-sibus observavimus, causticæ naturæ, cum enim speraremus, eam terram fecundaturam, & horti partem eâ perfunderemus, horæ quasi spatium omne exaruit, deciditq; , quicquid vegetabilium ibi plantatum erat, deindè non negamus, sæpiùs memorati acidi universalis terræ speciem ibi latitare, quæ adstringentem naturam præfatis thermis nonnihil tribuit, thermarum ergo caloris causam subtilibus quibusdam & summè raris terreis atomis, centralibus, vapores aqueos concomitantibus adscribo, quibus etiam effectum medicinale, & penetrantiam tribuo, cum se habeant tanquam *Gas sulphureum vini*, nullo modo in corpus reducibiles,

les, quod sequens quoq; observatio probat, conduxi in oppido *Wissbaden* thermas quasdam calidas, ut perpetuum calorem haberem, quem pro digestionem variarum operationū Chymicarum accommodavi, variaq; vitra, pro digerendis materiis imposui, inter alia, magnum vas recipiens vitreum, ovis implevi, & orificio nonnihil clauso, supra Horizontem calidarum thermarum, ita collocavi, ut non aquas calidas, sed vaporem calidum tangeret, ut quasi in balneo vaporoso staret, animus erat, præfata ova excludendi, ut simul veritatem artificialis ovorum exclusionis, simul æqualitatem caloris thermarum experirer, longo ergo tempore cum præfata ova ita in balneo naturali vaporoso starent, & non excluderentur, tandem vas vitreum recipiens aperui, simul ova, quæ diffregi, prorsus non putrida, sed recentia, & quasi sulphure condita offendi, istius ferè qualitatis, cujus ova fiunt, quæ, *Sinensium* more sale & cretâ condiuntur, prout sæpius ejus rei experimentum sumpsi, ex hac itaq; observatione conjicere incepti, subtiles thermarum vapores, ipsum vitrum simul & putamina ovorum penetrasse, vitelloq; novam qualitatem impressisse, ac proindè ejusmodi digestio per thermas, non cuivis rei digerendæ competere, quod materiæ notabiliter ab extrinseco thermarum calore alterentur, nemo verò miretur, subtiles spiritus dari, qui omnia corpora atq; adeò ipsa vitra penetrant, nunquam amplius in corpus reducibiles, expressè id in magnete videmus, cujus effluvia, crassissima etiam vitra penetrant, interim prorsus invisibilia, & hypocausta per fornaces, imprimis ferreas calefieri, talem verò calefactionem per corpora-

corpuscula ignea contingere, quæ fornacem penetrant, certum est, cum ab inhabitantibus, ex diversâ ignis materia, quæ fornaci injicitur, diversæ etiam qualitatis calor in hypocausto sentiatur, effluvia quoq; solis calida esse nemo negat, interim ipsa etiam vitra penetrare, & tamen terrea corpuscula esse, Dygbæus probat.

Sectionis secundæ, Caput quintum De effluviis centralibus terreis, solidis, & mineralibus.

SYNOPSIS.

N. 1. *Terreorum effluviiorum differentia.* N. 2. *Effluvia terrea pro metallorum genesi.* N. 3. *de affinitate terreorum effluviiorum cum metallis.* N. 4. *de certo motu effluviiorum terreorum vulgò Witterungen.*

TEXTUS.

IN præcedentibus de effluviis terreis egimus, quæ cum aqua permixta erant, nunc aquam à terrâ separabimus, & effluvia terrea, quæ sicca, solida, vel etiam viscida existunt, examinabimus. Dictum est antea, in historiâ de ovorum exclusione, effluvia terrea subtilissima & penetrantissima esse, nullo modo in corpus reducibilia, antequam tamen ad tantam volatilitatem, per diuturnum motum in ductibus subterraneis eleventur, nonnihil crassiora esse & spissiora, probabile est, præsertim si nullâ aquâ permisceântur, terramq; arripiant, cui

cui adhæreant, hinc sulphur vivum nativum Ly-
 thantraces vulgò *Steinfölen* variisq; generis bitu- N.
 mina sive spissa ut *Erdpech/ Zudenleim/* sive liqui- I.
 da ut oleum petrae vulgò *Steinöhl/* & hæc omnia
 contingunt, juxta viarum differentiam, quas perer-
 rant, & vel salinis mineralibus aut aliis vaporibus
 miscentur, aut per varias terras colantur, de qua-
 rum natura postea communicant, nec miremur, ex
 centro terræ oleosos, pingues & sulphureos vapo-
 res procedere, cum in ipso mari variæ ejusmodi co-
 agulatæ pinguedines dentur, uti in succino, ambrâ,
 aliisq; videmus, & licet non sine causa horum sub-
 jectorum origo aliis rebus tribuatur, ut postea Sect.
 6. docebimus, tamen in ipsâ salis marini naturâ, ar-
 dens pinguedo latet, ut lib. 2. cap. speciali de sale
 demonstrabimus, quemadmodum autem *aquea ef-*
fluvia duplia extiterunt, *pura* nempe, ut aqua fon-
 tana, & *mixta*, ut aquæ minerales, ita circa effluvia
 terrea, eadem distinctio quoque observanda est,
 una nempe illorum pars generalior magis, de qua
 hætenus egimus, specialior altera est, de quâ jam
 acturi erimus, ista nempe effluvia terrea considera-
 bimus, quæ metallorum principia propinqua sunt,
 de quibus Sect. sequente ad longum agemus, pro- N.
 pter hæc enim totum tractatum hunc scribimus, ut 2.
 nempe eorum genealogiam à capite ad calcem suf-
 ficienter probemus, diversas enim in mari & exin-
 de per aquas centrales terras produci, alias aliis per-
 fectiones, dubium nullum est, cum experientia id
 doceat, unum sulphur altero purius esse, duplicia
 ergò effluvia terrea sunt, licet ex uno fonte, nempe
 terrâ marinâ procedant, quæ proinde tanquam pri-
 ma omnium rerum materia, & hujus præfatæ du-
 plicis

plicis terræ *Mater bifida* vocatur, seu *hermaphroditus*, hinc Albertus Magnus *Omnes*, inquit, *concordant in uno, qui est bifidus*, duo terrarum genera ex centro terræ procedere jam diximus, *prius*, omnia sulphurea & pingua mixta subterranea, *posterius* salina producit, nam sulphur & salem, ex terrâ constare lib. 2. sub cujuslibet anatomîâ probabimus, cum itaq; hæ duæ terræ & digestionem & puritatem differant, non mirum etiam est, si imperfecta sulphura & salia producantur, præsertim in mixtis, ubi aqua concurrat, ut in sale communi videmus, ubi verò hæ duæ terræ prorsus simplices sunt, & in nulla decomposita transformata, tum inquam vera & propinqua metallorum principia existunt, naturæ & conditionis, prout sectione sequenti exponemus, & hoc contingit, cum hæc terrea effluvia, sine aquâ, deinde sine decompositione in sulphura & salia, existunt, purificata interim & digesta magis, in quo à præcedentibus effluviis sulphureis, terreis & spissis ac bituminosis discernuntur, illa enim cruda sunt, & variis rebus permixta, hæc verò tanquam mineralium principia pura, subtilia, cocta, & penetrantia existunt, magna tamen inter hæc imperfecta & perfecta effluvia terrea, harmonia connexio est & affinitas, vix enim separatim inveniuntur, & ita ut nullum sine altero inveniatur, hinc sulphura & bitumina plerumq; mineralia secum vehunt, vix autem minerale datur sulphuris communis expers, & prout effluvia terrea perfecta cum imperfectis, ut diximus, miscentur, ita illa ipsa effluvia perfecta inter se quoq; miscentur, ut nulla ferè metalli minera reperiatur, quæ non aliorum quoq; metallorum ferax & particeps sit, licet enim præfata effluvia

fluvia terrea perfecta esse dixerimus, id tamen non tam respectu sui, quàm præcedentium impurorum effluviorum, minusq; digestorum, salium nempe & sulphurum, intelligendum est, ipsa enim mineralia effluvia, licet respectu aliorum, ut jam dictum est, magis digesta & perfecta sint, respectu sui tamen & inter se multum differunt, tam in digestionem quàm in perfectionem, ut nemo non videt in antimonio, plumbo & argento, item in marcasitâ, cupro & auro, quæ licet ex uno fundamento procedant, toto cœlo tamen circa duas extremitates & medietates quoad perfectionem & digestionem differunt, & hæc est specifica ratio diversitatis metallorum & mineralium, deinde effluvia terrea mineralia hoc quoq; commune habent, quòd in principio sui motûs, cùm nempe metalla præparant, volatilia sint & penetrantia, in fine verò, cùm in metallicam soliditatem abierunt, spissa fiant, gravia & solida, & hoc ob causas, quas Sect. 7. hujus libri cap. de soliditate & fluiditate dabimus. Hoc quoq; observandum est, præfata effluvia mineralia circa finem sui motûs, nempe circa superficiem terræ subtiliora esse quàm in fundo, ratio enim dicitur, per longam illam transcolationem, vapores tandem subtiliores reddi, è contrà depositis circa fundum crassioribus partibus, illum ipsum fundum, materia metallicâ & mortalibus grata fæculentiâ abundare, & hæc est ratio, quòd circa fundum minerarum, minere plerumq; copiosiores existant, & ditiores, vulgò die *Erzgång seynd mächtiger in der Tieffe als an dem Tag* / eò, quòd circa fundum terræ, aut in profundis ejusdem, prima terra, cujus sectione sequenti cap. 2. mentio

mentio fiet, lapides nempe vulgò *Querk* / in quibus metalla generari, & concipi solent, copiosius reperiuntur, qui ab ejusmodi inhalantibus vaporibus penetrantur, emolliuntur, vapores è contrà per eos, tanquam filtratoria colantur, inspissantur, & finguntur. Cæterum non prætereundum esse arbitror, quòde jufinodi vapores certum ordinem in motu suo à centro ad circumferentiam terræ observent, quos motus metallicolæ *Witterungen* vocant, cùm ergò ex profundis, præfatos lapides, mineralia hæc effluvia centralia inhalant, inhalationes contingunt, quas metallicolæ in communi *Einwitterungen* vocant, quo nomine tamdiu gaudent, quamdiu metallum vulgò *den Zeug* / nempe materiam pro metallis disponunt & præparant, cùm deindè metallum perfectum est, quiescens vocatur, vulgò *ein ruhent / schlaffent Erzk* / cui, si præfata terrea mineralia centralia effluvia post perfectionem, etiamnum, & plus justo superveniunt, & accedunt, rursus id reviviscit, & quasi resuscitatur, unde fixatum metallum, denuò extrahitur volatilifatur atq; exhalat, quod metallicolæ *Aufwittern* vocant, metallum verò exhalans *ein lebendig Metall* nominant, quòd non secus ac frumentum subindè reviviscat, atq; avolet, superstitem autem vaeuum & extractum lapidem *ein tod Metall* vocant, sed de his Sectione quartâ latius agemus, hoc loco de effluviis centralibus igneis, aëreis, aqueis, & terreis concludemus.

Sectionis secundæ, Caput sextum

De motu perpetuo Naturæ,
ubi quæ in præcedentibus de motu
aquæ & terræ subterraneæ dicta sunt, per exem-
pla probantur, & invicem conferuntur.

SYNOPSIS.

N. 1. *Comparatio effluviorum centri terræ cum destilla-
tione Chymicâ.* N. 2. *de singulari thermoscopio,*
N. 3. *Iniqua P. Schotti censura.* N. 4. *Fæcun-
ditas maris, singulari observatione demonstratur.*
N. 5. *Veterum hieroglyphica de maris fertilitate.*
N. 6. *Cur mare finis terræ dicatur?* N. 7. *circu-
latio maris, & fontium paucis repetitur.* N. 8. *Ex-
plicatio tabula Smaragdine, circa præcedentia.*

TEXTUS.

HActenus quæ ad originem & motum princi-
piorum & effluviorum subterraneorum spe-
ctant, ut confido, sufficienter & vix non ad nause-
am, non tamen sine magno labore & studio expo-
suimus, nunc hanc sectionem bonis, ut dicunt, avi-
bus, nisi noctuæ quædam nobis obululent, aut har-
pyjæ obvolent, quæ nihil non alienum dilacerant,
concludamus, si prius admirandam naturæ circu-
lationem, quæ in præcedentibus, filo quasi ariad-
neo investigavimus, uno vel altero exemplo pro
meliori lectoris captu illustraverimus, reverà au- N.
tem, perpetua hæc circulatio, destillationi Chymi- I.
cæ comparari potest, ubi liquor, cucurbitæ inclu-
sus, calore tepefactus, in vaporem resolvitur, qui

G

per

per alembici rostrum & varios gyros seu refrigera-
toria densatur, & in liquoris formâ effluit, qui li-
quor, si circa fundum cucurbitæ per tubulum, ut in
circulatoriis fieri solet, aut alembicis cæcis, rursus
in cucurbitam derivetur, continuante calore, de-
nuò in vaporem resolvetur, ascendet per refrigera-
toria, in aquâ densabitur, atq; ita perpetuam circu-
lationem instituet, prout id in thermoscopio quo-

- N. 2. dam, in praxin reduximus, quod perpetuo calore
& frigore animavimus, atq; ita liquoris perpetuam
circulationem instituimus, ita ut motu suo horo-
logium mechanicum revolvere queat, magnæ isti-
us Physicæ circulationis non in elegans imitamen,
& hanc imitatam circulationem præfati thermosco-
pij intelleximus, in machinâ nostri perpetui motûs
physico-mechanici sub finem, serpentis imagine
cum inscriptione : *Perpetua naturæ circulatio* ;
quam machinam præter nostram voluntatem &
mentem P. Schott in technicâ suâ curiosâ pag. 732.
apposuit & explicavit, ac per perpetuam naturæ
circulationem, aquam pluvialem intelligi, lectorem
falsò persuasit, multaq; alia me in scio addidit. Opta-
rem ego, P. Schottus vel sua scripsisset, & aliorum
labores intactos reliquisset, vel æquum judicem &
Censorem se præstitisset, quod si fecisset, non
sine ullâ ratione citato loco mihi paralogismum in
N. 3. situlâ V. & Capsulâ X. objecisset, cum lippis &
tonforibus notum sit, vacuum situlam per antifa-
coma X. rursus in altum tolli, & nunquam vacuum
situlam tam gravem, quàm cum aquâ repleta est,
existere posse. Errorem calcographi in rotâ P.
Tympani. O. & ponderis M. ubi circa Tympa-
num R. rota mutatoria omissa est, nobis imputa-
vit,

vit, quasi verò in machinâ tam prolixâ, quam ipse ingeniosam esse fatetur, adeò inconsiderantes fuerimus, vel ignorantes, ut nesciremus, motum Globi M. sursum dirigi debere, sed nodum in scirpo, in gratiam aliorum malevolorum, in primis tertij cujusdam P. Schottum quæsisisse, certum est, alioquin circa meam machinam non ità niniùm videns, in P. Solski Poloni verò machinâ quam pag. 777. describit, prorsus cæcus extitisset, quam tamen laudat, quæ in primis fundamentis vitiosa est, nempe circa compressionem linearum in inferiori tubo. D. H. L. N. quam tamen juxta leges Mathematicas accuratè examinâsse & nullum paralogismum invenisse P. Schottus asserit, in propriis namq; vitiis prorsus cæci sumus, in alienis vigilantissimi, tulissetq; idem præmium, quod ob hoc subtile inventum P. Schottus Polonicæ nationi tribuit, potius ob crassam ignorantiam. P. Kochanski, qui pro more suo & stylum Doctoris sui P. Schotti, in aliorum labores involat pro lubitu addendo, demendo, censendo, tandem pro suis jactitando, ut in Iconismo. 10. & II. præfati libri fecit, imò totum librum nonum ex ore meo scripsit, ex quâ scribendi & inveniendi prurigne, non temperare sibi potuit, quin in inanem istam gloriolam conterranei & sodalis sui Patris Solski circa Iconismum. 12. involaret, & ex illa machinâ novam inveniret, aut potius Solskianæ machinæ Kochanskianam larvam imponderet, sed similes habent labra lactucas, & nigri corvi niger pullus; neuter enim earum auriculis caret, non sine tintinnabulis, idem ergò cum Solskio, imò gravius ob raptum præfatus P. Kochanski præmium tulisset, ni

à me ad instantiam suam, paralogismi admonitus fuisset, atq; ipse deindè lectorem monerit, pag. 882. ubi ait, *ut basis Siphonis ad basin modioli, sic Cylinder liquidi, pressione attollendi, ad potentiam pressoriam & conversim*, hanc observationem, si gratus fuisset, meo nomini & monitioni inscribere debuisset, quod silentio præterit, & pergit. *Non ergò video, quid peculiare appressioni Solskianæ Machinæ præ compressione sit tribuendum.* Ex quo, etiam ex ipsâ Machinæ Solskianæ constructione liquet, P. Solskium toti orbi & ipsi P. Schotto manifesto errore imposuisse, cùm ait pag. 775. *se anno 1661. experimentum Varsaviae ejus rei sumpsisse, & successisse*, quod adeò impossibile est, si machinam ad leges Mathematicas revoces, ut non nisi ope fucatâ, extranea, arte impostoriâ moveri potuerit. Viderit ergò Solski, quâ fide Regi Casimiro hanc machinam ipso die, ut ait, *divi Ignatij Varsaviae in adibus domus professoræ exhibuerit, & album diem, nigro calculo profanaverit*; viderit etiam P. Schottus, quo fundamento *Polonica Nationi reperi motus perpetui a viginti & amplius seculis quæsit*, ut pag. 820. ait, *gloriam tribuat*, inprimis autem consideret, quâ conscientiâ, machinæ meæ innumera entia objiciat, cùm Poloni laudatâ machinâ, si non plura, non pauciora saltem contineat, innumeros elateres mihi obtrudit, eorumq; multitudinis nomine me accusat, cùm ne ipse quidem Argos in totâ machinâ præter unum invenire poterit, qui tamen invidiosis oculis multus videtur. Sed mittamus hæc & similia, quæ in scriptis nostris mathematicis alio loco & tempore vindicabimus, nunc ad nobilissimam & admirandam naturæ circulationem redeundum est, quàm brevi synopsis
repe-

repetemus. Mare omnis subterraneæ fœcundita- N.
tis matrem esse jam sæpiùs diximus, nec subter- 4.
raneæ tantùm, sed & superterraneæ, quod ex se-
quenti historiâ patet: recenset quidam Author An-
glicus in tractatu de fœcunditate salis marini, in
Scotiâ, circa loca litoralia cum aqua defluxu re-
cesserat, rusticum quendam, sacco frumenti semi-
nalis pleno, equo imposito, ea loca peragrasse, im-
moratum autem fuisse, ita ut ob redeuntes flu-
ctus festinare, ac saccum frumenti dejicere coactus
fuerit, tandem cum fluctus altero die recessissent,
rusticum quoq; suum saccum reperisse, & inven-
tum licet prorsus humefactum, cum ob inopiam
aliud frumentum deesset, id ipsum frumentum se-
minasse, ex quo ita copiosus fructus prodiit, ut
rusticus cum omnibus vicinis in admirationem
raptus fuerit, prout præfatus author loco citato N.
latius recenset. Non ergo sine ratione Veteres Ve- 5.
nerem Deam mari præfecerunt, quam fœcundita-
tem partim ex astris, partim quod undiq; litora cir-
cumfluat, eaq; elixet, ac variis substantiis impræ-
gnetur, acquirit, proindè quæ Veteres de spumo
maris, de Neptuni tridente, aliisq; fabulati sunt,
certo respectu non vilipendenda, sed altiùs inqui-
renda sunt, fœcundum itaq; mare fundum terræ N.
penetrat, unde etiam in sacris literis *maria finis terræ* 6.
vocantur, non prout crassa veterum quorundam
Monachorum ignorantia, ex non intellecta Ety-
mologiâ, hoc dictum in beatam Virginem com-
petere simplicem popellum persuaserunt, atq; in
Belgio Catholico Ecclesiam fundarunt, quam
Vulgò *Maria finster Stern* vocant, ubi maria pro
Maria & finis terræ in finster Stern contraxe-
G 3 runt,

- runt, atque ità non sine risu impropriâs & furtivas laudes Beatæ Virgini tribuerunt. Sed redeamus ab hac obscurâ Etymologiâ ad materiam nostram, ubi maria finem terræ constituere asserimus, quæ enim in centrum seu per superficiem terræ constituuntur, extrâ & in fine terræ esse dici possunt, litora enim potius terræ initia dici possunt, quàm finis, mare ergò in centrum
- N. terræ penetrare, illic in vaporem, hunc in altum per terram tendere, ac in viâ suâ terram subterraneam fœcundare, circa superficiem verò frigescentium in aquam resolvi, hanc in rivos & flumina colligi, ac rursus in mare decurrere, itaq; perpetuam circulationem, & motum perpetuum reverà Physicum perficere, asserimus, &
- N. ut spero, ex ante dictis sufficienter probavimus,
8. quibus Hermes in tabulâ Smaragdina adstipulatur, ubi inquit: *in hoc à terrâ ascendit, & à cælo rursus in terram descendit, atque ità superiorum & inferiorum potentiam in se recipit, quæ perfecta est*, seu quæ finem suum assequitur, *cùm in terram mutatur*, nempe cùm in terram suas qualitates deponit, taliter enim mineralia non modò, sed etiam suavissima vegetabilia, fortissima nempe vina & fragrantissima balsama inde producuntur & nutriuntur, sic volente Creatore, ut vapores, postquam in visceribus terræ sua munera deposuerunt, purgati quasi & rectificati, vegetabilibus demùm inserviant, & hominibus,

Libri primi Sectio Tertia

Digressionem specialem ad
subterraneorum genesin facit, ubi
in specie de tribus mineralium principiis agi-
tur, quæ author tres diversas terras
esse demonstrat.

Sectionis tertiæ Caput primum.

De Definitione & Natura
Principiorum subterraneorum.

SYNOPSIS.

N. 1. Principiorum definitio. N. 2. differentia inter ge-
neralissima, generaliora, & generalia rerum prin-
cipia. N. 3. de generalissimis rerum principiis.
N. 4. de Aristotelicorum principiis circa generalia
& propinqua. N. 5. de Paracelsicorum, aliorum-
que principiis circa eadem. N. 6. Paracelsi tria
principia improprie principia dicuntur, suntq; de-
composita. N. 7. impudica quorundam Chymico-
rum mendacia circa hæc. N. 8. quomodo sal, sul-
phur, & Mercurius non entia dicantur. N. 9. de
capite mortuo Chymicorum. N. 10. quomodo P ara-
celsi sententia defendi possit. N. 11. de specialissimis
subterraneorum principiis, ubi probatur, subter-
ranea corpora ut mixta, ex partibus constare, quæ
pro principiis eorum habenda sunt. N. 12. durum
est, metalla in principia reducere, sine nova de-

compositione. N. 13. methodus subterraneorum principia eruendi, & eorum genuinam ac propriam constitutionem indagandi.

TEXTUS.

- N. **P**Rincipiorum definitionem, prout illa in comuni datur, non opus erit, proponere, cum omnibus notum sit, *id pro principio haberi, ex quo aliquid initium sumit*, & quoniam hoc loco ad praxin tendimus, & proinde omnes subtilitates theoricæ circa rerum definitiones silentio involvimus, ipsam rei seriem aggrediemur, prout in se est. Quandoquidem ergo de subterraneis noster sermo sit, quæ corpora mixta sunt, & quæ ex partibus constant, necessario sequitur, ejusmodi partes cum mixtum prorsus homogeneous constituant, ante mixtionem simplicissimas esse debere, hæc enim est communis principiorum definitio, ut nempe sint *simplicia, pura, & non pexmixta.*
- N. Hoc tamen non intelligimus in ordine & respectu
2. ad generalem illam mixtionem, de quâ Sect. I egimus, ubi etiam partes principales subterraneorum, licet simplicissime appareant, non nihil mixtæ erunt, prout eadem Sectione exposuimus. Si enim Vocabulum *principium* probè consideremus, illud diverso respectu rerum corporibus imponi potest, *Primo* enim Deus omnium rerum principium dici potest, *deinde* natura, quam definitio, *quod sit motus Physicus, conservans omnia in eâ dispositione, quâ à Deo creata & producta sunt.* *Tertio* ignis rerum principium dici potest, quatenus nempe omnia visibilia suo calore miscet, & fovet. *Quarto*, meritò ea principia vocanda sunt, quæ partes miscibiles constituunt,

stituunt, & illæ rursum considerandæ generalissimè in ordine ad universum, deindè propinquè, prout jam sunt dispositæ & principiatae in hoc vel illud convertibiles, sic omnes cibi, quibus homo vescitur, & unde sanguis, & ex sanguine semen generatur, principia hominis vocari possunt, quæ quoniam omnia ex terrâ generantur, S. Scriptura de homine dicit, *eum terram, & in terram convertendum* N. esse. Tandem illa quoq; principia vocanda sunt, & 4. pro specialissimis rerum initiis habenda, quæ ex materiâ propinquâ in specificam reducta sunt, sic reverà semen hominis, bovis, pomi, fabæ, auri vel argenti, principium istorum corporum vocandum est, qualia exindè producuntur, neq; enim milvus columbam parit, distinguendum ergò esse arbitror, inter principia materialia & formalia, *materialia* voco, quæ materiam & subjectum præbent, *formalia* verò, quæ movent, agunt, & miscent, de quibus tam in præcedentibus quàm in subsequentibus agemus, materialia quod attinet, illa rursus *remotissima* sunt, ut aqua & terra, & *specialissima*, ut quodlibet specificum rerum semen, *intermedia* N. ut prima mixta, ex quibus semina oriuntur. Ari- 5. stoteles totum hoc per formam & materiam exponit, per formam agens, per materiam patiens intelligens, licet verò sectatores ejus infinitis verbis, terminis & involucris hanc sui Principis opinionem exposuerint, tamen nemo illorum est, qui præter verba & inania vocabula, se ipsum explicare queat, si enim, prout illi exponunt, Aristoteles formam & materiam, præsertim primam, intelligat, profecto utraq; nihil erit, nisi Chimera non existens, paucis non ens, quod otiosorum hominum inge-

nia vellicat, nam si primam omnium rerum materiam spectes, terra & aqua erunt, si propinquam, producta ex his prima mixta erunt, si specialissimam, specialia rerum semina erunt, si verò immaterialem, illam modernorum Philosophorum materiam desideres, hîc loci non invenies, sed quaerenda tibi erit apud illos, qui inter regias opes, otioforum hominum ingenia immaterialibus ejusmodi nullitatibus implent, ut materialibus facultatibus exuant, rationem simul cum tempore & sumptibus perdentes. Credibile ergo est, Aristotelem per suam formam & materiam quid aliud intellexisse, & sanè si primam & communem formarum causam accuratius expendamus, cœlo eam tribuendam esse ratio suadet, quod cælum, raritatis & densitatis unicum subjectum esse hujus libri Sect. 1. cap. 1. probavimus, ex raritate autem & densitate omnes formas procedere levi negotio demonstrari potest, si, prout in sequenti sectione quarta cap. de generatione animalium demonstrabimus, consideremus rerum formas ex materialium particulis, particularumq; gravitate & situ, ad quem ex gravitatis suæ naturâ feruntur, constare, & hoc contingere, cum particulæ raræ sunt, ut naturali propensione quodlibet corpusculum juxta gravitatis suæ proportionem liberè huc vel illuc ferri possit, sine rarefactione enim, ut alibi probavimus, nihil Physicè moveri potest, materiam quod attinet, quocunq; modo illam consideremus, aliquid materiale, & quidem id esse debet, ex quo omnia constant, alioquin ipsa definitio primæ materiæ esset falsa, si nempe per vocabulum *materia* aliquod immateriale intelligatur, paulò

paulò feliciùs Aristoteles propinqua subterraneorum principia proposuit, cùm ait, ea subterraneos, pingues, unctuosos, & viscidos vapores esse & halitus, sed hæc omnia quàm generalia sint, nemo non videt. Longè dexterius D. Thomas, Aristotelem interpretatus est, cùm in commentario suo, supra tertium librum Aristotelis de meteoris, ità de subterraneorum principiis differit: *Considerandum autem est, circa principia materialia metallorum, quæ sunt in duplici differentiâ, quedam enim sunt materia remota, sicut est vapor inclusus in locis lapidosæ terræ, alia autem sunt materia propinqua, & hæc sunt sulphur, & Mercurius, itaq; in prædictis locis lapidosæ terræ, per virtutem mineralem generatur sulphur & Mercurius, deinde ex ipsis generantur diversa metalla secundum diversarum eorum commixtionem, unde etiam ipsi Alchimistæ, per veram artem Alchimie per prædicta principia, vel potius per principiata aliquando veram generationem metallorum faciunt, hætenus D. Thomas.* cuius verba multum pro nobis faciunt. His nec- N. dum tamen quidam contenti ad alias speculatio- 6. nes confugerunt, præsertim ab illo tempore, quo Paracelsus (qui in Medicos tam graviter invecus est, ut sine fronte tanquam scurram de catastâ tractare non erubuerit) innotescere incepèrat, post quem valdè ferax seculum Chymicorum fuit, qui talem sibi licentiam dederunt, non modo in quovis pro arbitrio suo debacchandi, sed & nescio, quas implicitas, & infinitas ferè novas opiniones in orbem proferendi. Sed convertemus nos ad hosce Philosophastros, ubi ingens librorum Chymicorum numerus, statim sub initium se nobis aperit, quorum nullus consensus, nulla harmonia, & de-

& denique nulli ferè cum altero circa subterraneorum originem & principia convenit, risum cuidam movere posset, si quis tam ineptas eorum speculationes perlegat, in quibus nec sensus, nec consensus reperitur, quasi verò scribere præstet, quod nemo, etiam ipse scribens non intelligat, ut fanaticos potius quam Philosophos esse credas. Omnium Coryphæus Paracelsus, ita circa subterraneorum principia se torfit, ut, quo se verteret, nescierit, tandem in famosa illa tria principia sal, sulphur, & Mercurium prorupit, quæ, quàm inania sint, in sequentibus probabimus, sed & nec horum inventor Paracelsus fuisse creditur, maximi enim illum Bernardus Penotus plagii accusat, in Denario suo medico: *Tria*, inquit, *illa principia Mercurii, Sulphuris, & salis Paracelsus à verbo ad verbum ex opere vegetabili Isaci Holandi desumpsit, sic & doctrinam de separatione quatuor elementorum: de gradationibus medicinarum ab Arnoldo: Archidoxa à Raymundo Lullio ex sua arte operativâ: De arcanis à Rupefiscisâ: Nihil prorsus à se ipso præterquam vitia & maledicta: Synonyma, quibus utitur à doctissimo Domino Garlando Anglo tenet: à Trithemio varia: si quis attentè Arnoldum legerit, & Raymundum in arte operativâ, animadvertet Paracelsum istorum Virorum truncasse, & sibi vendicasse scripta: legite Landfrancum, animadvertetis Paracelsum ab eodem suam Chyrurgiam desumpsisse, cur non citat Arnoldum capite de Paralyfi, de Galbaneto suo, de scripto libro de morbis tartareis: plura alia sunt, quæ doctis Viris relinquo investiganda: pertæsus vitæ presentis aperio vobis studiosis viam quâ poteritis ad meliora & faciliora pervenire, & alium Eliam artistam exspectare nolite, præter Isaaci Hollandi opera. Haftenus Penotus: quæ quomodo*

modo Paracelsitis placeant, ipsi viderint, Paracelsum multis non satisfacere, non pauci viri docti testantur, & proindè ad alia confugerunt, inter quos nostri temporis antesignanus quasi Helmontius est, qui solidiora sibi principia fingens nescio quos Archæos aut Chymeras sibi concepit, atq; ita non tam insaniam quàm insanix genus mutavit, accusando nempè scholas nullitatum, interim ipso nobis in ejusmodi larvatis Archæis imponente, & non entia proferente, quoniam autem tria præfata principia sive Isaaci Hollandi, sive Paracelsi magis usu recepta sunt, quàm Helmontiani Archæi ad ea recurremus, ac specialius examinabimus. Nemi-
nem autem spero, ita absurdum fore, ut præfata
tria principia aliter quàm propinqua & principiata
intelligat, nempè pro materiâ jam proximè ad actum disposita, & licet hoc modo considerentur, tamen quomodocunq; explicentur, improprie sal, sulphur, & Mercurius dicuntur, si enim sulphur commune, seu qualecunq; intelligas, illud mixtum erit, & hoc de Mercurio & Sale communi intelligendum, quæ omnia mixta sunt, & ex partibus constant, quod contra naturam principiorum est, quæ definiuntur, quòd debeant esse simplicia, hæc verò Paracelsi principia, non modò mixta, sed & decomposita sunt, ut praxis docet, nam nullum sal, sulphur, aut Mercurius ex ullo metallico corpore elici poterit, nisi quædam addantur, quæ novam decompositionem, nempè aliquod tertium constituunt, quod deinde principium vocant, sed eâdem ratione, & vitriola, & amasa, & croci, & flores, & butyra, & omnia deniq;, quæ ex metallis parantur, pro metallorum principiis statui possent, eo
quòd

quòd ex illis parentur, & licet quæ adduntur prorsus omni sulphure, sale & Mercurio carere videatur, nec actu in eis talia subiecta reperiantur, mirum tamen non est, si ante decompositionem decompositum non extet, sed prius ut tertium ex decompositione oriatur, cujus exemplum in vitriolificatione videmus, ubi actu neq; metallum neq; spiritus acidus vitriolum est, interim tamen cum miscentur, aliquod tertium producitur, quod in neutro erat, nempe vitriolum actuale; idem de saccharo Saturni intelligendum est, multisq; aliis, peritissimi enim circa mixtionem rerum & subiectorum qualitatem decipiuntur, cum rerum naturæ mirè larventur; quis enim crederet, in subtilissimis quibusdam spiritibus corporales terras latere? quis in spiritu aceti spiritum ardentem vini, in sale tartari terram rubram, in sale communi amarissimum sulphur, in spiritu sulphuris acido, licet per deflagrationem sulphuris præparato, etiamnum sulphur vivum, solidum, ardens, & cõbustibile in satis magnâ quantitate, quæreretur? interim non modo hæc, sed & longè alia subiecta intus latere experientia probat, quæ hæc & similia ob oculos ponit, cum rerum natura diligentius ponderatur, non ergò mirum est, si ejusmodi subiecta in decompositione doctissimis etiam Viris impo-
nant, imprimis sulphur, sal, & Mercurius, quæ subiecta, quomodocunq; sumantur, improprie intelligi debent, si pro rerum principiis constituantur, & quomodocunq; ex corporibus præparentur, mixta sunt & decomposita nec pro simplicibus rerum principiis habenda. Non possum ergò non
N. 8. satis mirari temeritatem quorundam Chymicorum, qui

qui adeò effrontes sunt, ut non erubescant publicè, crassissimis mandaciis mundo imponere, cum profitentur, se ex omnibus corporibus, ipsis etiam animalibus & vegetabilibus sal, sulphur, & Mercurium elicere posse, istâ etiam formâ, quâ commune argentum vivum, sulphur, & sal est, cum tamen anatomia ad oculum doceat, argentum vivum decompositum esse, & ex metallo & terrâ fluidâ, sulphur verò vivum ex sale acido & bitumine terræ, sal verò commune ex universali illâ aquâ & terrâ marinâ constare, ut lib. 2. sub cujuslibet subjecti anatomiam specialiter demonstrabimus. Ob hanc N. ergo causam non pauci fuerunt, præsertim miso- 9. chymici, qui existentiam trium præcedentium principiorum non modo prorsus negârunt, sed & per decompositionem ea ex metallis produci posse, quoq; in dubium revocârunt, prout de hac singularis libellus extat, sub titulo *non entium Chymicorum*, ubi author expressè demonstrare intendit, non posse ex ullo corpore ejusmodi principia elici, nisi extrinsecè addantur, & Angelus Sala ex his causis permotus fortiter negat, posse ex ullo metallo Mercurium fieri, sine Mercurij additione, quod tamen falsum est, nam cum Mercurius vivus in propriâ suâ substantiâ decompositum quoddam minerale sit, ut lib. 2. probabimus, quid mirum si ex partibus, quæ tale decompositum constituunt, illud ipsum decompositum fiat, quod Mercurium vivum vocamus, sine Mercurij vivi additione, & sanè experientia docet, mediante solo sale communi ex plumbô vel antimonio verum vivum currentem Mercurium produci posse, prout sæpius id in praxi experti sumus, ex quo tamen nec-
dum

dum hoc inferre volo , quòd præfatus Mercurius aliter principium plumbi vel Antimonii sit , quàm ullum aliud decompositum , quod ex ejusmodi corporibus produci potest , ut saccharum Saturni , butyrum antimonij multaq; alia , non enim sequitur, *Mercurius vivus non est principium metallorum, ergò Mercurius vivus corporum metallicorum est non ens,* & non nisi per additionem Mercurij ex metallis produci potest , quæ tamen productio tali modo potius additio & deceptio vocanda esset , sicut quoq; non sequitur, *ex metallis preparari potest Mercurius sine Mercurii additione, ergò Mercurius est principium metallorum* , duo enim axiomata in studio Chymico observanda sunt, primò ne temerè & sine firmâ ratione ac experienciâ facilè quid statuamus , vel rejiciamus , quæ enim unus nescit , cur omnes nescirent , deindè Chymia multis larvis imponere solet , adeò ut decomposita sint , quæ simplicissima apparent , & hinc non facilè quidquam pro principio statuendum , cujus crasis & natura ignota , quæ si moderni Chymici perpendissent , multa , quæ pro non entibus concluderunt , entia , & quæ pro entibus habuerunt , non entia deprehensa fuissent , & hæc est ratio , quòd mixta illa decomposita sal , sulphur , & Mercurium pro simplicissimis principiis ,

N. terram verò & aquam pro materiâ inutili rejectâ ,

10. damnatâ , & capite mortuo ac phlegmate , ut vocant , reputaverint , cùm tamen manifestè clareat , terram & aquam omnium rerum simplicia principia esse , in quæ omnia corpora ultimatim resolvi possunt , quæq; novæ mixtionis & generationis unica principia existunt. Concludendum ergò omnimodè , nisi crassissimam ignorantiam Paracelso suis-

que

que affeclis circa trium principiorum doctrinam imputare velimus, per tria principia aliud quid intelligi, quam vulgus existimat, conati sumus in nostro œdipo Chymico, Paracelsi opinionem defendere & conciliare. Id autem hoc loco addendum erit, per sulphur terram, per sal aquam intelligi debere, terra ergò & aqua, cum in gradu subtiliori sunt, mercurialia dici possunt, ob fluiditatem & penetrantiam, non quòd Mercurius sint, sed quòd nomen ob proprietates quasdam communes à Mercurio mutuentur, & hoc intelligendum, cum aqua & terra grossa & corporalia existunt, ibi enim à salis fixi naturâ, quam æmulantur, nomen suum petunt; simili casu cum aqua & terra in statu medio sunt posita, nec rara nec densa nimis, à sulphure communi etymologiam auspicantur, id enim neq; volatile neq; fixum nimis existit, undè si terminus veniat *sulphur*, terram intelliges, si verò dicatur *sulphur mercuriale* vel *sal mercuriale* terra vel aqua subtilis subintelligenda erit, prout latius in nostro ædipo Chymico exposuimus. Optandum tamen esset, Paracelsus se ipsum explicasset, & non N. vâ hac suâ doctrinâ non modò multa absurda, sed 12. & dubia in mundum intulisset; longè enim faciliùs, evidentiùs etiam, & solidiùs principiorum doctrina exponi potest, si à praxi initium capiamus: *illa namq; prima rerum principia vera & genuina sunt, unde corpora constant, & ex quibus indies miscentur, & preparantur.* Ut autem lector opinionem meam sufficienter intelligat, candidè & paucis eam verbis exponam: Universalialia & catholica mundi principia terra sunt & aqua, quoad materiam, quoad formam cœlum & rarefactionis Instrumenta,

H

prout

prout sunt ignis & aër, hæc universalia principia, unde totus mundus productus est, ut Sect. I. docuimus, tandem variè mixta, & in principia & specifica corporum Elementa & nutrimenta abierunt, unde triplex illa animalium vegetabilium, & mineralium classis & regnum, in quolibet autem regno specifica sunt semina tanquam principia principiata & singularissima, & ita omnium rerum *principium remotissimum est terra, & aqua*, prout in creationis actu extiterunt, *principium propinquum est eadem terra & aqua*, sed post productionem, prout variè mixta, *principium verò specialissimum est id*, unde quodvis corpus tanquam ex principio principiato actualem generationem incipit, & hoc est cujusvis corporis specificum semen, nempe *terra & aqua, quatenus disposita sunt, & ex principiis propinquis in specialissima nempe rerum semina mutata sunt*, ita omnia ex terrâ & aquâ prodierunt, omnia rursus in terram & aquam ultimatim reduci possunt, prout autem Sect. I. cap. 4. distinctionem inter mixta fecimus, atq; alia ex terrâ & aquâ, alia ex variis aquæ speciebus, alia verò ex variis terris constare probabimus, ita hoc loco illorum tantum corporum principia considerabimus, quæ purè terrea sunt, seu *quæ ex terris tantum constant*, talia nonnulla subterranea corpora esse eodem citato loco demonstravimus, aliqua enim subterranea imperfectiùs mixta nempe decomposita sunt, ut salia, succi minerales, &c. quorum decompositionem aqua ingreditur, prout sectione præcedenti demonstravimus, de quibus hîc loci non multum verba faciemus, cum exceptâ aquâ, eandem originem cum metallis, & lapidibus habeant, alia verò perfectè

fectè mixta sunt, & hæc tantummodò ex terrâ constant, prout mineralia & lapides, licet enim hæc subiecta non rarò in aquis generentur, nemo tamen aquas illorum mixtum essentialiter ingredi existimabit, qui vel minimum in eorum naturam indagaverit, terream enim esse, ipse primus aspectus demonstrat, præsertim ignis anatomia. Generale ergò axioma esto: *substantia metallorum & lapidum terrea est.* Jam verò secunda quæstio exoritur, circa subterraneorum principia, utrum, cùm eorum substantia terrea sit, una saltem vel plures terræ concurrant? certè diversas in diversis mixtis esse, mixtorum diversitas demonstrat, alia namq; terra in adamante quàm in marmore, & rursus alia in auro quàm in cupro est, quod nemo non videt, nec moramur, utrum hæ terræ perfectione, puritate vel quomodocunq; differant, licet sub uno nomine generico terræ comprehendantur, nodò differant, diversasq; species constituent, quod ipsa subterraneorum natura & diversitas confirmat; hoc verò ut plurimum controvertitur, utrum in unaquaq; specie (quovis mixto subterraneo metallico puta vel lapideo) plures quàm una terra conveniant, requirantur, & misceantur? abstrahimus ergò à terrâ & materiâ heterogenea, quæ per accidens compositionem mineralium ingrediuntur, ut sunt in mineris Vulgò. Etiam admixti lapides & terræ, & in lapidibus paleæ, tegumenta, involucra, venæ, aliaq; tantum enim hoc loco de mixto sermo est prorsus homogæneo, utrum nempe in cupro, auro, adamante & rubino aliisq; corporibus sive metallicis sive lapideis diversa ingredientia sint, & quot? seu

- utrum & quot diversa terra talia mixta ingrediantur,*
N. *eaque essentialiter constituent ?* Dura est hæc quæstio,
 12. *tùm quòd à nemine hucusq; pertractata , tùm*
quòd non aliter nisi per corporum anatomiam de-
cidi possit ; corpora verò hæc , cùm prorsus ho-
mogenea sint , & fortissimæ mixtionis , omnibus
elementis & resolutionibus in partes principales,
tenacissimè resistunt , ità ut ejusmodi subjecta per se
in principia non reduci possint , sin verò per addita sol-
N. *vantur , illicò novæ decompositiones fiunt , quæ genui-*
 13. *nam veritatem simplicium partium principalium*
obscurant , & confundunt , sic ut decomposita ma-
gis quàm simplicia principia ob oculos veniant ,
hinc infiniti illi errores artistarum , hinc cir-
ca hanc materiam magna & à tot seculis ingens
infcitia ; deniq; hinc evenit , quòd præfatam
quæstionem nemo hucusq; deciderit , & ad soli-
dam cognitionem principiorum subterraneorum,
quà actu in corporibus existunt , pervenerit. Ego,
nescio quo fato in hanc materiam incidi , eamq;
ventilandam suscepi ; utrùm verò lectori satisfac-
teurum sim ? eventus probabit. Dandum est aliquid
veniæ primùm conanti , sed &tribuendum est au-
thoritatis quidquam primò experiienti & ex pra-
xi scribenti. Quæstionem ergò quod attinet , qua-
lia subterraneis principia sint ? jam dictum est , ea
terrea esse , probabile autem est , metalla & lapi-
des , quia diversa sunt , etiam ex diversis terris
constare , quoad speciem , sed & quælibet metalli-
ca species non unam sed plures in se continet ter-
ras , id est , non ex uno sed pluribus principiis constat ,
hoc posterius jam nobis probandum incumbit ,
concludimus autem , quodlibet mixtum ex istorum
 nume-

numero, de quibus jam agimus, nempe de homogeneis, metallis scilicet & lapidibus, non ex unâ sed pluribus terris constare, id enim communis ratio dicitur: unum enim numero misceri nequit, metalla autem mixta sunt, ergo non constant ex uno, sed ex pluribus. Deinde experientia manifestum est, posse lapides & metalla prorsus suo colore privari, qui non juxta Aristotelicos aliquod imaginarium non ens & accidens, sed revera subtilis quædam terra est, potest inquam hæc separari, & nihilominus mixtum aliquod remanere, quod manifestum signum est, mixta mineralia ex diversis partibus constare, quod nisi foret, nulla specialis reactio in talia mixta dari posset sine totius corruptione & alteratione; nam si mixta mineralia, prorsus ex unâ tantum materia constarent, unam tantum paterentur affectionem, cujus contrarium tamen praxis demonstrat, possunt namque talia subiecta malleabilia, friabilia, gravia, levia, compacta, porosa, solida, fluida, volatilia, fixa, &c. reddi, quæ alterationes non modo per addita, sed ex interiori naturâ partium essentialium mixti proveniunt, ex uno autem subiecto simplici, tot diversas vicissitudines prodire non credibile est. Verum missis ejusmodi, quæ per se evidentia sunt frameâ practicâ resolvendus erit hic nodus Gordius. Dico itaque pro conclusione: *lapides & metalla ex tribus terris constare*, quarum prior talibus mixtis hypostasim seu substantiam aut basin, altera colorem, tertia figuram metalleitatem vel lapideitatem præbet, & hæc non ex aliquâ theoriâ sed praxi in sequentibus hujus sectionis capitibus defendemus; praxi inquam, hæ enim tres terræ, cum miscentur,

vel metalla vel lapides, etiam arte producunt, mixta nempe naturalibus per omnia similia, nempe pro diversitate tertiæ terræ, ut in sequentibus capitibus docebimus, in illâ enim, nempe tertiâ terrâ, differentia inter lapides & metalla consistit, in metallis namq; terra est, quæ eis metalleitatem, in lapidibus verò alia terra est, quæ eis lapideitatem dat, quam distinctionem lector benè observet, in reliquis enim duabus terris & metalla & lapides conveniunt, nempe quoad substantiam & colorem, & hoc argumentum optimum esse credo, cum subjecta pro principiis statuuntur, quæ simul mixta perfectam compositionem metallicam vel lapideam constituunt, *ex quo enim aliquid fit, id ejus verum principium esse creditur*; inter veros Philosophos Chymicos quoq; non pauci reperiuntur, qui constanter affirmant, illa vera metallorum principia esse, quæ metallis conjuncta, sine novâ decompositione speciei externæ, metallo, cui adduntur, reale & homogeneous augmentum præbent, ita enim Geber ait: ubi vel minimum augmenti metallici inveneris, ibi te dicimus esse ante fores Philosophorum, & sanè conveniens indicium est, *id enim per quod corpus homogeneous augmentum capit, id inquam ipsum est, quod pro principio*

N. *istius corporis haberi potest.* Et ut hujus totius theoriae & praxis fundamenta circa subterraneorum principia paucis & candidis verbis lectori curioso sine ullis ambagibus ob oculos ponam, dico *metallis & lapidibus tres diversas terras inesse, prior extra suam mixtionem in lapidibus seu in sale adcali, altera in nitro, tertia in sale communi reperitur, quæ tres terre, cum miscentur, sine ullâ aliâ additione verum & genuinum metallum & pro variatione praxeos lapidem consti-*

constituunt, unde concludo, & metalla & lapides etiam naturaliter inde constare, ut hujus sectionis capitibus sequentibus & lib. 2. in specie demonstrabimus; hæc enim est nostra particularis opinio, praxi firmata, metalla & lapides ex tribus simplicibus terris constare, & harum evidentiam non ex consequenti, cum jam mixtæ sint, & actu immixto existunt, sed ex antecedenti, quatenus miscibiles sunt, & mixtæ, corpus, cujus principium esse statuuntur, reverà constituunt, ità in hoc Philosophandi genere ex antecedenti ad consequens argumentari oportet, cum subjecta subterranea homogenea, & sine novâ decompositione insolubilia sunt, nunc expositâ nostrâ opinione in genere, ad trium principiorum nempe trium terrarum explicationem, juxta nostram mentem, in specie properabimus.

Sectionis tertiæ Caput secundum
De primo metallorum & lapidum principio, quod lapis fusilis seu terra lapidea est, improprie sal dicta.

SYNOPSIS.

- N. 1.** De terrâ vitrescibili, primâ metallorum basi & principio. **N. 2.** generalis lapidum differentia. **N. 3.** lapidis species, de quo hoc loco agitur. **N. 4.** lapidea terra, actu in metallis existit. **N. 5.** signum pro metallis indagandis, ubi de fertilitate & sterilitate metallorum agitur. **N. 6.** de vocabulo

bulo Quarz ejusque differentia. N. 7. de loco, ubi prefatus lapis reperitur. N. 8. ingreditur metallorum compositionem, ut principium. N. 9. utrum hoc minerale principium in lapidis formâ semper existat? N. 10. quomodo à reliquis lapidibus differat? N. 11. de materiâ lapidificâ. N. 12. artificialis lapidum solutio. N. 13. mirabile experimentum circa solutionem crystalli. N. 14. de vocabulis Kluft & bsieg. N. 15. terra lapidifica non rarò spiritus forma larvatur. N. 16. causa cur in diversis locis metalla generentur. N. 17. calor ad mixtionem mineralem, utrum requiratur, & quòd aqua mixtionem mineralem non impediat.

TEXTUS.

HActenus in genere de principiis subterraneorum egimus, quæ ex terrâ constare diximus, nunc restat, ut progrediamur, & quodlibet principium, quorum numero tria sunt, (tres nempe terræ) ad oculum exponamus, atq; hoc capite

1. initium de primâ faciamus, quæ reliquarum duarum mater est & receptaculum. Lapidis species, quæ in igne fluit, & fluens vitrum exhibet, reperitur in omnibus lapidum speciebus, quarum tres sunt, alii enim lapides fluunt, alii non fluunt, sed
2. in calcem vivam, forti igne, rediguntur, alii nec fluunt, nec in calcem rediguntur, sed in igne etiam fortissimo incolumes persistunt; horum rursus alii candescentes semper persistunt, frigefacti verò rumpuntur & pereunt, alii verò candescunt, & frigescent, quoties lubet, nunquam alterabiles. De horum lapidum primâ specie, nempe de fusilibus, saltem hoc loco verba faciemus, qui rursus diversis

sis proprietatibus discernuntur, nam & limus &
 arena & filices & plurimi alii lapides ad ignem flu-
 unt, nos verò istam speciem intelligimus, quæ
 omnium nobilissima est, & non rarò etiam à Me- N.
 tallicolis, calx, vulgò *zarter Kalch* oder *Schifer* 3.
 vocatur, sine quo nulla minera bona est, vel ferti-
 litatem promittit, adeò enim iste lapis mineris ne-
 cessarius est, ut, vel nudè & sine ullo metallo in
 montibus existens, infallibile signum futuri metalli
 sit, quod, hoc signo freti, non sine magnis inter-
 dum sumptibus, quærunt minerarum indagatores;
 hanc ergo sive terram sive lapidem, non sine præ-
 gnantibus causis pro principio primo omnium
 metallorum, minerarum, & lapidum, ac gemma-
 rum statuimus, & agnoscimus, certis freti experi-
 mentis, ut in sequentibus demonstrabimus, quibus N.
 evincere possumus, præfatam terram actu in metal- 4.
 lis & mineralibus omnibus, nec non lapidibus &
 gemmis existere, eorumq; mixtum, ut basin & fun-
 damentum ingredi, unde ea hypostasim suam,
 opacitatem, Diaphaneitatem, & fluxum nanci-
 scuntur, quarum proindè proprietatum diversi-
 tas, ex diversis hujus terræ gradibus, in quantita-
 te & puritate ejus consistentibus procedit, ut post- N.
 eà latiùs explicabitur. Hæc ergo terra, non mo- 5.
 dò, ut dictum, cùm præsens adest, infallibile si-
 gnum affuturi metalli est, sed & absens idem si-
 gnum existit, defuturi nempe metalli; nam etsi re-
 liqua duo principia, nempe terræ, de quibus post-
 eà agemus, quæ in fumi formâ non rarò cernun-
 tur, in sufficienti copiâ adsint, tamen defectu prio-
 ris terræ, tanquam matricis, receptaculi, sigilli se
 in formam metallicam recipere nequeunt, undè

parietibus adhærentes, varii generis flores, tophos, fluores & colores metallicos producant, steriles & venenosos, nisi arte corrigantur, non immeritò ergò Maria Prophetissa Moyfis soror hoc lapidum genus herbam albam vocat, cùm ait, *fumus completitur fumum, & herba alba crescens in monticulis capit utrumque*, quo dicto hanc terram clarissimis verbis indigitat, defectus ergò hujus terræ proxima & frequentissima causa sterilium minerarum existit, qui variis ex causis accidit, vel quòd Creatore sic volente, non in omnibus locis existat, & primâ productione sic posita sit, vel quòd Metallicularum ignorantia, montibus, ad vias parandas, vel ob leve lucrum metalli, quòd interdum in eâ contineri animadvertunt, maxima copiâ excidatur, undè immania illa antra subterranea, vulgò *Rûhren / Záchén* / in quibus præter aliquos fluores metallicos, nova metalla regenerari non cernimus, ratio enim in promptu est, ob matricis defectum, possent tamen huic malo arte mederi, si bona consilia sequi vellent, nam ità duplicem utilitatem haberent, primò ut fumi minerales hinc & indè vagantes, & inutiliter luxuriantes, suâ matrice figerentur, metalla producerentur, & usui essent, deindè quòd hoc modo capti, in forma venenosorum fumorum vagari, & hominibus nocere desinerent, magno enim jam incommodo metallicularum in mineris sunt, & magno labore per folles exsuguntur, quod illi *das böß Wötter aufstreyben* vocant, error verò in excidendâ hâc terrâ ex eâ causâ venit, quòd metallicolæ in incidendis viis ad mineras, vel perpendicularibus, quas *Schächte* vocant,

vel

vel Horizontalibus, quas Stollen nominant, cùm in ejusmodi terram (quâ tanquam filo ariadneo ad mineras ducuntur) incidunt, eam libentiùs quàm lateralem excidunt, quòd mitior multò & mollior ac tractabilior existat, quàm reliqua saxa, quæ interdum durissima sunt, ut medium annum non rarò ad quinq; pedum distantiam erudendam requirant, cùm è contrà uno die nostræ terræ seu lapidis, plus eruant, quàm alterius in uno mense, hinc id genus lapidis, vulgò ein edles / zartes / mildes / geschnättiges Gebürg / alios verò lapides ein raubes / wildes / grummig Bestes / ein daubes Gebürg nominant, specialiter verò nostram terram seu lapidem ein zarten Quarz vocant, transparens enim nonnihil est, albus, & N. quasi argenteis foliis interspersus, ad ignem facile liquabilis; duo verò circa hunc lapidem, quem interdum terram voco, in specie notanda veniunt, *primò*, quòd non semper adeò purus, sed variis rebus permixtus, & hinc multiplex inveniatur, permixtus enim cum communi lapide invenitur, sed ità, ut venas suas à reliquo lapide, quem Bergveste vocant, separatas servet, facile dignoscibiles, cùm enim noster lapis mollior sit, placuit Creatori, ex duriori lapide, quasi columnas pro mineris fulciendis producere, quæ nostro lapide non rarò interspersæ sunt, viderint proinde Metallicæ, ne nimia lucris spe, ob paucam interdum metalli in illis existentem quantitatem, maximam talium saxorum copiam eruant, quibus erutis, totum montium firmamentum periclitatur, prout id multis divitibus mineris accidisse specia-

specialibus exemplis demonstrare possem, quæ jam sine vitæ periculo amplius, ob hunc unicum errorem, tractari nequeunt. Sed redeundum nobis est ad species nostri lapidis, qui non rarò ut variis lapidibus, sic diversis terrarum generibus permixtus reperitur, & hoc posteriori modo, nempe juxta diversas terrarum mixtiones, diversis quoq; nominibus à metallicolis insignitur, ut *Spathblenthen / Râsensilber / Talc / &c.* in quibus omnibus metalla generari compertissimum, & quidem in tali copiâ, ut literæ ex Norvvegiâ ad me scriptæ testentur, unicum centenarium talci triginta duos lothones puri auri in se continuisse, quibus Docimastæ nec dum contenti, majorem copiam inesse suspicabantur, si modò separare scirent, quare me consuluerunt, nam terræ species, quæ nostro lapidi se immiscent, non sunt ejusdem naturæ, id est, non existunt principia metallorum, quare etiam eorum mixtum radicaliter ingredi non possunt, sed tantum superficialiter, verum tenacissime adhærent, undè separatoribus metallorum non rarò magnum laborem facessunt, cum facilius sit Antimonium, Arsenicum, & quodvis aliud minerale à metallis separare, quàm ea à tenacissimâ hâc terrâ liberare, quâ non modò eorum fluxus, sed & coitio & malleabilitas impeditur, undè ejusmodi mineralia à fusoribus *Underkûttete Metallen* vocantur. Secundum quod circa nostri lapidis naturam notari debet, est, eum in superficie montium nec tam copiosum nec tam feracem metalli reperi, nam ut postea, cum de fumis mineralibus agemus, demonstrabitur, metalla per modum transcolationis generari, & à basi minerarum ad superficiem

ficiem earum protrudi, unde ea circa fundum copiosiora reperiri, necessum, consequens quoque est, eorum matricem plus ibi quam ullibi inveniri, quod & experientia probat. Cæterum antequam primum hoc mineralium principium concludam, una adhuc quæstio à nobis decidenda est, nempe, utrum metalla in hoc lapide solum ut in matrice concipiuntur? matrice non naturam & mixtum essentiale metalli ingrediente, vel utrum metalla in hoc lapide generentur tanquam in necessario suo principio, quod eorum mixtionem ut basis ingreditur, & reaptè in eis existit? Quam quæstionem sic decido: Lapis, de quo hactenus egimus, requiritur ad generationem metallorum non modò ut matrix, sed & ut ingrediens & principium, non quòd in naturâ suâ in metallum transmutetur, ut sanguis in carnem, sed quòd superadvenientibus reliquis duobus principiis, de quibus jam acturi erimus, permixtus, novas qualitates acquirat, quæ ex naturâ hujus mixti oriuntur, & quæ novæ qualitates metallum vocantur, tanquam aliud tertium productum, unde naturale est, lapidem hunc, quatenus in ipsâ mixtione & mixto metallorum existit, non amplius pristinas suas qualitates retinere posse, sed ob admixta reliqua, gravem, opacum, & malleabilem fieri, & ex propriâ naturâ fusilem & liquabilem existere, quæ qualitas in eo non mutatur, licet novæ superinducantur, non ergò existimandum est, cum puram mineram deprehendimus, quam *gediegen* vocant, lapidem nostrum evanuisse, sed potius statuendum est, cum permixtione reliquorum principiorum, novas qualitates induisse, novumq; mixtum factum esse, in eoq; realiter, & tanquam principium etiamnum

iamnum existere, ut experientia docet; quæ probat, fusibilitatis naturam, quæ fossilibus propria

N. est, & essentialis, ex hoc lapide profluere. Alia

9. quoq; quæstio non levis momenti de hoc lapide principali ventilanda est, utrum nempè semper in naturâ lapidis existat, & nullum incrementum vel decrementum patiatur, id est, utrum sic subsistat, sine naturali translocatione, prout à Creatore in primâ productione ordinatus fuit? Gravis hæc quæstio est, nam incurrit lapidum universalem genesin, inprimis involvit quæstionem, utrum saxa & lapides, etiamnum in mundo generentur, utrum dentur succi lapidifici & similia, quæ suo loco tra-

N. ctabimus, etsi enim noster lapis, de quo hic loci

10. mentio fit, multum de aliis lapidibus communicet, cùm totâ suâ naturâ lapis sit, tamen singularia quædam habet, reliquis lapidibus non communia, nempè quòd ille ipse omnium lapidum parens & principium sit, diversas species ob diversas adjunctas terras proferens, ut postea latius, deindè quòd in formâ terræ, aquæ, & fumi, non rarò inveniatur, nam cùm lapis, talis naturæ est, prout hætenus eum descripsimus, & quatenus principium primum metallorum est, & *Quarx* vocatur, quatenus inquam istâ formâ subsistit, tùm principium principiatum, ut sic loquar, nempè materia ad generationem mineralium proximè disposita est, cùm e contra in terræ, aquæ & indè provenientis exhalationis, & vaporis formâ, principium non nihil re-

N. motius & universalius sit, hoc ergò secundum nu-

11. triri, & indè etiamnum produci, quid vetat, seu quæ alia ratio, quàm cùm ex lacte butyrum fit, dari ergo materiam lapidificam omninò certum est, nam

indies

indies lapides & saxa crescere & augmentari videmus, materia autem lapidum, actualis lapis esse nequit, sed potentialiter, si enim jam actualiter & formâ lapis esset, non fierent lapides nisi per juxta positionem, coalitionem, aut accretionem, quod absurdum est, duo enim lapides juxta se positi non coalescunt, aliàs omnis arena lapis fieret, deindè omnia, quæ à potentiâ in actum reducuntur, ab uno transeunt ad alterum, sed hoc modo transirent de uno ad unum, de simili ad simile quod rursus absurdum, sed totam hanc litem experientia finit, quæ docet, lapides mixtos esse, cum ergò mixti sint, constant ex partibus, at partes ante mixtionem non possunt ejusdem esse naturæ quàm post mixtionem, speciali quoq; experimento, solius ignis & aquæ communis ope durissimos quosq; lapides in mucorem resolvo, qui destillatus subtilem spiritum exhibet, & oleum, nullis laudibus sufficienter deprædicabile, contigit quoq;, quod crystallum solveremus, solutionemque abstraheremus, invenimus in fundo totam crystalli solutionem siccam, pellucidissimam, & consistentem, instar gelatinæ, tractabilem, & malaxabilem ut cera, ad ignem leviter ut Borrax, sed non ad auram fusilem, mirum profectò productum, quod etiamnùm miraculi instar apud nos servamus, ex quibus, & multis aliis experimentis, non adeò grave erit concludere, lapidem nostrum non semper in formâ lapidis, sed subindè aquæ, fumi, & terræ larvâ contineri, & cum aliis miscetur, substantialiter accrescere, prout in historiâ lapidum inferiùs de his latius,

- latius. Non possum autem hoc loco specialio-
 N. demonstrationem omittere, quæ oculis occurrit in
 14. ipsis mineris, nam cum Metallicolæ venas indagant,
 ante omnia lapidis ductum, de quo hætenus egi-
 mus, observant, nempe die Klüfft und Quarz / &
 habito hoc ductu, ajunt se habere den Gang / cujus
 lateribus, id est, lapidi nostro, terra adhæret, quam
 bstieg vocant, signum Metallicolis acceptissimum,
 quo lapis noster tanquam involucro & amnione
 involvitur, & reverà eo nutritur & augetur, nam
 taceo communem usum, quem hæc terra in lique-
 factione mineralium habet (est enim fusilis, & per
 omnia nostro lapidi similis) mirabilis quoq; ex eâ
 spiritus elici potest, isti non abfimilis, quem ex la-
 pidibus præparavimus, & cujus paulò ante, sub li-
 mo fontium, mentionem fecimus. Ex quibus liquet,
 non impossibile esse, hunc lapidem sub terræ formâ
 larvari, imò etiam sub subtilissimi & penetrantissi-
 mi spiritûs ideâ, qui spiritus præfatæ terræ copio-
 sissimè inest, ut praxis docet, & antecedenti Sectio-
 N. ne de terræ, limi, & luti historiâ uberius explica-
 15. vimus; hoc ergò lapidificante, atq; omnia pene-
 trante vapore, mineras turgere, hunc nostrum lapi-
 dem tanquam principium principiatum metallo-
 rum, foveri, augeri, præparari & nutriri, quin &
 reliquos duos fumos ab eo non rarò in ipso aëre ca-
 pi & figi, ac formâ absolutissimâ (gediegen) mine-
 rarum parietibus affigi, certissimum est, undè non
 immeritò Hermes ait: *ventus in utero portavit, mater*
ejus terra est, potentia ejus perfecta est, si in terram mute-
 N. *tur*, seu per terram figatur, nec in aëre, nec in ipsis
 16. lapidibus modò, & montibus, sed & in aquis me-
 tallâ generari certum est, nam etsi non contrarius
 simil-

sim illis, qui metalla in aquis inventa, inprimis aurum (*Waschgolt*) ex ductibus subterraneis, ac permeantibus ejusmodi metalli feracibus venis, procedere ajunt; his tamen adversor, qui omne metallum ibi inventum ita eò devedum esse contendunt, quid enim prohibet? quo minus in aquâ natura operetur, quàm in aëre, præsertim quando requisita principia habet, quibus indiget, & quæ ab aquâ nec offenduntur, nec alterantur, nam ut postea docebimus, falsum est ad generationem metallorum calorem requiri, mixtio enim est non generatio, principia tamen per calorem præparari & moveri non ego, sed principiatum sine calore misceri posse defendo, & aquis non impediri dico, quod ejusmodi principia, aquis, ut postea probabitur, se non misceant, potius ergò per aquas promovebuntur, tum ob motum tum ob fluiditatem, variiq; generis lapides & arenas, quibus aquæ scatent, nam datis necessariis requisitis, nec in vegetabilibus, nec in animalibus metalla generari impossibile est, cum in homine filices generari, plus quàm vellemus, compertum sit, mixtum sanè, mineralium mixto longè tenacius, longè difficilius, & tantum de primo metallorum & mineralium principio, & prima metallorum, & mineralium basi.

Sectionis tertiæ Caput tertium
 De secundo mineralium principio, quod terra pinguis est, improprie sulphur dicta.

SYNOPSIS.

- N. 1. *De Analogiâ trium terrarum & principiorum.*
 N. 2. *in specie de analogiâ antecedentis vitrescibilis terre, cum animalium ossibus, & vegetabilium cineribus.* N. 3. *Harmonia primi principii consequentiam ad cetera facit.* N. 4. *de altero principio, ubi de pinguedine, oleitate, & sulphureitate animalium & vegetabilium agitur.* N. 5. *summa productionis universæ omnium rerum.*
 N. 6. *primordialis terre differentia.* N. 7. *necessitas pluralitatis principiorum, eorumq; usus & officium.* N. 8. *Aristotelis & Paracelsi Philosophandi modus.* N. 9. *differentia sulphurei principii Paracelsi cum nostrâ secundâ terrâ.* N. 10. *necessitas & usus hujus secundæ principalis terre.*
 N. 11. *natura ejusdem.* N. 12. *differentia ejusdem.* N. 13. *quomodo in statu suo naturali, & mixto se habeat.* N. 14. *diversa natura & contingentia in sulphure communi.* N. 15. *alia observatio.* N. 16. *rursus alia.* N. 17. *aliud contingens.* N. 18. *larva exterior hujus principalis pinguis terre.* N. 19. *terra foliata à nonnullis primum ens dicta.* N. 20. *cere mineralis forma, fluores minerales vulgò Bergguhr.* N. 21. *corruscationes minerales vulgò Bergwitterungen.* N. 22. *de penetratione sulphuris.* N. 23. *auri penetrantia.* N. 24. *de vitris metallicis & tincturis.* N. 25. *terre unctuosæ animalis, & vegetabilis effectus in vitrificatione prorsus analogus cum metallis.* N. 26. *de diverso hujus terre colore.* N. 27. *de hujus terre opacitate & diaphaneitate.*

TEX:

TEXTUS.

JAm ordo ad secundum principium fossilium, nempe ad alteram terram vocat, in cujus descriptione præliminaliter magnam istam analogiam in mentem revocare debebimus, quàm natura in productis semper sibi similem, semper eandem servavit, tres enim terras in animalibus, vegetabilibus & mineralibus, nempe in quolibet horum invenimus, quæ tres inter se magnam affinitatem habent, & analogiam, nam quod præcedentem terram attinet, de quâ jam egimus, & undè metalla & lapides suam liquiditatem & fusibilitatem nanciscuntur, certè maximam ea societatem & analogiam cum vegetabilium terrâ habet, illâ nempe, quæ in vegetabilium calcinatione & cinerum elixatione superstes est, & quam fœminæ nostrates abjiciunt, & Aestrig vocant, quæ ex omnibus vegetabilibus præparari potest, hæc enim terra, licet inutilis & nullius frugis esse videatur, tamen maximam cum præcedenti terrâ mineralium, analogiam habet, & magnetismum, quod in arte vitrariâ liquet, nam cum vitrarii ex arenâ & silicibus, imò ex ipsâ præfatâ terrâ minerali vitra faciunt, quæ autem in fluxu spissantur, vel ob salium defectum, vel ignis excessum, ita ut prorsus dura fiant, ac coagulentur, quamprimùm tamen prædicta terra ex cineribus injicitur, non modò statim tota vitri pasta fluxilior redditur, sed & magnum exindè, imò non rarò ultra dimidium, accrementum sumit, & augmentum, quod non modò magnam vegetabilis terræ cum minerali affinitatem sed prorsus maximam simili-

tudinem, harmoniam, & analogiam probat, cùm hæc terra etiam per se vitrescere possit, ut in Polonia aliquando nobis accidit, cùm absynthij fæcibus, quin imò, adeò hæc terra cum mineralibus vitris, quæ ex arenis & silicibus parantur, conveniens est, ut nulla re nisi colore inde discerni queat, qui viridis est, vel subcæruleus, indelebilem sui regni asteriscum servans, nempè vegetabilem viriditatem exprimens, sed magno vitrariorum incommodo, qui clara magis, quàm colorata vitra desiderant, hoc ergo est, quod inferre volo, dare in vegetabilibus terram fusilem, quæ basis eorum est, quemadmodum in mineralibus. Quis verò credat, ut trinam hanc analogiam probem, in animalibus quoq; talem dari? Terram inquam fusilem, vitrescibilem, imò omnium nobilissimam, adeò ut vel to us Sinenfium vasorum apparatus, cum eâ comparari nequeat, altiora terræ animali mysteria insunt, quæ hoc loco indiscriminatim publicare nefas esset, & sacrilegium, sufficiat dixisse magnam cum præfatis duabus terris in homine analogiam esse imò complementum. O utinam ita consuetum foret, & amicos haberem! qui ultimam istam opellam, siccis & multis laboribus exhaustis ossibus meis, aliquando præstarent, qui inquam ea in diaphanam illam, nullis seculis corruptibilem substantiam redigerent, suavissimum sui generis colorem, non quidem vegetabilium virorem, tremuli tamen narcissuli ideam lacteam præsentantem, quod paucis quidem horis fieri posset, ut argumentum fierent divinæ omnipotentiae, in die resurrectionis & clarificationis nobis eventuræ. Nonne melius illis foret, quàm ut jam sub terrâ putrescerent,

fcerent, & femi-putrida publicis locis exposita,
 prætereuntibus, inprimis gravidis & pueris, hianti-
 bus oculorum orbitis, dentibus nec dum absump-
 tis, variisq; faciei sinubus & abscessibus, tremen-
 dum spectaculum essent, ut terribilem magis mor-
 tem, quàm amabilem redderent, hoc est quod con-
 cludere volo: homo vitrum est, in vitrum redigi
 potest, sicut & omnia animalia, diaphanum, omni-
 um vitrorum nobilissimum, fusile & sui generis co-
 lore tinctum, prioribus vitris mineralibus & vege-
 tabilibus per omnia homogeneous. Quà verò ma-
 nipulatione præparetur, non est propositi mei pro-
 pter varios abusos hîc propalare, quanto labore
 veteres mortalium ossa combusserint, quantâ nau-
 seâ Scythæ ex calvariis biberint, quarum Orificia
 auro obdlexerunt, notum est, nonne meliùs fuif-
 set, ea in vitra, nempe materiam incorruptibilem
 redigere, & ex vasis bibere, quæ nulli nauseam, sed
 Regibus & Principibus gratiam & gustum parere
 possent? Ex præfatâ ergò trium Regnorum har- N.
 moniâ concludendum est, primum principium 3.
 nempe terram fusilem, liquabilem, vitrescibilem,
 omnibus rebus pro hypostasi & basi inesse, ex quo
 non adeò absonum erit deducere, naturam, cum
 in uno principio tantam harmoniam servet, eam
 quoq; in reliquis tenere, & hætenus quidem à ter-
 râ minerali ad vegetabilia & animalia argumentati
 sumus, ut ejus veritatem & constitutionem de-
 monstramus, jam verò à contrario procedemus,
 & ex animalibus, & vegetabilibus, alteram terram
 deducemus. Secundum mineralium principium, N.
 quæ pinguis terra est, nam cum in omnibus ani- 4.
 malibus & vegetabilibus pinguedinem inveniamus,

quam Neoterici nostri oleum vocant, quis dubitet, & eam fossilibus inesse, cum aliqua ardere, flagrare, in cineres redigi, ipsa etiam metalla, & quidem aurum & argentum in flammam redigi & comburi posse constet, ut libro secundo, capite in sulphure probabimus, ut verò ad specialiores hujus terræ Genesin deveniamus, sciendum est, eam solo humiditatis gradu, à priori differre, quòd nempe prior terra, de quâ paulò antè egimus, siccissima, hæc humidior sit, ad talem statum & differentiam, N. ipsâ primâ productione redacta, nam cum, ut
 5. suprà de productione rerum probavimus, tota productio &eductio ex primo Globo terræ-aquæ-aëreo, nihil aliud fuerit nisi mixtio terræ & aquæ, mixtorum rarefactio, rarefactorum abstractio, & separatio, necessario sequitur totum productionis opus nil aliud quam elixationem fuisse, super-
 N. stitis verò terræ differentiam in duplicitate tantum
 6. constitisse, nempe vel raritate vel humiditate diversam, & hoc respectu non animalia modò & vegetabilia, raritate metallis longè sunt superiora, sed & humiditate præcellunt, subterranea econtra fixiora sunt, minusq; humida, quare ignis magis patientia existunt, quemadmodum autem tam in astris & meteoris, quàm in animalibus & vegetabilibus, ex hac causâ varii gradus dantur, unde species diversæ oriuntur, ita similes diversitates in subterraneis esse, quis dubitet, cum vel sola experientia & autopsia nos eò deducat, & convincat, quare ergò hoc productorum genus aliam rationem diversarum suarum specierum haberet, quàm reliqua duo regna, nempe raritate & humiditate differret, sed & in ipsis mixtorum principiis multa differentia,
 licet

licet ex eâdem causâ, est, nam quod pro basi infervit, siccius est, quod coagulat, & glutinat, humidius, quod format subtilius, quod in generatione hominis & animalium exactè videmus, nam in semine, cum in utero actionem incipit, ante omnia, prima pars decidit & grumescit, quæ siccissima est, nempe ea substantia, quæ ossibus materiam præbet, cui reliquæ partes pro nervis, carne & sanguine agglutinantur, remanente & operante subtiliori, quæ format, quæq; adeò subtilis est, ut solâ phantasiâ matris agitata, & præter ordinem rarefacta, statim in operatione suâ erret, partuique varios nævos imprimat. Idem in vegetabilibus videmus, ubi præ omnibus radix & caulis crescunt, tum fructus, ultimò semen, cum nempe totum productum maturescit, ex quo necessariò sequitur diversas partes seminis esse unam sicciorē, alteram humidiorē, hanc fixiorē, alteram volatiliorem, prout id etiam effectus, nempe corpora docent, aliquæ enim eorum partes frigidiores, aliæ sicciores, aliæ calidiores, humidiores aliæ, raræ, densæ, fixæ & volatiles aliæ sunt, caro enim in animalibus humidior est ossibus, & in vegetabilibus fructus plerumq; succulentiores sunt lignis, quis ergò neget in fossilibus idem accidere, quod ab effectu experimur, plus namq; humiditatis plumbum habet quàm cuprum, plus fluiditatis stannum quàm argentum, diversas ergò mixtiones, & harum mixtionum gradus, graduūq; horum diversam dispositionem in ipsâ primâ mineralium mixtione, nempe eorum principiis esse, omnimodè rationabile & probabile est, tot diversas autem operationes ab

- uno subiecto, nullâ accedente mutatione vel admixtione fieri, absurdum est. Undè meritò concludendum, principia & partes mixtorum, non ex uno, sed diversis ingredientibus procedere, & cùm tres omnium corporum Physicæ constitutiones sint, nempe habere hypostasim, hypostaseos vestituram, & vestituræ formam, quis neget & mineralibus talia competere, hypostasis animalium ossa, vegetabilium ligna continet, hypostaseos vestitura in animalibus caro & sanguis, in vegetabilibus pulpa est & fructus, vestituræ forma in animalibus & vegetabilibus variæ eorum formæ, sicut & qualitates, ita mineralium hypostasis fluida terra, & hypostaseos vestitura cœalescens pinguis terra, & hypostaseos forma gravitas est & malleabilitas, seu terra mercurialis metalleitatem præbens. Scio quidem me non ex mente Aristotelis aut Paracelsi philosophari, quorum prior, nescio quam formam & materiam, nomine duntaxat nobis obtrusit, quibus omnium rerum *esse* tribuit, id autem, quod revera est, & existit, nuda accidentia, contra omnem rationem & experientiam vocat; alter verò, tria principia rerum, mundo persuadet, quæ corpora sunt, nec simplicia modo sed decomposita, prout sub initium hujus Sectionis de principiorum metallicorum certitudine uberius demonstravimus, sufficit autem nobis, licet non aliorum ore, & ut nervis alienis mobile lignum loquamur & scribamus, atq; in verba Magistri juremus, juxta tamen experientiam & veritatem Philosophatos esse, qui verbis delectatur, verba quærat & chymeras, nos practicè & practicis scribimus, in quâ methodo proverbium
- atten-

attendendum, *aliud esse dicere aliud facere*, quod ipsa rei veritas probat, tota enim Aristotelis Philosophia, cum ejus authore, omnibusq; suis parastatis Philosophastris in æternum nunquam ab antecedenti, vel speculari vel consequentias invenire potuissent, quod argentum in aquâ forti solveretur, cupro, sale communi, sale tartari, aut urinâ præcipitaretur, & quidem ex diversitate horum præcipitantium diversimodè, & diversas operationes sortiretur, & quod calx argenti præcipitata, nec tamen in corpus reducta, in aquâ forti non amplius solveretur, &c. Ex alterâ verò parte optandum fuisset, aut Paracellum omnimodè tacuisse, aut doctrinam suam de principiis infallibilis exposuisse, ne in omnes alios debachando, nihil interim demonstrando universæ Chymixæ damnabile stigma inureret. Sed ut ad nostrum circulum, & quidem secundam terram redeamus, quam humidior primâ, & proindè pinguem esse diximus, à sulphure tamen in eo differt (quod Paracel- N. sus pro principio statuit) quod hoc Paracelsi 9. principium mixtum & decompositum sit, constans ex sale acido, & nostra hâc secundâ terrâ, nostrum verò principium pura terra sit, omnis falsedinis & mixtionis expers; requiritur autem hæc N. terra ad mixtionem prioris, quod humidior sit, ut 10. nempè siccitas prioris, temperetur humiditate posterioris, deinde ut tincturam & colorem acquirat, ex quo sequitur, priorem terram ut corpus, hanc verò posteriorem ut animam se habere, & proindè talis constitutionis esse debere, ut priori associari queat, nempè ignem sustinere, undè à Philosophis *humiditas in igne permanens, unctuosum*
I 5 *subsi-*

- subfiftens, gluten aquila*, & multis aliis nominibus insignitur, prout fufficientiffimè in noftrâ Metallurgia, jam typis mandata, & in Oedipo Chymico expofuimus, ignem ergo fuffinens corpus, animam quoq; ignis patientem defiderabat, unctuoſitatem nempè & oleitatem, omnibus cæteris animalibus & vegetabilibus oleitatibus, longè durabiliorem, & permanentem, incombuftibilem nempè, etſi enim commune ſulphur, flamma conſumatur, id tamen non ex hujus terræ, ſed admixti ſalis & aquæ naturâ accidere (quod ipſi etiam auro, metallo aliàs compactiſſimo evenire poteſt) inferiùs probabimus. Pinguem ergo & ignis patientem, hanc terram eſſe non dubitandum eſt, neq; enim communia animalium, & vegetabilium olea & axungæ metallis miſcentur, nec metallica animalium mixtionem & geneſin ingrediuntur, cùm natura primum ſuæ productionis ordinem ſtrictiſſimè ſervet, ſeparando nempè à terrâ, quæ animalibus & vegetabilibus, & relinquendo terræ, quæ mineralibus competunt. Hoc ergo præambulo factò, reliquum eſt, ut hujus terræ varias differentias conſideremus, nam etſi in genere dictum ſit, illam omnium unctuoſitatum graviffimam & fixiſſimam eſſe, tamen in eâ varios gradus, cùm raritatis tum humiditatis, etiam puritatis, ob admixta varia heterogenea dari, indubitatum & experienciâ probatum eſt, unde enim tot picis, lithanthracum, ſulphurum, aliarumq; mineralium pinguedinum genera provenirent? Hanc ergo terram in tribus regnis fixiſſimam eſſe, & varios gradus, prout jam diximus, habere, concludendum eſt, ad duas autem claſſes omnes illos reducemus, prima conti-

continebit diversitatem hujus terræ ob admixta, undè vel purior vel impurior existit, fixa est, vel flagrat, altera verò raritatis & densitatis gradus exprimet, undè varios & diversos colores nanciscitur, de singulis his paululùm specialius agemus. Primam differentiam quod attinet, quæ ex admixtis venit, explicabimus considerando, quòd hæc nostra secunda terra in terræ, aquæ, & aëris formâ inveniatur, liquida vel consistens, statui verò naturali relicta, terra est, quæ vel arenis, vel aliâ terrâ, N. ut plurimum verò limo permiscetur, & hæc est ratio, quòd in extractione & elixatione quarundam argillarum, substantiam invenerimus, quæ tam magnam cum auro analogiam habet, ut id nonnihil ex eâ augmenti sumere comperti fuerimus, plurimum verò hujus terræ limo inest, quem metallicolæ Schwielsen vocant, quiq; ut prior limus (de quo in antecedentibus actum, quem amnionem vocavimus, metallarii bstieg vocant) mineris adhæret, & quo, tanquam cuticulâ & secundinâ quadam circumdantur, signum existit fertilis mineræ, naturali autem dispositione, lapidibus (Quârz) inest, formâ interdum argentifoliati, unde ejusmodi lapides (tanquam matrices debitæ) candefacti rubescunt, invenitur etiam in variis mineralibus lapidibus, & terris, succis, & vitriolis, verùm statim diverso, juxta nempè perfectionis, raritatis & densitatis suæ gradus, in quibusdam planè volatilis, in aliis magis ad fixitatem, & metalleitatem declinans, ad hujus vel alterius speciei metallum, sic cum sale acido permiscetur, sulphur fit, quod rursus magnam diversitatem patitur. Ex eâdem N. ratione, quam modò diximus, nempè pro admixtæ 14. nostræ

nostræ secundæ terræ varietate & perfectione, retulit nobis Clarissimus Vir, & sedulus naturæ indagator, Amicus noster clarissimus *D. Ioann. Daniel Krafft*, contigisse sibi post reditum suum ex Americâ occidentali, quòd in notitiam alicujus Viri veniret Amsterodami, qui Knöttner vocabatur, & qui Chymicis laboribus operam dabat, convenisse se præfatum Knöttnerum aliquando, & offendisse more solito hilariorem, & asportari jubentem mensuram vini Hispanici, roganti Krafftio, unde illa Apitij luxuries & liberalitas in consueta proveniret, respondet ex Chymiâ, habere enim se jam tantum, ut haustum vini solvere, & cordato animo bibere posset, scire ex Mercurio argentum facere, horæ spatio, intra caminum, paucissimis requisitis, dubitanti ergò & admiranti Krafftio, ut amico communicaret veritatem rei, rogavit, annuit alter, ut statim probaretur, curaverat ergò Krafft, jussu authoris, emi sulphur commune à Materialistâ, unde Knöttner suum emisse ajebat, hoc liquefacto, stupas imbuerat, quibus imbutis Mercurium involvebat, faciens quasi globos, quos accendit, combustum pulverem in cineritio, ut moris est, probaverat, & Mercurium in purum putum argentum mutatum invenit, quem laborem tam diu perficere poterat, quàm diu id sulphur habebat, quo absumpto, omne simul gaudium evanuit. Narrat quoq; hunc casum Helvetius in Vitulo suo aureo sed paulò aliter, quæ ego hic scribo, ex præfati D. Krafftij ore habeo, tota ergò vis in sulphure stabat, quod etsi commune visum fuerit, & deflagraverit, tamen diversas qualitates à communi habuisse, necessum fuit. Recordor quod ante decennium & ultra, Viennæ cui-

næ cuidam laboranti contigit, nomine Martino, vocabant eum vulgò Goldscheider / laborabat apud R. D. P. Dens, virum longiore vitâ dignum, nostro ergo Martino, homini rudi & pauperi, sicut plerumq; sunt isti amanuenses, contigit, quòd à circumforaneis istis Minerarum latoribus, ex Carynthiâ, & istis locis vulgò Fündler / Grubler / aliquas mineras, quas auri vel argenti divites esse, atq; inde se lucrum nacturum sperabat, emeret, habebant venditores illi inter reliqua frustulum sulphuris, avellanæ magnitudine, quod rogabant, ut Martinus noster quoq; emeret, at ille respondit, se nescire, cui usui id emeret, esse enim realgar, vel rothgûlden Erß / ductus tamen gravitate & intensâ rubedine, pro uno capitello emit, occurrit post multa tempora, ut emptas suas mineras probaret, & inter reliqua id quoq; frustulum examinaret, ac liquefaceret, verùm cùm effuso tigillo non metallum, sed idem subiectum inveniret, addidit argentum, sperans faciliorem reductionem, liquefactum ergo argentum omninò mixtum fuit injectæ massæ, sed non amplius metallum, totum enim apparebat ut cinabrium Antimonij, quâ operatione territus, occurrit ad me, habitabamus enim non procul ab invicem, referens historiam, ac petens, ut plus argenti darem, quod & feci, adfuiq; cùm injiceret, & effunderet, sed neq; primâ, neq; secundâ, neq; tertiâ liquefactione in corpus malleabile reduci poterat, donec ad unam partem hujus sulphuris rubri, quinq; partes argenti successivè imponerentur, quæ omnes in purissimum aurum conversæ sunt, cujus probam & particulam diu mecum servavi, sulphur ponderabat lothonem cum dimidio,

& ar,

N. 16. & argenti addidimus lothones septem cum dimidio, aurum venditum est Judæis, nec noster Martinus luxuari cessavit, donec id decoctum fuerit, sperans post annum redituros Italos, sed non venisse aut rediisse credo, nam ego postea discedens nihil audiivi de ulteriori successu. Civitas est, in quam nescio ob quas causas, Monetæ Præfectus debitis variis & multis involutus aliquot millia florenorum debebat, ita ut planè ad incitas redigeretur, & vix non incarceraretur, his ergò in necessitatibus constitutus, anxie Deum rogavit, dignaretur eum medio extraordinario juvare, cum de ordinariis nulla spes superfit, & ecce contigit, quòd necessum haberet, magnam aquæ fortis copiam parare, quâ in monetâ uti vellet, in hunc ergò finem emebat vitriolum, quod pridie in navi ex Hungariâ advenerat. Nam urbs, de quâ loquimur, ad fluvium jacet, emptum vitriolū miscuit more solito cum nitro & destillavit indè aquam fortem, prorsus communi modo, incepit ergò in aquâ forti lunam solvere, & pars octava ut niger pulvis decidit, suspicatus ille, aquam fortem non sufficienter esse præcipitatum, & purificatam, denuò cum novâ aquâ forti & argento probavit, sed idem accidit, probaverat cum aliâ aquâ forti, non cum hoc vitriolo factâ, & tota marca vix mediam drachmam auri tenuit, undè novis curis involutus timebat, ne tota aqua fortis esset perdita, & nullius momenti, nigrum namq; pulverem fæces esse suspicabatur, nam tantum sibi fortunæ non sperabat, tandem ut moris est, declinatâ aquâ forti, & edulcoratâ, ac candefactâ calce, aurum purum esse invenit, Deo ergò gratias agens & tacens, nihil fecit, nisi eo modo argentum cum
aqua

aqua forti solvere, & fassus est privato amico, se ex præfatis decem centenariis vitrioli (tantum enim emerat) & paratâ indè aquâ forti 100000. ducatos lucratum esse, quibus non modo omnia debita persolvit, sed & ad pristinum vigorem rediit, finita autem aquâ forti, & deficiente vitriolo nunquam amplius facere potuit, etsi ipse in Hungariam ejus gratiâ proficisceretur, ut percontaretur, quænam species vitrioli fuerit. Amanuensis meus in Chymicis constanter & firmiter recenset, 17. contigisse sibi, cum in Hungaria esset, quod terram quandam istic locorum copiosissimam, vario modo tractaret, & tandem sublimaret, accepisse sublimatum, similem ferè isti, cujus superius mentionem feci, Martinum Viennensem ab Italis emississe, hoc sublimato argentum totaliter colore rubicundissimo tinxit, argento metalleitatem, & malleabilitatem suam retinente, quod sex partibus argenti communis miscuit, & in separatione, ac factâ quartatione, mediam partem auri invenit, quam historiam ille constanter narrat, terra prout ille eam describit, nullius ferè est pretij, & æstimationis. Et hæc narrare volui, ut lector intelligat, N. nostram secundam terram variâ dispositione in 18. mixtis inveniri, nam cum ut principium metallorum remotissimum existit, fumus est, ut postea docebimus, sed cum ut secundarium etiam proximè dispositum est, & principiatum, non rarò sub terræ, sulphuris, arsenici, realgaris, limi, aliorumque subterraneorum larvâ reperitur, quod à N. nonnullis proindè primum ens vocatur, scil. me- 19. talli, nec tantum terræ formâ subsistit, sed & aquis plurimum inest, quas interdum cuticulâ diverso colo-

N.
20.

colore tingit, quam nonnulli à similitudine terram foliatam nominant, & ante omnia primum ens Martis seu ferri sic reperitur, vidimus etiam argenti, stanni, & auri cuticulas, seu in aquis arte paratis, in ordine ad mercurificationem, tantâ tamen elegantia, ac varietate ac figuris, ut nullus pictor imitari potuerit, & quidem cum tantâ extensione, ut nostri olei (metalla enim pro hac operatione in oleum reduci debent) unica gutta, tres pedes in diametro aquæ in superiori horizonte tinxerit, & quasi uno folio obduxerit, ita, ut quis omnem aquam meram tincturam, aurum & argentum esse crederet, spectaculum sanè jucundius, quam si quis mille pocula ebiberet, cum ergò terra nostra multâ aquâ perfusa est, liquefcit, & dissipatur, sed cum modicum humiditatis habet, ceræ instar fluit, præsertim in minerarum antris antiquioribus, vulgò *Zächen* nam cum, ut antea demonstratum est, ob excisam priorem terram, nempe mineralium matricem reliqui duo fumi seu terræ se non recipere & figi possint, nihilominus tamen vel singuli vel conjuncti, talia varia loca petant, nihilq; habeant, cui adhæreant, non aliter quam fluores persistunt, quos quidem superinveniente interdum vapore lapidifico (primâ terrâ) coagulari certum est, & experientia docet, fluorem ergò hunc nostrum metallicum seu terram unctuosam, jam proximè ad generationem metallorum dispositam metallicolæ *die Bergguhr* vocant, quasi dicerent, fermentum metallorum, & sanè de hoc unctuoso liquore, qui in antiquioribus antris & ipsis lapidibus exsudat, & destillat, exempla habemus & experientias, quòd destillaverit supra tigna lignea (quibus cavernæ subterraneæ à me-

à metallicolis fulciuntur, vulgò *Stämpfel*) atq;
 ibi purum putum argentum ramosum factus sit,
 prout id autopsia docet, demonstratio profectò
 non contemnenda, non minùs quoq; admirandas
 operationes nostra terra facit, cùm in fumi formâ
 vagatur, quem nonnulli metallarij inhalationes N.
 vulgò *Einwitterungen* vocant, nam cùm solus est, 21.
 salubris imprimis pulmonibus existit, ubi verò
 cum sequenti fumo suo socio miscetur, venenosus
 est, & *Schwaden* vocatur, ut paulò post dicetur,
 hoc loco de illo agemus, quatenus solus est, & re-
 peritur, ubi suavissimas interdùm flamas in mi-
 neris sua sponte causat, imò antra interdum ita ca-
 lefacit, ut sudaria esse videantur, metallicolasq;
 expellat, ante omnia verò consideratione dignum
 est, quòd hic fumus, omnes lapides, etiam densissi-
 mos, illæsa eorum sed non immutata substantia pe-
 netret, ibidemq;, & in eorum medio, ut metallum N.
 vel sulphur inveniatur (nullum enim metallum si- 22.
 ne sulphure est, nihilq; est, quod metallis magis as-
 societur & in ea agat quàm sulphur, prout postea,
 ubi de sulphure in specie agetur, latius demonstra-
 bitur) diximus paulò antè, substantiam lapideam
 hac terra alterari, tingitur enim eâ & penetratur, ut
 jam dictum est, quòd neminem miretur, nam licet
 mirum videatur, magnetem vitra penetrare, etiam
 substantia eorum manente illæsa, tamen facilè ad-
 miratio cessabit, si consideremus, compactissima
 metalla, ipsum etiam aurum idem præstare, novi-
 mus enim experimentum, quod non semel fecimus,
 quo aurum, mediante hâc terrâ, ita penetrans red- N.
 didimus, ut crassam vitream retortam penetrave- 23.
 rit, & foras, circa totam retortam rubicundam dia-

phanam cuticulam fecerit, retortâ totâ & integrâ manente, intûs nihil tinâta, sed omnimodè sibi simili, cujus frustula etiamnum apud nos servamus, nam potiozem retortæ partem liquefecimus, ut videremus, quid ex coalitione, & mixtione expectandum, accepimus autem vitrum cæruleum semiopacum, opali instar, sanguineis & intensè ruffis striis hinc inde notatum, auri verò nullam reductionem animadvertimus, eundem processum deindè cum argento & puro inivimus, & eundem, licet diversis coloribus, effectum vidimus, ex quo, non modò hujus terræ penetrantia defenditur, sed & ejus maximus magnetismus cum lapidibus & vitris probatur, quod & omnia metalla probant, quæ facile in vitra transeunt, & licet aliqua sint, quæ hanc vitreitatem non metallis, sed tigillis adscribant, quorum pars cum metallo sociatur, & vitrescit, tamen irrefragabile est, metalla vel hoc modo libenter lapidescere, & in magnâ quantitate sub lapidis vel vitri larvâ latere posse, prout in vitro Saturni conspiciamus, stupenda quoq; hujus terræ, ipsorum etiam metallorum, dilatatio in vitris est, animadvertimus enim, unum granum metalli, quingenta vitri grana notabiliter tingere, etsi quoq; non inficias eamus, Saturni vitrum nonnihil de tigillo abraderè, atq; hoc modo vitrescere, quod nobis ad defendendum magnetismum, & compatibilitatem metalli, & vitri sufficit, tamen animadvertimus, stannum totâ suâ substantiâ in vitrum abire, nullâ re additâ, nec etiam tigilli abrasione, ut enim vitrum plumbi tigilla solvendo penetrat, & perforat, ità hoc stanni vitrum, cùm nihil de tigillo abradat, sed vitreitatem ex propriâ naturâ adipiscatur, cruci-

bula,

bula, quibus inest, nunquam solvit, vel perforat, sed multis temporibus illæsis vasis, quibus continetur, in fluxu & in igne servari potest, quo experimento & illi confunduntur, qui cineres stanni in corpus reduci posse negant, sed redeamus ad scopum, ubi hoc quoq; non prætereundum esse videtur, quod pinguis hæc terra nostra (secundum mineralium principium) præter pinguedinem, N. deflagrationem, unctuositatem, & multas alias 25. proprietates, quas cum animalium & vegetabilium oleitatibus communes tenet, hanc quoq; cum eis analogiam habeat, quod sicut hæc terra nostra mineralis priorem tingat, ita reliquæ duæ in animalibus & vegetabilibus eandem cum nostra operationem habeant, sulphur enim carbonum vitra tingere certissimum est, & quidem ita fortiter, ut non nisi magno igne color expelli, & vix quidem possit, elegantem aliquando Smaragdum, præparati sanguinis humani ope fecimus, ex quibus liquet, magnam inter has tres terras analogiam esse, & singulam alterius certitudinem & qualitates probare, prout inferius de sulphure sufficientius docebitur, ubi de earum volatilitate & fixitate, nec non diaphaneitate & opacitate latius agemus, jam ad secundam classem differentiarum hujus nostræ terræ veniamus, quam diximus in raritate & densitate con- N. sistere, unde inprimis diversi effectus colorum se- 26. quuntur, præsertim juxta diversitatem admixtorum, nam aliter aurum in aqua regis, nempe rubrè, in vitris viridè tingit, & argentum in aqua forti cæruleum, in vitris flavum colorem exhibet, plurimi namq; colores ex refractione oriuntur, ut videmus in spiritu urinæ, qui aquâ forti superfusus amethi-

sticolorem exhibet, cuprum substantiâ suâ rubrum existit, in aceto virescit, & spiritu urinæ superfusum, Cyaneo colore tingitur, qui affuso spiritu salis totus evanescit, sic spiritus terebinthi super metallis reactionem semper unius coloris patitur, spiritus vini super quolibet Alkali rubescit, taceo multos alios colores, qui ex reactione oriuntur, nobis pro fundandâ hâc thesi sufficiat, colores metallorum ex terrâ prædictâ prodire, & non nisi reactione, dilutione, raritate & refractione differre, nam nisi hoc esset, nulla colorum transmutatio possibilis foret, quod experientiæ repugnat, possunt enim metalla essentialiter tingi, ita ut pristinum suum colorem recuperare nequeant, distinguendum autem est, inter colores, qui ex mixtione oriuntur, ut cum minium cretæ miscetur, & inter colores, qui rarefactione, & condensatione procedunt, prout in igne contingere videmus, ubi multa rubescunt solâ reverberatione, & quos non colores soli plumbo ignis ope imprimi cernimus, ferro & stanno, sed & florum colores inter vegetabilia, solis ope alterari & perfici nullum dubium est, prout in metallurgiâ nostrâ superius citatæ tertia parte sufficientius demonstratum est, & hæc quidem intelligenda sunt de eâ rarefactione, quæ per calorem fit, & cui omnia metalla, & fossilia subiecta sunt, sed primordialis nostræ terræ rarefactio in diversos colores, ut in auro, rubino, argento, saphyro, cupro, smaragdo aliisque subterraneis non a calore procedit, sed ab ad-

N. mixtâ tertiâ terrâ, nempe tertio mineralium princi-
 27 pio, quod certo gradu, primæ productionis ordine, secundæ terræ admixtum est, quo quasi diluitur, aut saturatur, in diaphaneitatem, aut opacitatem redu-
 citur,

citur, prout in lapidibus videmus & metallis, licet non negem, diaphaneitatem primæ terræ esse tribuendam, quâ secunda diluitur, opacitatem tamen statuo provenire ex tertiâ terrâ, de qua jam acturi erimus, & quamvis postea concludemus sequentem tertiam terram lapidibus non inesse, eos interea non rarò opacos cernamus, tamen ita strictè nostra verba non sumenda sunt, quin lapidibus analogicum quid cum tertia terra concedant, concludimus ergò hoc loco secundum subterraneorum principium, de quo latius in subsequen- tibus, & properabimus ad tertium & ultimum mineralium principium, quod paucis quoque exponemus.

Sectionis tertiæ Caput quartum

De tertio mineralium principio, quod fluida terra est, improprie Mercurius dicta.

SYNOPSIS.

N. 1. Probabilitas tertiæ terræ. N. 2. terra analogia in vegetabilibus & animalibus. N. 3. existentia hujus terræ in lapidibus, & quidem in Jaspide. N. 4. improprie Mercurius vocatur. N. 5. Metalla fluida & mercurialia reddit. N. 6. eadem terra cum prioribus duobus principiis figitur. N. 7. præfatæ terræ differentia & officium, N. 8. summa ejusdem penetrantia. N. 9. Liqueor Alkaest ex hac terrâ constat. N. 10. liqueoris Alkaest analogia cum spiritu vini & aquâ forti. N. 11. modus quo Alkaest corpora solvit, in quo à reliquis solutionibus

bus differt. N. 12. modus parandi Alkaest. N. 13. exterior figura tertiæ terræ. N. 14. differentia liquoris Alkaest cum Mercurio Philosophorum. N. 15. Corpusculorum subsidentia, quæ in solutione per Alkaest contingit. N. 16. de alio liquore cum Alkaest analogo. N. 17. de singulari spiritu ardente. N. 18. de balsamino spiritu aeris minerali analogo. N. 19. comparatio spiritus pestilentis cum hac tertiâ terrâ. N. 20. historia & cura febrium petechialium. N. 21. alia cura in artritidis specie. N. 22. Emplastrorum vis & operatio.

TEXTUS.

- N. **D**Ari aliquod tertium, quod prioribus duobus principiis se intermiscet, unde speciem suam nanciscuntur, nec verisimile modò sed & certissimum est, nam ut ad subterraneorum genesin procedamus, prout inferiùs demonstrabitur, lapides imprimis omnes Diaphani ex primâ, & secundâ terrâ constant, sed præsertim in opacis inermixta est aliqua tertia, unde idea suæ speciei nempè lapideitatis, similem ergò in metallis dari, negari non potest, sed à priori diversam, nam & metallorum *esse* à lapidum substantiâ diversum est, nempè naturæ malleabilis & extensibilis, paucis id, in quo metalleitas consistit, quæ proprietas in specie ab hoc tertio principio provenit, ut postea latius demonstrabimus, sed & huic substantiæ analogam, invenimus in vegetabilibus & animalibus, vegetabilibus quidem, quæ cum calcinantur, non modò diversæ figuræ salia exhibent, sed & eorum salia volatilia nonnunquam pristinam herbæ ideam exprimunt, ut in absyn-

absynthio & ligno abiegno videre est, sed ante omnia optandum foret, ut Quercetanus, alique, qui mysterium resurrectionis se nosse profitentur, id est, florum regenerationem, nobilem hanc enchyrisin luculentius orbi exposuissent, nam multarum indè rerum rationes resolvi, & reduci possent, in animalibus, eorum salia volatilia frequentius sub oculos veniunt, imprimis ex cornu cervi, quod ideam suam luculentissimè exhibet, legimus quoq; in nobilissimi Viri Dygbæi dissertatione de vegetabilibus, quod cancos combusserit, & ex cineribus proprio liquore perfusis, magnam rursus cancrorum copiam regeneraverit, nec silentio hoc loco præterire debemus memorabilem casum, qui nobis accidit, vix enim ulli antehac simile quidquam contigisse arbitror, nec enim me in ullo autore legisse scio, animus erat incertum finem jaspidem liquefacere in crucibulo, quod etiam adhibitis requisitis igne potentissimo effeci, ne verò in pastam prunæ inciderent, crucibulum, quod mediâ circiter parte jaspide repletum erat, operculo texti, commissuris nonnihil lutatis, finitâ ergò liquefactione, frigefactum crucibulum aperui, & ecce spectaculum prorsus incredibile, nam in fundo jaspis liquefactione in unam solidam massam coit, pristinam duritiem servantem, sed prorsus lacteam colore, & semiopacam, naturalissimum album achatem referens, partes verò superiores, quæ in tigillo vacuæ erant, nempe operculum & latera tigilli (quas tamen jaspis in liquefactione nullo modo attingere poterat) naturali jaspidis colore ità tinctæ erant, ut si durities adfuisset colorque hic non superficialis

tantum extitisset, fragmenta hæc tigilli pro elegantissima, & quidem polita Jaspide vendi potuissent, ductibus enim & maculis subvirescentibus hinc & indè respersa, reliqua rubra & lutea extitère, suavissimè his coloribus permixta, ut à pictore vix imitari potuerint, adeò ut ipsâ Jaspide, quâ usus fui, pulchiora extiterint, quæ fragmenta etiam tanquam miraculum Chymicum in Archivo meo Chymico servo, partes ergò has superiores ab animâ Jaspidis tinctas esse, quæ potentiori igne ex corpore suo inferiori pulsa fuère, tigilliq; corpori adhæsisse nemo dubitet, præsertim qui frustra tigilli, hoc modo tincta, ipsis oculis viderit, nam nullo fuco vel dolo, vel arte sic parari possent, nisi ipsa natura sic operata fuisset, quo argumento convictus necessario statuo, latere in rebus immortalem quandam formam, chæacterismum suum observantem, hanc verò subtilem terram esse, paulò post probabitur, nam licet Chymicorum aliqui

N. eam Mercurium vocent, tamen si juxta literam

4. intelligas, falsum est, vel in corporibus actu Mercurium dari, ut postea probabitur, vel si detur eum principium esse, cum mixtum & quidem merum decompositum sit, quod contra simplicitatem & unitatem principii, cujus definitio est, esse simplex homogeneous & unicum, potius ergò concludendum est, hanc terram Mercurium dici ob qualitatem mercurialem, nempe volatilitatem, ut in nostro Oedipo Chymico probavimus, dein-

N. de etiam, quod mixtum Mercurij communis ingrediatur, prout postea probabitur, hanc nempe terrâ, si ultra proportionem metalla ingrediatur, ea prorsus fluida & volatilia fieri, prout id nobis aliquan-

aliquando contigit, cùm lunæ (argenti fini) partem hâc terrâ plus jùsto misceremus, eandemq; rursùs ope destillationis per cucurbitam & alembicum separaturi essemus, adeò firmiter ei adhæsit, ut aliquam argenti partem per alembicum, & rostrum alembici, in vas recipiens (quod parva quoq; cucurbita fuit (vulgò *Scheidtölbel*) secum raperet, omnibus qualitatibus argentum vivum & currens, nullo amplius modo in argentum mutabile, ac à suâ terrâ separabile, nisi fixatione & caloris ope, quod ita didicimus, cùm ob brevitatem rostri alembici, præfatum vas recipiens, fornaci propius admoveremus, cujus calore idipsum vas quoq; sub finem destillationis nonnihil caleſcebat, guttula Mercurii, quæ sensim ex rostri orificio delabantur, atq; super calidam partem recipientis ad fundum devolvebantur, tandem in fine, guttula una vel altera in medio itineris ob calorem figebatur, cui nonnullæ se agglutinabant ut grani hordei magnitudinem & similitudinem, quoad figuram acquireret, interim destillatio finiebatur, & ab alembico vas recipiens liberabatur, cum mirâ animilætitia novum spectaculum cerneremus, in fundo enim Mercurium currentem invenimus, quem in aliud vasculum reposuimus, cùm amicus adstans, nos alterius guttæ congelatæ, quam non statim videramus, monet, illicò ergò, bacillo primùm ligneo, dein ferro præfatam guttam detrudere volebamus, sed ecce novum experimentum, nullo modo, nullâ vi à lateribus vitri eam resolvere poteramus, nisi rupturâ vitri, quod facere noluimus, nam vitrum cum guttâ etiamnùm in memoriam servamus, sed de Mercurificationibus & Mercuriorum differentiis,

- inferius capite speciali de Mercurio particulariùs
 N. agemus, hoc loco tamen prætereundum non est,
 6 præfatam terram metallis essentialiter accrescere,
 nam & fixata adhæret, & augmentum præbet,
 quod ignem suffert, omnesq; probas pro diver-
 sitate metalli, cum quo conjungitur, ut id in au-
 ro & argento in specie didicimus, sed modica
 terra, modicum quoq; dat, modica autem est;
 quoniam ex centum libris subjeçti, unde paratur,
 vix credo, paucas uncias elici posse, ut illud Est-
 dræ benè de ea quadret, *parvum pulverem, unde*
aurum fit, verùm de hac terra inferius latius, jam
 ad nostrum circulum redeundum, & consideran-
 dum erit, quàm diversis raritatis & densitatis gra-
 dibus hæc terra differat, & quàm variæ qualitates ex
 hac differentia sequantur, alia enim est in animalibus,
 in vegetabilibus alia, alia in lapidibus, & alia
 rursus in metallis, sed & in his diversa est, tùm puri-
 tate, tùm perfectione, & digestionem magis excocta,
 N. ut inferius citato capite de Mercurio latius, sed
 7. & considerandum est, magnam inter hanc terram
 diversitatem esse, quatenus namq; vel remotius
 vel propinquiùs principium est, materia nempe,
 jam ad actum accretionis, & mixtionis disposita,
 paucis, eadem subit vicissitudines, quas priores
 duæ terræ, utcunq; tamen disposita, prioribus lon-
 gè volatilior est, nam, cùm ejus officium sit forma-
 re & penetrare, rebusq; quasi folia, & metallei-
 tatem imponere, & opacare, ut penetrabilis
 N. valdè sit, necessum est, proindè etiam quatenus à
 8. Creatore ad subterraneorum mixtionem disposita
 est, penetrantissima existit, nam lapides, saxa, &
 durissima quæq; corpora penetrat, tantâ inter-
 dùm vehementiâ, ut ipsas lampadum flammæ ex-
 tenuet,

extenuet , dilatetq; , quod metallicolis signum est, nisi brevi, & quàm citò possunt, recedant, omnes hoc fumo suffocatueros, quod quidem intelligendum est, cùm jam secundæ terræ junctus, minerarum ductus pervadit, nam tùm sulphureus est, & Bergschwaden vocatur, puritati verò suæ relictus, non quidem ità violens est , sed multò periculosior, & venenosior, hinc enim Metallicolarum morbi, nempè tabes, hectica, phtyfis, paralyfis, potentissimè enim resolvit, quod & in Mercurio communi videmus, in quo, ne millesima quidem hujus terræ pars est, reliquis ex metallo constantibus, nihilominùs non modò nervos in animalibus, sed & durissima ligna, & compactissima metalla & vitra resolvit, & penetrat, adeò, ut Mercurius Antimonij, Dygbæo teste, (nam etsi nos eundem Mercurium præparaverimus, & in præparatione ejusdem, periculosum solventem catarrhum acceperimus, sequens tamen experimentum non fecimus, quòd nobis non in mentem venerit, & Mercurium interea ad alios usus adhibuerimus) ità penetrans sit, ut aureus (vulgò ducatus) ore contentus, pollice pedis (continentis) Mercurio Antimonij intincto, dealbetur, quasi Mercurio esset obductus, ex quo facilè colligi potest, quàm penetrans ipsa terra sit, si pura existat, cùm decomposita indè, tam penetrantia sint, quare prorsùs non dubitandum est, liquorem Alkaest, qui talis pura terra est, omnia N. facile penetrare, & penetrantissimum esse, quod 9. non sine vitæ periculo & sanitatis jacturâ, aliquando experti sumus, cùm incautiùs præfatum liquorem naribus admoveremus, vix enim non repentinâ morte periimus, sensibus quasi in momento omni-

omnibus abolitis, quantum quoq; damnum pectori & oculis pariat, dici nequit, quare comprehendere non possumus, quâ ratione Paracelsus hunc liquorem ita hepati consulat, cum ut sic est, prorsus intra corpus humanum sumi nequeat, credibile ergo est, sicubi Paracelsus vera scripserit, solvisse eum stegnotium quoddam in præfato liquore, atq; solutum, non solvens hominibus propinasse, incredibilis namq; penetrantiæ præfatus liquor est, atque ad tantam penetrantiæ excellentiam evehi potest, ut omnia vasa penetret, ipsa etiam vitra, sine ulla ruptura & læsione, solis instar, qui vitra penetrat, nec tamen ea lædit, magnam ergo hic liquor analogiam habet cum spiritu vini, & aquâ forti,

10. quibus menstruis, varia corpora in tenuissimas substantias solvuntur, differt tamen noster liquor ab omnibus solventibus, quod hæc solventia solvant, faciendo reactionem, & associationem soluti cum solvente, unde per præcipitantia, quæ novam reactionem faciunt insolventia, solutum à solvente secerni debet, noster verò liquor non aliâ ratione solvat, quàm penetrando, & corpora in tenuissimas

N. atomos redigendo, quæ suapte, cum nulla reactione

11. nostro liquori associantur, penetratæ subsidunt, in diversas substantias discerptæ, è quibus mixtum constat, nullis tamen peregrinis adductis, quæ ex communibus solutionibus ob reactionem fiunt, unde omnia in liquore Alkaest soluta, integras suas potestates, & qualitates retinent, subsiduntia autem hæc à præcipitatione in eo differt, quod hæc, ut diximus, per reagentia, illa suaptè & ex suæ gravitatis natura procedat, tenuioribus partibus suprâ, crassioribus infrâ subsistentibus, non secus, quàm

si li-

si liquores diversæ gravitatis invicem miscerentur, & quilibet locum suæ gravitatis obtinere solet, aut si oleum, farinâ & arenâ mistum in aqua solvatur, quodlibet enim horum, naturalem suæ gravitatis locum servabit, solutio ergo, quæ fit per liquorem Alkaest nil aliud est, quàm corporis penetratio, & in subtilissimas atomos reductio, sine ulla reactione aut communicatione cum soluto, ut ejus partes liberè subsidere queant, crasi earum integrâ manente, undè ex hac solutione, nempè ab effectu & partibus corporis in hoc liquore soluti, non pauca disci possint, mirum proindè, cur aliqui hunc liquorem cum igne comparaverint, cùm omnia, quæ igne solvuntur, non modò in diversas substantias rapiantur, in crasi alterentur, imò immutentur, deindè ignis, ut inferius in capite de sulphure probabimus, non nisi superficialiter agat in corpora, noster verò liquor subtilissimos quosque poros penetrat, omnia immutata, nisi quoad continuitatem (solutio enim quæ fit per liquorem Alkaest, nihil aliud est, quàm solutio continui, seu solutionis continuæ species, de qua in nostro Oedipo Chymico egimus) relinquat, nullo enim mixto associari valet, proindè & ipse semper immutabilis, nam cum, ut ante hac dictum est, ex tertia terra constet, regni mineralis, sequitur hanc terram, reliquis duabus, regni nempè animalis, & vegetabilis, sibi licet analogis terris longè fortiorrem & penetrantiorrem esse, undè cùm ob incredibilem tenuitatem, tum ob majorem digestionem, analogis suis præfatis terris associari nequit, prout nec aqua cum spiritu vini, quia invicem separari queunt, attamen, quemadmodum spiritus vini magnâ

gnâ aquæ copiâ perfusus tenuitate suâ privatur, & densatur, ita & nostro liquori accidit, nam compa-
re suo subjugatur, aquâ enim communi, & ipse in
aquam resolvitur insipidam, nam cùm prorsus non
corrosivus sit, quòd nullum sal seu mixtum, licet
salium primum ens sit, cujus unica vis in eo est, ut
atomi terreæ penetrantissimæ quasi cunctæ ope-
rentur, non urendo, nec corrodingo, sequitur, om-
nem hujus liquoris energiam perire, cùm corpu-
scula ejus diffunduntur, & eâ ipsâ diffusionem insipi-
da & inutilia reddi, cùm nullum ego prorsus medi-
um sciam, ea rursus ab aqua separandi, cujus ato-
mis ob maximam earum analogiam potentissimè
adhærent, neque lector miretur, nostrum hunc li-
quorem aquâ communi subjugari, & aquam insi-
pidam manere, possemus præparationem cujus-
dam aquæ monstrare, quæ prorsus insipida est, stu-
pendæ interim operationis, nisi communicatio e-
jus, quæ multum boni operari posset, simul maxi-
ma secum incommoda veheret, ob periculosissi-
mum & quasi inevitabile venenum, quod inde pa-
rari potest, & pravis hominibus ansam nocendi da-
ret, tacendum ergò erit, ne, dum bonis prodesse vo-
lo, malos juvem, cæterum, prout dictum est, liquo-
rem nostrum, nec animalibus, nec vegetabilibus
mixtis associari, ita econtra fatendum est, eum tan-
quam mineralium principium, eorum mixtis, nem-
pè metallis, in specie auro & argento non nihil tena-
cius adhærere, perfectis quidem metallis plus quàm
minùs perfectis, nam cùm imperfecta metalla (quæ
quidem juxta mixtionem & crasin suam, omnimo-
dè perfecta sunt, nec imperfecta vocantur, nisi re-
latione, respectu scil. auri & argenti) multum de
ea

ea terra contineant, unde hic ipse liquor factus est, sequitur ea non adeo in divetſas ſubſtantias diſcerpi, utpote poroſioris compagis, quæ facilius penetrari poteſt, ſed aurum, cum conſtet, ut poſtea demonſtrabimus, ex triplici terra, partibus æqualibus & compactiſſimum ſit, multum, noſtro liquorilaboris faſſi, & hinc eidem tenaciùs adhæret, ita quidem, ut aurum ſecum in deſtillatione in forma punicei liquoris elevet, quod neminem miretur, nam ea terra, quæ in reſo vegetabili huic noſtræ minerali analoga eſt, ſed multò debilior, nihilominus eundem effectum cum auro, ſi ei permiſceatur, N. exhibet, ducens id in forma flavæ volatiliſſimæ a- 12. quæ ſuper alembicum, paratur autem hæc terra ex ſpiritu vini, partibus ſulphureis ſeparatis, prout noſtra mineralis, de qua jam loquimur, vel (ſi à poſteriori incipere velis) ex Mercurio communi, argentum nempe vivum ita ſeparando, ut partes metallicæ ſeparentur, & terra, per quam præfatæ partes in fluxu ſteterant, abſtrahatur, aut (ſi à priori proceſſum incipias) ex iſto principio ſumi debet, quod in mineris abundat, quodq; ex metallis Mercurios facit, prorſus ſine ulla arte, & quidem magnâ copiâ, ut in nonnullis locis exemplum in Mercurio virgineo N. habemus, qui ſuâ ſponte ex mineris fluit, lar- 13. vatur autem hæc terrâ vel aquæ vel ſumi ſpecie, adhæretq; nonnunquam minerarum parietibus, tenuium filamentorum, nivis aut nitri florum inſtar, per larum nitore, arſenici principium à nonnullis eſſe creditur, vidi ego quidem eam in mineris, ſed nominis, quomodo vulgò in vernacula Metallicolæ vocent, oblitus ſum, deindè quid opus eſt in mineris quærere, cum minerales aquæ ſint, quibus contine-
tur,

tur, imò ut postea probabitur, libro secundo in cap. de sale, totum mare eâ plenum fit, est enim primum ens salis, seu terra illa, unde sal fit, licet hoc scias, ex subjecto uno copiosius & facilius quàm altero separabile esse, distinguendum quoq; erit inter liquorem Alkaest & Mercurium Philosophorum, ne, dum unum quæris, alterum facias, etsi error non ingratus forte esset, tamen damnosus respectu finis foret, nam cum Romam tendo, Venetiæ relinquendæ sunt, etsi utraq; civitas pulchra sit, differt ergo Mercurius Philosophorum à liquore

N. Alkaest, seu nostrâ hâc tertiâ terrâ in eo, quod

14. Mercurius Philosophorum ex tertiâ hâc nostrâ & secundâ terrâ tanquam ex duobus principiis mineralium, jam ad actum mixtionis dispositis, constat, nempè ex terra sulphuris & terra Mercurij purissimæ qualitatis, unde Mercurius duplicatus vocari solet, duplicatus ob duplicem terram, Mercurius ob utriusq; volatilitatem, qui ignis operatione figi, & postmodum auro fermentari debet, quod duplicato & unito huic liquori pro prima terra nempè matrice inservit, seu lapide, de quo capite secundo dictum est, Alkaest verò ex unica terra tantum constat, & quidem eâ, de qua jam egimus, unde solus primordiale & essentiali operationem in metalla non habet, nisi quòd ea emolliat, mercurificet, & si nimium adhibeatur, in aliquas diversas substantias discerpat, sed defectu secundi principii, nempè secundæ terræ, ex qua quoq; præfatus Mer-

N. curius Philosophorum constat, novas metamorphoses metallis superinducere nequit, licet ex illis non parùm auri & argenti nonnunquam separet, nam cum, ut superius dictum est, metalla in mini-

mas

mas atomos redigat, facile graviores subsidunt, quæ plerumq; aureæ & argenteæ sunt, & proindè hæc metallorum melioratio, non nisi subsidentia vocanda est, quæ ex solutione venit, quod atomi metallorum fortius quàm ullo alio solvente penetratæ & attenuatæ sint, undè metallum hoc modo solutum difficulter reducitur, videmus ferè eosdem, sed non in tantâ excellentiâ, effectus, in aquâ forti, in quâ metalla soluta, plus semper auri præbent, quàm igne & communi examine probata, imò argentum in aqua forti digestum, indies non nihil calcis auri dejicit, quod ex tenuiori mixti solutione venit, deindè solventia dantur, quæ metalla, spiritus vini instar supra alembicum ducunt, vix nisi magno labore præcipitabilia, quæ omnia, veritatem liquoris Alkaest probant, possemus & hoc loco analogicum, & valdè affine menstruum cum liquore Alkaest, quod facilius paratu est, loco ejus substituere, sicut & in nonnullis menstruo Philosophorum succedere posset, sed timemus, ne nimiam lectoris patientiâ abutamur, hoc tamen prætereundum non esse censeo, dari terras, ex quibus, imò ex ipso aëre, pluvia, nive, & rore, omnibus & singulis, spiritus ardens longè penetrantissimus elici potest, qui per se digestus, in sal & balsamū cœleste redigitur, laudum ferè infinitarum, separatus verò à sulphure, analogiam cum nostrâ terrâ, de quâ jam agimus, magnam habet, imò ad medicinam vix non æqualem, si non superiorem, perdidimus hujus nobilissimi thesauri nuper ferè semilibram, duorum annorum laborem, fractâ phiolâ ob ignem præter intentionem potentiùs ab amanuensi applicatum, & certè immortalem talem substantiam in aëre latere,

undè omnia animalia vivunt, & præservantur, certissimum est, quæq; cum nostrâ hâc minerali magnam, sicut & cum vegetabili analogiam habet, quod verò nostra terra mineralis primâ dispositione venenosa sit, id ex penetrantissima, & tamen nimium terrestri naturâ provenit, quæ ad constitutionem mineralium requiritur, Vegetabilium econtrâ, & animalium longè subtilior, & si usum & finem spectemus,

N. nobilior existit, indè enim omnia vegetabilia

18. crescunt, animalia spiritum hauriunt, sine quo nec cordis calor cõservaretur, nec balsamum vitæ præservaretur, nam quòd hoc balsamum sanguinis & vitæ sedes, ejus verò nutrimentum aër sit, prorsus non dubitandum est, si motus consideremus, qui ex aëris alteratione & diversitate subsequuntur, ut in

N. peste videre licet, ubi atomi aëris (quas ex terrâ

19. constare superius in creatione orbis probavimus) istæ præsertim, quæ terræ propiores sunt, & ex variis terræ exhalationibus oriuntur, in confusionem & extra statum naturalis dispositionis agitata, horrendas in corporibus, præsertim humanis, vicissitudines causant, & alterationes, nam cum ejusmodi corpuscula præter ordinem agitata, totâ substantiâ corpori humano, omnibusq; viventibus adversa sint, à corporibus verò singulis pulmonum attractionibus & variis extensionibus quasi fugantur, necessario sequitur, ejusmodi corpuscula, cum nociva sint, corpori viventi maximam & contrariam offensam inferre, undè mirum non est, paucissimo tempore corpora peste interimi, quod & in aliis corporum affectibus videmus, nempe vulneribus, febribus, aliisq; , ubi morbus incrementum ex contrariis particulis illicò sumit, tota ergò
medi-

medicinæ vis in eo consistit, ut discamus, particulas,
 quæ invicem cohærent, & sibi amicæ sunt, cogno-
 scere, indè enim medicamina, vel morborum ex-
 acerbationes oriuntur, nam indè sympathiæ, & an-
 tipathiæ, incrementa & decrementa rerum veni-
 unt, hæ enim particulæ effluvia corporum sunt,
 quæ ex compactissimis quoq; corporibus spirant,
 nam stannum & cuprû notabilem odorem spirant,
 ut & magnes, videmus quoq; miram felium tran-
 spirationem, quibusdam adeo gravem, ut ne vîsas
 quidem, imo cistis inclusas olfaciant, agitantur au-
 tem ejusmodi corpuscula vario modo, interdum
 solâ imaginatione, contactu vel minimâ inspiratio-
 tione, ut in peste, & morbis contagiosis videmus, ubi
 paucarum horarum spatio, tanta talium corpuscu-
 lorum agitatio causari potest, ut vitæ periculum sit,
 sed quo impetu hominem invadunt, eâ levitate, &
 quidem initio magis quàm fine in quietem redigi
 possunt, cujus rei memorabile exemplum da-
 bo, annos circiter abhinc quatuor, grassabatur N.
 febris in tractu Moguntino epidemica petechialis 20.
 valdè maligna, non procul Moguntiâ oppidum
 est, quod *Großwinternheim* vocatur, quo loco
 præmemorata febris epidemica perniciosè rege-
 bat, ita ut majorem oppidi partem deleret, ob li-
 bertatem religionis multæ nobilium familiæ illic
 habitant, inter quas nobilis est, de *Gambs* nomi-
 ne, Generum habens alium nobilem, *Zarthau-*
sen / is ergò gener cum totâ Domo hoc malo in-
 ficiebatur, & ægerrimè decumbebat, etsi au-
 tem ordinarius ejus D. Horst fuerat, attamen, licet
 rogatus, sive ob itineris distantiam, sive ob alias
 rationes non acciri potuit, vocor ergò ego tum
L 2 tempo:

temporis Moguntiae Medicinam theoricè tanquam Professor ordinarius docens, & practicè faciens (nam me tùm temporis totum praxi dederam) vocatus itaq; sub gallicinium noctu ad præfatum oppidum venio, sub introitum domûs mortuum supra stramen offendo, agonizantes aliqui in hypocausto erant, sed in secundâ contignatione Patronus domûs morabatur, hujus ergo, utpote à quo vocatus eram, ante omnes habenda erat ratio, nam quamprimùm in oppido innotuerat, Doctorem adesse, illicò omnes quasi ad Deum quendam confluerant, carebant enim Doctore, neq; aliquis eò persuaderi poterat, quia sciebant, & tonsores & aliquos alios, qui cum ægris agebant, ex infectione mortuos esse, & hæc erat ratio, quòd Nobilis noster, de quo jam locuturi erimus, ne Prædicantem quidem habere potuerit, Evangelicus enim erat, tandem tamen Reformatus aliquis venerat, cùm ergò prævisò hoc miserabili spectaculo superius hypocaustum conscenderem, nobilem offendo prorsus furiosum & rabidum, nudum suprà lectum, indusio, linteis & lectis disjectis, & disruptis, convulsionibus interim epilepticis adeò dirè agebatur, & continuò, ut fremitus dentium foràs audiretur, maximum etiam alvi profluvium aderat, fæces liquidæ & nigræ, hoc statu tam miserabiliter dispositus & jam quasi morti proximus, omnibus recuperandæ sanitatis spem excutiebat, parabaturq; apparatus linteorum pro jam jam morituro supra mensam, ut mortuum obvolverent, & ut verum fatear, si periculositatem temporum, domûs hujus infectionem, & ægri miserabilem statum præscivissem, nec ipse induci potuissem, etiam numeratâ

ratâ magnâ pecuniâ ut venissem, nam de Nobili & ipse desperabam, quis enim non desperaret, cùm naturam itâ videret omnibus modis contra se ipsam agere, furere, & errare, ne tamen frustra advenisse visus fuerim, tentavi quæ potui, ante omnia ènema injici curavi, ut intestinorum acrimonia sisteretur, ex quâ convulsiones provenire suspicatus sum, tunc vesicatoria potentissima post cervicem applicavi, ut malignitatem ex capite revellerem, his peractis cùm nihilo melius se æger haberet, ad ultimum recurri, nempe ad salem meum cœlestem, cujus tria grana in emulsione cordiali ei propinavi, & tota natura in pristinam quietem paucis diebus rediit, nullo alio medicamine adhibito, sed balneator paucis diebus post appositionem vesicatorii, quod jussu meo Nobili applicavit, mortuus est, Nobilis deindè Moguntiam venit, gratias agens, atq; operam meam commendans, hanc historiam quidem non ideò narro, ut quis credat, medicamentum nostrum omnibus morbis eâdem ratione prodesse, sed ut doceam, id malignitati petechiali ad miraculum resistere, crederem etiam pesti, quod probassem, si me tum temporis præsentem esse licuisset, cùm in tractu Rheni grassaretur, potentissimè enim putredini & malignitati resistit, & tamen prorsus insipidum ut aqua elementalis est, sed redeamus in circulum, & concludamus, dari corpuscula, quæ corpusculis pestiferis toto cœlo contraria sunt, & quibus pestis illicò expellitur, quod & videmus in alio genere cujusdam medicaminis, quod Epilepticos in momento quasi & ex profundissimo somno restituit, clarum ergò est, quamlibet corporis partem, & partium facultatem, certi

generis corpuscula requirere, quibus nutritur, & contrariis offenditur, adeò ut minimam mutationem in his extemplo sentiat. Pro conclusione unum
 21. adhuc experimentũ ponam, laborabat ancilla Francofurti in dextro brachio arthritidis specie adeò vehementer, ut subindè in deliquium caderet, nullã in super brachij, visibili alteratione, intumescentiã, aut imminuatione, biennium tali dolore absumpsit, quo cum nullis servitiis fungi posset, vix non ad mendicitatem redacta, restituta tamen à nobis unius septimanæ spatio in integrum, neq; enim posthac redincerudit malum, ex quo vera esse certum est, quod Paracelsus, Helmontius, Dygbæus, & charissimus noster Emmericus à Stahl Eremita scribunt, & testantur, emplastra operari per transpirationem corpusculorum, cum ergò hæc contraria peccantibus aliis influviis sint, necessariò hæc per illa expelluntur, prout multa alia de epithematum natura & præstantiã huc afferre possemus, si medicinam potius quàm subterraneorum Genesin scribere nobis proposuissemus, hæc interim sufficiant pro probandã hãc nostrã tertiã terrã, de qua plura in sequenti capite in medium proferemus, jam de tribus subterraneorum principiis concludemus.

Sectionis tertiæ Caput quintum

De trium Principiorum coitione & certitudine.

SYNOPSIS.

N. I. *Quâ ratione tria principia à veteribus salis sulphuris,*

ris, & Mercurii nomine insignita fuerint. N. 2. Differentia inter sal, sulphur, & Mercurium Philosophorum & vulgi. N. 3. Prima mineralium principiorum sed imperfecta coitio. N. 4. Gradus mixtionis mineralium principiorum. N. 5. mixtorum mineralium multitudo & incertitudo. N. 6. Acidularum communes probæ incertæ. N. 7. Authoris propositum est, probare, metalla esse terreæ naturæ, N. 8. rejiciuntur qui omnia, imprimis metalla, ex aqua constare defendunt. N. 9. probatur, metalla esse terreæ naturæ. N. 10. tres primordiales terræ subterraneorum in sale Alkali, nitro, sulphure, & sale communi latent. N. 11. Helmontii junioris experimentum. N. 12. Authoris observatio circa idem. N. 13. experimentum Augustanum. N. 14. argumentum invincibile, quo probatur, metalla ex limo constare. N. 15. digressio ad sequentem sectionem de principiorum mixtione.

T E X T U S.

HActenus de tribus terris egimus, quas pro mineralium principiis statuimus, & quas veteres sub salis, sulphuris, & Mercurij nomine complexi sunt, non quod vulgare sal, sulphur & Mercurius, ipsa pura principia existant, sed quod pars quædam istorum decompositorum, pro principiis subterraneorum habenda sit, atq; ita totum pro parte sumserint, denominationem nempe à potiori, sal enim sulphur, & Mercurius, decomposita sunt, & proindè sic vocantur, cum verò ea pars ab illis separatur, quæ nostram terram constituit, & prorsus simplex subterraneorum principium est, non amplius

plius nisi improprie sal, sulphur, & Mercurius vocari potest, cur verò Veteres primam terram, nempe lapidem fusilem, sub fixi salis nomine complexi fuerint, obscurum forte cuidam esse potest, qui nescit, in quovis sale alcali terram fusilem & vitrescibilem latere, primum nempe mineralium principium, prout sectione quinta capite de fermentatione, paragraphis 48. 49. 50. demonstrabimus, eadem ratione in sulphure communi terra secunda latet, & in Mercurio tertia prout inferius de Mercurificationibus, & libro secundo speciali capite de Mercurio docebimus, Philosophorum ergò, nempe improprie, hæ terræ seu principia, sal, sulphur, & Mercurius vocantur, e contra vulgi seu vulgaria vocantur, cum in decompositis existunt, ut in sale, sulphure, & Mercurio communi, antequam autem ad hanc decompositionem veniunt, alia puriora & magis homogenea, simpliciora nempe mixta constituent, uti, cum terra secunda (sulphuris) & tertia (mercurii) miscentur, compositum oritur, non quidem perfectum metallum, ob defectum primæ terræ, minerale tamen, nempe realgar, quod sulphureis facibus permixtum, si iisdem liberetur, levi labore Mercurium Philosophorum præbet, est enim volatile, fusile, argentum in fluxu tingens, & reperitur non rarò in mineris, instar rubini transparens, sed in eo peccat, quod nimium de terrâ secundâ teneat, ac proinde mixtum solidius reddatur, hac ergo privari debet, ut fluidior reddatur, nam tunc arsenicum erit nostrum & Philosophicum, sed de hoc alibi in sequentibus, reperitur etiam in statu, quo tertia terra prædominatur, sed tale mixtum nec nominatur, nec monstratur, nisi ab

ab amico , ob singulares , & graves causas, prout tertia terra cum secundâ miscetur , & compositum constituit , ita secunda terra cû primâ persæpè miscetur, hinc lapides , qui in colore variant, pro secundæ terræ differentiâ & tincturâ , & in his rursus differentiæ variæ, pro prioris, vel secundæ terræ quantitate, considerabimus ergò scalam principiorum, compositorû , & decompositorû, sequenti ordine, quem in toto hoc tractatu etiam semper servabimus. *Primò* consideranda sunt principia, nempe N. tres præfatæ terræ, quatenus per se subsistunt, nempe 4. quatenus semina & principia subterraneorum constituunt. *Secundò* sciendum est, principia misceri duplici modo , primò inter se, deindè cum aliis heterogeneis rebus, *inter se* miscentur, vel *imperfectè*, cû præfatæ tres terræ non omnes conveniunt, sed una earum deest (ut videmus in lapidibus, & variis fluoribus, ac terris metallicis, prout in præcedentibus dictum) vel *perfectè*, cum omnes tres terræ miscentur, & metallum constituunt, quæ mixtio rursus duplex est, vel æqualis vel inæqualis, *æqualis* cû tres terræ tali proportionem miscentur, ut malleabile metallum constituant , quod triplex est , in duobus enim metallis , ut plumbo & stanno tertia terra prædominatur , quæ proindè fluunt, antequam igniuntur, in cupro & ferro secunda excedit, hinc igniuntur , antequam fluunt, in auro & argento, æqualis trium terrarum mixtio est , hinc quamprimùm igniuntur , fluunt, *inaequalis* autem principiorum mixtio est, cû principia falsâ proportionem miscentur, ac spuria metalla producant, quæ vel volatilitate, vel fixitate, vel friabilitate, ob inæqualem mixtionem

peccant, ut sunt Antimonium, Bismuthum, Zinkium, Koboltum, Marcasita, & hæcenus de principiis, quatenus inter se miscentur, sequitur quatenus *cum heterogeneis* miscentur, quod duplici modo contingit, primò cùm *aquam* in mixtum recipiunt, hinc sal, nitrum, alumen, botrax, secundo cùm *terram* in mixtum recipiunt, sive simplicem, unde sulphur, bitumen, litanthracæ, sive mixtam metallicam & simplicem, unde arsenicum, argentum vivum, cinabrium, sive simplicem mineralem, & lapideam varieq; mixtam, unde ipsæ minerae vulgò die *Stuffen / Merckstein* / aut mineralium effluvia vulgò *Gallmay / Berggrien / Schmalten / Rôtel / Bolus*, innumera enim mixta oriri possunt, si compositorum & decompositorum rationem habeamus, prout sectione quartâ, capite secundo demonstrabimus, nam cùm Arithmetica

5. doceat octo numeros 40320. vicibus transponi posse, quid mirum, si in regno minerali, longè plures species inveniantur, quàm in vegetabili, quòd verò eas ità ob oculos ponere nesciamus, prout suas Botanici in figuris delineant, ratio est, quod differentia non tam in externâ quàm internâ figurâ consistat, deindè quòd ob profundam scientiam pauci sint, qui eam attingant, etsi enim Gallenici de acidulis uno duntaxat mineralium decompositorum genere scripserint, & eas vel ex hac vel

N. ex illâ minerali specie constare prodiderint, tamen

6. omnia falsa sunt, quòd rectum modum explorandi nesciverint, inspissatione enim species alterantur, ut sectione quinta capite de fermentatione paragrapho de Glauberianâ concentratione demonstrabimus, solâ verò ponderatione, ut in salinis faciunt,

ciunt, aquarum qualitatem invenire, impossibile est, licet quantitas exindè pateat, & licet quodlibet corpus diversam quantitatem habeat, ex quantitate tamen qualitas reperiri nequit, quòd quantitatis cum qualitate proportio, in hunc usq; diem nobis incognita sit, nisi, quoad qualitatem subjectum nobis in genere notum sit, ut in corona metallica, cujus qualitatem ex quantitate Archimedes invenit, licet quoq; peritiores Phisici & Chymici aquas, & species minerales per reagentia probent, nam sal commune præcipitat solutionem lunæ, si vitriolum in aqua lateat, denigrabitur galla, si sulphur, lixivium respuit &c. quæ probæ communibus quidem certiores sunt, attamen non sufficientes, ipsa enim ingredientia novam subindè reactionem inter se ipsa faciunt, nullo modo præcipitabilem, vel per præcipitationem cognoscibilem, mirum ergò non est, quòd diversitatem specificam subterraneorum mixtorum, de facto, plurimâ ex parte nesciamus, hinc infiniti errores in specierum mineralium descriptionibus, hinc varii & diversi casus in experimentis, ubi interdum una species pro alia sumitur, cum qua in exteriori facie convenit, intrinseca interim qualitate toto cœlo differens, sed de his sectione sequenti ad satietatem agemus, hoc loco generale tantùm systema apponere libuit, ex quo prædictarum mixtionum praxis facilè erui potest, nam quod specialem mixtionem attinet, sequentibus tribus sectionibus exponemus, hâc enim sectione N. nihil aliud agimus, quàm quòd demonstramus, 7. mixta metallica terrea esse, & terram trinam pro principio habere, neminem enim futurum arbitror, qui credat, aquam communem limpidam, mixtionem

- nem metallorum ut principium actuale ingredi , nec aqua ullo modo arte aut Marte ex metallis parari potest, licet ex mineris nonnihil eliciatur, sed quantula etiam est, eam à sulphure procedere, Sectione quintâ, capite de fermentatione, paragra-
pho 162. demonstrabimus, & in hoc passu prof-
fusus unanimes cum Angelo Sala sumus, qui a-
queam liquiditatem auri potabilis ex propria au-
ri natura proficiscentem, constanter negat, nam
8. sicut ex animalibus currentem Mercurium spe-
rare stultitia est, ita ex metallis aquam desidera-
re ignorantia est, neutrum enim compositionem
eorum ingreditur, ut Sectione quintâ capite de
liquefactione satius probabimus, loquimur au-
tem hoc loco de mixtis subterraneis, homoge-
neis metallicis, & mineralibus, non heterogeneis,
quorum partem aquam ingredi, ut in sale, nitro,
alumine, borrace, superius diximus, reliqua verò
mixta, quæ ex terra constant, prorsus homoge-
nea, terrea sunt, ne sufficit solis verbis omnium
rerum originem aquæ tribuere, aut experimen-
tum Helmontij in vegetatione arboris, quod Rober-
tus Boyle in chymista sceptico citat, aqua profectò
nunquam terra fiet, nisi in quantum corpuscula
terreâ secum vehat, sed ne in ambages labamur,
ad Spartham nostram redeundum erit, & proban-
N. dum, metalla ex terra constare, nempè terrea
9. esse, quòd primus eorum aspectus demonstrat,
tùm tractatio in igne, deindè eorum harmonia,
& sympathia cum variis terrarum generibus in flu-
xu, ubi ex variis terris metalla, tam nobilia quàm
ignobilia augmenta sumunt, tandem quomodo-
cunq; metalla resolvantur, sive per ignem in fu-
mum

mum & flores, five per aquas in calcem, quando
 & quomodocunq; dico de puncto ad punctum sol-
 vatur, terrea apparent, & sicca, & incrementum
 à solventibus, imò ex ipso igne sumunt, ut se-
 ctione quinta capite de liquefactione ulterius de-
 monstrabimus, & ne quis existimet, pulverulen-
 tam terrestreitatem, cum metalla in igne tractan-
 tur, à corpusculis igneis procedere, tentavimus
 cum stanno & plumbo in retorta vitrea, & totum
 in pulverem convertimus, etiam pristinum pon-
 dus excedentem, quem notabilem excessum pon-
 deris, à corpusculis retortam vitream penetranti-
 bus profectum esse, vix credibile est, & si ita conti-
 gerit, magnam tamen inter metalla & terram har-
 moniam probat, metalla ergò mixta terrea esse,
 cum bona lectoris venia, & naturæ placito conclu-
 demus, Utrum verò tres terræ sint, quarum, hu-
 jus Sectionis capite primo sub finem, mentionem
 fecimus, quæ mixtum metallicum solæ constituunt?
 & utrum in sale, sulphure & alcali lateant? prout
 citato loco diximus, accuratius & solidius proban- N.
 dum videtur, ne quod in aliis damnamus, ipsi com- IO.
 mittamus, vacua sine experientia verba. Ut ergò
 ad rem veniamus, recordamur dictorum nostro-
 rum, nempè *tres terras* esse, quæ cum miscentur, *ve-*
rum metallicum facere, terras autem intelligo, non a-
 ctu minerales & metallicas, sed potentiâ tantum,
primæ tribui lapideitatem, *secundæ* colorem, *tertiæ*
 metalleitatem, primam dixi lapidem esse, & in quo-
 vis sale alcali latere, alteram in nitro vel sulphure,
 tertiam in sale communi, adductus ad id per varia
 experimenta, de quibus libro secundo sub speciali
 cujuslibet subjecti anatomia; nam mediante sale
 com-

communi, ex metallis Mercurium currentem fieri, mediante terrâ nitri, metalla tingi, & mediante terrâ alcali metalla notabiliter in fluxu & consistentiâ alterari certum est; rursum terram alcali, nitri, vel sulphuris communis & salis communis miscui, & debito modo tractavi, ac veram metalleitatem inveniri, vidi, & manibus meis tractavi, ut libro secundo demonstrabo. Ex quibus experimentis concludere cœpi, metallorum principia terras esse, quas indies pedibus quasi calcamus, facileq; negotium, si Deus alicui oculos aperire vellet, ut maximâ copia arte parari possent, ut in magno fierent, quæ nos in paucis probavimus, & quibus ad defendendam veritatem nostræ opinionis contenti fuimus. Sed facile palmam daremus juniori D. Helmontio, si dignaretur publico bono illud experimentum communicare, cujus ante biennium apud me Sultzbachii mentionem fecit, scire nempe se ex quovis communi limo & sulphure verum ferrum facere, & quidem non in paucis sed magna quantitate, quod experimentum uno ictu infinitarum quæstionum, circa mineralium principia, nodos Gordios resolveret, sed nullis id precibus impetrare potuimus, nisi quod author sponderit, se brevi experimenta sua Chymica in lucem missurum; nos tamen rei curiositate moti, ansum nacti sumus varia circa eam rem experimenta sumendi, licet enim experimenti titulus quasi primo intuitu impossibilis videatur, tamen, qui multa incredibilia in natura præter spem & fidem vidi, in nulla re animum despondere soleo, & hâc constantiâ fulcitus, nescio quo casu Rubiam vulgò Rötelsstein in spiritu salis solvi, solutionem reiteravi, tandem extracto omni colore,

colore, rubia in communem album limum mutata est, ex qua tornatione ollulam fieri curavi, ut veritatem limi expiscarer, mansit autem, etiam in ustrina verus limus, omnes limi qualitates habens, extractâ verò tincturâ Martialis erat, unde argumentari incepti, non adeò absolum esse, posse limum in ferrum converti, quòd de facto quoq; videamus, ferrum in limo copiosissimè generari, formâ renum vulgò *Eysen-Stein* præsertim si sulphur superveniat, nam in sulphure metalleitatem latere, singulari experimento didicimus, quo commune antimonium in sulphur prorsus commune in magna copia convertimus, neq; de facto rursus in antimonium reducere scimus, ut libro secundo sub historia antimonij latius; retulitq; charissimus meus ^{N.} amicus, & sedulus naturæ indagator D. Krafft, esse ^{13.} etiamnum Augustæ Vindelicorum Patritium quendam, qui tali copiâ ex sulphure communi verum Mercurium currentem elicere possit, ut etiam cum lucro in pretio communis Mercurij vendere, si velit, queat, quæ licet incredibilia videantur, nihilominus, si ea sub incudem revocemus, quæ capite hujus Sectionis tertio in sulphuris historia recensuimus, aliqualem fidem merebuntur, habito autem Mercurio, facilè metalla generari posse, probabile est, & evidens. Utinam autem præfati duo Domini, sua experimenta bono publico exponerent, invidiamq; deponerent, tunc aliquando ad evidentem subterraneorum genèsin deveniremus, consequentiâ non nocivâ, quæ enim nos circa talia tentavimus, nec in tam magnâ copiâ facta sunt, nec ita constituta, ut dignis pariter & indignis communicari queant, cùm ad altiora aditum parent. Interim

- N. terim tamen certum est, metalla, ipsum etiam argen-
 14. tum ex liño, quem metallicolæ Bergmilch vocant, generari; is enim, cum prorsus liquidus sit instar crassioris aquæ, & in antris vulgò Zächen non rarò super lapides destillet, principio totus limosus & liquidus est, & si arte destilletur, spiritum, oleum & terram præbet, nullo modo in metallum reducibilem, prorsus enim volatilis est, & per omnia communi limo similis, prout in anatomia ignis etiam probavimus (deindè etiam arte ex metallis talem liquorem fecimus) tractu verò temporis exigui, elegantissimè consistit, in ramusculos, & excrecentias exaltatur, & purum putum *finum* argentum fit, sine ulla diminutione sui, vulgò *gediegē/ fein/ stahlgantz/* quæ sanè observatio ad oculum evincit, metalla ex terra generari, & proindè mixta terrea esse, prout libro secundo, & in sequentibus hujus libri sectionibus ulterius demonstrabimus, imprimis quomodo metalla rursus in terram mutantur, quomodo ex terra incrementa sumant, & quomodo ex terra orientantur, recordor, ni fallor, me in Tabernæmontano legisse, quòd aurum in terram sigillatam mutaverit irreducibilem, cui simile experimentum & nobis notum est, ut postea libro secundo capite speciali de N. auro exponemus. Verùm hæc omnia solidius intel-
 15. ligemus, si modum benè consideremus, quo ex principiis suis metalla miscentur, expositis ergò terris tanquam tribus mineralium principiis ordo postulat, ut nonnihil de earum mixtione agamus, postmodum mixtum in solutione, tandem in propriâ consistentiâ considerabimus, quæ omnia sequentibus sectionibus absolvemus, ad quas properantes præsentem sectionem pro nunc concludemus.

Libri Primi Sectio Quarta

Actionem Principiorum subterraneorum demonstrat, quæ mixtio est.

Sectiois quartæ Caput primum

De necessitate & obscuritate
Physicæ circa mixtionem.

SYNOPSIS.

N. 1. *Cognitio mixtionis subterraneorum obscura & dura.* N. 2. *Aristotelis obscuritas circa mixtionis doctrinam.* N. 3. *in quo scientia spagyrica ab Aristotelicâ differat.* N. 4. *Chymicorum ignorantia & falsitas circa mixtionis subterraneæ studium.* N. 5. *causa ignorantie in studio spagyrico.* N. 6. *Galenistarum mixtiones.* N. 7. *Censura super quosdam Chymicos.* N. 8. *vocabulum spagyrica exponitur.* N. 9. *necessitas studii spagyrici.* N. 10. *signum perfecti spagyrici.* N. 11. *sine cognitione mixtionis subterraneorum, mineralium natura perfecte sciri nequit.*

T E X T U S.

ET hætenus ex ipsis creationis & productionis fontibus subterraneorum Genesin hausimus, principia rinati sumus, principiorum certitudinem demonstravimus, eorumq; motum à principio ad finem, à circumferentiâ ad centrum, quasi filo ariadneo

adneo infecuti fumus, nunc restat, ut exponamus, quid præfata principia in progressu suo, & quando conveniunt, agant, diximus in titulo hujus capitis, eorum actionem mixtionem esse, nempe dum miscentur, species subterraneas produci, sed quomodo misceantur, & quæ species, ac ex quibus causis inde producantur? hoc loco exponendum erit.

N. I. Durum profectò negotium, in quo omnis cardo totius nostræ Philosophiæ consistit, nam cum subterranea corpora sint, omnia verò corpora mixta sint, præsertim subterranea, quæ homogenea fortissimâ mixtione ut plurimum constant, sequitur mixta constare ex partibus miscibilibus, quæ mediante mixtione, mixta producant, & hoc est, quod hoc loco enucleabimus laborioso nucifrangibulo, nam si juxta proverbium, *duro nodo durus cuneus querendus* sit, fortissima argumenta petenda erunt, ut fortissimam subterraneorum compagem & mixturam resolvamus, atq; in principia reducamus, præsertim cum hæc materia ab omnibus tam veteribus quam recentioribus, tam Aristotelicis quam Chymicis intacta relicta fuerit, ac proinde usquequaq; adhuc rudis, ne primâ

N. 2. quidem cortice excorticata. Nam si Aristotelicorum doctrinam circa mixtionem subterraneorum sumamus, quid aliud illa docet, quam communia, seu potius capsulas præbet, & nomina, quæ enucleatis rebus imponi possent, nam subterranea mixta esse, ex elementis constare, sua temperamenta & qualitates habere, nemo non ignorat, sed unde hæc mixtiones, & ex mixtionibus tot diversæ subterraneorum species procedant, hîc opus hîc labor: hîc exercentur inanes artificum curæ, cur stannum plum-

plumbo, & non argento. citra friabilitatem misceri possit, facile dabunt rationem, nempe esse contrarias substantias, diversæ temperiei, sed in quibus partibus, hæc diversitas & temperies consistat, hîc prorsus obmutescimus, aquam fortem metalla solvere, qualitate resolutivâ dicent hi Philosophastri scilicet *quantum est, per quod aliquid quantum dicitur*, nempe petitio principij, sed undè qualitas hæc resolutiva, & cur omnia metalla excepto solo auro solvat, hîc omnis cessat Philosophia, & industria omnium Peripateticorum, si ex antecedenti aquam fortem invenire deberent; longè ergò alia est scientia N. nobilissima illa spagyrica, quæ ex practicis fundamentis & experimentis tanquam thesibus solidas mixtionum & mixtorum causas ac rationes eruit, & novas semper naturæ combinationes ex consequenti invenit, de quo sagacissimo & subtilissimo ac curiosissimo studio ne literam quidem in omnibus Philosophorum libris invenias, cùm illi solis ideis, abstractionibus & chymicis contenti, in nominibus tantùm hæreant, hoc unico felices, quòd nesciant, quantum nesciunt, nec mirum est, Peripateticos ab hoc studio alienos esse, cùm ipsi Chymici, quorum N. tamen unica chymia professio est, prorsus à veritate alieni sint, omnes enim, quotquot illorum scripserunt libros, in duas classes redigi possunt, vel enim processus ponunt, vel theoriam lapidis sui, processus quod attinet, quis nescit omnes per modum alicujus *Recipe* positos esse, sine causâ, ratione, ordine, & effectu tam incongruæ mixtionis, ut interdum ne stolidius quidem somnari possent, & hæc est ratio, quòd hætenus à paucissimis processus ante praxin discerni potuerint, deindè si.

vel successerint, aut non successerint, causa tamen
 ignorabantur, undè infiniti errores, nam cùm mi-
 nima interdum circumstantia mixtionem impediat,
 & alteret, quæ ex ignorantia causæ causantis omis-
 sa fuit, vera pro falsis & falsa pro veris proclamata
 sunt, cùm ex mixtionibus varia decomposita pro-
 cesserint, quæ illicò ab ignorantibus pro princi-
 piis & novis entibus conclusa fuere, ex quibus
 N. omnibus magna inscitia subsecuta, quæ ex avari-
 5. tia venit, quòd omnes statim auro anhelent, & sine
 sufficienti doctrina quoscunq; auriferos processus
 in praxin reducant, omnesq; libros alchymisticos
 libentiùs quàm Physicos veros spagyricos legant,
 sed cùm paucissimi, qui processus de lapide scri-
 pserunt, eum habuerint, meritò isti decipiuntur,
 qui eis credunt, quodq; de Chymicorum igno-
 rantia dico circa studium mixtionis, id de ipsis
 etiam Metallicolis affirmo, nam licet ejusmodi
 probatorij seu docimastici libri, metalla purificare,
 & ab invicem separare, aut confundere doceant,
 tamen longè abest, quòd ob id etiam intrinsecas
 minerarum crases & mixtiones explicant, unde
 metallorum qualitates exsurgunt, magna ergò de
 facto in mundo cæcitas & ignorantia, in uno tan-
 tùm naturæ regno, nempe circa subterranea est,
 de reliquis duobus nempe animalium & vegeta-
 bilium, imprimis Galenistarum mixtionibus circa
 ea, non multum morabor, nisi augiæ stabulum pur-
 gandum suscipiam, optandum itaq; ut studium hoc
 de mixtione, & causis veris Physicis mixtionis cir-
 ca subterranea, vel primâ cortice denudatum, &
 meliùs pertractatum fuisset, tùm sanè magno labo-
 re superfedere possemus, conati id quidem sunt
 præ

præ omnibus *Glauberus*, sed in plurimis ipse deceptus alios decepit, vel studio decipiens decipere voluit, ac aliam rebus larvam imposuit, quam quæ congrua est, *Ludovicus de Comitibus* solus Theoricus, & lapidista nihil unquam in praxi fecit, *Roberto Boyle*, præ omnibus nostro seculo palmam concederem, si misso suo elaterio, Chymica experimenta ulterius continuasset, & in exponendis istis, non tam materiam concludendi quam in singulis dubitandi tractare sibi proposuisset, *Rollfincius Ienensis* nescio quibus Aristotelicis alis extra functionem suam, in Chymiam quoque involavit, eamque in artis formam redigere voluit, scilicet Aristotelicam, aut quam turpiter Theologia larvetur, si Aristotelis larva personetur, tam pessimè quoque ei cum Hermete convenit, deinde in præfata artis formam nullas video rationes, nisi novum ordinem processus ponendi, & quod græcos quosdam terminos rebus illinens, multa falsa pro veris, vera pro falsis statuerit, non sine argumento nullius experientiae, Theoristarum aliqui boni essent, si theorias & rationes praxium scriberent, sed sic in tenebris Philosophantes illud Chrysostomi incurrunt, *peregrina doctrina multas jactans nugas, & multa detinens auditores loquacitate vacuis tandem manibus dimittit, neque magnum neque parvum lucratos emolumentum*, Gellij enim dictum observandum est, *qui loqui vult, quod nemo intelligat, magnam rem præstat, si taceat*, tali ergo inutili theoriâ & loquacitate plurimi libri scatent, quorum auctores sine experientia Philosophati sunt, de *Fabro Monspeliensi* satis mirari nequeo, quod non erubuerit tam aperta mendacia scribere, narrat

mihi R. D. Carolus Bendegin, se ejusdem famâ,
& amore hujus scientiæ ex Italiâ in Galliam, vi-
rum convenisse, sed ne furnum quidem vel vi-
disse, vel minimam praxin in homine animad-
vertisse, mirum quòd non eandem fortunam cum
Agricolâ in Poppium incurrerit, qui à Phār-
macopolâ refutatus, & multorum mendaciorum
convictus publicè erubuit. *De Helmontio seniori*
quid dicam nescio, ferunt quidam eum ne sim-
plicem febrem curare potuisse, & causone mortu-
um esse, quòd præ pudore, Medicos, quos nimio fa-
ctu contemnerat, non implorare, sed potius sine au-
xilio mori voluerit, certè retulit nobis, sæpè me-
moratus D. Krafft, se Bruxellis de ædibus Hel-
montij senioris, vicinos & senes homines in ipsâ
plateâ, ubi Helmontius multos annos habitabat,
interrogasse, sed prorsus incognitum nomen ejus
fuisse, quod quasi impossibile est, Medicum, qui
tot ægros tanquam alter Æsculapius ita feliciter
curaverit, & ad quem magnus confluxus populi
esse debuisset, à tot annis uno loco habitantem, ne
quidem à vicinis notum fuisse, sed & multi quærun-
tur de ejus theoriâ, quòd praxi planè non respon-
deat, undè nō modò multi ægri, sed & Medici mor-
tui sunt, prout nuper in peste Rhenanâ contigit,
ubi sacerculus quidam cum fratre suo, fortè in tra-
ctatum Helmontij de peste incidit, quem ita legit,
ut memoriter sciret, crederetq; impossibile esse,
quin non succederet theoriæ praxis, ex Belgio ergò
ad Rhenum veniens, rogavit sibi potestatem dari, ut
pestiferos curaret, quæ ut primùm ipsi cōcessa fuit,
pauco tempore cum fratre periit, multa ergò plau-
sibilia subtili stylo & loquacitate scribi possunt,
pauca

pauca practitari, & raro solida theoria cum praxi
 conjuncta est, ut in præambulo hujus libri dixi-
 mus. Reliquos omnes processuum scriptores ne
 tantillum æstimo, eorum enim methodus processus
 scribendi parum ab ea distat, quâ variis aleis inscri-
 ptâ vocabula, invicem conjiciuntur, sine ordine,
 modo, ratione, & fine, nemo enim se verum spa-
 gyricum profiteatur, qui non quemcunq; sibi ob-
 latum processum aut mixtionem illico dignoscat,
 sive vitium sive successum notans, & præsciens, ex-
 perti namq; spagyrici, præmissis fundamentis & 7.
 thesibus, vel scriptos vel impressos processûs, non
 aliter quam ad detegendos errores elaborant, cum
 veros, genuinos, & naturæ congruos ex proprio
 ingenio & experientiâ infinitos facere possint, in
 hoc ergo consistit differentia inter veros spagyri-
 cos & Pseudochymicos, hi posteriores fumiven-
 duli sunt & ignorantes, priores naturam percon-
 tantur, & rimantur, rerum suarum certi, nihil con-
 tra naturæ ordinem facientes. Ad cognitionem
 ergo omnis mixtionis inprimis subterraneorum, N.
 spagyrica accurata cognitio requiritur, nam licet 8.
 subjectum hujus scientiæ mixtionis & mixtorum
 cognitio sit, itaque spagyrica potius mixtoria
 quam separatoria vocanda esset, tamen à poste-
 riori nempè à separatione, tanquam à potiori &
 magis necessario, denominationem veteres sum-
 serunt, præsertim circa mixtionem subterraneo-
 rum, nam cum eorum primordiali mixtioni sub-
 terraneæ nemo interesse possit, cum ob loci in-
 commoditatem, tum ob temporis & operatio-
 nis diuturnitatem, sed totum nostrum studium
 cum subterraneis, in separatione & analysi eorum

supra terram per artem consistat, necessum est, ut à solutione & separatione partium incipiamus, atque inde totius compagem, & partes discamus, quare separatio meritò hujus studii initium, & potior pars vocanda erit, unde non sine ratione etiam spagyrica nomen suum accepit, nam etsi agat de rerum mixtione, tamen nomen suum sortita est, ab instrumento ad mixtionis naturam deveniendi, nempe à solutione, seu quòd partes solutæ prima principia mixtionis sint, cum, ut postea docebitur, N. omnis mixtio ex solutione veniat. Valdè ergò 9. necessarium studium spagyricum est, nam sine eo nec medicamenta dextrè parari, nec Physica sufficienter doceri, aut natura rerum cognosci posset, in specie verò mixta subterranea prorsus incognita relinquerentur, nisi quoad externam figuram, quam & boves & asini discernunt, & licet multæ metallurgiæ de subterraneorum mixtis scriptæ sint, tamen omnes nihil præstiterunt, quòd ab ipsis mixtis, non ab eorum mixtione inceperint, nam, ut exemplum in vino ponam, cuilibet, qui id gustârit, obvium erit, eo homines inebriari, dulce vel acre esse, rubrum vel album, sed nisi id in vite crescere viderit, quid sciet de ejus natura? quod si & illud videndum ipsi contigerit, quid aliter dicet, quàm taliter & taliter crescit, his & illis ad vegetationem suam opus habet, aliis averfatur, multum quidem hic differt, in cognitione à prioribus, qui effectum, nempe vinum jam paratum tantum viderunt, sed interim utriq; longè à cognitione naturæ vini intrinsecæ absunt, quomodo nempe ex acida materia uvarum, dulce mustum à natura præparetur, cur fermentet, cur in naturam vini abeat, & cur vinum
in ace-

in acetum, vappam & fæces tandem reducatur, hæc inquam & multa alia nesciuntur, etiam ab illis, qui totos libros de vino scripserunt, ut Löwenthal nuper fecit, qui in tractatum suum congeffit, quicquid de vino ab omnibus scriptum est, sed interim tantum de vino scripsit, non de ejus natura, quod partes essentielles vini, harumq; partium mixtionem, defectu cognitionis artis spagyricæ, ignoraverit, neq; in praxin revocaverit, eundem planè modum subterranea servant, nam etsi multa sciamus de eorum qualitatibus externis, de quibus integri libri perscripti, tamen causas, differentias, & vicissitudines harum qualitatium nescimus, quod partes essentielles, seu essentialiter mixta subterranea constituentes, harumq; partium mixtionem ignoremus. Nam licet etiam partes sciamus, si modum, quo partes miscentur, ignoremus, illicò in totum impingemus, nam is non perfectè & evidenterr subterraneorum, præsertim metallorum mixtionem scit, qui habitis eorum principiis & reliquis requisitis etiam supra terram per artem metalla producere non potest, non aliter quàm hortulanus, habitis tulipani principiis, supra terram ante fenestram eundem florem producit. Cum ergò, ut ex antedictis liquet, quasi potior subterraneorum cognitio in mixtione principiorum subterraneorum consistat, necessarium erit, antequam sectione sextâ hujus libri de ipsis mixtis subterraneis, eorumq; speciebus agamus, ut hoc loco doctrinam mixtionis subterraneæ paululùm prolixius examinemus, & pertractemus.

Sectionis quartæ Caput secundum De methodo acquirendi scientiam mixtionis.

SYNOPSIS.

- N. 1. *Causa infinitarum mixtionum.* N. 2. *Methodus prolixitatem combinationum Physicarum in compendium reducendi.* N. 3. *necessaria requisita pro praxi.* N. 4. *cognitio subjectorum naturalium.* N. 5. *causa cur processus Chymici diversè interdum succedant.* N. 6. *apparatus practicus multum prodest.* N. 7. *de usu hujus apparatus.* N. 8. *in Chymicis non possunt magni sumptus fieri, nisi quis studio pecunias profundere velit.* N. 9. *sumplus, quos author circa hoc studium impendit.* N. 10. *initium pro laboribus faciendum.* N. 11. *cur nullus authorum axiomata practica Chymica circa mixtionis & solutionis doctrinam perscripserit.* N. 12. *vanitas Astrologiæ circa tempus operationis.* N. 13. *Ordo observandus.* N. 14. *omnes circumstantiæ & eventus notandi.* N. 15. *scopus certus præfigendus.* N. 16. *questionum Chymicarum practicarum utilitas.* N. 17. *ruditas scholarum in hoc studio.* N. 18. *Chymicorum perversitas in auro querendo.* N. 19. *authoris resolutio pro conscribendis thesibus Chymicis.* N. 20. *processuum Chymicorum differentia & praxis.* N. 21. *divitiæ studii Chymici.* N. 22. *affinitas theoriæ cum praxi.*

TEX-

TEXTUS.

PRINSQUAM particularia de mixtione aggrediamur, paucis aliqua præmittemus, nempe apparatus ad doctrinam de mixtione, qui in praxi consistit, unde theoria procedit, cum autem mixtio, duorum vel plurium conjunctio, seu corporum & subterraneorum combinatio sit, quorum varia existunt, ex quibus plurimæ combinationes oriuntur, cum octo tantum corpora. 40320. vicibus combinari queant, sequitur innumeras quasi & infinitas mixtiones oriri, quas nemo mortalium vel omnes facere, vel factas videre posset, præsertim si nullus ordo observetur, sed quævis indiscriminatim confundantur, & permisceantur, cujus deinde permixtionis nulla ratio, vel causa, effectus, aut usus assignari potest, & hinc oritur inextricabilis labyrinthus infinitorum processuum, & librorum, qui omnes ad pauca redigi possent, si ordo & ratio cum theoriæ tum praxis haberetur, in qua posteriori ante omnia summa cautela, & filo quasi ariadneo opus est, ut dextrè & cum fructu instituat, discat, ergo, & experiatur Chymicæ & Spagyricæ tyro ante omnia præcipuas & Cardinales combinationes tam naturalium quàm arte factorum, tam simplicium quam decompositorum subterraneorum corporum, partium & principiorum, quod etsi Nestoreos annos, & ingentissimos sumtus requirat tamen in compendium hæc omnia redigi poterunt, si methodum lector sequi velit, quâ ego uttor, & non sine magno commodo experior. Primò comparet sibi necessaria corpora subterranea tam simplicia quàm decomposita, ea; in certas re-

digat classes, atq; singula in capsulas ponat, pondere cujuslibet, unius vel alterius libræ, pretiosiora minori quantitate, servet autem ordinem, ut *primo loco metalla* ponat, aurum, argentum, cuprum, ferrum, stannum, plumbum, pura, & in minerâ, *secundo mineralia*, Antimonium, Bismuth, Zink, Martasith, Kobolt, Zaffran, Braunstein/magnesiâ, arsenicum, realgar, Mercurium, auripigmentum, rursus pura & in minerâ, *Tertio decomposita mineralium* collocet, ut ex *auro*, aurum fulminans, ex *argento* lunam cornuam, calcem, ultramarinum, ex *cupro* viride æris destillatum, æs ustum, ex *ferro*, crocum, ex *Jove* cineres, ex *Sasurno* saccharum, cadmiam, tütiam, plumbaginem, minium, vitrum, lithargyrium, ex *Antimonio*, regulum per se, Martialem, flores, vitrum, cinabrium, crocum, ex *Mercurio*, cinabrium, sublimatum, præcipitatum. *Quarto sistantur salia*, ut sal commune, nitri, vitrioli, cinerum, Tartari, Soda, borrax, chrysocolia, vitriolum, alumen, sulphur, tartarus. *Quinto gummata*, ut cera, pix, camphora, corallum, succinum, saccharum, terebinthum. *Sexto terra*, ut calx viva, terra passaviensis figillata, limus, lutum, bolus armenus, arena, creta. *Septimo lapides*, ut silices, chrysellum, talcum, nobiles & ignobiles lapides. *Octavo spiritus varii & olea*, ut aqua fortis, aqua Regis, spiritus salis, nitri, vitrioli, sulphuris, aluminis, aceti, vini, urinæ, tartari, roris majalis, terebinthini, lixivium commune, oleum tartari foetidum, & per deliquium, oleum vitrioli, salis, vini, Butyrum antimonij, oleum lini, olivarum, amygdalarum dulcium, &c. His octo classibus præcipua subiecta comprehenduntur, quibus præcipuæ combinationes absolvi possunt, habes

habes enim hęc præcipuas naturæ literas , & quasi totum Alphabetum, licet in paucis literis, plurimis tamen indè convenientibus combinationibus, nam infinitæ quasi inde syllabæ produci, & vocabula, id est, mixta & decomposita, oriri possunt. Hoc ergò in Alphabeto diligenter stude, & prorsus eandem methodum serva, quàm Natura in legendo nobis exhibet. Primò ut noscas literas, id est subjecta N. præfata, sive simplicia sive decomposita sint, diligenter intueri, & juxta omnes circumstantias considera, ne fucata vel substituta sint, teq; in combinationibus impingere faciant, quòd sæpè contingit, consultum ergò foret, ut naturalia ex ipsis locis, ubi generantur, ipse eruas, nam sic ocularem minerarum notitiam acquires, decomposita verò, ut sublimata, præparata & spiritus, ipse ex simplicibus præpares, nam sic duplicem utilitatem habebis, primam, quòd tali modo manipulationes discas, & naturam mixti accuratius intelligas, deindè quòd de integritate subjecti ejusdemq; puritate certus sis, quod magnum quiddam est, nam N. sagacissimi viri interdum in suis mixtionibus impingunt, quòd miscibilia peregrina adhibuerint, hinc infinitæ istæ querelæ & casus, quòd hi vel illi processus mox feliciter subindè infelicitè successerint, nam ut Juristæ dicunt, *minimam circumstantiam jus variare*, ita prout postea patebit, minima circumstantia, tempus, ordo, & inadvertentia totam interdum operationem intervertit. Valdè autem dextra & sufficiens comparatio N. subjectorum necessaria est, multumque 6. utilitatis affert, si semper in promptu sit, plurimæ enim combinationes impediuntur, defe-

ctu

- ctu subjectorum, nam antequam pro singulo sub-
 jecto in pharmacopæam curras, ubi vel falsè vel
 planè non habetur, multi processus, & conceptus
 negliguntur, ne in praxin deducantur, deindè et-
 iam licet subjecta habeas, nimisq; parcus aut pro-
 digus sis in applicandis iis, rursus oberit, mediocris
 ergo tutissimus ibis, nam quemadmodum inutiliter &
 sine ratione prædicta subjecta profundere stulti-
 tia esset, ita comparata pro forma, & soli aspe-
 ctui servare inutile foret, stet ergò hoc *Alphabetum*
Naturæ paratum, ut quicquid incidat, statim in pra-
 xin reducere queas, dici non potest, quàm paucis
 sumptibus, quàm levi labore, quàm magnâ jucun-
 ditate & utilitate, plurima, etiam gravissima ex-
 perimenta sumi possint, si omnia ita ad manum
 sint, ego nonnunquam unius diei spatio quinquaginta
 experimenta feci, imò, si interdum inter ip-
 sam scriptionem difficultas hujus vel illius experi-
 menti oriebatur, tum illicò experientiam sumpsi,
 cum Alphabetum Naturæ præfato ordine ad dex-
 tram pulpeti staret, ita ut tam facilis ad experimen-
 tandum quàm ad scribendum essem, non satis ergò
 illos mirari queo, qui tot & tantas pecunias in labo-
 ribus Chymicis infumunt, & nescio quomodo
 procedant, cum volentes debeant pecunias abjice-
 re, sed nebulones & impostores auro & argento
 inhiant, naturam averfantur, pecunias in ganeis de-
 coquunt, aurum furantur, succinctas combinatio-
 nes odio habent, longos prolixos processus amant,
 ut gulam temporis intereà sèginent, taliter credide-
 rim, magnam pecuniam profundi posse, si quis eam
 studio profundere, atq; talibus nebulonibus fidem
 adhibere velit, ego intra biennium ultra 3000.

com-

combinationes feci, & quidem non adeò in parvâ
 quantitate, quâ veritas experimenti non rarò im-
 peditur, nihilominùs quoad materialia, vix ultra
 centum ducatos insumpsi, exceptis tamen carboni-
 bus & vasis, quæ omnino requiruntur, præcipuè
 vitrea & figulina, quorum catalogum in nostro Oe-
 dipo Chymico exposuimus, non quidem melatet
 esse quosdam (ut *D. Osvaldus*) qui gloriantur,
 quòd tot millia insumpserint, quasi gloria sit, *pec-* N.
niam profundere, & nihil scire, his, ergò ordini man- 10.
 datis, jam ad syllabas te accinge, nempè ad expe-
 rientiam principalium combinationum, mixtio-
 num, solutionum, & reactionum, ut corporum na-
 turam, in quantum possibile, exactè cognoscas,
 nam prout sine cognitione syllabarum nunquam
 ad perfectam lectionem pervenitur, ita sine notitia
 sympathiæ & antipathiæ, conjunctionis & dissolu-
 tionis corporum, actionis & reactionis, nunquam
 ad integram compositi Naturam, ejusq; sufficien-
 tē notitiam pervenitur, licet hoc ciniffones nostri
 non attendant, sed auro tantummodo inhiantes,
 difficillimam scripturam legere velint, simplicis li-
 terarum notitiæ ignari, hinc evenit, quòd inter in- N.
 numeros scriptores Chymicos, ne unum invenias, 11.
 qui de his combinationibus, & quasi primis com-
 positorum syllabis vel pagellam scripserit, unde de
 studio Spagyrico nihil nobis præterquam nomen
 notum est, ut autem propius ad rem veniamus, an-
 te omnia quædam circa tales combinationes obser-
 vanda erunt, *Tempus* quidem ego minimè observo,
 cum quicquam in hoc genere experiri volo, nam
 prout omni tempore homines, producta nobilissi-
 ma, generantur, & in Indijs vegetabilia ob perpe- N.
 tuum 12.

tuum calorem, à quocunq; tempore infitionis, in
 vegetatione suâ procedunt, ita omni quoq; tem-
 pore subterranea generari certum est, quare con-
 junctiones & constellationes planetarum ac cœle-
 stium domuum, similesq; nugas, quas Astrologi
 nobis necessarias faciunt, ut & ipsi necessarij vide-
 antur, prorsus non æstimo, neq; unquam earum
 ergo vel contrarium quid accidisse, aut diversum
 effectum prodiisse observavi, quod de vitro & re-
 gulo Antimonij fabulantur, sereniori cœlo pul-
 chrius prodire prorsus falsum est, cum & nubilo ac
 pluvioso tempore felicissimè fecerim, tempus au-
 tem respectu operatoris observare, omnimodè ne-
 cessarium est, ut sit nempè mens sobria, serena,
 composita, sagax, perspicax, attenta ad omnes cas-
 sus, non distracta, sedula, casta, & indefessa, nam
 quod Ovidius de carminibus conscribendis ait,
 quod *secessum scribentis, & otia querant*, id ejusmodi
 combinationibus valdè convenit, ne frustra fiant,
 ne noceant, ut profint, nam ut dixi, minima cir-
 N. cumstantia interdum obest, quare omnia diligenter
 13. observanda, materiæ, vasa, pondera, imprimis *ordo*,
 eadem enim subjecta, in eodem pondere sumpta,
 longè tamen diversum effectum habebunt, si sine
 ordine permisceantur, licet hic nihil difficultatis in-
 esse credatur, exemplum erit sequens mixtum, Re-
 cipe spiritum salis, oleum tartari, & salis armeniaci
 ana, commisce, si secundum ordinem hujus pro-
 cessus procedas, & spiritum salis prius cum oleo
 tartari commisceas, fiet reactio utriusq;, & novum
 mixtum, cui sal armeniacum additur, si totum hoc
 mixtum igne urgeatur, sublimatum accipies, con-
 tra si in ordine erres, & sal armeniacum prius cum
 oleo

oleo tartari misceas, antequam spiritum salis affundas, spiritum urinæ accipies, & mixtum à priori longè diversum, ex quo manifestè liquet, deberi ordinem, & rationem mixtionis observari, sed quod maximum est, *omnia diligenter notanda sunt, quæ eveniunt*, & quæ mixtioni prodesse & obesse possunt, proinde ad fæces, ad ea quæ exhalant, vel destillant, quæ supersunt, ad calorem, ad extenuationem, & ad pondus accuratè attendendum, & singula examinanda, sæpè enim nucleum in fæcibus abjecimus, & putamina in splendore servavimus, naturæ enim author, cùm imperscrutabilis sit, quis dubitet ejusdem filiam Naturam nunquam sufficienter cognosci posse, ultimò, quod quidem debuissim primo loco ponere, præ omnibus *ratio* adhibenda, ut scias, quid desideres experiri, & quid velis, ne hâc destitutus Cynosurâ, in immensum incertitudinum pelagus rapiaris, multi namque sunt, qui totam vitam in experimentis consumserunt, sed quòd ea ad certas rationes & classes non revocârint, nec juxta causas efficientes & effectus considerârint, æque profuit illis, quasi nihil fecissent, cum quælibet res, usu destituta, ad non entia potius quàm entia pertineat, certa ergò axiomata & termini præfigendi, quos sequaris, & cùm finis ac scopus sit, simpliciores rerum subterranearum mixtiones, decompositiones, solutiones, & reactiones percipere, utique ista via sequenda erit, quæ proximè te eò deducat, nempe ut unum cum altero misceas, videasq; num compatibilia aut contraria sint, quæ miscentur, Exempli gratiâ confunde metallum cum metallo, salia cum salibus spiritus cum spiritibus, deindè cùm cujuslibet clas-

sis proprietates sciveris, eas quoq; commisce, tracta metalla cum salibus vel spiritibus, spiritus confunde cum salibus, totumq; tuum studium in quæstionibus persistat, exempli gratiâ, quid faciet aqua fortis cum auro? quid cum argento, quid cum ferro, quid cum stanno, quid cum antimonio, quid si solutioni spiritum aceti, quid si spiritum urinæ, quid si spiritum salis, vitrioli, oleum tartari infundas, fiet? quomodo solvuntur & præcipitantur oleosa, salinosa, urinosa, metallica, terrea, testacea? quare, & quomodo coalescit, ac rursus discer-

- N. pitur compositum salis armeniaci, sublimati, cinabrij? ita plurimas facies quæstiones, quas praxi deindè decides, & à decompositis semper ad simpliciora venias, instituendo anatomiam cujuslibet subiecti, verum autem est, facilius hæc in praxin reduci, quàm viam ad praxin, nempe quæstiones similes, varios conceptus, & inventiones præfigere, & monstrare, quare valdè optandum fuisset, ut aliquis bono publico studens, *synopsin talium quæstionum, & resolutionum, si non omnium, præcipuarum saltem in lucem edidisset*, quantum commodum esset, & quantum laudem is mereretur, nam profectò totum novum campum inveniret benefaciendi, quem ne
- N. unus quidem hætenus conscendit, nam in cõmuni-
17. bus Physicis, ne verbum quidem de hisce invenies, Galenistæ præter lotium nihil sciunt, sed nec & hujus anatomiam & mixtionem cognoscunt, ubi enim eam didicissent, cum nec Aristoteles, nec Galenus unum verbum harum rerum mentionem faciat, in Academiis verò nemo sit, qui hæc doceat, ipsi quoque Pharmacopolæ si id sciant, ab experienciâ sine ratione sciunt, Neodoctorculi autem nostri, in

Academiis , plus mixtioni carnali operam dant ,
quàm huic, fatis edocti , si qualitates occultas ob-
trudant , atq; ægrum methodicè occidant , nihil
minùs quàm ad naturæ abdita cogitantes , cum ta-
men nullum medicamentum sine hâc scientiâ dex-
trè præparari , nullius subjecti virtutes evidenter
sciri , nullus morbus funditùs dignosci , aut curari
queat, nam sicut Physica spagyrica omnium longè
præstantissima est , ità præ medicinâ spagyricâ , id
est , methodo cognoscendi , & curandi morbos ,
ex fundamentis spagyricis , ipse Galenus cum o-
mnibus suis affeclis sordent, quòd spagyrici & evi-
dentes rationes & solidas curas præstent, Galenici
vero solis terminis vocabulorum obstricti, phan-
tasticis & purè imaginariis facultatibus , & quali-
tatibus ægros restituere conentur , mire interim
sibi blandientes , & præ fastu quoslibet alios con-
temnentes , Misera noctuæ ! licet vobis privile-
gium detur , quo liceat magnatum domos invola-
re, & ibi nidificare , tamen profectò nihil felicitatis
habetis , quàm quòd nesciatis , quantum nescitis ,
hoc unico beati , præsertim si & alii , quantum vos
nescitis , nesciant, credite autem, vos aliquando ex-
actam coram Deo superbiæ , ignorantia , & in-
vidia , imò maledicentiæ vestræ rationem redditu-
ros, vobis enim incumberet, qui à Principibus an-
nuatim multa millia accipitis, ut restituendæ medi-
cinæ operam daretis, sic vos pecuniam sumitis, &
curam Pharmacopolis relinquitis, solo lotio con-
tenti, ne videamini nihil agere, imò insuperabili ve-
strâ avaritiâ omnes alios arcetis, dolis & mendaciis,
ne, quòd vos agere deberetis, alii agant , ità mi-
seri ægri ob vestras tricas, omni & vestrà (quæ nul-

la tamen est, aut exigua) & peregrinâ ope destituntur, nec sufficit vobis ægros occidere , nisi & prius eos superfluis & stultissimis vestris mixtis Galenicis , prorsus incongruis & prolixis, depauperetis, quasi non juvet occidere, nisi & ægros simul ad extremos sumptus redigatis, cùm interim æger paucissimo interdum sumptu & tempore restitui ope spagyricâ posset, tùm vos mendaces Harpyiæ nil nisi venena ex sordido vestro ore crepatis, ut ægrum ab oblata ope deterreatis, O conscientiosos Medicos, quibus levidense munusculum magis cordi quàm veritas, proximi honor & vita est, mallem potius sues in hara grunnientes audire , quàm vestris consiliis, nequitiiis , & stultitiis interesse, quid à vobis expectandum erit bonæ frugis? in studiis & scientiis perpolandis, qui ità sordidi & ignorant in praxi estis , ut peritissimus vestrûm , nisi Chymica ope id faciat, ne salem quidem Tartari à Cremore Tartari discernere queat, O expertos protomedicos, digni qui brevi maclandis suis salem tartari propinetis, ne cultro indigeant , & digni, ut ob id ad Nobilitatum & Baronatum gradus evehamini, licet inconsiderantes illos Nobilitatores eâdem dignâ monetâ & tyrannide remuneretis, quod

N. unicum in vobis laudabile est. Ad Chymicos er-

18. gò redeo, quorum munus fuisset, ut omïssis fabulosis scriptis, tales practicas desideratas combinationes in lucem edidissent , sed auro quoq; illi inhiant, & aurum diu noctuq; quærunt, imò quod stultius libros quærunt, qui id facere doceant, in illis student, hos perlegunt, in his experimentantes nulli sumptui & tempori parcunt, hoc unico prioribus Galenistis magis honestiores, quòd sibi non
proxi-

proximo , marfupio non vitæ noceant , longè ergo & heic loci nobiliffimæ iſtæ ſpagyricæ combinationes exulant , & ubi quæſo inveniuntur ? quando ibi non inveniuntur, ubi proprio loco inveniuntur , ubi proprio loco inveniri deberent ? ſcio, curioſe lector, quid dicturus ſis, facile eſſe imperare, durum exequi, ac ſcias & imperare & exequi utrumq; mihi perfacile eſſe , eâdem enim operâ , quâ ſcripti hujus telam texui, atq; experimenta feci , eâdem inquam tales combinationes conſcripſi , & in certas claſſes redegi , quæ jam typis committere in animo erat , ſub titulo *Mille Hypotheſes Chymicæ de ſubterraneis* , ſed aliis N. impeditus negotiis, jam ab amanuenſi deſcriptas, 19. perlegere non potui , intereà temporis , nundinæ præterierunt , futuris tamen , ſi Deo libuerit, fortè loco indicis huic ſcripto annectentur , vel ſi viſum fuerit , ſeparatim imprimantur , complectuntur autem illis principaliores combinationes , propoſitiones , & practicæ reſolutiones , cum annexis cauſis & rationibus , quod ſcriptum quaſi manuſcriptio ad reliquas erit, quæ infinitæ ſunt , & quas aliis committo , nam nulla ætas omnibus combinationibus experimentandis ſufficiet , quin ſemper aliquid ſuperſit, ſi jam hoc modo & ab iſto tempore , quo peſſima illa ſcribendi cacoëthes , in Chymicos irrupit, loco fabularum & falſorum proceſſuum præfatis combinationibus operâ datâ & candidè luci expoſita fuiſſet , quantum theſaurum experimentorum & combinationum jam poſſideremus , & quàm profundè ad Naturæ abdita penetraſſemus ? econtrà quantus pudor, quantum argumentum noſtræ

ignorantiæ & negligentiae, quod inter tot Scriptores Chymicos, in tantâ librorum copiâ, à tanto tempore, ne unus quidem reperiatur, qui vel paginam de eâ re scripserit, in quâ tamen omnis cardo studij spagyrici consistit, simus ergo nos primi, qui glaciem frangimus, campum vobis aperiemus, sed non implebimus, viam monstrabimus, sed ita ut sequamini, non theoricè modo sed practicè, neque enim sufficit, ut præfatas *nulle Hypotheses* legatis, sed requiritur, ut manum adhibeatis, & experimentiam capiat, hoc innixi filo ariadneo tanquam ductore, & quod sciatis, quas initio combinationes, & quomodo operari debeatis, ut tandem assuescatis & ipsi, ex proprio cerebro novas facere, imò dum has meas præscriptas in praxin reducatis, novæ occurrent observationes, quas ad meas tanquam in locos communes referre poteritis, his ergo præmissis syllabarum conjunctionibus, tertium restat, ut nempe legere, atque integra verba combinare discatis, id est, ut iam totos processus elaboretis, non quidem stultos, & falsos istos, quorum inanitatem, cum eos legitis, vel primo intuitu facilè dignoscetis, sulti præcedentibus experimentis, undè facile colligere poteritis, utrum hæc vel illa combinatio conveniens, & congrua, seu quid inde eventurum sit, nam sicut verba ex syllabis, ita processus ex variis combinationibus constant, istos ergo velim processus elabores, quos ipse tibi feceris, qui te ad naturæ ulteriorem cognitionem perducent, ante omnia autem anatomiam subjectorum subterraneorum institue, quâ cognitâ, impura purifica, volatilia fige, abundantiam deme, defectum adde, nova mixta confice,

ce, & uno verbo, in hoc intende, ut morbis & œconomix medicinam facias, quod quidem facilè erit, cum Natura ditissima sit, & in Chymicis nullum medium habeat, vel enim nihil vel omne dat, minima enim medicina, quæ certò morbum aliquem N. curat, pretiosior est omni auro & gemmis, deindè 21. minima melioratio metallorum, etsi unâ vice, non plus nisi ducatum det, potentior est, ipsius etiam Cæsaris Gazophylazio, quis enim Regum vel Principum est, qui possit asserere, se vel unum ducatum possidere, quem quotiescunq; velit, multiplicare possit, omni in loco, statu, & conditione, sine externâ ope, aut subditorum gravamine, aut aliarum incertarum rerum concursu? si enim una operatio, unâ die vel horâ, unum ducatum det, dabunt centum operationes centum, & sic in infinitum, prædives ergo est mater Natura, ab illâ petendæ sunt divitiæ, hæc genuina via, non armis, fucis, & dolis, non miraculis indiget, ut te divitem imò omnibus Regibus potentiozem faciat, levi utitur viâ, imò in momento interdum, cataractæ obscuræ mentis resolvuntur, ut videre queat, quàm mirabilis, dives, & potens natura sit, huc ergò collimato, ut sicut Majoricanus noster Philosophus ait, *ad tale temperamentum devenias, quod dignus sis ad mensam duodecim parium collocari*, quod facilè contingere posset, si vel unam convenientem syllabam conjungas. Et sic paucula quædam præmisimus de methodo instituendâ, quâ ad solidam naturæ cognitionem, & rerum mixtionem pervenitur, lectori spero, non ingrata futura, jam pro instituti nostri ratione, & hujus Sectionis titulo, nonnulla de ipsâ mixtione, licet theoricè

N. 22. acturi erimus, ut ea faciliùs lector assequatur, quæ libro secundo practicè demonstraturi sumus, omnis enim praxis sine theoriâ, incerta est, & theoria sine praxi eundem morbum patitur, theoria tamen praxin præcedere debet, nam antequam quid facias, necessum est, ut scias, quid facias, voluntas enim præcedit actum, ratio voluntatem, cum ergò libro secundo anatomiam subjectorum subterraneorum instituamus, in quâ sæpè ad theoriam provocabimus, necessum esse duximus, theoriam, in quantum necesse, hoc loco præmittere, præsertim cum sectione sexta hujus libri, de mixtorum differentia practicâ acturi sumus, ante omnia requirebatur, ut eam ex intrinseca mixtione erueremus, mixtionem verò hanc, non aliunde nisi ex ipsis mixtionis principiis petere debemus, quare hoc loco de iis jam initium faciemus.

Sectionis quartæ Caput tertium Generalia quædam axiomata de mixtione continet.

SYNOPSIS.

N. 1. *Inanitas terminorum Aristotelicorum.* N. 2. *veritas rerum Physicarum ex praxi sumenda.* N. 3. *de mixtione quantitatis & qualitatis, nec non de mixtione Physica, ejusq; differentiâ.* N. 4. *superficialis mixtio.* N. 5. *centralis mixtio, composita, & decomposita.* N. 6. *raritas & densitas superficialis mixtionis causæ.* N. 7. *appetentia sicci & humidi centralis mixtionis causa.* N. 8. *caloris*

loris usus in mixtione, instrumentalis est. N. 9. proportio in mixtione ex naturâ miscibilium venit. N. 10. raritatis & densitatis gradus varias affectiones Physicas, sed superficiales tantum causant. N. 11. affectiones Physicae, quæ ex mixtione centrali veniunt, fortiores sunt superficialibus. N. 12. de mixto lapidæ Philosophorum omnium mixtorum perfectissimo.

TEXTUS.

SI Peripateticos de mixtione legas, multos qui- N.
dem invenies terminos, sed omnes ita consti- 1.
tutos, ut in praxi prorsus inanes sint, nam tota illa
Philosophia eo collinat, ut rebus tantum nomina
imponat, & deinde circa ea rixetur & altercetur,
hinc evenit, quod ex ejusmodi studio nulla praxis
elici queat, cum verò res inventæ, & in praxin re-
ductæ sunt, statim innumerum terminorum cumu-
lum addunt, ita multos de mixtione terminos ha-
bent, quos pueris obtrudunt, qui talia discentes no-
mina, quid significant, nesciunt, sic sub speciosis
titulis de actione, passione, & mixtione Elemen-
torum, de generatione, & interitu corporum na-
turalium, de temperamento & coctione, aliisq;
multa inania tractant, & varios terminos, ut con-
tactum virtualem magnitudinum, Physicum, actio-
nem primam, secundam, qualitates primas, secun-
das, activitatem, similia, dissimilia, actionem in-
choatam, imperfectam, perfectam, elementorum
mansionem in misto, formas refractas elemento-
rum, intensionem, remissionem, & deniq; infinita
alia, ex quibus omnibus ne rationem quidem as-
ferre possent, cur unicum sal tartari in aëre &

igne leviter fluat, & cum spiritu salis præcipitur, nec in aëre nec in igne amplius id faciat, dicent quidem, qualitates esse mutatas, quod quilibet scit, sed cur mutantur, & quomodo, hic altum silentium, neq; evidentes rationes assignare possent, si cum suo Aristotele in æternum sudarent, propius ergo & evidentiùs mixtionis doctrina investiganda, si ad praxin inservire debeat, nam natura in praxi regimen gerit, quodq; subtilissimum ingenium, toto anno specularetur, & subtilissimis terminis exponeret, si naturæ contrarietur, cum ad praxin venit, nihil est, & nugæ apparent, & tota speculatio in momento cadit, illi ergo termini veri, illa speculatio bona, cui praxis & natura consentiunt, ex hoc ergo fundamento quædam eruemus, quæ ad nostrum propositum facient, nam totam doctrinam de mixtione exponere non est instituti nostri, cum tantummodò de subterraneorum mixtione differere instituërimus, abstrahimus ergo *primò* à mixtione quantitatis, cum tres vel quatuor libræ commiscentur, quàm mixtionem, quidam mixtionem continui vocant, cum ea mixtio, de qua nos hic loci acturi sumus, Physica mixtio sit, quæ duplex est, superficialis nempè & centralis, superficialem voco, cum res miscentur, sed ita, ut rursus separari queant, id est, cum spiritus vini absynthio perfusus, cum ejusdem partibus miscetur, nam cum abstrahitur, extractum absynthij in sua crasi manet, & spiritus vini in sua, centalem verò voco, cum res miscentur, ut cohæreant, & integra corpora constituent, ut cum aqua pluvialis cum semine lilij miscetur, & in mixtum lilij alteratur, superficialis mixtionis basis est,

N.

2.

N.

3.

est, rarefactio, nam raris & subtilibus, densa & grossa penetrantur, resolvuntur, ac miscentur, ita ut in N. minimas particulas dissipentur, quæ raro inhaerent, 4. unde variæ solutiones & præcipitationes pro solventis & soluti tenuitate & densitate, sic argentum in aqua forti solvitur, cupro præcipitatur & cuprum ferro, eò quod unum altero subtilius sit, & penetrabilius, & hoc modo multæ solutiones & mixtiones fiunt, quæ centrales apparent, sed revera superficiales sunt, centralis verò mixtionis basis est appetentia sicci & humidii, nam quæ ex hoc fundamento miscentur, fortiter mixta, & N. nova decomposita sunt, omnia enim corpora ex 5. principiis composita sunt, sed & ipsa composita, cum inter se miscentur, nova mixta faciunt, quæ decomposita vocantur, ut cum sulphur vivum & argentum vivum miscetur & sublimatur, cinabrium prodit, quod decompositum est ex duobus compositis, nempe sulphuris & argenti vivi, nam & sulphur & argentum vivum composita sunt, & ex partibus constant, ut postea probabimus, ut autem quæ hactenus diximus, exemplo explicemus, fundatur oleum vitrioli supra limaturam vel cupri vel ferri, & non solvet, quod densum nimis sit, econtra cum aquæ portione perfunditur, & attenuatur, illico solvit, unde N. manifestè videmus, raritatem & densitatem superficialis solutionis axioma esse, ex hac ergò solutione (si à facibus liberetur, per filtrationem, quæ filtratio ad mixtionem quantitatis spectat, nam separat quantitatis partem, cum fæces seu id, quod non est solutum, ejusdem naturæ sit cum eo, quod est solutum, hoc unico differens, quòd

- quod à solvente, quantitatis defectu, non omne solvi potuerit) per abstractionem aquæ, novum mixtum prodit, nempe vitriolum, quod ex oleo vitrioli & metallo decompositum quoddam est, sed
- N. 7. superficiale, nam igne tractatum, partes subtiliores rursus resolvuntur, fixæ manent, econtra præcipitetur oleum tartari per deliquium, cum spiritu salis, & siccâ terrâ, quæ sali tartari inest, quæ magno igne summè calida & caustica est, humiditatem ex spiritu salis arripit, facietq; si inspissetur, novum mixtum, nulla arte amplius dissipabile, nam ex appetentiâ humidi & ficci ortum est, duos ergò, Magnetismus Naturæ, Polos habet, rara appetunt densa, sicca desiderant humida, & ex his duobus fundamentis, quicquid in rerum naturâ coit, miscetur, licet calor tanquam instrumentum interveniat, nam cum rarefaciat partes, vias aperit tam superficiali quàm centrali mixtioni, ex propositis ergò fundamentis varii effectus oriuntur, nam rara appetunt densa pro proportionem suæ raritatis, hinc spiritus vini rectificatissimus plus solvit ac extrahit quàm minùs rectificatus, sed cum ad gradum
- N. 9. temperamenti ventum est, subsistit, nam aqua tantum solvit salis, quantum ejusdem raritatis gradus permittit, reliquum subsidit, & vinum ex eodem fundamento non plus solvit de vitro antimonij, quàm detinere potest, nam extremè rara & densa non conveniunt, hinc spiritus vini rectificatissimus cum alcali summè fixo non unitur, nisi aqua intercedat, addendum, quod ex superficiali mix-
- N. 10. tione varii colores, odores, & sapes oriantur, ut si solvas cuprum in aquâ forti, addasq; solutioni spiritum salis, virescet, si spiritum urinæ, violascet,

lascet, in aquâ forti verò cæruleum erit, qui colores non ex solvente, nec ex soluto proveniunt, sed pro diversitate raritatum solventium exsurgunt, si argentum in aqua forti solvas, & urinæ spiritum addas, variabitur odor pro digestionem, mox perficorum, aurantium, aliorumq; fructuum fictos odores spirans, acetum supra plumbum dulcescit, supra testacea & corallia amarescit, quæ omnes operationes tantum proveniunt ex solvendi, vel solventis raritatis gradibus, nam non sunt essentielles, sed variant, saccharum enim Saturni destillatum in corrosivum oleum resolvitur, variæ quoq; vicissitudines aliæ ex raritatis & densitatis gradibus oriuntur, de quibus partim in metallurgiæ nostræ tertia parte egimus, partim verò inferius agemus, hoc verò loco unicum tantum axioma apponemus, nempe *quicquid in igne seu calore densatur, in aquâ liquefit, & quicquid in aqua coagulatur, in igne liquefit.* Non minores, sed fortiores alterationes ex N. mixtione centrali proveniunt, hinc enim quædam II. subiecta ad aërem fluunt, ut sal tartari, quædam nō, ut sal commune, vel nitrum, pro natura enim mixti, vel terram vel aquam appetunt, vel in mixtione subsistunt, vel progrediuntur, hinc corruptioni, resolutioni, putredini, fermentationi, aliisq; obnoxia, quæ omnia ex sicci & humidi appetentiâ proveniunt, sal commune calci vivæ commistum validissimo igne ab eo non dissolvi potest, quod ficcitas calcis vivæ humiditatem salis appetat, ac detineat, econtrà aquâ communi facilè à calce separatur, nam *extremè humida & sicca sibi contraria sunt, ut nimium rara & densa*, hinc calx viva in aqua non solvitur, econtrà in aqua forti vel spiritu

spiritu salis, ubi nova mixta constituit, prorsus differentis naturæ cum calce & sale, licet ex his facta sint, ex hoc ergo fundamento fixitates & volatilitates in igne, fluiditates & consistentiæ in aqua, corruptiones & soliditates in terra, levitates & gravitates corporum in aëre oriuntur, prout id sufficienter in præcitata nostra metallurgia demonstravimus, & sub finem hujus libri sectione septimâ luculentius exponemus, hoc loco tantum duo prima generalia axiomata generaliter exponere libuit, specialia sequentur in sequentibus, pro conclusione autem hujus capituli, omnia quæ hætenus de mixtione diximus, in uno exemplo repetemus, nempe in perfectissimo mixto, quod est in rerum natura, lapide inquam Philosophorum, is enim

N. fixissimus est, quod optimæ terræ & aquæ temperatam mixtionem habeat, nec abeunt partes subtiliores in fumum, quod fixis sint permixtæ, nec terreæ in scorias rediguntur aut pulverem, quod humidis adhæreant, non fluit in aëre, quod ob æquale mixtum nullam humiditatem appetat, nullius est saporis, quod corpus sit summè densum, hinc & grave, in igne fluit, & æquali fluxu non alteratur, quod nihil à misto evaporet, valde ficius vel humidius, fluidius aut solidius reddatur penetrantiæ & ingressus in metalla, ut oleum, quod substantiæ ejusdem homogeneæ, cum mineralium natura existant, tingentis qualitatis, quod superabundantes & coctas particulas aliis communicare queat, coloris rubri & opaci, ob terræ igneæ temperamentum, fluidus ut cera, ob frequentem imbibitionem & attenuationem partium terrarum cum humidis, deniq; fortissimum mixtum, quod

quod sub sole est, factum ex terra, & aqua sui generis, nam licet omnes centrales, & perfectæ mixtiones ex præcitato axioma appetentiæ humidi & sicci procedant, mediante raritate & densitate, siccum verò & humidum in terrâ & aquâ consistat, tamen prout diversa corpora sunt, ita etiam diversæ mixtiones existunt, quæ non modò juxta præcedentium axiomatum gradus sed & præcipuè in terræ & aquæ, tanquam sicci & humidi differentiâ primordiali differunt, juxta quam etiam diversæ mixtiones, & mixta oriuntur, de quorum relatione & naturâ jam acturi sumus.

Sectionis quartæ Caput quartum De mixtione animali.

SYNOPSIS.

- N. 1. De mixtione terre & aquæ. N. 2. triplices mixtiones. N. 3. communia mixtionibus. N. 4. differentia in mixtionibus. N. 5. animalia mixta omnium subtilissima sunt. N. 6. propria facultas animæ in motione consistit. N. 7. anima circa formationem fœtus concurrit. N. 8. quomodo forma spermatis insit. N. 9. forma spermatis non imaginaria sed corporea est. N. 10. requisita ad formationem animale. N. 11. gravitas est causa formæ. N. 12. harmonia Macro- & Microcosmi. N. 13. anima loco Angelis est. N. 14. causa navorum in Embryone. N. 15. quando contingant navi. N. 16. potentia phantasia maternæ. N. 17. Exemplum in equa. N. 18. in columbis. N. 19. in arboribus. N. 20. in hominibus. N. 21. causa & differentia monstrorum.

rum. N. 22. historia formatifetus. N. 23. Exclufio pulli. N. 24. animalis mixtio accretio est. N. 25. corporis animalis corruptibilitas. N. 26. diftinctio mixtionum. N. 27. mixtum animale omnium nobiliffimum, & Creatoris omnipotentiam oftendit.

TEXTUS.

- C**apite præcedenti, diximus appetentiam humidæ & ficci feu terræ & aquæ Magnetismum, mediante rarefactione, & condensatione primam causam mixtionis exiftere, quod ita fe habere omnimodè certum eft, concordatq; cum noftrâ pri-
- N.** ori theoriâ de creatione cœli & terræ, ubi primam
- I.** mixtionem cum terrâ & aquâ, mediante raritate cœli contigiffe probavimus, terra ergo fe in mixtione habet ut mafculus, aqua ut fœmina, hinc Adam ex terrâ creatus, Eva ex Adamo, unde mafculi ficcioris naturæ quàm fœminæ funt, terram ergo merito Trismegiftus *matrem omnis perfectionis* vocat, tanquam fundamentum omnis mixtionis, & quoniam hoc loco animus eft diverfitatem mixtorum, & mixtionum in relatione, quàm invicem habent, confiderare, ut mixtionis natura & mixtorum differentia specifica eò clariùs innotefcat, ante omnia ad diftinctiones quasdam recurrendum eft, juxta illud, qui benè diftinguit, benè docet, diximus autem hujus libri fectione tertiâ, capite primo, omnia mixta ad tres claffes redigi, vel enim ex aquâ cum aquâ, vel ex terrâ cum terrâ, vel aqua cum terra mixta funt, hoc loco verò fpecialiorem duarum pofteriorum mixtionum divifionem faciemus, ftatuemusq; triplicem effe, animale
- N.** lem

lem nempe, vegetabilem, & mineralem, in quibus
tribus regnis non modò diversa mixta sed & mix-
tionis diversæ rationes, causæ, & modi sunt, quas,
quantum instituti nostri ratio patitur, brevibus ex-
ponemus, ut mineralium mixtio, cui unicè hoc lo-
co studemus, eo luculentiùs ob oculos veniat, tres
autem diversæ mixtiones requiruntur, ob triplicem
diversitatem mixtorum, licet quædam communia
habeant, nam in omni mixtione requiritur conjun- N.
ctio, post conjunctionem accretio, post accretio- 3.
nem coagulatio, & ex his formatio, multa tamen
variant, circa modum, subjectum & tempus, mine- N.
ralia enim cùm formam prorsus homogeneam sim- 4.
plicem, & in minimis particulis similem, & abso-
lutam habeant, citius miscentur, mixtionem suam
solâ accretione absolvunt, unde contingit, ut post-
eà probabimus, quòd in instanti perficiantur, si re-
quisita omnia præstò sint, vegetabilia econtrâ par-
tes longè dissimilares habent, ad quarum perfe-
ctionem non sola accretio sufficit, sed & alteratio
ac digestio nempe partium præparatio, quæ vege-
tatio vocatur. Animalia mixta longè artificiosiora, N.
nam ob motûs facultatem multa vasa, ductus, 5.
& organa requirunt, hinc nec solâ accretione, nec
vegetatione, id est, partium digestionem, & præ-
parationem, sed animalis spiritûs insitione absolvun-
tur, nam cùm basis animalis corporis ex ossibus
consistat, ea autem vestiri & moveri debuerint, ne-
cesse erat, ut ligamenti cōnirentur, nervis mo-
verentur, nervi musculis suffulcirentur, sanguine
nutrarentur, is venis includeretur, corde & hepate
præparetur, ventriculo & intestinis originem
traheret, qui ex cibo & potu provenit, totum cute
tege-

tegeretur, motus verò nervorum ex raritate & densitate insiti spiritûs procederet, unde rursus necessum erat, quiddam in animalibus ponere, quod pro lubitu, ubicunq; corporis parte placeret, præfatum spiritum sive aërem nervosum, rarefaceret, vel adstringeret, quod utiq; talis naturæ esse debebat, ut totum in toto, id est, simplicissimum esset, quod aliqui *quintam essentiam stellaris essentia*, alii *numerus se ipsum moventem*, alii *spiritum animali corpori concretum*, alii *quintum Elementum*, enrelecheiam alii, nos

- N. *animam* vocamus, quæ sive rationalis sive irrationalis sit, certo hoc, quasi proprio indicio, discernitur & cognoscitur, quòd moveat, non modo corpus absolutum, sed & quòd in generatione ipsum corpus perficiat, nam hæc perfectio & præparatio, quæ ab animâ procedit, generatio vocanda est, quæ suam speciem efformat juxta qualitates subjecti feminis, non definiam hoc loco, utrum per cerebrum, seu in quâlibet corporis parte anima moveat, deindè num anima vulpis ab anima lupi sit diversa, sed hoc unicum inferre volo, animam circa formationem fœtûs concurrere, & causam moventem formationis existere, quare animalia singulari officinâ, nempè materno utero & lento calore indigent, tanquam rarefactioni congruo, animæq; operationem facilitante, nam licet in semine seu spermate masculino, ut non dubitatur, forma producendi corporis lateat, tamen sine animæ ope non de potentiâ in actum deduci posset, sicut nec & nervi se ipsos movere possent, qualiter autem forma spermati inesse dicatur, vix claret, si verbis tantummodò inhæreamus, inesse videmus manifestè, quod filii, patris interdum quàm simillimi sint,

sint, non modò corpore, sed & corporis vitiis & morbis, quo verò modo insit, hîc opus hîc labor, dixi antehac formam spermatis potentialiter inesse, sed ope animæ in actum produci, animam autem per modum rarefactionis operari, qui motus ei etiam circa nervorum motum competit, neq; hoc adeò in Metaphysicis controversum est, cùm Angelos & animas mediante rarefactione agere, constet, & ab antiquissimis Philosophis ita creditum fuerit materialis ergò forma in semine consistit, materialem voco non imaginariam aut verbalem, sed realem & reverà corpoream, quæ per accretio- N. nem seminis fœminei in primam dispositionem 9. actualis formati corporis venit, quòd deindè sanguine uterino nutritur, & ex statu accretionis in vegetationis gradum, ex eo verò in animalitatis genus devenit, ad quæ omnia non modo longum tempus, sed & quietus & calidus locus requiritur, ab externis mixtionibus prorsus securus, tutus, & im- N. munis, totum enim semen est ipsa & pura forma, 10. quæ ex diversis totius animalis corporis particulis consistit, diversâ gravitate variantibus, in quâ gravitate tota formatio consistit, quæ locatio est, seu N. relatio loci ad locum diverso situ, omnis enim effi- II. gies & forma in eo consistit, quòd diversæ particulæ, in hac figurâ aliæ, in alia rursus aliæ, linea, puncto & loco variantes, & hæc omnia gravitate differant, unde quantitas pro corporis primâ, & naturalissimâ affectione semper est habita, & licet pulmonum, hepatis & cordis particulæ alterius substantiæ esse credantur, quàm ossium, tamen ideò sunt alterius substantiæ, quia alterius sunt gravitatis, nam eo ipso si in gravitate alterarentur, neces-

fario etiam in substantiâ mutarentur, nam multis aliis experimentis manifestum est, qualitatem ex quantitate provenire, sed faciamus hæc missa, & redeamus ad semen, id quo nobis sufficiat, latitare ex universâ formâ animali, sui generis particulâ (tanquam in hominis *extracto* aut *essentiâ*) quæ licet confusæ sint, propensionem tamen habent juxta gravitatem membrorum, unde processerunt, rarefiant, ad diversum situm & locum se collocandi, quo nempe naturali gravitate feruntur, non secus ac si plumbea, lignea, & plumbea corpusculi commisceas, atq; addito limo in pastam redigas, quamprimùm enim ea resolvetur, sive in aëre sive in aquâ, quodlibet horum corpusculorum istum locum petet, quo naturali ejus gravitate feretur, imaginabimur ergò semen humanum constare ex corpusculis ossibus, carneis, membranaceis, aliisque quæ omnia diversæ gravitatis sunt, licet confusa commixta, hoc inquam semen, quod verum *essentia seu caracter totius corporis, unde provenit, seu Character humanum* dici posset, si in uterum maternum veniat, leviq; calore rarefiat, quid mirum, si in diversam situationem & locationem pro cuiusvis particulæ gravitate feratur, atq; primam ita & rursus eandem ideam faciat, cui affluens sanguis pro eâdem gravitatis diversitate adhæreat, agglutinetur, tandem in majorem molem excrescat, minor ideam servantem, quid mirum inquam Microcosmum ita produci, cum eodem modo Macrocosmus productus sit, disponentibus Angelis per rarefactionem eas particulas, in diversarum specierum, & corporum ideas, quibus reliquæ deinceps affluentes particulæ adhærerent, & diversa corpora pro-

ra producerentur , Angeli ergò motoris locum & N.
 officium in animalibus anima sustinet , quæ semen 13.
 jam diversarum particularum propensione dispo-
 situm , rarefactione promovet , partesq; in motu
 juvat , & quamlibet ad locum suum naturalem de-
 ducit ; nam ut quid ad locum quendam feratur ,
 duo requiruntur , primò ut illuc ducatur , deindè
 ut sequatur , quod utrumq; in semine inveniemus ,
 nam & ejus particulæ ita dispositæ sunt , ut pro-
 pensione naturali facilè sequantur , & animæ offi-
 cium est sequi volentes eò perducere , quò natura
 terminum posuit , nempè ad animale simulachrum ,
 effigiem , & consistentiam , quemadmodum autem
 semen , ut plurimum vitia corporis servat , unde
 provenit , unde proverbium *bardus bardum generat* ,
 ita anima quoq; , cùm in motu suo , quo partes lo- N.
 cat & disponit , mediante phantasiâ vel minimum 14.
 alteratur , illicò errat , embryoniq; nævum imprimi-
 mit , id nempè partui imprimens , quod ipsi per er-
 rorem contingerat , nam licet anima per se nullâ re
 lædi queat , tamen animalis spiritus , quo in rarefa-
 ctione anima utitur , cùm is læditur , necessariò ani-
 mæ obedire nequit , sed eidem resistit , peccans in
 eâ parte , quâ contra ipsum error commissus est ,
 animæq; motum fortius recipiens isto particula-
 rum loco , qui cum matris loco affecto , ejusdem N.
 gravitatis nempè similitudinis causâ convenit , ut 15.
 cùm matri quid in genu accidit , & partui in genu
 nævus procreabitur , non semper tamen id contin-
 git , tùm nempè cùm mater nullam reflexionem aut
 apprehensionem ad fœtum facit , sic enim animæ
 motus ad fœtum non dirigitur , cujus defectu , so-
 lus animalis spiritus per se operari aut absonam

formam partui imprimere nequit, nisi simul vitium accedat in ipsis partibus, quibus spiritus animales insunt, ut in convulsionibus videmus, ubi præter voluntatem animæ, nervi per spiritum animale præter modum, id est, præternaturaliter moventur, materiâ acri & vaporosâ partes vellicante, & spiritus animales ad errorem cogentes, similis error quoq; in foetu accidere potest, ubi fortè vitium in semine fit, aut error in eo committatur, tùm enim monstra efformantur aut membris superfluis aut mutilatis, licet nulla accedat imaginatio aut motus præternaturalis animæ, animales spiritus in contra-

N. rium agens. Ex his ergò prædictis hoc concludo,

16. quòd semen ab animâ formetur, si in contrarium agatur, varios nævos imprimat, quodq; ad eos phantasia fœminea multùm faciat, utpote tam potens, quòd sine ullo semine fœmineo, in utero non nihil efformet, ut in mulâ videmus, & plurima sanè exempla in fœminis sint, quæ si maritos prioris matrimonij debite amârint, eorumq; ideâ potius quàm semine imprægnatæ sint, cùm ad secundas nuptias accedunt, liberos progenerent prioribus

N. maritis quàm simillimos, atq; talis idea non statim

17. finita plurimâ operatione emoritur, equa enim ex primo conceptu per asinum factò, mulum quidem parit, conceptu etiam & quidem adhibito equo iterato, equus nascitur, & talis, in quo manifestè insignes reperiuntur de priori ideâ asininâ reliquiæ, unde tales equi à tolerantia aliisq; similibus qualitatibus laudari solent, quod & in aliorum animalium præsertim columbarum specie fieri videmus, ex

N. nigro enim columbo & albâ columbâ plerumq;

18. primò pulli excluduntur, quorum alii planè nigri, alii

alii planè albi sint, postmodum verò, si nigri isti cum nigris, & albi cum albis copulantur, tum demum pullos maculatos nasci apparet, id quod etiam in arborum infitione natura quadentenus imitatur, quando ex combinatis rubris atq; albicantibus fructibus secunda demum infitione mixtura colorum provenit. In hominibus autem talia quoq; non desunt exempla, si enim Hispanus quidam Lusitanusve senior paululum, & nigricante facie uxorem ducat colore albicanti, primò quidem si vis fœminea prædominatur, etiam liberi albicant, matricq; & naturâ & facie similes, qui postmodum tamen, quando cum albicantibus iterum copulantur, subnigros iterum patri suo progenerant nepotes, similes nempe ei non facie tantum sed & ingenio, id quod aliquando in tertia demum generatione factum esse deprehensum est, teste Helmontio in alphabeto naturæ, qui hæc recenset. Variæ quoq; sunt historiae, quòd ursi & Simiæ cum fœminis coiverint, phantasiâ fœminina nihilominus seminis hujus bestialis particulas, licet ad formam ferarum destinatas, in contrariam humanam situationem disponente, ac verum hominem generante, licet pilosum, & valdè robustum, ob particularum seminis fortitudinem, econtrà exempla sunt, viros (si homines vocandi sint) cum brutis fœmellis, & inter reliquas cum vacca coisse, quæ non hominem sed turpe monstrum in lucem edidit, quòd phantasia humana defuerit, econtrà vaccina concurrerit pugnans cum seminis proprietate, & naturali propensione in formam humanam, unde productum ex parte hominis, ex parte vaccæ simulachrum repræsentabat, quæ omnia animæ necessitatem & potentiam in

formando fœtu probant, Etsi verò propositum nostrum non sit, singula particularia de animalium generatione pertractare, cùm quæ hætenus diximus, eo tantum fine dicta sint, ut comparatio inter mixtionem animalem & mineralem institui queat, nihilominus paucissimis tantùm lineis ex Senerto speciales circumstantias formati fætûs præsertim hominis, postmodum exclusionem pulli adumbrabimus: tribus, ait *Senertus in naturali scientiâ libro octavo capite decimo*, animalia producuntur modis. Nonnulla ex mutuo congressu maris & fœminæ: nonnulla ex putrefactâ corporis corrupti materiâ, quæ tamen semper semen propagandæ bestiolæ saltem analogum continet: nonnulla verò ex utroq; modo, tam coïtu quàm ex putredine oriuntur, ut mures, locustæ, scarabæi, muscæ. Iterùm variè generant animalia, quædam more hominum producunt viva, undè dicuntur vivipara, ut cervi, canes, delphini. Quædam ova edunt, è quibus calore benigno foris producuntur pulli ut aves, pisces, quædam denique pariunt vermem. Hominis generatio autem fit per semen, quod in testibus elaboratur, ad quos è reliquo corpore sanguis, spiritus, & calor per venas, arterias, & nervos transmittitur, atq; ab iis in unam materiam redigitur, quæ semen nominatur, ac caloris & spirituum in totò corpore quasi compendium est. Semen hoc à mare & fœmina emittitur, & ad generationem confertur. Nam cùm fœminæ eadem instrumenta semini generando & emittendo dicata habeant, quæ mares, & libidine tentatæ, concubitum appetant, & semen emittant: semen ipsarum ad generationem conferre omninò credendum est,

est, & quidem prolificum. Neq; enim mas & fœmina differunt specie, neutrum tamen semen solum, ad generationem sufficit, sed hic ordo à Creatore constitutus est, ut ex utroq; semine, tanquam duabus partialibus causis, unum principium & una totalis causa emergat, a qua unus motus ad fœtus productionem, quodam tamen ordine sese habens, promoveat. Virtus enim & efficacia seminis masculini est major, minor fœminini. Concepta in utero semina ab innata uteri vi fœventur, & vis in semine latens excitatur, atq; organorum expressio fieri incipit, & conceptio fieri dicitur, & tùm conceptus seu *knéma* appellatur. Formantur autem primò membranæ fœtum ambientes, quibus mollior seminis pars ac spiritus concluditur, quæ sunt duæ, una quæ *chóron* appellatur, fœtum totum ambit, vasa umbilicalia fulcit, eorundemq; interventu utero tota adhærescit: altera proximè fœtum ambiens *ámnios* quæ tunicæ cùm in partu quasi unam constituere videantur, secundina, quòd post fœtum edantur, appellantur. Formantur autem primò partes spermaticæ, & quidem simul omnes. Postea verò quæq; pro dignitatis necessitatis ratione, ordine, perficiuntur: conspiciuntur enim primò quasi tres bullæ, ac innumera ferè filamenta solidarum partium stamina, partes hæ postea à sanguine materno incrementum sumunt, atq; hinc à Creatore constitutum, ut à decimo quarto plerumq; anno ad quadragesimum quintum usq; aliquid sanguinis superflui quasi in fœminis generetur, & fœtui in gravidis materiam præbeat, aut si fœmina gravis non sit, singulis mensibus, ne fœminam gravet, aut corrumpatur, ad uterum mittatur,

& per eum expurgetur. Cùm ergò omnia, quibus post primam ex semine delineationem opus habet, à matre fœtus accipiat, facta sunt vasa umbilicalia vena scilicet, arteriæ duæ, & urachus, quæ circa umbilicū coeunt. Vena, venæ portæ, cui contingua est, propago est, infantis quasi nutrix; arteriæ duæ rami iliaci descendentes aortæ propagines sunt, quibus sanguis arterialis, & spiritus infanti communicatur, & per quas spiritum ducit infans. Urachus à vesicæ fundo ad umbilicū fertur. Infante in lucem edito, cum eorum hoc ministerio amplius opus non sit, coalescunt, & quasi ligamentorum vice funguntur. Totum autem tempus à conceptu ad partum à Medicis in duas partes dividitur, in tempus formationis à conceptu usq; ad tempus, quo moveri incipit infans, & tempus perfectionis, quod est à motu ad partum, ab aliis tamen in tres partes, scilicet in tempus formationis, quod Hippocrates de natura puer: in fœminis quadraginta, in masculis triginta diebus definit in tempus motus, qui in maribus tertio, in fœminis quarto mense fieri vulgò traditur, & tertium quod partus. Partus autem tempus quod attinet, id in homine varium est, ante tamen dimidium annum partum vitalem non edi experientia docet, septimo mense qui nascitur, jam vitalis est. Octavo verò mense natus nullus unquam vivit secundum Hippocratem: aliqui tamen & hunc esse quandoq; vitalem statuunt, maximè autem legitimum & frequentissimum pariendi tempus est mensis nonus, & plurimi partus eduntur, a die decimo quinto noni mensis usq; ad decimum quintum decimi mensis. Etsi vero & undecimestres, & post undecimum

num mensem facti partus à Medicis annotati sunt, tamen tales partus inter ea, quæ rarò fiunt, referendi sunt. Menses autem, secundum quos, tempora partûs numerantur, solares sunt. Jam finitâ hominis perfectissimæ creaturæ generatione ad vi-liorem procedemus nempè ovorum exclusionem. N. Ovum definit Aristoteles, quod ex ipso animal exi-^{23.} stat, non quidem toto, sed alterâ tantum ejus parte, reliqua in alimentum convertenda. Vermem ve-rò, quod ex ipso toto crescente evadat animal. Atq; ita ovum in duas partes dividit Aristoteles, quæ quidem in animalibus perfectiores etiam colo-re differentes, apertè distinctæ apparent: in minus verò perfectis distinctæ non conspiciuntur, sed am-bæ confusæ in unam substantiam coeunt. Ex qua parte autem ovi animal fiat, controversum est, Hippocrates seu author libri de natura puer: ex luteo generari dicit, Aristoteles ex albo, experien-tiam si consulas, ita sese res habet. Si ovum, quod sub incubante gallina est, secundâ, tertiâ, aut quar-tâ die aperias, atq; accuratè intuearis, cor esse membrum princeps, facile animadvertitur. Nam fœtum primò formari, & in eo primum cor, & cor in principio duas venas emittere, post fœtus autem generationem membranas fœtui inservientes con-crescere, manifestè cernitur. Et quidem die octa-vo Cor non solum ipsum constat, sed una cum venis colore simillimis rubro nempè conspicitur, & apertè micat, seu movetur. Quartâ die mem-branarum corpora jam confirmata & densiora fa-cta minus perspicua esse incipiunt: septimâ autem propter concretionem omnem ferè fœtum obscu-rant seu contegunt, cor tamen ob calorem ru-brum

brum conspicuum ut vena, etiam atq; ob motum videtur. Interea jecur nondum apparet, sed septimo demum die primum liquor seu mucor quidam luteus conspicitur cordi subjectus, qui jecoris concrementis initium est, & sequentibus diebus in jecoris corpus concrementum, quod ad tempus multum luteum adhuc permanet, etiam in exclusis pullis atq; in hoc jecoris loco, totis novem diebus à prima formatione sanguis nullus videtur, corde tamen interea maxime sanguinis pleno, & sanguine affluente ac turgente ut & vena amplissima infra cor toto corpore protensa. Ex quibus omnibus clarum evadit animam in corde quasi radice hære, & cor primum esse, quod vivat, & quasi animalis rationem habeat. Verum ex qua ovi parte pullus fiat, & ex quo generatus alatur, non ita planum, hoc tamen modo sese res habet, media ferè ovi longitudine in extremo ovi ambitu, quo luteum cum albo superius committitur, altera ab incubatione die consistit initium quoddam albescens, reliquo albo magis concretum, & quasi per vitrum species pulli tenuissimo nubis modo consistere videtur, capite potissimum conspicuo, & juxta caput puncto rubro sese identidem dilatante & constringente. Diebus proximis ab eo puncto rubro vena admodum rubra per totum pulli dorsum indies longius protenditur, ex qua deinde venæ ad pelliculas circa luteum ductas procedunt, juxta venam demum jecur luteo colore concrementum, ex quibus colligere licet, pullum ex albo primum formari, alimentum verò in sanguinem vertendum à luteo fieri, & per venas ad pelliculas circa luteum protensas advehi, & in epate confici, quod epar etiam cum luteo similitu-

nem

dinem habet. Si quis tamen statuat, luteum sanguini, & partibus sanguineis, album verò albis ex se genitis & sibi similibus alimentum præbere, donec par ad id roboris perveniat, ut omnibus partibus alimentum præbere possit, atq; ideò locum conformationis in confinio lutei & albi datum esse, cum eo non pugnaverim. Cæterum inveniuntur quædam animalia, quæ non tantum sæpè, sed etiam multa simul gignunt, insuperq; rariùs. Hæc autem omnia in plerisq; mediante utroq; sexu, nec in ullo animantium genere sexus confunduntur, scæminaque fit mas, aut mas scæmina, quod quidam de leporibus affirmare non dubitant, licet concedi forsitan posset, Hermaphroditas hic occurrere frequentius quàm in speciebus reliquis. *Hactenus Sennertus*, possunt etiam consuli, qui de his scripserunt luculentius, ut author de formato foetu, Fienus de viribus imaginationis & D. Dygbæus de sympathia & antipathia, nos ex prædictis nihil aliud concludemus, quàm quòd modum mixtionis animalis accretionem, vegetationem esse, & animæ concursu contingere evincamus, totam animale formam, quæ ex partibus similaribus, & dissimilaribus consistit, spermati tribuimus, quod proindè, si intrinsecam mixtionem spectes, inæqualiter mixtum est, quòd ex qualibet parte corporis humani particulas contineat, diversæ gravitatis & quantitatis, quæ mediante rarefactione per animam, sponte ad sua loca feruntur, ad quæ naturali propensione inclinant, incipientes à particulis ossis, quæ omnium primæ secernuntur, & expulsæ per evaporationem humiditate seminis superfluâ (quæ ad partium seminalium mixtionem, accidentaliter

- terin spermate requirebatur) grumescunt, quibus reliquæ superinducuntur, accrescunt, alterantur, ac tandem congenerantur, unde longa hujus generationis mora, missiq; corruptibilitas, nam cum ex diversis partibus constet, imò quasi infinitis, sequitur, tam ipsum semen, quàm illud, quod ex semine animali productum est, facilè dissolvi & ex quacunque causa alterari, atq; in diversas partes agi, hinc in corpore animali variæ putredines, & exæstuationes, inq; recens natis ebullitiones, ut in morbilis & variolis, insuper corpora humana in aqua putrescunt, ut & in terra, in igne facillimè corumpuntur, quibus vicissitudinibus licet etiam vegetabilia subjecta sint, tamen animalia propter animæ & inde consequentis motus ac phanthasiæ vires & qualitates longè plures patiuntur, hinc enim mentis rabies, phanthasiæ corruptio, nervorum convulsio, multaq; alia impedimenta oriuntur, animalis ergò mixtio omnium longè operosa est & periculosa, mixtum quoq; animale omnium reliquorum mixtorum corruptibilissimum, tamen in unitate partium consistens, unde mixtio animalis
- N. 26. unio vocabitur, vegetabilium verò mixtio coagulatio est, sed mineralium fixatio, ut jam docebimus, etsi verò mixtum animale omnium mixtorum levissimum & corruptibilissimum sit, idque propter infinitas & diversas particulas, è quibus propter diversissimas corporis animalis partes & partium figuras constat, propter easdem tamen omnium mixtorum miraculosissimum est, & nobilissimum mixtum, ex quo ante omnia Creatoris omnipotentia colligi potest, quæ tot animalia diversa, tam diversas eorum partes, instrumenta, va-

ta, vasa, nervos, venas, ductus, glandulas, valvulas, ventriculos, intestina, ossa, tegumenta, excrementa, & multa alia ex sola terra produxit, si jam talium productorum & partium functiones, motus, facultates, officia, & usus spectemus, totiusq; animalis mixti harmoniam, admirandamq; fabricam consideremus, utiq; animali mixto palmam concedemus, quod proinde etiam hoc loco præmittere voluimus.

Sectionis Quartæ Caput Quintum De mixtione Vegetabili.

SYNOPSIS.

- N. 1. *Differentia inter mixtionem animale, & vegetabilem.* N. 2. *Vegetabilium productio per modum cohibitionis fit.* N. 3. *causa formæ vegetabilis eadem cum animali.* N. 4. *quæ vegetationem impediunt, & promoveant.* N. 5. *alterationes vegetabilium artificiales.* N. 6. *in quibus mixtio vegetabilis cum animali conveniat.* N. 7. *homines nullum animalium carnivorum edunt.* N. 8. *observatio vegetationis in grano hordei, ejusdemq; analogia cum foetu animali in utero.* N. 9. *partes vegetabilium cum animalium partibus conveniunt.* N. 10. *vegetabilia non minus admirabilia quàm animalia.* N. 11. *D. Dygbei curiosa indagatio vegetationis fabarum.* N. 12. *quando faba terræ committatur.* N. 13. *actio humiditatis terrestris in fabam, & primus effectus.* N. 14. *disruptio fabæ ob internam rarefactionem.* N. 15. *cur vegetatio fabæ sursum tendat.* N. 16. *causa figurationis fabæ.* N. 17. *causa earum partium*

tium, quæ fabæ adherent, & eam comitantur. N. 18.
 radicis ortus. N. 19. de caulis naturâ, & passione.
 N. 20. quare hirsutus sit, & quomodo augmente-
 tur. N. 21. cur summitates ejus molliores sint. N. 22.
 gemmae aut nodi ortus. N. 23. progressus ulterior
 ex nodo. N. 24. perfectio fabæ. N. 25. ramiorum
 in aliis fructibus, & arboribus ortus. N. 26. causa
 resinae & gummi. N. 27. fructus origo, ejusq; for-
 ma. N. 28. foliorum causa. N. 29. florum origo,
 & cur decidant. N. 30. corticis & fructus produ-
 ctio. N. 31. nucleigenesis. N. 32. seminis natura
 vegetans. N. 33. creatoris omnipotentia in regno
 vegetabili admirabilis. N. 34. termini Aristotelici
 nihil significant. N. 35. causa diversa vegetabilium
 situationis & transplantationis, nec non vegetabi-
 lium magnetismi. N. 36. laudatur industria D.
 Dygbai, & ocularis differentia inter Aristotelicam,
 & Chymicam philosophandi methodum proponitur.

TEXTUS.

- N.** Jam ordo ad vegetabilia eorumq; mixtionem
I. vocat, quorum mixtio à priori differt, quod spi-
 ritu animali careat, & in aperto fiat, variis aëris vi-
 cissitudinibus subjecta, & alterationibus, neq; enim
 partes accrescibiles præparatae sunt, ut in animali-
 um utero sanguis sed in ipsa planta prius præpa-
 rantur, digeruntur, & coquuntur, unde sub initium
 acida, amara, sub finem interdum dulcis est, fitque
N. hæc alteratio per modum cohibitionis, ubi effluvia
2. terræ & aëris, mediante aquâ influunt, & solis calo-
 re, abstractione, & evaporatione aquearum par-
 tium, terræ siccantur, atq; digeruntur, & inspissan-
 tur, unde per diem plantæ aridæ, & siccae redditæ,
 nocturno

noctu humiditatem attrahunt, quæ per diem rursus evaporatur, & terream substantiam quam advexit, in plantâ relinquit, proindè pluvia vocatur fertilis, ob contenta, quibus planta nutritur, & augmentatur, hæc ergo astralis substantia in plantam influens; & sole cocta ac digesta, in suavem substantiam alteratur, aqueam, oleosam, solidam, & humidam, subtilem, & grossam, pro particularum influentium diversitate, & seminis proprietate, quod partes suæ ^{N.} ideæ jam in se continet, & eâdem ratione, cum per ^{3.} humectationem in terrâ putrefit, seu potius resolvitur, & rarefit, juxta gravitatis & quantitatis terminos, sicut in animali semine contingit, primam suę plantę ideam exhibet, quę per partes affluentes & accrescibiles augmentatur, donec in absolutam formam perveniat, multis autem modis in vegetatione suâ impediri, & promoveri vegetabilia possunt, impediuntur austero vento, frigore, nimio calore, ^{N.} promoventur seminis potestate roboratâ, diligenti culturâ, & transpiratione terræ factâ vulgò ^{4.} gerunt additis stipitibus pro fulcro contra ventos, tegumentis pro hyeme, humefactionibus pro siccitate, variis deinde transplantationibus alterantur, variæ transmutationes & alterationes arte causantur, tum ratione formæ, tum coloris, odoribus, & saporis ergò, imprimis verò fertilitas ^{N.} seminis promoveri potest, vel per terræ, cui inferitur, firmationem, vel per seminis ante commissionem in terram, imbibitionem, refertq; Nobilissimus Vir Dygbæus, in dissertatione sua de plantarum vegetatione, *Christiana doctrina Patres Parisienses, instar cujusdam monumenti perpetuò apud se aservare quandam hordei plantam* 249. caules aut culmos

continentem, qui omnes ex unâ radice aut grano originem ducunt, & in quâ ipsi ultra 18000. grana aut hordei semina numerant. Nobis non quidem tam

- magna sed non parvi tamen momenti imbibitio talis nota est, quâ quodlibet granum interdum viginti, ordinariè autem octo culmos profert, tantæ crassitie, ut caryophyllorum instar baculis fulciri debuerint, sed redeamus ad scopum, & confideremus, in quibus mixtio vegetabilis cum animali conveniat, certum autem est, eam in corruptibilitate valdè cum illa convenire, idq; propter diversas particulas integrum mixtum constituentes, quæ facilè alterantur, licet alia aliis mixtis citius, quo plus nempe aquæ, minus terræ habent, ita cupressus rarò aut nunquam putrescit, poma unius noctis spatio situm contrahunt, fortior ergò in quibusdam vegetabilibus mixtio est, quàm in animalibus, ut in quercu, debilior, ut in floribus, qui unâ nocte marcescunt, prout inter ipsa etiam animalia alia aliis fortiora sunt, pro seminis potestate, & naturâ, ita cervi longius vivunt hominibus, cujus quidem causa est, quòd moderatius vivant, atq; omnibus curis soluti sint, deinde quòd vegetabilibus vescantur, homines econtrà carnibus, *cùm ta-*
- N. *men homines nullum animal carnivorum edant, eò*
7. *quòd eorum carnes insalutares esse credamus, ipsi*
- interim in summo gradu carnivori, sed ad plantas*
- redeamus, quæ cum animalibus in eo quoq; conve-*
- niunt, quòd ex una parte nutrimentum attrahant,*
- ab altera in substantiam transmutent, non aliter*
- ac foetus per umbilicum nutritur, ac nutrimenta*
- N. *in carnem & sanguinem commutat, nam prout in*
8. *grano hordei accuratè observavi, illud post qua-*
- tuor

tuor dies ab infitione in terram, sub acutiorem sui extremitatem, primò cœpit erumpere, & duos apices protrudere, uno fursum altero ad fundum tendente, materiâ interim in grano liquefcente, & lactefcente, ac in utrumq; apicem profluente, sed grano ex successiva vacuitate, marcescente, se contrahente, ac tandem decidente, ubi nempe omnis materia feminalis in utrumq; apicem profluxerit, duoq; deinde apices sub initium acuminis, ubi semen influebat, coaluerint, non secus ac uterus clauditur, cum semen recepit, quod, in embrionem formatum, postea umbilico nutritur, nam per inferiorem apicem, qui pedunculus, seu radix vocatur, novus vegetabilis embryo ex terra nutritur, cum prius ex grano lac feminine imbibere, potestatemque acciperet, nutrimentum, quod per radicem (umbilicum) attrahit, in se convertendi, quod magno studio, multisq; experimentis diligenter notavi, nec modò circa umbilicum & radicem cum animali mixtione convenit, sed in plurimis efformandis partibus, quæ etiam à partium in animalibus similitudine denominantur, ut partes solidæ, simplices, caro, pulpa, nervus, vena, membrana, cutis, radix, scapus, caudex, stipes, caulis, culmus, colluculus, truncus, cortex, tunica, liber, coriû, lignum, ossa, pulpæ, tubera, matrix, cor, medulla, nodi, rami, scamna, furculus, turio, calamus, spadix, frons, stolones, vertex, crux, oculus, alæ, sinus, articuli, genicula, internodium, vertebræ, latera, capillamenta, cyrri, cymata, comæ, muscaria, folia, in quibus lacinias, crenas, strias, dentes, pennas, auriculas, costas, pediculos, stylos & petiolos observare licet, flores, fructus, semina, horumq; omnium

partes, formæ, & figuræ quasi innumeræ, quas si quis studiosius considerare, & cum animali mixto combinare velit, magnam inter utriusq; partes similitudinem & analogiam inveniet, & prout mixtio animalis omnium admiranda censetur, quòd in tenebris fiat, totq; operationes nullâ artificis manu adhibitâ absolvantur, atq; tam varia organa producantur, & perficiantur, certè vegetabilium mixtio non multo minus in admiratione, priori posthabenda erit, quòd hæc coram omnium oculis fiat, profecisse videatur, sed quomodo profecerit, si vel ipse Argus adstiterit, tamen non assequi posset, ita visum & omnes sensus fallit, attamen rationem non effugit, illa enim ubi sensus externi desinunt, internos convocat, mentemq; in aciem revocat, cuius Exemplum nobis *Nobilissimus pariter & Doctissimus Dygbaeus* præbuit, in descriptione fabæ, ubi aperte nobis monstrat, nos ea, quæ indies videmus, prorsus ignorare, ac, ut vaccæ, intueri, seu inanibus terminis de illis ludere, ne nihil de iis loqui videamur, quasi loqui præstet, quòd nihil denotet, fabam ergo ille nobis exponit, non Galenicè aut Peripateticè, sed Physicè de eâ scribèndo, nempe de ejus mixtione, vegetatione, & productione, quæ licet in omnium hortis crescat, attamen ejus productio in paucorum ingeniis & cerebris nota est, & quoniam sub ejus descriptione, quasi omnium vegetabilium mixtio, & productio continetur, ita ut reliquorum exemplum esse possit, credidi me non in acceptum laborem curioso lectori facturum, si paucula quædam ad hunc locum, ubi benè quadrat, de præfatâ fabâ ex D. Dygbæi dissertatione de vegetatione plantarum apponerem, tum, ut quæ hæc

Aenus

Et nusquam dixerimus benevolus Lector in praxi quasi vi-
 deat, tum ut appositis D. Dygbæi verbis, illis satis-
 faceremus, qui fortè præfatam ejus dissertationem
 (quæ non ubiq; venalis est, & haberi potest) non ad
 manus habent, & quibus proinde incommodum
 fuisset, si tantum solâ citatione detinerentur, præ-
 fatâ ergò doctissimâ dissertatione de plantarum vegeta-
 tione, quam Illustris ille, nunc beatus heros in Colle-
 gio Greshamensi, 23. Januarij Anno 1660. Londini ha-
 buit, de fabâ ejusq; vegetatione exemplum po-
 nit pagina 8. licet nonnunquam digressionem ad
 alia faciat, quæ nos prolixitatis causâ studio o-
 mitemus, atq; in solâ & continuâ fabæ nostræ
 descriptione permanebimus. Ab hâc igitur fabâ
 inquit, initium nostræ observationis sumamus,
 hæc sicca, corrugata, & compacta substantia, tan- N.
 tum ad id anni tempus, solo humido commissa, cum
 appropinquans Sol (magnus ille Archæus, & Natu- 12.
 ræ ignis) dilatare & sublimare incipit, terræ super-
 ficiem, & in eâ volatilem illum, & Balsaminum
 salem, qui remotione ejus, durante hyeme consti-
 patus, condensatus, & versus centrum terræ repul- N.
 sus fuerat, intra substantiam ergò suam faba neces- 13.
 sariò recipere debet istam salinam humiditatem,
 quæ eam circumcingit, ei adjacet, & ex omni par-
 te in eam impetum facit. Immediatus effectus,
 qui ex hâc fabæ aut glandis humectatione sequi-
 tur, necessariò corporis intumescencia, & augmen-
 tatio esse debet, nam substantiâ aquæ infrante in
 ipsam grani substantiam (quòd ut inhumescat, in
 aquâ jacet) hinc hæ duæ substantiæ necessariò re-
 quirunt amplius spatium, quàm unaquælibet ea-
 rum prius seorsim requirebat, & hinc sequitur,

- quòd cortex, qui fabæ substantiam involvit, & continet, necessario crepare, & disrumpi debeat, ad viam & libertatem dilationi intumescientis corporis
- N. concedendam, quod, postquam hoc modo sibi ipsi
14. comparavit locum, ad perficiendas tales actiones, quales in hisce circumstantiis ipsi naturales & necessariae sunt (nam antea frigido quodam sicco & duro externo latere occlusum & impeditum erat) sequitur statim suum proprium impetum, accidet igitur huic intumescenti fabæ, carcere jam effracto, ut igneae ejus partes aqueas superare conaturae sint, hæ verò frigidas quasdam & siccas in subsidium evocando, efficient quandam violentam agitationem per totam massam, agitando & impellendo unam in aliam, hic intestinus motus excitabit multò majorem corporis dilatationem in tantâ combustionem, quàm prima ejus humectatione excitabatur, nam cum naturalis actio ignis in eo consistat, quòd effluat ex centro suo, quaquaversus in speciem cujusdam continuati agminis summè rarefactarum atomorum & ipsæ secum auferant, & veluti cum ipsis continuatam sequelam quandam humidarum & viscosarum quarundam atomorum, sequitur inde
- N. necessario, quòd requirant majorem campum,
15. quàm in earundem primo exortu possidebant, ad institutum opus in eo absolvendum, etsi verò intumescencia & eruptio ignearum & viscosarum ejus partium in omnem partem hinc & inde sese extenderint, secundum naturam ignis qui effluit à centro quaquaversus ad circumferentiam, erit nihilominus ista eruptio, quæ sursum versus aërem tendit, efficacissima, eò quòd minori cum resistentiâ viam hanc peragat, quàm ullam aliam, nam deorsum

sum versus terra compactior est, quàm supra fabam, cum ut solum reddatur solubile & porosum, terra supra fabam dimota & comminuta sit, & præterea infra fabam jacens ingens terræ quantitas, quæ, quò, ulterius descendas, eò minùs penetrabilis sit, cum econtra à fabâ ad terræ superficiem via valdè brevis sit, & nulla obstacula ibi occurrant, eò quòd Sol, aër, ros, & pluvia ad eam reddendam levem & spongiosam in eam perpetuo impingant, & vim suam exerceant, sursum igitur, & aërem versus velocissimus & maximus horum corpusculorum, calidorum, & viscosorum effluvi-
 rum concursus esse debet, quæ cum aëri frigidus, qui ea ex omni parte invadit, occurrant, seipsa contrahunt in talem figuram qualis resistendo assultibus talis inimici aptissima est, & hæc est, circularis figura, nam cum physicè loquendo, aër ambiens effluvia ista ab omni parte premendo, ea in angustissimum Spatium reducat (tàm magnum nihilominus, ut eis usui esse possit) cumq; circularis figura sit omnium aliarum figurarum capacissima, aër frigidus eâ condensando contrahit in talem, ut ita plurima in minimo spatio continere queant. Interim effluvia, quæ ex dissipato fabæ cortice deorsum, & latera versus effluunt, non sunt omninò inefficacia, etsi non ita vigorosa ut ista, quæ sursum, aëre
 N. 17.
 versus ascendunt, different verò in eo partes ascendentes & descendentes, aut ad latera versus euntes, quæ ex fermentante massa effluunt quòd ascendentes fuerint calidæ, humidæ, aëreæ, & consequenter virides & teneræ, descendentes verò & ad latera euntes sicciore, frigidæ, & terrestres, & hinc hirsutæ, duræ, & albæ, quarum durities, & hirsuties hinc
 P 4 etiam

etiam augebitur, quòd istæ partes à terrâ preman-
 tur, & constringantur, hoc igitur modo radix for-
 N. matur, quæ cùm continuò ad plantam novum suc-
 18. cum ex humidâ terrâ eam circumdante attrahat, &
 calore abundet, qui continuò digerit, & sublimat
 humiditatem, ab ipsâ attractam & ex terra agētia, id
 est Sol, aër, etiam peragant suas partes, sequitur in-
 de, quòd novus digestus & spiritualis succus, in istam
 rotundam, viridem, & teneram partem, quæ ex ter-
 N. râ aërem versûs erumpebat, & quam jam caulem
 19. vocare licet, sublimabitur. Atq; ita uterq; calor in-
 ternus scilicet & externus concurrit ad afferendum
 huic plantæ incrementum, dum uterq;, tam radix
 quàm caulis, novâ ejus humiditate, continuò im-
 pletur, quorum unus, caulis scilicet, soli, & ventis
 expositus, necessario ad externum latus, ad defen-
 dendam contra externas aëris injurias partem in-
 ternam, quæ tenera, & succosa remanet, & quæ
 N. alioquin in suâ ascensione suppressa & constricta
 20. fuisset, durus & hirsutus fieri debet. Altera ve-
 rò radix, partes duras profundius in terram conti-
 nuò detrudit, quæ eam, ne facillè eradicari possit,
 firmam, & ventorum agitationibus resistendo
 aptam reddunt. Jam vero plantæ idem accidit,
 quod ligneo ardenti rogo, quò enim major li-
 gni quantitas apponitur, eò calor fit intensior,
 idem hic accidit, incrementum enim novi balsami-
 ni succi, quod singulis diebus & horis fit, calorem,
 qui ipsi plantæ inest, augent, & quod hinc sequitur,
 N. continuò major & major succi copia sursum evehi-
 21. tur, atq; hoc modo caulis fit altior. Verùm quò lon-
 giùs hic ascendens succus à communi suo centro, à
 quo in altum sublimatur, abit, eò mollior, debilior,
 seu

seu tenerior, & minùs frigidi aëris invasiónibus resistendo aptus fit, adeò ut cum altius non potest ascendere, ibi sistatur, calor nihilominus innatus, magis ac magis humorem continuò sublimat, qui cum non sit pertundendo corticem sufficiens, cui N. ad finem sui itineris occurrit, ibi in Gemmam quam- 22. dam intumescit, quæ continuò major ac major fit, donec tandem cortex, qui hunc succum circumvestit, qui sublimatur, & quotidie magis digeritur, cum non amplius quantitatem & activitatem ejus sustinere potest, disrumpatur, & ex hac disructa, gemma aut nodo, eodem modo & progressu, quemadmodum antea, ascendit novus succus, donec ad justam quandam distantiam, causis, quæ eam pro- N. ducunt, adæquatam, nova quædam & recens gem- 23. ma facta sit, atq; ita ab una ad aliam, quarum unaquælibet aliam superat, donec tandem ad plantam altius tollendam, succus deficiat, simulq; calor, qui hunc succum sublimat, ad tantam distantiam debiliior redditur, & Sol incipit in eam minorem activitatem exercere, uno verbo tota naturæ Oecono- N. mia, in hujus plantæ extensione finem hîc imponendum conspirat. Nonnullæ plantæ tantum in altum succrescunt, verum in aliis gemma ab ascendente succo in diversas premitur partes, iste succus non minus latera quàm sursum versus expellitur, atq; hoc modo conficitur ramus ex majori erum- N. penstrunco, & evenit, ut erumpant ibi tot hujus- 25. modi rami, quot concurrentes circumstantiæ & accidentia (qualium mentionem fecimus) ad eos efficiendos occurrunt. Verum quando natura, suæ crescentis plantæ extensioni quandam posuit periodum, & ipsam quasi tædet, diutius cum tam ro-

N.
26.

bustis & nervosis partibus conflictari, id est, quando calor innatus, Sol, & succus in suis operationibus (ob rationes, quas attigi) incipiunt deficere, nec ipsa tamen otiari, & ab omni operatione cessare velit, se ipsam ad actiones minoris roboris & virtutis confert, & defacando magis ac magis per leves sublimationes, & depurationem succi, quem in tantam altitudinem subvexit, efficit, ut continuo ejiciantur succi crassiores partes. Quæ cum non sint aptæ, ut altius ascendant, nec subtiles satis, ut per hosce angustos canales, qui depuratis, & defacatis spiritibus facilem transitum permittunt, transeant, ibi loci remanent, non sunt tamen hæ crassæ partes otiosæ, & absq; functione (eas voco crassas, priorum tantum spirituum respectu, nam cæteroquin sunt multo subtiliores, & magis coctæ, quàm istæ, quæ in caule, plantæ trunco aut cavitate remanent) verum quidem est, quod non capaces sint, æthereum spiritum, qui multo altius ascendit, ut jam jam audietis, concomitari, ipsæ tamen continuo horariis supplementis similium crassarum, aut subtilium partium, prout eas denominare velitis, augentur, (nam reverà sunt vel alterutraq; vel utraq;, subtiles enim sunt respectu crassioris succi, ex quo sublimando extractæ sunt, & quod remanet deorsum in plantæ corpore, aut trunco, & crassæ respectu ardentis Spiritus, & balsamini olei, quod rectificando ex iis extractum est) hic perpetuus & novus hujus recentis materiæ fluxus, aut concursus ad ramos, adeò illos implet, ut illam amplius continere nequeant, est ergò causa eorum scissionis, in diversis locis, ubi hic succus erumpere conatur, si hic succus valdè viscosus & unctuosus sit, & diu per solem

solem extrinsecus & calorem innatum intrinsecus
 concoctus fuerit, antequam erumpat, se ipsum re-
 præsenterat in gummosa quadam substantia, quæ to-
 tius plantæ naturam retinet, verum si nihil interve-
 nerit, quod ordinarium cursum impediat, aut alte-
 ret, tunc hic succus, qui magis aquosus quam un-
 ctuosus est, & viam sibi versus aërem, per rami aut
 trunci tenerum corticem invenit, omnes similes su-
 stinet actiones, quas primus succus, qui ex origi-
 nali faba aut glande erumpebat, expertus fuerat, at-
 que ita hic succus ibi efformari incipit in novam
 quandam plantam, quæ quoad formam, figuram,
 & naturam, cum magna ista, à qua producta est,
 proportionem quandam habet. Primò filum quod-
 dam erumpit, in directam lineam, quod non in-
 commodè caulem hujus novæ & parvæ plantæ vo-
 care possumus, & ad distantiam adæquatam calori,
 qui sublimat, & expellit succum, tum & frigido aë-
 ri, qui constringit, & comprimit eum in speciem
 cujusdam gemmæ, primus nodus in hoc parvo
 trunco efformatur, ex quo deinde nova effluvia,
 aut fila extruduntur, non minus sursum quàm late-
 ra versus, quemadmodum antea in prima crassa ef-
 formatione magnæ plantæ explicavimus, hæc fila
 quæ ita in quamcunq; partem, alia ex aliis ejiciun-
 tur, adeò sibi invicem appropinquant, ut effluvia,
 aut vapores, qui necessario ista fila concomitari
 debent (nam ubicunque calor magnam humo-
 ris abundantiam expellit, ibi non potest non
 esse atmosphæra emanationum, quæ ut ita lo-
 quar, majus illud flumen circumvallant, & ob-
 sident) se invicem facile commisceant, & cum
 ex natura sint viscosa, & adhæsiva (veluti omnes
 tales humidæ & calidæ emanationes necessario
 esse

N.
27.N.
28.

esse debent) implent glutinosâ suâ materiâ intervalla, crassis filis intersita. Et hoc non improprie tali operi assimilari potest, quo curiosa quædam operatrix, interstitia fimbriæ denticulatæ implet, quod opus dum peragit, ipsa interim tegit adeo artificiosè fila, quæ infert cum hisce staminibus, quæ ipsa in suo opere ante se jam facta invenit, ut dum implet omnes vacuitates, hæc majora fila ita distinguibilia relinquit, uti nihilominus oculi vestri postea totum prototypi opus æquè clarè, ac si nihil ei interjectum fuisset, distinguere possint. Atq; eodem modo in hac impletione interstitiorum novæ & parvæ plantæ, perspicuè videtis omnes nervos, & fila ejus, postquam viscosa effluvia, quæ circum hæc dependent, in continuatam quandam substantiam, quæ sinuata aut dentata est, prout majora fila longius aut brevius, extenduntur, redacta sunt. Atq; ita folium secunda quædam plantæ, ex ramis & surculis primæ plantæ efformatur quæ formam, figuram, & alias ejus qualitates retinet. Jam verò, interea temporis hoc per crassiores partes, quas spiritus rectificatus ejicit, efficitur, calor, qui eum rectificat, & sublimat, propellit hunc elaboratum succum in teneriores substantias, quæ magis vigore, & spiritibus abundant; præsertim circa ramorum extremitatem, ubi solidissima abundantis humoris pars (quemadmodum antea in exortu ejus, in trunco fabæ aut corpore glandis) in quandam mutatur gemmam, sed volatilior, & minus substantialis pars hujus summè rectificati succi, aut potius novi spiritûs, spargitur circa hanc gemmam, & deducitur in teneriora folia, quæ cum abundant æthereis & sulphureis, hujus rectificati spiritûs partibus

bus (qui per reiteratas rectificationes fit instar ar-
 dentis cujusdam aquæ) oculos colorum varietate ,
 & nasum odorum jucunditate delectat (nam sul-
 phur est magnus ille universalis pictor , & odorum
 excitator hujus mundi) verum cum possideant tam
 volatilem Naturam , qualem ex sæpe repetitâ defæ-
 catione , & rectificatione nata sunt , hinc foliola seu
 flores non diu durant , sed illicò decidunt , & flave-
 scunt , quemadmodum etiam eorum pulchri & o-
 doriferi spiritus exhalant. Interea vero hic æthe-
 reus , aut volatilis spiritus , se ipsum in hisce citò per-
 euntibus floribus recreat , solidior quidam & cras-
 sior spiritus , & qui vigorosiorem quandam conco-
 ctionem sustinet (uti in destillationibus accidit , ubi
 balsaminum oleum postremo provenit) gemmam ,
 quæ per id tempus suos pulchros amisit socios flo-
 res scilicet delapsos , implet , & tumefacit , & cum
 hæc gemma major sit , per totum suum corpus et-
 iam mollior & tenerior redditur , soles continuo
 versus externum latus subtilissimas , humidissimas ,
 & maximè ejus aëreas partes attrahente , hinc o-
 mnis ista substantia mollis , matura , & tenera esse
 debet , tantum extrema , & ultima externi lateris
 superficies necessariò contraxisse debuit aliquam
 duritiem & hirsutiem , ab aëris frigiditate , & vento-
 rum acredine , quibus cortex , cujusdam pyri , aut
 mali , aut nucis hirsutior & durior redditur , quam
 pulposa eorum , & tenera substantia , cortici proxi-
 mè subjecta. Attamen ex hac methòdo vel hoc
 cursu hic proposito sequitur , quòd versus centrum
 hujus teneræ substantiæ , aliqua dura , ficca , & hir-
 suta materia necessariò esse debeat , nam cum Sol
 extrinsecus ad fructus superficiem , spirituosissi-
 mas ,

N.
30.N.
31.

mas, & magis aëreas ascendentis succi partes attrahat, & ab altera parte calor innatus intrinsecè eum expellat, & extendat à centro superficiem versus, fieri non potest, quin circa medium, à quo omnis hæc attractio & expulsio hujus teneri succi proficiscitur, necessariò remanere debeat abundantia terrestrium partium humiditate destitutarum, & in duram & nucleosam substantiam, quæ multum ignis, sed parùm aëris intra se continet, redactarum, nam ità cum igne comparatum est, ut seipsum, substantiæ, quam coquit, & calcinat, incorporet, uti ad oculum patet in antimonii calcinatione per speculum quoddam causticum, quo calcinatur, corpus majus acquirit pondus, etsi ignis per idem tempus, magnam quandam humidarum & volatilium partium quantitatem ex fumante massa expellat: hanc gemmam ità dilatatam & productam ad hunc statum, vocamus plantæ fructum, cujus durior pars sæpè aliam continet, quæ sicca valdè non ità dura est, cujus rei ratio, quòd externa hujus terrestris substantiæ superficies ità insigniter dura sit reddita per concurrentes causas, quæ talem eam efficiunt, ut nulla humiditas (vel saltem in nulla insigni quantitate) per eam penetrari possit. Et hinc, cum omne id, quod humiditatis affluxu destituitur, continuo caloris actione subigatur, sequi necessariò debet omnem substantiam, quæ isti duræ superfici ei inclusa est, magis ac magis siccam fieri debere, donec tandem fiat instar subtilissimi & tenuissimi pulveris, hoc ità esse ipsemet nucleus ostendit, quamprimum (pericarpio, quo continetur, detractò) comminuitur, quemadmodum id quod in mola comminuitur, videre est. Et non minùs id evidens est in nucleis,

cleis, aut parvis feminibus pyrorum, malorum, aurantiorum, limoniorum, similiumq; si eodem modo circa ea opereris, postquam probè exsiccata sunt, non tamen hæc ficcitas ad tantum gradum ascendit, quàm cum in calcinatione ignis violentiâ, humidæ & volatiles essentielles alicujus corporis partes omninò, & in totum expelluntur, nam cum agentia hic naturaliter, & blandè operentur, & ambiens humiditas & frigus contra caloris & ficcitatis excessum semen defendant, & totus cursus hujus progressus tendat potiùs ad fixationem, quàm calcinationem, accidit, ut in una qualibet hujus compacti pulveris particula, totius plantæ natura perfectè & totaliter, ac si in parvam quantitatem contracta fuisset, resideat, nam succus, qui primò in gemma erat (quæ jam facta est fructus, & transit à radice per multigenas diversarum partium plantæ varietates, & partim à sole, parte ab interno calore, duriori & lapidosæ parti circa medium fructûs incarcerata) multum concoctionis, & depurationis perpeffus est, induit per hosce transitus defæcationes, concoctiones, & sublimationes, tandem naturam cujusdam tincturæ ex tota planta extractæ, & demùm in speciem quandam Magisterij, quod ignis & salis plenum est, exsiccatur. Et hoc est illud, quod nos semen vocamus, quod terræ commissum & concurrenti humore humectatum, peragit hoc opus de novo, & repetit id omne, quod hucusq; in hoc longo progressu observavimus, in quo constantiam supremi Architecti manûs, quâ id dirigit, & gubernat, nemo satis admirari potest, quâ tam exactâ diversarum, & distantissimarum causarum continen-

tia productum est, quæ tamen omnes unum eundemq; finem causant, ita ut ferè semper natura ad destinatum à se perveniat finem, nec à scopo, quem petit, erret, cum si quis attentè, & fixis quasi oculis singulas hujus longi progressus partes perlustret, & consideret, quam facilè levis quædam operatio in tantâ earum multitudine perverti queat, vel potius quàm difficile sine dubio sit uni solummodo Rectori, eas omnes in suâ æquilibratâ tenere, forsan hic colliget, & persuasum habebit, vix ex decem millibus plantis, unam ita evasuram esse, ut nunc quotidie videmus, quiq; solummodo duos respiceret terminos, principium nempè & completionem seu perfectionem plantæ, sibi facilè persuadere poterit, perpetuum productioni vegetabilium miraculum inesse & aliquâ ratione excusari posset, si ad vim formatricem, aliosq; nihil significantes terminos tanquam ad asylum refugeret. Verùm

34. alius, qui considerat, totum naturæ cûrsu, quæ à Deo ad hoc admirandum opus efficiendum in actum deducta est, & in unum quodlibet membrum animum intendit, nec priùs inde discedens, donec plenissimè examinaverit, & ventilaverit, quod necessario ex tali vel tali materiâ, in talibus vel talibus circumstantiis, quæq; tali & tali temperie affecta est, & hoc vel illo modo elaborata, sequi debeat, clarissimè perspiciet, omninò impossibile esse, ut aliud quid efficiatur, alio modo, quàm nunc efficitur. Et ex considerationis, & judicii defectu provenit, quòd homines, ad occultandam sub incomprehensibilibus terminis suam ignorantiam, ad occultas & imaginarias qualitates, tanquam ad asylum refugiant, cum natura in se ipsâ aperta, & pervia sit,

via sit, inq; ejus penetralia mortales facilè penetrare possent, si modo apta & conveniens methodus in ejus dissectione & contemplatione teneatur. Ex hæcenus autem dictis non erit difficile ejusmodi quæstionibus, & dubiis, hanc materiam concernentibus, satisfacere, quæ ad primum aspectum plenæ difficultatis, & ferè inextricabiles videri possunt, veluti ex. gr. quânam de causâ materies alicujus arboris, talem vel talem situationem & inclinationem respectu magnæ universitatis affectat^{N.}ura^{35.} sit, quod haud valdè sagaces nonnulli erudituli, inter recondita naturæ mysteria, captum hominum superantia, referri volunt, tum & prætereà iidem illi inter plantas, & stellam polarem, secretum quendam instinctum, & sympathicum esse contendunt, quod tamen prorsus nihil aliud est, quàm hoc, quod tenera scilicet planta, suâ primâ productione, quam ambiens aër constringit, & calore suo vivifico Sol fovet, maximè per frigidas & terrestres atomos, quæ vi Solis, à polis, æquatore verso trahuntur, restringantur, nam cum inter æquatore, & polos sit constans & perpetuus harum atomorum cursus, ea omnia, quæ in earum cursu, continuis & repetitis vicibus affici debent. Et illud latus, quod immediatis earum ictibus expositum est, maximè ab iis affici debet; In altero verò latere debet Sol, qui suâ calidâ & humidâ atomorum cattervâ oppositum plantæ partem amplectitur, necessario contrarium priori effectum in ipsâ producere, atq; ita vides planam, & evidentem rationem, quânam de causâ unum plantæ latus respectu alterius, non possit non esse densum, durum & ponderosum, & ad acutam potius, quàm ex-

Q

tiam

Etiam rotunditatem tendat. Alterum econtra latus erit spongiosum, tenerum, leve, & extensum aut dilatatum, figurâq; ultra rotunditatem extensâ, cum jam hæc prima impressio illi, quæ postea sequetur, loco regulæ sit, & externa plantæ theca seu cavitas sit instar typi, cui succedens succus imponitur; sequetur hinc necessario, quod ad quemlibet annum, aut mensem, aut hebdomadem, secundum naturam plantæ, cum novus succus in induratum cavitatem sublimatur, & hic, locum ut sibi comparet, thecam distendit, acquisitura sit talem formam & figuram, acuminatam videlicet versus unum latus, & obtusam versus alterum, qualem jam theca ista habet, & reddere capax est. Hoc quotannis in arboribus, & talibus plantis, quæ singulis annis non moriuntur, reiterabitur, & per hosce circulos seu materiei spiras, non solum cognoscet, quonam modo arbor cresceret, sed augesceret, quam plantata erat respectu septentrionis, & Austri, sed etiam quot annos agat, & si ipsam in alium locum transferre velis, summâ diligentia tibi attendendum est, ut eam in eadem situatione, in quâ prius crescebat, reponas, cæteroquin exponendo acutis & diris septentrionalis aëris cuneis, tenerum, molle, & austrinum arboris latus, ipsi eam ita scindent, & ictibus exercent, ut brevi temporis spatio, spiritus suos efflatura, & demum moritura sit. Ex eadem causâ evenit, ut unumquodlibet frustum ligni, etiam postquam vitâ privatur, & exsectum est, magnetis naturam & polos, qui universitati correspondent, possideat.

Haëtenus Illustrissimus Dominus Dygbans, qui loco citato, de reliquis plantarum qualitatibus uberius discurret, cujus verba omnia huc afferre, nec propositum

tum nostrum est, nec instituti hujus ratio quæ hætenus allata sunt, eò inserviunt, ut processus naturæ, in mixtione vegetabili videatur, quem sanè noster author ità evidenter delineavit, ut nemo non ingenium ejus satis mirari, differentiamq; inter methodum Chymicè, (realiter) & Peripateticè, (verbaliter) philosophandi longè invicem distantem perspicere, discernere, & cognoscere queat, nisi quis prorsus invidiâ obcæcatus sit, quæ aliàs de vegetabilis mixti crasi dicenda sunt, benevolus Lector in sequentis Sectionis Capite secundo de fermentatione inveniet.

Sectionis quartæ Caput sextum De mixtione Minerali.

SYNOPSIS.

N. 1. *Differentia mixtionis animalis & vegetabilis cum minerali.* N. 2. *mineralis mixtio propriè accretio dici potest, omnibusq; mineralibus unâ tantum formâ.* N. 3. *partium accrescibilium necessitas & vis in mixtione, exemplum in vegetabilibus.* N. 4. *in animalibus.* N. 5. *diversæ partes accrescibiles in mineralibus, unde eorum diversæ species.* N. 6. *heterogeneæ accretiones.* N. 7. *errores in mixtione minerali.* N. 8. *influentiæ Planetarum in metalla sunt, & imaginaria.* N. 9. *de tempore mixtionis mineralis.* N. 10. *mineralia in momento producuntur.* N. 11. *cur mineralia animalibus & vegetabilibus cuius generentur.* N. 12. *observationes adducuntur.* N. 13. *exceptio & causa, cur plura imperfecta quàm perfecta metalla generentur.* N. 14. *na-*

tura levissimo & simplicissimo modo mineralia elaborat. N. 15. mineralis mixtionis quædam analogia cum animali mixtione circa officinam & locum. N. 16. mineralia in variis locis & omnibus elementis generantur. N. 17. magnetica locatio, & situatio minerarum.

TEXTUS.

Supereſt ut ad mineralium mixtionem veniamus, propter quam præcedentes duas mixtiones præmiſimus, ut nempe hujus tertiæ cum præcedentibus relationem facere queamus, quo ejus natura exactius & ſolidius ob oculos veniat. Dif-

N. fert autem primò hæc mineralis mixtio ab animali
1. & vegetabili, quòd ex ſimpliciſſimis partibus, & ſibi homogeneis conſtat, cum hæ ex corruptibilibus & multis coaleſcant particulis, non niſi coagulatione, & unione ſibi cohærentibus, quapropter mixtio mineralis fixiſſima eſt, reliquisq; tribus palmam præripit, quoad fixitatem, & mixti ſimplicitatem ac compagem, unde etiam mixta mineralia longè indiſſolubilia, minusq; corruptibilia ſunt, quàm animalia & vegetabilia, nam prout ſectiõne, de productione omnium rerum, præſertim animalium & vegetabilium ſcripſimus, quòd animalium mixtura ex terrâ ſubtiliori, vegetabilium ex mediocri, quare etiam facillimè in ſubſtantiam animale per digeſtionem (quæ eſt ſpecies accretionis ſeu vegetationis, nempe agglutinationis particularum convenientium huic vel illi membro) mutatur, conſtet, ita citatis locis mineralium materiã groſſiſſimam & ultimam terræ partem eſſe, proinde fixiſſimam, demonſtravimus, quare cum

re cum mineralia nec diversas formas, nec varia or- N.
gana & vasa requirant, nullo mixtionis modo opus 2.
habebant, quàm simplici accretione, nam ut jam
demonstrabimus, omnibus subterraneis perfectè
mixtis, una tantùm eademq; forma est, sed diversa
superinductio nutrimenti, quòd ut evincamus, ex
antedictis de animali mixtione in memoriam revo-
candum erit, formam in semine latere, nihilq; aliud
esse, quàm partes seminis diversæ gravitatis, & hinc
diversæ propensionis, & situationis, ac inde variæ
emanentis figuræ, pro cujusvis corporis natura &
diversitate, in primâ productione à Deo sibi inditâ,
ex quo sequitur, formam id esse, cui reliquæ partes
locabiles adhærent, ex quarum figurâ & locatione
formæ, tanquam locantis, diversitas apparet, cùm
itaq; constet, metalla prorsus simplicissimam,
undequaq; homogineam, nempè in minimis
particulis rotundam formam habere, sequitur se-
men mineralium prorsus unum esse, nec ex diversis
particulis sed prorsus ex uno simplicissimo subje-
cto constare, nam licet evidentissimum sit, diversas
partes in mixto mineralium esse, nos tamen de eâ
parte tanquam formâ & semine loquimur, cui reli-
quæ cohærent, & à quâ formam accipiunt, diximus
autem, & probavimus tota sectione tertiâ hujus li-
bri, tria diversa mixtum mineralium ingredi, quod
sanè etiam in animali, & vegetabili mixtione ac-
cidit, in animali quidem, ubi sperma primum lo-
cum obtinet tanquam formans, deindè semen fœ-
mininum tanquam purior pars, ac proindè facilius
ad primam agglutinationem, deindè sanguis men-
struus, tanquam nutrimentum, ad Embryonem jam
formatum alendum, cujus idea quoq; in sangui-
ficatio-

ficatione reperitur. In vegetabili mixtione etiam
 tria ingredientia invenies, primò semen formans,
 deindè subtile aliquod terræ humidum, quo semen
 diluitur, & quasi primum Embryonem, nempè cau-
 lem, format, tertio aquam pluvialem, & reliquum
 terræ crudiorum succum, quo planta jam formata
 nutritur. Ità in Mineralium mixtione, semen est,
 cui humidum quoddam unctuosum primò adhæret,
 quod deindè Mercuriali quâdam humiditate auge-
 tur, & nutritur. Prout autem non parùm in semine
 fœminino, quod semini masculino primùm misce-
 tur, deindè in humido terræ, quòd seminibus quoq;
 primum unitur, situm est, cum juxta ejus diversi-
 tatem, diversa mixta, & producta oriantur, pror-
 3. fus à naturâ feminis masculini interdum aliena,
 imò id quasi planè sopientia, & superantia, prout
 in fœmellarum productione videmus, ubi fœmini-
 num semen prædominatur, & partem feminis præ-
 cipuam delet, nempè virilitatem, quam in fœmi-
 neitatem mutat, & in seminibus vegetabilium vi-
 demus, quod etsi ab optimis locis afferantur, ta-
 men, cum succus terræ acidus sit, qui in primam
 mixtionem coit, tota planta mutabitur, licet nihil
 vel in calore, vel pluviam desit, optimeq; nutriatur,
 & licet mutationes aëris & Solis multum faciant,
 tamen transplantatio in proximis etiam locis obest,
 ubi neq; aëris neq; Solis mutatio notabilis esse
 potest, neq; de transplantatione arborum lo-
 quor, in quibus situs, & certa locatio observan-
 da, sed tantum de seminibus mentio est, & præser-
 tim in vitibus, ubi nonnunquam in mediâ vineâ,
 parvus & certus locus est optimum vinum profe-
 rens, eodem interim Sole, aëre, & fimo cum cæ-
 teris

teris & vicinissimis vitibus gaudens, cujus diversitas, terræ unctuofo balsamo attribuenda est, quod unctuosum humidum (quod alibi saponatæ naturæ esse demonstravimus) semini, in primâ mixtione adhæret, & quo reliqua terra caret, eò quod infra terram sulphuræ transpirationes ad hunc vel illum locum fortius dirigantur, ut suprà de motu subterraneorum, capite de scaturiginibus demonstravimus, & ut regressum ad animalia faciam, videmus unum & eundem canem masculum, imò hominem unum, cum hâc vel illâ caninâ aut sceminâ diversæ regionis coeuntem, diversæ figuræ & qualitatis proles producere, quæ diversitas manifestè interdum a sceminis provenit, ita ut & maculas, & colores, & pilos matris servant, imò etiam mores, hæc ergo cum in animalibus, & vegetabilibus procedere videamus, cur de mineralium mixtis non idem concludamus? nam quod diversa sint, ut aurum, argentum, cuprum, id non à femine, ut ita loquar, masculino, sed reverà à sceminino provenit, plurimum quoque à nutrimento, nam quo quis alimento nutriatur, plurimum interest, imò totum Embryonem, almentum nonnunquam tam in regno animali quam vegetabili alterare & ex seminali crasi, abducere potest, statuimus ergo mineralibus unam formam esse, sed diversas, ut ita loquar, matres, quarum semen ad alterationem formæ intrinsecæ, quæ subterraneorum perfectâ mixtio, & bonitas est, in puritate, & fixitate homogeneâ consistens, plurimum facit, taceo nutrimentum, cujus bonitas in perfectâ coctione consistit, ipsa etiam mixtionis proportio, quæ in feminis, utriusque & nutrimenti adæquatâ reactione

ctione consistit, plurimas diversitates in productis
 causat, & sanè, cum sufficienter demonstratum sit,
 nullam mixtionem fieri sine ordine & successu
 temporis, necessariò sequitur, in mineralium mix-
 to quiddam esse, cui deindè reliqua adhæreant, sive
 homogenea, sive heterogenea, nam multa mixtio-
 nem ingredi possunt, quæ non eò spectant, præfer-
 tim in mineralibus, videmus etiam id contingere in
 N. vegetabilibus, nam vites in Hungaria dari, filamen-
 6. tis auri obductas compertum est, & Chymicè au-
 rum præparari potest, ut vegetabilium mixta in-
 grediatur, ita ut folia eorum liquefacta aurum ex-
 hibeant, si quæ fides Glaubero, qui id in fine pro-
 speritatis Germaniæ recenset. Et in historiis legi-
 mus, nescio quo casu granum tritici in uterum cu-
 jusdam fœminæ, cum coitu viri incidisse, vel in-
 trusum fuisse, quod postea in matrice pullulare in-
 cepit, totumq; culmen, & grana ex sanguine for-
 mavit, mirâ in copiâ, & valdè turgido utero, unde
 fœminâ mortuâ & dissectâ, hic casus apparuit. He-
 terogenea ergo, mista ingredi posse certum est,
 præsertim mineralia, in quibus omnia superflua he-
 terogenea dici possunt, ut lapides, sulphur, fumi,
 terræ, aliaque, sed ut in circulum redeam, id pri-
 mum formans, cui reliqua adhærent, dici potest, in
 quo nempe reliqua capiuntur, & figuntur, id est,
 cujus formam accipiunt, hoc autem in mineralibus
 terram quandam lapideam esse, supra probavimus,
 ubi ejus naturam, & qualitatem descripsimus, su-
 perfluum judicantes hoc loco repetere, cum loco
 citato fusiùs eam indagaverimus, quod huic loco
 fundamentum superstrueremus, concludimus er-
 gò diversa mineralium mixta ab unâ tantum formâ
 pro-

procedere, & unius generis esse, diversitatem verò, ex admixtis reliquis duobus principiis provenire, de quibus loco jam citato luculentissimè, & vix non ad nauseam egimus, varios quoq; errores circa admixtionem heterogenearum partium, & in quantitate admixtorum contingere probabile est, unde mixta proveniunt, quæ diversa apparent, licet intrinsecâ mixtione reverà una eademq; sint, nam sicut canes canes sunt, licet infinitæ species, quasi in uno genere eorum sint, ita metalla omnia, metalla sunt, unamq; formam & basin pro fundamento habent, licet mixta, ob aliqua extranea accidentia (colores, malleabilitates, aut fixitates) diversa sint, de quibus in sequentibus uberius, ubi tantum extrinsecas & alterabiles qualitates esse, sufficienter demonstrabimus, sicut & quod reliquas subterraneas species attinet, quæ decompositæ vocandæ sunt, citato loco pertractabimus, sed de lapidibus idem, quod hætenus de metallis dictum esto, licet aliquam genericam diversitatem admittamus. Planetistas interim, qui cuilibet metallo seu cuivis minerali speciei planetam authorem, & causam formantem assignant, prorsus à nostra Physica relegamus, quorum aliqui ita impudentes sunt, etiam magni nominis aliàs viri, ut non erubescant publicè asserere, se in Planetis, cujuslibet metalli signum Chymicum videre posse, cum colore proprio metalli, miror quòd non etiam in sole leonem, in Marte Virum, in Venere scæminam, imò lupos & Salamandras viderint, quæ objecta quoq; mineralibus tribui solent, sed asinos potius vidisse credo, cum seipsos viderint, & talia simplici, & credulo populo prærudunt. Jam reliquum est, ut de mixtio-

nis tempore agamus, quod omne momentum est, nam sicut quâvis horâ animalia generantur & concipiuntur, deindè, ubi in locis orientalibus, nulla vel pauca aëris & Solis alteratio est, omni tempore vegetabilia crescunt, imò referente Barlæo, in Principis Mauritij expeditione in Brasileâ, in unâ interdum arbore, maturi, immaturi, florentes & decedentes, atq; ita contrarij fructus cernuntur, cur non etiam omni tempore metalla producerentur, præsentibus nempè partibus miscibilibus, hoc vero loco, non possumus non magnam mundo larvam detrudere, quàm simplices quidam Philosophastri, ut minerarum mixtionem & sibi & aliis gravem, tædiosam, & longam reddant (imò impostores quidam Alchymistæ, qui id arte præstare spondent, quod natura facit, quam ideò tam tardè operari mentiuntur, ut & illis patientia detur) credulis imponunt, nempè requiri longissimum tempus ad mineralium generationem, quod prorsus falsum esse jam ostendimus, cùm statuamus, mineralia, etiam perfectissimæ mixtionis, in instanti produci, præsentibus nempè principiis & requisitis, nam cùm mineralia, solâ accretione uniantur, & nullis insuper dissimularibus figuris, & formationibus, indigeant, quid vetat, quamprimùm partes conveniunt, & simul eas uniri aut coire accretione quidem non nudâ, sed tali, quâ sicca, & humida sese appetunt, quæ mixtio in momento fit, ut in decompositionis, & præcipitationibus videmus, ubi in momento vel uniuntur vel separantur, distinguendum ergò est inter materiam mineralium influentem, & inter influxam, de quâ jam loquimur, nam

N. non inficias inus, materiam influentem in ipsâ
 u. viâ di-

viâ digeri, & præparari, neq; ita temerarij & perficiæ frontis sumus, ut motum ejus, & influentiaæ tempus clepsydrâ metiri & definire audeamus, absit, sed interim certum esto, partes mineralium miscibiles, cùm conveniunt, in momento misceri, mixtumq; minerale in instanti perfici, quod ratio dicitur, & experientia, ratio quidem, quam ipse *Lullius* affert libro de quinta essentia, distinctione tertiâ, in ultima parte de questionibus, ubi ita scribit, si in Alchymiâ esset aurum, vel argentum, & substantivum vegetabile, & non aurificaret, aut argentificaret, & transmutaret primam quidditatem per primam localitatem, scientia falsa esset, ex eo, quia aurum & argentum, & potentia vegetativa, essent in aliquo actualiter, ubi eis propriè competeret, aurificare, & argentificare, & transmutare, quod tamen non facerent, quod esset contra cursum naturæ, quia sic sequeretur, quod esse posset aliquis locus in naturâ, ubi principia naturaliter possent esse vacua, quod natura sufferre non posset, quia esset contra suam definitionem, cùm natura sit id, per quod omne naturale sit plenum, hætenus *Lullius*, si ergo ex hoc & quidem valido bono fundamento, arti concedatur, quod habitis principiis, & requisitis, in momento debeat operari, quis idem Naturæ negabit, quæ multò diligentior est, & quidem Domina non serva, quod verò aliqui fixationem objiciant, his respondeo, eos nescire, quid per fixationem intelligatur, aut tales sibi ipsis contradicere, cùm statuunt, tincturam aurificam in momento Mercurium in fortissimum aurum mixtum figere, etiam antequam calorē ignis adhuc senserit, quem aliàs fugeret antequam tingeretur, cal-

calorem autem externi ignis, hujus fixationis causam esse, nemo dicet, tribuenda ergò erit tincturæ, quæ id naturali operatione perficit, alias scientia esset præternaturalis, quod absurdum esset profiteri, si jam arte facta in momento metalla figere possunt, cur non id ipsum etiam naturalibus principiis concedemus? præsertim ut postea in sequentibus docebitur, ubi causæ volatilitatis & fixitatis sufficienter expenduntur, nam ut ad experientiam veniam, notum est, unicâ olei vitrioli abstractione, volatilissima corpora, fixissima reddi, imò prorsus alias virtutes obtinere, ut reliqua fixationis principia taceam, de quibus suo loco, nulla ergò est ratio, cur principia non operentur continuò, si debito modo & loco conjuncta sint, quod verò unâ actione, Mineralium mixtio absolvatur, ratio est, quod mixtum minerale, longè diversum ab animali & vegetabili mixto sit, nempe simplicissimum mixtum, nullis effigiationibus, & diversis organis distinctum, sed prorsus homogeneous, quod una actionis periodo absolvi potest, tam suaviter ac velociter, ac

N. 12. magnes ferrum attrahit, seu calx aquam, aut argentum in aquâ forti solutum, & spiritu salis præcipitatum, vel oleum tartari spiritu salis perfusum undè in momento mixtum prodit, nullâ ignis vehementiâ, aut ullâ, quod sciam, arte rursus dissipabile. Et ut ad experientiam naturalem veniam, certè paucissimo tempore in homine, durissimæ mixtionis lapides generari, compertum est, & vidimus aquam ex cryptâ destillantem, vix terram attingentem, & jam in durum saxum lapidescentem. Adamantem, nemo non pro fixiori & perfectiori, ac fortiori mixto, quàm ipsum aurum judicabit, interim singulo triennio in eadem glarea generari, &

repe-

reperiri, ubi antea effossus erat, Indicarum rerum periti testantur, & metalla in locis convenientibus minerarum, paucò tempore, undè antea effossæ erant, nonnunquam regenerari, exempla testantur, legimusq; in Chronico minerali, Metallicolam quendam clavum suum ferreum in antrum reposuisse, cujus cùm oblitus esset, ac post mensis spatium repetiisset, accrevisse interea temporis instrumentum istud ad saxum, simul ex una parte, elegantiori ramosa argenti ex crescentiâ ferreo clavo adnatâ, quòd cùm à saxo liberaret, minerarum ejus loci præfecto pro singulari curiositate dono dedit, notæ & nobis quoq; variæ minerales decompositiones, fortissimæ mixtionis sunt, quæ quasi in momento procedunt, nemo tamen existimet, me talem instantaneam subterraneorum mixtionem ita ponere, ut nullam exceptionem admittam, nam & satis mihi notum est, partes miscibiles, nempe mineralium principia, non semper uno instanti, sed consequenter influere, undè cùm vel excessu aut defectu, imò etiam ipsâ qualitate depurationis & puritatis peccent, non ob influxum, sed ob influentiam, variæ Mineralium species, & abundantius imperfectiores quàm perfectiores nascuntur, imò quod clarissimus Dygbæus in antecedentibus allegatis de vegetabilium vegetatione ait, si quis omnes circumstantias consideret, quæ ad talem mixtionem requiruntur, vix crediturum, ex mille mixtionibus unam perfici, cùm econtrà Natura levissimo & placido modo fertilissima sit, ingentemq; subterraneorum copiam indefinenter proferat, atq; subtiles nostras speculationes, curas, & cautelas ludibrio habeat, nam sine vasis, vitris, destillationibus, caloris

N.
14.

gra- 15.

gradibus, ullo denique igne aut lampade omnes istas operationes perficit, felicius & frugalius quàm Alchymistæ, qui novem annis phœnicem suum coxerunt, in hoc autem, quod in tenebris, & in incluso negotium suum Natura subterranea perficiat, cum officina animali convenit, ità quòd cum ea extremitatem teneat, nam prout animalia subtilissima sunt mixta, ità ex opposito mineralia sunt fortissima & grossissima, utraq; autem in tenebris proficiuntur, vegetabilium verò mixtio, media inter animalem & mineralem est, unde quasi Hermaphroditica, partem extra terram, partem intra eandem absolvit, atq; ità ad utramq; mixtionem proclinat, tam animalem quàm mineralem, necessum autem est mineralia principia, in sua matrice, nempe semine proprio & receptaculo misceri, sed ubi ea convenient, ac quo loco ambientur, parùm refert, nam experientia testatur, subterranea, in primis metalla, extra mineras, sed habitis requisitis, misceri & produci, Historia pueri Silesiaci cum aureo innato dente etià nùm in controverso est, circa partem anteriorem cerebri, cujusdam metallicolæ, ramenta plumbi inventa esse, chronicon minerale testatur, & retulit nobis maximâ fide quondam noster Collega D. Rapp, Electoris Moguntini Medicus, se ex cantharidum alis, siccatis & pulverifatis, ac plumbo in capella liquefacto imbibitis, magni interdum pisi quantitate purum aurum accepisse, cùm tamen plumbum aliàs ne tantillum in se contineret, in auratarum vulgò *Forellen* capitibus aurum nonnunquam inveniri quidam testantur, herbas metalliferas dari certum est, præsertim si supra mineras crescant, in aëre plumbum augmenta.

mentari, & graviùs fieri Borellus Author, in aquâ metalla reperiri, quotidianum est, nec quasi possibile, omne per meatus subterraneos illuc ferri, cùm in arena aurifera etiam post elutionem, aurum regenerari, & quidem extra aquam quidam testentur, neq; ego video adeo implicare, si quis dicat, principia mineralium, si convenient, in ipsa etiam aqua sui simile producere, & in suâ mixtione per aquam non impediri, cùm indies saxa, & ipsos etiam pretiosos lapides in aquâ generari, nec eâ impediri cernamus, cùm aqua eorum compositionem non ingrediatur, in ipsis quoq; mineris, in aquâ metalla produci certum est, refertq; P. Athanasius Kircher, in arte magnâ lucis & umbræ, herbam, quæ in mediâ aquâ crescit, quod nos in Balthico mari vidimus, cum Nymphææ specie, quin imò Averroes scribit, *novisse se feminam in viciniâ cohabitantem, probis moribus & fidei integræ, quæ jurejurando confirmaret, concepisse infantem, semine ex balneo attracto, quod profudisset lascivians Masturbator*, recordorq; aviam meam, Spiræ, ancilliam habuisse, quæ noctu ex vase aquam biberat, in quam ranæ semen dejecerant, unde post tempus atrocissimos dolores passa, ventriculo tumefcente, tandem per vomitum sex vivas ranas ejecit, quod meo tempore Nobili cuidam Francoico cum serpentibus accidit, si ergo semina tam animalium quàm vegetabilium in aquâ non impediuntur, aut emoriuntur, quin virtutem seminalem retineant, quid mirum mineralium principia prioribus longè fortiora, cras in suam in aquâ non perdere, sed in eâ quoq; mixtionem suam absolvere. Ubiq; ergo metallum, & mineralia produci posse, si requisita necessaria adsint, nullum dubium est, in-

est, inprimis tamen loco consueto in mineris, sed & ibi certum locum, & situationem servare, Metallicolæ testantur, atq; horoscopio minerali, vulgò *Berg-Compass* observant, nempe juxta poli certam directionem, & quid mirum, Naturam certos fertiles ductus in omnibus mixtis servare, cum idem in animalibus videamus, quorum, una pars terræ præ alterâ feracior est, & fertilior. Reliqua, quæ de subterraneis dici poterunt, nempe de speciali mixtionis modo, formâ, & qualitatibus specificis, in sequentibus capitibus tractabimus, nunc hoc caput concludemus, si paucis circa diversitatem subterranearum specierum, analogiam cum reliquis duorum regnorum mixtis & differentiis instituerimus, ut nihil intermittamus, quod ad plenam prædictorum cognitionem pertinet.

Sectionis quartæ Caput septimum Analogiam præcedentium trium mixtionum exhibet.

SYNOPSIS.

- N. 1. *Comparatio inter semina.* N. 2. *nutrimenta.*
 N. 3. *Excrementa.* N. 4. *perfecta corpora utriusq; sexus.* N. 5. *imperfecta corpora.* N. 6. *decomposita.* N. 7. *corpora amphibia, Zoophyta, Zoomineralia, & phytomineralia.* N. 8. *diversitas specierum.* N. 9. *productio mineralium fit suaviter, & continuè, ejusdem historia, & processus.* N. 10. *lapidum Genesis.* N. 11. *imperfectorum mineralium historia.* N. 12. *decompositorum origo.*

TEXTUS.

T E X T U S.

P*rimò*, in animalibus & vegetabilibus spermata, N.
 & semina dari certum est, quod & in minerali 1.
 regno præsertim in eorum principiis, de quibus Se-
 ctione tertiâ egimus, videmus. *Secundò* in animali N.
 & vegetabili regno nutrimenta dantur, in animali 2.
 sanguis, in vegetabili pluvia, ità etiam in minerali
 nullum dubium est, ea vapore minerali nutriri, ut
 in Sectione tertiâ capite quarto docuimus, cùm de
 terrâ Mercuriali ageremus. *Tertiò* in animalibus, N.
 & vegetabilibus excrementa quoq; sunt, tùm in 3.
 quibus generantur, tùm quæ jam generata rejici-
 unt, ut in animalibus, amnion, umbilicus, sudor, uri-
 na, &c. in vegetabilibus folliculi, receptacula, the-
 cæ, siliquæ, volvuli, vascula, loculamenta, &c. in
 mineralibus quoq; talia dari, in variis terris, gla-
 reis, tophis, fluoribus, & recrementis, ut squamis,
 scoris, paleis, floribus, aliisq; videmus. *Quartò*
 tam animalia quàm vegetabilia perfectà corpora N.
 producant, sed duplicis speciei, nempe masculinæ 4.
 & fœmininæ, ità in subterraneis metalla, & lapi-
 des perfectæ species sunt, sed metalla masculi, la-
 pides fœminæ locum obtinent, quòd illis ad per-
 fectionem tertia terra plenè desit, quæ metalleita-
 tem, & quasi virilitatem dat, ut loco superiùs cita-
 to notavimus, & sequenti sectione ulteriùs notabi-
 mus. *Quintò*, in animalibus nonnunquam Natu-
 ra imperfectos fœtus producit, sive abundantia, N.
 sive defectu membrorum peccantes, ità videmus 5.
 homines, qui quâvis manu sex, alii duos digitos
 tantùm habent, quidam planè apodes, alii poly-
 podes sunt, & in vegetabili regno, natura pluri-
 mum

mum interdum aberrat, hinc fructus vel justò pauciores vel plures, majores, minores, sine cute, nucleo, mox in utroq; abundantes, & hoc etiã in magnitudine, & parvitate accidit, hinc arbores pygmæas, nihilominus majores fructus proterentes, vidimus, ità *Mespilorum* surculos, inverso ordine, quã parte tenuissimi sunt, trunco suo insitos, cum progerminant, è loco suo naturali abscissos, atq; ità pedibus quasi in altum protensos, succoq; per caput attracto, fructus semine suo naturali, atq; nucleis carentes proferre, author est junior *Helmontius* in *Alphabeto naturæ*, talia ergò imperfecta mixta quoq; in mineralibus dantur, cum principia inæquali proportionè inter se conveniunt, hinc varia producta, ut Antimonium, Bismuthum, Zink, Maicaitha, Magnesia, Kobolthum, quæ in nullã re cum metallis differunt, cum communia cum illis principia habeant, sed inæqualiter mixta, hinc alia fluida, alia sicca nimis, alia porosa, compacta, malleabilia, friabilia, volatilia, fixa, sed in omnibus istis qualitatibus vel abundantia, vel defectu peccantia. Sextò inter animalia quoq;

N. 6. decomposita dantur, quæ si excedant, monstra vocantur, ut cum asinus cum equa coit, mulus prodit, & cum sive bestia cum hominibus, sive homines cum bestiis, coeunt, diversa monstra producantur. In regno vegetabili, studio & arte variæ transplantationes causantur, atq; insitiones, inde mixti, & varii decompositi fructus. Inter mineralia ergò varia quoq; decomposita dari certum est, quæ duplicia sunt, aliqua magis naturalia ut sulphur, Arsenicum, realgar, cinabrium, argentum vivum, alia verò à statu naturali mineralium longius remota, ut Vitriolum, Alumen, Borrax, & similia.

Septimò

Septimò prout inter animalia, amphibia, inter ve- N.
getabilia Zoophyta dantur, ità inter subterranea 7.
Zoomineralia ut margaritæ, conchyliæ & testacea
omnia, & phytomineralia dantur, ut succinum, co-
rallium, ligna lapidescentia. Octavo & ultimò in re- N.
gno animali & vegetabili quælibet species innume- 8.
ros gradus suæ perfectionis habet, ità in minerali-
bus quælibet species pro mixtionis accidentiis, &
principiorum qualitate, & puritate variat, nam ipsum
etiam aurum & Adamas variis speciebus inveniun-
tur, quarum semper una alterâ perfectior existit.
Atq; ita analogiam absolvimus, quam mineralia
cum animalibus, & vegetabilibus habent, ut spe-
ramus Lectori non ingrati futuram: jam ordo
postularet, ut nonnulla de mixtionis, & produ-
ctionis subterraneæ ordine differeremus, quoni-
am vero de eâ multum in Sectione de eorum prin-
cipiis, & Sectione de principiorum motu egimus,
supervacaneum foret, quæ jam dicta sunt repe-
re, hoc unicum addere voluimus, ut lectorem per-
suadeamus, totam subterraneorum mixtionem, N.
& productionem blandè & suaviter, ac simpliciter 9.
fieri, imò continuè, metalla quidem generantur
in lapidibus, de quibus superius egimus, hos lapi-
des fumi minerales (de quibus capite tertio &
quarto in eadem Sectione actum) involant, & pe-
netrant, quod Metallicolæ einwittern vocant,
quamprimum ergò lapidem penetrare, seq; in eum
recipere conantur, tunc lapis vario pictorum colo-
re tingitur, pro naturâ influentis fumi, spiratq; la-
pis sulphureum odorem, tandem cum propor-
tio penetrantium fumorum ad justam temperiem
devenit, obducitur lapis in quibusdam partibus,

imò interdum in totum, folio metallico, quod Metallicolæ *gediegen Alerh* vocant, cæterum ut influendo metallum generatur, ita cum maturum est, nî excidatur, siq; fumi influendo continuent, rursûs influxum metallum extrahunt, secumq; rapiunt, vacuum relinquentes, & porosum lapidem, quem Metallicolæ *ein todt Metall* vocant, non una autem qualitate hi fumi involant, sed diversâ, hinc in uno lapide varij generis plerumq; metalla reperiuntur. Lapides & intra & extra terram generantur, ex duobus primis fumis, de quibus in antecedentibus mentio facta, qui resoluti in liquorem primò mucescunt, tùm lentè ficcantur ex natura suâ, ita ut cerâ tractari queant, tandem durefcunt, & deniq; indurefcunt fortissimè, ita ut nullo nisi proprio liquore resolvi queant, & quicquid heterogenei in istud mixtum venit, simul lapidescit, Diaphaneitas verò lapidum ex puritate liquorum venit, opacitas ex admixta calcis terrâ, quæ mixtum incurrit, colores pro ratione secundi principii cum metallis ejusdem naturæ sunt, imperfecta mineralia ut Antirronium, &c. generantur eodem modo, quo metalla, nisi quòd principia inæqualiter misceantur. Decomposita ut sulphur, arsenicum, cinabrium, argentum vivum, ex metallis, & tam perfectis quàm imperfectis mineralibus fiunt, si principia subterraneorum remotiora ut nitrum, sal, agens sulphureum, seu acidum universale, & similia cum eis misceantur, eaq; in novam mixtionem, & decompositionem resolvant. Quod etiam intelligendum est de remotioribus decompositis, vitriolo, alumine, & Borrace, quorum mixtionem, aqua, solvens,

vens acidum, & terræ five metallicæ five lapideæ ingrediuntur, quæ invicem mixta novas compositiones producant, etsi prioribus longè imperfectiores faciliusq; dissolubiles, quo enim quiddam magis à statu naturali remotum est, hoc plus etiam alteratur, ac corruptibile est, quod in his decompositis videmus, quæ solâ destillatione dissolvuntur, cùm econtrà metallorum & lapidum composita & mixta fortissima sint. Et tantum de mineralium mixtione, plura in sequentibus.

Libri Primi Sectio Quinta De mixtorum solutione.

Sectiōis quintæ Caput primum
De Solutione Animali, quæ
Putrefactio est.

SYNOPSIS.

N. 1. *Quòd animalium & vegetabilium cognitio ad subterraneorum notitiam faciat.* N. 2. *Non modo mixtionis, sed & solutionis historia ad plenam subterraneorum cognitionem requiritur.* N. 3. *Qualis ordo in petraetandâ solutione servandus.* N. 4. *de Animalium Solutione principium sumendum.* N. 5. *de harmoniâ trium mixtionum, & solutionum.* N. 6. *solutio opponitur mixtioni ex contrariis principiis.* N. 7. *de differentiâ Solutionum, & quæ in continuo solvi dicantur.* N. 8. *de Solutione totius, in specie de putrefactione, cur*

principaliter animalibus tribuatur. N. 9. Quo sensu putrefactio actio præternaturalis vocetur, & generationi opponatur, quomodo autem respectu aliarum Solutionum naturalis sit, comparatio putrefactionis cum combustione. N. 10. effectus putrefactionis, & opposita effectui. N. 11. Historia putrefactionis, & regenerationis plantarum. N. 12. de seminis potestate circa putrefactionem. N. 13. rarefactionis & condensationis vis circa putrefactionem. N. 14. de Diaphoreticorum, Alexipharmacorum, & putredini resistentium naturâ. N. 15. de confortatione humidi radicalis, & de veneno. N. 16. recta methodus medendi circa putrefactionem. N. 17. de putrido contagio, quod ex astris, & per Cometas venit. N. 18. de infectione. N. 19. de imaginationis vi circa infectionem, nec non de causis internis putrefacientibus. N. 20. Historia putrefactionis in animalibus. N. 21. defectus influentis spiritus vitalis, putrefactionis causa est, quot modis intercipiatur. N. 22. de vulneribus, eorumq; putredine. N. 23. duplex & specialis causa putrefactionis. N. 24. de foetore, & emanatione ac transpiratione putridorum. N. 25. Aeris vis circa putrefactionem. N. 26. aquæ operatio circa putrefactionem. N. 27. causæ primaria & secundaria putrefactionis. N. 28. præservantia à putredine. N. 29. Indorum cura vulnerum, ubi de vi aeris circa vulnera. N. 30. de diæta vulneratorum. N. 31. de specificis quibusdam Sarcoticis. N. 32. de vitrioli vi medica. N. 33. de sacchari potestate. N. 34. de periculoso salis abusu, & potestate circa putredinem. N. 35. Sacchari prævalentia præ sale communi. N. 36. de usu adstringentium in putredine. N. 37.

de fine

de fine putrefactionis. N. 38. de mediis ad finem, de
 saniei & puris productione. N. 39. differentia in-
 ter fermentationem & putrefactionem. N. 40. de
 effectu putrefactionis. N. 41. redactio corporum in
 terram, digressio ad saniem, pus, & vermes. N. 42.
 quæ cito putrescant. N. 43. attractio vermium ex
 vi attractivâ aeris. N. 44. Panspermia in aere, &
 de differenti modo eam attrahendi. N. 45. carnes
 in vacuo P. Valeriani M. putrescunt. N. 46. ver-
 mes in prefato vacuo crescunt, sed non animantur,
 nisi per aerem liberum. N. 47. de muscis aceti, &
 vermibus casei. N. 48. de interitu insectorum, eo-
 rumq; diversitate. N. 49. de formis, earumq; in-
 separabilitate, indivisibilitate, & interitu. N. 50.
 cur Aristotelicorum aliqui subtiliter philosophen-
 tur. N. 51. de reductione vermium in terram nitro-
 sam. N. 52. de terrâ mortua nitri, ejusq; vi attra-
 ctiva. N. 53. de consumptione terræ. N. 54. cur cæ-
 meteria mole suâ non augeantur. N. 55. de tempore
 putrefactionis & processu. N. 56. de differentia pu-
 trefactionis. N. 57. de corruptione, in quo differat à
 putrefactione. N. 58. de formæ externæ corruptione.
 N. 59. quomodo mineralia corrumpi dicantur. N.
 60. mineralia in omnibus Elementis corrumpun-
 tur, non tamen citra novam decompositionem. N.
 61. lapidum corruptio. N. 62. quo sensu subterra-
 neorum corruptio accipienda sit. N. 63. mortifica-
 tio, in quo differat à putrefactione. 64. metalla
 mortificationi subjecta sunt. N. 65. mortificatio
 fit in instanti, & successivè. N. 66. cur metalla mo-
 re communi putrescere nequeant. N. 67. de Philo-
 sophicâ metallorum, & naturali putrefactione, quæ
 metallorum regeneratio est.

TEXTUS.

HAdenus quidem de principiorum mixtione
 egimus, eo fine, ut solido pede mineralium ge-
 N. nealogiam accuratiùs attingamus, nam quemad-
 1. modum, si domum vel fundum emas, inter cæte-
 ra considerandum erit, quibuscum agas vicinis &
 proximis cohabitatoribus, ità dum de mineralium
 mixtione egimus, necessum erat, ut & animalium,
 & vegetabilium mixtionem exponeremus, quo una
 alterius naturam, analogiam, convenientiam, & diver-
 sitatem ex relatione & contrapositione explicaret, quæ omnia, ut dictum est, eo fi-
 ne facta sunt, ut natura mineralium eo melius no-
 bis innotescat, quod quidem ex compage, & mix-
 turâ eorum, ante omnia clarum esse potuit; nam
 N. quemadmodum ad perfectam horologiorum do-
 2. ctrinam & scientiam, primò quidem, sed non solum
 requiritur, ut quis combinatum & constructum ac
 perfectum horologium dissolvat, singulasq; par-
 tes, exactiùs consideret, tum rursus combinet, nam
 prout nemo, qui ullum horologium nunquam vi-
 dit, ejus disjunctas partes conjungere, & combi-
 nare poterit, ità nullus conjunctas partes ejus dis-
 N. solvere, & exactè cognoscere poterit, nisi ipse ho-
 3. rologium à capite ad calcem, ut dici solet, dissolvat,
 reuniatq;, cum itaq; hucusq; de corporum mix-
 tione & conjunctione egerimus, non sine utili-
 tate erit, si de eorum solutione, & solutionis relatio-
 ne, analogiâ, & discrepantiâ nonnihil hoc loco aga-
 mus, atq; solutiones corporum consideremus, qua-
 tenus nempe mixtionibus & cohæсионibus oppo-
 nuntur, hâc enim in parte potior Chymicæ & Phv-
 sicæ

ficæ pars, nempe totius nobilissimæ spagyricæ studium versatur, in quo, quantum ad propositum nostrum facit, pertractando, ordinem servabimus, quem in præcedentibus 4. capitibus tenuimus, nempe à subtilioribus ad fixiora, à remotioribus ad propiora, à communioribus & notioribus ad secretiora, paucis ab animalibus & vegetabilibus ad mineralia, eorumq; solutiones, quasi gradatim, & solidâ consequentia procedendo. Hoc ergo capite ab animalium solutione exordium auspicabimur, licet succinctè & breviter, nec ex professo, nisi N. quantum ad instituti nostri telam facit. Prout tres 4. mixtiones statuimus pro triplici regno, & Animalium mixtionem generationem, Vegetabilium vegetationem, & mineralium mixtionem, accretionem, seu animale, mixtionum unionem, alteram coagulationem, tertiam fixationem vocavimus, ità tres quoq; solutiones heic loci proponimus, nempe putrefactionem, fermentationem, & liquefactionem, quorum primam animalibus, alteram vegetabilibus, tertiam mineralibus tribuimus, solutiones autem hæ, ex eadem causa proveniunt, ex quali mixtiones, sed contrariâ, interim tamen rarefactio & condensatio instrumentum, & resolutio humidi & sicci, seu terræ & aquæ disjunctio, earum fundamentum est, de quibus sub axiomatum titulo, superius actum, & cum ex N. his mixtio originem trahat, sequitur ex eodem 5. quoque fonte solutiones provenire, nempe aliqua in continuo, alia in toto solvi, in continuo 6. seu in quantitate solvi dicuntur, quæ in diversam gravitatem rediguntur, & statum suum aut figuram mutant, ut cum à marcâ argenti, media pars separatur.

tur, seu brachium à corpore refecatur, nam prout in corporibus, ubi partes dissimilares sunt, eadem cum similaribus totum constituunt, ita cum corpus ex partibus purè similaribus constat, quælibet ejus particula, quocunq; respectu pro toto habebitur, nam uncia plumbi, aut minima atomus plumbi, æquè totum vocari potest, quàm centenarius plumbi, & cum ejusmodi particulae dividantur tum dicuntur in continuo solvi, non respectu sui, sed respectu nostri & propositæ quantitatis, verum de hac solutione continui, sufficienter in nostro Oedipo Chymico egimus, quò Lectorem remittimus, hoc loco de istis solutionibus loquimur, quæ Physicè corpora resolvunt, eorumq; statum & in quantitate, & in qualitate simul mutant. A putrefactione ergò principium auspicabimur, quam animalibus tribuimus, & propriam facimus, non quòd vegetabilia non æquè putrescant, quàm animalia, sed quod in termino naturali, animalium primum & ultimum sit putrescere, seu putrescere, vegetabilia verò plerumq; ante putrefactionem fermentant, & accescunt, deinde putredo animalis longè fortior est quàm vegetabilis, ob subtiliores spiritus, propriè ergò in animalibus putrefactio, in vegetabilibus verò impropriè seu minùs perfectà vocabitur, potius aliqua corruptio, putrefactioni tamen analogà, nam prout in animalibus quoq; fermentatio datur, præsertim in sanguine, quæ tamen potius ebullitio, aut ejusdem rarefactio quàm formalis fermentatio vocanda est, ita se habet vegetabilium corruptio, si cum animalium putrefactione conferatur, cum itaq; à potiori semper sumi debeat denominatio, hoc capite de animalium putrefactione agemus,

genus, ad quam vegetabilium corruptionem rela-
 turi sumus, & in sequenti capite, de fermentatione
 verba facturi erimus, sed ita, ut animalium ebulli-
 tionem, fermentationi analogam quoq; eo traha-
 mus. Putrefactionem ergò quod attinet, sciendum
 est, eam quidem actionem præter, seu contra Na-
 turam esse, quia corpus de naturali suo statu dedu-
 cit, & immutat, sin verò respectu aliarum præter-
 naturalium solutionum consideretur, valdè natura-
 lis deprehendetur, nam combustio seu calcinatio
 per sortem ignem, quæ corporibus accidere solet,
 licet putrefactionis species, eidemq; analogæ sit, ta-
 men artis est & violenta, cum econtrà illa calcinatio,
 quæ per putrefactionem fit, non modò blandior sed
 & longè alterius statûs sit, in utraq; tamen corpora
 ad extremum resolvuntur, totiusq; mixti energia
 & crasis resolvitur, deindè etiam omnia combusta,
 & putrefacta in fine sicca, & terrea reperiuntur, li-
 cet in principio toto cœlo inter se discrepent, ut &
 in medio, combustio n. in principio, mediante igne,
 corporis partes rarefacit, & subtiliores secum à
 corpore rapit, putrefactio econtrà in principio
 corpus humectat, aëremq; & humiditatem vicinam
 attrahit combustio in medio fuliginem, & carbones
 producit, ut & flammam ac fumum, sed omnia i-
 gneæ naturæ, putrefactio in medio suæ operationis
 saniem, pus, vermes, & fœtorem ab exhalantibus
 rarefactis & putrefactis atomis procreat, quæ o-
 mnia humidæ sunt temperiei, combustio in fine o-
 mnia in cineres redigit, siccissimæ, & igneæ, imò si
 sal alcali, quod inde elicitur, species, causticæ naturæ,
 putrefactionis autem finis est terra & quidem ferti-
 lis, & ad hanc terram à natura inclinamus, manda-
 te di-

to divino, *terra es, & in terram reverteris*, ex quo manifestè liquet, reductionem in terram, quæ putrefactionis ope fit, naturalem actionem & inclinationem esse, unde etiam contingit, quod nisi summè impediatur, in vivis adhuc corporibus incipiat, ut in grangrænâ, sphacelo, scorbuto, lue gallicâ, febribus putridis, peste, aliisq; generis humani hostibus indies videmus, non itaq; inutile erit, si hoc loco paulo uberius de putrefactione differamus, & quibusnam de causis & impedimentis promoveatur, aut impediatur, indoctos edoceamus, cum non modò

N. Phyfici sed & Medici ac Chyrurgi non pauca inde
 10 fundamenta trahere queant. Effectus ergò putrefactionis est corporis resolutio, cui opponitur ejusdem conservatio in mixtione & cohæsione suâ naturali, quam ex semine ortam esse in antecedentibus diximus, seminis autem animalis qualitas, magnam analogiam cum vegetabili semine habet, quod in antecedentibus demonstravimus, quasi extractum ex omnibus plantæ substantialis partibus esse, ità ut meritò ejus *esse* aut *essentia* vocari queat, quod cum consistat ex unctuosò humido seu humido radicali, cui balsaminum quoddam calidum innatum est, sequitur hujus unctuosi humidi statum & conservationem in gradu naturæ suæ congruo consistere, & per consequentiam præsertionem à putredine esse, id namq; manifestè in plantis conspiciamus, quarum semen unctuosum est, & pingue (pro ut omnia semina vegetabilium) quod ex terrâ tantum humiditatis attrahit, eidemq; unitur, & miscetur, quanta justæ proportioni ad conservandam, & ex tali mixtione proferendam suam ac faciendam particularem speciem, conducit, & in hac mixtione,

N.
 11 ante-

antequam ad requisitam proportionem veniat, nullâ humiditate, etiam maximâ & continuâ pluvîâ non impeditur, tanquam materiâ sibi amicâ & compatibili, cùm verò ad justam mixtionem perventum fuerit, si vel unicâ nocte plus justò pluât, illico retrò agere incipit, & humiditas, quæ antea ad alimentum inferviebat, & ut respectu feminis, passivam se habebat, jam agens esse, & unctuosi feminis substantiam, diffundere ac colliquefacere incipit, eò quòd unctuosa feminis substantia, superflua & præternaturali aqueæ quantitati resistere nequeat, undè ab eâ vincitur, & resolvitur, sed, prout in hac mortificatione quælibet humiditatis particula, ab unctuoso semine imbibita & tincta erat, ut quælibet unctuosi feminis pars, seu tota forma in qualibet humiditatis particulâ informis lateret, licet mortua & sepulta, inefficax ac diluta, ita, cùm Solis calore & ope partes humidæ, justò plures, rursus abstrahuntur, earum verò partes terreæ tanquam crassiores, & graviores, unctuosi feminis partibus, quæ jam quoque rursus concentrantur, adhærent, eas multiplicant, atque ita conjunctim, tractu temporis in aquam reagere incipiunt, ejusque majorem quantitatem quàm antehac vincere, & coagulare queunt, undè vegetabilium eorumque seminum infinita quasi multiplicatio, & augmentatio oritur; Et hic quidem est continuus naturæ processus, quo ex putredine & tali luctâ novam regenerationem cum multiplicatione & lucro profert, ex quo omnimodè concludendum est, totam energiam, & conservationem mixti, ex unctuosâ humiditate feminis dependere, atque pro

pro ejus alteratione quoq; alterari, quo magis ergo feminis crasis alterabilis est, hoc alterabilia, & putrescibilia etiam existunt corpora, alteratio autem feminis ex primis mixtionis principiis, de quibus sectione quartâ capite tertio egimus, oritur, nempe extrinsecè per rarefactionem, & condensationem, intrinsecè verò per siccum, vel humidum, id est, per particulas vel terreas, vel aqueas, si ultra proportionem, ac mixti crasin influant, nam cum earum continuo affluxu, corpora & humidum radicale, nutriri ac conservari certissimum sit, etiam non dubitandum erit, toti animali mixto multas vicissitudines impingi, nempe pro influentium particularum naturâ & statu, vel enim in summo gradu raræ sunt, unde maximæ totius corporis exæstuationes, vel prorsus densæ, sanguinemq; constringentes, prout in peste, & febribus petechialibus non raro in praxi vidimus, etiam in malignis variolis & morbillis, ubi magno labore, & multis corporis partibus tentatis, nullâ venæ sectione sanguinem haurire potuimus, deindè etiam particulæ cum nimis terreæ vel humidæ sint, plurimas corpori noxias alterationes imprimunt, ut in scorbuto, lue venereâ, aliisque contagiosis morbis, præsertim in peste videmus, ubi antequam, ejusmodi particulæ vel digerantur, aut expellantur, aut quocunq; modo cum naturâ concilientur, plurimi interdum ægri moriuntur, præsertim cum tales particulæ totâ plerumq; substantiâ contra naturam sint, tantaq; copiâ affluant, ut vitæ fontem deleant, nisi summâ industriâ, vi, & cautelâ superentur, quare in ejusmodi malignis morbis,

14. diaphoreticis ordinariè alexipharmaca miscen-

tur,

tur, diaphoreticis quidem opus est, ut si sanguis densetur, aut narcotico, venenoso, soporifero spiritu repleatur, quod plerumq; in peste contingit, & quidem pessima ejus specie, ut quæ ægros omnium prima sopiat, & interficiat, ut inquam tales supernaturales vapores rarefiant, atq; ita expelli queant, sin verò sanguis, nimium raris particulis infestetur, ut eò citius poris cutis rarefactis, expellantur, quod hoc in statu citò contingit, alexipharmaca autem adduntur, ut natura confortetur, nam meâ quidem opinione, nullum alexipharmacum, venenum pellit, nisi temperando, quod alexipharmaca particulas contineant animali mixto, cum in bono statu est, prorsus homogeneas & æquales, quibus proindè augmentando subveniunt, & malignas temperando vincunt, & hæc est ratio, quòd plura alexipharmaca inveniuntur in regno animali quàm vegetabili, & minerali, *natura namq; magis natura gaudet*, cum ergò par- N.
 ticularæ seminales seu humidum radicale unctuosum, 15.
 suis homogeneis particulis augetur, necessariò sequitur, id ipsum confortari, & adjutum sudoriferis, heterogeneas eo faciliùs expellere, aut ad ignobiliores circumferentiæ partes extrudere, aut prorsus alterare & miscere posse, nam cum ejusmodi particulæ vel ex frontibus raritatis & densitatis, vel ex terræ & aquæ naturâ, & intemperie, procedant & peccent, quis dubitet, eas temperari, & in statum naturalem, ac animali mixto convenientem per contraria duci posse, cum constet, ex quâvis carne, per intemperiem arte causatam, lethale venenum præparari posse, quòd factâ contrariâ operatione, rursus in medicinam & statum temperatum reduci

- reduci potest, modus quoq; nobis notus est, omnia venenosa animalia, eorumq; venena in momento in bonam medicinam convertendi, quare dubium nullum est, quemadmodum in moralibus magnæ utilitates ex persecutionibus veniunt, ita magna quoq; medicamenta ex venenis parari posse, & hæc est recta & naturalis methodus medendi, ut nempe materia peccans convertatur in materiam alibilem, & quæ alias ob damnum ejici debebat, ob commodum retineatur, ita, ut quod venenum erat, in nutrimentum convertatur, quod quidem non adeò difficile erit in praxi, si consideremus, quàm levi & occasionali de causâ, contrarium in particularum talium rarefactione & exaltatione accadat, unde in statum intemperatum & venenosum rediguntur, quod multis modis fieri potest. *Primò* quidem per ignem astralem, nempe cometas, qui cum ex unctuosiss & sulphureis halitibus consistant, multoq; tempore ardeant, donec deflagrent, dubium nullum est, quin quasi innumeras myriades atomorum in aërem, & exinde in corpora mittant, & planè non mirum est, posse unico cometâ vel maximam mundi partem infici, si consideremus, quam pauca fermenti quantitas, ingentem liquoris copiam fermentet, & ad rarefactionem excitet, quæ fermentans rursus aliam, & sic totum oceanum fermentans rursus aliam, & sic totum oceanum fermentare posset, si subiectum fermentabile sit, cum itaq; cometæ per longum tractum in aëre ferantur, facile ubiq; eum incendunt, & præter modum rarefacient, qui in sublunaria agens, & à viventibus attractus, facile multas hominum myriades inficere potest, & ita formalis & universalis pestis seu infectio contingit. *Secundò*, ejusmodi parti-

particulæ vario quoq; modo alterantur, per putridas emanationes corporum sive vivorum sive mortuorum, hinc multi morbi contagiosi, refertq; *Pancirollus in observationibus*, vespillonem ex aperturâ cujusdam sepulchri, mortuum esse, præsertim cum cadavera insepulta jacent, nihil enim magis inficit, quàm cum aër iisdem inquinatur. *Tercio*, ipsa animæ N.
18. seu imaginationis vi, ejusmodi corpuscula quoq; in homine excitari posse, certum est, cum homines notabiliter, sive ita, lætitiâ, aut mœstitiâ, alterari videamus, atq; ita suspendio, aliisve cruciatibus afficiendos, manifestè videmus toto corpore ex metu languescere, & pallere, qui cum impositâ pœnâ liberantur, illicò quasi reviviscunt, animumque resumunt, & talis imaginatio pestis tempore, ipsâ peste deterior est. *Quarto*, in ipso quoq; cor- N.
19. pore causæ moventes dantur, quæ partium putredini occasionem præbent, ut sunt sanguinis aciescentia, ut in scorbuto, & leprâ, de quibus inferius, vel amarescentia, aut dulcescentia, ut in febribus calidis, deindè ex vario, & diverso victu, unde tetri interdum vapores exsurgunt, qui, quo feruntur, corruptiones & putredines causant, ante omnia autem obstructio venarum, viarum & ductuum, apostemata, & abscessus causat, & quoniam talium status, quia suppurantur, se prorsus assimilant solutionibus continui externis, nempe scissuris, puncturis, vulneribus, adustionibus, in quibus sanies & pus generatur, intus vermes, & tandem, ut in cadaveribus videmus, ex his ultima mixti solutio sequitur, & reductio in terram, sic, ut unâ fidellâ duos parietes dealbemus, pro conclusione hujus capitis ac curatiùs examinabimus

bimus, quomodo occasione vulnerum, seu quâ-
 cunq; solutione continui sanies & pus, ac vermes
 generentur, deindè quâ ratione cadavera putre-
 N. scant. Putrefactio autem contingit quotiescunq;
 20. balsaminus sanguinis spiritus impeditur, ne partes
 nutrire, & in eas influere queat, nam sanguini oc-
 cultum, & subtilem, ac valdè balsaminum spiri-
 tum inesse, spiritui ardenti in vegetabilibus analo-
 gum, nemo dubitet, cùm arte ex sanguine quocun-
 que, præparari possit, balsaminum autem voco,
 quia oleosus est, quod non incredibile erit, si con-
 sideremus, siccum sanguinem in igne ut lardum
 flagrare, & absumi, non minori celeritate quàm
 ipsum oleum, aut vini spiritus, & in hoc quidem
 balsamino spiritu & igne, totius sanguinis vis & bo-
 nitas consistit, quoq; corrupto aut alterato, to-
 tius ejus crasis alteratur, hic ergò spiritus cùm in-
 tercipitur, ne influere queat, absentia suâ putre-
 factionem causat, omnes enim, & carnis & san-
 guinis, & reliqui corporis partes, cùm eò desti-
 tuuntur, illico putrescunt, meritò ergò calidum in-
 natum, perpetuò in omnes partes influens, imò
 igneum ens, & stellarum essentiam, hunc balsami-
 num spiritum vocare possemus, aut ignem Natu-
 ræ, prout à quibusdam nuncupatus fuit, unde au-
 tem originem trahat, & quomodo ex aëre suum
 nutrimentum, & conservationem acquirat, pro-
 lixum foret hoc loco, exponere, cum non uni-
 versalem sed particularem, & quidem mineralem
 N. tantum Physicam scribamus, hoc verò ad præsens
 21. propositum faciet, si paucis consideremus, quo-
 modo interceptatur, & quid ex ejus interceptione,
 exclusionem, aut totali absentia, extinctione & suf-
 foca-

focatione sequatur, variis autem modis intercipitur, primò causis internis, cum viæ & meatus obstruuntur, per quos influit, nempe ipse sanguis crassus, & viscidus, ac lentus redditur, quod in peste, scorbuto, lue gallicâ, aliisque morbis contingere diximus, deindè cum sanguis per fortiores revulsiones ab uno vel altero membro revocatur, & revelitur, nam sic partes sanguine, & ejusdem infito spiritu privantur, & emoriuntur, prout non ita pridem heic Monachii exemplum in Illustri & Generoso Domino de Preysing habuimus, qui justo violentius purgationibus evacuatus, unius pedis mortificationem, aut sanguinis ab eo revulsionem passus est, ita ut pes post paucos dies emori, tandè in gangrænam abire, æger verò Cælum petere inceperit, contingit autem talis interceptio quoque causis & quidem plurimis externis, nempe cum caro fortius comprimitur sive digitis, quod *pfeßen* vocant, sive strictioribus ligamentis præsertim tibialium circa genua, exindè enim sæpius partes emori, & gangrænam secutam esse, experientia testatur, ante omnia N. autem vulneratione, & partium solutione intercipitur, cum partes quovis instrumento læduntur, & disjunctuntur, ut cæsura, punctione ictu, conquassatione, combustione, ita enim fibræ, ex quibus caro in universum consistit (si accuratè examinetur) & per quas præfatus spiritus animalis influit, læduntur, atque ita influens spiritus in suo ordine impeditur, & intercipitur, ut in vulnus, & partes, quæ in vulnere sunt, recto ordine influere nequeat, quare tales intermediae sive abscissæ sanguinis, ossium aut carnis partes, meritò emoriuntur, & putrescunt, cum à sanis partibus & quidem præfato balsamino

- spiritu separatæ existant, in saniem ergò & pus resolvuntur, donec decidant, & sanæ partes cœniri queant, mediante intrinseco glutine nempe balsamino isto spiritu, sanguini enim magnam coalescendi vim inesse, in venæ sectione videmus, ubi vena per se coit, & redunitur. Duplex ergo putrefactionis causa existit, prima defectus influentis balsamini spiritus, altera ambientis aëris & corpusculorum ibidem contentorum influentia quæ evenit, ut partes spiritu vitali balsamino destitutæ, quo antehac ab omni externâ causâ defendebantur, & præservabantur, jam ab ambiente aëre (aliisq; circumstantiis) influentiam & actionem patiantur, quicùm humidus - calidus sit, particulas putrescibiles abscissarum seu emortuarum partium, modicè rarefacit, humectat, & partes oleosas infinitas superat, unde eas resolveri necesse est, magna resolutorum putridorum corpusculorum emanatione, tanquam vinculo suo solutorum; quæ proindè in hâc operatione longè alias qualitates acquirunt, atq; præter statum convenientem, suo corpori naturalem, rarefiunt, unde gravis & penetrans putrescentium rerum factor, dixi aërem humidum calidum, maximè ad putrefactionem facere, quod etiam de corporibus humido-calidis intelligendum, quorum temperies præ omnibus putrefactioni subiecta est, partes enim aqueæ, quæ jam supersunt, facile augentur, si novæ accedant, & quemadmodum ex hâc ratione corpora frigida & sicca, inprimis calida & sicca, difficulter, imò aliqua prorsus non putrescunt, quæ ab imperitis proindè pro Sanctis habita fuere, ita aër frigidus & siccus, inprimis calidus & siccus à putrefactione quoq; præservat, quod in Hispaniâ videmus,

mus, & locis aliis calidis, sicco calido aëre, præditis, ubi corpora non putrescunt, & resolvuntur, nam cadavera in oriente, in arenâ, imò apud nos arte in furnis siccare, & sic ad finem mundi usq; à putredine præservari certum est, intensum frigus quoq; à putredine præservare, unde corpora Stokholmiis, tota hyeme in patibulo suspensa, sine putredine animadvertimus, cùm unum casu decidisset, nimia ^{N.} quoq; humiditas a putrefactione impedit, prout nimius calor, nam corpora in aquâ potius gradatim consumi quàm putrescere, si nova semper affluens sit, experientia docet, unde longo tempore integros interdum submersos, prorsus à putrefactione immunes vidimus, adeo ut nobis aliquando speculatio occurreret, tractanda tali modo cadavera, anatomix subijcienda, quo diutius à fœtore & putrefactione immunia forent, & hæc est ratio, quòd cadavera apud Christianos in terram ponantur, & quidẽ heic Monachii scisso seu cancellato operculo, quo citius, ob terræ humiditatem lentam resolvantur, atq; putrescant, causa ergo putrefactionis primaria defectus spiritûs vitalis balsamini est, secundaria deindẽ ^{N.} aër externus ambiens qui, ut in peste superius demonstravimus, interdum adeo putrefaciens, & humidus calidus est, ut superstitem, in vivis etiam corporibus balsaminũ spiritum vincat, nisi confortando augeatur, ex quo colligi potest, præservantia à putredine subtilia, ignea, oleosa, & balsamina esse debere, quod & experientia, praxis, & methodus medendi docet, nam ut de peste taceam, certè quæcunq; putredini resistunt, rarefacientia, & subtilia esse debent, proindẽ fragrantia, ut vias aperiant, quò balsaminus spiritus influere queat,

N. 28. deinde ignea, balsamina, & oleosa, ut in cadaveribus vicem ignis vitalis gerant, in vivis eundem confortent, ex hoc fundamento, ita mirabiliter *ens sulphuris* operatur, cujus mentionem supra fecimus, & balsama, terebinthus, aloe, myrrha, camphora, pix, aliaq; cadaverum condimenta, ut in mumia cernimus, ob nullum alium finem à putredine ea præservant, quàm quòd balsaminæ, oleosæ, & igneæ naturæ sint, spiritui vitali in animalibus analogæ, in gangrænâ, aliisq; in vivo corpore contingentibus putrefactionibus, magnam opem in spiritu vini, in quo odorifera balsama soluta sunt, videmus, nam ut postea docebitur, cùm odor in sale volatili consistat, salq; volatile nil aliud sit quàm sulphur rarefactum, sequitur salia volatilia seu oleosa in salis formam & penetrantiam redacta, multum à putredine præservare, ob innati balsami confortationem, & partium penetrationem, nam cùm labra vulnerum plerumq; doleant, & ex dolore humores affluant, quorum affluxu pori obstruuntur, necessariò sequitur, balsaminum vitalem spiritum eò minùs influere posse, cùm verò prædicta medicamenta materiam corruptam alterent, & à putrefactione, calore suo præservent, magnam necessariâ consequentiâ opem afferunt, quod penetrantia suâ poros circumstantium partium aperiant, quo spiritus vitales eò lubentius influere queant, quare omnia olea lenta & viscida, in hoc passu obsunt, nisi vel summè odorifera, id est multum salis volatilis habentia sint, vel arte prorsus in salium volatilium naturam exaltentur, hinc stercoris humani spiritus, qui totus sal volatile oleosum reliquaq; empyreumata, magni momenti sunt,

ti sunt, taceo salia volatilia ex balsamis arte parata, quæ ambusta (in quibus alias oleosa ob densam suam naturam prohibentur, quod obstruant, imò partes ambustæ ad ignem ponuntur, ut pori rarefiant, quo recens sanguis influere queat, aut variis scissuris influxus causatur (omniaque vulnera quasi illico sanant, hinc magna quoque balsami Indici vis aliorumque volatilium oleorum retulit nobis sæpè præmemoratus D. Krafft, fuisse in Indiis ^{N.} quendam Indum, gladio per volam manûs stricto ^{29.} læsum, ita ut teste Europeo Chyrurgo, usum digitorum necessario præfatus Indus amissurus esset, at ille labra vulneris oleo quodam illinivit, nulla interim re vel turunda intra vulnus posita, paucis diebus pleno manûs usu restitutus ab Indis suis rediit, seq; Hollandorum Chyrurgo ostendit, prudenter quidem factum, quod labra vulneris, aperiente, & defendente oleo illiniverit, quod vero vulnus nullâ fasciâ ligaverit, in causâ esse credo, quod Indi de salubritate sui aëris edocti, eidem viam intercipere nolint, quippe cùm balsaminus esse deprehendatur, non modò non corrumpit, sed & curam, & restitutionem promovet, quod tamen in his locis non succederet, ubi grossis & acribus atomis aër refertus, magnum vulneribus nisi ab eo muniantur, incommodum affert, hinc est, quod ob diversitatem aëris, in diversis regionibus vulnera diverso modo curentur, & tempore, nempè pro salubritate ejusdem, licet victus & vivendi modus ^{N.} ^{30.} multum conducat, nam alimenta in quibusdam terris, aliis salubriora esse certum est, & multum pro vulneribus facere, quo nutrimento sanguis alatur, experientia docet, cùm si minimus in cibo

error committatur, illicò in vulneribus alteratio sentiatur, ob sanguinem ex nutrimento ortum, & continuo ad partes influentem, discant ergo Chyrurgi putredinis naturam, & paucis emplastris indigebunt, illud enim Helmontii verum esse experientur, *pauca sunt, quæ Medicum nobilitant*, & ut præfata medicamina omittam, in solo Vitriolo Martis, tanta est balsamina virtus, & ut propius accedam in alumine quoq; , imò in nitro & sale communi, ut nullo alio stegnotico aut sarcotico medicaminè opus sit, Vitrioli enim verum balsamum quod attinet, omnia vulnera glutinat, putredinem prohibet, imò divinâ quasi ope ambustis medetur, paucis tantâ potentiâ sanguinem fistit, & ejus spiritum vitalem cõfortat, ut ad longam etiam distantiam solo odore operetur, prout *Illustrissimus*

N. *Dygbaus* in tractatu de sympathiâ docet, quæ verò
 32. ego de Vitrioli viribus scribo, de præparato Vitriolo intelligenda sunt, cujus tamen præparatio simplex est, nempe naturæ congruâ, prout libro secundo sub speciali capite de Vitriolo docebimus, hoc loco Chyrurgi Vitrioli naturam discant, & nunquam de vulnerum sive recentium sive inveteratorum malignitate aut incurabilitate conquerentur, sed qui omnia sciunt, etiam hæc scient, sicut ergo inter vulneraria præfatum Vitriolum facile omnibus palmam præripit, ita in regno vegetabili, reliquis saccharum non cedit, cujus vis in glutinando, & præservando à putredine, ipsâ experientiâ claret, vidiq; non modò, ut in pharmacopæis vegetabilia, sed & varia animalia saccharo condiri, & recentia ac incorrupta longo tempore

N. in statu naturali præservari, in statu naturali dico,
 34. nam

nam etsi carnes quoq; & pisces sale condiantur, & longo tempore à putredine defendantur, tamen in statu suo mutantur, ob admixtum sale, cujus acrimoniâ mortificantur, ac corrosiva fiunt, unde qui ejusmodi nimium salitis cibis diutius vescuntur, morbum incurrunt, quem scorbutum vocant, qui sub æquatore, ob humidum calorem frequens est, legimusq; in infelici navigatione & expeditione *Navarchæ de Veerd*, per fretum Magellanicum versus Moluccas, quod in reditu, defectu aliorum ciborum, pisces salierint, quos cum ederent, edentium totum corpus rubrum factum cum ingenti calore, & siti inextinguibili, nam ut libro secundo sub anatomîâ salis demonstrabimus, in sale pinguedo, oleum, seu sulphur quoddam flagrans & ardens est, in destillatione strias ut spiritus vini faciens, sed non sufficienti humiditate mixtum. hinc corpora, quibus miscetur, arripit, seq; eisdem miscet, & hæc est ratio, quod soleamus in quotidiano usu sale edere, ut nempè crassiora digerantur, & resolvantur, sed cum nimium eo utimur, necessario salis acrimonia mixti animalis compagem solvit, & corrumpit, imò hoc in passu, si humiditas superveniat, in horrendam putredinem ducit, nam ut inferius in secundo libro sub anatomîâ Mercurii demonstrabitur, in sale aliquid Mercuriale latet, quod causticæ & exedentis naturæ est, hinc qui sale nimio vescuntur, falsis catharris, scabie, scorbuto, & leprâ tandem vexantur, quod nimius salis usus corpus putrescere faciat, sicut modicus à putredine præservat, cujus rei experientiam in navigationibus videmus, ubi longus falsorum ciborum

efus scorbutum inducit, & certè hîc in Bavaria, ubi
 ob salis copiam, & leve pretium, plebei cibos suos
 fortissimè saliant, atq; ità se à putredine præservari
 credunt, in periculosos morbos, inprimis lepram
 incurrunt, quâ infectorum, per totam Bavariam
 magnus numerus est, & licet quidam suillæ carni
 ascribant, quâ incolæ frequentius vescuntur, ego
 tamen salis nimium usum assigno, quòd & in aliis
 locis carne suillâ frequenter homines vescantur,
 nihilominus leprâ immunes, magnum ergò usum,
 sed & magnum incommodum sal affert, si in putre-
 dinem abeat, quæ non simplex est, sed ob admix-
 tam corrosionem fermentum universo sanguini im-
 primit, omneq; sal microcosmicum corrosivum,
 & in proprium corpus furere facit, & licet cibi sa-
 liti probè edulcorentur, potiùs tamen nutrimen-
 tum, cum elixatâ salinâ aquâ extrahitur, & rejici
 debet, parte superstite terreâ, sicca & exucca, nec
 & sic qualitatibus salinis liberâ, ut sapor & effectus
 docent, nam quemadmodum argentum in aquâ
 forti solutum, & spiritu salis, seu sale communi
 præcipitatum, ac diligentissime cum aquâ commu-
 ni edulcoratum nihilominus maximam & subtilis-
 simam salis partem in mixto servat, quod lunam
 cornuam vocant, longè alterius naturæ cum ar-
 gento communi, ità licet saliti cibi probè elixen-
 tur, magnam tamen à sale impressionem retinent,
 corporibus humanis valdè obnoxiam. Quæ verò
 saccharo præservantur, crasin suam servant, utpo-
 te quæ à saccharo non alteratur, nam cum id in
 partibus suis temperatum existat, nullam in cor-
 poribus, prout sal commune, reactionem aut in-
 trinsecam mixtionem facit, sed tantum ea præser-
 vat

vat humiditati influenti resistendo , & internum balsamum confortando , quod à saccharo optimè quidem & sufficienter præstatur , nam experientia docet integras nefrendes , cum saccharum coquunt , & in officinis saccharariis in magnis catinis depurant , intinctas , & quasi in momento extractas , ita tamen saccharo penetratas esse , ut nunquam amplius putrescant , cum à saccharo partes ita obducantur , ut etiam in ipsis ossibus inveniatur , eaq; condit , alias valdè putrescibilia , nam animalium ossa facillè putrescunt , præsertim dentes , vidimus quoq; carnem cervinam saccharo condiri , quæ summa in æstate putredini resistebat , possunt autem carnes taliter conditæ vel sic coqui , vel si dulcedo nauseam pariat , edulcorari , & saccharum rursus servari , ac ad similem usum adhiberi , & licet talis conditura pretiosior appareat , si tamen magna ista incommoda consideremus , quæ ex salitura proveniunt , certè sanitati conservandæ nullum pretium magnum reputari deberet , præsertim cum in Indiis saccharum adeò vilis pretij sit , ut vix colligatur , magnam ergò saccharo , resistendæ putredini vim inesse præcedentia docent , imò experientia demonstrat , saccharum longè melius & fortius à putredine quàm sal præservare , nam licet fructus , poma , & similia plurimo sale condias , tamen putrescent , cum e contra saccharo obducta , in quâ re Genuenses excellunt , diutissimè persistant , & hæc est ratio , quòd multa loca in Indiis sint , ubi sacchari copia est , & Incolæ nullo unquam sale vescuntur , Europæos pro stultis æstimantes , quòd tam acerbam materiam intra corpus sumant , nam saccharum dulce sal vocant , hi ergò cum loco salis saccharo

rou-

ro utantur, nunquam deprehenduntur scorbuto laborare. Et hæcenus egimus de resistentibus putrefactioni ob balsamini spiritûs confortationem, N. 36 jã demonstrabimus putrefactionem quoq; per adstringentia prohiberi. Nam cùm eam ex rarefactione procedere probaverimus, necessariò condensatio ei opponetur, & hæc est ratio, quòd adstringentia inflammationes curent, & putredinem arceant, quod inter alia in aceto videmus, experientia quoq; docet, modicum aluminis in aquam positum, eam ab omni putredine præservare, quod à Scriniario didicimus, qui sic gluten, seu aquam glutine tinctam aliis facillimè putrescibilem, diutissimè ab omni putredine præservabat, quanta autem vis in hoc casu, præsertim vulneribus, in ambustis, & gangræna, alumini præparatio insit, infra libro secundo capite singulari de alumine demonstrabimus, sed jam N. 37 ordo vocat, ut expositis causis impredientibus & promoventibus putrefactionem, ad effectus quoque putrefactionis veniamus, qui multi sunt, sed omnes in hoc conveniunt, quod corpora solvant, atque in diversas qualitates reducant, priori statui toto cœlo contraria, naturalis namque status corporum in mixtione consistit, mixtio in terræ & aquæ conjunctione, ast per putrefactionem partes aqueas à terreis omnimodè separari antea diximus, hinc aqueæ evaporant, terreæ solæ subsistunt, quas siccas esse debere ipsa terræ definitio exponit, & insuper experientia confirmat, nam videmus putrefacta, cùm ad finem venerint, in terram siccissimam resolvi, ut in situ vulgò Schimmel videmus, qui aquæ innatans siccissimus pulvis existit, antequam

quam verò putrefacta ad talem statum perveniant, N.
 variis gradibus procedunt, *Primò* enim fit continui 38.
 solutio in mucorem, saniem, & pus, nam ut haec-
 nus dictum est, cum balsamus vitalis non amplius
 influit, necessario omnes partes emoriuntur, quæ
 ab ambiente humido calido aëre sensim resolvun-
 tur, ita ut mixti animalis unctuositas sensim re-
 solvatur, & quæ digestionem & conglutinationem in
 utero matris modicè & juxta gradum suæ speciei
 densata erat, ac suavi *glykéia* unita, illa jam in
 contrarium agere, ac gradatim rarefieri incipit,
 non quidem per modum fermentationis, ubi N.
 totum mixtum seu æquales ejus partes rarefiunt, 39.
 atque conjunctim novum mixtum producant,
 quod ad usus alios prodest, heic verò in pu-
 trefactione ita resolvuntur, ut partes non co-
 hæreant, sed sine ordine rarefiant, unde mixti
 totalis solutio sequitur, nam prout dictum est, N.
 cum balsamus vitalis cessat, omnes partes ab 40.
 aëre actionem patiuntur, cujus proprium est ra-
 refacere, ut sectione primâ capite de cœlo do-
 cuimus, idipsum videmus in vegetabilibus, quæ
 si spiritu ardenti, quo prædita sunt, privantur,
 putrescunt, ac omnimodè resolvuntur, & li-
 cet corpora, præsentem quoque hoc spiritu mul-
 tas alterationes patiantur, ut postea in capite de
 fermentatione videbimus, tamen absentiâ ejusdem
 omnium alterationum maximam, nempe putre-
 factionem causat, quæ est deturbatio totius mixti,
 & opponitur è diametro generationi, nam sicut in
 generatione partes coagulantur, & in corpus for-
 mantur, ita in putrefactione partes resolvuntur &
 quasi

quasi informes fiunt, nam aliquæ situm contrahunt, accedente nempè humido aëre, aliæ in sanie resolvuntur, mixtâ nempè humiditate extrinsecâ cum intrinsecâ, aliæ solutæ & raræ, maximo fœtore cum aëre exhalant, quæ putridæ emanationes è cadavere prorsus pestiferæ sunt, particulae enim extra crasin naturalem actæ sunt, superstites variis coloribus apparent, nempè in sulphuris seu unguositatis passione, colliquesatione, extensione, & concentratione, tandem partes quædam in terram alię in aërē abeūt, sed hoc non contingit, nisi prius ex sanie vermes creverint, muscæ, serpentes, bubones, aut alia insecta, hæc enim putrefacta in terram abeunt prorsus nitrosam, ex quâ etiam communi modo nitrum copiosum parari potest, sola elixatione cum aqua communi, cur verò in media putrefactione insecta & quidem viva generentur, quæ tandem in terram nitrosam abeunt, hoc loco quoque examinandum erit, cum curiosum sit talia scire, initium putrefactionis jam exposuimus, & unde pus & sanies generentur, declaravimus, jam in mentem revocandum erit, quòd statim sub initium hujus capituli diximus, & in exemplum de putrefactione vegetabilium adduximus, quod nempè partes terreæ & oleosæ feminis, ab humiditate aquæ superentur, & colliquescant, quod idem cum animalibus accidit, sed fortiùs, cum non in eorum semine sed corpore accadat, ipso semine debiliori, & plus humiditatis habente, deindè in semine vegetabili alia disparitas est, quod nempè illud adhuc balsamino spiritu suo, nempè causâ vegetationis, seu ut Lullius vocat *substantivo vegetabili* præditum sit, mediante quo humiditatem vincit, & in novam generationem produ-

producit, in animali cadavere verò jam talis spiritus exulat, & abest, hinc mixtum animale ab humiditate quidem partium alterationem, prout etiam semen vegetabile patitur, sed defectu ignis vitalis reagere, & vincere nequit, ut de semine vegetabili diximus, hinc non nova regeneratio, ut ibidem demonstravimus, sed totius mixti deturbatio sequitur, imprimis unctuositas seu glutinis sanguinis alteratio fit, nam cum istæ partes unctuosæ sint, in quas humiditas primò agit, tanquam in subjectum putrefactionis, necessario sequitur, eas præ reliquis alterari, hinc experientia docet, pingua, præsertim sanguinem, & cadavera sanguinea, ac corpulenta pingua facillimè putrescere, & cum putrefactio rarefactionis, hæc verò combustionis species sit, ut in præcedentibus demonstravimus, sequitur ex tali putrefactione partium oleosarum, eadem nova entia prodire, quàm ex ambustione, nempe vapores, fuligines, imprimis sal volatile, nam prout in antecedentibus, & in sequentibus capitibus, præsertim singulari de liquefactione demonstrabimus, omnia quando comburuntur, seu acidum seu urinosum spiritum exhibere, in quo sal volatile est, quod ex oleo rarefacto constat, seu in quo oleosæ partes existunt, sed inversæ, quæ licet tùm non ardeant seu flamment, tamen levi manipulatione in materiam flammabilem rursus reduci possunt, ut in oleo sulphuris manifestè videmus, ita fixioribus partibus per putrefactionem in terram, tanquam per combustionem in cineres, & levioribus ac subtilioribus in salis volatilis naturam sive figurâ ficcâ sive liquidâ redactis, ac non modo extra pristinam figuram & soliditatem, sed & ob majorem rarefactionem

N. 44. ctionem, & humidi mixtionem prorsus in aliud temperamentum redactis reliquæ attractivæ redduntur, ita ut majorem humiditatem attrahant, prout sive in spiritu sulphuris sive vitrioli videmus, quorum oleum aëri expositum eundem copiose attrahit, & in liquorem resolvit, imò in ipsâ ejusdem destillatione hoc contingit, nemo enim ita rudis erit, ut credat, aquositatem in oleo sulphuris ex ipso sulphure prodire, quin potius in ipsâ inflammatione, quamprimùm rarefit, ambientem aërem attrahit, eumq; in aquam, quâ se vestit, resolvit, videmus etiam, cum arsenicum vel auripigmentum oleo vitrioli imbibitur, & abstractione factâ rursus siccatur, atq; aëri exponitur, illicò aërem attrahere, seque in oleum resolvere, prout inferiùs clariùs explicabitur, hoc loco tantùm ex antedictis hæc inferre volui, quòd nempè partes per resolutionem putrefactionis volatiliores factæ, se instar salis volatilis empyteumatici seu graveolentis habeant, quòd partes unctuosæ inversæ sint, aëremq; instar olei sulphuris attrahant, eumq; resolvant in profuentem saniem, cum hoc diutiùs faciant, inq; aëre, animale quoddam, & feminale chaos lateat, quod tali animali magnete attrahitur, sequitur necessario hoc novum feminale attractum objectum in subiecto animali putrido operari, & novas species præferre, unde insectorum & omnium generatio, quæ ex putridis oriuntur, quod verò oleum sulphuris talem feminalem potentiam non attrahat, in eoq; nulli vermiculi generentur, ratio est, quòd magnetismus ille seu attractio se habeat pro ratione subiecti attrahentis, nam mineralia ex aëre virtutem mineralem attrahere Borellus author est, qui

plum-

plumbum diutius aëri expositum notabiliter augmenta-
ri asserit, & terram siccata & probè elixatam,
atq; ita vegetabilibus seminibus liberam, aëri ex-
positam, nihilominus gramen aliasq; herbas pro-
ducere, quarum semen ex aëre attrahit, certum est,
infallibili ergo consequentiâ concludimus, subje-
cta animalia sui simile quoq; ex aëre attrahere,
nempè animaleam quandam virtutem, licet imper-
fectam, ob receptaculi corruptionem, hinc inse-
cta tantum prodire necesse est, sic volente natura,
ut cum unum subjectum emoritur, alterum nasca-
tur, cum unus balsamus vitalis cessat, & effluit,
alter aëreus incipiat, & influat, hinc illud, corruptio
unius est generatio alterius, sed non ejusdem speciei,
ob causas jam dictas, animationem ergò insecto-
rum ex aëre provenire concludimus, freti præter
alias rationes, experimento Herbipolensi, quòd Emi-
nentissimus Elector Moguntinus Herbipoli in arce
fieri curavit, pro convincendo Patris Valeriani va-
cuo, nam si vacuum daretur, nulla intus putrefa-
ctio aut corruptio contingere posset, vase ergò re-
cipienti juxta Gerriken Magdeburgensis cujusdam ci-
vis instructionem per antliam pneumaticam optimè
evacuato, impositæ sunt carnes, & optimè lutatæ,
intra paucos dies inceperunt putrefieri, & tan-
dem vermes crescere, sed non viventes, neq; se
moveantes, vase tandem aperto illicò vivere, & se
moveare inceperant, quod etiam Glanberus affirmat,
putrida nempè non in viva animalcula abire, nisi aërem
sintiant apertum, undè clarè constat, vivacitatem
ex aëre provenire, tanquam communi seminario
& panspermia receptaculo, quod etiam in acetifi-
catione vidimus, quæ, ut in sequenti capite docebi-
N.
45.
N.
46.

- tur, species corruptionis, nempe lenta salis resolutio, & exaltatio est, hinc cum in vigore consistit,
- N. & libero aëri, calido tamen & humido exposita, in-
47. numerus ex aceto aut emanationibus aceti, muscas crescere experientia docet, imò qui microscopiorum usum accuratius observarunt, ingentem quoq; vermium copiam & in aceto, & in febricitantium sanguine nobis ostendunt, certum autem est, oleosa & pingua magis huic alterationi obnoxia esse, quàm macra & aquea, hinc in macro cafeo non tam repente, nec in tantâ copiâ quàm in pingui vermes oriuntur, sed & ipsa pinguedo non sola ad putrefactionem facit, quin potius eidem resistat, nisi aquea sit, & saponis quasi naturam induerit, aliàs enim ab externâ humiditate affici nequiret, ut in arboribus aliisq; rebus sulphureis videmus, quæ ab omni putrefactione liberæ sunt, cùm econtrâ in lardo, sumine, pinguedine & sevo illicò corruptiones sentiantur, quæ in statum salis volatilis evectæ, potentiùs aëris feminalem virtutem attrahere incipiunt, atq; animantur. Cùm ergò putrefactionem à balsami vitalis defectu & reductione in saniosam & corruptam materiam, & tandem à revivificatione insectorum, vermium, & animalculorum hucusq; secuti simus, restat, ut
- N. exitum intueamur, & quidem vermium ac tinearum finem, nempe resolutionem insectorum in terram consideremus, nam etsi ex sanie seu materiâ putrefactâ per attractionem aëris, novum mixtum productum sit, id tamen minus perfectum, & ob hoc ipsum minus constans est, quòd tantum per accidens oriatur, & peregrinis emanationibus inhæreat, quæ cùm semper exhalent, tandemq;

demq; nutrimentum & materia deficiat, talia animalcula citò emori necessarium est, hoc autem loco considerandum venit, cur diversa animalcula procreentur, quod utiq; ex diversitate aëris ambientis tanquam objecti, & materiæ putrescibilis alteratione venit, tanquam subiecti, nam ex anatis putrefactis bubones, ex medulla spinali serpentes, ex quibusdam aquis putridis vermes, ex aliis serpentes, ex aliis muscas (*Schnæcken*) in Indiâ *Muschfitten* atq; multifaria insecta oriuntur, quorum specificam & particularem causam si quis exponere velit, prius à vermibus corrodetur, quam ut id præstet, varia quoq; in medium proferri possent de indivisibilitate & perpetuitate formarum, sed quoniam universa, circa hæc, rixa tantum in nominibus consistit, & verbis, utiq; de ver- N.
bis verba facere omittemus, & de rebus ac reali- 49.
bus tractabimus, nam quid vetat statuere formas per superinductionem aliarum, perire seu potius prodire, nam de formâ externâ & superficiali loquimur, certè rude & tornatum lignum, differentis formæ existit, si vero intrinsecam species, ac utrumq; lignum in cineres & oleum redigas, rursus differens erit forma, pro diversitate operationis & temperamenti, in quod per præparationem ducitur, semper nova & nova, ac cum priori prorsus diversa, sicut una eademq; forma per tarnationem superficialiter in plurimas figuras deduci potest, ergò ne mundus periret, si statuamùs formas perire, certè non periret, si concluderemus, ex interitu mundi alium prodire, prout demonstramus ex corruptione unius formæ aliam produci, quicquid interim de universali illâ formâ inhærente Aristotelicâ,

- N. 50. licâ, deq; aliis ejusmodi farinæ logomachiis quidam scrupulosè pertractant, id parum ad nos, qui credimus ejusmodi Philosophraftos, ideo verbis sublimibus certare, quod res & realia nesciant, & nec citò ignorantiâ à plebe arguantur, ideo otioforum ingenia otiosis speculationibus, terminis & verbis torquent, quo omni labore superfederent, si realia tractarent, ubi unâ praxis interdum totam Philosophiam (talem scilicet) falsitatis arguit, sed redeamus ab his doctis vermibus ad vermes Physicos ex putredine ortos, doceamusq; , quid fiat, cum in terram & illi quoq; abierint, diximus in antecedentibus, talem terram nitrosam esse, quod contingere necesse est, si consideremus, particulas ignearum vivificantium atomorum, talium insectorum, mortuæ partim evaporare, partim volatilibus salinis seu potius inversis oleosis partibus inhærere, atq; novum mixtum constituere, quod nitrum vocamus, antedictorum autem veritas clarò experimento demonstratur, si lumbrici capiantur, in vitrum ponantur, in aquam resolvantur, hæc ad tertias inspissetur, concrefcent flagrabiles crystalli Nitri, prout libro N. secundo in historia nitri specialius exponemus, sed N. 52. & ipsum nitrum nec dum finis ultimus putrefactionis est, nam cum ejusdem partes igneæ separantur, reliquæ in terram convertuntur, prorsus puram & insipidam, sed singulari magnetismo præditam, novum spiritum aëreum attrahendi, rursusq; nitrum fiendi, talis quoq; terrâ in putrefactione plurimum remanet, nempe ex partibus corporis fixioribus, quæ non ita citò resolvi, & volatilifari poterant, nec proinde per spiritum aëreum mundi vivificari, aut nitrificari, absente ergo aut ab-
- acto

acto hoc spiritu , ipsum quoq; nitrum in terram
 convertitur , scribitq; *Helmontius se omne nitrum in*
terram convertere scire prorsus elementalem, hæc ergò
 nitrosa terra seu à nitrificatione seu à putrefactione
 residua , elementalis quidem , sed ut dixi, non adeò
 simplex est terra, nam novum spiritum attrahit , ac
 proindè fertilis est , & vegetationi plantarum valdè
 conducibilis, quibus attractum spiritum communi-
 cat, atq; ità fertilis redditur, semper ergò attrahen-
 do novum spiritum & nitrum fiendo, rursusq; spi-
 ritum amittendo, ac emoriendo , semper inquam
 cum abeunte spiritu in tali operatione particulæ
 quædam terreæ abeunt , atq; ità gradatim omnis
 superstes terra, quàm terram mortuam vocare li-
 cet, consumitur, donec omnis vacuas evanescat
 in auras, ac aliis misceatur corporibus, quare si ani-
 mam excipias, veterum transmutatio corporum
 in varias species, non adeò abscondita est , nam nisi
 unum fieret aliud, sequeretur totum orbem cada-
 veribus impleri, cujus contrarium praxis demon-
 strat , videmus enim cœmeteria aliquibus seculis
 usurpata, semper tamen eandem locationem, quan-
 titatem, & molem servare, quod esse non posset, si
 corpora tantummodo in terram mutarentur, eaq;
 non evaporaret, & cum aëre aveheretur, ut autem
 putrefactionis doctrinam ad finem perducamus,
 hoc quoq; addemus, naturam ferè idem tempus &
 modum in putrefactione servare, quem in genera-
 tione observavit, nempè prout hic gradatim cõa-
 gulat, ità illic sensim resolvit, quam primum enim
 homo moritur, statim cadaver ejus mortalem &
 cadaverosum vaporem expirat, valdè subtilem,
 qui, cùm per quinq; dies duraverit, acescere inci-

pit, tandem post decem vel duodecim, sulphureum odorem, stercoreis humani instar spirat, interim die circiter trigesimo (pro cadaveris tamen & loci varietate, constitutione, ac mortis genere, citius vel tardius hæc omnia contingunt) cutis quasi lanugine obduci solet, atq; inprimis flavescit, ubi virides maculæ hinc & inde conspiciuntur, quæ lividæ tandem fiunt, & nigrescunt, ultimò sic constitutæ situ obducuntur crasso, tandem subsidere incipiunt fiuntq; foramina, ex quibus sanies & aqua nonnunquam effluit, interim etiam maculæ cœeunt, & quasi strias, ac liras digito ductas per totum vultum faciunt, ita sensim in vermes abeunt, & tota facies corrumpitur, ut præter calvariæ nihil supersit, nam quomodo in reliquo corpore putrefactio procedat, animadvertere non licuit, hæc in puero accuratè per annum observavimus, cui pulchrè Mantuanus ex lib. 2. Alfonsi. consentit, dum mortem seu potiùs putrefactionem sequentibus describit.

*Monstrum ingens, cui flexilibus frons orba colubris,
Et cui truncatis deformia naribus ora,
Ostendunt inhonestæ cavi duo verticis antra,
Occiput aure caret, geminæ sed utrinq; cavernæ
Semper hiant, atq; fluunt in pectore tabo,
Verticis os glabrum, cervix nodosa, lacertos
Nulla ligat junctura humeris, sine viscere costæ,
Arida membra sonant, mota, collisa sub alvo,
Tecta sepulchrales hydri posuere, cubantq;
In thorace cavo coluber, nepa vipera, buso
Stant famulæ circum Dominum, pallorq; timorq;
Et dolor & pestis, quæ nigro armata veneno,
Obvia transfadigit lethalibus inguina telis.*

Cæterum non omnis putrefactio talem finem, & tali ordine nanciscitur, quæ proinde triplex est, nam
 alia propriè putrefactio dicitur, de quâ hæcenus egimus, alia corruptio tantum est, ubi corpora corrumpuntur, sine servato præcedenti ordine, ut cum vel nimio calore, vel aquâ, vel igne vel aliis causis in suâ crasi alterantur, corruptionis enim nomine hoc loco omnem alterationem intelligimus, quâ corpora ex suo naturali statu deturbantur, quæ non modò in intrinsecâ partium everfione, sed & in extremâ & quidem superficiali earum confusione consistit, nam granum tritici, aut quodlibet vegetabile semen, si contundatur, atq; in pollinem redigatur, tum terræ committatur, nunquam vegetabitur, ita magnes contusus, & pulverisatus nunquam amplius ferrum trahit, quod certum signum est, subsistentiam corporum nò modò in intrinsecâ sed etiam in externâ formâ consistere, atq; pro alteratione ejus, quoq; alterari, perfici, aut corrumpi, prout inferiùs sub capite de figuratione docebimus, ab hâc corruptionis specie, subterranea immunita sunt, utpote quorum forma prorsus homogenea est, atq; in minimis punctulis & particulis sibi similis, quæ proinde respectu situationis aut loci, una eademq; est, intinsecè verò metalla vix per se corrumpi possunt, ut prorsus novum subiectum fiant, & ex crasi suâ veniant, nisi per addita, nam sic confundi, & in substantiam heterogeneam misceri possunt, ut tota eorum natura corrumpatur, licet hoc sit contra naturam procedere, cum quicquid illa agat, semper eò tendat, ut aliud mixtum proferat, quod intrinsecè partibus suis conveniat & cohæreat, quæ verò ita commiscentur, ut

commixtionis nullus ordo, finis vel usus sit, ea merito corrumpi, confundi, & in statum præternaturalem duci dicuntur, & hoc modo faciliè concedam, heterogeneous talem corruptionem in subterraneis, præsertim mineralibus dari, ubi ab imperitis spagyricis, & Processuum venditoribus ita ineptè interdum miscentur, ac tractantur, ut gloriari queant, se corpora corrumpere posse, quod Philosophi tantoperè desiderant, ast longè illorum corruptio ab hac sophisticâ distat, ut jam statim explicabimus. Cæterum metalla præsertim imperfectiora in aëre, igne, aquâ, & terrâ corrumpi certissimum est, si talem corruptionem externè intueamur, respectu nempe corporis, statûs, & figuræ prioris, sed exceptâ corruptione metallorum, quæ in mineris contingit (de quâ præcedenti capite sub finem egimus, sub vocabulo *ein tod Metall*) & quæ jam sequitur, nulla corruptio metallis propria est, verum quomodocunq; alterentur, decomposita potius fiunt quàm nova composita, faciliè in pristinum statum reducibilia, lapides verò ex mixto minùs fortiori constantes corrumpi non inficiamur, nam pluviis resolvuntur, pinguedine inficiuntur, cute vel ungue obducuntur, & ut paucis absolvam, illorum perfectio penes nos est, prout nempe eos æstimamus, & hoc respectu varia in diaphaneitate & opacitate colore, duritie, aliisque accidentibus desiderari possunt, quod etiam de succis, bituminibus, reliquisq; mineralibus decompositis intelligendum est, nihil enim, ut postea sub titulo de perfectione docebimus, imperfectum est, nisi comparatione, aut relatione, & dum quid corrumpitur, respectu prioris statûs

statûs corrumpi dicitur, non ratione suæ essentiae
 aut existentiae, nihil enim est, aut reperitur, quod in
 nihilum reduci possit, sed ut dictum, *corruptio unius N.*
est generatio alterius. Nunc ad ultimam & tertiam spe- 63.
 ciem putrefactionis venimus, quæ mortificatio vo-
 catur, omnium optima, hæc enim ad novam produ-
 ctionem & generationem suæ propriæ speciei fa-
 cit, cum formalis putrefactio alterius speciei mix-
 tum producat, propriam verò ideam amittat, mor-
 tificatio ergò in hoc cum putrefactione differt, quòd
 ad tempus tantum seminalem vim emori faciat, quæ
 tamen tractu temporis gloriose & cum fœnore & lu-
 cro resurgit, ut in exemplo vegetabilium sub initi-
 um hujus capitis fusiùs explicavimus, mortificatio
 autem vocatur, quod ob lentam corruptionem qua-
 si semen emori videatur, ità semina animalia primis
 in utero diebus, lentè corrumpuntur, quòd etiam se-
 minibus vegetabilium accidit, quæ quasi latitant, &
 ab humido radicali terræ superantur, & mortifican-
 tur, donec & interni & externi ignis ope adjuncta re-
 viviscunt, & cum augmento & lucro regeneratio-
 nem absolvant, quod solum lucrum honestum, & à
 naturâ concessum fœnus est, & à mortificatione,
 prout jam diximus, procedit, subterranea ergò, in-
 primis puriora composita, ut sunt metalla, huic
 mortificationi subiecta esse, & theoria, & experien-
 tia defendit, nam licet sæpius dixerimus, eorum N.
 compagem ex mixtione, & quidem subitanèa con- 64.
 stare, non tamen ideò hæc mortificatio est exclusa,
 quæ & in instanti & successivè contingere potest,
 in instanti quidem, cum teste Sacrà Scripturâ nos
 ipsi superstitès ad finem mundi in momento simus
 immutandi, & experientia doceat, metalla medi-

ante tincturâ illicò transmutari, quod utiq; sine ali-
 N. quâ reactione & mortificatione contingere non
 65. poterit, de successivâ verò mortificatione, quæ in
 metallorum mixtione contingit, sive naturali sive
 artificiali, pauca pro conclusione hujus capitis dis-
 feremus, diximus sub finem antecedentis capitis.
 metalla cum in mineris ad finem mixtionis perve-
 niunt, atq; jam mixta sunt, si ulterius nihilominus
 principiorum aliquod præsertim tertium, de quo
 sectione tertia cap. 4. egimus, influat, totum mix-
 tum rursus resolvi, ac metallum avolare, quemad-
 modum frumentum putridum, & in insecta muta-
 tum reviviscit, & avolat, tale ergò metallum mor-
 tuum vocatur, non id quidem, quod aufugit, & re-
 suscitatum est, nam id vivum existit, sed id quod re-
 manet, nempe vacuæ siliquæ, ab his ergò inepi-
 mus, tanquam à consequenti, ut antecédentia me-
 tallicæ mortificationis probè cognoscere possimus,
 propter quam totum hoc caput scripsimus, & ope-
 rose hucusq; produximus, metalla autem putrefie-
 ri nequeunt, præsertim formaliter, ut primâ specie
 66. putrefactionis in antecedentibus exposuimus, &
 in animalibus contingere demonstravimus, minera-
 lia enim cum partes homogeneas vel omnes æ-
 qualiter fixas vel volatiles habeant, talem separa-
 tionem non admittunt, deindè non nisi igne rare-
 fieri possunt, quæ rarefactio, putrefactionis ra-
 refactioni contraria est, quæ in humido causatur,
 tum putrefactio communis per humidum fit, quo
 gluten seu balsamina viscositas in mixto superatur,
 & resolvitur, quod in metallis impossibile est, quod
 communis humiditas metallicum mixtum non in-
 grediatur, & proindè ei etiam nō intimè uniatur, aut
 in

in idagat, præsertim taliter, ut metallorum sulphureum gluten, & agens, ac gummi dissolvat, quod fortissimæ mixtionis est, alius ergo putrefactionis modus & aliud putrefaciens requiritur, quod metalla emori facit, & mortificat, nempe eorum humidum radicale, quod liquefaciens terra est, ut sectione tertia capite quarto, & capite hujus Sectionis tertio, & libro secundo speciali capite de Mercurio explicabimus, hoc enim sicco humido tanquam proprio principio, nimium imbuto, gluten metallicum dissolvitur, & in omnibus mortificationem vegetabilem imitatur, vincitur enim nimia propriâ humiditate, quæ licet in principio mixtionis, tanquam miscibile, ejus vita erat, tamen cum nimia quantitate advenit, ipsius mixti mors & interitus est, nempe mixti solutio, in quâ ob sulphuris retrocessum & liquefactionem varii colores cernuntur, donec gradatim humiditatem rursus superet, & novum mixtum cum augmento faciat, prout hæc mortificatio metallorum, & impropria putrefactio, non modo in mineris tanquam naturæ officinâ cernitur, sed & in opere artis Philosophicæ, ubi talem fertilem mortificationem & putrefactionem, tanquam artis principium anxie desiderant, præfata artis Professores, nam ita *Plato Chymicus*, ovum primò putrescit, secundò gignitur pullus, & *Philippus de Ravilasco*, per putrefactionem moritur corporale, per vegetationem novam surgit spirituale, & *Arda discipulus Aristotelis*, granum nutritur humore suo connaturali, donec vegetetur & animetur, & *Rachaidibi*, omne quod nutritur, ratione diminuti nutritur, quod vivificatur, ratione duorum vivificatur. Et liber Saturni Philosophorum, tam

tam diu mortificatur, donec mortuum sit à formâ metallicâ, quæ lapidis leprosa umbra est. Et *Bernhardus de Gravia*, Filius noster mortuus vivit. Et *Melchior Cardinalis* sapienter eum occidere oportet, quia mors eum revivificabit. Et *author tabulæ senioris*, faciamus illud multoties, donec moriatur, & mollificetur. Et *Allegoria Arislei* conceptio & desponsatio fit in putredine, & generatio generatorum fit in aëre. Et *author de lapide Philosophico in 12. capitibus*, quæ tuæ causa fuit vitæ, illa quoq; fuit mortis.

Sectionis quintæ Caput Secundum De solutione vegetabilium, quæ in fermentatione consistit.

SYNOPSIS.

- N. 1. *Multa de fermentatione à multis scripta sunt, nostra tamen, quæ proferemus, nova & à nemine hucusq; attacta erunt.* N. 2. *cur author ad fermentationem digressionem faciat.* N. 3. *in quo fermentatio à putrefactione differat.* N. 4. *cur fermentatio vegetabilibus propria sit.* N. 5. *tres fermentationis species.* N. 6. *de prima specie, nempe de ebullitione, & intumescentiâ.* N. 7. *de incallescencia interna.* N. 8. *ejus usus preparatorius est, tam ad putrefactionem, quàm ad fermentationem.* N. 9. *excrementia frumenti examinatur.* N. 10. *definitio fermentationis, aërisque status circa eam.* N. 11. *de apertura, & clausura vasorum, in quibus liquores fermentant.* N. 12. *concussio liquoris fermentantis, in quantum fermentationi obsit, & profit.* N. 13. *de fermentatione*

tione clausa, & aperta. N. 14. vegetabilium mix-
 tio per cohibitionem, & inspissationem fit, cui reso-
 lutio, & rarefactio opponitur. N. 15. digestio ur-
 rum per solem, liquorem contentum coquit, & per-
 ficat, ac exaltat, quod experimento probatur. N. 16.
 cur mustum ad Syrupi spissitudinem coctum non e-
 mittat spiritus, & licet pristina aqua quantitate
 persundatur, tamen non amplius tam fortiter ut
 antea fermentet? N. 17. si ex vino spiritus destille-
 tur, licet rursus eidem affundatur, non amplius ta-
 men naturale vinum manet sed alteratum. N. 18.
 cur spiritus vini citra ingratum saporem vino non
 misceri queat, quin statim sentiatur. N. 19. detegi-
 tur error Glauberi in centratione vini. N. 20. ma-
 teria fermentanda nec rara, ne densa nimis esse de-
 bet, ubi per occasionem de oleorum fermentatione
 agitur. N. 21. cur oleum Tartari & spiritus ardens
 omnem fermentationem sistat. N. 22. quibus cau-
 sis fermentatio propriè impediatur, aut promovea-
 tur. N. 23. acescentia est principium omnis fermenta-
 tionis, definitio acescentiæ. N. 24. in subjecto fer-
 mentabili duplices particule requiruntur, sulphu-
 rea & salina, ubi de motu, actione, & passione ha-
 rum particularum. N. 25. sulphurearum parti-
 cularum exaltatio & rarefactio, spiritum arden-
 tem præbet, cujus acor ex salinis venit, quæ modicè
 eum concomitantur, abstractis particulis salinis,
 spiritus ardens omnem saporem amittit, & acorem.
 N. 26. quid de Mercurio vini statuendum. N. 27.
 explicatio terminorum lüftig und stumme Wein
 N. 28. Quatuor motus in fermentatione. N. 29. de
 spiritibus in fermentatione evaporantibus, & ho-
 mines suffocantibus, seu de Gas vegetabili. N. 30.
 effectus

effectus fermentationis definitur. N. 31. bullularum
 ortus in fermentatione. N. 32. de partibus spirituo-
 sioribus potûs fermentati, qui in eodem manent, seu
 de substantia potus summa. N. 33. de substantia
 media potus fermentati, hæcenus incognita. N. 34.
 experimentum quo veritas existentie hujus sub-
 stantia media probatur. N. 35. de tribus vini sub-
 stantiis, earumq; ortu. N. 36. Genesis hujus trinu-
 na substantia. N. 37. de succo terræ. N. 38. dese-
 ctus solis, coctionis vini, ejusq; aciditatis causa est.
 N. 39. de vinaceis. N. 40. vegetationis vini gra-
 dus, & perfectio. N. 41. substantia media vini usus
 in medicina. N. 42. substantia media vini natura,
 & affinitas cum summa. N. 43. substantia media
 est saponata & vitriolata natura. N. 44. maxi-
 me harmonia cum spiritu vini. N. 45. Harmoni-
 am quoq; cum substantia infima tenet, nempe cum
 Tartaro. N. 46. Tartarum ex hac substantia me-
 dia densata constare experimento probatur. N. 47.
 substantia media per se destillata in omnibus cum
 Tartaro convenit. N. 48. salis Tartari anatomia,
 probatur, quod sal Tartari ex calce vivâ constet.
 N. 49. de facibus salis Tartari, quas aliqui pro sul-
 phure fixo statuunt. N. 50. terræ in calcinatione
 Tartari superstitis, vis & natura. N. 51. sapor vini
 maximâ parte in substantia media latet, quod ex-
 perimento probatur. N. 52. reactio salis Tartari in
 substantiam mediam vini & aceti. N. 53. quomo-
 do substantia media vini naturaliter in vasis vina-
 ris in tartarū mutetur. N. 54. de lentore vinorum
 vulgò von zâhen Weinen. N. 55. de viscositate vi-
 norum vulgò von mollichten schwehren Weinen
 N. 56. de solubilitate & insolubilitate Tartari. N. 57

prima & ultima elementa vini ex terra constant.
 N. 58. de oleificatione spiritus vini. N. 59. axioma
 circa rarefactionem & densationem vini. N. 60. de
 urinificatione seu mutatione potus in urinam. N.
 61. spiritus Tartari analogia cum urina. N. 62. cau-
 sa subsidentiæ facum in vino, finitâ fermentatione
 N. 63. mustum aceto opponitur. N. 64. usus sedi-
 menti vini, quod ei matris loco est, ubi quoq; agitur
 von dem abziehen / und abfallen der Weinen.
 N. 65. Authoris rare observationes circa fermenta-
 tionem, quas hætenus proposuit ex praxi, & non
 ex libris desumptæ sunt. N. 66. pro præcedentium
 meliori intelligentiâ, quedam subjecta pro exemplo
 ponuntur, imprimis saccharum. N. 67. Sacchari
 Genesis, & preparatio. N. 68. syrupus sacchari,
 substantia media ejusdem est. N. 69. saccharum
 mustum densatum vocari potest, cum eidem per o-
 mnia simile sit. N. 70. ejusdem fermentatio. N. 71.
 saccharum fermentatum per omnia simile. N. 72.
 de acetificatione sacchari. N. 73. differentia in usu
 sacchari non fermentati, & fermentati exponitur,
 ubi quoque detegitur crassus Galenistarum error,
 qui quod in saccharo culpant, ipsi admittunt, quod
 verò probant, rejiciunt, agitur quoque von dem
 schleimen des Zuckers. N. 74. authoris ex-
 perientia circa ea, quæ scribit. N. 75. de mo-
 do sistendi fermentationem sacchari. N. 76.
 de melle, quod pro exemplo quoque adducitur.
 N. 77. generale axioma in fermentatione. N.
 78. preparatio mellis ad fermentationem. N.
 79. de differentia mellis. N. 80. utrum in ani-
 malibus caro vel sanguis fermentet. N. 81. de san-
 guinis, seminis, & bilis in animalibus analogiâ,
 cum

cum tribus vegetabilium prememoratis substantiis.
 N.82. *de harum partium fermentatione naturali.*
 N.83. *præternaturali, ubi de febribus, & febrilis fermenti ortu & præparatione.* N.84. *fermentum febrile ob internum calorem attractivum, & humiditatis appetens redditur, ubi de horrore & calore in febribus.* N.85. *de tempore & accessu februm.* N.86. *de paroxysmis & periodis februm.* N.87. *de diversitate & differentia februm.* N.88. *quare febriles quædam accessiones intermittentes vocentur.* N.89. *de curâ palliativâ in febribus ubi admittenda, agitur quoq; de rectâ methodo curandi febres.* N.90. *experimentum singulare aut febrile.* N.91. *Kergeri experimentum antifebrile.* N.92. *explicatio termini præcipitare, quo Kergerus utitur, ubi demonstratur ponendum fuisse, alterare, qui terminus quoque explicatur.* N.93. *nostrum experimentum seu medicina alterans.* N.94. *quomodo in horrore & calore februm medicamenta adhibenda.* N.95. *quâ ratione sudorifera in febribus prosint.* N.96. *phlebotomia abusus cum exemplo.* N.97. *quod in febribus sudorifera, phlebotomie palmam præripiant, quâ tamen cautelâ usurpanda.* N.98. *non quævis sudorifera indiscriminatim in febribus prosunt.* N.99. *cur fixa diaphoretica, ut magisteria & testacea in febribus prosint, & quomodo sudorem cieant.* N.100. *vigilantia Medici in febribus requiritur, & quæ recta methodus curandi febres.* N.101. *de febre continua & hectica.* N.102. *de ardentium, & calidarum februm origine.* N.103. *fermentationis febrilis analogia cum vegetabilium fermentatione.* N.104. *digressio à fermentatione animali & vegetabili ad mineralia,*
quæ

qua *improprie fermentare dicuntur.* N. 105. *fermentatio mineralis contingit per addita.* N. 106. *modus & ratio corrosivarum solutionum, qua fermentationis species sunt.* N. 107. *varietas colorum, odorum, saporum, qua ex corrosivâ solutione venit.* N. 108. *Philosophica ratio solutionis corrosivæ.* N. 109. *corrosiva solutio contingit ob similitudinem partium solventium & solvendarum.* N. 110. *cur aurum spiritum salis, argentum spiritum nitri, cuprum utrumque appetat.* N. 111. *calces metallorum ex solutione superstites, novas qualitates acquirunt.* N. 112. *soluta, quasdam particulas à solventibus mutuunt.* N. 113. *propria causa solutionum.* N. 114. *analogia mineralis solutionis, cum vegetabili fermentatione.* N. 115. *causa cur aëris & aqua diversitas, fermentationi diversas qualitates imprimat.* N. 116. *cur per solutionem corrosivam metalla non plus alterentur, quam de facto contingere cernimus.* N. 117. *de sic dictâ arbore Philosophorum.* N. 118. *analogia mineralis solutionis, cum fermentatione vegetabilium per exemplum, & collationem evidentissimè in cupro proponitur.* N. 119. *de Gas eupri.* N. 120. *substantia infima cupri, facibus vini analoga.* N. 121. *substantia summa cupri spiritui vini analoga.* N. 122. *substantia media cupri media vini substantia analoga.* N. 123. *usus hujus demonstrationis.* N. 124. *salium bituminum, & succorum mineralium solutio, fermentationi analoga, ejusque usus.* N. 125. *digressio ad ultimam fermentationis speciem nempe ad acetificationem.* N. 126. *de perfecto statu vini, & de cessatione fermentationis, simul*

qua vino jam quieti relicto, accidant. N. 127. de
 acescentia vini causa, seu de aceti origine. N. 128.
 de causis differentia acetorum. N. 129. cur que-
 dam aceta non ferant vectionem supra aquas. N.
 130. de differentia acoris seu acredinis. N. 131.
 quomodo substantia spirituosae sulphureae vini, in
 acetificatione sepeliatur. N. 132. quomodo particula
 salinae, quae in acetificatione eleuantur, & sulphu-
 reas ambiunt, separentur, ubi per experimentum
 earum existentia probatur. N. 133. sepulti spiri-
 tus ardentis in aceto resuscitatio & manifestatio.
 N. 134. de vero spiritu salis vini, seu salis Tartari.
 N. 135. de differentia salis communis cum sale a-
 ceti. N. 136. cur sal commune quod sic, difficulter
 terram fecundet, & in quo, a sale marino differat.
 N. 137. historia preparationis communis acetii.
 N. 138. cur vinum acetificandum prius coqua-
 tur. N. 139. spiritus vini praeservat ab omni aci-
 ditate, etiam a sanguinis acescentia, ut in scorbuto
 videmus. N. 140. alcalia acetificationem quoque
 prohibent, sed melius testacea id faciunt. N. 141.
 de duplici fermento acetii, nec non duplici fermento
 vini, ubi inter faces & inter sedimentum vulgò
 Göst und Heffen distinguitur, simul utriusque
 usus proponitur. N. 142. specialia de utroque vi-
 ni fermento. N. 143. de duplici acetii fermento,
 vulgò Sauertaig und Essig-Mutter. N. 144.
 de fermento vulgò Saurtaig / ejus usu in panifi-
 catione & acetificatione. N. 145. de primo fermento
 acetii vulgò Essig-Gas. N. 146. ex aqua acetum
 fieri potest, ejus conditio. N. 147. quomodo acetum
 conservandum, & tractandum sit. N. 148. de Gas
 acetii, seu exhalantibus atomis acetii, & inde ortis
 muscis

muscis vulgò Effig=Mufhen. N.149. de sedimento aceti vulgò Effig=Mutter / ejusdemq; analogiâ cum sedimento vini vulgò Weinslâger / nec non de nubeculis aquarum destillatarum vulgò Mutter. N. 150. de infinitâ potestate fermentationis, quâ quodlibet fermentans sine diminutione sui, aliud fermentabile incendit. N. 151. ignis flammans fermentationis species est, & per omnia cum fermentatione comparatur. N.152. Gas subtile in flamma exhalat, ubi quoque de substantiâ, spiritui ardenti analogâ, agitur. N. 153. de substantiâ fumi, in utionibus, spiritui aceti analogâ. N. 154. de substantiâ fuliginis, substantia mediæ vini analogâ, nec non de cineribus, sali tartari analogis. N. 155. antecedentia ex effectu probantur. N.156. comparatio combustionis cum fermentatione, circa ipsam actionem, seu in ipso actu. N.157. regressio ad acetificationem, quomodo & cur vasa modicè occludenda. adduntur nonnulla de rerum interitu. N. 158. de liquorum fermentatorum vappescentiâ vulgò Kanen/schimmel/schahl/abgestanden. N. 159. de mucore, & situ, nec non Tartari putrefactione. N. 160. de mucore & situ vulgò Schimmel in specie. N.161. de acescentia minerali. N.162. de aceto Antimonii, & aliarum minerarum. N. 163. de aceto Philosophorum, seu de eorum Mercurio, Lathone & Azoth. N.164. aceti philosophici analogia cum aceto communi. N. 165. de spiritu vini & aceti Philosophici. N.166. aceti Philosophorum preparatio, ejusdem analogia cum fermentatione, & acetificatione vegetabilium, & cur author materiam hanc fusiùs pertractârit. N. 167. quod nempe, qui vegetabilium fermentationem, & ace-

*tificationem non intelligit, multò minùs mineralem,
& Philosophicam intelligere, & assequi possit.*

TEXTUS.

HAËtenùs in sepulchretis, tanquam cadaverum cellis, non sine fœtore & & formidine delituimus, nunc in aprium procedemus, de tristibus ad læta, de morosis ad jucunda, paucis, è sepulchrorum cellis, in ipsas, mustei Bacchi, fermentantes vindemias, & vinarias cellas involabimus, suavi potu, amaram tristitiam, superaturi, prout plerumque post exequias in foro civili contingere solet.

N. ^{1.} Fermentationem ergò considerabimus, de quâ tot tantiq; libri jam in luce sunt, ut Löwenthal, Willis, Kerger, Zigler, aliiq; quorum scripta extant, nos nihil ex illis hoc loco repetemus, sed nostra tantum addemus, observationes nempe non communes, obiter autem pertractabimus, ne, quod nobis præter mentem, & intentionem, priori capite accidit, prolixitatem incurramus, quæ nostro instituto repugnat, cum hæc non ex professo, sed

N. ^{2.} tantummodo occasione subterraneorum pertractemus, ut scilicet eorum affectiones, per aliorum regnorum agere & pati, sufficienter explicare, & Lectori, quasi per animalium & vegetabilium visibilia & tactibilia ac nota exempla,

N. ^{3.} profundiora & obscuriora subterraneorum pathemata, ob oculos ponere queamus. Fermentatio itaq; à putrefactione differt, quòd in eâ quidem partes rarefiant, ut in putrefactione, & quod ex hac rarefactione aliqua corpusculorum mixti resolutio & alteratio sequatur, sed quod hæc resolutio non sit mixti destructio, sed potius perfectio,

Atio, subtilitatio, & extenuatio, ubi putrefactioni
 è diametro contraria est, utpote quæ mixtum in
 sua crasi totaliter alterat, & deturbat, putrefactio
 namq; in rarefactione humiditatem seu corpuscu-
 la humida introcipit, unde resolvitur, partesque
 mixti unctuosæ, ut in antecedenti capite dictum
 est, diluuntur, sed fermentatio in rarefactione,
 corpuscula aërea intercipit, quibus dilatatur, ex-
 tenuatur, & subtilitatur, manente seminali crasi
 integrâ, & in perfectius exaltata, realiter ergò à
 fermentatione putrefactio differt, quòd in hac ra-
 refactæ partes disuniantur, in illâ verò continuæ
 maneant, in utraque tamen raræ & per introce-
 ptionem externorum corpusculorum alteratæ,
 putrefactione in deterius, fermentatione in me- N.
 lius tendente, cur verò fermentationem vegeta- 4-
 bilibus propriam fecerim, ratio est, quòd videamus,
 illis eam, ob frequentiore usum, magis
 competere, cùm enim vegetabilium mixtio, me-
 dia, inter animale & minérale mixtionem sit,
 medium etiam locum in solutione tenebit, nem-
 pè fermentationem, nam inter putrefactionem &
 liquefactionem, quarum hæc mineralibus, al-
 tera animalibus competit, fermentatio media
 est, animalia senim ob diversa & plurima cor-
 puscula reactionem patiuntur, à quavis causa ex-
 terna, unde putrefactio sequitur, & interna to-
 tius mixti resolutio, & alteratio, mineralia autem
 mixta, cùm prorsus homogenea sint, rarefiunt
 quidem, sed ob perfectam mixtionem, parti-
 culæ cohærent, & hinc liquefactio oritur, quæ
 mineralibus propria est, vegetabilia verò ex va-
 riis quoq; particulis constant, sed ob paucio-
 rem

- diffimilitudinem partium, magis cohærent, quàm animalia mixta, sed minus quàm mineralia, unde igne tractata non cohærent, nec liquefcunt eorum partes ut metalla, nec tamen tam citò resolvuntur, ut animalia, hinc fermentare dicuntur, quæ actio media, inter putrefactionem & liquefactionem, est, nam tam putrefactio quàm fermentatio & liquefactio, rarefactionem requirit,
- N. & de puncto ad punctum in continuo resolvit,
5. sed ut dixi, putrefactio aquea, fermentatio aërea, & liquefactio ignea corpuscula in rarefactione suâ introcipit, quare & ratione hujus introceptionis & consecuti effectûs differunt, ut sequenti capite de liquefactione ulteriùs docebimus, hoc loco de fermentatione agemus, cujus tres species existunt, alia enim est intumefactio, seu ebullitio, aut interna incalescentia, alia propriè fermentatio, alia acetificatio seu accescentia. Pri-
- N. mam speciem, nempe ebullitionem quod attinet,
6. videmus illam in animalibus contingere, si venena acceperint, nam illico intumescunt, quod plerumque etiam post mortem corporibus accidit, si maligno morbo extincta sint, & in vivis adhuc, bubones, anthraces, parotides, aliaque maligna tubercula videmus, in specie in febribus malignis, & morbillis ac variolis, sanguis fermentare dicitur, licet vocabulum ebullire potiùs conveniret, ebulliens enim sanguis rarefit, secernitq; partes, de quibus postea agemus, de fermentatione sanguinis, in vegetabilibus quidem talis ebullitio datur, præsertim in cibus flatulentis, qui cum coquantur ut pulmenta, intumescunt, & hæc intumescencia propriè à rarefacto incluso aëre venit,
- & par-

& partibus mixti humidis & viscidis, sed & in metallis & subterraneis, variæ intumescentiæ dantur, ut si oleum tartari alumini affundas, magnam enim spumam & intumescentiam faciet, metalla in aquâ forti soluta, eaq; abstractâ ad siccitatem, si frustula in oleum tartari, vel silicum liquorem ponantur, illicò intumêre, & in ramusculos excre-^{N.} scere, author est Glauber. Cæterum misâ tu-^{7.} mescentiâ, incallescenciam consideremus, nam videmus, simum equinum per se incallescere, & corium per alutarios tractatum, vehementer incallescere, ita ut nisi maturè eximatur, comburatur, sed & inter vegetabilia fœnum, si in acervum collocetur, paululumq; humefiat, valdè incalescit, & trumentum aqua maceratum, ac in acervum postea collocatum incalescit, ita ut excre scat. In metallis quoq; huc referri posset ferri incallescencia in solutione, & tumefactione, quæ licet non in omnibus priori incallescenciam similis, tamen analogâ est, contingit autem talis incallescencia in subjectis siccis vel pinguibus, & viscosis, aut glutinosis, quorum visciditas accedente humiditate, nonnihil miscetur, ac rarefit, quo factò, particulæ jam aliquâlibet liberæ, & resolutæ, cùm calidæ naturæ esse dixerimus, in admixtam humiditatem agere incipiunt, exemplo ingratorum hominum, qui eis, per quos liberantur, malefaciunt, atq; inprimis malefacta rependunt, incallescencia ergo hæc, & quæ indè sequitur intumescencia, quasi præparatoria ancilla putrefactionis & fermentationis est, plerumq; adhibetur, & causa-^{8.} tur, ut subjecta valdè glutinosa, hoc modo nonnihil resolvantur, quo deindè eò meliùs fermenta-

re queant, quod manifestè in tritico videmus, illud
 N. enim, licet molâ frangatur (vulgò *gemalget*) nim
 9. prius incalascat, & excreascat (vulgò *Kaimen auf
 waren*) etsi aquâ perfundas, & coquas, coctum ta-
 men nunquam fermentabit, quòd substantia tritici
 omnimodè glutinosa sit, nam ut postea de fermenta-
 tione audietis, nimium spissa non fermentant,
 nam fermentatio est rarefactio, & rarefactionis
 prima causa est, dilatatio pororum, qui si fortius sint
 densati & conglutinati, aperiri nequeunt, neq; ob
 id ulla fermentatio sequi poterit, ideo triticum alii-
 que glutinosi fructus, aquâ perfunduntur, ut hume-
 fiant, deinde in acervum collocantur, ut ab ambi-
 ente aëre frigido partes interiores immunes sint,
 quo agere & incalascere queant, resuscitatus ergo
 ignis naturæ, & per aquam attenuatus, in eam age-
 re incipit, novum mixtum facere, naturale & natu-
 raliter, nempe ad ordinem vegetationis, hinc excre-
 scentes istos apices, tanquam fundamentum vege-
 tationis producit, de quibus capite de vegetatione
 egimus, admixta enim humiditas, loco istius humi-
 ditatis ei inservit, quàm aliàs ex terrâ attrahit, sed
 quoniam hæc admixta humiditas nec sufficiens est,
 nec continuat, ulterius talia vegetatio progredi ne-
 quit, nec desideratur etiam ut progrediatur, cum
 ars hoc loco incipiat, ubi natura desinit, triti-
 cum ergo, quòd ita excrevit, siccatur, tum ut
 excrefcentia ista emoriatur, tum ut resoluti per
 talem excrefcentiam, subtiliores spiritus, quos
 aliqui sylvestres vocant, expellantur, cum enim
 valdè subtiles sint, caput feriunt, si superma-
 neant, & per fermentationem potui miscean-
 tur, & hæc est ratio incalascientiæ tritici, quod
 cum

cùm in terram seminatur, eodem modo incalescit, ut in præcedentibus de vegetatione dictum, præmissa ergò hâc incalescentiâ tanquam famulâ, ad ipsam Dominam, nempè fermentationem progrediamur. Fermentatio ergò definitur, quòd sit corporis densioris rarefactio, particularumq; aërea-^{10.} rum interpositio, ex quo concluditur, debere in aëre fieri, nec nimium frigido, ne rarefactio impediatur, nec nimium calido, ne partes raribiles expellantur, in aperto tamen vase, vel tanto vacuo, ut partes rarefieri queant, nam stricta clausura, & ^{N.} vasis impletio, fermentationem totaliter impedit, ^{11.} frequens etiam motus impedimentum est, nam partes rarefacientes concutiuntur, & ab actione cessant, hinc concussiones tonitruum, tormentorum, ^{12.} aliorumq; obsunt, quod intelligendum est de primo fermentationis initio, ubi partes teneræ adhuc, facile à fermentatione desistunt, sed sub finem fermentationis, modica commotio juvat, excitat enim partes ad fermentationem, hinc recentes cerevisiæ, cùm curru transvehuntur, & commoventur, fortiores fiunt, & meliores. Distinguitur autem inter fermentationem apertam & clausam, in apertâ ^{N.} potus fermentatus sanior est, sed debilior, in clausâ ^{13.} non ita sanus, sed fortior, causa est, quod evaporantia rarefacta corpuscula, inprimis magna adhuc sylvestrium spirituum copia, de quibus antea egimus, retineatur, & in ipsum potum se præcipitet, unde valdè eum fortem reddit, cæterum ut paucis fermentationem, & tamen sufficienter explicemus, in mentem revocandum erit, quod capite de vegetatione, seu de vegetabilium mixtione diximus, ^{N.} eam nempè per modum cohibitionis, digestionis, ac ^{14.}

per lentam incrassationem contingere, quâ partes miscibiles convolvuntur, inspissantur, & condensantur, suavi & arctâ unione, hinc ut Exemplum à vino sumamus, cùm liquor in uvâ est, non fermentat, sed dulci suâ unione gaudet, quamprimùm verò exprimitur, ut aër ingressum in eum habeat, fermentate incipit, si mustum verò, antequam fermentare incipiat, coquatur, & in succum inspissetur, apparebit dulcis illa partium unio, nam ita cohærent, ut nihil nisi puram & insipidam aquam evaporare permittant, manentibus simul partibus, in substantiâ quasi syrupi, quin imò ut expressè probem hanc unionem, cohæSIONem, & mixTIONem per salis coctionem, & partium aquosarum abstractionem fieri, & augeri. experientiâ didici, mustum ad syrupi consistentiam coctum, licet cum pristinâ quantitate aquæ abstractæ misceatur, & resolvatur, tamen primo in colore mirè exaltatum reperiri, ita ut jam decies plus aquæ in pristinum colorem tingere queat, quam antea habuerat, rufescit enim mirum in modum, quod signum evidens est, solâ coctione tincturam in infinitum exaltari posse, deindè hic syrupus, licet iusta aquæ quantitate dilutus sit, vix decimam partem ita fermentat, quàm antea, priusquam coqueretur, imò nullâ arte amplius ad fermentationem duci potest, sed debilis & malè sapidus potus manet, quod ex coctione contingit, quâ partes raribiles & fermentabiles, fortius densatæ & constitutæ sunt, ut disuniri nequeant, imò si commune atramentum inspisses, & rursus solvas, non verum amplius atramentum dabit, quod & in contrario cum rarefactione contingit, nam si mensu-

ram

ram vini generosi sumas, ex eaq; spiritum destilles, N.
 destillatum reaffundas, illicò mixtum vini deturba- 17.
 tum erit, & extra naturalem saporem constitutum,
 cujus causa, quòd aliquæ particulæ vini, per destil-
 lationem plus justo sint rarefactæ, quàm in natura
 alias in vino per fermentationem rarefactæ erant,
 quo plus ergo præfatum vini spiritum rectificabis,
 hoc magis rarefiet, & hoc minùs citra præternatu-
 ralem saporem vino aut cuivis potui per misceri po-
 terit, quin statim bibenti per contrarium saporem N.
 se prodat, partes enim nimium raræ, præ cæteris 18.
 linguam & nasum feriunt, seq; produnt, quod fit, si
 vel minimum spiritûs ardentis in magnam potûs co-
 piam fundas, & certè quàm grave & vix non possi-
 bile est, rarefactum vini ardentem spiritum ità rur-
 sùs condensare, ut potui sine præternaturali aut he-
 terogeneo sapore admisceri queat, ità durum, &
 quasi impossibile est, ejusmodi inspissatos & coctio-
 ne condensatos syropos rursùs ità rarefactione ani-
 mare, ut pristino modo fermentent, nam sicut spirit⁹
 ardens rarefactione peccat, quam vel unicâ destil-
 latione accepit, & tot gradibus rursum densari de-
 bet, si ad statum naturalem redire debeat, quot per
 destillationem rarefactus est, ità substantia hæc co-
 ctâ condensatione peccat, quam vel unica coctione
 accepit, & tot gradibus rursùs rarefieri debet, si ad
 statum naturalem & potentiam fermentabilem re-
 dire debeat, quod utrumq; quàm difficile in praxi,
 ne dicam impossibile sit, nemo credit, quàm qui in
 praxi tentavit, ego insumpto toto anno in hoc stu-
 dio centū ducatos, imò ducentos spondeo statim, &
 optimâ fide servatur⁹ spōsionē, si quis unū vel alterū
 ex his duobus propositis me feliciter edocuerit, ma-
 joris

- N. joris enim est momenti , quàm hoc loco scriber
 19. queam, quæ si Glauberus considerasset, atq; in pra-
 xi tentasset , quod ita sine fronte in prosperitat
 Germaniæ de concentratione musti & cerevisia
 scripserat, quàm parùm scriptionis de hâc re fecis-
 set, quam ille tam levem facit, ut non erubescat tot
 orbi imponere , cùm ego eam æquè ac ipsum lapi-
 dem Philosophicum difficilem æstimem, non tamen
 nego , vina plenè fermentari posse, si modicè & pa-
 rùm concentrentur, ut videmus in vinis coctis, vul-
 N. gò *geseyerten Weinen* / quæ tali operatione nor
 20. modo dulciora sed & fortiora redduntur, sed red-
 eamus ad fermentationem , ubi ex relatis constat
 materiam fermentabilem non nimis spissam & den-
 sam esse debere, hinc causa, quòd oleum non fer-
 mentet , quod tamen purus & subtilis spiritus ar-
 dens est, atq; in nullâ re à spiritu ardenti differt,
 quàm quòd spiritus ardens sit oleum rarefactum, &
 oleum sit spiritus ardens condensatus , fermenta-
 bile tamen oleum esse ducimus, freti experientiâ,
 sed præviâ præparatione, neq; enim tam spissum est
 quàm syrupus, & sanè in oleorum fermentatione,
 magnum quoddam arcanum latet, sicut & in effe-
 ctu, nempè oleis fermentatis, non enim modo sua-
 vissimi & fortissimi varii generis potûs, levi pretio
 indè parari possent, sed ex iisdem potibus, spiritus
 ardentes nempè partes oleorum rarefactæ præpa-
 rantur, valdè medicinales, penetrantes, gratæ &
 odoriferæ, ac cordiales, ita ut non nisi à Regibus,
 & Principibus sumi deberent, quantam enim fra-
 grantiam spiritus ardens habeat, qui ex nucistâ, ci-
 namomi, aut macis oleo, rosmarino, aliove rare-
 facto & fermentato oleo præparatur, dici nequit,
 quàm

uam qui gustavit, & olfecit, cum indè spirituum
 talium recreatio, illicò sentiatur, effectu, in ægris,
 ngo ab aquâ perlarum usu discrepante, cum ta-
 en perlarum aqua longe hoc spiritu carior sit,
 quantam enim quot annis copiam pretiosorum &
 stillatorum oleorum Hollandia nobis ex Indiis
 fert: pretio non adeò magno, ità ut levi sum-
 u divitibus simul & pauperibus succurri posset,
 d redeamus ad scopum, cum & nimia rarefactio
 nimia condensatio fermentationi obfit, facilè
 oligi poterit, quæ eam promoveant, aut impedi-
 t, constringentia namq; impediunt, ut videmus N.
 oleo aut sale tartari, quod cuius fermentationi 21.
 iam fortissimæ, justâ quantitate impositum, in
 omento fermentationem sistit, adstringit enim
 artes rarefactas & rarescibiles, ut postea in expli-
 catione mediæ substantiæ fermentatorum explica-
 mus, nimium rarefacientia quoq; fermentationem
 impediunt, quòd in spiritu vini videmus, qui, si
 istâ quantitate materiæ fermentanti addatur, illicò
 sistit, fermentum namq; , seu partes crassiores
 fermentificantes, nempè fæces, attenuando præ-
 pitat, ut partes crassiores levibus adhærere ne-
 queant, quibus separatis, fermentum cessare ne-
 cessarium est, nam cum fermentationis causa pro- 22.
 atharctica fermentum sit (vulgò Gäst oder Hefel)
 quod ex particulis salinis, & sulphureis, unctuosis
 nempè & viscidis, seu terreis & aqueis consistit, quæ
 emperie mixtæ, ità dispositæ sunt, ut facilè salinæ
 leventur, & acefcant, seq; saponis instar habeant,
 t aquæ & cuius liquido misceantur, itaq; hoc fer-
 mentum maximam convenientiam cum musto, aut
 quâcunq; materia fermentabili habeat, eidemq;
 misce-

- misceatur, primò omnium, cùm salinæ partes in
 eo prævaleant, quæ attenuationi proximæ sunt,
 quæq; ob admixtum liquorem fermentabilem ma-
 gis diluuntur, eadem acescere incipiunt, atq; ita
 principium fermentationi faciunt, facilitè colligi
 potest, omne quicquid hanc acescentiam prohibet,
 fermentationem quoq; impedire, & quod eam pro-
 movet, eandem quoq; promovere, nemo autem
 N. miretur, me acescentiam pro principio, vehiculo,
 23. & effectu quoq; fermentationis statuere, cùm ut
 infra capite de saporibus demonstrabitur, rarefa-
 ctio sit causa acescentiæ, nam id acre est, quod
 summè rarum est, ut in spiritu vini, salis, nitri, ali-
 isq; videmus, qui destillati, corrosivi sunt, ante
 destillationem non item, ipsa communis aqua mul-
 toties destillata, & rarefacta ita corrosiva redditur,
 ut metalla solvat, cùm ergò in musto, seu quâcunq;
 N. materia fermentabili, duplices sint particulæ, aliæ
 24. unctuosæ, viscidæ & sulphureæ, aliæ verò salinæ
 & aqueæ, necessario ex cursu naturæ universali,
 levia præ gravibus in altum tendent, nempè parti-
 culæ sulphureæ tanquam igneæ naturæ, præ aqueis
 & salinis elevabuntur, & rarefient, non intelligen-
 do tamen quasi statim in principio, prorsus sola
 rarefiant, ita ut nullæ salinæ eas concomitentur,
 sed quòd potior pars ex sulphureis constet, nam
 nisi salinæ modicâ quantitate sulphureis misceren-
 tur, cum eisq; rarefierent, nullum potus fermenta-
 tus saporem haberet, cujus contrarium experi-
 entia docet, nam quamprimum fermentanda fer-
 mentant, grato acore sapere incipiunt (vulgò Bû-
 şeln) & in ipso spiritu vini, seu quocunq; ardente
 N. nullus sapor aut pungens vis esset, nisi partes sali-
 25.

næ id facerent, istæ enim separatæ per artem à spi-
 ritu vini, eum insipidum relinquunt, licet flagran-
 tem, & inflammabilis naturæ, ut antea, quod mi-
 rum inexpertis videri posset, sed hi sciant, ex limo
 & carbonibus calidissimum spiritum præparari pos-
 se, prorsus insipidum, qui, si justâ proportionem ace-
 ti spiritu, seu sale aceti misceatur, illicò in natura-
 em spiritum ardentem degenerat, & sanè hoc ex-
 perimentum non adeò flocci faciendum, nam inde
 ratio peti potest, unde ardens sulphur in spiritu vini
 oriatur, nempè ex terrâ, præsertim limo. Cæterum,
 quæ hætenus quidam de Mercurio vini fabulati
 sunt, ea de partibus salinis intelligenda, quæ arden- N. 1
 tem spiritum concomitantur, eundemq; pungen- 26.
 tem reddunt, nam hæ non flagrant, licet cum spiritu
 conjunctæ, cum eodem deflagrent, quod etiam in
 sulphure comuni contingere, infra capite de ustibi-
 litate, demonstrabimus, id enim totum deflagrat, cum
 interim ejusdem analysis Chymica doceat, vix in eo
 trigesimam partem inflammabilem, reliquum sal aci-
 dum esse, ut spiritus sulphuris docet, magna ergò vis
 in hisce partibus salinis, sulphureas concomitantibus,
 est, pro quarum varietate & quantitate, tota
 quoq; vini & cujuslibet fermentati potus substan-
 tia, & qualitas differt, nam cum parum eleuantur,
 aut paucæ sunt, potus erit insipidus, licet sul-
 phureis turgat, sin verò sulphureæ salinis amictæ N.
 sint, justâ proportionem, tùm tales potus vocantur 27.
 luffrig/ aërei, resolventes, incidentes, cum econtra
 stumm/ muti vocentur, eò quòd corpora calefa-
 ciant, neq; resolvant, aut expellant, cum econ-
 tra cum multo sale volatili abundant, luffrige/
 vina resolventia, aperientia, & diuretica vocen-
 tur,

- tur, sin verò partes salinæ nimium abundant, sulphureisq; dominantur, tùm acida vina progengerantur, quæ brevi in acetum abeunt, quod de quovis potu intelligendum, sed de acetificatione postea, jam ulterius progrediamur, & fermentationem prosequamur, in quâ quatuor motus observare licet. *Primo* enim cùm fermentatio incipit, partes
28. subtiliores resolvuntur, nam cùm in tali rarefactione, & resolutione, quasi partium sulphurearum, & salinarum disjunctio sit, sequitur ex eadem nova reactio, ex reactione mixtio, & in utrâq; subtilium
- N. corpusculorum violenta percussio & emanatio,
29. unde in fermentatione, in statu incipienti, potentissimæ, copiosæ, subtiles atomi evaporant, potentissimas voco, quod homines inde suffocari experientia constat, copiosæ autem sunt, quo fortiores sunt potus, qui fermentant, nam quo plures spiritus habent, hoc fortiores sunt, subtiles verò esse dixi, quòd nullâ arte in corpus reduci queant, ut experientia docet, applicavimus enim maximo doli, multo fermentante repleto, alembicum, cujus rostro refrigeratorium accommodavimus, ut spiritus tales caperentur, seq; in liquorem resolverent, sed nihil actum est, cùm multo subtiliores sint, nec salinæ nec sulphureæ naturæ, sed ex utriusq; reactione aliquod emanans tertium, quod quidam spiritus sylvestres, Helmontius *Gas* vocabat, cujus simile videmus, cum oleo tartari corrosivos spiritus jungimus, cùm enim invicem sibilum faciunt, subtilis quidam spiritus ex reactione prodit, exemplum postea in animalibus & subterraneis dabimus, hic ergò subtilis vapor durat, quousq; fermentatione persistit, quæ est potus crassioris digesti
30. & con-

& concocti, successiva resolutio de puncto ad punctum, de atomo ad atomum, causata per rarefactionem, quæ ex interno calore fermenti oritur, nam omnes bullulæ in fermentatione à fundo ad superficiem, ex fermento procedunt, ut autopfia docet, hæ ergo bullulæ aëreæ, cum ad superficiem deveniunt, cum ambiente aëre conjunguntur, cui se cum auctos subtilissimos spiritus communicant, de quibus hætenus egimus. *Secundus* fermenta-
 tionis effectus constituit subtiliores fermentati partes, quæ etiamnum potui in hærent, quæq; bibentes ebrios reddunt, & quas diximus uno nomine, spiritum ardentem, vocari, licet ex duplici particularum genere constet, sulphureis nempe & salinis, ut jam dictum est, his ergo subtilioribus partibus evaporatis, omnis potus vappescit, & vappain fitum mutatur, ut postea in acetificatione dicemus, manentibus vero eis & copiosis existentibus, potus valde fortis redditur. *Tertia* fermentati substantia est, prorsus nova, quam pauci hætenus ob-
 servarunt, nempe mater præcedentis duplicati spiritus, ut verò hanc clarè explicemus, lectori, quemlibet potum fermentatum, inprimis vinum generosum, & defæcatum, vetus nempe ob oculos ponemus, in quo tres substantias diversas esse demonstrabimus, solâ tamen raritate, densitate, & coctione diversas, nam quoad duplicem substantiam, sulphuream nempe & salinam, seu terream & aqueam, unum sunt, hoc ut accuratè ad oculum demonstramus, sequenti experimento opus est; *Recipe* vini N. generosi, quantum libet, destilla inde more solito spiritum, quem rectifica, & à parte serva, reliquum in cucurbitâ ad syrupi consistentiam inspissa, &

fa, & præcedenti spiritu vini præcipita, illicò tartarus separabitur omnis albissimus, & spiritus vini colore rubicundissimo tingetur, quem à tartaro vel per decantationem, vel per filtrationem separa, & in cucurbitâ rursus destilla ad syrupi consistentiam, habebis spiritum vini, deinde in cucurbitâ syrupum subacidum, & à parte, ut antea dixi, tartarum, ita tres ex vino diversas substantias accipies, de spiritus vini naturâ, jam in præcedentibus dictum, hoc loco eum vocabimus substantiam summam seu volatilem Mercurialem vini, syrupum verò vini nominabimus substantiam mediam, seu improprie sulphuream vini, & tartarum vocabimus substantiam infimam, seu à fixitate salinam vini. *Primo*

N. autem examinabimus, unde hæ tres substantiæ
 35. oriantur, deinde docebimus earum affinitatem & qualitatem, & ut primum membrum aggrediamur, certum est, has omnes tres substantias per fermentationem causari, nam in musto, ante fermentationem, nulla talis substantia, quomodocunq; etiam mustum tractetur, destilletur, & præparetur, reperitur, cum omnes tres substantiæ in uno raritatis & densitatis gradu consistent, atq; permixtæ sint, unde cum violento igne mustum tractatur, totum comburitur, in spiritum acidum redigitur, non ardentem, oleum foetidum, paucissimas faeces relinquens, cum verò fermentatum est, præfatas diversas substantias exhibet, quarum prima subtilissima, & volatilissima, ultima crassissima, & fixissima existit, ut in Tartaro videmus, etsi autem in musto tantum una, in fermentatione & violentâ destillatione, tres diversæ substantiæ appareant, tamen neq; una neq; plures aut diversæ sunt

sunt substantiæ, sed omnes ex unâ radice bifidâ procedunt, ut jam demonstrabimus, sciendum ergo est, ut in capite de vegetatione egimus, statim in principio vegetationis, succum ex terrâ, tanquam alimentum à plantâ attrahi, quod alimentum cum in naturam alentis aut aliti transmutari debeat, omnimode ejusdem naturæ, certo respectu esse debet, alioquin ut heterogeneous rejiceretur, diximus autem crasin seu *esse ve-* N.
getabilium consistere ex terrâ, & aquâ, juxta fun- 36
damenta primæ mixtionis, seu ex terrâ crassâ & tenui juxta nostram doctrinam, seu ut tritè cum modernis Chymicis loquar, ex sulphure & sale, id est, unctuositate & humiditate, cujus proinde naturæ alimentum terræ esse debet, atque etiam est, ut sectione secundâ capite de fontium origine docuimus, nempe substantiæ sulphureæ & salinæ, sed saponatæ mixtionis, & proinde nitrosæ, ut se aquæ, tanquam medio miscenti, miscere queat, crassioris autem est qualitatis hæc hermaphroditica substantia, ac proinde acris N.
& acidæ, aut amaræ, ad quod multum etiam fa- 37
cit, quod urinâ & fimo, aliisq; nitrosis putrefactis agros nostros ob alimenti defectum fimaræ soleamus, cum econtrâ, ob solis potentiam, in Indiis, omnis terræ succus dulcis sit, & sulphureus, ita ut & gramen destillatum spiritum ardentem præbeat, & quæcunque acida Europæa, terræ isti implantantur, dulces tamen fructus proferrunt, sed redeamus ad acidum patriæ nostræ succum, qui primò ab Indico differt, quod ob defectum solis in terrâ non melius digeratur, dein- N.
dè quod in ipsâ vite aut plantâ attractus, ab 38.

ambiente aëre, & solis cohibitione, quoq; non
 fufficienter præparetur, manifestum enim est, de-
 fectu solis, acidum vinum generari, substantia
 namque terræ attracta, coqui, digeri, & alterari
 nequit, de quâ cohibitione, & suavi inspissatio-
 ne ac influentiâ superius in capite de vegetatione
 fufius egimus, succus ergo terræ attractus, in ipsâ
 vite aut plantâ, gradatim digeritur, & quidem ab
 ultimo gradu crassitiei ad medium, & ex medio ad
 summum, ita ut quædam partes sulphureæ & sali-
 næ, grossæ & crassæ maneant, quæ deindè Tarta-
 rum exhibent, aliæ ex tartaro eleuantur, & mediæ
 fiunt, unde nostra substantia media vini, & ex hâc
 aliæ eleuantur, in substantiam summam & spirituo-
 sam, sed omnes hæ substantiæ ita permixtæ sunt,
 astrali quodam glutine, ut ab aëre non resolvi pos-
 sint, cuticula munitæ, quâ ruptâ, & per prælum
 N. materiâ commixtâ aëri liber in eam ingressus da-
 39. tur, quæ proindè fermentare incipit, non aliter,
 quàm apes in favo, cum mel in cellulas ponunt,
 eas postea obducunt, & præ aëre muniunt, sed ut
 N. ad historiam veniamus, censemus istam plantam
 40. feliciter in suâ vegetatione procedere, in quâ gros-
 sa substantia multum in mediam, & media multū in
 supremam evecta, & digesta est, hinc fortissima ista
 vina, quæ spirituosiora sunt, parum grossæ & me-
 diæ substantiæ habent, semper tamen aliquid de eâ
 servant, sic volente creatore, ut una substantia al-
 terâ involveretur, spirituosam enim substantiam odo-
 rem & calorem, media calorem & saporem, ultima
 hypostasim præbet, cui præcedentes duæ inhærent,
 N. & hoc in omnibus plantis inveniemus, nempe tres
 41. substantias, & sanè media, de quâ potior sermo,
 quasi

quasi sanguis plantæ est, paucis hæc-
 media substantia extracta nobis exhibet, & in pur-
 gantibus, in illâ solâ vis purgatrix consistit, si jam
 nostri medicastrî, exemplo & experimento à nobis
 citato, fæces & tartarum torminosum, ac ut postea
 docebimus, acescentem & acescentiæ causam, ex
 hac substantiâ mediâ præcipitent, & iusta quan-
 titate cum supremâ jungerent, quàm suave, tenue,
 subtile, incorruptibile, mixtum, colore, odore
 & sapore, vegetabilis sui crasin immortaliter præ-
 sentans haberent, imò quàm multa alia arcana in
 hac substantiâ media invenirent, quin imò si id in
 liquoribus facilè acescentibus observaretur, levi N.
 negotio insignes & persistentes potus, ex quâvis re 42.
 acescibili præparare possemus, sed ne in ambages
 veniamus, prout nobis in putrefactionis descriptio-
 ne accidit, recurramus ad nostræ substantiæ mediæ
 affinitatem cum substantiâ summâ, quæ inde orta
 est, nam si hanc mediam substantiam consideres,
 sulphurea est & salina, sulphurea, quia tota in igne
 ardet, ut lardum, & consumitur, salina est, quia in
 quovis liquore resolvitur, quem suavissimo colore,
 & grato acido sapore tingit, potum exhibens laxa-
 tivum & diureticum, omnibus acidulis, quòd ven-
 triculum confortet, & non destruat, palmam præ-
 ricipiens, viatoribus in calidis Regionibus magnum
 donum esset, cum extracti aut syrupi formâ secum
 vehere, & quamcunq; aquam, imò alios dulces
 potus, subacidos reddere possent, non per modum
 corrosionis, ut per spiritum Vitrioli, sed vinoso
 acore (Weinsauere) nam inter acores differentia
 est, ut postea de acetificatione docebimus, possent
 etiam ægri, quibus vinum prohibitum est, ob spiri-
 tuosam

tuosam summam substantiam, hâc mediâ uti, quæ ferè idem quod vinum præstat, nisi quod non calefaciat, sed sitim sedet, & ventriculum confortet, rursus ergò discite, *quam pauca sint, quæ Medicum nobilitare queant*, ut Helmontius in alio sensu ait. Cæterum hæc substantia media saponatæ quoq; , seu si mavis vitriolatæ naturæ existit, nam & pinguis est, & salina, in omni liquore sese solvit, & tamen ardet, ex flagrantia pinguedinem, & sulphureitatem observa, unde pars ardens in summâ substantia, nempè spiritus vini provenit, ex salina verò acor ille venit, & elevatur, qui in spiritu ardenti est, eumq; concomitatur, ut in præcedentibus diximus, & inferius de acetificatione ulterius agemus, manifestum ergò signum est, hanc substantiam mediam ejusdem naturæ cum summâ esse, nisi quod summa magis digesta, & ex hâc mediâ exaltata sit, magna proinde affinitas inter spiritum vini & hanc mediam substantiam est, quæ illicò in spiritu vini solvitur, eumq; mirum in modum confortat, paucis experimento demonstrare possemus, ex hâc media substantia verum vini spiritum præparari posse, quod sanè experimentum non parvi momenti est, cum multi potus ideò debiles sint, quod multum de substantiâ hâc mediâ, parùm de summâ contineant, ob solis defectum, si jam hæc substantiâ quoq; arte elevari possit, facile ex quovis vino fortissimum faceremus, sed de his postea, cum de saccharo acturi erimus, prout diximus, hanc substantiam mediam naturâ & arte in summam elevari, ita pars ejus quoq; in infimam mutatur, nam si eam multoties in aquâ solvas, inspisses, ac cum spiritu vini præcipites, semper de novo tartarum invenies, donec tota hæc media substantia omnis, in

in tartarum conversa sit, quod mirum non erit, si consideres ipsam tartari mixturam, quæ ex terrâ aliquâ calcis, & hâc mediâ substantiâ consistit, ut experientia docet, nam si sal tartari vino contundas, reactionem animadvertes, & vinum omnem saporem perdet, ita ut aqua videatur, substantia enim media, quæ vino inest, & undè vinum saporem habet, à sale tartari rursus attrahitur, quia forti ignitione hanc substantiam mediam perdidit, & jam fortissimo magnetismo, ex fundamentis, sectione de mixtione datis, repetit, attrahitq; ex alieno, quod de proprio perdiderat, hinc in momento, si rectè processeris, in naturalem tartarum convertetur, & fundum petet, qui super carbones projectus naturalis tartarus est, & spiritum rursus exhibet, ac oleum in destillatione, ut antea, quod manifestum signum est, totam tartari formam in hâc substantiâ mediâ consistere, nec mirum, nam si eam per se destilles, oleû & spiritum, spiritui & oleo tartari per omnia similem invenies, quod verò terram tartari attinet, quam vulgares Chymici salem tartari vocant, hanc speciem calcis vivæ esse dico, aquæ tenaciter adhærentem, seu juxta meam doctrinam, terram fluidam, analogam ei, quam sectione tertiâ capite secundo descripsi, vitrescibilem, quod praxis demonstrat, nam si arenam, & sal tartari anaticè misceas, & retortæ imponas, fortissimo igne destillando per 12. horas, aquam elementalem accipies prorsus insipidam & in retortâ clarum, pellucidum, & perfectum vitrum invenies, quod experimentum docet, salem Tartari ex aquâ & terrâ fluida vitrescibili constare, si quoq; sulphur commune

mune cum sale Tartari liquefacias, & aquâ forti præcipites, hanc siccam terram præ oculis videbis, N. quàm quidam decepti, sulphur fixum appellabant, 49. ut Glauberus facit, sed à sale tartari procedere, residua aqua fortis docet, in quam sal tartari redire debuisset, si non præcipitaretur, evidentius tamen experimentum datur, si sal tartari ad sufficienriam cum spiritu salis misceas, nam factio sibilo, terra alba decedit, fixissima, quam nemo, ut opinor, à spiritu salis procedere statuet, sed propiora præ manibus sunt, si metalla cum sale tartari diu in liquefactione stent, postea elixentur, inuenies in metallo calcem, & in fundo quoque lixivij, terram adstringentem, reliquum lixivium inspissa, & cum novo metallo liquefac, vix ter hunc laborem repetes, & omne sal tartari in terram abibit, idem ea terra præstat, quæ defectu humiditatis in nullo salem mutari potest, & quæ proinde in calcinatione Tartari sicca remanet, & terra mortua seu caput mortuum tartari vocari solet, hæc enim terra omne in præstat, quod sal tartari, imò potentius, nam in liquefactione metallis miscetur, ea in albedinem tingens, & arenæ conjuncta, in vitrum mutatur, hujus quoq; terræ manifestatio, in ultimâ resolutione vini in elementa apparet, ut infra, paragrapho de situ, & mucore docebimus, verum, cum de salis tartari anatomia, libro secundo sub speciali titulo acturi simus, hoc loco ulteriora omitemus, & ad discursum revertemur, ubi experimentum, quod de sale tartari & præcipitatione vini dedimus, non adeò levi pede prætereundum est, demonstrandum enim etiamnum incumbit, ut scrupulosioribus satisfaciamus, hanc reactionem,

& no-

& novam mixtionem ex substantiâ mediâ , & non ^{N.}
 ex summâ procedere , ac proindè saporem vini , ^{51.}
 magnâ ex parte in substantiâ mediâ latere, quòd fa-
 cile evincere poterimus , si enim tale præcipitatum
 liquidum destillemus , spiritum vini accipiemus ,
 quod contingere non posset , si is reactionem pas-
 sus esset, deindè ut rem evidentius demonstramus ,
 sumatur substantia media pura , & à reliquis sepa-
 rata, modicâ tamen aquâ diluta , & misceatur oleo
 vel sale tartari, fiet idem sibilus, eadem præcipitatio,
 omnisq; acor substantiæ mediæ evanescet , quod
 expressè demonstrat , & saporem vini in substantiâ
 mediâ latitare , & substantiam mediam mixtum tar-
 tari ingredi , deindè si sal tartari partes spirituosas
 præcipitaret, id quoq; in aceto contingeret , quod ^{N.}
 eodem modo, sale tartari perfusum sibilat , & rea- ^{52.}
 ctionem patitur, sed acrimoniam prorsus non amit-
 tit, cujus ratio est, quòd aciditas aceti, non modò in
 substantiâ mediâ, sed in sale volatili nimium rarefa-
 ctio, prout postea sub acetificatione dicemus, nem-
 pè in substantiâ summâ consistat, in quem salem
 volatilem , ob summam raritatem , tam parùm sal
 tartari agit , aut agere potest , quàm in ipsum spiri-
 tum vini, cum à summè raris ad summè densa , ex
 hypothesi sectionis de mixtione , non detur actio ,
 acidum ergò acetum manere necessum est , nam sal
 tartari in spiritum aceti non agit, si etiamnù sit in mix-
 to aceti, licet terra tartari id faciat, eumq; in urinæ
 spiritum ex tempore mutet , ut postea sub acetifi- ^{N.}
 catione docebimus, sed omissis his aliisq; , ne proli- ^{53.}
 xi, & lectori tædio simus , videmus hanc substanti-
 am mediam etiam naturaliter in tartarum , in vasis
 vinariis mutâri, cum enimeâ , quæ externo aëre

occlusa sint, internus vini spiritus & calor se ipsum digerere incipit, unde hæc substantia media gradatim incrassatur, & in tartarum, parietibus vasis adhærentem, mutatur, quin imo ipse vini spiritus, tanquam substantia summa vini figitur, & ut ita loquar, oleificatur, atq; quasi in substantiam mediam mutatur, unde talia vina viscida, lenta, & ob salis acidi ac sulphuris volatilis fixationem tenacia fiunt, vulgò *sähe Wein*/ cui malo, acido sulphuris communis, sive in fumi sive in liquoris formâ applicato, remedemur, saltem enim acidum vini fortificat & auget, contrarium verò huic actioni accidit, si lento calori & aëri aperto, vasa exponantur, & relinquantur, ita enim non fixatio sed volatilisatio partium vini, præcipuè exaltatio partium salinarum accidit, & vinum acetificatur, omnesq; vini substantiæ in summum tendunt, ut postea de acetificatione demonstrabimus. Cæterum sæpius memorata præcipitatio substantiæ mediæ vini, præter præcedentem demonstrationem etiam suos & alios usus habet, nam cum in subjectis & locis quàmplurimis, soltardiùs operetur, ita ut substantiæ mediæ multum relinquat, quæ cum non facile ob digestionem suam fermentabilis sit, non modo potum debilem, & facilem acescibilem, sed & viscidum ac gravem (vulgò *mollicht*) reddit, unde ingratus, rancidus sapor oritur, huic malo ut remedeantur, aliqui pro secreto habent, ejusmodi potus præsertim ex melle, cum sale tartari, vel alcali præcipitare, atq; ita partem substantiæ mediæ in tartarum mutare, qui ob gravitatem decidit, facile deinde separabilis, quæ enim graviora sunt, subsidunt, nec à partibus subtilioribus resolvantur, quod in

vino

vino, & vini spiritu videmus, quæ tartarum non sol-
 vunt, quod digestus nimis sit, qui proindè etiam a-
 quâ communi non solvitur, nisi tepida, terreus e-
 nim nimis est, ut in calcinatione ejus videmus, qui
 ergò tartarum subtilem desiderant, & volatilem,
 substantiam mediam sumant, & utrumq; habebunt,
 nisi spontè errare, & subtilia impossibilia, & contra-
 dictoria quærere ipsis placeat, æqui verò rerum æ-
 stimatores omne in hac substantiâ mediâ invenient, N.
 & abundantius in summâ, quàm alii in infimâ quæ- 57.
 runt, spiritum enim vini, & mediam substantiam e-
 jus, ut & ultimam, ex duplici terrâ constare, juxta
 suam proportionem, crassiori & subtiliori, ex-
 perientia demonstrat, si nempe in ultimum resol-
 vantur, quorum finis sicut principium terra est,
 licet medium ob variam mixtionem, rarefactio-
 nem, & densationem varium sit, variisq; sub lar-
 vis terræ, aquæ, gummi, sulphuris, salis, olei,
 urinæ vagetur, & quoniam omnes ejusmodi exter-
 nas figuras, ut spero, breviter quidem, sed suffici-
 enter attigimus, exceptis postremis duabus, paucis
 quoq; ne nihil intermittamus, quod Lectori curio-
 so interservire posset, eas explicabimus, inprimis N.
 quomodo spiritus vini in oleum abeat, quod se- 58.
 paratione seu condensatione partium salinarum fa-
 cilè accidere potest, cum, ut experientiâ id vide-
 mus, in rectificatione spiritus vini, semper oleum
 aliquod remaneat, nam dum partes subtiliores
 destillatione evaporant, & per alembicum, ac re-
 frigeratorium resolvuntur, interea partes reli-
 quæ residuæ lentè digeruntur, atque in olei for-
 mam veniunt, sic enim oleum vini paratur, et N.
 iam solâ spiritus vini digestionem cum aquâ, nam 59.
 hoc

hoc axioma esto, sicut apertus calor à principio ad finem usq; , in extremo gradu rarefacit, ut postea sub acetificatione & situ demonstrabimus, ita oclusus calor, modicè digerit, & partes raras figit, ac à fine ad principium ducit, quod egregio experimento docere possemus, si consultum foret, dignis pariter ac indignis communicare, cum peccatum sit, panem canibus objicere. Urinificatio ex substantiâ mediâ potuum & liquorum omniumq; vescibilium rerum fit, nos in vino manebimus, quod bibitum, in corpore partes spirituosiores exhalat, in sanguinem & cerebrum mittit, fixas verò & tartareas per excrementa alvi secernit, nam tartarum per alvum laxare, ejusdem cremor, qui tartarus purificatus est, docet, substantia verò media in sanguinem & nutrimentum mutatur, videmus enim si nitrosa, aut acida nimis sit, sanguinem statim eâ affici, hæc ergò substantia, cum purior ejus pars, crassior & oleosior nempè ad sanguinem vadat, levio-rem, & demptis partibus sulphureis, tenuiorem ac falsiorem ad urinam mittit, quæ proindè copioso sale volatili turget, quem processum experientia monstrat, nam si substantiam mediam cujusdam subjecti vescibilis aut bibilis, per se ex retorta destilles, oleum foetidum accipies, sanguinis oleo omnimodè analogum, spiritus verò excepto empyreumate, spiritui urinæ analogus est, imò omnes ejus vires præstat, atq; levi manipulatione, in formalem urinæ spiritum mutari potest, quod etiam de spiritu aceti, tartari, aliisq; dici potest, sed quoniam hoc modo planè extra Spartham vagaremur, recurrendum erit ad fermentationis historiam, in quâ, cum partes raribiles rarefactæ sint, & ita totus liquor

liquor attenuatus existat, heterogeneæ naturali N.
 gravitate separantur, nam prout in capite de anima- 62
 lium generatione diximus, partium accrescibilium
 gravitatem & quantitatem, proximam causam ac-
 cretionis & mixtionis, ac formationis esse, ita in-
 conveniens gravitas, heterogeneitatis & separatio-
 nis causa existit, hinc potu, per rarefactionem ad
 naturalem statum, & temperiem raritatis & denfi-
 tatis deducto, quæ medio inter densitatem & rarita- N.
 tem gradu consistit (nam extremè densus liquor, 63
 mustum, extremè rarum, acetum est) hoc inquam
 liquore attenuato, partes heterogeneæ si leviores
 sint, ut plumæ, folia, tela araneæ aliaq; super-
 ficiem liquoris petunt, si graviores, fundum ten-
 dunt, & hinc sedimentum seu fæces, quas, tanquam
 superfluas & crassiores, natura dejecit, utpote, quæ
 jam in attenuato liquore non amplius persistere
 queunt, sed propriâ gravitate subsidunt, multi spe-
 cies, non sufficienter rarefacti, nec ut rarefieri que-
 at, sufficienter excocti, in ea tamen omne invenies,
 quicquid in potu fermentato erit, nam copiosus in-
 est spiritus vini, multum salis, unde facile acescit,
 plurimum substantiæ putulentæ, si exprimatur, et-
 iam substantia media latet in potulenta, magnam
 tartari, sed plurimam terræ copiam invenies, unde N.
 sal alcali paratur, hoc ergò sedimentum, provida 64
 mater natura vino dedit, ut si ex fermentatione
 multa corpuscula evaporent, per sedimentum re-
 farciantur, unde hoc sedimentum tanquam mater,
 nutrix, aut lac vini, vel cujusvis potûs est, hinc pri-
 mis temporibus non statim abstrahendum, alias vi-
 na facile, nisi fortia sint, degenerant (vulgò *absal-*
sen) tandem verò abstrahitur, ne non otiosa hæc
 mater

mater, acescentiam causet, ad quam propter salis & substantiæ mediæ copiam naturâ suâ inclinât. Atq; ita simplici graphide fermentationem descripsimus, quatenus instituto nostro convenit, neq; enim specialiter hæc & similia pertractare animus est, nisi in quantum cognitioni & meliori explicationi, pro subterraneis inserviunt, possemus alias ingens volumen de solâ fermentatione perscribere, & licet, ut dictum est, præsentibus, non totam de fermentatione doctrinam proponere animus sit, tamen speramus, nos hisce paucis multa, rara & abstrusa circa fermentationis materiam tradidisse, quæ aliàs in nullis libris inveniuntur, licet expressè de fermentatione scriptis, prout hujus veritatem Lector facilè intelliget, si alios authores de fermentatione legerit, & cum hisce meis combinaverit, præmissis

N. 66. ergò de fermentatione præcedentibus fundamentis aliqua exempla superstruemus, ut eò clariùs illustremus, quæ hætenùs rudi & simplici penicillo & graphide delineavimus. Ante omnia verò saccharum ob oculos venit, quod mustum ficcatum & condensatum dici posset, in quo suavissimus & balsaminus terræ succus ostenditur, qui postquam in cannas è terrâ humidâ attractus, ab ambiente aëre

N. 67. coctus, digestus, & inspissatus, tandem recisis cannis, succus per molendina exprimitur, & inspissatur, quod inspissatum denuò solvitur, ac coagulatur, funditurq; in formam pyramidalem, obductam luto, quod substantiam liquidiorẽ sacchari attrahit, ut reliqua ficcior, & durior evadat, liquidum autem extractum saccharum, syrupum vocant, & reverà substantia sacchari media est, seu

N. 68. succus terræ, à naturâ non sufficienter coctus, & exal-

exaltatus, quæ proinde non adeo salutaris est, nam qui nimium eâ fruitur, dysenteria laborat, huic mediæ liquorosæ substantiæ non absimilis, in ipso saccharo etiamnum latitat, quod sequens sacchari anatomia demonstrabit, quam jam aggrediemur. Sac- N.
 charum mustum vocavimus densatum, idq; non im- 69.
 meritò, nam in omnibus musto simile est, si ante fermentationem destilles, spiritum, tartarum urinosum, & oleum fœtidum accipies, ut ex musto, sin verò libram unam, sex vel octo libris aquæ misceas, addendo cochleare unum recentis fermenti cerevisiæ, misceasq; & lento calori exponas, paucis ho- N.
 ris fermentare incipiet, magnâ violentiâ, & Gas e- 70.
 missione, ubi fumi communis odor apparebit, qui in siccatione sacchari se immiscuit, & vase non nihil vacuo sed clauso, si per quatuor septimanas fermentare sinas, nam diu fermentat, ob spirituosarum partium copiam, fortissimum potum accipies, vino Hispanico non absimilem, in quo omnes vini naturalis fermentati partes reperiuntur, nam si eum de- N.
 stilles, fortissimum vini spiritum ardentem accipies, 71.
 postmodum si residuam materiam, juxta antecedens experimentum ad consistentiam, lento igne destillaveris, aquam inspidam invenies, & in cucurbitâ liquorem, syrupum, seu substantiam mediam, hanc spiritu ardenti proprio resolve, & precipitabitur naturalis tartarus, solutum filtra, & spiritum denuò abstrahere, quem serva, in cucurbitâ verò liquorem invenies substantiæ mediæ vini per omnia similem, nisi quòd non ita acidus, sed dulcis acidus, gratissimi saporis sit, sin verò totam fermentantem materiam continuò calori exponas, N.
 seu communia addas, quæ vino addi solent, in aceti- 72.
 ficatio-

N. 73. ficatione, intra breve tempus fortissimum acetum impetrabis, naturali aceto vini per omnia simile, prævalens tamen in vulneribus atq; ambustis, ita ut saccharum fermentatum optimo jure vinum vocari posset, cum in potum degeneret vino per omnia similem imò fortiolem, viderint ergò Medici, quid syrupis suis efficiant in fermentatione sanguinis, ubi ignem igni addunt, hoc quoq; notandum est, potum hunc saccharinum saluberrimum esse, & diureticum, ad vesicæ exulcerationem, internaq; vulnera, cum balsamina sit naturæ, nam quod de saccharo non fermentato dici nequit, cum alias eadem ratio musti esset, quàm quæ vini, cujus tamen qualitates contrariæ sunt, quotidianâ experientia teste, hoc ideo dico, quod sciam imperitos quosdam asinos, licet protomedicos, hunc saccharinum potum, eo nomine apud plebem & ægros contemnere, cum tamen prorsus quod de inviscidatione (*Schleimen*) hujus potûs dicunt, suis syrupis conveniat, qui ex saccharo non fermentato constant, & proinde plus obstruunt, quàm fermentati, & si calorem huius potûs intrinsecum objiciant, respondeo eundem suis syrupis tribui, qui non rarò ita in ægris fermentant, ob copiosam propinationem, ut cadavera postea cum spumâ intumescant, ut experientiâ id vidimus, deinde hæc dulcia bilem augent, sitim provocant, appetitum demunt, ventriculum prosternunt, viscera obstruunt, cum e contra saccharum fermentatum & spiritu suo ardenti, in morbis calidis per abstractionem liberatum, paucis, substantia media sacchari subacida, gratissimi saporis sit, bilem imminuat, sitim sufficienter sedet, appetitum provocet, ventriculum con-

conservet, viscera referat, alvum laxet, urinam, sudorem cieat, deniq; prout in nulla re Medici apud ægros male magis audiunt, quàm ob inelegantem potum, ita vel hoc solo nomine suavissimi & salutaris potûs, se Medicus commendare posset, & deberet, si magis ægro quam pharmacopœ & Marsupio consulere vellet, dici non potest, quam suavis potus fiat, si substantia hæc media sacchari cum vini media substantia ad placitum misceatur, deindè præter usum medicum, alius quoq; civilis est, possem enim si vellem, viatoribus modum monstrare, quo siccum potum secum ducere possent, nulli, & etiam fortissimo & carissimo cedentem, sive ad formam vini, sive cerevisiæ, quem pauco tempore in liquiditatem, habitâ aquâ dulci quacunq;, reducere possent, magnum solamen pro istis, qui in calidis regionibus, & exoticis versantur, ubi plerumq; prima morborum causa, ex inconsueto & pravo potu provenit, inprimis nautis hoc artificium prodesset, qui in quâcunq; Insulâ vel loco, modò aquam dulcem habeant, vinum vel cerevisiam præparare possent, sed redeamus ad scopum, licet multa prætereamus œconomica, & utilia, quæ ex fermentatione oriuntur, quæ tamen ad cognitionem fermentationis⁷⁴ ejusq; naturæ necessaria sunt, non omittemus, etsi quoq; ex professo de hâc materia non scribamus, non possumus tamen non publico bono inservire, in materiâ præsertim nobis notissimâ, nam aliquos annos circa fermentationis praxin insumsimus, ut accuratè omnia ob oculos venirent, non enim ex Angelo Sala aliisq; compileribus scribimus, hoc ergo circa fermentationem sacchari omniumq; li-

Y

quorum

- quorum fermentatorum notandum est, eam, ubi mediâ ex parte (vel etiam à principio) absoluta est, facillimè fuiti posse, vel fortiter agitando, vel quod feliciùs succedit, novam materiam addendo, ut si saccharo fermentanti pulverisatum saccharum injicias, uno impetu statim reactionem animadvertes cum magnâ spumâ, quâ finitâ rursus impone, donec reactio cesset, tum confunde, & illico omnis fermentatio cessabit, itâ, quod omni adhibitâ diligentia nunquam amplius in fermentationem deducere potuerim, ratio namq; est, quod partes spirituosæ, inprimis salinæ rarefactæ, in novum admixtum saccharum agant, novumq; mixtum, poros interim suos densando, constituent, oxymelli non absimile, & tantum per transfennam de saccharo. Jam à vegetabilibus ad animalia procedemus, Primò ad mel, quod species mannæ, seu roris floridi est, ab apibus collectus, & digestus, hinc facilè separabilis, nam in fermentatione generale axioma est, quò subjecta magis dulcia, pingua & sale denso prædita sunt, hoc magis fermentabilia, econtrâ quò magis acida, salina, & tenuia sunt, hoc plus ad aciditatem tendunt, ut in saccharo & sale communi videmus, quorû prius facilè fermentat, posterius ad acescentiam facit, mel ergò, cum valdè dulce & pingue sit, facilè fermentat, sed multum substantiæ mediæ habet, quæ ad finem fermentare nequit, hæc ergò abstrahenda, itâ ut primò mel aliquoties coquatur, & despumetur, quo sylvestres spiritus partim evaporent, deindè additâ justâ humiditate fermentatur, & superfluitas substantiæ mediæ præcipitatur, possemq; hoc loco, uno verbo, Mellariis secretum aperire, quo fortissimum & suavissimum
- tenuem

tenuem potum ex melle parare possent, sine ingrato sapore, vino Hispanico non cedentem, N. sed absolvamus mellis naturam, quæ varia est, pro 79. qualitate roris, quem apes fugunt, deinde pro diversitate apium, hinc mel domesticum & sylvestre, ac mirum quod in frigidis locis, ut Poloniâ & Moscoviâ, apes, ros, & mel, fortioris ac magis digestæ qualitatis sint, quàm in Germaniâ, aut alibi, nam mel apud nos multum substantiæ mediæ habet, parum spirituosæ, hinc debiles potus ex melle fiunt, cùm econtrâ Hydromellia, Polonica, præsertim Lithuanica in fortitudine nulli vino cedant. In Indiis non animadverti dari apes, si tamen dentur, utiq; generosum mel producent, sed vereor, ne magnus calor ros exsiccet, unde apes nullum alimentum haberent, jam à materiâ quasi hermaphroditicâ, nempè melle, quod intermedium inter animalia & vegetabilia est, utriusq; naturæ & ope productum, ad animalia progrediamur. Potum ex N. carnibus, Tartaros ac Scythas facere, historiæ perhibent, sed non fermentabunt, nisi quæ adduntur, 80. ut Oryza, & similia, ac hoc modo sanguinem siccatum fermentavimus, addendo ei saccharum & aquam, sed potius sacchari fermentatio, quàm sanguinis vocanda erit (quod etiam intelligendum est de his, qui dicunt, se vina antiqua rursus ad fermentationem ducere posse, quod impossibile est, nam potus semel fermentatus rursus fermentari nequit, nec aliter nisi in additis fermentat) licet sanguis in saccharum reagat, ex qua reactione plures partes in saccharo fermentant, quàm si per se fermentaret, quod notandum est, fermentationem nempè per reagentia promoveri, præsertim si farinam

- triticeam addas, fortissimè enim indè fermentat, sed redeamus ad scopum, sanguis in homine se habet ut substantia media, non satis digesta, sperma
- N. 81. & semen ut summa & spirituosæ, bilis vero succus pancreaticus, ipse quoq; Chylus his tinctus, ut intima, ex his facilè colligi poterit, quæ partes, in ho-
- N. 82. mine magis fermentabiles sint, & quæ actu, ut praxis docet, fermentari possint, possemus enim hoc loco mirabilem quandam naturæ operationem, & praxin scribere, quæ nobis circa hanc materiam contigit, sed propter juniores tacemus, licet multum lucis afferret, in exponendâ seminis potestate, transibimus ergo à fermentatione naturali animalium ad eorundem præternaturalem, nempe febrium fermentationem, & quoniam de his *Villis* accuratè scripsit, nihil ex eo repetemus, sed nostra tantum addemus, quæ quidem à communi Medicorum quorundam sententia differunt, quod nos parum curamus, freti praxi. In ventriculo, nec contrarius
- N. 83. sum etiam intestinis, colligitur longo tempore saburra quædam ex partibus oleosis, unctuosæ, pinguibus, salinis tamen, præsertim ex cibis nimium viscidis, aut calidis, ut fortibus vinis, cibis nimium conditis, præsertim viscidis, & copiosè ingestis, hæc saburra quasi mustum in vite coquitur, digeritur, & cohibetur, ita ut hæc substantia mustea, sulphure & sale turgeat, viscida & crassa, proindè difficulter resolubilis, & multò minùs permeabilis, cum ergò ad justam molem pervenit, & continuante calore indies magis & magis ficcatur, ac quasi torretur, valdè in calore, licet digesto ac fixo augetur, ac proindè attractiva, ac humiditatis appetens fit,
- N. 84. quàm magnâ quantitate attrahit, attractam inter-

nus calor sequitur, qui tantam humiditatis quantitatem superare intendit, hinc ab omnibus membris eò se colligit, undè reliquarum partium tali calore jam privatarum, frigus, ex frigore horror, ex horrore concussio, dum hæc in externis partibus aguntur, & hæc algent, internæ interim calent, nempe loco, quo actio hæc primaria contingit, humiditas enim ad fermentum febrile diluendum confluens, calefit ac attenuatur ob calorem simul affluentem, unde aptior redditur saburram hanc ex parte solvendi, quantum nempe in se recipere potest, & dum ita tingitur, ac corpusculis febrilis fermenti imbutur, jam ob assistentem extrinsecum calorem, internus quoq; corpusculorum hujus saburræ calor excitatur, ita ut particulæ, jam attenuatæ fermentare incipiant, quod brevi contingere potest, ut in sacchari fermentatione videmus, quod horæ spatio fermentare incipit, tam diu ergo durat hujus febrilis materiæ resolutio, quam diu horror & frigus persistunt, nam cum fermentare incipiunt, calor, qui affluxerat, desistit (quod jam humiditas ab admixtis particulis per se incalcescat) & redit ad membra, quem calefacta & fermentantibus particulis imbuta humiditas sequitur, undè magnus fervor, & ex fervore calor, qui tantum durat, quousq; fermentatio absolvatur. Cæterum in febrili fermentatione tria tempora N. notanda sunt, & tres effectus, primo quidem obser-^{85.} vatur tempus affluentis humiditatis, quod juxta quantitatem & pertinacitatem digestæ saburræ, & fermenti febrilis proportionatur, hinc interdum uno quolibet die, interdum altero, interdum tertio sufficienter affluit, etiam pro qualitate diætæ, præ-

N.
86.

ferim potius, nam quæ rarefaciunt, ut vina, citius materiam resolvunt, & potentiùs hinc paroxysmù augentur, tardantur, vel anticipantur, tardantur, si parùm & tardè humiditas affluat, anticipantur, si nimium, quodlibet autem tempus affluxus humiditatis, imbibitionis, & resolutionis saburræ, ejusdemq; fermentationis, & consequentis horroris ac caloris, paroxysmus vocatur, periodus autem vel crisis est, cùm aliquot paroxysmis tale fermentum febrile totaliter resolvitur, & præfato modo excutitur, quod interdum unâ vice & paroxysmo contingit ob materiæ paucitatem, ut in ephemeridibus interdum septem, interdum 20. paroxysmis, interdum, si materia contumax sit, ut in quartanâ, toto anno vix absolvitur, hæc omnia verò contingunt, & variant, pro materiæ febrilis quantitate & qualitate, juxta eam enim diversi quoq; effectus oriuntur, hinc febres frigidaæ seu spuriaæ calidaæ, seu exquisitaæ, putridaæ seu malignaæ, de frigidis hætenus locuti fuimus, quæ contingunt, cùm materia seu fermentum febrile nimis viscidum & crassum est, multamq; proinde humiditatem requirit, ut resolvatur, ex cujus copioso affluxu, caloris quoq; affluxus & hinc frigus sequitur, calidaæ verò febres fiunt, cùm materia non adeò lenta & viscida ac insolubilis, sed raribilior est, hinc enim solubilior, minorisq; humiditatis indigens, quam proindè extrinsecus calor non ita fortiter sequitur & affluit, sed insensibiliter tantùm id facit, frigidarum ergò & calidarum febrium differentia, in materiæ subtilitate tantùm consistit, nam nullus est horror febrilis, quem non calor sequatur, nec ullus est calor, quem non lentus, licet insensibilis horror præcedat, cùm
nihil

N.
87.

nihil fermentare queat, quod non sit solutum, nec quid solvatur, nisi solvens accedat, quæ hætenus de febribus diximus, de intermittentibus intelligenda sunt, intermittentes voco, non quòd materia & causa febris intermittat, sed quòd lateat, sicut cum principio præparatur, digeritur & coquitur, ut superius dixi, deinde successivis paroxysmis, & aggressionibus materia diluitur, & dissipatur, cum enim humiditas affluit, non sentitur, donec sufficienter affluxa sit, & id tempus, per quod non sentitur, intermissio dicitur, non ratione actionis, sed respectu nostri sensus, potest tamen, licet quidam paroxysmi præcesserint, materia febrilis sopiri, ut ad tempus irresoluta persistat, neq; humiditas ad eam resolvendam affluat, sed tale remedium periculosum est, & tantum cura palliativa vocatur, hinc quæ in febribus superflua relinquuntur, recidivas facere solent, proinde hæc methodus non admittenda, nisi in corporibus summe debilibus, ubi vires sufferendis paroxysmis defunt, alias febres intermittentes ex fundamento curandæ sunt, nempe materiæ febrilis resolutione, discussione, & resolutæ, sive per vomitum, si materia in ventriculo, sive per alvum, si in intestinis, educatione, quæ in re medicamenta incidentia palmam aliis præripiunt, nobis tale notum est, quo in praxi nostra, Deo sint laudes, ultra centum personas unius anni quadrantis tempore restituiimus, ita ut sponsonem facere audeamus, in primis benedictione divina adjuti, & nullo notabili errore ab ægro commisso, præsentiq; pernicioso symptomate, nostrum paroxysmorum intervallo, quamcunq; febrē intermittente curaturos, non empiricè, sed ex fundamen-

damento, discussâ & expulsâ materiâ, per loca debita, sine violentiâ, ita ut etiam gravidis propinaverimus, & planè idem medicamentum videtur esse, quod Kergerus lib. de ferment. describit sect. 3. c. 3.

- N. 91. ubi ait, *Ego ab anno 1049. in hunc diem per integros 14. annos, ultra mille febricitantes, sine vena sectione, sine purgatione, sine sudoriferis, sine diureticis, sine alterantibus, sine corroborantibus, sine topicis, & si quid præterea, unico ferè medicamento curavi, non considerando, an febris sit intermittens, an continua, an quotidiana, an tertiana, an quartana, nec expectata coctione, nec habito respectu sexûs, ne puerperis quidem exceptis, ætatis, anni, temporis, vel aliarum circumstantiarum, & quidem paucorum dierum spatio, sine recidivâ, vel aliquo notabili incommodo, nisi ubi ager ipse, per incontinentiam de novo paroxysmos provocaverit, hinc verum esse cognovi, quod Helmontius ait de tempor. n. 53. p. m. 509. nusquam esse crisis, ubi Medicus artis suæ gnarus, morbum ante crisis expectationem sustulit.* Haëterus Kergerus, cum cujus medicamine nostrum prorsus consentit, nisi quòd per evacuationem & resolutionem operetur, cum Kergerus suum præcipatione agere dicat, quod durum videtur, nisi in terminis ludat, præcipitare enim denotat unum ab altero separare, quod in tali fermento febrili non contingere potest, si enim adhuc obstructum & spissum sit, in se optimè mixtum est, nullâq; partes in eo separari poterunt per præcipationem, quemadmodum nec in ullo alio fermento contingere poterit, Exempli gratiâ, sume sapam multi aut cerevisiæ, nullis præcipitantibus etiam fortissimis præcipationem facere poteris, sin verò additâ aquâ attenuetur, & fermentet,
- partes

partes quædam terreæ præcipitabuntur per se, sed interim fermentatio non impiedietur, quin potius tali præcipitatione accelerabitur, partibus hoc modo tenuioribus redditis, ante omnia ergò fermenti febrilis resolutio requiritur, & resoluti evacuatio, interim non nego, alterationem posse fieri per reagentia, tam in fermento spisso quàm tenui, sed reactio vocanda erit & alteratio, non præcipitatio, nam si sapam musti, vel ipsum mustum oleo tartari perfundas, nunquam amplius fermentabit, & vinum fortissimè fermentans, si oleo tartari misceatur, illicò à fermentatione cessabit, quod etiam calx viva facit, sed hæc non sunt præcipitantia, verum alterantia vocanda, quæ ex condensatione veniunt, ex fundamento appetentiæ sicci & humidi, & sic in anorexia, dispepsia, nidorosa, & acida, item in pica, magisteria, corallia, margaritas, testacea, imprimis terram sigillatam, multum facere experientia docet, quòd talia calcis naturam habeant, atq; adstringant, sic pulvis Crollii & Cornachii, quem posteriori ipse Kergerus citat, eadem ex causâ alterant, ubi notandum est, Kergerum huic pulveri Cornachii, præter vim purgantem etiam præcipitantem tribuere, quòd manifestè falsum est, cùm nihil, quod præcipitet, purgare queat, alioquin spiritus vini purgaret, aut aqua communis, quæ omnium optimè præcipitant, & licet ex reactione rarefactorum & densorum, quoq; præcipitationes fiant ut cùm aqua fortis oleo tartari præcipitatur, tamen talis præcipitatio non nisi per accidens oleo tartari tribuenda est, & aquæ forti, quòd rarefacta aqua fortis, densas olei tartari partes arripiat, sibiq; uniat, & graves heterogeneous soluti metalli, subsidere

relinquat, quod etiam de cupro intelligendum est, quo argentum præcipitatur, ex causis prædictis, & prorsus non ex naturâ cupri, nam illa nullam vim intrinsecam præcipitatricem habet, si quoq; præfatus Cornachii pulvis præcipitaret aut ut Kergeri verbis utar, post purgationem præcipitationem relinquat, is tamen purgandi modus præpoſterus, & noxius esset, nullarum enim nisi crassarum partium præcipitationem post se relinquere potest, evacuatiss tenuioribus, undè reliquas crassiores, & minus evacuabiles fieri necessum, & contra methodum medendi est, deindè ipsa Cornachii pulveris ingredientia, præter purgantia, alterantia sunt, & non præcipitantia, in termino ergò erratum esse confido, si aliàs vera sunt, quæ author scribit, de cujus veritate nos tamen non dubitamus, cum nobis simplex quædam aquæ compositio, absq; ulla destillatione pauci sumptûs, & ferè nullius saporis nota sit, quæ citra purgationem & vomitum, tantum per insensibilem alterationem omnis generis febres curat, insuper in scorbuto, hecticâ, ac internis inflammationibus, etiam podagricis insultibus, divinum medicamen existit, utimur plerumque præmissio incidenti præfato medicamine, alterari ergò & temperari, ac extra fermentationis statum, materiam febrilem collocari posse, omnimodè statuimus, præsertim si in primis viis adhuc hæreat, unde in ipso horrore quoq; propinamus, ubi notabiliter alterat, nam nullus calor isto paroxysmo sequetur, si verò portio quædam materiæ febrilis jam fermentata, & in sanguinem evecta sit, tardius utique operatio succedit, nullumq; melius auxilium, quàm, ut quæ in fluxu sunt, naturæ permittan-

mittantur, ut in isto tempore & paroxysmo, calor
 per se finiri permittatur, & natura postea levi sudo-^{N.}
 re adjuvetur, quod substantiam spirituosiore^{95.} m fe-
 brilem, fermentatione in sanguinem evectam, ex-
 pellere queat, quare sudatio magis in hoc statu arri-
 det, quàm phlebotomia, hæc enim, nisi plethora
 adsit, non admittenda videtur, cùm totus sanguis
 qualitate calidâ & biliosâ à fermento febrili infectus^{N.}
 sit, quem proindè omnem extrahere deberes, dein-^{96.}
 dè quod tales Phlebotomistæ *luffimachyen* vocant,
 prorsus obest, cùm fermentationem promoveat,
 sanguis enim tenuior, & paucior factus, fermenta-
 tioni liberiores locum concedit, quod in vasis vi-
 demus repletis & clausis, quæ nihil fermentant, cùm
 si aperiantur, fortissimè fermentare incipiant, su-
 per hæc frequens phlebotomia vitales spiritus ex-
 haurit, qui tamen requirerentur ad materiæ crudæ
 coctionem, hinc sanguis crudus, & tota naturæ de-
 pilitatio, quare tales phlebotomistæ & vires, & san-
 guinem, & pecuniam exhauriunt, retulit Jovialis
 quidam Medicus, notus mihi, se tempore militiæ
 Germanicæ, Francofurti ad Mœnum, ad Colonel-
 lum quendam vocatum esse, cui venæ missionem
 suadebat, peractâ venæ sectione, Colonellus Me-
 dico. 12. Chyrurgo 6. Imperiales dabat, post a-
 liquot dies agebat Chyrurgo Medicus, propter
 bonam solutionem denuò Colonello venam mit-
 tendam esse, licet non necessarium erat, missâ ergò
 venâ, solvebat Doctori 6. & Chyrurgo 3. tertium
 tentata est venâ, & solvit Doctori 3. Chyrurgo 1.
 ita ut miser ob suam gratitudinem non modò ter
 sanguinem, sed etiam 31. Imperiales perdere co-
 actus fuerit, ex quibus nequitia nebulonum constat,
 pleri-

pleriq; tamen ex inscitiâ faciunt, sicut Galli & Itali,
 quorum universa medicina in venæ sectione, & pti-
 sanæ decocto consistit, quorum prius sanguinem,
 posterius ventriculum crudum reddit, in simplici
 tertianâ, vidi cuidam Illustrissimo Comiti, à Gallo
 Medico trigesies tentatam venam, ità ut sanguis lu-
 teus appareret, ægerque per sex annos debilitatus
 fuerit, ultimò, quo frequentius & fortius venâ in fe-
 bribus tentatur, hoc fortius fermentum febrile in
 vasa sanguinis attrahitur, isq; inquinatur, quod in
 Podagrâ manifestè videmus, in quâ, cùm humor ad
 pedes fluxit, si venâ mittatur, magno periculo in
 sanguinem retrahitur, prout exemplum à peritissi-
 mo Medico allegare possem, qui in hoc passu phle-
 botomia abutens Comitem quendam ferè necasset,
 longè feliciùs sudatio procedit, per illam enim vi-
 tiosi vapores, sanguini communicati, per febrilem
 fermentationem, evaporant, & reliquus sanguis di-
 geritur, ac confortatur, non tamen sudorifera in ip-
 so calore exhibenda, ne noxium illud Gas, quod
 in ipso actu fermentationis exsurgit, ut postea dice-
 mus, ad caput pellatur, ac ratio lædatur, cùm per
 se interdum ità forte sit, ut hoc faciat, unde quidam
 febricitantes, caloris tempore ratione læduntur,
 deindè etiam non quævis sudorifera profunt, nam
 quæ subtilia sunt & calida, ut Theriaca, aliq; potius
 obfunt, quam profunt, quia sanguinem nimium ra-
 refaciunt, & calefaciunt, si enim quisq; sanus
 homo, indies Theriacâ uteretur, & sudaret, vel
 modicum se calefaceret, ebullitionem sanguinis pa-
 teretur, cujus experientiam vidimus in homine,
 qui exinde pustulas hepaticas in facie accepit, ac si
 lue gallicâ laborasset, sola ergò hoc loco, nempe in fe-

febris, ubi nulla putredo aut malignitas est, sudorifera profunt, quæ modicè adstringunt, & quæ reactionem causant, sic intelligendo, ut particulae acres sanguinis & fermenti in medicinam agant, deserviantq; (*sich zu todt fressen*) nam ita reliquæ sanguinis partes serosæ & transpirabiles fiunt, secumque spirituosas fermenti partes expellunt, & avehunt, talis ergo sudor salutaris est, & causatur per Antimonium diaphoreticum, corallia, testacea, magisteria inprimis oculos cancri, & cornu ustum cervi, nemo vero miretur, hæc fixa sudorem ciere, N. cum ad sanguinem usq; ea non evehi certissimum, 99. interim tamen compertum sit, ea citò sudorem & copiose provocare, cuius hæc ratio est, cum similes fixæ & attrahentes calces, diaphoreticæ (de quarum præparatione libro secundo agemus) in ventriculum veniunt, illicò reactionem cum Chylo faciunt, cujus partes aciores adstringunt, secumq; per alvum vehunt, reliquæ verò Chyli partes superstites, prioribus libertatis, tenuiores fiunt, & subtiliores, undè cum in sanguinem veniunt, & mutantur, facilius transpirant, reliquumq; sanguinem refrigerant, & hoc modo sudor per accidens pellitur, sanguisq; refrigeratur, substantia chyli tenui existente, hinc crassi refrigerantes syrapi, prorsus non conveniunt, cum econtrà serum lactis, licet quoq; valdè corruptibile sit, melius conducat, nam & sudorem pellit, & vi incisoriâ saburram febrium resolvit, abstergitq;. Valdè autem eò vigilandum est, ut sanguis modicè refrigeretur, partes spirituosæ heterogeneæ expellantur, & superstites adstringantur, ac alterentur, nam cum ob rarefactos fermentationis spiritus, valdè sanguis rarefiat, ac incalescat,

scat, facile, ni maturè resistatur, ex intermittenti continua, ex frigida calida fieri potest, quæ deinde dempto fermento in infimis viis, novum sibi fomitem & laticem in sanguine ponit, nam cum ob perpetuum & præternaturalem talem calorem sanguis quasi torreatur, & siccet, facile corrumpi, & cum quasi ambusta in venis deponat, illæq; talibus obstruantur, putrescere potest, quin imò sanguis tali extraordinario calore, humido suo privatus, flaccere, ac Hæticæ principia struere, & Marasmodum ponere incipit, qui omnes morbi, tanquam symptomata ex calore provenire possunt, qui ex febribus, earumq; fermentatione prodit, & quoniam de febribus malignis & putridis antecedenti capite de putrefactione egimus, hoc loco tantum adhuc considerabimus, quando febres continuæ calidæ non

N. 101. tanquam symptomata, sed ut morbi per se oriuntur, & sciendum est, eas quoq; ex fermento febrili procedere, sed non ita digesto, ac viscido, verum magis subtili & raribili, unde uno paroxismo & periodo, modicâ humiditate sensim resolvitur, & resolutum continuo sanguini miscetur, cujus proinde periodus tam diu durat, quousq; materia febrilis absumpta sit, periculosior autem est febris continua intermittente, cum ob varia symptomata, quæ ex perpetuo calore oriri possunt, tum ob continuitatem, propter quam ægro nullæ vires permittuntur, nec tempus pro medicamentis, alterantibus ergo utendum, donec febris typus mutetur, & tum procedendum, ut in intermittentibus, ubi citata nostra aqua magni momenti est, sed quoniam instituti nostri non est medicinam scribere, recurrendum erit ad materiam, sed ad nostrum scopum, ex hac febre
si fer

li fermentatione quatuor colligenda, quæ vegeta-
 bilium fermentationi conveniunt, & analoga sunt, N. 103.
 nempe effectus, nam in omnibus talibus febrili-
 bus fermentationibus, subtiles quædam atomi
 insensibiliter, quamprimum calor aggreditur, e-
 jiciuntur, (prout id etiam in fermentatione vege-
 tabili contingit) quæ in venenatis & malignis
 morbis non solum ægrum extra rationem agunt,
 sed & penetrantiâ suâ circumstantes inficiunt, & si
 magis digestæ nec tam subtiles sint, ut ab extremi-
 tate corporis aufugere queant, in eâdem parodites,
 bufones, & anthraces causant, ut in peste videmus,
 multotiesq; in febribus petechialibus animadverti,
 ubi in ejusmodi tumoribus nulla materia erat nisi
 spongiosa, lardi instar, in quibus maligni tales va-
 pores colligebantur, & hæ subtiles atomi analogiam
 cum Gas vegetabilium habent, substantia spirituo-
 sior autem, quæ spiritui vini analoga est, in sanguine
 latet, quo partes febriles fermentatæ tendunt, sub-
 stantia media in sanguine quoque est, & sub partibus
 ambustis comprehenditur, quam natura variâ
 crisi expellere conatur, tandem in urinâ & seces-
 su crassiores partes deponuntur, atque ita fermenta-
 tio febrilis absolvitur. Cæterum antequam &
 nos eam finiamus, hoc adhuc adjicere libet, quod
 fermentationis modi, quoad raritatem differant,
 nam vinum cum fermentat, bullulas ejicit medio-
 cres, saccharum minores, cerevisia majores, sanguis
 spumofus fit, & oblongas bullulas ejicit, tenuissi-
 mas tamen, & vix visibiles, quod fortè in causa fuit,
 quod aliqui microscopiis utentes, has strias vide-
 rint, quas pro vermibus pronunciârunt, sed jam
 ordo vocat, ut à vegetabili & animali fermentio-
 ne

ne ad mineralem proprediamur, cujus causâ, antecedentia omnia de fermentatione, præmisimus, mineralia autem improprie fermentare dicuntur, cum ob partes valdè homogeneas, vix in diversas substantias discerpi, & ex propriâ naturâ alterari queant, cum tamen per addita rarefiant, hanc rarefactionem improprie fermentationem vocabimus, quia in multis & quidem principalibus punctis, cum verâ & proprie dictâ fermentatione convenit, per addita vero diximus, quæ subtilia & miscibilia esse debent, cum metalla & mineralia crassa sint, donec
 N. 105 ergo subtilia addita & crassa metalla invicem agunt, & hæc de suâ crassitie ad medium statum raritatis, & illæ de suâ raritate ad medium statum densitatis deveniunt, ac miscentur, solutio, actio, & reactio exoritur, fermentationi vegetabili non abfimilis, nam & poros ac bullas infinitas ejicit, & metalla de puncto ad punctum solvuntur, novumq; mixtum & decompositum faciunt, alterius & tertiæ cujusdam naturæ, contingit autem hæc actio & solutio ex fundamentis, quæ supra posuimus, nempe ex appetentiâ rari & densi, idem humidi & ficci, ex quibus fundamentis omnes causæ & rationes corrosivarum solutionum & mixtionum derivari ac
 N. 106 explicari possunt, nam ut à spiritu nitri incipiamus, vel ab aquâ forti quæ duo parum inter se discrepant certum est, nitrum & vitriolum in naturali densâ suâ formâ nunquam argentum solvere, quicquid etiam Glauberus dicat, cum verò destillata ac rarefacta sint, atq; in poris suis dilatata, illicò magnâ vim metalla solvunt, sola ergo horum subjectorum raritas in causa est, sola inquam, nam cum spiritus nitri destillatur, si nitrum purum sit, ex librâ nitri li-
 bram

bram spiritûs accipies, nullo capite mortuo relicto,
 quod in aquæ fortis præparatione quoq; contingit,
 ubi tantum aquæ fortis accipies, quantum nitri addi-
 disti, nec de vitriolo quicquid amittes, liquorositas
 verò & humiditas destillati, ex partibus aqueis venit,
 antea in subiecto ob densitatem congelatis, & nunc,
 ob raritatem liquefactis, ac in fluidam formam reda-
 ctis, quod nemo miretur, cum siccissima subiecta, si
 igne rarefiant, fluida reddantur, ac capite sequenti
 de liquefactione demonstrabimus, quo hæc materia
 spectat, & pertractabitur, subiectis ergò talibus ra-
 refactis repetitâq; destillatione, ut rarefactione ex-
 altatis (exaltatis dico destillatione non rectifica-
 tione, sola enim frequenti destillatione liquores in
 toto, ita corrosivi redduntur, etiam cõmunis aqua,
 ut vix in vase detineri queant, si enim per recti-
 ficationem tantum in corrosione augerentur, se-
 queretur, id à qualitatibus interni temperamenti,
 & non à rarefactione procedere) si metalla addan-
 tur, statim in continuo, præsertim in calore, ob
 pororum dilatationem, solvi incipient, & in hac N.
 solutione varii colores & sapes ac odores exsur- 107
 gent, colores quidem variant, pro solventis & sol-
 vendi raritate & densitate, nam cuprum in aqua
 forti cæruleo, in spiritu salis viridi, in spiritu uri-
 næ, cyaneo colore tingitur, imò, si solutioni per spi-
 ritum urinæ factæ, sufficientem spiritum salis affun-
 das, omnis color delebitur, & aqua albescet, aquæ
 instar, refuso spiritu urinæ pristinum colorem nan-
 ciscetur, ita sapes variant, nam cuprum amarum,
 plumbum in solutione dulcem saporem præbet, sed
 eadem metalla in diversis mensuris soluta, in sapo-
 re mutant, quod & de odore intelligendum est, ut

Z

supra

supra dictum in antecedentibus sectionibus, ipsius quoq; raritatis & densitatis variatio in causa est, quod aliqua metalla in his, alia in aliis solventibus solvantur, quædam in aquâ forti seu spiritu nitri & non in spiritu salis, ut argentum, quædam in spiritu salis & non in aquâ forti, ut aurû, quædam in utroq; ut cuprum resolvantur, diversa namq; gravitas, densitas & raritas, diversa opposita quærit, & unum subjectum magis rarefieri potest quàm alterum, hæc quidem communes opinioniones authorum sunt circa solutionem corrosivam metallorum, quæ suo respectu bonæ sunt, aliæ tamen latent, longè occultiores, inest nempe ejusmodi solventibus quædam vis, & seminalis mineralis potestas, quæ cum metallis maximum magnetismum, & similitudinem habet, unde fortiter ea appetit, & ut paucis verbis magnum secretum, & praxin supra totum hunc librum aperi-am, dico in nitro, sale communi, & calce vivâ, seu quâcunq; terrâ aut lapide ei analogâ, vera, om-nium subterraneorum, tam simplicium quàm decompositorum, principia latere, & proindè nihil in metalla, sive in via liquida sive inficca agere, quod non ex his fontibus profluat, nam urinam, acetum, vitriolum, alumen, sulphur, ex sale procedere, inferiùs monstrabimus, prædicta ergò tria principia in metalla sola agere, experientia demonstrat, nam quæcunq; subjecta & solventia indicabis, quæ in metalla agunt, facili negotio, ad præfatas tres classes reducere poteris, prout in sequenti sectione clariùs demonstrabitur, solutio ergò corrosiva, non nuda, & inutilis solutio partium est, sed naturalis ex parte, & solutis primordiales qualitates imprimens, nam in nitro sulphur tingens esse, &

se, & solo sale communi metalla in verum curren-
 tem Mercurium mutari & calcem vivam metalla
 radicitus in fluxu corrigere, meliorare, & alterare,
 clarissimis, & infallibilibus experimentis in sequen-
 tibus demonstrabimus, præsertim libro secundo,
 sub cujusvis subjecti anatomiâ, ita ut de veritate di-
 ctorum dubitare nefas sit, & hæc propterea est ve-
 ra & genuina solutionis ratio, quod aurum spiri-
 tum salis & urinosa (quæ ex sale communi prove-
 niunt) amet, nam & Mercurium communem amat,
 & in sale communi idipsum est (nempè terra tertia
 fluidificans, de quâ sectione tertia capite quarto)
 quod metalla in Mercurium redigit, & propter
 quod aurum communem Mercurium appetit, ar-
 gentum nitrum amat, quod in nitro sulphur seu ter-
 ra secunda sit (de quâ loco suprâ citato) quâ argen-
 tum ad perfectionem auri indiget, hinc fit, ut singu-
 lis solutionibus argenti in spiritu nitri, semper non-
 nihil auri inveniatur, quare argentum eâdem ra-
 tione nitrum quàm aurum appetit, cuprum seu Ve-
 nus adultera & amatoria vocatur, quod & nitrum &
 sale amat, ab utroq; solvatur, cum internò utriusq;
 indigeat, & sic de cæteris, ac sicut in secundo libro,
 capite primo de calce vivâ & sale tartari ac terrâ olei
 vitrioli demonstrabimus, ea nempe omnia ex uno
 fundamento terræ vitrificabilis procedere, & ana-
 loga esse, ita neminem latet, in magnis officinis li-
 quefactoriis (Schmelzhütten) calcem vivam tan-
 quam panaceam esse, quâ liquefacienda corrigunt,
 quod & experientia demonstrat, magnam vim &
 sympathiam calci & metallis inesse, si simul calcinen-
 tur, aut liquefiant, prout inferiùs libro secundo,
 multis raris experimentis demonstrabitur, bene

enim Ripleus dixit, *omnis spiritus figitur calcibus sui generis, hoc benè animadverso fructum referes*, quòd verò prædicta subiecta, & solventia corrosiva, solutis novas qualitates imprimant, ex calcibus apparet,

N. nam ex calce auri, si sale tartari præcipitatur, fit aurum fulminans, ex argento, si sale communi præcipitatur, fit luna cornua, & valdè volatilis, aliter procedit, si spiritu vitrioli præcipites, aliter si spiritu urinæ, aliter si cupro, aliter si per se aquam fortem abstrahas, nam nitrum argenteum foliatum accipies, in extremo gradu diureticum, quin imò luna in aquâ forti soluta & in calcem præcipitata, non amplius in aquâ forti solvitur, nisi prius in corpus reducatur, manifestū etiam est, calces graviores reddi, & sic de cæteris, spiritus salis, plumbo unitur, & cryсталlos prorsus volatiles facit, sed spiritus aceti, plumbum in oleum reducit, & spiritus salis Martem solvit, ex eoq; vitriolum præparat, ex quo rubrum & stipticum oleum paratur, taceo de Mercurio, qui variis spiritibus præcipitatur, deprehenditurq; de naturâ solventis, semper fortiter quasdam particulas secum detinere, ut videmus, cū Mercurium sublimatum in aquâ fontanâ solvimus, & oleo tartari præcipitamus, illicò rubicundissimum præcipitatum accipimus, qui siccatus, nullius saporis est, & in igne evaporans, calcem vivam albissimam relinquit, quam ex sale tartari sumsisse certum est, nam aliter procedit, si sale communi præcipitetur, possem varia experimenta adducere, quibus convincitur metalla tales calces in solutione arripere, quas etiam in cineritio, antimonio, & omnibus probis, in maximo igne secum servant, si pravis hominibus ansam decipiendi dare velim, ex his

his ergò omnibus hoc inferre libet, nihil in metalla
 agere nisi internâ similitudine & apparentiâ sicci N.
 & humidi intrinseci, ut suprà docuimus, nam cor- 113.
 pora humidiora, calidiora solventia, & calidiora,
 humida requirunt, ut in solutione auri, argenti, &
 ferri ad oculum videmus, non ergo ex solâ raritate
 solutio corrosiva procedit, cum multa rara fieri
 queant, quæ tamen metalla non solvant, & licet
 spiritus vini, terebinthini, variaq; olea in metalla
 agant, tamen vel raritas aut densitas sola non in cau-
 sa est, potius latitans & rarefactum sal id operabi- N.
 tur, convenit ergò & in hoc metallica fermentatio 114.
 cum animali & vegetabili, quòd non solâ rarefa-
 ctione sed etiam intrinsecâ qualitate & sympaticâ
 actione fermentet, nam sicut sine aëre, nec vege-
 tabile fermentare, nec aër, etiam aquâ, ad fer-
 mentationem agere posset, nisi in illis occulta quæ-
 dam harmonia & similitudo cum partibus fermen-
 tabilibus latitaret, quapropter ob horum diver- N.
 sitatem, in variis locis, unus idemq; potus, tùm 115.
 ob aëris tùm ob aquæ diversitatem aliter, tar-
 diùs, citiùs, fortiùs, aut debiliùs fermentat, quod
 etiam in fermentatione febrili animalium contin-
 git, ubi quilibet locus diversa symptomata indu-
 cit, ità in mineralium fermentatione non sola ra-
 refactio, sed rarefacientium interna & feminalis
 sympatica vis, cum metallis operatur, quòd verò
 metalla in tali corrosivâ solutione & fermentatio-
 ne non magis alterentur, atq; in constitutionibus N.
 primordialibus & feminalibus patiantur, sed in pri- 116.
 stina corpora non alterata reduci possint, ratio est,
 quòd solventia, quibus utimur, & subjecta, ex qui-
 bus solventia parantur, parùm centralis & femina-

lis essentiae contineant, quæ tanquam multis filiquis & involucris involuta, donec liberetur, ob paucitatem suam parum agere potest, in tota enim libra nitri, vel salis, vix drachma est, quod reliquum aqueum sub congelatione tenet, & hæc drachma nec dum pura esse potest, vix unum vel duo grana veræ essentiae possidens, quid mirum ergo, si tam visibilis operatio, præsertim non animadvertentibus, ob oculos veniat, separate autem purum ab impuro, & comparate vobis seminalia mineralium principia, ac faciliè fatebimini, Philosophorum fermentationem longè ab hac corrosivâ differre, vide-

N. mus solutiones lunæ & Mercurii, ad oleitatem ab-

117. stractas & confusas, ac calori expositas in elegantem arbusculum crescere, quæ vegetatio, paucissima, & nunquam otiosæ isti seminali essentiae, quæ nitro inest, & in aquâ forti, licet mutata & impedita, tamen operatur, adscribenda erit, quis ergo de purâ & copiosâ illâ reliquorumq; essentiâ, Philosophorum nempe optatissimo fermento dubitabit? sed quoniam de ejusmodi in secundo libro uberior occasio discurrendi & demonstrandi dabitur, hoc loco concludemus, & interim ex communi corrosivâ solutione, quàm fermentationem esse diximus improprie dictam, quædam considerabimus, quæ in effe-

N. ctu magnam & evidentem cum animalium & vege-

118. tabilium fermentatione analogiam habent. Imprimis quidem observabimus, cum metalla (sumemus cuprum pro exemplo) in insigni aqua forti solvuntur, partem illorum in rubrum fumum abire, quem alembico capies, & magna metalli procedente reactione, in viridem spiritum valdè subtilem, nullo vel paucio accedente calore (nam si aqua fortis bona sit,

na sit, nullo calore indiget) in excipulum destillabit, durabitq; hæc destillatio, viridisq; spiritus, in quantum ruber fumus durat, sed hic persistit, cum prima reactio est facta, hunc ergò viridem spiritum ex reactione procedere evidens est, quâ finitâ, quamprimum excipulum muta, & in occluso vasculo serva, subtilissimus enim est, ruberq; fumus per multos dies ei supernatat, viriditatem autem spiritus post aliquod tempus perdet, ac aqueus apparebit, licet in principio intense viridis fuerit, atq; ita viridis ex omnibus metallis procedat, si aqua fortis sufficienter fortis sit, excepto auro, quod idem tamen, alio in solvente præstat, nam **N.** viriditatem scio quosdam reactioni adscripturos, **119.** atq; pro ficto colore habituros, sed ego singulari experientia innixus, nitri naturæ tribuo, cujus spiritus, hæc reactione, aliquam separationem partium passus, subtiliorem partem præmittit, in qua anima nitri rarefacta virescit, donec frigore densata aquositate reliquâ tegatur, hunc ergò subtilem nitri spiritum, aërem vocabimus, qui huic minerali fermentationi se immiscet, & qui prout in vegetabili fermentatione diximus, bullulas excutit, quæ altum petunt, & in aërem resolvuntur, cæterum hic spiritus aëreus non vacuus est, sed vegetabilis aëris instar, subtilissimas cupri seu cujusvis metalli atomos, prorsus sine ullo calore, nisi qui ex propriâ reactione procedit, per altissimam cucurbitam secum rapit, atq; invisibiliter tenet, quas autem visibiles facere poteris, si hoc Gas minerale, quod ut vegetabile & animale ex reactione fermentationis prodiit, in cucurbitam ponas, atq; modicum Mercurii in eo solvas, postea evapores, & con-

venienti fortiori igne in rubicundissimum præcipitatum urgeas, quem liquefacto borraci injice, ut benè fluat, donec borrax vitreitatem acquirat, tum effunde, & vitrum eleganter cæruleum invenies, hoc denuò liquefac, & debitâ proportionē carbones injice, rursus liquefac, & effunde, invenies animam Veneris in medio vitri ex cæruleitate condensatam, diaphanam rubini instar, quæ, cui usui inferviat, non hoc loco exponendum est, ne ordinem interturbemus, sufficiat unum fermentationis, & quidem analogum effectum cum vegetabili & animali fermentatione, clarè ob oculos posuisse,

- N. nunc eam substantiam aggrediemur, quæ fermento & fæcibus analogâ est, cessante ergo ex reactione rubro fumo, & prodeuntibus albis guttulis, sepositis ad vasculum viridibus, alembicus aperiri poterit, atq; calori exponi, ut totum solvatur, cessante omni operatione ac solutione in fundo flavum pulverem invenies, quem nos pro fæcibus, licet cupro homogeneis (sicut etiam fæces vulgò *Weinhefen*/ vino in musto intermixtæ sunt) habemus, corpore enim cupri resoluta, & attenuata, graviores ejus partes decidunt, ut in musto fermentato, quarum naturam libro secundo, capite speciali de anatomia cupri, explicabimus, atq; ita habes alterum fermentationis mineralis effectum, fæcibus
- N. fermentationis vegetabilis analogum, jam totam solutionem parvæ retortæ impone, & ex vacuâ capellâ destilla, accipies subtilem pulcherrimum viridem spiritum, in virore suo constantem, sed non tam volatilem, quàm ipsum Gas, hunc spiritum spiritui vini è regione ponimus, tanquam substantiæ vini fermentati spirituosæ, viridem ergo hunc spiritum

ritum ex balneo abstrahe, & sal subviride accipies, quod prunæ superpositum, spiritus vini instar ardet viridi flamma, nihilo ex metallo remanente, quid verò ulterius cum hoc sale faciendum sit, alibi in libro secundo docebitur, quod in retortâ priori remanet, unde viridis spiritus destillabatur, proprietatem substantiæ mediæ tenet, cujus mentionem supra in vini anatomîâ fecimus, poterit tota retorta, ^{N.} in frustra contusa, forti igne liquefieri, & sic videri, ^{122.} quid natura ulterius operetur, de quibus libro secundo, hoc loco paucis exponere placuit, analogiam quandam inter solutionem corrosivam mineralium, & fermentationem vegetabilium ac animalium ob oculos ponere possunt hoc modo ex aliis ^{N.} metallis eorumq; solutionibus, similia & varia elici, ^{123.} quæ prudenter parata & applicata non sine usu erunt, præsertim in re medicâ, ex Marte enim, spiritus salis ope, elegans spiritus seu Gas elicetur non contemnendarum virium, fermentationem succorum ^{N.} & bituminum subterraneorum quod attinet, ¹²⁴ illa potius lentâ putrefactione ac frequenti solutione, depuratione, inspissatione, & digestionem perficitur, tum crudiora subsidunt, subtiliora cuticulæ instar innatant, quæ cuticula si ex quibusdam debitis subjectis, debite præpararetur, non modo aurum, argentum & gemmas vivido colore imitatur, sed & in effectu excellit, foliata enim & terra virginæ, imò verum metallorum fermentum & Mercurius Philosophorum, non immeritò vocari posset, hæcenus de alterâ fermentationis specie egimus, quæ formalis fermentatio dici potest, præmissâ primâ tumefactione, nam quæcunq; fermentant, tumefiunt, majusq; spatium occupant. Nunc ad ult-

ultimam fermentationis speciem progrediemur, nempe acétificationē, nam cum per fermentationē, mustea crassa substantia attenuatur, partes subtilissimæ ejiciuntur, partes crassiores de jiciuntur, partes insuper sulphureæ & oleosæ ad medium statum raritatis deveniant, concomitatæ nonnullis salinis

N. unde potus saporem & acorem acquirit, tota hæc
126 operatio quiescere incipit, ac quasi periodum suam absolvit, & typum ponit, quem vinum, aut materiam potulentam, vocamus, in vasa ergo potus talis reponitur, ubi nihilominus duabus vicissitudinibus subiectus est, nam, vel vasa clausa sunt, & in frigido servantur, ut in cellis, tunc vinum, ut in antecedentibus dictum est, figitur, ac tartarum dejicit, densiusque redditur, sed nobilitatur (fernst) vel vasa aperta sunt, & in calido perstant, & tunc acescit, de quâ acescentiâ hoc loco sermonem faciemus, diximus autem in antecedentibus, per fermentationem partes sulphureas potius elevari, & rarefieri, quod raribiliores salinis sint, unde etiam fermentatio lento calore persolvitur, ad elevandas

N. verò & rarefaciendas partes salinas, paulò major,
127 & longior calor requiritur, cui si potus fermentatus committatur, acescit, & hoc est, quod acetificare dicimus, quo plures autem salinæ partes in potu fermentato sunt, hoc citius etiam acescit, ut in cerevisiâ aliisque; dulcibus videmus, quæ copioso sale turpent, & proinde facile acescunt, cæterum in ipsis salinis partibus magna quoque differentia est, N. nam si benè sint digestæ ac mixtæ, non modo fortè
127 sed & constans acetum præbebunt, si debilius verò mixtæ sint, facile post acétificationem, in elementa, per putrefactionis speciem, resolvuntur, hinc
acetum

acetum vappescit, & in mucorem ac fitum resolvitur, ut postea audiemus, & hæc est ratio, quòd, quo meliora sunt vina, hoc generosiora & magis præstantia, ac duribilia aceta etiam proferant, si-
 gnum enim est, ea multo, & benè digesto sale abundare, hinc vectionem super aquam, etiam tale acetum sustinet, cum aliàs corrumpatur, nam si in vino ^{N.}
 & aceto pauci spiritus, quos ex sulphureis & salinis ¹²⁹
 partibus constare diximus, existant, facilè ab inh-
 alantibus atomis & corpusculis aqueis (in aquâ, flu-
 vio, vel mari) superantur, ut potus omnimodè vap-
 pescat, ac deficiat, (stehet oder fällt ab) & clarâ ex-
 perientiâ videmus, ea aromata quæ per terram ex
 Oriente Venetias afferuntur, fortiora esse, quàm
 quæ magno isto itinere marino per Belgas, mari,
 Hollandiam usq; vehuntur, quò fortioribus ergò
 spiritibus potus præditi sunt, hoc magis aquæ
 resistunt, super eamq; sine destructione vehi pos-
 sunt, ut in spiritu vini, aliisq; videmus, & ex-
 perientiâ constat, cerevisiam quandam Brunsvi-
 censem vulgò *Mum* / in Indias Orientales vehi,
 quòd fortissima sit, ut autem ad acetificationem
 redeamus, pauca quædam de acore præmittemus, ^{N.}
 & distinguendum esse sentimus inter acorem vino- ¹³⁰
 sum, acetosum, & salinum, grata enim ista aciditas,
 quæ vino inest, longè differt ab acetosa, cum illa a-
 periat, hæc incidat & adstringat, deindè aceti acor à
 sale & corrosivo acore differt, quòd ille adstringat,
 hic resolvat, & exedat, malè ergò faciunt, qui spiri-
 tum salis, aceto debili miscent, volentes aciditatem
 provocare, cum salina aciditas longè fixior sit, aceti
 verò acor rarior, & experientia docuit, talia aceta
 aquam non perferre, nec proindè spirituosâ esse, li-
 cet

cet quoad saporem valdè acida sint, differt ergò salina aciditas ab aceti aciditate, & aceti aciditas à vini aciditate, nam idem continget debili vino (*Schlawpenwein*) si acetum permisceas, quod aceto contingit, cum salinam aciditatem miscebas, magnum namq; arcanum est habere aciditatem vini, magnique emolumenti, in locis calidis & potibus dulcibus, qui hoc modo temperari, & ad gratum acorem vinosum deduci possent, in utrisq; enim Indiis, nulla vinosa aciditas est. In quâ re verò, & quomodo aciditates hæ inter se differant, quoq; sciendum est, raritate autem & coctione differre certissimum est, aciditas enim vini oritur, cum partes sulphureæ rarefiunt, fermentant, & subtiliores salinas partes secum avehant, miscent, & rarefaciunt, cum deindè accedente ulteriori calore, reliquæ salinæ partes quoq; rarefiunt, acetum producit, sed istæ salinæ partes non sunt tam subtiles ac leves, ut illæ, quæ in primâ rarefactione prodierunt, proindè sulphureas concomitantur, nec modo quantitate suâ æquant, sed & superant, ita ut sulphureæ prorsus se-
 N. peliantur, ac lateant, hinc acetum nominatur, nam
 131. etsi in spiritu vini quoq; partes salinæ sint, tamen longè pauciores existunt, & spiritui sulphureo præcedentiam relinquunt, unde in destillatione vini spiritus vini, ob levitatem suam omne phlegma præcedit, sed in aceti destillatione phlegma spiritum præcedit, qui gravior sit ob admixtas excitatas & prædominantes partes salinas, quæ sulphureo spiritui adhærent, eumq; tanquam subtilem saponem, aut alcali faciunt, cujus veritas manifestè apparet, si
 N. spiritum aceti super plumbum fundas, quod rarefa-
 132. cta corpuscula aceti illicò aggrediatur, ut de fer-
 men-

mentatione metallorum in præcedentibus diximus, implebitq; rarefactos spiritûs poros, & novum mixtum seu decompositum faciet, quod saccharum saturni ob dulcedinem vocare solent, nam cum pori partium salinarum rarefactarum per intercompositionem corpusculorum plumbeorum satiantur, & constringuntur, ex liquiditate in salis consistentiam, ex acredine in dulcedinem mutantur, cum sapore ex rarefactione prodire, infra demonstraturi simus, interim particulis salinis, ex parte sic constrictis, & densatis, particulæ sulphureæ latitantes, rursus liberantur, undè contingit, quod si spiritus aceti cum plumbo, in concluso vase per aliquod tempus digestus, & dulcificatus destilletur, non amplius spiritus aceti, sed rursus spiritus vini ardens N. in lucem prodeat, depositâ priori larvâ salinâ, medi- 133. ante quâ aceti spiritus vocabatur, ac in ipsâ re, & effectû talis apparebat, spiritus namq; vini præ spiritu aceti, longè diversam, & aliam naturam habet, cum ob raritatem, spiritus vini calefaciat, aceti verò spiritus ob densationem, & adstrictionem frigefaciat, cæterum si præfatum sic nuncupatum saccharum Saturni, intermissum calce Jovis vel arenâ vel terrâ fluxum prohibente, destilletur, ac igne fortiori urgeatur, oleum prodibit, quòd partes quasdam plumbi secum avexit, quibus separatis, subtilis spiritus oritur, qui verus spiritus salis vini seu salis Tartari vocari poterit, magnarum virium tam internè quàm externè, in præcedentibus namq; demonstravimus, naturam ex Tartaro substantiam quandam mediam, & ex illâ summam præparare, sicut ergò in sale Tartari duæ substantiæ (terræ) una sulphurea, altera salina, sulphurea per fermentationem, salina per

per acetificationem elevatur, sequitur elevatam substantiam salinam à partibus sulphureis separatam, ac jam per se existentem, illud alterum principium salis Tartari, volatilifatum esse, ope naturæ in acetificatione, deinde artis per separationem præparatum, quòd volatile sal Tartari tantoperè à Medicis desideratur, & certè virium non contemnendarum est, prout solum saccharum Saturni demonstrat, quod multarum est virium, ex quo processus patet sal Tartari volatile acquirendi, nempe Tartarum ope naturæ acetificandi, & acidum volatile sal separandi, qui labor, si quis eum curiositatis gratiâ ex sale communi Tartari præsumat, supervacuum est, cùm in ipso aceto jam habeatur in copiâ,

N. sed plerumq; in Chymicis talia quærimus, & æstimamus, ubi vel minimùm sunt, vel operosissimè producuntur, Jam ordo postulat, ut exponamus, quomodo sal commune cum sale aceti differat, & statuimus solâ rarefactione differre, nam eadem sali communi terra, & sulphur intrinsecum quàm acetali, sed non ità elevatum, & hæc est ratio, quòd sal commune nisi modicè putrescat, & invertatur, ac salis armeniaci naturam induat, prout sal marinum non benè sæcundet, tanquam non ità facile in constitutiva vegetabilium transmutabile, verùm ne in ultiores ambages labamur, paucis lineis totam aceti historiam absolvemus, narrando ejus præparationem, & dando præparationis causas. *Pri-*

N. mò ergò vinum (nam id pro exemplo sumemus) jam fermentatione & sæcibus depositis, coquitur, sed ad paucam consumptionem, donec nempe spiritus vini evaporet, quod ideo fit, ut reliquum citius acescat, nam prout fermentatio potum liquidiorem

diorem & leviozem, ita acetificatio eundem graviorem & densiorem reddit, sed quodcumq; fermentatio præstat, id partium sulphurearum elevatione & rarefactione fit, quæ acetificationi tanquam partium densationi opponitur, his ergo, nempe partibus sulphureis præsentibus, cum eorum effectus sit rarefacere, ægrè & tardè acetificatio perficitur, quare per lentam coctionem evaporatur & hoc ^{N.} loco acetopæjæ magnis adhibitis ahenis & vasis de- ^{138.} stillatoriis spiritum vini pretiosum capere possent, quem jam in aërem fugant, deinde quæstio est non contemnenda, utrum acetum ex vino fieri posset, si nulli spiritus evaporent, ad quod affirmando respondemus, ac statuimus, malè ab his fieri qui tali coctione vini spiritum abigunt, brevitati enim student, interim debile & imperfectum acetum procurantes, nam cum acetum mixtum sit, quod non tantum ex salinis sed etiam ex sulphureis partibus constat, malè fit, si potiores aceti partes arceantur, hinc enim accidit, quòd in aceto communi iidem effectus desiderentur, quos veteres eidem adscripserint, nempe quòd extenuet simul & modicè calefaciat, seq; ut alcali seu sapo & abstersivum habeat, & credo quosdam tali debili aceto, & parte sulphureâ privato, deceptos, & eò adductos esse, ut spiritus ardentis existentiam in saccharo Saturni prorsus negârint, & inter non entia Chymica posuerint, nos ut hæc accuratè sciremus, phialam vitream vino replevimus, orificio ejusdem colliquefacto, & digestionì exposuimus, ac fortissimum acetum accepimus, simul & constantissimum licet nullæ partes evaporatæ fuerint, tardius tamen processit acetificatio, quam si more

com-

communi facta fuisset, etsi acetum fortius fuerit, tardè inquam dico procedit, nam cum extrinseco calore interna corpuseula salina rarefieri, ac partes sulphureas circumdare, imò vincere debeant, longius tempus requiritur, partes enim sulphureæ vini multum attenuant, & donec salinæ in talem statum deveniant, ut sulphureas superent, longus & continuus calor requiritur, hinc causa, quod fortes potus vini & cerevisiæ, qui multo ardenti spiritu turgent, tardè & vix, nisi longo & continuo calore adhibito, acescant, hinc spiritus vini quoq; in regionibus putridis, & in scorbuto, ubi sanguis ex nimio falso aëre & cibo acescit, pro præstanti medicamine interservit, magnaq; ejus in expeditionibus marinis consumptio est, spiritus namq; vini ab aciditate præservat, ob summam tenuitatem, & alcalia fixa, eandem quoq; impediunt ob nimiam fixitatem & adstringentiam, hinc cum potus acescere incipiunt, ad acescentiam prohibendam, plebeji cineres, ignitos filices, imò ipsam calcem vivam injiciunt, sed vel modicum, aut nihil prodest, cum alcalia propter summam fixitatem non in spiritum acidum, sed in substantiam mediam agant, ut suprâ demonstravimus, potius testacea aliaq; imponenda essent, in quæ sal volatile acidum, & non substantia media agit, hæc enim immutatâ, potus facilè vappescit, interim cum sal volatile vel acescere incipiens, vel jam acidum reagentibus adstringitur, novum mixtum exoritur, quod in liquidâ formâ potui miscetur, & bibentibus non conducibile est, talibus ergò adstringentibus utendum, quæ spiritum acidum constringunt, & cum constricto tanquam novum mixtum, ad fundum decidunt, sed quoniam non est nostri instituti

ea scribere, quæ acetificationem impediunt, potiùs ea aggrediemur, quæ eam promovent, processum nostrum acetificationis prosequemur, cocto ergò ^{N.} vino fermentum aceti addunt, quod duplex est, ^{141.} unum cum acetum de novo paratur, alterum cum paratum acetum præ manibus est, prius vocatur *der Essig*; *Satz*/ alterum *die Essig Mutter* / de utroque agemus, generalem tamen differentiam præmittimus, quæ inter vini & aceti fermentum est, prius vulgo *Hefen* vder *Göst*/ alterum *Saurtaig* vocatur, in priori particulæ unctuosæ, pingues, oleosæ prædominantur, undè fermentali potus spumant, nam ex unctuositate spuma procedit, differens tamen pro differentia unctuositatis, in vino enim tenuior, in cerevisiâ crassior spuma apparet, quod prior unctuositas subtilior, posterior crassior sit, in aceto econtrà spuma non laudatur, quòd partes salinæ prædominari debeant, nam infallibilis proba est, acetum multum spumans non bonum esse, ita vini acetum ab aceto cerevisiæ discernitur, ad vinorum ergò, seu cujuscunque potûs fermentabilis fermentationem, fermentum requiritur, quòd particulas copiosiores unctuosas habeat, ut particulas sulphureas excitare queat, sed ad acetificationem fermentum requiritur, in quo particulæ salinæ abundant, ut particulas vini salinas elevare queat, nam licet quilibet potus per se acescat, & quilibet potus, si fortis tamen sit, per se fermentet, tamen & fermentatio & acetificatio proprio fermento adjuvatur, in hoc ergò, fermenta inter se differunt, quòd in priori partes unctuosæ, in posteriori salinæ prædominantur, & si fermentum hisce partibus exhalatis privetur, inutile erit, cæterum cum

utrumq; fermentum ob particularum concentratarum copiam violentius agere incipiat, facilè totum, in quo est, fermentare facit, in cujus partes infinitas bullulas mittit & corpuscula, ut in praxi videmus, & in antecedentibus diximus, exposita ergò

N. 142 hac generali differentiâ ad utriusq; fermenti specialem progrediemur. *Primo* quidem distinguitur inter vini fermentum recens & vetus, seu inter id, quod pro fermentatione primum additur, & id, quod pro fermentatione venit, nempe inter *Gâst/* & *Hefen/* quorum prius spirituosius, posterius coctius est, & tardius proindè operatur, paucis ætate differunt. *Secundo* inter aceti fermentum quoq; distinctio est, quam supra diximus, nempe inter

N. 143 *Sauertaig /* & *Essig-Mutter /* quorum prius acescere facit seu potius acescentiam juvat, & promovet, ac accelerat, alterum ex ipsa acetificatione oritur, sedimentum nempe, vini sedimento (sæcibus vini) analogum, in eo quoque eidem conveniens, quòd sicut sæces vini, quæ factâ fermentatione per se subsidunt, coctiores sunt recenti fermento, ita & aceti sedimentum coctius est, & digestius, quàm ipsum primum fermentum, vulgò *Saurtaig/* utriusque tamen naturam, ut promissis satisfaciamus,

N. 144 enucleabimus, fermentum vulgò *Saurtaig /* ex farinâ constat, modico sale respersâ indè enim partes salinæ, sali communi analogæ, rariores tamen, excitantur, totaque pasta acescere incipit, farina enim multum salis volatilis continet, ut ejusdem destillatio docet, hinc pro fermento acido, præ omnibus aliis subjectis idonea magis censetur, hæc ergò acidâ pastâ, in quibuscunq; acetificandis utimur, imprimis in conficiendo pane, cui

cui miscetur, ut & fermentificet, & acetificet simul, panis namque hoc fermento tumere incipit, & lentè in se fermentare, in quâ fermentatione particulæ quædam sulphuræ & acidæ elewantur, ac rarefiunt, unde panis porosus fit, magisq; in ventriculo digestibilis (nicht so taigig) faciliusq; ob dilatatos poros resolubilis, ob unctuosas enim, & benè digestas farinæ partes, ea difficulter solvitur, & digeritur, ac proindè in quotidiano usu, sine præviâ hâc fermentatione insolubilis esset, analoga ergò est hæc modica fermentatio, mortificationi seu excre-scentiæ tritici in cerevisiâ, de quâ in præcedenti-bus diximus, ut citius solvi queat, ita farina fer-mentatur, ut panis eò melius in stomacho digeratur, cum ergo panis clibano coquitur, pars reso-lutorum spirituum in auram abit, quæ levi nego-tio capi posset, & perdita prætereuntium nares cordiali odore refocillat, in hoc enim ardente, & in auras inutiliter abeunte panis spiritu, plus confortationis latet, quàm in omnibus perlarum aquis, sed quia simplex & levis sumptus est, non æstimatur, redeamus ergò ad acetum, quod ut citius præparetur, & acescat, hoc salino fermento adjuvatur, vulgò *Saurtaig* imponitur, alii ejusdem vim acetificantem augent per Piperis, Zingiberis, N. Cinamomi, sacchari, tartari crudi, & mellis addi-^{145.} tionem, ex quâ pastam conficiunt, & panis instar coquunt, quam *Essigsatz* vocant, cujus particulas in potum acetificandum projiciunt, adduntur au-tem similia subjecta, ut acetificatio promoveatur, nam cum ejusmodi subjecta omnia, copioso sale volatili turgeant, facile raribili, necessario sequitur, ejusmodi copiosis particulis salinis totum potum,

cui injiciuntur, sensim infici, ejusdemq; particulas hisce analogas, excitari, rareferi, & augeri, ex his & similibus fundamentis, modum invenimus, quemlibet potum musteum, in primâ partium sulphurearum fermentatione, ita disponere, ut finitâ primâ vinosâ fermentatione alteram acetosam per se incipiat, & pauco tempore ad finem fermentet, nempe ad partium salinarum exaltationem usque, fortissima autem hæc elevatio partium est, minimas enim quascunq; salinas particulas excitat, etiam in aquâ pluviali, ex quâ forte & tenue acetum fieri potest, sic etiam sola & frequens destillatio, quemcunq; spiritum ardentem in qualitate mirum in modum auget, ut plus aquæ postea sufferre queat, diximus enim antecedentibus, quo fortius particulae rarefiunt, hoc acutiores fiunt, & excellentius linguam feriunt, parum namq; refert, utrum juxta Cartesium, ejusmodi corpuscula aculeata sint vel dentata, rotunda aut oblonga, certè nisi rara sint, linguam non ferient. Exposuimus ergò nostram opinionem circa aciditatem vinosam, acetosam, & salinam, adstringentem, solventem, & corrodentem, ut verò ad aquam redeamus, sciendum est, tale acetum ex aquâ, seu quocunq; tenui potu factum, omnimodè cautè & occlusè tractari debere, nam cum in talibus subjectis paucae partes salinae sint, quæ facile evaporant, acetum etiam per facile vappescere necesse est, quod de quovis aceto intelligendum, quod diu apertum vappescit, (wird schahl) aceti enim conservationi nihil magis conducit, quam ut lentè occludatur, ac lento calori exponatur, ac prorsus non moveatur, aut conturbetur, nam sicut motum, fermentationem impedire in ante-

tece-

teccedentibus diximus, ità etiam ob eandem causam
 in acetificatione, quæ multò subtilior & tardior est,
 eum prohibemus, & multis impossibile est acetum
 facere, quod impetuosius cum eo procedant, qui
 deindè causam in fortunam, foeminas menstruatas,
 & nescio quæ alia conjiciunt, sed certæ minimæ in-
 terdum, & leves aliæ circumstantiæ in causa sunt,
 omnia enim circa fermenta, calorem, vasa, ipsum
 potum quoq; attendenda, præsertim repletionem,
 hinc accuratiores quidam, cùm vasa replent, id per
 syphonem faciunt, quem lentè infra lineam hori-
 zontalem seu superficialem intingunt, atq; sic cali-
 dum supplementum infundunt, ne uno impetu o-
 mnem liquorem moveant, acetificatio enim perpe-
 tuum calorem requirit, & lentum ac æqualem, ne
 nimio frigore particulæ densentur, & nimio calore
 rarefactæ, in aërem abiguntur, potusq; vappescat,
 moderatus ergò requiritur, ut particulæ salinæ ra-
 refiant, & harum rarefactio propriè ipsa actio ace-
 tificationis vocatur, ex quâ duæ consequentiæ ex-
 urgunt una quòd particulæ quædam subtiliores ex-
 halent, ut in fermentatione vini, quæ proindè *Gas*
aceti vocabuntur, sed non tam spirituosæ ac subtiles
 sunt terrestres magis, quæ proinde ab ambiente aë-
 re resolvuntur, ac accedente calore, lentè, in ipsâ
 exhalationis viâ & aëre, putrescunt, & animantur,
 undè immensa muscarum copia circa vasa acetifi-
 caria oritur, prout superius capite de putrefactio-
 ne diximus, altera consequentia est, quòd tarta-
 rus vini hâc lentâ digestionem incrassetur, cui par-
 tes plurimæ salinæ rarefactæ acidæ adhærent, &
 quasi novam aliquam passam faciunt, quæ mole
 suâ fundum petit, ibiq; sedimentum efficit, quod

N.

148

N.

149

altera fermenti species est, & mater aceti vocatur, habetq; se, ut fæx vini ad novum fermentum vulgò *Gäst* / ita hæc aceti, mater relationem habet ad primam aceti pastam, vulgò *Essigsas* oder *Saurertaig* / & prout bonæ & vinosæ fæces (vulgò *Weinlâger*) vinum fortificant, & conservant, seq; ei loco matris præbent, ita hoc aceti sedimentum acetum conservat, fortificat, ejusq; mater vocatur, quæ magni æstimatur, quod tarde generetur, cùm eam ex lentâ digestionem prodire dixerimus, talisq; mater potior & nobilior aceti substantia est, ut in aquis destillatis videmus, quæ ejusmodi matrem (sedimentum) si diutius stent, quoq; deponunt, partes nempe spirituosæ & salinæ interno calore se digerunt, & figunt, ac condensant (ut in veteri vino tartarus) hinc tale sedimentum sequitur, quod matrem vocant, in quâ potior aquæ destillatæ vis, undè cùm aquæ talia sedimenta aut matres deponunt, facilè vappescunt, eò quod reliquæ aquæ partes, spiritibus destituantur, quibus destitutæ, facilè corrumpuntur, & in situm ac mucorem abeunt. Magni autem aceti mater, etiam propter hoc æstimatur, quod acetificato & decantato priori liquore, nempe recondito aceto ad vasa, si supra superstitem matrem aceti novum vinum, vel alius liquor acetificandus fundatur, brevi valdè tempore in bonum & forte acetum mutetur (& ob hanc rationem vasa acetaria multùm æstimantur, quod acidis spiritibus turgeant) neq; opus amplius primâ pastâ (vulgò *Saurtaig* / oder *Essigsas* /) sit, excitantur namq; vini salinæ, per similes matris aceti partes, quemadmodum lumen de lumine accenditur, quæ perpetua accensio quoq; in
fermen-

fermentatione contingit, nam unum vas fermentans alterum incendit, & hoc incensum rursus aliud, & sic in infinitum, nullius interim virtute & potestate debilitatâ, quod mirum videri posset, & impossibile, si statueremus, hanc incensionem per communicationem & exhalationem partium fieri, non quidem negamus, fermentum, sive vinosum sive acetosum, cum potui miscetur, eidem sua corpuscula imprimere, unde juxta qualitatem nationalem fermenti, omnis potus specialem saporem acquirit, sed defendimus hanc mixtionem tantum superficialem, & accidentalem esse, & nullo fini inservire, nisi quod rarefaciat, inclusumq; aërem tumefaciat, id est, ad naturam sui disponat, quo facto, totum fermentum rursus subsidit, & non modo pristina sed & majori quantitate in fundo reperitur, cum crassiores faeces, potu attenuato, simul subsidant, non ergo fermenti vis & facultas perdetur, aut imminuetur, sed potius augmentabitur, ob causas jam dictas, quod & manifestè in luce videmus, quæ lucem incendit, non nisi rarefaciendo, nam ustio candelæ, prorsus fermentatio est, nempe rarefactio puncti ad punctum, & exaltatio partium modicè densatarum, quæ pingues sunt, permixtæ tamen sale, ut in oleo, sebo, aliisque videmus, etiam in lignorum combustionem, quam per rarefactionem, & fermentationis modum fieri, nemo negabit, qui utriusque analogiam probè consideravit, ex ustione namque omnia procedunt, quæ in fermentatione contingunt, primò ignis quasi fermentum est, quod rarefacit, & incendit comburendum, flammabile nempe rareficibile esse debet, hinc potius, rosam,

N. 152. rosum, sulphureum, & salinum, combustionem ergò seu rarefactionem partium separatio fit, & quidem omnium primæ & subtilissimæ in flammam abeunt, tanquam Gas in vino, nunquam condensabiles amplius, deinde subtilis spiritus & sulphureus, & salinus prodit, qui captus in liquorem resolvitur, ut in ligni destillatione videmus, & carbonum, qui si artificiosè destillantur, ne ardere & flammare queant, fumusq; nihilominus capiatur, in spiritum mutatur, qui duplex est, interdum flammatur, ut spiritus vini, si nempe partes sulphureæ in combusto prædominantur, interdum se habet, ut spiritus aceti vel urinæ, si nempe in combusto salinæ potiores sint, ut in sulphuris combustionem videmus, & in spiritum sulphuris acido, qui quasi acetum se habet, & in quo partes salinæ prædominantur, licet sulphureæ non observentur, & occultè lateant, tamen per praxin & levi negotio revelantur, rursusq; combustibiles apparent, & flagrabiles, sed de his libro secundo de sulphure, & sub finem hujus prioris libri ulterius, præmissa ergò hæc substantiâ, quæ spiritui vini & summæ in vino substantiæ analogâ est, sequitur ea, quæ comparisonem cum substantiâ mediâ habet, nempe, N. 154. neq; summa, neq; infima, ut est fuligo, qualitatis intermediæ, cineres verò tanquam ipsa flagrantia & ardore magis cocti & digesti, tartaro & fæcibus vini se assimilant, & ne lectior existimet hanc similitudinem claudicare, experientiâ eam comprobabimus, primò enim sicut sal Tartari substantiam mediam arripit, ac medium quoddam mixtum facit, quasi oxymelleum ut supra docuimus, ita cineres, seu sal fixum cinerum, ut purior
eorum

eorum substantia , juncta fuligini , præsertim in
 lixivij formâ (id est , cum cineres in lixivij for-
 mam rediguntur) novum mixtum constituunt ,
 fortiterque se invicem arripiunt , decompositum
 constituentes , quod saponi comparari possit , prio-
 ri (de quo supra) cum substantia media vini , &
 sale tartari , per omnia analogum , nisi quod empy-
 reuma habeat , quod ex combustionione venit , cum
 prior actio naturalis , hæc verò ignea , præternatu-
 ralis , artificialis & violenta sit , deindè sicut spiritus
 vini & aceti (qui duo inter se differunt , quòd prior ,
 ut sæpius dictum est , plures partes sulphureas ,
 pauciores salinas , posterior plures salinas , pau-
 ciores sulphureas contineat) substantiam mediam
 vini vel aceti arripit , appetit , & libenter se eidem
 unit , eamq; resolvit , ità urinosus ille spiritus , qui
 in combustionione rerum , auram petit , oculosque
 pungit , & nares vellicat , fuliginem libenter resol-
 vit , insuper sicut fermentatio liberum & apertum
 aërem requirit , ità & combustio , prout enim in
 fermentatione clausâ , pars quædam rarefacti spi- N.
 ritus , quasi rursus fingitur , & in substantiam mediam 156.
 mutatur , quæ proindè oleosior fit & pinguior , ità
 in combustionione clausâ , partes quædam sulphureæ
 figuntur , & in carbonem se concentrant , figunt ,
 & recipiunt , qui deindè libero igni expositus &
 accensus , concentratum suum sulphur rursus sub-
 tilis & valde penetrantis , ac caput ferientis spiri-
 tûs instar extenuat , & rarefit , quem nos aliquan-
 do condensavimus , ac non contemnendum liquo-
 rem , spiritui vini analogum per omnia , accepimus .
 Et ut paucis finiam , possemus hâc occasione in
 immensam extravagantiam excurrere , si omnia

proferre vellemus, quæ de combustionem dicenda sunt, nam & metalla, ipsum etiam aurum, levissimo negotio comburi, & in flammam suavissime ardentes redigi possunt, & plurima alia, circa, in, & ex combustionis fundamentis procedunt, quæ hic recensere supervacaneum esset, cum propriis locis de illis acturi simus, quæ enim hætenus de combustionem diximus, non ob aliud finem facta sunt, quam ut analogam quandam fermentationum operationem exhiberemus, ut nihil intermitteremus, quod ad fermentationis doctrinam pertineret, nunc ergo ad acetificationem nostram redeundum erit, diximus in antecedentibus, ad eam tria requiri, nempe quietem, calorem, & modicam occlusionem, de duobus prioribus ad satietatem egimus, nunc ad occlusionem veniemus, modicè vasa occluduntur, ut vinosi spiritus evaporare queant, quò acetificatio citius promoveatur, ex toto autem non aperta relinquuntur, ne salina elevata corpuscula nimium evaporent, quorum evaporatione acetum deficeret (*schahl werden*) & corrumpetur, quoniam autem hucusque à capite ad calcem, ut dici solet, fermentationis arcana rimati sumus, finem quoque non præteriemus, cujus ratio à principio petenda est, nam sicuti capite de generatione animalium diximus, quod ad quamcunque generationem, & novam productionem tria requirantur, nempe agens, patiens, & nutrimentum, in primis verò in plantis aqua pro nutrimento inserviat, oleosum corpusculum pro semine, & salinum (nitrosum, urinosum) pro patiente & tanquam semine foemino, seu ut ad simplicissima principia redeamus, tres terræ sunt, juxta doctrinam nostram sectione ter-
tia

tiâ cap. 2. 3. 4. quarum prior calcis naturam & macra, altera sulphuris naturam & pinguis, tertia utriusq; nutrimenti, & ex prioribus mixta hinc saponata est, hæc ergò, prout omnium rerum simplicissima, ità etiam vegetabilium principia primordialia existunt, nam omnia ex terrâ constare, & aquam tantum principium accessorium esse, sectione primâ demonstravimus, in hæc ergò principia ultimâ resolvuntur, omnia vegetabilium corpora, & sanè experientia docet, spiritum vini subtilissimum & flagrantissimum in terram tandem elementalem resolvi, sed subtilitatem, & purificatam valdè, & fortissimus aceti spiritus per solutionem Saturni in saccharum deductus, ac saccharum in oleum destillatum, facilè & brevi manipulatione in terram elementalem, resolvi potest, calci vivæ analogam, ne quis verò enchyrides hæc impossibiles existimet, id ipsum naturaliter in actione contingere consideret, quam jam exposituri sumus, nempe in vini vel aceti, vel cujuscunq; potûs vappescentiâ aut degeneratione, & resolutione, in ultima, nempe mucorem, situm, terram, quod sæpius ac toties contingit, quotiescunq; partes vini subtiliores (mercuriales) seu substantia summa, utraq; sulphurea, & salina evaporat, sic enim substantia media (quæ plerumq; hoc in passu etiam infimâ destituta est, ob continuam subsidentiam) fermentatione, acetificatione, & digestionem, interni caloris defectu destituta ac aquea, partes, quas etiamnum in se continet, & quæ hætenus aquæ permixtæ & fortiter commixtæ erant, suo arbitrio relinquit, & resolutas in pristinâ formâ terreâ exhibet, atque ità arctissima illa unio dissolvitur, quæ hæte-

N.
158.

hactenus à matre Naturâ in vite cocta, digesta, & dulci *glykeia* unita, per fermentationem modicè rarefacta, per acetificationem ulteriùs elevata & perfecta, ac partibus spirituosis tanquam forti vinculo copulata erat, hæc inquam mixti unio, deficientibus spirituosis partibus (prout capite præcedenti in putrefactione de impedito & extincto balsamo vitali diximus) non secus ac in animalibus deficiente vitæ calore dissolvi, & in prima elementa redire incipit, nempe in terram siccam, levem, & olim unitæ suæ aquæ supernatantem, hæc ergo, & pristinus color, odor, & sapor & communia accidentia pereunt, quæ olim in bono statu mixti vigeant, omnia jam in insipidâ aquâ latent (quàm vappam, vulgò *abgestanden* nominamus) & terra, quam situm & mucorem vulgò *Rahnen / Schimmel* / vocamus, neq; etiam hæc putrefactio & ultima resolutio tùm tantùm contingit, cùm potus per omnes jam recensitos gradus transit, & alteratus est, nempe vinescendo, acescendo, & vappescendo, sed & in ipso vino bono, & adhuc integro statu contingit, præsertim circa orificium intus, & epistomia extus, ad quas partes aër ob frequentem aperturam & vini adhærentiam facilè transit, qui partes ibi latentes acescere, spirituosas evaporare, & reliquas vappescere facit, hinc in situm reductæ, vino innatant, præsertim cùm dolia ad finem cum liquore veniunt, ibi enim in vacuitate doli, partes spirituosæ magis vagari possunt, & à reliquis evaporare, unde, cùm potus ad finem tendit (*auf die Maig gehet*) plerumq;, quæ hactenus diximus, contingunt) inprimis etiam cùm diu vasa aperta relinquuntur, & hoc in casu periti vini curatores

ratores, & viatores, sulphuris fumo utuntur (melius cum spiritu vini incenso, negotium procedit) atq; ita vinum fortificant, & conservant, non secus ac corpora, à pestis corruptione, sulphuris fumo præservamus, & hæc ita naturaliter sæpè & citò, in vino ac quovis potu fermentato, ac acetificato contingunt, ubi in mucorem, situm, & vappam degenerat, vegetabilia enim mixta ut sectione de eorum mixtione & vegetatione diximus ex multis particulis constant, unde facile dissolvuntur, & quo magis subtilia sunt, hoc magis transpirant, quod in floribus, omnibusque valde odoriferis videmus, in debilibus autem potibus citius hæc contingunt, quàm in fortibus, ex causis, quas jam ad sufficientiam dedimus, & licet hæc omnia indies manifestissimè præ oculis sint, tamen etiam dicta nostra experienciâ Chymicâ demonstrabimus, si enim substantia media sive vini sive N. cujuscunque alterius fermentati liquoris sumatur, aqua misceatur, intra paucos dies situm contrahet, & mucorem, ipse quoq; Tartarus sufficienti aquâ permixtus, putrescit, cæterùm licet hæc putredo, mortificatio, & ultima resolutio citò contingat, tamen lentè fit, & non sine actione internâ, fit enim quasi analysis, & ex hac subtilium quorundam corpusculorum emissio & emanatio, non secus ac in putrefactione contingere, capite præcedenti, ostendimus, si enim substantiam mediam vini, seu tartarum, præfato modo vappescere, & in situm ac mucorem, lentâ tamen occlusionem transire sinas, ac postea destilles, N. potentem, & penetrantem spiritum accipies, de quo multa dici possent, terra autem vulgo Schimmel/
mel/

mel / si probe ficca & pulverulenta , ac in ultimum finem redacta sit , prorsus exsucca est , & capitis mortui instar se habet , prout in pane observavimus in situm mutato , nam quod dicant , ex pane putrefactio apes generari , falsum est , si ultimum situm consideres , qui siccissimus est , & in quo nihil generari ratio & experientia docet , sed nos , ne nimium lectoris patientiâ abutamur , ad finem hujus

N. materiae properabimus faciendo pro conclusione,
 161. ab acetificatione vegetabilium , digressionem ad acetificationem mineralium , prout sub finem fermentationis in præcedentibus quoq; fecimus. Abstrahimus autem ab acescentiâ bituminum , sulphurum , salium , aliorumq; succorum subterraneorum , horum enim aciditas vel per modum communis aceti acescentiæ , si naturaliter tractentur , vel per modum acidi spiritus , qui ex combustionem lignorum venit , se habet , iisdemq; se comparat , quare ad præcedentia hæc & similia referemus.

N. Quod vero de aceto minerarum tradunt , inprimis
 162 Antimonij Mineræ , hoc sulphuri communi adustibili , mineris intermixto , adscribendum videtur & experientia confirmat , sulphure enim phlogisto combusto , ac minerâ semel liquefactâ , nullum acetum amplius prodibit , aceta ergo talia spiritum sulphuris esse , nemo negabit , cum vel nihil vel parum , ab eo differant , nisi quod nonnihil metalli interdum secum vehant , aciditas ergo non à metallo sed à sulphure venit , de cujus aciditate in præcedentibus egimus , prorsus ergo non hoc acetum
 N. Philosophi intelligunt , cum de suo , nempe de radicato , quod se ut principium & radix minerarum habet , loquuntur , acetum namq; Philosophorum,
 163

rum, eorum solvens, & menstruum humidum radicale, ac Mercurius est, Lathon & Azoth, non Mercurius præcipitatus communis, sicut Sophistæ quidam existimant, sed Mercurij subtilior substantia, nempe essentia salis communis, quæ in Mineris (etiam arte) metallis se miscet, ac decompositionem cum illis facit, ut in Mercurij currentis figura nobis ob oculos larventur, metallis ergo Philosophicè ab hâc nobili essentia separatis, aut quocunq; modo præcipitatis, id acquiritur, quod metalla revivificat, & currere facit, substantia essentialis salis, instar aceti se habens, sed magis digesta, fixabiliorisq; dispositionis, magnæ tamen analogiæ, cum aceto, nam & id, ex metallis nova decomposita facit, & vi ignis rursus ab istis pulsum, puriores eorum particulas secum arripit, ut praxis in oleo Saturni docet, in quo quædam testimonia veritatis de recto aceto Philosophico prælucent, sicut quoq; diximus, terram seu particulas salinas, sulphureas partes vini amicare, vincire, & figere, ita acetum Philosophicum, nempe terra, salina aut tertia terra (mercurialis) de qua sectione 3. cap. 4. egimus, secundam, nempe sulphuream, de quâ in ejusdem sectionis cap. 3. terram ambit, amat, vincit, superat, volatilifat, figit tandem & figitur, ut spiritus vini & aceti Philosophicus, nempe mixtum saponatum, omnium admirandorum admirandissimum in lucem prodeat, quod ob particularem fixitatem nunquam evaporat, nunquam ob partium homogeneitatem, vel in vappam, mucorem, situm, scoreas aut stomoma resolvi potest, sed acetum hoc Philosophicum, licet toti orbi candidè exposuerim, tamen ejus dextra præparatio, acido labore acquirenda

N.
164N.
165

166

N.
167 rendenda est, nam & fermentis & fermentationibus indiget, his, de quibus in antecedentibus egimus, non absimilibus sed analogis. Quare præfata (quæ ob hunc finem magno studio, candidè Lectori, de fermentatione in communi, hisce communicare voluimus, & quæ in nullis libris hætenus de hæc materiâ editis inveniuntur) non adeò flocci pendenda, sed quæ ego brevibus dixi, proluxiori fermentatione, & praxi excolenda sunt, nam si quis, quæ præsentia & indies præ oculis sunt, non intelligat, quomodo ad abstrusiora veniet, & qui debilis mixti resolutionem, & resolutionis accidentia non intelligit, quomodo is ad gravissimi & perfectissimi mixti notitiam perveniet?

Sectionis quartæ Caput tertium De solutione metallorum, quæ liquefactio est.

SYNOPSIS.

- N. 1. Digressio ad tertiam speciem solutionis nempe liquefactionem, in primis mineralium. N. 2. liquiditas mineralium triplex est, terrea, aquea, ignea. N. 3. soliditas opponitur liquiditati, recensentur species soliditatis. N. 4. anchor ad fluiditatem metallicam tantum hoc loco respicit. N. 5. falsum est animalia & vegetabilia currentem Mercurium præbere, multò minus in igne metallorum instar fluere. N. 6. consequentia solutionis mineralis in fluiditate consistit. N. 7. fluiditas Mercurii vivi quomodo à cæteris fluiditatibus distinguatur, apponitur

ponitur causa fluiditatis Mercurij. N. 8. cur mineralia sola, fluxu mercuriali gaudeant. N. 9. omnia metalla in Mercurium mutari possunt. N. 10. Genesis Mercurij in mineris. N. 11. causa fluiditatis Mercurialis, terra mercurificans, seu fluidificans est. N. 12. extremitates fluiditatis Mercurij. N. 13. observationes circa amalgamationem, & nonnulla de Mercurio animato. N. 14. de Mercuriis corporum, N. 15. secretum Philosophorum in quo consistat, distinctio inter Philosophorum & communem Mercurium. N. 16. terra mercurificans in sale latet, ubi de nomine Alchymie. N. 17. periculosus error detegitur circa materiam Philosophicam, & distinguitur inter terram, quæ ex metallis Mercurios facit, & inter terram quæ ex eis sulphura seu arsenica parit. N. 18. cur Mercurius Corporum à quibusdam pro non ente fuerit reputatus? N. 19. Rolfincij Jenensis inexperta decisio, quâ Mercurios corporum pro non entibus pronunciat. N. 20. pro controversia Rolfinciana, circa Mercurios corporum, bene decernenda, necessaria distinctio proponitur. N. 21. Chymici nusquam spondent, aut docent, Mercurios ex metallis præparare, sine ullarum rerum additione, declaratur simul, quid per additas res intelligant. N. 22. titulus controversie circa mercurificationem, sulphurificationem, & salificationem metallorum determinatur. N. 23. metalla ut necessaria requisita & principalia constitutiva, varias compositiones ingrediuntur, novasq; decompositiones faciunt. N. 24. Rolfincij obtrusa analogia evellitur. N. 25. decisio propositæ questionis. N. 26. Rolfincij censura in Chymicos de Mercurio corporum, in specie examinatur.

- N. 27. *Angeli Sala censura de Mercurio antimonij.*
 N. 28. *ad decisionem controversiarum Chymicarum non sola, & nuda authoritas sufficit, sed praxis & ratio requiritur.* N. 29. *rationes quae mercurificationem probant.* N. 30. *alia obiectio Ludovici de Comitibus proponitur, & ventilatur, nempe Mercurium corporum esse verum Mercurium & non sophisticum, ut citatus Author eum vocat.*
 N. 31. *quae in specie circa praefatam objectionem notanda sint.* N. 32. *Processus Ludovici de Comitibus, seu modus, quem ponit pro faciendo Mercurio Lunae, est mancus, & falsus.* N. 33. *utrum luna Mercurius, luna liquefacta injectus, in corpus reducatur, ut defendit citatus author.* N. 34. *Menstruum mercurificans difficillime separatur à mercurificato, idque alio prorsus modo, quam citatus author proponit.* N. 35. *non sequitur Mercurium lunae esse sophisticum, ut contendit de Comitibus, quia rursus in lunam reduci potest.* N. 36. *jucunda historia interseritur, de veterum vitro malleabili.* N. 37. *Ludovicus de Comitibus defendit Mercurium communem nullo modo, nisi tincturâ in argentum converti posse, unde infert, Mercurium lunae esse sophisticum.* N. 38. *cur Mercurius vulgi vocetur communis?* N. 39. *ex quibus subjectis constet?* N. 40. *nonnulli Mercurii corporum, sunt in pristina corpora irreducibiles, exponitur simul causa differentiae cum Mercurio communi.* N. 41. *Mercurius communis ex variis subjectis mineralibus constat, ubi per occasionem de vero electro minerali agitur.* N. 42. *Mercurius communis ex parte in aurum & argentum reducitur, modo, quo Ludovicus de Comitibus*

mitibus

mitibus Mercurium luna reducit. N. 43. citatus author sibi ipsi manifestè contradicit, cum modum Mercurium communem in fixum metallum convertendi sine tincturâ per solum alcaest ponit, quod tamen §. 37. fieri posse negavit. N. 44. defenditur ex citati authoris doctrinâ, omnem Mercurium communem, Mercurium lunæ esse. N. 45. unde fluiditas mercurialis proveniat? N. 46. quid vocetur propriè humidum radicale metallorum? N. 47. in quibus subjectis terra mercurificans lateat? N. 48. Mercurii corporum, rubram post se in evaporatione, maculam relinquunt. N. 49. magnum arcanum aperitur. N. 50. Orphei carmen de Mercurii divitiis. N. 51. Neptunitridens, triplicem liquiditatem rerum denotat. N. 52. de oleosâ & aqueâ humiditate. N. 53. aqua solidum corpus, seu terra fluida est. N. 54. aer ex particulis terreis constat, cælo interveniente fit fluidus. N. 55. definitio fluiditatis aqueæ, ejusdemq; causa. N. 56. varia & multiplex est præfata differentia, plurimumq; incognita. N. 57. falsum est crystallum ex glaciæ generari. N. 58. cur lapides difficulter fluant. N. 59. cur per se non in aquam resolvantur, & cur sublimati flores metallorum, non liquidi sint. N. 60. metalla solo aëre non possunt liquida humida reddi, sed additâ aquâ, facîle in aquam resolvuntur. N. 61. metalla illubenter larvam aqueam deponunt. N. 62. singularis auri solutio proponitur, & varia observatio de auro potabili. N. 63. comparatio solutionis corrosivæ metallorum cum oleo. N. 64. utrum metalla in olei formam mutari queant? N. 65. usus oleorum metallicorum. N. 66. Polemanni error, in tractatu de sulphure Philo-

sophorum, in preparando oleo, sulphure, seu elemento Venexis. N. 67. in metallis non datur separatio principiorum & partium essentialium. N. 68. metalla alterari possunt substantialiter, non separatione sed additione partium essentialium, nempe eorum principia constituentium. N. 69. falsum est ex metallis particulare sulphur extrahi posse, quod pro principio metallorum habendum sit. N. 70. totum metallum in Mercurium, & in sulphur converteri potest. N. 71. Ludovici de Comitibus error, quo solutionem partium essentialium in venere defendit. N. 72. albedo Veneris, non ex propria, sed extranei solventis naturâ provenit. N. 73. artificialis reductio corporum in semina impossibilis est. N. 74. in quo unice naturalis metallorum alteratio consistat? N. 75. oleificatio seu sulphurificatio metallorum, in quo versetur. N. 76. in quem finem proficit. N. 77. metalla quomodo redantur tingentia & animata, authoris cujusdam, de Monte Snyders, sit mentio. N. 78. utrum in fixo alcali, juxta Polemanni doctrinam, ens primum sulphuris sit? N. 79. volatilisatio salis alcali non immutat substantiam, levis est, & perfacilis. N. 80. Ludovicus de Comitibus eundem errorem committit cum Polemanno. N. 81. volatilisatio salis alcali, juxta processum Ludovici de Comitibus inutilis, & sine effectu est. N. 82. Polemannus Ludovici de Comitibus preparationem rejicit. N. 83. de Comitibus defendit, mixtis nihil essenziale addi, seu per artem nulla indissolubilia mixta produci posse, quod falsum esse, per experientiam probatur. N. 84. cur volatilisatum sal alcali, effectum non præstet, quem Polemannus desiderat. N. 85. effectus,

Etus, qui additione terre sulphureæ oritur, in metallis realem & evidentem alterationem causat. N. 86. in quo Polemannus circa hanc materiam erraverit. N. 87. digressio ad fluiditatem igneam, ejusdem definitio & causa. N. 88. flammæ fluunt. N. 89. quæ subjecta in igne finire, & persistere possint. N. 90. distributio materiæ de liquefactione igneâ, nempe de subjectis liquefacientibus, & liquabilibus. N. 91. materia liquefaciens, nempe ignis, quomodo consideretur. N. 92. è quibus subjectis ignis elici queat. N. 93. varietas ignis, varios effectus causat. N. 94. ardua cognitio ignis Philosophorum. N. 95. in quo ignis Philosophorum à communi differat. N. 96. radii solis in corporalem pulverem reduci possunt penetrantem, & subtilem. N. 97. reverberij ignis corpora alterat, comparatio ejusdem cum Philosophico. N. 98. controversia inter authores de ignis substantiâ, & utrum corporibus gravitatem inducat? N. 99. Empedoclis dictum de igne. N. 100. crassa Peripateticorum ignorantia in praxi, cum tamen nulla theoria bona sit, nisi quæ in praxi fundatur. N. 101. vana cujusdam Peripatetici speculatio, circa preparationem aquæ fortis. N. 102. causa incensionis ignis. N. 103. luminis perpetui obscuritas, & quod nihil incombustibile flagrare aut flammam concipere possit. N. 104. lumen perpetuum juxta descriptionem R. P. Kircheri, in mundo suo subterraneo, in praxi non succedit. N. 105. quomodo inventæ lampades subterraneæ occlusæ, post aperturam flagrantes deprehensæ fuerint. N. 106. utrum detur ignis potentialis casticus ex aëre vel aqua ignem concipiens? quod R. P. Kircher negat,

sed contrarium probatur. N. 107. effectus ignis quadruplex. N. 108. quare & quomodo metalla liquefiant, & fluant in igne. N. 109. lapidum natura & varietas in igne. N. 110. cur quidam lapides candefacti, & in frigida extincti, non rumpantur. N. 111. antiperistasis Aristotelicorum vana est. N. 112. distinctio inter compagem & gravitatem, & cur vasa fictilia ignem ferant, vitrea e contra rumpantur? N. 113. quem locum vitra inter subiecta naturalia & candescibilia obtineant. N. 114. observatio circa certum genus vitrorum vulgò Spring-Bläser. N. 115. ignis corpora in gravitate alterat, præsertim metalla, quæ graviora reddit. N. 116. cum corpora metallica, in gravitate essentiali mutantur, in tota substantiâ mutata esse certum est. N. 117. corpora quomodo in igne leviora reddantur. N. 118. ignis colores alterat, variasque affectiones producit. N. 119. ignis, rerum substantias & corpora transmutat. N. 120. quomodo lapides per ignem in substantiâ suâ mutantur. N. 121. utrum metalla in substantiâ & specie, solo igne transmutari possint, adducitur exemplum in chalybificatione. N. 122. aliud experimentum proponitur, quo solo igne ex plumbo, stanno, ipso etiam argento, verum cuprum fieri potest. N. 123. quæ circa præcedens experimentum notanda. N. 124. digressio ad subiecta liquabilia. quæ in tres classes reducuntur. N. 125. quæ circa fluxum salinum consideranda? N. 126. quæ in fluxu metallico observanda? N. 127. quæ circa fluxum vitreum attendenda? N. 128. conclusio discursus de liquiditate corporum. N. 129. studium de subterraneis subtile & altum est, sed reale.

N. 130. *fructus qui consequitur, ex consideratione triplicis corporum subterraneorum liquiditatis.*

N. 131. *tria maria trananda sunt, donec ad optatum portum perveniatur.*

T E X T U S.

HActenus, ut speramus, in divite vindemia mon-
strati sumus, non sine jucunditate varias uvas i.
experimentes, variosq; dulces saccos extorquen-
tes, quos cum fermentationi commisimus, vix pe-
netrantibus vaporibus inebriati, cellam rursum e-
gredi potuimus, nunc defæcato animo à Baccho ad
Vulcanum properabimus, à vino ad aurum, à vege-
tabilibus ad metalla, paucis à fermentatione ad li-
quefactionem, quæ metallis propria est, quoniam
verò de liquefactionis & fluiditatis causis, sectione
hujus libri septimâ, & libro secundo sub capituli-
bus, de lapidum & Mercurii anatomiâ, prolixius
agemus, merito ne unum & idem variis in locis re-
petamus, atq; prolixitatem, quam tamen ex natu-
râ odio prosequimur, incurramus, hoc loco præ-
liminaria tantum aliqua præmittemus, quæ in ge-
nere mineralia, eorumq; fluiditatem concernunt,
quam in sequentibus semper liquefactionem no-
minabimus, quæ triplex est, aliqua enim mine-
ralia particulas terreas in se recipiunt, unde in
continuo solvuntur, liquefiunt, & fluunt, hic flu-
xus vocatur mercurialis, seu corpora, quæ sic
fluunt, vocantur argentum vivum, licet improprie,
nam si plumbum ita fluat, vocandum erit plum-
bum vivum, non argentum, vivum autem nomi-
natur, quia currendo se movet, quasi vivat. Se-
cundo aliqua mineralia in poros suos aquam reci-
piunt,

piunt, undè dissolvuntur, & in fluxum aqueum rediguntur, vocanturq; aquæ minerales. Tertiò quædam mineralia aërem & igneas particulas in poros admittunt, unde dilatantur, & difuniuntur, ac liquefcunt, fluuntq; in igne. Huic triplici liquiditati, vel fluiditati uno nomine soliditas opponitur, ex quâcunq; etiam illa causâ procedat, cujus infimus gradus consistentia est, ut cum corpora gelatinæ instar confifunt, ita ut non fluant, secundus gradus soliditatis coagulatio est, cum nempe particulæ cohærent, sed ita ut solutionem facîle admittant, tertius est fixatio, cum corpora compactissimè unita sunt, ut lapides & metalla, ex quo patet, cur liquefactionem inter solutionis species posuerim, quia nempe soliditati opponitur, cum itaq; sectione præcedenti soliditatem, consistentiam, coagulationem, compagem, & fixationem corporum consideraverimus, & hâc sectione, capite primo & secundo, contrarium mixtionis, nempe solutionem animalium & vegetabilium indagaverimus, iniquum foret, & præter intentionem nostram, si hoc loco, mineralia intacta reliqueremus, quare, quas in solutione suâ vicissitudines subeant, nunc quoq; sed paucis exponeamus, & licet in præfato triplici fluxu mansuri simus, nihilominus pro exemplis tantummodò mineralia sumemus, quibus is propriè competit proindè ab illis, tanquam à potioribus denominationem, & demonstrationem sumemus, neque enim vel animalia, vel vegetabilia, in currentis fluidi metallici Mercurii formam reduci possunt, licet Stockholmiis in sepulchro aperto, materiam aliquando fluidam conspexerimus, non madefacientem

tem terram, sed axungiam, seu sebum, aut quid tale esse credidimus, verus enim Mercurius, decompositum minerale est, ut ex sequentibus patebit, proinde falsissimum, quod impostores quidam & Sycophantæ dicunt, se ex animalibus & vegetabilibus Mercurios metallicos facere posse. Cæterum animalia & vegetabilia, quoad secundam liquiditatis præfatæ speciem, alio modo in aquis causticis solvuntur, quàm mineralia, licet in hoc medio fluxu aqueo, præ reliquis convenient, nam à tertio fluxu prorsus excluduntur, cum nec animalia nec vegetabilia in igne fluere queant, ut fundi possint, nisi per addita, nam ita ligna & ossa liquefacta, & in formas fusa vidimus, sed potius est assimilatio aliqua liquefactionis, nempe impastatio, quæ lento igne procedit, & prorsus candefactionem respuit, cumq; frigeat, consistentiâ solidatur, non fixatione quæ post fluxum igneum metallicum, liquefactis convenit, meritò ergò in hoc capite ab animalibus & vegetabilibus abstrahemus, quod vix analogicum quid cum mineralibus fluxibus in eis reperiatur, quæ tamen de eorum soliditate & liquiditate in medium proferri possunt, partim in præcedentibus capitibus dicta sunt, partim in sectione hujus libri septimæ, speciali capite de soliditate & fluiditate exponentur, nunc ad mineralium fluiditatem in specie properabimus, in quantum nempe ad solutionem mineralium facit, de eâ enim heic loci sermo est, quomodo nempe propriè mineralia solvantur, & quas vicissitudines ex solutione acquirant, fluiditatem scilicet & liquiditatem, sive terream, aqueam aut igneam, quarum primam, nempe terream, nunc aggrediemur, diximus autem sub initium

N. hujus capitis eam mercurialem vocari, quod fluat,
 7. ut mercurius, non madefaciens id, supra quod fluit,
 sibi homogeneâ unitate cohærens, ita enim defini-
 tur, & distinguitur liquiditas mercurialis à cæteris,
 causam hujus fluxûs assignamus particulis terreis,
 poris metallorum plus justo ingestis, unde corpora
 solida disuniuntur, & fluida redduntur, nihilomi-
 nus metallicam homogeneitatem servantia, licet
 volatilia, interjectæ enim particulæ terreæ, cum
 per se volatiles sint, facîle ob disjunctionem parti-
 cularum metallicarum, non modò ipsæ evaporant,
 sed & adjunctas particulas secum auferunt, quod
 indies contingere videmus, cum nimîâ proportio-
 ne volatilia fixis miscemus, potiora enim pauciori-
 bus dominantur, & in foro politico, & in Phy-
 fico, sicut etiam ratio in promptu est, cur nulla
 N. præter mineralia corpora, nec & illa omnia in ta-
 8. lem mercurialem fluxum redigi queant, nam cum
 hic fluxus in minimis particulis rotunditatem ser-
 vet, sequitur, ut quæ eum ingrediuntur, amicè co-
 hæreant, nec heterogenea sed homogenea, & sym-
 pathica sint, id est, in quibus, ex ordine naturæ,
 non nihil ut principium, in primâ mistione, de hâc
 terrâ mercurificante & fluidificante continetur,
 quæ novam hanc & superfluam amicè, & quasi sym-
 pathicè arripiat, eiq; se uniat, alioquin non daretur
 ingressus hujus superadvenientis terræ, unde o-
 mnia illa subjecta, quæ hâc terrâ carent, ut lapides,
 succi, resinæ, animalia, vegetabilia, licet cum ma-
 gna hujus mercurificationis terræ quantitate misce-
 antur, nihilominus non in Mercurium currentem
 mutabuntur, licet etiam in causâ sit, quòd similia
 subjecta inæqualiter mixta sint, & heterogenea in-
 gredien-

gredientia haheant, nihil ergò Mercurius fieri potest, nisi quod homogeneæ mixtum sit, nempe metalla, quæ proinde sola, hoc primo mercuriali fluxu gaudent, non quòd necessarium sit, ut omnia metalla, priusquam metalla fiunt, ita fluant, ut quidam volunt, qui Mercurium pro principio metallorum statuunt, sed his jam respondimus, sectione tertiâ, capite quarto & quinto, Mercurium nempe communem decompositum esse, cujus synecdochicè pars pro toto intelligitur, nempe terra mercurificans pro mercurificato, in quo præter hanc terram, etiam metallum est, quod alterius metalli principium esse nequit, non inquam necessum proinde est, ut omnia metalla in genesi suâ, in tali fluxu consistant, licet necessum sit, omnia metalla, si artificii libeat, in talem fluxum mercurialem, id est, in veri Mercurii compositum reduci posse, quod etiam non rarò naturaliter contingit in mineris, ubi certi terræ mercurificantis tractus (ex locis & materiis centralibus, de quibus hujus libri sectione secundâ) venas metallicas attingunt, resolvunt, & contenta metalla ita rarefaciunt, ut veri Mercurii currentis forma, in ipsis etiam mineris suâ sponte fluant, licet non rarò superinvenientibus sulphureis corpusculis novum ex tali composito compositum, nempe decompositum fiat, quod cinnabrium vocant, cujus tamen sulphureis particulis demptis, compositio Mercurii fluida rursus ob oculos venit, ita etiam demptis partibus terreis mercurificantibus, metallum quoque manifestatur, quod in decomposito Mercuriali fluido antea latebat, particulas verò terreas esse, quæ mercurificant, seu liquefaciunt, ex contrario patet, quòd terreæ sint, quæ talem fluxum

sistunt.

sistunt, prout videmus in sulphure, & Saturni fumo, quemadmodum enim metallum fluidum & currens fit, cum nimium de terrâ mercurificante accipit, licet eadem terra, etsi minori proportionem, omnem compositionem metallorum ut principium (prout sectione tertiâ capite quarto demonstravimus) ingrediatur, ita cum aliâ terrâ, licet principia metallorum existant, præsertim secundâ (de quâ sectione tertiâ capite tertio) hoc mixtum fluidum Mercurii plus justo ingrediuntur, fluiditatem sistunt, & mixtum coagulant, quas extremitates fluiditatis, & soliditatis manifestè in Mercurio communi videmus, qui, cum aliis metallis miscetur, (quam operationem amalgamationem vocant) tantum de illis arripit, & emollit, quantum in fluidâ terrâ excedit, si enim nimium metalli addatur, indurefcit amalgama, quia partes fluidæ superantur, est autem hæc connexio Mercurii & metalli, non adeo superficialis & levi pede prætereunda, nam si ex Mercurio & plumbo tale amalgama facias, Mercuriumq; per retortam igne valido rursus abstrahas, ita ut plumbum in retortâ fluat, Mercurium tuum accipies, sed notabiliter non modò graviorem, sed & alteratum, aliquam enim plumbi portionem ita sibi unit, ut per retortam ducat, & per corium secum vehat, nullâ quod sciam arte, nisi lentâ digestionem ab eo separabilem, proinde etiam tardius in fluxu suo currit, cuticulamq; facit, ex quo manifestè liquet, in composito Mercurii communis, terram fluidificantem excedere, quæ, ne otiosa sit, particulas plumbi arripit, sibiq; miscet, atq; in fluiditatem ducit, sin verò metalla nimium Mercurio addantur, tunc amalgama coagulatur, quia

quia partes fluidificantes superantur, à terrestribus
 ficcis, frequentiꝫ; abstractione Mercurii ab auro
 efficitur, quod Mercurius in amalgamatione idem
 aurum non amplius appetat, nec assumat, aut ei per ^{N.}
 modum amalgamationis uniatur, ^{13.} cujus ratio est,
 quod non nihil de Mercurio, per ejusmodi amalga-
 mationes, & abstractiones, auro adhæreat, in eoꝫ;
 figatur, unde talis calx auri, singularem qualitatem
 medicam acquirit, præcipitato non abfimilem,
 quam etiam retinet, licet fortiter igniatur, multo-
 tiesꝫ; elixetur, Mercurius verò ex tali frequenti a-
 amalgamatione, & abstractione, non nihil de auro si-
 bi miscuit, quod in intima sua constitutiva assumfit,
 ut talis Mercurii animati digestio monstrat, in quâ
 aureitatem prodit, ex quibus omnibus sequitur,
 Mercurium metalla mollicicare, pro terræ suæ flui-
 dificantis copiâ, ipsumꝫ; Mercurium communem
 nihil aliud esse quàm fluidum amalgama, id est mix-
 tio terræ fluidificantis cum metallo quodam, unde
 tot Mercurii veniunt, quot metalla, quæ terra flui-
 dificantimisceri possunt, quorum sex perfecta sunt,
 ut aurum, argentum, cuprum, ferrum, stannum,
 plumbum, & aliqua imperfecta, ut antimonium,
 Bismutum, Zinkium, Marcasitum, ex quibus omni-
 bus amalgamata fieri possunt, quæ à communi Mer-
 curio in nihilo differunt, nisi quòd non sufficientem
 terram fluidificantem contineant, quâ proinde ad-
 dita, veri Mercurii fiunt, qui Mercurii corporum ^{N.}
 vocantur, licet & ipse Mercurius communis ex ^{14.}
 aliquo corpore metallico sit, & proinde Mercurius
 corporis nominari debeat, sex ergò metalla sunt,
 non septem, Mercurius namq; est decompositum
 cæterorum, neq; enim ullus Mercurius communis
 reperi-

N.
15.

reperitur, qui non ex metallo constet, licet difficul-
ter id manifestetur, ob terræ fluidificantis copiam,
quod mirum non est, si consideremus Mercurium
animatum solarem vel Saturninum, de quo supra,
admixtum metallum ægerrimè reddere, quod terra
fluidificans ejusdem, particulas metalli in intima
constitutiva arripiat, ità ut subindè ipsa citius coa-
guletur cum assumpto, quàm id à se avelli patiatur,
& sanè in hâc mirabili sympathiâ terræ fluidifican-
tis cum metallis, totum Philosophorum secretum
latet, quod in hoc consistit, ut terra fluidificans
pura habeatur, id est, in statu ante mixtionem
cum ullo metallo, in hoc nempe Mercurius Phi-
losophorum à communi differt, quod in com-
muni, terra fluidificans, assumpto quodam me-
tallo, jam aliquod decompositum constituerit, in
Philosophico verò, virginea adhuc sit, nullo mi-
nerali maculata, & proindè capax recipiendi
perfectum sulphur solis, quod Raymundus Lul-
lius doctè sequentibus exponit: *Recordamur*, in-
quit, *nos dixisse in nostro testamento, quod nullum ar-*
gentum vivum promptius convertatur in substantiam
sulphuris, quam illud, in quo sulphuris qualitates per
dissolutionem sunt sufficienter introductæ, nec ullum
sulphur promptius congelat argentum vivum, quàm il-
lud, in cuius naturæ substantia, ipsum argentum vi-
vum existit, per artis ingenium jam conversum, & vir-
tus argenti vivi transmutantis, in toto obtineat partes sul-
phuris transmutati, ità ut in ipsi, ante sui transmutatio-
nem commisceatur per minima, sulphur proprium non
urens, album, vel rubrum, tale enim argentum vivum
propriam tunc habebit materiam, & tunc natura natu-
ram complectitur propriam, & amicabilius gaudet in ea,
quàm

quàm extranea, hæcenus Lullius paucis verbis ma- N.
ximum mysterium detexit, at nos omni invidiâ pul- 16.
sâ, paucioribus clavim addemus, teram nempe fluidi-
ficantem, in quâ cardo consistit, in sale commu-
ni latere diximus, atq; etiamnum dicimus, undè,
tanquam à potiori, studium Chymicum denomina-
tionem sumsit, nempe Halchymix vocabulum, hals
enim græcè sal sonat, & chymus, succus, quasi vo-
caretur succus salis, & sanè, sine tali succo nihil ef-
ficiunt, quicumq; etiam sint, qui huic studio operam
navant, oleum & operam perdent, infulsumq; la-
borem instituent, è contra habitâ hâc terrâ fluidifi-
cante, firmissima auri abdita & repagula resolvi, &
emolliri possunt, ita ut aqua hæc lactea tingatur &
inficiatur rubro auri sanguine, hæc enim ita cohæ-
rebunt, ut duplicatus hic Mercurius, nullo mo-
do & nullâ arte dissolvi queat, sed in decompo-
situm abeat, cinabrio non absimile, sed fixum,
rubrum, fluidum & tingens, cujus, licet exiguas
quasdam particulas, curioso Lectori paucis verbis
ob oculos ponere possemus, si conclusum foret,
catulis & suis eadem fercula apponere, multa ta-
men dicta sunt in præcedentibus, quæ, si Lector de-
bitè consideret, de dictorum veritate non dubita-
bit, & ut videat, me non verborum lenocinia, aut
somnia magna magisteria & secreta, atq; ex his
vanum nomen quærere, nihil nisi veritatem pra-
cticam addam, quam in nullo unquam Philoso- N.
pho inveni, aut me legisse scio, nempe ut in præ- 17.
paratione terræ fluidificantis seu mercurificantis
virginæ, seu Mercurii Philosophorum, aut terræ
salinæ, ex sale communi, summè cautus, & cir-
cumspectus sis, ne ancillam pro Dominâ accipias,
quem

quem errorem multis egregiis viris & artificibus obstitisse credo, ne optatum finem affecuti fuerint, duæ enim, in sale communi, minerales terræ sunt, utraq; principium mineralium, hinc utraq; eis amicissimè & tenacissimè adhærens, una mercurialis, sulphurea altera est, prior ex metallis currentem Mercurium, posterior volatile arsenicum vel sulphur ex eis constituit, estq; posterior priori potentior, unde magnus labor, ejusmodi terras cognoscendi, & discernendi, sola enim prior terra ad mercurificationem facit, posterior sulphurum omnium, & salium ens est, decompositaq; arsenicalia, ut diximus, constituit, ad quæ metalla per se prona sunt, ita ut, quisquis etiam author sit, qui se *Philaetham* vocat, in doctissimo suo & fere practico tractatu (his qui aliquid operati sunt in praxi) *Introitu aperto*, capite de inventione magni magisterii, saturninam stultescere aiat, quod arsenicali parti magis adhæreat quàm mercuriali, corruptibili potius, quàm incorruptibili, sed non miremur naturam artifices imitari, fumus omnes ad mala & impura magis quàm ad perfectâ, ex corruptâ naturâ proni, multis ergò hanc arsenicalem larvam imposuisse, credibile est, imò mihi probabile, si aliorum errores castigare velim, ubi demonstrare possem, quòd unicâ sæpè manipulatione, præclarissimi etiam viri in hoc negotio errârint, ita excæcati sumus, & quasi talpæ cum terrâ luctamur, nisi divina clementia nostri misereatur, cognitionisq; boni & mali radiis nobis præluceat, hanc ergò scyllam & charybdin ferè Physicam, benè attendere oportet, est enim reverà periculosa, & maximi momenti, maximi etiam laboris, separare columbas ab aquilis, oves à
à lupis

à lupis, nec mirum, si plurimis mercurificatio cor- N.
porum non successerit, si omnes processus impres- 18.
si, & scripti, falsi & deceptorii existant, adeoq; non
modo à Chymicis, sed à Sciolis quibusdam centauris,
Galenico-Chymicis Doctoribus (qui nihil unquam
in praxi tentârunt, existimantes, posse otioso
cerebro, sicuti in Philosophiâ Peripatheticâ, in
verbis ludi) Mercurii corporum, inter non entia
numerentur, à quibus, quòd ità ingenuè realitatem
Mercurificationis profitear, gravem mihi dicam
scribi facilè mihi persuadeo, sed ne tantillum curo,
experientiâ enim fretus, stultam talium otiosorum
speculantium theoriam rideo, simul & stultam temeritatem,
quanta enim absurditas, concludere res pro non entibus,
quia huic vel illi non successerunt, æquè ac si dicerem,
ars pictoria est non ens, quia eam non calleo,
vel si dicerem, non credo te habere mille Imperiales,
nisi mihi eos communices, quæ omnia, licet in absurdis
consequentiis consistant, tamen à doctis viris, ut sibi videntur,
in argumenta contra Chymicos sumuntur, & ne videar loqui,
quæ probare nequeo, omissis plurimis exemplis,
alterum illum *Æsculapium Jenensem*, *Guernerum Rolsincium*,
Philosophiæ & Medicinæ Do- N.
ctorem, Præcticum, & Chymie Professore publicum, 19.
Anatomicum insignem, imò apud rudem plebeculam
Hermetem, qui tam parùm in dictis & scriptis errare
posse creditur, quàm ipse Lutherus, hunc inquam
à pluribus probatum, nos tamen in cineritio sub capellâ
examinabimus, cùm non omni splendori externo credamus,
non autem totum suum librum, quem *Chymiam, in artis*, scilicet
Galenisticæ, formam redactam vocat, sed tantùm ca

in medium proferemus, quæ de Mercuriis corporum p. 428. 429. 430. 431. Lectori obtrudit, atq; sine ullâ ratione, & experientia inter non entia Chymica ponit, & sic expresse testatur, experientiam talium operationum apud se magnum non ens esse.

N. Ne vero Aristotelicis argutiis, distinctionibus, & ^{20.} inanibus verbalibus limitationibus, & exceptionibus elabatur, paucis præliminariter repetemus, quæ hujus libri sectione tertia, capite quinto, contra imperitos Aristotelicos, & Chymicos circa principiorum, & entium Chymicorum definitionem, & realem existentiam proposuimus, nempe nos sal, sulphur, & Mercurium, ut subjecta communia, non pro principiis primis metallorum statuere, deinde hæc subjecta decomposita esse, & ex partibus constare, Tertio ipsas partes ante compositionem, & mixtionem, non ipsum formale decompositum constituere, quod oritur post decompositionem, id est, partes, quæ mixtum salis, sulphuris, vel Mercurii ingrediuntur, non constituere ipsum subjectum antequam ingrediantur, & cum adhuc divisæ sunt, sicut partes, quæ ad horologium spectant, ante combinationem, in primis quælibet particula per se, totum horologium vocari nequit, jam præmissâ hâc trinâ cautelâ & præmonitione, non pugnabo cum Rolancio, utrum commune sal, sulphur, & Mercurius, utruminquam talia subjecta, vel principia remota, vel principiata propinqua metallorum sint, satis loco citato mentem nostram exposuimus, nec secundum negabit Rolancius, præfata tria subjecta, non simplicia mixta esse, sed composita, & ex partibus constare, nec & tertium oppugnabit, partes divisas, ante actum mixtionis, totum consti-

constituere, hoc unicum ergò in quæstione est, utrum omnes partes constituentes mixtum salis vel sulphuris, vel Mercurii, in metallis lateant, ita ut per se, sine ullâ additione, talia subiecta & mixta, ex illis elici possint, hoc inquam in quæstione est, & non utrum elicitata subiecta, rerum unde eliciuntur, principia sint, ab illâ quæstione enim hæc abstraho, quod loco citato ei satisfecerim, nec Rolfincius citatis locis eam ventilet, revertendo ergò ad punctum quæstionis, dico nullum Chymicum esse, nec ullum Chymicum librum, qui spondeat ex metallis N.
21. salem, sulphur, & Mercurium parare, sine ullâ additione, hoc verò in controversiâ esse, utrum partes, quæ adduntur, actuales sint, ut præfata mixta per se constituent, & tunc potius præfata subiecta adderentur quàm elicerentur, Chymicique fucum facerent, vel utrum non omnes partes addantur, quæ ad constitutionem & compositionem perfectam præfatorum subiectorum requiruntur, ita ut aliqua ex metallis desiderentur, ad completionem & perfectionem mixti, quæ prioribus additis se associant, absolutumque mixtum faciant, sine quo nec partes additæ, nec metallum per se, id tertium mixtum constituere possent, sed utriusque, & additi, & metalli conjunctio, requiratur, de hac itaque operatione quæstio est, utrum nempe ex metallo, quod per se nullum sulphur ha- N.
22. bet, & materia, quæ additur, quoque omnis actualis sulphuris liberâ, verum sulphur producatur, si jungantur, quod etiam de sale & Mercurio intelligendum, is ergò est status causæ, nam si Rolfincius neget Chymicos, salia, sulphura, & Mercurios ex metallis elicere posse, sine

ullius rei additione , tam id negat , quod omnes Chymici negant , cuius negatio proindè , non Chymicis , sed soli ipsi officit , qui Chymicis non entia affingit, si vero Rolfincius dicat, Chymicos, salia, sulphura, & Mercurios metallis addere, ergò talia rursus ab illis extrahere , nempe eadem addita, tunc cum de Deceptoribus & Idiotis agit, nam prudentes Chymici tantum sapiunt , ut noviter producta ab additis discernere queant, non enim sunt tam crassi, ut tam crasso modo tractentur, subtilius *D. Robertus Boyle in suo chymista sceptico*, cum Chymicis egit, non tamen Rolfincio totaliter concesserim, licet sal, sulphur, & Mercurius metallis, addantur, addita non incrementum sumere, non heterogeneum , sed homogeneous , & quidem ita , ut profectio Rolfincius cum totâ suâ experientia , tale incrementum amplius in pristinam formam reducere nequeat, ut suprà de Mercurio animato exemplum dedi, & sectione tertiâ capite tertio in variis historiis de sulphure. Denique si Rolfincius neget, nisi illa, quæ metallis adduntur, actu sint talia subjecta, quæ deindè emanant, tunc nullo modo produci posse, tum negat omnem mineralem decompositionem , quæ adeò evidens est, ut talpa cæciorem esse oporteat, qui eam non videat, nam metalla non modò accidentaliter, sed necessario & essentialiter, ut partes constituentes, ingrediuntur decomposita salium, sulphurum, & Mercuriorum , sed & Vitrioli, arsenici, pluriumque mixtorum decompositiones, nec diffitebitur, quicumque vel minimum in praxi expertus , ex spiritu aceti per se, sine additione, nullo modo sal dulce album, corporale

porale elici posse, sicut & nec ex plumbo, interim tamen cùm conveniunt, compositum prodit, salis dulcissimi formâ, quod proinde Saccharum Saturni vocamus, sal commune per omnia analogum, excepto sapore. Oleum sulphuris, deflagratione paratum, utique est omnis corporalis sulphuris expers, nec per se ullo modo, vel granum vivi sulphuris elicipotest, antimonium fufum, multoties igne tractatum, sulphuris viviexpers, per se nullum præbebit sulphur vivum, at cùm hæc duo conveniunt, magnam quantitatem veri, vivi, solidi sulphuris ardentis præbent, ut libro secundo capite speciali de antimonio, praxi demonstrabimus. Rursus sal commune nullo modo per se Mercurium vivum dabit, & plumbum commune, itidem per se non faciet, at cùm hæc duo, citra ulla alia ingredientia uniuntur, ac debito modo igne, ut libro secundo docebimus, capite de Mercurio, tractantur, tunc verus vivus Mercurius currens prodit. Quid ad hæc Rolfincius? analogiam ob-^{N.} tundet, nempe non esse verum sal, sulphur, &^{24.} Mercurium communem, quasi verò Chymici ita simplices sint, ut nesciant inter genus & speciem distinguere, vinum Rhenanum æquè vinum est ac Franconicum, sed multis qualitatibus differt, ita licet Mercurius plumbi, sulphur antimonii, sal Saturni, externè omnes qualitates habeant, currentis Mercurij, ardentis sulphuris, sapidi salis, meliora & diversa tamen sunt in suâ specie, quam verò analogiam Rolfincius ponit, in terris duntaxat mortuis consistit, ut in regulo antimonii pro Mercurio antimonii, in coloribus, calcibus, & aliis productis metallicis, quæ nescio quis

imperitus juxta suum captum, melioris experientiae defectu pro hoc vel altero, nempe quid pro quo statuit, hæc parùm ad nos, qui non patrociniū in nos recipimus quamvis absurdam opinionem defendendi, cū nihil aliud inferre velimus, quàm quòd Rolfincius temerariè toti Chymiae stigma inurere, solis verbis, & nullis demonstrationibus ausus fuerit, nempe salem, sulphur, & Mercurium ex metallis esse non ens, nisi analogicè, nisi per addita talia, timuit fortè, ne si veritatem & realitatem talium entium statueret, cogeretur auditoribus suis, & collegia sua Chymica (in quibus plus verborum quàm praxeos) frequentantibus, pro satis largâ exhibitâ pecuniâ demonstrare, nos gratis facimus, lucrum in veritate quærentes, nam sicut sectione tertiâ, capite quinto, ipsis quibusdam Chymicis reclamavimus, qui talia decomposita pro principiis statuunt, ita hoc loco istos convincere debemus, qui ejusmodi compositiones negant, quiq; statum quæstionis mutant, ut Chymiam dénigrent, cujus tamen se Professores scribunt, concludo ergò

N. 25. metalla mixtum salis, sulphuris & Mercurij, essentialiter ut partes ingredi, quoniam ex sale, sulphure, & Mercurio partes quædam, metalla essentialiter intrant, & varia decomposita constituunt, quæ sine eis esse aut fieri non possent, in primis Mercurius, de quo hoc capite specialiter agimus, & cujus gratiâ, in antecedentia delapsi sumus, cujusq; non entitatem Rolfincius in specie loco citato impugnat, audiamus autem ejus

N. 26. absurdam consequentiam, *Ambitiosi*, ait citato loco, *crepant artificium hoc, sed cum ad rem ventum, pisce magis apparent muti, preparandi arcanos suos modos*

*modos non addunt, veriti censuram, sin manus admoveatur propius, scopæ sunt dissolutæ, hætenus Rolfink, ubi rectè monet, Chymicos hanc nobilem enchyrisin, non indiscriminatim publicare, sed in hoc errat, quòd dicat, fieri ex metu censuræ, cujus? Rolfincii fortè vel alterius Mysochymici? Sanè non timemus illum vel alium, sufficiat Chymicos dicere verum esse, quòd ex metallis, Mercurius elici queat, praxin jam Rolfincius proprio Marte indagare deberet, & non expectare, donec per processum erudiatur, quem quilibet cinis elaborare potest, non itaque ad processus, sive veros, sive falsos attendere, sed ex fundamentis naturalibus differere debuisset, utrum & quomodo possibilis vel impossibilis sit mercurificatio, sed hic ipse Rolfincius *pisce magis mutus* apparet, & ne videatur nihil dicere, aliquos processus ex Libavio addit, tandem concludit, *Mercurii corporum non probant transmutationem metallorum, ergo sunt non entia*, quanta stultitia & absurda consequentia! debuisset potiùs ante conclusionem citatos processus examinasse, & demonstrasse, in quo veri & falsi sint, priusquam concluderet, sed hic nemo domi, nam nullum illorum processuum, unquam ipse in experientiâ probavit, quod si fecisset, citatum processum Beguini de Mercurio lunæ, non ita sicco pede præterisset, nisi studio cæcus esse vellet, sed in hoc apparet talium ignorantia & imperitia, qui ore omnia sciunt, & si in praxi vel unica manipulatio in aliquo processu desit, tunc illico hærent, & proprio Marte se recolligere nequeunt, nihil scientes, nihil videntes, quod non aliorum ore vel manu acquirunt, deindè*

- N. Mercurium antimonij impugnat, citatq; Angeli
 27. Salæ verba, quæ ita sonant: *Si omnibus modis vivi argenti vel tantillam guttulam ex antimonio elicueris, quam illi ipse non permiscueris, ostende mihi re ipsa opus tuum, experientiaq; confirma effectum conatus tui & tunc demum ostendam tibi fidem ac credibilitatem meam, sin secus, non possum accommodare aures meas talibus contemplationibus, quas ars ipsa demonstrat esse vanas & ridiculas*, hæcenus Angelus Sala, cujus verbis miram victoriam reportare existimat Rolincius, sed similes habent labra lactucas, Angelum Salam non minus quàm Rolincium, jam multi præclari Viri nullius praxeos arguerunt, & quæ temeraria stultitia, id concludere pro non ente, quia huic vel illi, praxis ejusdem non nota est, ergone musica esset falsa, quod multi eam ignorent? totum argumentum in hoc consistit, non credo Cæsarem esse cæsarem, nisi me simul in filium adoptet, Angelus Sala non credit Mercurium Antimonij, imò ipsum lapidem Philosophorum, nisi quis eum in praxi facere doceat, tales increduli Philosophi, potius stulti, multi invenirentur in mundo, qui studio non crederent, ut artem acquirerent, sed ejusmodi ineptos Legislatores parùm curamus, si autoritate pugnare velint, pro uno negante, decem affirmantes dabimus, & sanè his magis credendum est, qui dicunt, se in praxi fecisse, quàm qui negant tantùm ex solo cerebro, sine ullâ autoritate & praxi, quòd si rationibus pugnare libeat, agendum, in medium progrediamur, dicantq; illi nobis rationes Physicas, quare non existiment ex metallis Mercurios parari posse, pro nobis pugnat Veterum au-
 thoritas

thoritas, experientia, & ratio, nam clarum est, me- N.
talla emolliri posse, Sinenſes enim aurum ita molle 29.
reddunt, ut tanquam in ceram pretioſos lapides
imprimant, quo facto, aurum indurant ad priſtinum
ſtatum, argentum in talem levem fluxum reduci
poſteſt, ut inſtar ceræ ſupra ignem ſuât, idq; multis
modis Chymicis tutiſſimis, ut libro ſecundo, capi-
te ſpeciali de argenti anatomiâ docebimus, præpa-
ra Saturnum cornuum, id eſt, ſolve plumbum in
aquâ forti, & præcipita ſpiritu ſalis, calx præcipi-
tata vocatur Saturnus cornuus, quem miſce ana-
tico pondere ſalis communis, & rurfus anati-
co pondere, quantum totum ponderat, terræ ali-
cujus non fluentis, ut terræ paſſavienſis, optimè
mixtum deſtilla per gradus per retortam, & non
pauca pars Saturni tranſcendet in vas recipiens in-
ſtar foliorum metallicorum, ut in ſpeculis utimur,
prorſus fluidorum, ut ipsis ad plenam mercurifica-
tionem nihil præterquam brevis manipulatio deſit,
quàm indiscriminatim luci exponere nefas eſſet,
quâ evidentiâ ſi adverſarii nec dum contenti ſint,
elaborent tractatum Glauberi, quem de Mercuriis
conſcripſit, & veritatem invenient, licet in paucis-
ſimis guttulis, naturalis autem & bona conſequen-
tia eſt, ſi metalla poſſunt emolliri, ex parte ut flu-
ant, poſſunt etiam emolliri, ut liquidius flu-
ant, in toto, at prius eſt verum, ergò & poſterius,
ſed tranſeamus ab hâc adverſariorum turmâ, jam
proſtigatâ, & victâ, ad aliam, cujus Coryphæus eſt
Ludovicus quidam de Comitibus, ut ſe ipſum vocat,
Maceratenſem, Philoſophia & Medicina Doctorem, ope
viri peritiſſimi, ordinis trium Magorum Equitem, in
viridi cruce ſymbolica, maximè ergò, ſi titulum ſpe-
ctes,

ctes, authoritatis est, jam mortuus, in vivis, speculationibus deditus, utroq; lumine orbatus & cæcus, vix in praxi quicquam tentavit, ut ab his intelligo, qui accuratius eum noverunt, scripsit etiam metallurgiam, sed non magni momenti, nec ullius experimenti, *Disceptatio autem ejus præctica manualis, de duobus artis & naturæ miraculis plus ponderis habere videtur*, licet multa contineat contra ipsam praxin, præfato ergò opusculo quæstionem, & dubiū movet, utrum, licet metalla liquefiant, & in fluxum mercurialem ducantur, pro veris Mercuriis habenda sint, quod author negat, nos ejus verba apponemus pag. 80. edit. Francofurt. in 12. sequentia ponit. *Argento, inquit, in calcem per separationis aquam redacto, & cum triplo salis armeniaci optimè commisto, oleum tartari adjungo, quinquies vel pluries repetitis imbibitionibus, ad ignem levem exsiccationibus, argentum sublimatur, & redditur ita volatile ac fluidum, ut rudioribus non solum sed peritioribus etiam, argentum vivum verum existimatum fuerit, cum plurimas ipsius proprietates ex hac operatione obtinuisse reperiatur, tametsi valdè hic hallucinentur, argentum quidem vivum apparet, at minime nisi spurium ac sophisticum erit, facile siquidem in argentum, ut prius redit, si argento alteri ad ignem liquefacto, superinjiciatur, menstruum per quod in liquiditate tenebatur, alias non facile separabile sic evolat, & priorem amissam formam recuperat, quod argento vivo communi, nullâ prorsus ratione accidit, nunquam enim in argentum nisi adulterinum commutari possibile erit, absque lapidis argentifici administratione, hætenus citatus author, in cujus verbis quatuor examinanda & perpendenda occurrunt. Primo, utrum recensitus processus faciendi Mercurium, sive verum sive Sophisticum,*

sticum, juxta authoris descriptionem, verus sit. *Secundo* utrum præscripto modo Mercurius lunæ rursus in verum argentum & corpus reducatur, amissione menstrui, per quod in liquiditate tenebatur. *Tertio*, si Mercurius lunæ rursus in corpus reducatur, utrum proinde non verus, sed sophisticus Mercurius nominandus sit. *Quarto*, utrum argentum vivum commune, non nisi tincturæ ope in argentum, seu corpus solidum mutari queat. Quod primum punctum attinet, utrum nempe processus ex luna faciendi Mercurium, sive verum sive sophisticum, juxta authoris citatam descriptionem verus sit, paucis respondeo, processum in praxi, quomodocunq; instituat, falsum esse, & prorsus non succedere, magno enim studio & diligentia multoties eum tentavi, unde colligo, authorem ipsum nunquam ^{32.} tentasse, sed vel audivisse, vel ab aliquo ore tenus accepisse, vel si totum sciverit, quædam omisisse, atq; sic studio Lectori imposuisse, ego de hac re per amicum, Authorem Venetiis moneri curavi, sed mortuus est author, antequam de hac re certior fieret, ratio verò, cur hic processus juxta descriptionem non succedat, duplex est, prima, quòd calx lunæ per aquam fortem parata non sufficienter præparata sit, unde à sale armeniaco non resolvitur, & hinc utriusq; nulla connexio, deinde oleum tartari addit, quo spiritus salis armeniaci seu urinæ resolvitur, & liberatur, & quoniam subtilis est, ac author materiam lentè siccare jubet, faciliter evaporat, ac in calcem lunæ non agit, in quo tamen tota vis consistit, cum itaq; abacto Spiritu salis armeniaci, reliquum sublimatur, lunæ calx per oleum tartari (quod novum mixtum cum Sale

Sale armeniaco fecit) potiùs figitur, quàm volatilisatur, ità ut vel parùm vel nihil de lunà sublineatur, ex his ergò rationibus, & teste experienciâ, processus non succedit, optandum alias foret, ut tam levi negotio Mercurius lunæ præparari possit. Jam secundum punctum aggredior, utrum nempè, habito vel dato Mercurio lunæ, si is supra liquefactam lunam projiciatur, in corpus reducatur, amissione menstrui per quod in liquiditate tenebatur? Cum præscriptus processus falsus sit, credibile est authorem hujus descriptionis, ne granum Mercurij lunæ hoc modo unquam habuisse, & per consequentiam probam nunquam instituisse, sed pro more suo, tantum eundem in cerebro reduxisse, ego verò praxi fulcitus, authori concedam, Mercurium lunæ per se, prorsus communis Mercurii modo evaporare, argento liquido verò injectum nonnullâ, licet exiguâ ex parte, reduci, & alterius qualitatis argentum existere, potior verò pars evaporat, non ut *de Comitibus* putat, amissione menstrui, sed totius corporis, ex uncia enim Mercurij lunæ ritè volatilis & præparati, ne drachmam in reductione accipies, reliquum Mercuriali formâ evaporat, rursus, si capiatur, Mercurius, denuò ergò heic

N. 34. author impingit, quò dicat, argentum à menstruo suo, per quod in liquiditate tenebatur, alias non facile separabili, hoc modo liberari, optandum foret, vera scripsisset, tum levi negotio, & magno compendio optatam illam terram mercurificantem in virgineâ formâ haberemus, sine quâ in vanum omnis labor, sed quemadmodum luna non ità levi negotio, ut *de Comitibus* ponit, terram illam mercurificantem ex sale armeniaco & urinâ piscatur,

tur, ita semel arreptam non ita leviter amittit, quin potius arctissime eam retineat, secumq; in corpus ferè metallicum figat. Ex præfatis, tertij puncti elucidatio sequitur, nempe authorem malè facere, quod Mercurium lunæ ideò sophisticum vocet, quod pars ejus rursus in argentum reducatur, cum ego Sophisticum pronuntiarem, nisi hoc faceret, N. unde enim præberet indicium suæ originis? ergone semen tritici erit Sophisticum, quia terræ commissum rursus triticum producit? & vitriolum Veneris, quia rursus in Venerem reduci potest? hæc quoq; ratione ipsa tinctura Solis esse Sophistica, quod rursus aurificet characteremq; feminalem servet, ergone in Mercurio lunæ *de Comitibus* desiderabat, ut in Saturnum vel Jovem reducatur? vel ita crudus & volatilis sit, ut communis? quas proprietates si haberet, non Mercurius lunæ, sed Mercurius communis vocandus esset, ubi maneret illa fixabilitas, quæ tantopere à Philosophis in Solis & Lunæ Mercurio desideratur, & deprædicatur? facinus subindè non necessarias subtilitates, ubi obfunt, & malè veterum & naturæ placita interpretamur, quis enim unquam desideravit in Mercurio lunæ, ut crasin & fixabilitatem intrinsecam lunarem prorsus vel amitteret, vel non haberet? impossibilis namq; est talis petitio, & contradictionem in adjecto committit, dici nempe Mercurium lunæ, & tamen esse Mercurium Vulgi & communem. Morabatur in ustrinâ meâ sciolus quidam, qui multa de amissis & somniatis veterum scientiis & experi- N. 36. rientiis loqui sciebat, inter cætera deploravit amissam vitrorum malleabilitatem, & ductibilitatem, ego me ei statim monstraturum tale artificium spon-

pondi,

pondi, & arreptum vitri frustulum, in ignem con-
 ci, quod ubi optimè canderet, malleo quoq; calido
 diduxi, subrisit alter, & aiebat, veteres frigida vitra
 extendere potuisse, ad quæ ego, ergò ne tam sim-
 plex es, ne dicam fatuus, ut persuasum tibi habeas,
 Veteres cum ferrum, subiectum longè tractabilius,
 diducere, & extendere voluère, id igni commisère,
 & cum vitrum, subiectum omnium friabilissimum
 extendere volebant, id contra omnem rationem
 frigidum tractasse? sed ità naturâ comparati sumus,
 ut ad impossibilia semper adspiremus, eaq; æstime-
 mus, quæ impossibilitatem redolent, quæ interim
 vera & facilia sunt, ac recto naturæ tramite procedunt
 negligentes, sed properemus ad quartam &
 ultimam difficultatem, ubi author quasi machæ-
 râ, omnium objectiones, uno ictu, decidere vide-
 tur, cum ait, Mercurium communem nullo mo-
 do nisi per tincturam in argentum mutari posse, ex
 quo manifestè liquet, authorem Mercurium com-
 munem & Mercurium lunæ prorsus in unum ter-
 minum colligere & inferre, quia Mercurius com-
 munis, injectus liquido argento, in igne, non ex
 parte reducitur in argentum, ut Mercurius lunæ,
 ergò Mercurius lunæ non est Mercurius commu-
 nis, quod totum concedo, sed quia Mercurius lu-
 næ non est Mercurius communis, ergò est Sophi-
 sticus, hoc nego, nam nulla consequentia, id enim
 non Sophisticum adulterinum aut substitutivum
 est, quod essentialem crasin sui subiecti servat, sed
 Mercurius lunæ, servando potentialem fixitatem,
 hoc facit, ergò non est Sophisticus, sed naturalis,
 nam lippis & tonsoribus notum est, triticum & hor-
 deum, differentis speciei & naturæ esse, cum itaq;

de Comitibus admittat, posse fieri Mercurium ex lunâ, simul etiam admittere debet, posse præparari Mercurium ex plumbo vel ex auro, vel ex antimonio, & per consequentiam admittet, Mercurium Solis alterius naturæ esse quàm Mercurium lunæ, vel Saturni, vel Antimonij, imò quod unicum inferre volo, Mercurium Solis vel lunæ, differentis naturæ esse debere cum Mercurio communi, propter hanc verò differentiam, quæ ex specificâ cujusvis subjecti naturâ procedit, non sequi, Mercurium Solis vel lunæ esse Sophisticum, alioquin quoque sequeretur, canes Anglicos fore Sophisticos, quod majoris roboris sint, quàm Bolonienfes, cum tamen utriq; in genere canes sint, ut vero hanc N. timam difficultatem exactè superemus, paucis qui- 38. busdam, Mercurii communis naturam considerabimus, vocatur autem communis, quod sine arte, solâ naturâ in mineris generetur, interim tamen non sequitur, eum idè non decompositum esse, & ex metallo & terrâ fluidificante constare, ut superius diximus, cum enim ejusmodi terra mercurificans, fumi formâ, venas minerales permeat, non nihil de eis resolvit, emollit, & fluidificat, ita ut metalla in currentis Mercurii formâ in mineris inveniuntur, non secus ac realgar nativum cernitur, cum terra sulphurea arsenicalis, ex metallis decompositum tale facit, hoc autem in quæstione est, ex quo metallo Mercurius communis potissimum constet? si enim ex sex metallis constaret, deberet naturam Mercurii corporum servare, & sola N. digestionem in pristinum corpus redigi, quod non 39. contingit, ergò sequitur, Mercurium communem non ex præfatis metallis constare. Dices, ergò constabit

stabit ex imperfectis, ut Antimonio, bismutho, Zinkio, non nego posse ex his Mercurium constare, sed eandem reductionis difficultatem incurreret quam prior, & constat Mercurium vivum reperiri in mineris, ubi nullæ imperfectorum mineralium venæ, hanc ergo oppositionem ut diluam, negandum est subsumptum, nempe quod Mercurius corporum, solâ digestionem, in corpus pristinum reducatur, in Mercurio solis quidem & lunæ non negamus, nec & in Veneris, & Martis Mercurio, sed in Saturni & Jovis Mercurio prorsus negamus, cum ejusmodi corpora ita volatilia reddantur, ut nullo modo amplius in pristinum corpus redigantur, nisi addito Sole vel lunâ & hoc intelligendum tantum de Mercuriis corporum arte factis, ubi metalla in præparatione, non plus terræ fluidificantis attrahunt, quam ad fluiditatem eorum requiritur, in Mercurii communis Genesi autem, mercurificatio non fit per modum attractionis, sed per conjunctionem, ubi metalla non necesse habent terram fluidificantem ex aliis involucris & subjectis attrahere, sed natura jam præparatam, & liberam, in maximâ copiâ & pro libitu addit, ita ut metalla volatilissima reddantur, & modo communi, per se non fixabilia, licet potentiam fixabilem retineant, si jam ars eodem modo terram fluidificantem & mercurificantem, à parte, ac nudam haberet, ut eam metallis pro libitu addere, & conjungere posset, tunc Mercurium corporum, licet arte & ex fixissimis metallis factum produceret, communi quoq; per omnia similem, & communi modo non fixabilem, raro autem Mercurius communis reperitur ex uno tantum metallo prodiens, cum enim in mineris venæ

plerumq;

plerumq; diverſis metallis turgeant, neceſſum eſt, cum vivificantur, vivificatum ex diverſis metallis conſtare, unde etiam electrum vocatur, quod ex diverſis metallis confuſus ſit, non ſecus ac in igne diverſa metalla confundi ſolent, quæ paſta, poſteà electrum vocatur, ſed ſolidum, cui hoc mercuriale liquidum opponitur, & ſicut electro communi varix qualitates adſcribuntur, ita nemo dubitet, Mercurio miras & occultas qualitates ineſſe quas cum ſollo appenditur, prodit, præſertim in peſte, ſed quoniam hoc loco non de naturâ Mercurij ſcripturi ſumus, quam libro ſecundo, capite ſpeciali, ſub Mercurii anatomiâ explicabimus, digreſſionem ad materiam noſtram faciemus, & probabimus, Mercurium communem, ſi ſolaris vel lunaris ſit (eſt autem ferè omnis, licet unus magis altero) eodem modo figi, quo *de Comitibus* Mercurium lunæ figit, nempe injiciendo lunæ liquidæ quem proinde præſatus author Sophiſticum vocat, unde ſequeretur, Mercurium communem quoque Sophiſticum fore, quod eodem modo figatur, nam ſi ſub tegulâ fornicatâ, argento incineritio liquido, & ad extremum floſculos facienti jamjam coruſcaturo, pars Mercurii vivi injiciatur, argentumque poſteà probetur, dabit perſpicuam auri probam, idque quotieſcunque hoc feceris, eſt & alia via hoc demonſtrandi, ſed plebi non communicanda, unde manifeſtè liquet, tantum hoc modo ex Mercurio communi figi, quantum Mercurii ſolaris in ſe continet, neque enim ulla ratio aſſignari poteſt, quo modo Mercurius in hac celeri operatione, præſatum aurum ex corpore lunæ, & non ex proprio ſeparet, quin

imò Mercurius captus, & aliquoties sic tractatus, idipsum non amplius præstat, utpote Mercurio solari, per abstractionem, privato, mirum itaq; nomen, nec difficile decernere varios casus, qui Chymicis subindè in Mercuriorum fixatione eveniunt, nempè pro diversitate Mercurii communis, qui, si multum solaris sit, multum solis præbebit, & sic de cæteris, possibile ergò est, partem Mercurii communis, prorsus sine tincturâ, eo modo figi & reduci posse, ut Mercuriis lunæ, ergò neq; hunc neq; illum Sophisticum esse, reliquam verò partem, Mercurii communis, seu Mercurium imperfectorum corporum, non in argentum mutari posse, ne ipsa quidem imperfecta metalla, undè tales Mercurii orti, sine tincturâ, non nego facillimam hanc viam esse ea convertendi, sed non unicam, possunt enim, ut sub finem hujus capitis demonstrabo, metalla realiter, prorsus sine ullâ tincturâ transmutari, ergò etiam eorum Mercurii, qui tantum sunt decomposita metallica, & sanè quod communis Mercurii, qualiscunq; etiam is sit, fixationem attinet, quæ sine tincturâ contingit, videtur

N. præfatus author sibi ipsi contradicere citatò libello pag. 75. ubi ait, mediante liquore Alkaest Mercurium figi, apponemus authoris verba: *Quin imò metallorum nonnulla, uti Mercurius, ita post solventis prædicti ab ipso extractionem (legendum fortè abstractionem) sic à naturali statu elongatur, ut proprietates à prioribus longè dissimiles nanciscatur, figitur enim ita, ut in plumbi examine non exterminetur*, hætenùs citatus author, ubi notandum, plumbi examen tenere, soli auro & argento competere, ergò Mercurius communis hanc præcipuam auri vel

vel argenti fixitatem, & qualitatem acquirit, mediante liquore Alka est, at hunc, neq; Mercurium Philosophorum, & multominus tincturam esse, ipse author ad longum citato libello contendit, possibile ergo erit, Mercurium communem in argenteam qualitatem & fixitatem deducere sine tincturâ, quod author hic probat, ibi negat, ergo sibi contradicit, notandum autem est, authorem ponere vocabulum *extractionem*, pro quo fortè legendum erit, *abstractionem*, sed sinamus *extractionem*, unde sequitur Alka est ex Mercurio communi præparari per separationem partium, scilicet fluidificantium, sed mercurificantium, ut sectione tertiâ, capite quarto demonstravimus, ex hac autem operatione duo argumenta insurgunt contra authorem, primum, si terra mercurificans à mixto Mercurii separetur, quod remanebit, metallum erit, unde mixtum constitit, hoc, demptâ volatilitatis & fluiditatis causâ, nempe extracta ab eo terrâ mercurificante, capellam sustinere author asserit., ergo tale metallum naturâ suâ pristinâ fixum, & per consequentiam solem vel lunam fuisse necessum est, communis ergo Mercurius, solis vel lunæ Mercurius erit, qui, cum suâ sententia sit verus Mercurius, ergo non erit Sophisticus, licet rursus in corpus reducatur, deinde quod author asserat, liquorem Alka est constare ex terrâ mercurificante, & tamen non Mercurium Philosophorum esse, ut fortiter contendit, videtur vel in terminis ludere, vel in materiis errare, & in scyllam labi, de quâ sub initium cujus capitis lectorem monuimus, nempe sumendo terram arsenicalem pro Mercurio Philosophorum,

- & Mercurialem pro liquore Alkaest, atq; ita quid pro quo, seu ut ipse in cruce notat, hysteron proteron, ex arsenicali enim terra Alkaest constat, ex Mercuriali Mercurius Philosophorum, utraq; in Mercurio reperitur, utraq; ad fluiditatem facit, sed diverso fine & respectu, utraque ergo summâ cautelâ & prudentiâ tractanda & discernenda, verum ne in vastissimum mare observationum excurramus, vela nobis contrahenda erunt, & portus petendus, duæ enim adhuc scaphæ supersunt, quoq; in fluidum aqueum & igneum mare mittendæ, conclusimus itaq; & statuimus, fluxum mercurialem ex metallis prodire, cum terrâ mercurificante resolvuntur, emolliuntur, & liquefiunt, quæ terra ipsis affinis & principium est, quod mixtum eorum, debita tamen pro portione ingreditur, non immerito ergo humidum radicale metallorum vocatur, nam sicut aqua communis, humidum radicale vegetabilium est, eorumq; seminibus se unit, resolvit, rursusq; cum iis in augmento recoagulatur, ita hæc aqua mineralis sicca, non madefaciens manus, metalla resolvit, rursusq; cum illis figitur, quæ resolutio & fixatio, prima communissima metallorum affectio est, nulli rei conveniens, nisi metallis & eorum humido, teste enim Comite Bernhardo, *nulla res seu aqua, metallis in solutione convenit, quæ in coagulatione in materia & forma non permanet*, unde verò hæc terra mercurificans originem trahat, sectione secundâ sufficienter demonstravimus, est enim subtilissimum ens salium,
- N. non arsenicale sed mercuriale non in sale modo
 47. communi sed & in marino, nitro, aceto, urinâ, in ipso deniq; aëre reperitur, unde non difficile erit
 — expli-

explicare, quod Veteres de materia Philosophicâ dixerunt, *omnes homines inde vivere, divites æque ac pauperes hanc materiam habere, Adamum eam ex paradiso portasse, scilicet urinam, & multa alia parabolica, facili negotio inde explicari possunt, ne verò quis miretur, me asserere in ipso aëre terram mercurificantem latere, aliqua testimonia & exempla pro coronide apponam, legantur quæ Glauberus pharmacopæjæ spagyricæ parte 4. pagin. 44. & de Saturni Mercurio in specie pagin. 47. 48. de Mercurio solis scribit, ubi auri mercurificationem, expressè aëri tribuit, seu terræ, quam ventus in utero portavit. In Vitriolo communi aëri exposito, post aliquod tempus currentem vivum Mercurium se invenisse D. Rapp mihi retulit. Et audio etiamnum Erffurdi artificem esse, qui capite mortuo aëri exposito, & spiritu inde destillato, ex Antimonio verum Mercurium elicit. In turri quâdam horologium construxeram, cui varia antisacromata plumbea appendi, continuo aëri exposita, cœpit plumbum lanuginem contrahere albissimam, quam derasam, levi negotio incurrentem Mercurium converti, latet ergo talis terra, non modo in mari, variisq; salibus, sed & in ipso aëre, undè omnes Mercurii corporum, cum evaporant, rubram maculam in argento relinquunt, immortalem nempe nitri animam attestantes, possemus hoc loco maximum arcanum aperire, imò in præcedentibus capitibus jam totum, modum, & omnia diximus, ut nihil superfit, nisi indicare ubi dixerimus, sed malis non proderit, & boni mihi vitio vertent, quod panem suibus projiciam, qui absq; hoc ita, clarè scripsi,*

N.
48.N.
49.

ut neminem mortalium id fecisse existimem. Atq;
ita velo secundo, fluidum Mercurii mare terreum
tranavimus, pro bono vento. Neptuni tridenti gra-
tias agentes, illudq; Orphei canentes:

- N. *At quemcunq; Virum ducit prudentia cordis,*
 50. *Mercurii ingredier speluncam, plurima ubi ille*
Deposuit bona, sicut quorum pregrandis aceruus
Ambabus valet hic manibus sibi sumere, & ista
Ferre domum, valet hic vitare incommoda cuncta.
- N. Tridentem diximus Neptunum in manu tenere,
 51. quo aptissimè tres fluiditates vel liquiditates rerum,
 Veteres indigitasse probabile est, superato ergo u-
 no dente, nempe fluiditate mercuriali, alterum
 dentem considerabimus, liquiditatem scilicet a-
 queam, ita à mari terreo in aqueum solvemus, est
 52. autem liquiditas humida duplex, oleosa & aquea,
 licet si accuratè consideres, liquiditas oleosa nihil al-
 liud sit nisi aqua, pinguibus terreis atomis referta,
 quod praxis docet, si enim oleum abstrahas, medi-
 am aquæ partem invenies, & vernicem, quæ si
 comburatur in retorta, magnam partem in spiri-
 tum resolvetur, ita ut paucissimi carbonēs rema-
 neant, reliquum omne in aquam elementalem re-
 53. duci potest, prorsus liquidam & humidam, ipsa ve-
 rò aqua communis, solidum corpus, seu terra est
 aëre in minimis atomis intermixto, unde fluidat &
 liquefit, quod experientia docet, aëre enim, qui
 aquæ inest, abstractio, aut per frigus constrictio,
 illico partes aqueæ coeunt, & solidum corpus fi-
 unt, nempe glacies, unde sequitur, aquam com-
 positam esse ex terrâ diaphanâ & aëre, oleum verò
 N. ex aëre, aquâ & terrâ constat, ac proinde decom-
 54. positum est, ipse verò aër ex subtilissimis particu-
 lis

listerreis constat, & mediante cœlo fit fluidus, ut
 sectione primâ demonstravimus, aër enim reverà
 fluit, ut in destillationibus & vaporibus sæpè vide-
 mus, imprimis in operatione, ubi in aqua forti ar-
 gentum solvitur, postmodum sal armeniacum solu-
 tum additur, tandem sal tartari, illicò visibilis fu-
 mus, & reverà fluidus oriri solet, continuitatem &
 ut ità dicam, homogeneitatem servans, ex quo
 sequitur, fluiditatem aqueam, nihil aliud esse,
 quam interpositionem atomorum aërearum, cujus
 definitionis veritas ex enchyrisi patet, nitrum e-
 nim, (taceo alia salina subjecta) in retortâ, oc-
 cluso igne tractatum, & destillatum, totum resol-
 vitur in aquam, ità ut libra nitri libram spiritus ex-
 hibeat, si ritè processeris, & certè nemo nitrum
 glaciem, seu aquam per modum glaciei coagula-
 tam vocabit, quin credat, liquiditatem aliundè
 provenire, nempe à calido aëre, qui intermisce-
 tur, & Mercurius communis solius ignis ope, in
 incluso vase totaliter per magnum quidem calorem
 qui in præparatione adhibetur, nullâ re aliâ addi-
 tâ, convertitur in aquam limpidam & humidam,
 madefacientem manus, non quod statuam liquidi-
 tatem humidam ab aëre externo calido procedere,
 sed quod concludam, esse quædam subjecta, quo-
 rum atomi aërem introcipiunt, atq; hoc modo
 redduntur fluida, aquæ limpidæ instar, non se-
 cus, ut antea dictum, metalla terram mercurifican-
 tem introcipiunt, & in fluxum mercurialem redu-
 cuntur, aëris enim proportionem ad solventia &
 solvenda, multum facere, experimenta pneumati-
 ca D. Boyle testantur, quomodo verò, quâ propor-
 tione, & quæ subjecta aër ingrediatur, ut liquefa-
 ciat,

N.
55.N.
56.

ciat, humididaq; reddat, vix pro instituti nostri compendio, hoc loco ita pandere possumus, ut Lectori in omnibus satisfaciamus, est namq; prolixa & obscura scientia & quod sciam, vix ab ullo pertractata, aut vel minimum attacta, posse aërem vel calore, vel frigore ita mutari, ut statum naturalem suum non amplius servet, ut in thermoscopiis, conflationibusq; vitrorum observavimus, certum est, quâ ratione verò, ab aquâ crystalli, aliorumq; subjectorum ita exulet, ut etiam maxima ignis vi vix induci queat, econtrâ ita prone in salia agat, ut levi negotio in aquam ea dissolvat.

N. & mutet, explicare durum est, nec ratio vel ca-
 57. lori vel frigori solum adscribi potest, cum falsum sit ex glacie crystallos generari, quandoquidem etiam in locis generentur, ubi nec magna nec continua glacies observatur, ingentissimo interim calore, crystallos & lapides non in aquam humidam resolvi certum est, subjectorum ergo qualitati & compagi, aëris vicissitudo adscribenda est, unde in quibusdam dominatur, in quibusdam exulat quasi, ut in adamante, crystallo, aliisque lapidibus, qui non modo hunc secundum aqueum fluxum, sed & tertium respuunt, videmus, Helmontius quidem scribit pagin. 409. *Novi saxum & lapides omnes in merum salem suo saxo aut lapidi aque ponderantem reducere*, sed id non est solo aëre in aquam resolvere, nec continget sine additione plurium rerum, Sendivogius ait, *posse aliquid levi negotio pretiosos reales lapides praparare, qui aërem ita constituere queat, ut rarefactionem non admittat*, quod dictu facile, factu impossibile est, credendum ergo lapides oriri ex aquâ quidem, sed valde compa-

58.

compactâ, quæ proindè aërem expellit cùm coagulatur, neq; eundem ità facilè in tanta copia recipit, & licet introceptus rarefiat, graves tamen & materiales compactas atomos subiecti, non ità diffindere potest, ut prorsus penetrare, & limpidas reddere queat, id est humidas, nam de humido fluxu jam loquimur, aër enim, assumptis in auxilium corpusculis igneis, omnia domat tertio fluxu, nempe igneo, de quo postea, hoc loco concludimus, metalla ob eandem causam cum lapidibus, nempe ob gravitatem & compagem, solo aëre non posse N. in aquam limpida reduci, nempe humidam, licet 59. imperfecta mineralia in fumum agat, quem flores vocant, in quibus atomi metallicæ cohærere nequeunt, tùm ob gravitatem tùm ob siccitatem tam metalli quàm aëris, hinc non fluunt, sed disununtur, terra verò mercurialis in antecedenti fluxu mercurii vivi, nonnihil humidior & gravior fuit, undè adhæsit, & atomos metallicas fluidas reddidit, in quas postmodum aër agere potest, ut in aquam limpida mutantur, prout sub experimento diximus, solo igne convertendi Mercurium communem in aquam limpida, cujus etiam *D. Robert Boyle in Chymista sceptico* meminit, raturum ergò esto, N. 60. metalla solo aëre non posse liquida humida reddi, per aquam verò contingere id facilè poterit, præsertim talem, ubi terreæ atomi, aqueis intermiscuntur, ut ità aëri facilior ingressus in solvendum detur, certum namq; est, posse corpuscula in aëre latitare, etiam in aquâ, in uno tamen subiecto magis quàm in altero, pro raritatis nempe proportionis, quod manifestè in aquâ forti videmus, ubi libra aquæ fortis, ferè totam libram argenti solvit, po-

rosam ergò aquam fortem ante solutionem existere necesse est, densiorem postea, sicut itaq; in mercurificatione, mediante terrâ fluidificante, aëri ingressus in corpus metalli dabatur, quod totaliter in liquiditatem Mercurii deductum est, ita in hoc secundo fluxu aqueo humido, aëri ingressus, mediante aquâ (seu terrâ, quæ aquam constituit) in metallum fit, quod proindè solvitur, & liquiditatem

N. terræ diaphanæ aqueificantis introcipit, sicut antea
 61. liquiditatem terræ mercurificantis induerat, & sanè, sicut in præcedentibus diximus, metallum terræ mercurificanti probè unitum, & fluidum factum, id est in Mercurii liquiditatem deductum, ægerrimè rursus à tali terrâ separari posse, ita cum metallum in menstruo, seu solvente aqueo, sufficienter solvitur, & attenuatur, difficillimè rursus ab eo separatur, ita ut in liquidâ forma altissimos etiam alembicos transcendat, tenuissimo calore, ut non, nisi rectificatissimi spiritûs vini ope, rursus præcipitari queat, implente spiritu vini poros solventis, & decidentibus atomis metalli, spongiæ levissimæ instar, ut in processu *Polemanni, de sulphure Philosophorum*, in solutione Veneris, facta per spiritum salis, videmus, eo usque etiam mortalium industria pervenit, ut aurum, omnium metallorum

N. gravissimum, subtilissimo, & volatissimo spiritui
 62. vini annectere possit, ut & simul evaporent, destillent, deflagrent, nulloq; modo amplius præcipitari queant, cum spiritu vini nihil subtilius reperiatur, hinc nihil sit, quod eum præcipitare queat, hoc ergo aurum potabile vocant, non ex naturâ suâ, sed per accidens, virium tamen non contemnendarum, nam cum neq; per acida, neq; per urinosa

nosa præcipitari queat, dubium nullum est, quin
 in corpore humano, cum spiritu suo vini sub-
 tilissimo, ad cor & sanguinem elevetur. Sed re-
 deamus ad scopum, ubi solutionem metallorum
 corrosivam ut decompositum considerabimus,
 non secus ac oleum commune esse diximus, aqua
 fortis namq; consistit ex aëre & aquâ, & parti-^{63.}
 bus terreis, quibus metallum jungitur, neq; mo-^{N.}
 do sermo de aquâ forti est, sed de quocunq; sol-
 vente urinoso, acido, salino, oleoso, ubi quæstio
 exoritur, quandoquidem probaverimus metalla,
 mediantibus ejusmodi solventibus, in fluxum
 aqueum madefacientem, vario modo reduci pos-
 se, utrum etiam olei larvâ induant? ad quod^{N.}
 affirmando respondeo, cum varia dentur olea,^{64.}
 quæ metalla solvant, arctissimeque sibi misce-
 ant, subiecta etiam prorsus salina & aquea sint
 (ut in oleo vitrioli, spiritu aceti, aliisq; sub-
 jectis videmus) quæ metalla, inprimis Mar-
 tem, Saturnum, auripigmentum, aliaq; , sive
 perfecta, sive imperfecta mineralia solvunt, ac
 tandem in abstractione sub olei larvâ cernuntur,
 aquæ tamen non supernatantis, excepto auripi-
 gmenti oleo, quod communi ferè per omnia simi-
 le, talia tamen olea metallica, non à metallis aut
 eorum naturâ, sed ab admixtis veniunt, quæ sul-
 phurea sunt (multum de terrâ secundâ participant,
 cujus sectione tertiâ, capite tertio mentionem fe-
 cimus) licet sub salinâ formâ larventur, nobisq;
 imponant, metalla tamen ad verum statum oleita-
 tis deducta, non contemnenda sunt, præsertim si
 prius ad statum Mercurii devenerint, atq; ita de^{N.}
 primo fluxu in secundum hunc transierint, & in^{65.}
 duplici

duplici principio aucta fuerint & animata, sed hæc, quæ dico, vix pervenient, ut Philosophus ait, *ad homines duræ cervicis*, vix inquam intelligentur, cum multi præclarissimi artifices, non minùs in hac oleificatione quàm in præcedenti mercurificatione errârint, inter quos præcitatus *Polemannus, de sulphure*

- N. 66. *Philosophorum conscripto tractatu*, censendus est, qui in præparatione elementi ignis Veneris, seu sulphure Venereo, cuprum in singulari spiritu salis armeniaci solvit, volatilifat, spiritu vini præcipitat, atq; pulverem sic paratum, crocum vocat, per subtile alcali extrahendum, nimpè pro extractione substantiæ sulphureæ Veneris, ubi duo notanda sunt, in quibus author se ipsum & Lectorem in errores agit, primò quòd tota præparatio præliminaris Veneris, potius in ordine ad mercurificationem, quàm ad sulphurificationem directâ sit, levi enim negotio, ex tali croco Veneris, verus ejusdem currens Mercurius produci potest. *Secundò* quod extractionem ex tali croco proponat, mediante subtili quodam alcali, ubi sciendum est, nullâ
- N. 67. arte vel Marte, ut sæpius probavimus & diximus, ex metallis, solutionem partium essentialium vel minimam fieri posse, ob homogeneam eorum & fortissimam mixtionem, quicquid enim sive in colore, sive quocunq; modo, & sub quâcunq; larvâ extrahitur, rursus in integrum pristinum corpus homogeneum produci potest, metalla ergò (quorum principia dissolvi nequeunt) principia sibi homogenea in mixtum & constitutionem suam recipere possunt, juxta quorum qualitatem & quantitatem, in essentiali suâ crasi alterantur, ita ut reverâ mutata esse dici possint, nam cum metalla terram
- mer-

mercurificantem in se recipiunt, Mercurius fiunt, nempè novum compositum, & cùm terram alcali seu vitrum in se recipiunt, rursus aliud compositum fiunt, quòd ab addito, tanquam à potiori nomen sortitur, non quod extractio quædam metalli fiat aut separatio partium, totum enim metallum ex vitro, sulphure, & Mercurio, reduci potest in pristinam formam, & totum metallum in Mercurium, sulphur, & sal, seu vitrum converti potest, pro-ut ergò illi impingunt qui credunt, tantum partem aliquam metalli, mercurialem esse, & à reliquo extrahi debere, ut defendant trinitatem decomposi-
 torum principiorum Paracelsicorum, ita & illi er-
 rant, qui statuunt, ex metallis quid extrahi posse, quod sulphureum sit, quod tamen prorsus non est, nec variat, nisi pro additione sulventis, si enim id mercuriale sit, solutum mercuriale fiet, si sulphureum, quoq; solutum sulphureum existet, si salinum, tale & solutum evadet, cùm itaq; *Polemannus* dicat, extrahendum sulphur Veneris esse, idem est ac si dicat addendum esse solvendo croco Veneris, solvens sulphureum, seu tale, in quo sit primum ens sulphuris, ut solutum in sulphureâ formâ appareat, non secus ac antecedens in Mercuriali apparuit, nihil ergò remanebit de solvendo, si sol-
 ventis sufficiens sit quantitas, quia totum converteretur in substantiam sulphuream, eâdem ratione, qua totum metallum fit Mercurius, si sufficiens terra mercurificans adsit, mirari ergò satis nequeo *Ludovicum de Comitibus*, qui in opusculis suis ait, disceptatione manuali practicâ, pag. 75. 76. *Venus in vi-*
triolum versa in duas dividitur substantias, quarum al-
tera oleosa sive sulphurea, qua Veneris tinctura est, altera
Veneris

N.
69.N.
70.N.
71.

*Veneris corpus in albedinem verſum, quod nunquam vi-
reſcet amplius, idem repetit in metallurgiâ pag. 188.
ſequentibus. Pars cupri colorativa ſuperſicialis, non in
profundo contenta judicatur, ex occulto liquore admira-
bili, qui ex cupri vitriolo totam diſcerpit viriditatem,
cujus reſiduum, in album metallum commutatur, nun-
quam impoſterum revireſcens, quod nullum ex ſeptem
erit ſed novum, ex aris corruptione reſurgens. Quibus
manifeſtè author teſtatur, ſe ſtatuerè ſolutionem
& ſeparationem partium, quam nos impoſſibilem
pronuntiamus, extracta enim viriditas quam putat,
ſeu oleum Veneris, ut in præcedenti allegatione
vocat, levi negotio rurfus in cuprum reduci pot-
N. eſt, & metallum reſiduum quod album vocat albe-
72. dinem ſuam ex naturâ ſolventis accepit, quæ cum
non ita volatilis ſit, ac arſenicum, non tranſpirat,
ſed cupro adhæret, impeditq; ne viſceſcat, quam
ferè qualitatem, mortua terra tartari, auro colli-
quefacta eidem imprimit. Et ſanè, ſunt multa etiam
volatiliffima ſolventia, quæ calces albas præcipi-
tant, cum ſolvunt, ſimiles deindè, calces metallis
miſcentur undè albefeunt, ſed per capellam abigun-
tur, undè priſtinus color redit, hinc infinitæ dece-
ptiones, & ſophiſticationes in ſolutionibus auri,
ubi ſolventia colorem acquirunt, fæces albas præ-
cipitant, ut aurum in reductione ſit album, atq; ita
ſulphure ſuo extractum & privatum cenſeatur, ve-
rùm cum in igne tractatur, color, evaporatione
tingentis calcis, redit, cemenſetur talis Venus alba
cum ſulphure communi, rurfusq; reducatur, &
priſtinus redibit color, certiffimum namq; axioma
N. eſt, metalla in diverſa principia ſua, poſt mixtio-
73. nem primam in mineris, tali impoſſibilitate poſſe
reduci,*

reduci, quali impossibile est, ut homo post generationem in sperma, arbor post vegetationem in nucleum aut semen reduci possit, quicquid itaq; N. metallis naturaliter contingere potest, in hoc uni- 74. co consistit, quod principia homogenea, ipsis essentialiter superaddi queant, non secus ac humiditas grano tritici additur, unde emollitur, & putrescit, ita tria metallis addi possunt, quæ ea in fundamento alterant, de mercurificatione in antecedentibus diximus, de sulphurificatione seu oleificatione hoc loco agemus, sicut enim prior operatio contingit per terram mercurificantem, ita N. hæc secunda contingit per primum ens sulphu- 75. ris, quod metallis adeò affine est, ut nihil propius, quod & in sulphure communi videmus, tale ergo sulphureum ens addendum est metallis, & tunc proprio principio imbibentur, atque confortantur, ita ut in priori formâ non amplius appa- N. 76. rere queant, etiam irreducibilia sint, ut in auro videmus, quod mediante hoc ente sulphureo in oleum redactum, nullâ vi, nisi per speciem tincturæ, rursus in corpus reduci potest, & hanc operationem tam fortiter inculcat, *Basilius Valentin*, ut expressis verbis testetur, idq; multoties, *aurum non posse tingere, nisi ipsum tingatur, & proprio sanguine pascatur*, quod de primo ente, seu terrâ sulphuris omnimodè intelligendum est, ea enim principium metallorum existit, de quo sectione tertiâ, capite tertio sufficienter, cum itaq; metalla in hoc principio excedunt, non amplius communia N. metalla sunt, sed tingentia & animata. Sed quisquis 77. fit, sive impostor, ut quidam volunt, sive Philosophus, *de monte Snyders*, si theoriâ tamen, & pra-

xin ejus sp̄ctes, in libello de auro potabili, n̄a ille
 mihi plusquā *Polemann*, de Comitibus, *Glauber*,
 omnesq; alii satisfaciunt, potest tamen esse, ut
 Caiphas sit, divinans & scribens vera quæ ipse non
 intelligit, quæ scripsit bona sunt, speramus scriben-
 tem etiam talem esse, & scriptorum vitam tam pa-
 rùm moramur, quā concionatorum, modo quæ
 scribunt, quæ concionantur, bona sint, nunc ratem
 nostram promovebimus, & considerabimus, utrum
 N. juxta mentem *Polemanni*, tale subtile ens sulphu-
 78. reum in Alkali subtilitato sit, ut author vocat?
 Quid per alcali volatile intelligat, obscurum est,
 si discursum ejus consideremus, mordicū defendit,
 alcali fixum, ex sulphure fixo constare, quod
 ad oculum refutavimus, præcedenti sectione de
 fermentatione, paragrapho de sale tartari, terra
 namq; lapidea & vitrescibilis fundamentum unicum
 in omni alcali est, & hæc terra non ens sulphuris,
 tanquam secundum, sed primum principium me-
 tallorum est, de quo sectione tertiā, capite tertio,
 ast dices, *Polemann* volatilifatum alcali desiderat,
 ad quod respondeo, volatilifationem non immu-
 tare substantiam rei, ut quæ salina sunt, sulphurea
 evadant, sed tantum elevat, & rarefacit, ut citius
 solvant, deinde quod pro tanto secreto ponat vo-
 latilifationem alcali, id ridiculum potius est quā
 N. arcanum, cum ut libro secundo, capite de Salis al-
 79. cali anatomia, quivis spiritus corrosivus alcali vo-
 latile sit, cujus rei veritas ex hoc patet, si subli-
 matum communem in aqua communi solvas, &
 oleo tartari præcipites, habebis in momento rubi-
 cundum præcipitatum, quem sicca, & sub patellā
 figulinā candefac, ut omnis Mercurius abeat, re-
 manebit

manebit calx insolubilis, siccissima, albissima, fixissima, nunc solve Mercurium communem in aquâ forti, & abstrahendo præcipita, eodemq; modo candefac, & eandem calcem accipies, quam sanè Mercurio non tribuere poteris, ob causas cuivis obvias, solventi ergò tribuenda erit, at, nonne mirum in tam volatili aquâ, tam fixam calcem latere? mirum ergò non erit, si substantia salis tartari, quæ talis calx est, elevari & volatilifari queat, quare ejusdem volatilifatio non adeò arcana, nec magni momenti aut effectûs est, licet de Comitibus longum N. 80. discursum in *disceptatione manuale*, de volatilifatione tartari instituat, quam tamen ipse nunquam in praxi tentavit, cùm prout ille instituat, non succedere possit, ex cursu naturæ, cùm id præcipitare & separare jubeat, nempè terram salis tartari, quæ tamen subiectum illud est, de quo volatilifando laboratur, verba authoris pag. 71. libro citato, hæc sunt; *salinosum ergò corpus per aquæ additionem, in volatilem formam redigi minimè poterit, altera itaq; ratione incedere oportebit, ut videlicet ab ipso, terræ nonnihil dematur, ut residuum humidius seu aquosius reddatur, mercurialis proprietatis naturam adipiscatur, quod quidem arti permittitur, ipsa enim naturæ subiecta saltim plurima, destruere non construere potest, hæc igitur transmutatio, destructio quædam est, ab arte patrata, per ignis violentiam, ut instrumentum, idemq; datâ opportunitate alterius apti corporis, seminalis spiritûs interior, qui ex corpore salinoso in mercuriale mistum violenter deductus est, facile amissam corporeitatem reassumit ex alieno, quam ex proprio prius perdiderat, quare simplicia plurima solvendo ipse recoagulatur, hætenus authoris verba, ubi vera esse, quæ notavi, lector animadvertet,*

vertet, abstractione nempe terræ, id demi, quod volatilifari deberet, unde ipse Polemannus hunc
 N. modum rejicit, aitq; esse spiritum debilitatum ob pas-
 82. sam reactionem, cur vero de Comitibus defendat salino-
 so corpore nihil aquei posse addi, econtra multum terræ auferri, ratio est, quam subnectit, imò
 quàm pag. 70. ad longum præmittit, his verbis, non
 N. enim arti conceditur, ut per ignem possit aliquid ad pri-
 83. mordialia constitutiva superaddi, ut cum illis unumquid
 permanenter efficiatur, alioquin & de novo possent mis-
 stiones & species ab arte per ignem produci, quod tamen
 experimento cognoscitur, & ratione, impossibile esse, ha-
 ctenus author, undè cum igni neget tales mistio-
 nes, facilius etiam aquæ negabit, utpote elemento
 debiliori, sed utrumq; teste experimentiâ commu-
 ni, falsissimum est, igne enim vitrum, omnium mix-
 torum fortissimum, & irresolubilissimum produ-
 ci & lippis & tonsoribus notum est, posse verò
 aquam primordialiter constitutivis addi, ut nun-
 nunquam rursus à mixto exterminari possit, inter
 alia sequens experimentum docet. Infunde in spi-
 ritum salis oleum tartari, donec non amplius sibi-
 let, præcipitabuntur terreæ quædam fæces (imò
 calx, de quâ hætenus egimus) instar terræ albæ,
 quam separa, reliquum inspissa ad crystallisationē,
 invenes crystallos angulares, elegantes, oblongos,
 instar veri nitri, quos à reliquo separa & sicca, hos
 crystallos, ex spiritu salis, & oleo tartari ortos, nul-
 lo igne, nullo præcipitante, nullâ deniq; vi aut po-
 tentiâ in mixto exterminare poteris, cum in igne
 ita fixi sint, ut nullo modo dissolvantur, aut in par-
 tes abeant, omnimodè ergò possibile est, posse pri-
 mordialibus constitutivis corporum, quædam addi,
 quæ

quæ mixtum illorum ingrediuntur, alioquin nulla mercurificatio, nulla sulphurificatio aut oleificatio metallorum daretur. Cæterum quod licet habito alcali volatili, effectus non subsequatur, quem Polemannus desiderat, imò ipsi authori, ut audio, in Angliâ, licet habitis omnibus requisitis & factis ei optimis promissis, non successit, ratio in promptu est, cum in alcali, sive fixo sive volatili, prima tantum terra (de quâ Sectione tertiâ capite tertio) reperiatur, non secunda, nempe sulphuris terra, quâ habitâ, & metallis conjunctâ, necessario pingua & oleosa fiunt, ac liquida, tandemq; in fixum fluidum tingens arsenicum abeunt, sive præcipitatum fluidum fixum, ingredientem. Rectè ergo Polemannus Venerem præparavit in ordine ad mercurificationem, debet enim fieri Mercurius, antequam oleo sulphuris Philosophici imbibatur, oleificetur, & figatur, unde Mercurius duplicatus vocatur, quia ex terrâ mercurificante & sulphurificante constat, sed in hoc impegit, quod primum ens sulphuris, in alcali quodam volatili quæsiverit, & solutionem partium instituere voluerit, pro quo errore detecto, author, si etiamnum in vivis sit, & se hominem esse credat, qui errare possit, nobis gratias aget, sed nos, ne abripiamur in varias syrtes quæstionum & observationum, ad portum properabimus, nam quæ de communibus solutionibus corrosivis dici possunt, sectione præcedenti, de fermentatione minerali, partim exposuimus, partim sectione septima ventilabuntur, superato itaq; aqueo mari, & exposito altero tridentis dente, tertium indagabimus, nempe tertiam fluiditatem exponemus, quæ

- N. 87. ignea est, quæq; ex corporibus homogeneis cohærentibus constat, introceptis particulis aëreis & igneis, unde metalla liquida, majus spatium occupant solidis, turgent enim particulis rarefactis igneis, unde cum frigore pori densantur, corpuscula constringuntur, atq; in continuam & solidam substantiam abeunt, minus spatium occupant vulgò *Schwinden* / mirum autem non est ignem liquefacere, cum ipse sit liquidus, revera enim flammæ continuæ sunt & fluunt, ut in furnis reverberatoriis videmus, diximus quoq; flammam consistere in infinitis corpusculis, fermentationis specie sic elevatis & exaltatis, ut omnia etiam compactissima corpora penetrent, siq; fortiùs intendantur, in ea agant, subjectisq; varias qualitates imprimant, ut postea audiemus, ex quo liquet, nihil posse fluere, quod non homogeneum sit, sibiq; in minimis punctulis cohæreat, & nihil posse in igne persistere incolume, quod non ex partibus homogeneis, optimèq; mixtis & gravibus consistat, adeò, quod etiam fixissima corpora, si volatilibus jungantur, illicò à flammis abigantur, ut videmus, si metalla in menstruis corrosivis solvantur, & injecta charta solutione imbuatur, ac siccet, deindè flammis committatur, metalla illicò jucundo colore flammæ tingere, & simul in auras abire, licet gravia & fixa sint. Ut
- N. 90. verò igneam fluiditatem, quæ metallis propria est, accuratè consideremus, totum discursum, quem de eâ faciemus, in certum ordinem disponemus, ne in immensas ambages labamur, nostro instituto inconvenientes, ante omnia verò totam de liquefactione igneâ doctrinam in duas partes secernemus primâ complectemur liquefaciens, altera liquabile, objectum

ctum nempè & subjectum, formam & materiam, causam & effectum. Liquefaciens ergò quod attinet, N. nempè ignem, in eo tria considerata sunt, ejus sci-^{91.} licet subjectum, causa & effectus, subjectum ignis quod attinet duplex est, unum quod ipsum ignem constituit, alterum quod ab igne patitur, de hoc posteriori in sequentibus, nempè ut diximus in alterâ liquefactionis parte, de priori verò hoc loco agemus, potest verò ignis ex omnibus elici quæ pingua, sulphurea, & raribilia sunt, salina econtra & densa non ardent, nam quodcunq; non potest rarefieri, id etiam non potest flagrare, loquimur enim hoc loco de igne actuali, non potentiali, licet verò ex variis subjectis ignis constet, ut sole, terrâ, lapidibus, lignis, ardentibus aquis, oleis, sulphuribus, variisq; axungiis, sebo & pinguedine, unusq; ignis ex omnibus eliciatur juxta externum apparatus, reverâ tamen in effectû, pro varietate subjecti unde constat, differens est, alterius virtutis & operationis, non modò juxta quantitatem, seu juxta remissionem & intensiorem, sed juxta qualitatem & modum applicationis, nam licet in balneo, cineribus, arenâ & aperto igne, unus servetur caloris gradus, unum imponatur subjectum, simili digeratur tempore, tamen juxta diversam ignis applicationem, diversi effectus sequuntur, nam quæ in balneo posita sunt, humescunt, in arenâ siccantur, & sic de aliis, imò quædam subjecta arenam appetunt, & balneum respuunt, quædam, licet volatissima ex balneo destillari volunt, & nullo modo ex arenâ destillari possunt, ut inter alia *Polemannus tractatu de sulphure Philosophorum pag. 53.* testatur, cujus verba in Latinum versa huc apponemus, 'sume

proinde spiritum vini, in quem elevatum, sal armeniacum, aureis floribus permixtum, injecisti, decantatum ex balneo abstrahere, & notabis, ut ex balneo id facias, nam neque ex cineribus, neque ex arena pulsus, alembicum transcendit, quod considera, &c. Hactenus author, diversas ergo qualitates in igne juxta subiectum esse unde constat, & medium quo applicatur, evidens est, & lippis ac tonforibus notum, flammam abiegnas, alterius naturæ esse quàm quernas, quod in refinatione metallorum, & in reverberii igne, nec non à fabris in lithanthracibus & carbonibus variis observatur, nam prout postea in discursu de effectu ignis demonstrabimus, subiecta, cum igne tractantur, aliquam partem de atomis igneis introcipiunt, & figunt, consequens ergo erit, pro varietate naturæ subiecti ignei, tales atomos quoque variare, & in corporibus, quibus uniuntur, varios effectus causare & diversos, hinc in opere Philosophico, non tam cognitio materiarum, quàm subiecti ignis administrandi notitia requiritur, sine quâ omnis labor supervacaneus, nam nisi scias materiam, unde Philosophi suum ignem parant, quem operi adhibent, nihil efficies, licet materias digerendas optimè paratas habeas, ignis enim cum transeat atomis suis, in materiam seu receptaculum aut matricem, in quâ figitur, necessario materiam destruere aut incongruis atomis replere debet, si ex incongruo subiecto, unde nutrimentum suum haurit, constet, materia ergo Philosophica non incongruè Salamandra vocatur, quæ igne nutritur, sed non vulgari, nisi quoad externam formam, Philosophorum enim ignis ob subtile subiectum

jectum, unde paratur, purior & penetrantior est omni igne, ne dicam ipso Sole, solis namque radii, si in corpus reducantur, in pulverem abeunt, nec moror, utrum juxta Peripateticos, in abstracto nudum vocabulum ignis, vel radii & atomi concomitantes (quæ tamen reverâ solæ ignem seu calorem constituunt) hoc novum productum generent, sufficiat ejusmodi corpuscula subtilissima, vitra, omniaque corpora penetrantia, non Aristotelicas Chymæras, sed realia entia esse, palpabilia & in corpus reducibilia, non possum autem hoc loco intermittere, quin recenseam *Illustrissimi sæpè memorati D. Dygbai* allegationem circa hanc materiam, quam ponit in *tractatu de immortalitate animæ*, parte priori de naturâ corporum cap. 7. pag. 47. §. 8. authoris verba talia sunt. *Subit animum hâc occasione memoria rari admodum experimenti, quod nobilis quidam vir, fidei sincerissimæ, mihiq; amicitia conjunctissimus, vidisse se affirmavit, vasorum vitreorum scilicet ope, peculiari quodam modo factorum & artificiosè dispositorum, collectos solis radios in pulverem fuscæ coloris, aut purpurei, in rubrum vergentis, præcipitados fuisse; Fraus nulla huic operationi subesse potuit, nihil enim in vasis, antequam disponderentur, continebatur, peragi etiam debuit in calidiori anni tempestate, ut effectus ipse sequeretur, hac porro operatione, aliquibus diebus, duæ ferè uncie colligi potuerunt, natura illi erat mire subtilis, quæ ipsum etiam aurum, corporum omnium, inter quæ versamur, gravissimum, ac solidissimum, vi sua, ut sic dicam, spiritali, penetraret, &c.* Hactenus author, quod imperitis impossibile videri posset, sed cùm practici, omnia corpora reverberii igne

tractata, rufescere, & graviora reddi, ut postea probabimus, cernant, meritò & coloris & gravitatis causam, igneis particulis, subjecto reverberii
 N. 97. igne tractato inhærentibus, adscribent, & cum hæc communis ignis faciat, cur id de Sole imò de Philosophorum igne negemus, quorum uterq; quoad externam formam communi igni per omnia analogus est, licet intrinsecè purior & penetrantior, quòd ex puriori & spiritualiori subjecto constet, juxta enim substantiam ignis effectus ejus variabit, corpuscula scilicet, quæ indè evaporant, & in alia corpora inhalant. Et tantum de subjecto ignis, unde ipse ignis constat, tanquam causa liquefaciens, potuissimus hoc loco multa in medium proferre, de lucis naturâ, quæ inter Doctos controversi solent, sed quoniam ad praxin tendimus, de verbis ad res properandum erit, & sanè Lectori, si alias sapiat, periculosam foveam deteximus, quâ ferè omnes artis amantes, circa tractandam Philosophicam materiam, præcipitantur & labuntur, pauci Philosophi sunt, qui de hoc igne scribunt, cum nulli dicatur, nisi ex parte Dei sibi reveletur, hinc clarissimus Philosophus Pontanus inquit: *Hic ignis inventu difficillimus post aliarum rerum cognitionem ferè omnes ab arte fugat, arcetque*, hinc commune inter Philosophos Chymicos axioma, *si scis ignem Mercurius tibi sufficit*, ita tamen Philosophi ignem hunc texerunt, ut quibus Deus velit, sat luceat, veris ergò & antiquis Philosophis potius credendum quam imperitis Theoristis & Sophistis qui in praxi nihil tentarunt, sed Aristotelizantes, omnia pro cerebelli sui modiolò metiuntur, & definiunt, inter quos sæpè memoratus *Ludovicus de Comitibus*
 non

non postremum locum obtinet in descriptione manuali pag. 50. 59. ubi inquit: *cùm ignis sit spiritualis substantia nequit secum molem vel pondus adducere*, unde ergò subjecta igne tractata redduntur graviora? Et quod ex Bernardo citat, *non est ignis substantia materia ut volunt Aros & Empedocles, qui tamen opus augmentant, alioquin sequeretur, materiam de die in diem magis ponderare quod est erroneum*, hæc inquam & similia nihil ad rem faciunt, nam certum est, materiam sub finem graviolem, reddi quàm in principio, interpretandum ergò est, Bernardum, Peripateticorum more de igne in abstracto, & non de ignem concomitantibus atomis loqui, ipse enim *Bernardus* alio loco quem & de Comitibus citat fatetur, *internum ignem per externum excitari*, at quomodo hoc fiet sine particularum vel corpusculorum communicatione? *cum non detur actio in distans, medio non affecto*, & imaginariæ Peripateticorum actiones & qualitates hoc loco cessent, hoc inquam, ubi praxi opus est, & non terminis inanibus luditur, qui itaq; terminis delectantur, illos legant, qui de luce scripserunt, nempe Vossium, Kircherum, qui verò res quærunt Arthephium, Empedoclem aliosq; legant, præclarum profectò Empedoclis dictum, *naturam igne adjuvare possumus præterea enim nullum aliud habemus auxilium*, res nempe attenuandi, resolvendi, 99. penetrandi, alterandi, nullum præter calorem auxilium est, & certè si consideremus, quas mirandas vicissitudines in animalibus, plantis, & mineralibus, solus calor perficiat, vix credo prudentem virum, de necessitate & caloris concurrentiâ, circa omnium rerum alterationem quicquam dubitare posse, nisi qui sponte in claro Sole maculas cernere velit,

has verò omnes mutationes à calore procedere, & tamen calorem non calefactis communicari, nisi per excitationem, stultum est dicere, cùm in quo consistat excitatio interni ignis facta per externum, nemo nisi stultus Peripateticus, inanibus verbis exponere possit, si non admittat, externi vel interni ignis per particulas concursum, & unionem, sed luctentur illi in verbis, in quibus totam ætatem insumunt, totosq; libros conscribunt, lepidè interim verba inania operationibus realibus applicando, publicam censuram incurrunt, sicut nuperus quidam author in *Lexico Mathematico*, qui ait: *uniones*

100 *in aqua forti non solvi, econtrà aceto*, certum est, & uniones in aceto & in aqua forti solvi, & certum est, authorem neutrius experientiã fecisse, sed sicut ejusmodi ad scriptionem publicam prurientes Lectores jubilati seu potiùs nubilati, cuivis impostori ob defectum praxeos credere tenentur, ita falsa eos pro veris scribere necessum est, optandam itaq; foret, ut de terminis Theologicis scriberent, quorum inanitatem, in praxi vix quisquam animadvertet, & à practicis abstineant, quorum ignari, nam practica practicis debentur, & theorica theoricis, non ergò manum in alienam falcem mittant, recordor Religiosum quendam P. G. hominem alias non, ut sibi videbatur, parùm in mundo versatum, Romæ enim erat, ubi credebat, omnes artes in excellentiã doceri, hunc inquam mihi sponondisse magnum quoddam secretum, *conficiendi namque aquam fortem seu causticam, in vesica suilla vel bubula, per modum deliquii, quem ipse invenerit, si nempe species, quæ communis aquæ forti adhiberi solent, in vesicam ponantur, & occlusa his rebus vesica, in cellam vel puteum immittatur, tunc*

N. 101. *ejusmo-*

*ejusmodi species dissolvi, & in aquam fortem veram fortissimam mutari, vides hominis vanam speculationem & omni praxi contrariam? nam posito quod aqua fortis foret (quod tamen æquè impossibile est, ac si quis dicat, illum Peripateticum posse P. Provincialem fieri) deberet tamen author hujus inventionis, ut dicunt, mendacii memor extitisse, nempè quod vesicam tanquam continens corroderet, & planè paradoxum esse aquam fortem in vesicâ contineri, taceo præparari, illâ manente illæsâ, sed circa hos homines proverbium verum esse experientia docet, nempè *qui facile credit, facile quoq; fallitur idem*, imo alios deindè fallunt, quibus hæc pro suis jactat, authoritatem interponentes, quasi verò Moy- ses Aristoteli, aut hic Hermeti authoritatem faceret, sed redeamus ad rem, & secundum punctum nostri propositi circa materiam liquefacientem consideremus, nempè causam ignis, seu ignitionis, nam præcedens punctum in sequentibus plenius absolvetur. Causam ergò lucis seu ignitionis, quod attinet, in discursu de fermentatione diximus esse rarefactionem per incensionem N. 102
ortam, quæ se habet tanquam fermentum rarefaciens, quomodo verò unâ incensione facta, totum deindè continuò succedat, & flagret, non adeò impossibile erit exponere, si fermentationem probè consideremus, & quod deflagratio per modum continui fumus se habeat, non secus ac si epistomium dolii aperiatur, omnis liquor, ni impediatur, effluit, ità unâ incensione semel factâ, solutio fit continui, & flagrabile de puncto ad punctum rarefit, ac resolvitur, prout præcedenti sectione de fermentatione & de combustionene*

ne sufficienter demonstravimus, ex quo manifestè liquet nihil posse ardere, quod non summè raribile sit, & omne quod ardet rarefcere, ac in atomos resolvi, quæ nunquam amplius in pristinam densitatem coire queunt, haud aliter, quàm mustum semel fermentatum, & attenuatum rursùs in mustum redigi nequit, unde meritò illi confunduntur, qui lumen perpetuum somniant, atq; id ex auro, vel aliâ materiâ incombustibili comparare præsumunt, eo
 N. 103. ipso enim, quod materias incombustibiles sumant, sibi contradicunt, id enim est incombustibile, quod summè est densum, & quod proindè rarefcere, & per consequens flagrare nequit, sin verò materiam combustibilem sumant, impossibile est, ut sine rarefactione ardeat, & ut atomi rarefactæ non attenuentur, aut rursùs capiantur, & figantur, sine hac enim circulatione, nulla erit perpetuitas, nisi continuæ & novæ materiæ affluxu sed tum non erit lumen perpetuum nisi per accidens, ut *R. P. Kircher* proponit in *Mundo subterraneo*, capite de lumine perpetuo, ubi in locis, è quibus perpetuò oleum fluit, ellychnium ex asbesto applicat, atq; sic lampadem construit perpetuam, ob perpepetuum affluxum novi olei, sed nec & sic succedet, cum experientia doceat, asbestum brevi tempore, sive ex naturâ sua, sive ob adhærentem fuliginem corrupti & extingui, alii proindè ad filamenta aurea, ferrea, sericea confugerunt, sed omnia in cassum tentata, quòd verò aliqui asseruerint, se occlusas ollulas invenisse, è quibus apertis illicò ignes profuerint, sed extemplo extincti fuerint accepto aëre, facilè crediderim, sed ignem talem etiam ante aperturam in occlusa ollulâ à tot sæculis arsisse, &
 ob a-

ob apertum vas deletum esse prorsus non credibile nec possibile est, statuendum ergo, in ejusmodi vasculis ignem potentialem latuisse, qui accepto aëre, illico flammam conceperit, & paulo post ob materiæ paucitatem consumptus fuerit, quod etiam mechanicè contingere posset, si quis thecam igniarium, eo artificio paratam, ut per modum elateris in filice ignem excutiat, prout jam ejusmodi parari solent (Feur=Schloß) in vasculum reponat, tali adaptatione, ut aperto operculo, simul & ignis excutiat, certè, post maximum tempus, si quis ex improvviso vasculum aperiat, ignem inveniet, stultum tamen esset statuere, excitatum talem ignem semper ita in vasculo flagrasse, ac tùm flagrabat cum incensus est, licet ignorantibus fortè hoc persuasum esse posset. Sed redeamus ad ignem potentialem, ubi quæstio est, utrum materia dari queat, quæ accepto aëre vel aquâ, flammam concipiat, licet autem e-

N.
106

jusmodi descriptionibus omnes ferè libri pleni sint, tamen paucissimi processus in praxi succedunt, ita ut R. P. Kircher permotus fuerit, in *Arte magna lucis & umbræ* totaliter possibilitatem negare, & statuere impossibile esse, ut vel aëre vel aquâ actualis ignis ex ullo subjecto elici queat, quod licet difficile sit, impossibile tamen non est, cùm praxis contrarium ostendat, ubi varia interdum confunduntur, quæ non modo fortissimè incalescunt, sed in ignem concipiunt, ut in perfusione spiritûs nitri & butyri antimonii, in solutione Martis, aliarumq; rerum indies videmus, in primis autem ferrum in aquâ forti potentissimè incalescit, ut ni spatium acquirat, omne continens rumpat, cujus exemplum in pyrâ ferreâ, vulgò eisserne Granat observare licet, cui, si vitrel-

lum

lum aquâ fortiplenum imponatur, sed apertum, pyra verò postea occludatur, & deindè probè occlusa invertatur, ut aqua fortis intus contenta effundatur, atq; in continens ferreum agat, tantâ potentiâ id faciet, ut pyram licet ferream & crassam maximo fragore rumpat, etsi verò in his omnibus nullus adhuc ignis conspiciatur, evidens tamen demonstratio est, in spiritu vini, & oleo Vitrioli, utroque probè rectificato, quamprimum enim confunduntur, ignem concipiunt, qui vase obstructo extinguitur, aperto rursus incenditur, in primis ex ferro, cadmiâ, tartaro & nitro, forti igne pasta fit, potentissimi caloris potentialis & caustici, quamprimum enim aquam sentit, vel sputum, igneas flammâs, & scintillulas ejicit, verum de his & similibus legatur *Glauberus in libello ignium*, nos hoc loco concludimus, causam ignificationis seu incensionis omne id esse, quod rarefacit summeq; attenuat, hinc concussiones, attritiones, radiorum concentrationes, omnes deniq; rarefactiones & incensiones, materias raribiles, & combustibiles incendere possunt; nunc ad effectum ignis progrediamur, qui licet in genere in eo consistat, quod

N. corpora attenuet, dilatet, & rarefaciat, in specie
 107 tamen varius est, præcipuè quadruplex. Primò ignis omnia dissolvit & disunit, idq; non modo nam quæ non perfectè mixta sunt, illa non modò in continuitate dissolvit, sed & in partibus disjungit, volatiles elevat, graves relinquit, quæ verò fortiter mixta sunt, ut metalla, eorum poros quidem rarefacit, sed quoniam mixtura metallica co-

N.
 108 hæret, ob introceptum copiosum aërem & corpuscula ignea, fluida redditur, & hæc est propria causa

causa igneæ fluiditatis, quæ se habet ut glacies, in
 quâ, cum pori rarefiunt, solutio & liquefactio se-
 quitur, id verò tantum contingit in metallis
 probè mixtis, nam in imperfectè mixtis pars
 volatilior ab igne expellitur, quod etiam de
 lapidibus intelligendum est, quorum aliqui in N.
 igne non fluunt, sed expulsiōe quarundam par-¹⁰⁹
 ticularum, & introfusione aliarum ignearum,
 in calcem, ut vocant, vivam rediguntur, alii flu-
 unt & in vitra abeunt, alii nec in calcem nec in vi-
 tra abeunt, sed immunes persistunt, imò summè
 candefacti, licet in aqua frigida extinguantur, non
 rumpuntur, ut in rubino, granato, adamante,
 aliisq; cernimus, quod quidem consequens neces-
 sarium, & naturale ex antecedenti est, nam quæ N.
 ita compacta sunt, ut rarefactionem ignis ejusq; ^{110.}
 corpuscula non admittant, necessario etiam a-
 quam non intromittent, unde non diffringuntur,
 cùm in eam injiciuntur, vitra econtrà, quoniam
 porosiora sunt (nam fluunt) calefacta, aquæ in-
 jecta, illicò rumpuntur, nam aquam introcipi-
 unt, imò ipsa metalla id faciunt, unde granu-
 lantur, & missam facio hoc loco Peripateticorum
 antiperistasin, cui hos effectus assignant, si e-
 nim vera esset, cur non summè candefactus a- N.
 damas in frigidam, imò glaciem projectus, rum-^{111.}
 pitur? cessabit ergò inanis terminus, & hujus
 effectus causa, compagi tribuenda erit, adamas
 enim omnium lapidum compactissimus est, imò
 omnium rerum sub sole, unde durissimus, licet
 non gravissimus, hinc sola compages gravitatis N.
 causa non sufficiens est & unica, & quidam vo-^{113.}
 lunt, quòd verò vasa fictilia calorem meliùs fe-
 rant quàm vitrea, ut porcellana, quæ supra ignem
 tuto

- tutò poni potest, sine periculo rupturæ, licet frigidam contineat, cum econtrà vitrum rumpatur, certè rursus antiperistasis non in causâ erit, alioquin & procellanarumperetur, unde claret, porosa & summè densa extinctionem in frigidâ, sine rupturâ sustinere, unde vitra media inter lapides pretiosos
- N. & fictilia erunt, neq; enim sine rupturæ periculo ca-
 113. lesiunt, aut frigesunt, cujus rei non injucundam enchyrisin in vitrellis videmus, noviter inventis, quæ licet solidissima, quamprimum unâ parte, quâ in tenuioris filiformam desunt, rumpuntur, illicò in minimas partes & pulviscula dissolvuntur non sine fragore, parantur autem in officinis vitriariis, ubi guttæ vitri fluidi in frigidam aquam injiciuntur, multæ quidem rumpuntur, sed quæ incolumes persistunt, præfatum effectum præstant, cujus ratio est, quòd ob ambientem frigidam aquam, cui in præparatione guttæ injiciuntur, rarefactus aër se imprimis circa superficiem constringat, condensetque, succedente corpore vitreo in summam compagem, ob summum metum loci vacui, cum itaq; pars exterioris cuticulæ densatæ rumpitur, illicò aër ingreditur, omnesq; atomos vitri, licet solidi, rarefacit, dissipatq;, ut tusi pulveris instar appareant, sed red-
- N. eamus ad scopum nostrum, & absoluto primo effe-
 115. ctu ignis, nempe disjunctione continuitatis, ad alterum progrediemur, nempe alterationem gravitatis, quæ proximè continuitatem seu quantitatem sequitur, hanc verò igne alterari evidentissimum est & certissimum, nam stannum, licet per se in cineres redigatur, gravius tamen fit, & antimonium speculo caustico calcinatum, licet multas particulas evaporet, gravius tamen fit. Et capellas, si probè cum

bè cum injecto metallo ponderes, licet multum metalli videatur evaporare, si tamen eas postea ponderes, invenies notabiliter graviores existere, quàm antea in toto cum metallo & omnibus additis erant, hanc gravitatem igne causatam, Nominales seu Peripatetici non libenter audiunt, qui imaginariis tantum qualitatibus, & nudis vocabulis, ignis potentiam tribuunt, substantiamq; esse negant, at si non sit substantia, quomodo corpora reddet graviora? Dices coctione, & hoc placet, licet solutio hæc falsi sit hoc loco, clarum ergò crit, metalla igne tractata, sine ullâ aliâ additione graviora reddi, id est, in gravitate mutari, hæc verò solo vocabulo coctionis fieri, sine corpusculorum interpositione & interventu, absurdum & durum est, gravitas enim cum sit consequens quanti, & quantum sit prima & N. communissima corporum affectio, in substantiâ totâ, & essentiâ mutari dicentur, quæ in gravitate mutantur essentiali, ut cum aurum acquireret gravitatem stanni, puta in eodem continente, ut in globosis convexis formis stannum probant, licet colorem fervaret, & fixitatem, aurum tamen non amplius dici posset, quam proinde mutationem soli coctioni adscribere non sufficiens erit, statuendum ergò ab igne particulas prodire, quæ in corpora agunt, & in iis, pro subiecti tamen varietate figuntur, unde major gravitas. Cæterum, utrum ejusmodi ignea corpuscula & quando luceant, sectione N. septimâ de diaphaneitate exponemus, nunc ad propositum revertemur, ubi ignis, non modò corpora graviora reddit sed & leviora, hoc posterius verò per accidens præstat in corporibus nempe heterogeneâ mixtione conjunctis, ubi partes in tempera-

N.
118.

ratas abigit, sed de his in sequentibus latius agemus,
 nunc superest, ut ad tertium effectum ignis progre-
 diamur, nempe ad corporum accidentia, ut Peripa-
 tetici vocant, ubi inprimis, colorem igne mutari ex-
 perientia probat, ut in ininii præparatione videmus,
 præsertim in reverberio, ubi notandum, nisi flam-
 mæ corpus directè tangant, id non tingi, sin vero a-
 perto igni committantur, pleraq; rufescere, quo-
 niam verò de odore, sapore, sono, aliisq; eorum
 accidentiis, quatenus in igne alterantur, partim in
 metallurgiæ nostræ tertiâ parte, partim sectione se-
 quenti septimâ hujus libri acturi erimus, meritò hoc
 loco ulteriori pertractatione superfedemus, ne Le-
 ctori cramben, ut ajunt, bis coctam obtrudamus,
 cùm practicis per se notissimum sit, flammæ mul-
 tum ad colores facere, in vitrificatione, imò variet-
 tas subjectorum, undè tales flammæ constant, nota-
 ri solet, nec opus est multis demonstrationibus,
 cùm in antecedentibus sectionibus, præsertim de
 fermentatione sufficienter probaverimus, solo ca-
 lore vegetabilia in sapore, odore, & colore alterari.
 Nunc ad quartum ignis effectum properabimus,
 nempe alterationem in totâ substantiâ, certum e-
 nim est, calorem & ignem subjecta totaliter alterare,
 quod indies in vegetabilibus videmus, & in animalibus,
 in quibus succus amarus & acidus in dulcē, chy-
 lus in sanguinem, & deniq; unum in aliud mutatur,
 ut ante omnia in exclusione pullorum videmus, de
 igne enim dici potest, quod de tempore dici solet,
ignis omnia tollit, vel alterat, unde prudenter & pra-
 cticè Empedocles ait: *Naturam igne adjuvare possu-*
mus, præterea enim nullum aliud habemus auxilium,
 non autem ut hætenus dictum est, ignis, & inde
 conse-

consequens calor, in continuitate, compage, quantitate, gravitate, & corporum accidentiis tantummodo dominatur, sed reverà totas rerum ^{N.} feminales substantias invertit, ut cuivis obvium ^{119.} est, qui vel minimùm in igne expertus est, & animalium & vegetabilium immutationem, quæ mediante calore fit, observârit, vix credo quemquam fore, nisi perfriktæ frontis & nullius experientiae sit, qui eam neget, lapides autem & metalla per ignem in substantiâ, & specie mutari, durum fortè cuidam videri posset, sed videbimus, & hunc nucleum, licet ipse fatear durum, effringamus, Quod itaq; lapides attinet, nemo expertus inficias ibit, eorum specificam quasi for- ^{N.} mam, bonitatem, & differentiam, vel in diaphaneitate aut opacitate, colore, aut tincturâ, mollitie aut duritie constare, at, ut ita loquar, lippis & tonsoribus notum est, ignem circa hæc indicia & qualitates specificas, quosvis lapides igne alterabiles & tractabiles immutare, & sic in toto suo esse, & substantiâ specificâ alterare, ut id non amplius sint in specie, quod antea erant, duritiem enim plerumq; perdunt & colorem, at quis sapphirum etiamnùm sapphirum esse credat, si duritiem, si omnem colorem amiserit; hisce duobus autem necessariis & quasi essentialibus requisitis sapphirum solo igne privari posse, experientia docet, ergò reverà ignis, lapides in tota sua specie & crasi immutat, taceo quòd ex quibusdam lapidibus vitra prorsus faciat, quæ alterius speciei cum lapidibus esse, nemo non ignorat, quod fortè non multũ etiã controvertetur, sed quòd metallicæ species de unâ in alteram, solo igne transmutentur, mûltis paradoxum videri posset, sed nos

N.
121.

duobus experimentis infallibilibus, totum quicquid occurrit difficultatis diluemus. Primum est chalybificatio, quæ si accuratè consideretur, clarè demonstrabit solum ignem ex ferro chalybem facere, habet se verò chalybificatio sequenti modo. Magnam massam boni ferri sumunt, aliquot centenariorum, hanc igni injectam, forti calore urgent, donec partes periphericæ sensim defluant, idq; quasi ad mediam partem, tùm quod reliquum est, eximunt, & ut vocant, in bacillos, malleo majori, machinâ hydraulicâ pulso, diducunt, atq; ita pro chalybe, postquam candefactos in aquam miserunt, ut deserverescant, vendunt, prorsus duros, friabiles, uno verbo chalybem, nunc quæritur undè oriatur hæc immutatio ferri in chalybem? cùm nihil nisi ignis accedat (abstraho enim à chalybe, qui naturaliter in minerarum venis reperitur) dices ex ignitione & immissione in aquam, sed hoc est absurdum, nam licet ferrum centies igneas, & rursus aquâ infrigides, chalybs tamen non erit, statuendum ergo, ex ferro procedere, quod ante talem præparationem chalybs non est, aliàs stulta foret hæc supervacanea præparatio, igne ergo ferrum in chalybem mutatur, ex causâ, quod cùm partes exteriores præfatæ magnæ massæ ignem patiantur fortissimum, interiores interim digerantur, & ad maturitatem perveniant, & nè credas hanc rationem claudicare, conjice frustra ferri in vacuum crucibulum, sine ullâ aliâ materiâ, & optimè luto clausum, continuo & forti igni per 48. horas committe, postmodum aperi crucibulum, & particulas ferreas (nisi ignis non nimium intensus fuerit, ut fluxerint, quod noceret) integras invenies, sed magnâ parte, imò si rectè

rectè processeris ex toto in bonum chalybem mutatas, ne granum ponderis amittentes, econtrà, si crucibulum relinquatur apertum, totum ferrum in stomoma, vel scoreas, aut crocum convertetur, vulgò *Sinter* / in occluso verò, ne granum hujus invenies, sed totum convertetur, in chalybem, unde duo consequuntur, Subjecta occlusa & aperta, diverso modo igne affici, deindè ferrum in igne, si non tota specie, certè maximâ ex parte alterari, sed de chalybificatione libro secundo, capite speciali de ferri anatomia ulterius, nunc, quoniam prævideo quosdam futuros, qui licet notabilem hanc ferri, sive in stomoma, sive in chalybem alterationem, non negent, attamen esse alterationem valdè propinquam, & non esse veram transmutationem unius speciei in aliam contendent, promissis nostris N. satisficiemus, & demonstrabimus, quomodo solo¹²² igne, ex argento, plumbo, stanno, cineribus ossium & clavellatis vulgò *Pottasch* / verum cuprum fiat, nullis (exceptis memoratis) aliis subjectis additis, experimentum non est levis momenti, communicatum nobis à Clarissimo Viro *D. Gerharo Thleno*, quondam *Physico Francofurtensi*, nunc peste illic grassante absumpto, Viro fide dignissimo, & qui ferè totam ætatem in experimentis circa liquefactiones & tractationes corporum in forti igne absumsit, relictis post se non condemnendis experimentis, hoc verò quod nobis communicavit, & ipsi in praxi verum invenimus, fideliter lectori curioso communicabimus, licet fastidiosus labor sit, & bonum liquefactorem requirat, curiosum tamen est, & multas post se consequentias trahit, curiosis indagatoribus non ingratas. Processus

autem est talis. Recipe plumbi unciam semis, ei-
 que, cum in tigillo fulminatorio (Treibschergen)
 sub tegulâ fornicatâ (Muffel) fulminare incipiat,
 (treiben) impone stanni drachmam unam, additisq;
 argenti duobus vel tribus granis, relinque donec si-
 mul in scoreas redacta fuerint, has scoreas si in tigil-
 lo valido reduxeris, habebis regulum & partem
 metallorum ei incumbentem, nondum reductam,
 quam serva, ex regulo ut prius feceras, confice sco-
 reas sub tegulâ, residuumq; metallum, quod in te-
 gulâ remanet (Seigerbley) in cupellâ examina,
 cupellam hanc unâ cum scoreis à reductione resi-
 duis, quas antea in primâ operatione servare iussi,
 & cum illis, quas tegula fulminatoria secundâ vice
 exhibuit, confusam tere, pulveremq; addito
 quoque grano argenti, quod cupella exhibuit, i-
 terum in tigillo reduc, igne fortissimo, Regulum de-
 nuò reduc in scoreas sicut dictum, atq; deinceps
 cum Regulo & scoreis, procede ut antea, hunc la-
 borem, si aliquoties ter vel quater reiteraveris, è
 scoreis & cupellâ metallis gravidâ fac pulverem, &
 cum partibus tribus vel quatuor cinerum clavella-
 torum in tigillo valido, fortissimo igne reduc, & ha-
 N. bebis grana pura cupri, hucusq; Processus, circa
 123. cujus praxin varia notanda sunt, primò ut in mayo-
 ri quantitate facias, nam sic proba est evidentior,
 deinde, ut quæcunq; adhibes subjecta, optimè exa-
 mines, ut nullum cuprum in se contineant, tertio
 ut in reductione, quæ fortem ignem requirit, sis
 accuratus & diligens, circa ipsam verò processûs
 theoriam, & rationem ipsi quoq; authori obscurum
 fuit, unde is effectus sequeretur, cum alias in mate-
 riis & manipulationibus satis circumspectus & cau-
 tus

tus fuerit, ilà ut vix assequi potuerit, unde cuprum orietur, tandem sulphuri Jovis adscripsit, cui vim transmutantem inesse credebat, sed reverà consideratis omnibus circumstantiis, totum hunc effectum ab igne prodire certissimum est, stannum enim & plumbum, subjecta humida sunt, & ignem attrahunt, solo enim igne plumbum in minium, & colorem rubicundissimum mutatur, & cineres Jovis solo igne graviores fieri, supra demonstravimus, cineres vero ossium in cupella non parum juvant ad alterandam fluiditatem metallorum, imo ut supra demonstratum, cupellæ in igne tractatæ, graviores fiunt, unde nullum dubium est, non modò mediante plumbo & stanno, sed & cineribus, particulas ignis frequenti operatione attrahi & figi, quibus introceptis, tota metallica massa mutatur, argentum enim nihil ad rem facit, ipso authore fatente, qui ejus additione nihil aliud inferre voluit, quàm quòd hoc modo, ipsa etiam luna in Venerem mutari queat, cùm quæ additur luna, in reductione non amplius inveniatur, undè author credidit, eam quoq; in Venerem mutari, possibile ergò est, etiam sine tincturâ, solâ ignis operatione, metallorum species reverà transmutare, cuprum enim toto cœlo à plumbo & stanno differre, nemo inficias ibit, qui metallorum naturam probè cognoverit, cum plumbi in cuprum mutatio difficilior sit quàm cupri in aurum, ob accidentia cuivis obvia plumbum enim grave, molle, album, fluidum, ante ignitionem fluit, cuprum verò levius, durum, rubrum, & fluens metallum post ignitionem est, in nullâ ergò re cum plumbo, ut plurimis cum auro convenit, non itaq; existimandum est, cuprum & plum-

bum adeò affinia eſſe, ut unum in aliud facilè tranſmutetur, vel unum in altero lateat, totus quoq; nobis eſt modus, ſolo etiam igne cuprum in ferrum tranſmutandi, ſed quoniam nullius eſt lucri, ſicut & antecedens proceſſus, noluimus lectorem inutilibus detinere, licet nulla demonſtratio homini Philoſopho inutilis ſit, & proindè quæ hætenùs diximus, lectori curioſo non ingrata futura ſperamus, nunc vela contrahemus, & juxta diſiſionem ſub initium hujus diſcurſus de liquiditate factam, à cauſa liquefaciente ad ſubjectum liquidabile tranabimus, brevi optatum portum repetitu-

- N. 124. Omnia autem quæcunq; liqueſcunt ad tres claſſes reduci poſſunt, vel enim fluunt ut ſalia, vel
 N. 125. ut metalla, vel ut vitra. Circa fluxum ſalium & ſulphurum varia conſideranda ſunt, alia enim flammant & fluunt, atq; ità in fluxu evaporant, ut ſalia, nitrum, ſal commune, arſenicum, ſublimatum, alià in fluxu redduntur liquidiora, ut cera, butyrum commune & antimonii, alia per fluxum ſtrictiora ſunt, ut Vitriolum, alumen, ſaccharum Saturni, &c. alia fluunt, antequam candent, ut ſalia & ſulphura omnia, alia verò fluunt, cùm etiam candent, ut nitrũ, ſal tartari, ſal commune, ſola verò tinctura complementum omnium talium fluxuum eſt, nam fluit, & non flammatur, nec fumat, nec liquidior nec ſtrictior ſit, nec alteratur, ſive in leni calore, ſive cùm candet, qui proindè ad tale temperamentum, in operatione ſubjectum ſuum deduxerit, dignus erit, *ut ad menſam duodecim parium collocetur*, ut Lullius in Theoricâ Teſtamenti ait, ne nempè tinctura flammet, quæcunq; enim flammant, raribilia adhuc ſunt, & inæqualiter mixta. *Secundò* ne
 fumet,

fumet, quæ enim fumant, solutionem & separationem partium patiuntur, quæ ex inæquali mixtione procedunt. *Tertiò*, ne per ignem liquidior fiat, sicut butyrum antimonii, quod primâ & secundâ vice butyri instar consistit in frigido, at si diutiùs in fluxu stet, vel aliquoties destilletur, prorsus non modo in calido sed frigido, olei liquidi instar consistit, cujus causa est, inæqualis mixtio, aëris introceptio, & partium terrestrium separatio. *Quartò*, ne in principio leviter fluat, in fine adstringatur, sicut in vitriolo, & alumine videmus, cujus causa est, quòd humiditas tractu temporis evaporet, unde subjecta sicca magis & terrestria evadunt, hinc etiam in fortissimo igne non amplius fluunt. *Quintò*, ut levi igne fluat, signum enim est perfectæ mixtionis, & mixturæ subtilis, optimè subactæ. *Sextò*, ut in fortissimo igne eodem modo persistat sine alteratione, quod signum est materiæ fixæ & perfectæ, hâc enim de causâ oleum incombustibile permanens vocatur unde Geber ait: *Nos omnia experti, & magnâ ratione speculati sumus, sed nullam rem in prælio stantem invenimus, quam solam humiditatem viscosam, in igne permanentem, & Morienes inquit: in nostro Mercurio est sulphur fixum & incombustibile, quod nostrum opus perficit sine alia substantia vel re, sed de his alibi satius.* Nunc ad secundum genus rerum liquabilium progrediemur, nempe ad metalla & mineralia, quæ propriè dicuntur in igne liquefcere, quorum liquefactio quomodo se habeat, nempe per modum rarefactionis, in præcedentibus dictum est, cum enim non detur corporum Physica penetratio, id est, ut varia æqualia contenta possint esse simul & semel in uno continente, necessariò sequi-

tur, particulas metallicas ob copiosum inclusum rarefactum aërem, debere disuniri, non secus ac aridum lignum ob inclusum rarefactum aërem rumpitur, & fissuram facit, in hoc verò metalla ab ejusmodi fissione differunt, quod propter rotundam & globosam lorum homogeneitatem, in singulis atomis, tales rarefactiones, distentiones, & fissiones accidunt, undè in omnibus atomis disuniuntur, licet ob homogeneitatem, in quantum possibile, cohæreant, unde etiam fundi possunt, & hoc propriè dicitur liquefieri in igne, nam non moramur hoc loco liquefactiones, quæ per impastationes fiunt, & levi calore finiuntur, hæ enim impropriè liquefieri dicuntur, sic gypsus, cornua, imò ipsorum etiam lignorum ferrago, in figuratam pastam fundi possunt, sed missis ejusmodi heterogeneis liquefactionibus, ad igneam nostram revertemur, ubi expositâ liquefactionis causâ, modus & differentia ejusdem consideranda erit, aliqua enim metalla & mineralia fluunt, antequam igniuntur, ut plumbum, stannum, alia post longam ignitionem fluunt, ut cuprum & ferrum, alia dum candent simul etiam fluunt, ut aurum & argentum, alia in igne in fluxu immutabilia persistunt, ut eadem præfata metalla (sol & luna) alia evaporant, ut cuprum, alia in cineres, vitra, & scorias rediguntur, ut stannum, plumbum, ferrum, in liquefactione itaq; attendendum, ut, quæ facile corrumpuntur, subitaneo igne tractentur, ut fluant antequam in scorias redigantur, cujus manifestum exemplum in cupro habemus, si id liquefacere velis, & longo ac tardo igne tractes, in crocum mutabitur (*Rupfer-âsch*) & licet maximum deindè ignem adhibeas, non liquefacies, quin potius totum corpus combures,

fin

fin verò crucibulum prius per se optimè igneas, de-
indè cuprùm injicias, & subitaneum fortem ignem
applices, illicò fluet, & hæc est causa, quòd pauci
extiterint, qui cuprum per se liquefacere norint, ali-
qui ergò variâ pro reductione, inprimis calcis ex so-
lutionibus provenientis, addunt, inter quæ Borræ
primum locum obtinet, cùm enim Borræ ex fluido
vitro constet, ut libro secundo sub ejus speciali
anatomia demonstrabimus, vitrum autem omnem
fluxum, promoveat, cùm non modo superflua sul-
phura, quæ fluxum impediunt, in se recipiat, me-
tallaq; ab iisdem liberet, sed & metallis, si in pri-
mâ terrâ peccent, de qua sect. 3. cap. 2. eandem de
suo suppleat, meritò ob præfatas causas borras
adhibetur. Et hæc est ratio, quòd periti lique-
factores, mineris, si infuida sint, lapides addant
vitrescibiles, ut nempè fluxus promoveatur, &
stiptica sulphura in vitrum recipiantur, ibi-
demq; figantur, econtrà cùm metalla nimis sunt
fluida & mercurialia, calcem vivam aut stomo-
ma ferri addunt, ut nempè per additam siccita-
tem, humiditas ex parte dematur & temperetur,
hæc quoque est ratio, quòd quidam in parvo, lo-
co borracis sal tartari seu alcali addant, nempè
quòd in talibus fixis salibus, terra vitrescibilis la-
teat, quæ vicem borracis sustinet, licet fortiorem
fluxum requirat, hæc & similia, si liquefactores
minerarum probè considerent, non sine lucro
multas intractabiles mineras liquefacere, & ad
usum reducere possent, sed de his Sectione hujus
libri septimâ, ubi de metallorum probatione,
inprimis cineritii explicatione, quæ circa lique-
factionem metallorum desiderabuntur, fusiùs
expli-

N.
127

explicabimus , nunc ad tertiam liquefactionem
 progrediemur, nempe ad vitrificationem, seu vitro-
 rum fluxum. In quo vitra à metallis differant , se-
 ctionibus præcedentibus sufficienter edoctum , &
 demonstratum est , nempe quòd loco tertii princi-
 pii (tertiæ terræ de quâ sect. 3. cap. 4.) metallici,
 Mercurialis , aliud imperfectum quoddam analo-
 gum habeant, idq; differentis, inprimis duplicis na-
 turæ, ita ut in quibusdam lapidibus ad fusibilitatem
 seu vitreitatem, & diaphaneitatem, in quibusdam
 vero ad opacitatem infusibilitatem, paucis ad cal-
 cem vivam tendat, nam sicut in præcedentibus di-
 ctum est, lapides, qui calcem vivam exhibent, non
 in calcem vivam alterari possunt, sic ordinante sapi-
 entissimo mundi Creatore, ut usibus humanis nihil
 deesset , impossibile etiam est, calcem vivam in vi-
 trum mutari, nam si flueret antequam calcinaretur,
 vitrum fieret, & non calx viva, quod etiam de vi-
 tro intelligendum est, si enim id non flueret , non
 posset vitrum fieri, quoniam verò de vitrificatione,
 sectione septimâ in specie agemus, hoc caput præ-
 ter intentionem nostram jam per se prolixum, non
 ulterius amplificabimus, sed concludemus, lecto-
 rem Philosophum monentes, ne in opere Philoso-
 phico hujus vitrei fluxûs obliviscatur, borracem e-
 nim Philosophorum, quod sigillum Hermetis vo-
 catur, acquirere debet, ut tincturam imbuat, & hoc
 fit in nostro crystallo albo vel rubeo, ubi spiritus
 Philosophicus conjurandus & figendus, Magiâ lici-
 tâ, & honestâ. Atq; ita doctrinam de solutione re-
 128. rum, quæ mixtioni opponitur, cum hâc sectione fi-
 niemus , quæ licet prolixa , & multis fortè non ad
 rem facere videatur, benevolus tamen Lector sciat,
 nos

nos nihil posuisse, quod vel non occultum vel apertum usum & applicationem in ordine ad notitiam mineralem habeat, prout lector Phylochymicus, si paululum studuerit, animadverteret, paucis nempè multa dicta esse, è quibus Polygraphi quidam immensa volumina scribere possent, nos brevitati studentes, in dictis, scriptis, & factis nostris, succinctam veritatem amamus, quam in specie, in hoc posteriori capite de liquefactione, sole clariùs exposuimus, ut prorsus talpam, & utriusq; oculis orbem esse oporteat, qui non intelligat, quàm multa N.
129 circa mineralium naturam indaganda occurrant, & quòd spagyrica non modo crudis carbonibus, sed profectò etiam subtilibus speculationibus & rationibus occupetur, inprimis velim lector consideret, (ut ex his omnibus, hoc capite pertractatis, fructum capiat) quòd triplex recensita liquefactio, Mercurialis, aquea, & ignea, non modò circa mineralium notitiam, eorum tractationem & usum civilem, sed N.
130 in opere Philosophorum, omnimodè sit necessaria, hæc enim est unica clavis aperiendi, resolvendi, vivificandi, calcinandi, occidendi, immutandi metalli, ut hætenùs sufficienter probavimus, fac ergò ex Luna & Sole Mercurios, quos cum primo Ente sulphuris præcipita, præcipitatum Philosophorum igne attenua, exalta, & cum sale borracis Philosophorum liquefac & fige, donec sine fumo fluat, quæ licet breviter dicta sint, longo tamen labore acquiruntur & itinere, ex arenoso namq; terrestri Arabico mari, in mare rubrum aqueum, & ex hoc in bituminosum ardens mare mortuum itinerandum est, non sine scopulorum, & voraginum periculo, nos, Deo sint laudes, jam appulimus ad portum.

Libri Primi Sectio Sexta

De Mixtis.

Caput Primum.

De Mixtis in genere.

SYNOPSIS.

N. 1. *Digressio de mixtione ad mixta.* N. 2. *mixta quomodo hoc loco considerentur.* N. 3. *generalissima mixtorum divisio.* N. 4. *Generalis animalium mixtorum consideratio.* N. 5. *Vegetabilium mixtorum expositio.* N. 6. *subterraneorum mixtorum generalis dispositio.*

TEXTUS.

N. 1. **P**Ræcedentibus duabus Sectionibus de Instrumentis egimus, quibus corpora in principia sua resolvuntur, rursusq; combinantur, mixtionem nempe, & mixtioni oppositam rerum solutionem non sine labore & industriâ, attamen ut spero non sine fructu & utilitate lectori ob oculos posuimus, nunc reliquum est, ut ipsa mixta consideremus, quorum partes partiumq; naturam & affectiones, ortum nempe & interitum, in præcedentibus ad longum exposuimus, & sectione hujus libri ultimâ nec non libro secundo in specie explicabimus, hac verò sectione mixta tantum quoad externam differentiam, nempe quoad genus & speciem, nomine tenus & juxta ordinem recensēbimus, adjectâ parvâ descriptione & cujusvis mixti digno-

dignotione & definitione, quod enim mixtorum internam naturam, & differentiam attinet, libro secundo sub cuiusvis mixti anatomia accuratè exponemus, hoc verò loco tantum quasi catalogum præmittemus, ut curiosus lector primâ fronte subiecta, secundo libro anatomix subjicienda, perspiciat ac nominare sciat, quoniam autem non penes nos est, tot mixtis diversa & nova nomina imponere, ideo veteres sequi & proinde hanc totam sectionem ex aliis maximam partem mutuare, atq; ita alieno ore loqui tenemur, sed sectione sequente septimâ, ad nostra revertemur. Quoniam verò in præcedentibus sectionibus semper analogiam cum reliquis duobus regnis, animali nempe & vegetabili, curioso lectori proposuimus etiam hoc loco non deerimus, sed à generalissimis ad generalia, à generalibus ad specialia pedem gradatim movebimus, ac proinde de nonnullis verba faciemus, quæ circulo subterraneorum excluduntur, in triangulo tamen creatorum, magnam relationem cum subterraneis habent, quorum natura & existentia per reliqua duo regna probatur, nunc naturalem & genuinam subterraneorum locationem, situatio- N. nem & relationem ac analogiam cum cæteris crea- 3^{is} tis, propiùs accedemus, sciendum autem, totum hoc universum in aliquo *esse* consistere, istud *esse*, est aliquid, & hoc *aliquid* vel est increatum, vel creatum. Increatus est solus *Deus*, in quo Trinitas est, quam alibi in nostris scriptis Theologicis exposuimus, quicquid verò præter vel extra Deum est, ab eo creatum est, & hoc creatum est rursus trinum, *vel spirituale vel corporale vel medium ex his* in spiritualib⁹ creatis rursus est Trinitas, sunt enim Spiritus *boni,*
mali,

mali, & ut quidam volunt indifferentes. In creatis Intermediis, quæ nec puri spiritus nec pura corpora sunt, rursus trinitatem inuenies, *animarum, potentiarum & qualitarum occultarum* juxta quorundam opinionem: In creatis corporeis quoq; Trinitas est, sunt enim aliqua summè *simplicia*, ut elementa, alia *nonnihil mixta* ut Planetæ, meteora alia *magis mixta* ut corpora, & hæc rursus sunt triplicia, *vel animalia, vel vegetabilia, vel mineralia* de quibus noster sermo, in his quoq; non occultatur Trinitas, pars enim eorum *Terra*, pars *lapis*, pars *metallum* est, ipsa deniq; metalla *ex tribus principiis seu terris* constare in præcedentibus probavimus, quocunq; ergò te vertas,

N. *Trinitatem* observabis creatorum cum creatore &

4. inter se, quam tibi ulterius considerandam relinquimus, & ad propiorem analogiam trium regnorum accedimus, quorum primum *regnum animale* est, in quo, ratione loci quoq; aliquam Trinitatem observare licet, animalium enim aliqua in aëre, alia super terram, alia in aqua, alia in uno tantum, alia in duobus, alia in tribus elementis vivunt, nam falsum est animalia in igne vivere. *Avium* magna est varietas, aliquæ enim aves terrestres, aliæ aquaticæ sunt. Terrestrium aliæ carnivoræ, phytivoræ, granivoræ, baccivoræ, & harum aliæ magnæ, parvæ, canoræ, non canoræ pulveraticies non pulveratrices existunt, aquaticarum verò avium aliæ domesticæ, aliæ exoticæ sunt, domesticarum aliæ palmipedes aliæ fissipedes sunt, Exoticæ verò terrestres, aquaticæ ad nostras accedentes, fabulosæ existunt. *Avibus insectorum* genus quasi decompositum annumerare licet. Quorum aliqua aquatica, pedata vel non pedata sunt, alia verò terrestria existunt, &

hæc

hæc rursus vel non pedata vel pedata sunt & horum aliqua pauci-vel multipedia, non alata vel alata sunt, sive vaginipennia sive detectipennia, bipennia, quadripennia, farinacea, membranacea, favificantia vel non favificantia, post hæc quæ volant & serpunt, veniunt quæ gradiuntur & currunt, *animalia nempe terrestria*, quorum aliqua bipedia, aliqua quadrupedia sunt, & inter hæc alia sulcata, alia digitata, inter sulcata monosulca & bisulca reperiuntur, quorum aliqua ruminantia aliqua non ruminantia, aliqua cornigera aliqua non cornigera sunt, digitata autem in vivipara, & ovipara distinguuntur, hæc rursus cute vel crusta tecta, illa fera, semifera vel domestica sunt, nunc *pisces* qui in aqua versantur, se offerunt quorum alii Exotici, Lacustres, saxatiles, fossiles fluviatiles littorales, pelagij sunt, & horum rursus aliqui squamosi, cartilaginei, Læves, longi, plani existunt, aquatilibus *Exanguia* adnumerare licet, quorum aliqua Zoophyta, aliqua aquatica sunt, & horum nonnulla mollia, crustata, longa, rotunda, nonnulla testacea vel tur-
 binata in anfractum, in orbem vel conchyliis mul-
 ti- aut paucivolvia sunt, his adde *Amphibia*, considerata animalium differentia *vegetabilia mixta* & corpora prodeunt, quæ vel arbores vel herbæ sunt, *Arbores* pomaciniferæ, pomossiferæ, nuciferæ, aromaticæ, glandiferæ, bacciferæ; lacrymiferæ, filiquatæ, Rhodofloræ, miscellæ sunt, *Herbæ* quoque variæ existunt, ut Bulbosæ, longi-caulifoliæ, & harum aliquæ frumentaceæ, aliquæ non frumentaceæ, Nervifoliæ rotundifoliæ, crassifoliæ asperifoliæ, nullifoliæ, stellatæ, capillares, discicorymbiferæ, coronariæ, umbelliferæ, capitatae,

N. 6. tatae, filiquatae, lactariae scandentes, noxiae oleraceae. Habetis alterum naturae regnum, nunc tertium sequitur, nempe *mineralium*, quod in specie hoc libro tractamus, sed hoc capite in genere tantum differentiam ejusdem praecedenti modo considerabimus, mineralia ergo mixta quod attinet, illa triplicia existunt, *mixta nempe simplicia, composita, & decomposita*, simplicia *principio* vocantur unde composita & decomposita constant, de quibus sectione tertia ad longum, Remotissima sunt terra & aqua propinqua tres terrae, de quibus sectione tertia, ex his subtilibus terris tria *composita* oriuntur, scilicet cum invicem miscentur quae composita licet sibi affinia sint, generaliter tamen variantur, pro terrarum qualitate & quantitate, sicut in animalibus carnes, in vegetabilibus pulpae variant, licet in genere caro caro - & pulpa pulpa, hinc in hac minerali differentia, tria composita existunt, *nempe terra, lapides & metalla*, quae licet sibi simul affinia sint, nihilominus non modo in hac generali trina divisione sed & in quovis genere specificè differunt variae enim *terrae* dantur, quas in *vulgares, medias & nobiliores* distinguunt, & quae pingues macrae, salsae, oleosae sunt, varii quoque *lapides* existunt qui sine certa figura, vel cum certa figura, vel miscellanei sunt, *incertae verò figurae* lapides vel diaphani vel semidiaphani, vel opaci, hique rursus nobiles vel ignobiles, majores minores sunt, *lapides qui certas figuras exhibent*, vel naturalium vel artificialium simulacra praesentant, *miscellanei* vel animales, vel dubii sunt, & non sufficienter cogniti, differunt & lapides duritie, pondere, ignitione, colore, splendore. Tertium compositorum genus

metalla

metalla complectitur, quæ ex principiis mineralibus æqualiter vel inæqualiter, homogeneè vel heterogeneè mixtis constant, unde aliqua, *minera* (ἔρξ) vocantur, heterogeneis rebus ut terris & lapidibus adhuc permista, alia propriè *mineralia* vocantur, ut Antimonium, Bismuthum, &c. alia metalla liquefactione purificata sunt, & malleo tractabilia, variis autem hæc omnia affectionibus Physicis differunt, ut volatilitate, fixitate, malleabilitate, friabilitate, gravitate, levitate, porositate, compactione, colore, fluxu, sono. Composita sequuntur *decomposita* (non artificialia, nam de his hoc loco non est sermo, cum de naturalitus tantum agamus) illa rursus existunt triplicia, terrea nempe, lapidea & metallica, in his omnibus autem vel sicca vel liquida sunt, dura aut mollia, *terrea* decomposita quod attinet, illa duplicia sunt, *sicca*, ut bitumina, sulphura, salia, *liquida* ut olea & aquæ salinæ, *lapidea* decomposita *sicca* sunt, ut animalia & ligna nec non metalla, quæ lapidea facta, ut varii fluores & tophi, seu salia ut alumen, borax, vel *liquida*, ut aquæ lapidescentes & lapidificantes, *metallica* decomposita vel *sicca* sunt ut Mercurius, cinabrium, arsenicum, realgar, auripigmentum vel salina, ut vitriola, & *aque minerales*, ut thermæ & acidulæ, omnium autem horum decompositorum mixtionem vel aqua vel terra intrat, aut diversæ qualitatis aut diversæ quantitatis, hinc decomposita homogenea, heterogenea, fortis vel debilis mixtionis evadunt. *Decomposita* autem voco, quod tria præfata composita, sive Terræ, sive lapides, sive metalla, alias compositiones ingrediantur, unde novum & duplicatum mixtum, seu

compositum de composito oritur. Atq; ità hoc capite ab universalissima rerum & productorum serie, differentia, ac divisione, specialissimam subterraneorum divisionem prolapsi sumus, tali compendio, ut nobis plus laboris facefferit, quam si prolixum librum de similibus conscripsissemus, nunc ad nostram spatham revertemur, nempe ad nominalem subterraneorum explicationem, juxta propositum schema, quod nobis ipsis præfiximus, capite itaq; sequente, nempe secundo, primum compositorum subterraneorum genus aggrediemur, explicando varias terras, tertio capite lapides, quarto metalla, quinto primum decompositorum mineralium, genus terreum, sexto lapideum, septimo metallicum exponemus, atq; ità hanc sectionem sextam, simul & hoc caput concludemus.

Sectionis sextæ Caput secundum
Primum subterraneorū Compositum nempe varias terras in
genere & specie exponit.

SYNOPSIS.

N. 1. *Quid per terram hoc loco intelligatur.* N. 2. *unde varietas terrarum oriatur.* N. 3. *terra in tres classes reduci possunt.* N. 4. *de differentiis arena, limi, & terre hortensis.* N. 5. *de commixtione terrarum, & inde subsequentibus effectibus.* N. 6. *alia & communis distinctio terrarum.* N. 7. *Terra vulgares, quæ Agriculis figulis & fullonibus inserviunt.* N. 8. *Terra media, quæ pictoribus in usu sunt.* N. 9. *nobiles Terra, quæ in medicina prosunt.*

TEXTUS.

T E X T U S.

PER terram non intelligo illam primordiale^{N.},
 quæ in principio & creatione mundi exstitit, de^{1.}
 quâ sectione primâ, nec illam de qua sectione ter-
 tia egimus, nempe quatenus principia subterrane-
 orum constituit, sed illam quæ jam composita est,
 nempe mixtum ex diversis terris compositum,
 nam licet, omnis terra in genere terra sit, variæ ta-^{N.}
 men qualitates terrarum esse possunt, (mixta mix-^{2.}
 ti) quantitatis, puritatis, aliarumq; affectionum
 Physicarum gradus, unde diversa terrea compo-
 sita oriuntur, quæ tamen omnia in tres classes com-
 modè reducuntur, scilicet juxta trinam originem,
 & tres principales terras de quibus sectione superi-
 ori tertia. Quæ multum de prima terra possidet, gla-^{N.}
 rea, *sabulum*, *arena*, vocantur, in qua secunda terra^{3.}
 dominatur, *lutum*, *linus* (*Ehon / Letten / Laim*) no-
 minatur, in qua verò tertia terra prædominatur,
terra communis hortensis vocari solet ad quas tres
 classes, omnes reperibiles terræ reduci possunt, ^{N.}
 differt autem quælibet classis quoque in se ipsa, ^{4.}
arena enim est varia, aliqua in igne in vitrum,
 alia in calcem mutatur alia immutabilis persistit,
 & semidiaphana ut *Porcellana* quæ quomodo præ-
 paratur & tractetur *Heinrich Neuhoff* in legatio-
 ne ad Sinarum Imperatorem pag. 105. docet. Ubi
 ingentem Turrim ex porcellanâ constructam es-
 se asserit, *lutum* quoque est varium, juxta pingue-
 dinis gradus, album, cæruleum, aliud in igne levi-
 ter fluit, aliud potentissimè resistit, ut terra Passa-
 viensis, non pauca quoque differentia in *terra hor-*
tensi est, salina enim, nitrosa, vel urinosa, steri-

- lis aut fertilis existit, pro fimi naturâ, unde ut plurimum generatur, solent & hæ tres classes invicem misceri, pro variis usibus, figuli limum cum arena miscent, hortulani terram hortensem cum limo, imò ex hac mixtione mirandi effectus prodeunt, ut libro secundo docebimus, capite de Alkali, ubi probabimus, quomodo acida & alcalia in his terris latentia invicem agant, & quæ novæ qualitates inde prodeant, solent etiam terræ distingui, in macras & pingues, in vulgares, medias & nobiles. Ex *vulgaribus* inserviunt Agricolis Marga & Medulla, figulis & fullonibus Argilla, Terra samia, Cretica, Cimolia, Erethria, Chia, Selinusia, *Media* Pictoribus debentur ut Parætonium, Terra melia, Ochra, Cadmia, Rubrica terra pignitis, *Nobiliorum terrarum* apud Medicos in primis usus, ut terra sigillata, Bolus Armenus, nunc singulas quoad externam faciem & differentiam considerabimus. 1. *Marga* terræ quidam adeps & velut glandula in corporibus, densante se in commissuris pinguedinis nucleo. Alba *Leucargillon*: Rufa. *Capnomarga*: sole & gelatione ita solvi facilis, ut tenuissimas bracteas faciat. *Columbina* dicitur pabuli quàm frugum fertilior, *glischromarga*. *Lac Lunæ* in montibus Helvetiis, *Balmæ* quæ putris & *lapis gossypii Indorum*, candida & cautibus saxorum nascens huc spectant. 2. *Medulla saxorum*, si candida, fluida est, vel pinguis: si metallica statim in aëre duratur. 3. *Argilla* nivei coloris *Tasconium* Plinii est: ex quo Catini profundendis metallis: & cui simlie è monte Carolo prope Pisas, effoditur, ex quo vasa, quæ vitrum fusum in fornacibus contineat: sulphur spirans *Majellana*: tenuis, *sigillaria* rubra & ceræ instar flexilis,
- Campi*

Campi Damasceni : glutinosissima *Lusitanica*, crassa, pinguis, & tenax, ex qua *Valpurgensia* vasa rarissima, & quæ liquorem exsudare patiuntur, *Gisellana* : pumicosa & cinerea, *Hispania* prope Massiam opidum : plumbei coloris *Ipsensis*, reluctaturq; ignibus : fabuli modo aspersa *Aretina*, ex qua vas igni injectum vitri instar flectitur. Huc *Porcellanam* refer. 4. terra *Samia* candida & pinguis est : linguæ glutinosa, cujus in Collyriis usus, *Collyrion* seu *Syropicon* vocatur : glebosior & crustacea *aster* quia stellæ iconè signabatur. Ex adoptitiis *Ilvensis* & *Maltensis* s. cretæ varii colores, candidus vulgari : quæ viridis *Theodotia* à Theodoti fundo dicitur, quæ nitorem argenti micis reddit, *Argentaria* : quæ Annuli sigillum ferebat, *sigillaria* & *annularis* : *Leucophaea* apud Fessanos *creta Dei*, quia ea cadavera mortuorum lavantur. *Ferruginea* apud Mauros saponis vice. In Thuringia eruitur *cærulea* Valdenburgi *violacea*. Macra, & sicca, rara & levis, *cretula*. 6. *Cimolia* (Smecti) cujus genera, *Sarda* & *umbrica*, quam *saxum* vocant, crescitq; in macerando, seu illa candida, seu ad purpurissimum inclinans pinguitudo & adstrictio valida. 7. *Erethria*, si æra præducantur violaceum reddit colorem : *Hanoverana* socia pinguis & in modico cæruleo cinerea. 8. *Chia*, quia candidissima pinguis ad instar amyli, ad mulierum cutem usus. *Ecludis*, quia ab iisdem expetebatur, congener *Vincentina* dicta *Fioneto de Scio*. 9. *Selinusia*, lactei coloris, nitri instar splendens, aquâ dilui celerissima : eademq; tectoriorum saltaria interpolantur. *Selinus* Siciliæ opidum nomen dedit. 10. *Paratonium* à portu Ægypti versus Cyrenaicam ita dictum, Theophrasto forte *Phalaris*, aliis *creta lit-*

roralis, spumam maris dicunt, solidatam cum limo, inde conchæ in eo, candidum pinguiſſimumque, & teſtoriiſ tenaciſſimum propter lævorem. II. *Terra Melia* Theophrasto *Melina*, à Melo Inſula, aſpera & aluminofa aliquantulum, Plinio alba, Di-
oſcoridi cinerea, eique Melitenſis tam *naturalis* ad cinereum declinans, quam *aquâ maceratâ*, quæ cro-
ceum colorem induit, & in Paſtillos formatur, æ-
mula. *Ochra* (Sil) lutea & ſubpallida, in plumbi
fodinis maximè reperitur. Optima lutea, friabi-
lis, Attica, hacque prima Mycon pingere inſtituit.
Marmorofa in fodinis eſt. Datur & *fiſtularis*.
Factitia paratur ex rubrica, vel plumbo uſto, & ma-
cerato. Inter *adoptitiaſ* terra Indica fucorum mate-
ria, Tripolitana, Hildeſheimienſis, & Alana cinerea
& pallida. 12. *Terra Cadmia* ſublutea ſi dura, alba
quandoque ſi mollior: effoditur inter Coloniam &
Aquiſgranum. 13. *Rubrica* (*Minij*, terræ *Sinopenſis* à
Patria) glebis ſuis color, extra maculoſus, hac-
que uſi veteres ad ſplendorem. *Ægyptia* maximè
Piſturis ſorbetur *cicerculum* dicta, *preſſior* maximè fu-
ſca S. *Annabergenſis*: prope Thermaſ Caroli, ruſa &
valde pinguiſ. Fit & ex *Ochra* in novis fiſtilibus uſta.
Cambil Perſarum cutem ſi frices penetrans. & *terrâ*
Hebron quam incolæ edunt, & per *Ægyptû* pro ſpe-
cie aromaticâ vendunt, inter congeneres. 14. *Terra*
Pignitiſ, Eretriæ ſimillima pinguiſ, mollis, & gluti-
noſa, deglutientem ſtrangulat, inde nomen, à Pi-
gneo Lybiæ Mareotidiſ vico, malis. 15. *Terra Lemnia*
Plinio *Sigillata*, quia ſignabatur ut rubrica, propter
colorem Abenſinæ *lutum Divinum* ab inventrice.
Græciſ *Sphragé áigos* quia effigie capræ ſignaba-
tur, rubra & roſei aliquando coloris: palle-
ſcenti

scenti pinguedo sebi instar. Quæ sigillo plurium notarum insignitur, & rubescit, *Aromaticam* vocant, Dianæ olim effigi *sacram*: quæ in pastillos redigitur, & in qua albedo rubedini permixta, *maculosam*: quæ fabris inserviebat, *fabrilem*: quæ fullo libus ad pannos extergendas, *fulloniam*. Lignicensis (*axungia lunæ* quia sulphure Lunæ imprægnata creditur) & *unicornu minerale* ab efficacia. Blesensis, Marfica, Pedemontana, Lutea, intus alborubra, Ilvensis, vel candida vel alba, maculis ferrugineis aspersa, vel sublutea, quam maculæ albæ scindunt. Bononiensis ceræ æmula, Herculis Saxoniae, Labacensis sudores vehementer movens, Ebusia, Balearica, & Galata, quæ serpentes necat, inter affines. 16. *Terra Armena* (Bolus Armenus, lutum Armenia-cum) ex monte Armenia, Baganosa, tempore Galeni allata est, ad ochræ colorem tendit, & commanducata butyri instar liquefcit, si optima. Bolus in Italia Matarensis, seu Acheruntius, Romanus, Cassinensis, Meldulensis, Vesulensis, Ilvensis: Alibi, orientalis, Juliacensis, Strigenfis lubricus & bolum Theophrasti colore referens, Toccaviensis, Bæticus, Bohemicus, roseus croceus, & pinguis, Budensis, Wirtenbergicus ex pallido ruber, referri ad eum possunt.

Sectionis sextæ Caput tertium

Secundum Subterraneorum
compositum, nempe varios lapides per genera & species recenset.

G g 5 SYNOPSIS

SYNOPSIS.

- N. 1. *Cur lapides magis compositi dicantur quàm terra.*
 N. 2. *lapides vario modo distingui possunt; physica tamen eorum differentia omnium optima censetur.*
 N. 3. *divisio lapidum communi modo.* N. 4. *lapides incertæ figuræ, Diaphani, aquei.* N. 5. *rubentes* N. 6. *Cerulei.* N. 7. *virides.* N. 8. *flavi.* N. 9. *nigri.* N. 10. *Albi.* N. 11. *varii.* N. 12. *lapides incertæ figuræ, semidiaphani veteribus noti.* N. 13. *minus noti.* N. 14. *lapides opaci minores nobiles.* N. 15. *Albentes.* N. 16. *sui colores.* N. 17. *minus nobiles rubentes.* N. 18. *albescentes.* N. 19. *virides.* N. 20. *diversicolores.* N. 21. *sui coloris.* N. 22. *lapides opaci majores.* N. 23. *lapides certæ figuræ, naturalium simulachra representantes, & quidem corporum cœlestium.* N. 24. *sublunarium.* N. 25. *Avium.* N. 26. *Piscium.* N. 27. *exsangium.* N. 28. *quadrupedum.* N. 29. *hominis.* N. 30. *Artificialium figuras exhibentes.* N. 31. *lapides dubii & figurati.* N. 32. *non figurati, sed colore distincti.* N. 33. *nec figuræ nec coloris noti sunt, qui sufficienter non describuntur.* N. 34. *lapides animalium, aquatiliū.* N. 35. *Quadrupedum.* N. 36. *avium.* N. 37. *reliquorum.* N. 38. *hominis.* N. 39. *plures lapides reperiuntur in orbe, quàm hic recensentur.* N. 40. *multi recensitorum lapidum incogniti sunt, & à paucissimis visi.* N. 41. *authoris propositum quoad practicam lapidum certitudinem.*

TEXTUS.

N. **E**Xposito primo compositorum subterraneorum

rum nempe terrarum genere nunc ad secundum progredimur, nempe ad lapidum mixturam & differentiam, lapides autem magis compositi censentur quàm terræ, quòd ex duobus principiis consistant, interposito aliquo tertio, ut sectione de rerum principiis demonstravimus, deinde, quòd majori vinculo coagulati sint quàm terræ, hinc minus dissolubiles omnibusq; alterationibus magis resistentes, quomodo autem generentur, unde varient, & quibus de causis invicem differant partim in præcedentibus dictum est, partim in sequente ultimâ sectione dicemus, ubi de rerum accidentiis & affectionibus acturi erimus, hoc tantum capite nominalem & specialem lapidum differentiam, quoad externam cognitionem indagabimus, eorum naturam libro secundo sub lapidum anatomia specialiter exponemus, ut verò ad propositum veniamus, sciendum est differentiam vario modo sumi, id est lapides vario modo in sua differentia considerari posse & dividi, quatenus vel in calcem vel in vitrum mutantur vel candefacti in igne persistunt, vel corrumpuntur, vel in aquâ extincti, franguntur aut illæsi manent, ratione duritiei, Coloris Diaphaneitatis, figuræ, ponderis, ortus, & juxta multas alias Physicas affectiones, de quibus libro secundo. Nos hoc capite nobilissimum & clarissimum ac nostri temporis præcipuum Naturæ Indagatorem non Polygraphum modo, sed & multifcium virum *D. Jonstonum* sequemur, cujus pace quædam pro hoc capite, ex ejus notitia minerali de lapidum differentia extrahemus, quod ipse quidem vir ut audio humanissimus non ægrè feret, qui ingenuè fatebi-

fatebitur, se quoq; præcipua ex *Boëtio de Boot* aliisq; sumpſisse, idem ergò jus in se permittet quod in alios sumſit, cùm idem jus in nostra quoq; scripta permit-
tamus, si quæ sint, quæ circa subterranea lucem af-
ferre queant, cùm non nobis sed publico bono stu-
deamus & prodesse velimus, ut ergò ad propoſi-
tum veniamus, Quosdam lapides incertæ alios cer-
tæ figuræ constituit præfatus author, quosdam facit
dubios, his adjungit, qui lapidibus adnumerari so-
lent, nempe lapides animales: sub incerta figura
complectitur *Diaphanos*, *Semidiaphanos* & *opacos*
lapides, inter *Diaphanos* recenset, *aqueos*, ut *Ada-*
mas, & *Cryſtallus*, *Rubentes* ut *rubinus*, *granatus*,
Hyacinthus, *Sardonix*, *carbunculus*. *Ceruleos*, ut
Sapphyrus, *Amethistus*, *Hyacinthus* *Plinii*, *virides*
ut *Smaragdus*, *Beryllus*, *Topacius* *veterum*, *Flavos*
ut *Chrysolithus* *veterum*, *Topacius* *recentiorum* &
Xanthium, *Nigros* ut *pramnium*, *Albos* ut *lapis* *Bo-*
noniensis. *Varios*, ut *opalus*, *Pæderos*, *lapis* *Nova-*
cularum, *Bezoar* *minerale*, *fluores* *varii*. Inter *Se-*
midiaphanos ponit, *duplices*, alios *veteribus* *no-*
tos, alios *incognitos*, *inter notos* recenset *Sardium*,
Chalcedonium, *Onychem*, *Achatem*, *Jaspidem*, &
Heliotropium, *minus notis* adſcribit lapidem *Neph-*
riticum, lapidem *colicum*, *coccum* *Paragvayanor-*
um, lapidem *grandinis* *Wormii*. *Opacos lapides* *dis-*
ttinguit in *minores* & *maiores*, inter illos *nobiliores*,
inter hos *plebeos* *variorum* *generum* vel *minus* *no-*
biles recenset, *Ex nobilibus virides* sunt *Molochites*,
Callais, *Turcois*. *Cerulei* *Sapphyrus* *Plinii*, *Cyanus*
lapis-Lazuli, *lapis armenus*; *lapis* *Lipis*, *Albent* *A-*
mianthus, *Bufonites* *mineralis* & *Callaimus*, *sui colo-*
ris sunt, *lapis sanguinalis*, *Manualis*, *Hystericus*, *Itz-*
lihai-

lihuilotli *Mistecensium*, Tolteca-Itzli, Garatronius, ovum anguinum Plinii, Gesneri, lapis anguium Bohemorum, *Ætites* & oculus mundi. Ex *minus nobilibus quidam rubent*, ut *Hæmatites*, schistos, lapis Minij, Ammochrysos, *Albescent* alii ut lapis Samius, Galaicos, specularis, Porus seu Tophus, Ilvensis, Phrygius, Ageratus, Arabicus, Galaxia, Galactites, spongiæ, sulphuris, sabuli, Aldenburgenfis, corallium album fossilile, *virides* sunt Morochtus, *ferruginei coloris* Smiris & Magores, *varii coloris* lapis Gypsi & Memphites, *sui coloris* Talcum, pumex, Hydroolithus, Spromus, Sarcophagus, Melitites. Nunc expositis lapidibus opacis minoribus, nobilibus & ignobilibus *opacos majores* author citatus aggreditur, quos in marmor, saxum, silicem, & cotem reducit, tandem ad lapides *certain figuræ* progreditur, quorum aliquos naturalium, alios artificialium simulachra repræsentare asserit, ex naturalibus figuris quædam sunt sublunarium, nonnullæ plantas, partes animalium, hominisq; ipsius præ se ferunt, *Cælestium ostentatores sunt*, Astroites, vera, Plinij, Ceraunia, selenites Plinij, Dioscoridis, Astrios, lapis Hildesheimensis, Tephrites, *sublunarium* specie sunt, Stalactites, Stalagmites, Sardonyx Indica, lapis Caymanum, *plantas repræsentant* corallum, lapis Judaicus, Fungites Wormij, Nuciformis, Syringites, Indicus Wormij, cenchrites, *Animalium partes* Hieracites, Geranites, perdicites, *Ætites*, Peristerites. *Piscium partes*, lepidotes, Rhombites, Astrobolus, Ammonites, pisolithos, cenchrites, meconites. *Exanguinum partes exhibent* ostracites, ceramites, cheramites, Porphyroides, conchites, lapis megaricus, Ctenites, Myites, Strombus, Onychites, Cancrinites, Scolopendri-

pendrites: *Quadrupedum membra præsentant*, oculus cati, Beli, Lycophtalmos, Triophtalmos, Glosopetra, lapis Renalis, Ceratites, crucifer, cornu Ammonis, Ossifragus, Enorchis, Geodes, Cheilonites, Biocardia, Buglossus, Ophiomorphites, *ad hominis partes accedunt*, onyx, umbilicus veneris, Hysterolithus, Diphyes, Ideæ, dactyli, variolatus, Glossoeides. Hactenus de lapidibus naturalium figuras præsentantibus, nunc illos considerabimus, qui *artificiales* figuras imitantur, quorum alij sunt rotundi, hæmisphærici Cylindriformes, Cuneiformes, rotæ, sagittæ, patinæ, panis, baculi, clavis, pilei, clavi ideam exhibentes; hætenus de lapidibus incertæ, & certæ figuræ nunc citatus author quosdam *dubios* recenset quorum triplicem divisionem constituit, alii enim speciem & figuram aliarum rerum gerunt, quidam nullam, nonnulli sufficienter non describuntur, Ex *Figuratis* sunt Amphitane, Balanites, Phænicites, altizoe, Chalazias, Crocallis, Cyanea, Encardia, Eumeces, Gemites, Libanochros, Nympharena, Phloginos, Phycites, Pronteia, Cyssites, Inocissites, Narcissites, Daphnios, Botrichites, Nebrites, Botryites, Steatites, Myrmecias, Lyren, circos, Androdamas, *non figurati colore distinguuntur*, & *quidem candidi*, ut Sallius, Cimilianthus, solis gemma, Lyfimachus, Capites, Erystalis, Cynedia, Corsoites Antipathos, Emities, *Cineri* ut Galaricides, Syfinus, Thelerrhizos, Acopis, *Pallidi*, ut Diadochus, Chrysolampis, *Ex albo rufi* ut Aphrodisiaca, *coloris pellis Leonina*, ut Agapis: *argentei* ut Argyrites: *Crystallini* ut Kakabre: *vitri* ut Lignites, Zingnites: *vini colore* ut orphanus opali species

species, his Etindros & Cambaites annumerantur : *Nigri* sunt planè Antipathos, Sagda, Horcus, Cate-
mia, Opicardelos Mesomela, Chalcophonos, *subni-*
gri ut Galachites, Eurotias : *ferrei* ut Machæra, As-
bestos ; *Luridi* ut iæterias : *fumidi* ut capnites ; *Ex*
albo nigri ut Ægyptilla & lince , *nigri cum venis ru-*
bentibus ut Dionysius : *cum venis aurei coloris* ut Me-
dea, *cum venis rubentibus* ut Aspidios : *cum rubris vir-*
gulis ut Absynthus, cum sanguineis & albis nodis ut
Baroptis : *cum candidis & sanguineis frondibus* ut
Borficites, *cum limite albo* ut Vejentana : *In candi-*
do aut Cyaneo discurrentes è medio fulminis radii ut
Astrapia : *virides* ut Limoniaces, Chrysopterus ,
Chalcosmaragdus, Polytrix, Cholo, Dotro, *Porra-*
cei ut Eumetres, Sagda : *Herbacei*, ut Chlorites Chry-
sophrafus, *ex virore Pallescentes* ut Gallerica, *virides*
& aurei ut Horminodes, *cum fulgore aureo*, ut Choas-
pides, *cerulei*, ut Cælicolor, *Violacei* ut Jon, Procon-
nesus : *Rubri* ut Epistites, Gaditane, Yettus : *San-*
guineis nigris venis, ut Nasomonites, *æëris colore* ut
Ottonna & chalaïtes : *Ignis colore* ut hormesion, a-
spilates, *Electri colore*, ut Zanthene, Myrites & A-
romatites, *croci colore* : Crocias, Syrtites, *Minii colo-*
re : ut corallis : *auri* ut Filatericus : *fulvi* ut Perithe :
E fulvo candicantes ut Xanthos : *Mellei* ut Mel-
lichrotus : *Ceræ similis* ut Cerites : *Multi colores* ut
Hexacontalithus : *Pellis Pantheræ colore* ut Kamam,
Drosolithus, Eupetalos &c. Tandem veniunt, qui nec
figuræ nec coloris noti sunt , & qui sufficienter non de-
scribuntur ut Ananchitis, Synochites, Baptes &c.
Totum animales lapides concludunt, qui partim ex
aquatilibus avibus, quadrupedibus, partim ex ipso
homine desumuntur. Aqualibus debentur Marga-
ritæ

ritæ, lapis tuberonum, Manati, auratæ, corvuli, corvinus, umbræ, Dentalis, Percæ, Carpiionum, Synodontides, oculi cancri. *Ex quadrupedibus*, extrahuntur Bezoar, Batrachites, lapis porcinus, Malacensis, Bulgolda, fellis, asini sylvestris, ursinus, Castoris, cervorum, *Ex avibus* habetur Aleëtorius, Chelidonium, lapis Palumbularum, *Ex reliquis* depromuntur Dracontias, limacites, lapis cenar, *in hominis variis membris* calculi generantur. Tantum de generali lapidum differentia, nunc singulos nominetenus, in specie considerabimus. 1. *Adamant* non nisi in auro nasci videbatur, biennio perfectus, Indicus CrySTALLI quadam cognatione, sexangulo lævore turbinatur in mucronem: duritia credita inenarrabilis, simulq; ignium victrix natura, & nunquam incalescens. Milij magnitudine *cenchros* est, ferri splendore, *Sideritis* maltes pondere ante cæteros, in æreum colorem vergit *Cyprius*. 2. *CrySTALLo* quæ in glaciem congelatæ æmulatio, corpus mollißimum, & ita in sexangulo absolutus laterum lævor, ut arte æquari non possit. Puri & sine vitio *acentela*: pellucidi *montani*: obscuriores & qui colores fronti applicati reddunt, *Irides*: duriores *pseudo adamantes* dicuntur, prædurum fragileq; centrum quibusdam. 3. *Rubinus* ex rosei coloris matrîce candicans primum, mox ubi maturuit, rubescens, cum exigua cærulei portiunculâ prodit. *Ballassius* seu *Pallacius* mater rubini est, Cermesino sed admodum diluto tinctâ. *Spinellus* magis rubet. *Rubanorum* seu *Rubicellorum* extremus igniculus plerumq; flavescit, corpus contra ignem non satis obfirmatum. 4. *Granato* ex flavedine ignis instar Minij rubor, si hujus nimium, *Soriana* dicitur si flavedinis *Hyacinthi* spe-

species: Si Martiolæ Violæ colore interpungitur, *Rubino de la Roccha*, Carbunculus fortè Amethystizon. Saturo rubore tinguntur *Bohemici*, & nisi excaventur, nigrescunt. *Almandini* *Alabandici*, sunt carbunculi: *Amandini* *Troëzenij*. 5. *Hyacinthus*, recentiorum nempè, sanguinis admodum biliosi colorem refert, qui optimus, rubedine croci flavescit, vilior: succini flavi, vilissimus, quia nec translucet. 6. *Sardonyx*, si Indicus candore in Sardaintelligitur: hoc est veluti carnibus ungue hominis imposito & utroq; translucido. Sardæ superficies onychis radix, vel vice versa. Cæcæ, quæ non translucent. *Arabico* radix nigra, aut Cæruleum imitans, unguis minium incretum candido pingui, nec sine quadam spe Purpuræ in minium trans-eunte. 7. *Carbunculus* (anthrax, pyropus) similitudine ignium & in tenebris lucet liquidioris flammæ masculi: languidioris fœminæ, universumq; fulgorem extra se fundunt. *Amethystizonton* extremus igniculus in Amethysti violam exit. *Sirtita* pinna-to fulgore radiant. *Indici* retorrido, & si qui ex his lividius, *Lithizontes* dicuntur. *Carchedonii* nigrioris aspectus, inclinatione acrius excitantur. Ex cognatis *Anthracites* candida vena præcincta in igne inter mortua extinguitur, aquis perfusa exardescit. *Sandaistro*, aureæ intus guttæ stellantes *Hya-das* & numero & positione imitantur. *Sandaresos* seu *Sandasar* & *Sandaseros* superiore vilior. *Lych-nitis* carbunculus remissior, eiq; præcipua lucernarum accensarum gratia. *Ionis* quædam radiat N. purpura, altera cocco. 8. *Sapphirus* (*Thalassites*)⁶. recentiorum intellige, vel saturè admodum Cyanæus est vel dilutè & *Hydarésteros*, Albicantes & la-

ctei coloris cui aliquid cærulei admixtum , dege-
 neres, detrahitur & igne color. 9. *Amethystus* vio-
 laceo perlucet, ita ut *Indica* absolutum felicitis pur-
 puræ habeat, fundatq; aspectu leniter blandum, al-
 tera descendat ad hyacinthos, Indis *Sacodion*; ter-
 tia dilutior, *Sapinos*, quæ & *Paranites*: quarta vini
 colore: quinta ad viciniam Cryſtalli descendit, al-
 bicante purpura in deſectu. *Præderotæ* quibusdam,
Anterotæ aliis, & *veneris Gemma*. 10. *Hyacintho*
 Plinij, dilutus est amethysti fulgor, primo quoq;
 aspectu gratus, evanescit, antequam satiet, adeo-
 que non implet oculos, ut pene non attingat,
 marcescens citius nominis sui flore. *Thalassites*
 flucti-color est. *Rhodenos* rosas imitatur *natibos*
 inter roseum & dilutiorem ludit, *hydarésteros* qui
 & *chaunnaios perileukos* magis ad albedinem vergit.

N. II. *Smaragdo*, qui & *Prasinus*, *Neronianus*, *Domiti-*
 7. *tianus* nihil omninò viridiùs ulli comparatum vi-
 ret, longinquo amplificatur visu, inficiens circa
 se repercussum aërem, semperq; sensim ruiat ob
 crassitudinem sui facilitate translucidâ. Nulli
 major austeritas quàm *Scythico* colorem expellit &
 aciem recipit, *Cypricus*, glaucus aliquando. *Her-*
minei pinguius extumescunt. *Persici* radiant nec
 perspiciuntur. *Attici* è longinquo speciosiores.
Medici fluctuosi & rerum imagines complexi.
Carchedonis seu *chalcedonii* colore incerti venosi,
 & *Squamosi*, Est & *cholos* dictus vel potius *chlo-*
ros, *Chalcosmaragdus*, æreis venis turbida, & *Pseu-*
dosmaragdus è qua pila. Qui albis venis circum-
 ligatur *Galactites* dicitur. 12. *Berylli* viriditatem
 puri maris imitantur, & ni color surdus reper-
 cussu angulorum excitetur, hebescent, pallidio-
 res

res exeunte in aureum fulgore, *Chrysoberylli* sunt, pallidiores magis & forte sui generis, *Chrysoprassi*, quos excipiunt *Hyacinthizantes*, aëreides, *Cerini*, *Oleaginei* & *CrySTALLIS* similes. 13. *Topacio veterum* olei recentis viror, aureo fulgore retinens, ipsa amplissima gemmarum & sola nobilium limam sentit, usuq; atteritur. *Prasocidis* tota similitudo ad succum porri dirigitur. *Chysoptero* egreditur fulgor in similem auro colorem. 14. *Chrysolithus veterum* in colla-
 N. tione aurum albicare quadam argenti facie cogit, In 8. colorem electri se inclinat *Chryselectro* interveniente candida vena. *Leucochrysos*, translucente veluti per aurum sincero melle *Mellichrysos*. Est & *Capnias*, & qui vitreis similis, veluti croco refulget. In *Arabicis* interpellatur fulgor macularum nubilo. 15. *Topacius recentiorum*, si *orientalis*, auri purissimi instar rutilat, solo adamante minus durior, si *orientalis*, cum auro parum nigricat, *Crystallo* mollior. 16. *Xanthum* seu
 N. *Xantha* plebeia gemma è luteo pallescens. 17. *Nigra* 9. *gemma est Morion Indica*, quæ vocatur *Pramnium* & quidem *Alexandrinum* si in ea miscetur, & carbun-
 N. culi color: *Sardium*, si *Sardæ*. 18. *Albus seu candi-* 10. *us est lapis Bononiensis seu litheosphorus*, *CrySTALLINA* propemodum perspicuitate, pondere plumbi, & cui intus à centro radiorum instar undique albæ striæ ad circumstantiam in stellæ effigiem, calcinatus & Soli vel flammæ expositus, lucem si-
 N. ne calore recipit, visuique in tenebris refert. 11. 19. *Opalo* inest Carbunculi tenuior ignis, *A-methysti* fulgens purpurâ, *Smaragdi* virens mare, & cuncta pariter incredibili mistura lucen-
 tia. Qui lucem stellæ intus velut exspaciantem includit *Astroites* est: qui oculis piscium similis

parumq; cærulei lactis instar ostentat *Pseudopalus*. 20. *Pæderos* (Indi *Sangenon* & *Argenon* vocant) oculi gratiam imitatur, sed mollius, raro non scaber. Summa coloris ex aëre & purpurâ viriditas Smaragdi deest. 21. *lapides Novacularum* (Ihli) cæruleo albo & nigro superbit, & rerum reddit imagines, tam translucidus. 22. *Bezoar* minerale (pietra d'aventura) 23. *Fluores* gemmis similes sed cedente duritie rubri, ex diluto purpurei, cærulei, lutei, cineracei, subnigri, igne metallico liquefcunt. 24. *Sardius* (*Sarda Carneolus*) in saxi aliquando corde hæret, loturæ carnis obscura nubecula offusæ similis. *Mares* excitatiùs fulgent; *fœminæ* pinguiore & crassiùs nitent. *Ruber Indicus* à magnitudine *Difemos* vocatur, Non tenet partem ceræ in signo. *Polia* quæ canitiem quandam Sardio inducit, & *Sparðopolios* quæ eandem rariorem nigro inter affines. 25. *Chalcedonius* ex albo ad cæruleum dilutum vergit, ut verè hebeti pallore refulgeat, si optima: lacteis Zonis distinguitur, vel fumosa integitur nubecula, si *deterior*. 26. *Onyx* olim quæ plurimas variasq; cum lacteis Zonis habet venas, omnium in transitu colore inenarrabili, & in unum redeunte concentum suavitate gratâ: nunc quæ variorum colorum Zonas distinctè sibi superimpositas, cum unguis humani in substrato nitore ostendit. Dum Zona alba imagine scalpitur, aut nigra substernitur *Memphites* & *Camœhuia* audit. 27. *Achates* numerosa linearum & macularum insignitur varietate, quæ nemora, flumina, arbores, homines adeoq; ipsos ostentant. Qui velut arbuscula insignis est, *Dendrachates*, qui guttis aureis distinguitur, *Coralloachates*, qui pellem leoninam, *Leoninus* vocatur, sunt & *Phasacharis*, *Ceracha-*

cerachatis, *Sardachatis*, *Hemachatis*, & *Leucachatis* nomina. 28. *Jassidi* eadem colorum varietas, sed minor, cum pulverulenta scabritie durities, nec ita perpoliri exactè potest. Transversâ lineâ albâ præcincta *Grammatias* est, pluribus *Polygrammos*. Nubem complexa & nives imitata *Onychipuncta* & *Jasponix* fumo veluti infecta, *capnias*: Colori etiam & figuræ nomina sua debet *Therebinthusa*, *Aerinsa*, & *crucifera*. 29. *Heliotropius* in porraceo obscuro corpore puncta sanguineâ gerit. 30. *Lapis nephriticus* verè Smaragdus N. obscurior, sed qui candidis aliquando punctulis^{13.} variat, oleo semper velut inuncta superficie. 31. *lapis colicus* sine ullis punctis viridis, colicæ saliva aspersus, & umbilico impositus remedium. 32. *Coccus Paraguayarum* (venter *ChrySTALLINUS*. *Ætites* gemmata) crassi farciminis specie, extra ex rubro impuro & albo mistus, expolitus ejusdem cum optimo chalcedonio coloris & in meditullo vacuus. Sponte rumpitur vacuus, & ingentem crepitum edit. 33. *Lapis grandinis* Wormij, cum tonitru, fulmine, & insolitæ magnitudinis grandine decidit, coloris nivei cretæ similis, sed durior, crustâ vitreâ armatus. 34. *Molochites* & *Callais* N. (*Callaica* seu *Callaina*) ex quibus ille malvæ instar^{14.} recentis viridis spissius viret, si *bonus*: in deteriore vel albæ intercurrunt venæ, cum nigris aliquando maculis vel cæruleus distinctè intermiscetur color: *Iste* è viridi pallet, Smaragdi proximus, & in rupibus inviis gelidisq; oculi figura extuberat, leviterque adhæret, nec ut agnata petris sed ut apposita. 35. *Turcoidi* (*Turchesia*, *Turquesia*, *Turcosa*, *Turchina* eadem quibusdam Plinij *Bo-*

reas, Collais, Jaspis arizusa) æruginis color sed qui in orientali ad cæruleum potius quam viridem tendit: in occidentali aut plus albicat aut magis virescit, servat colorem de rupe veteri, amittit de novâ. 36. Sapphirus quidem rarò cum purpura & aureis punctis collucet, nunquam tamen pellucida, sculpturæ inutilis mas intervenientibus CrySTALLINIS centris. Oriniscus aureis punctis sparsus est chrysópastos. 37. Cyano aureus pulvis aliquando inest. 38. Lapidis Lazuli aurea punctula & flammulæ, ex oriente contra flammam contumax: cedit occidentalis & in pulverem resolvitur. 39. Lapidis Armeno cærulea in viridi tincturâ, venæ aureæ nullæ, nec ulla flammarum patientia. Ætate in viridem degenerat. 40. Lapidis Lipis intermicantes quasi argenteæ micæ, sapor mordax. 41. Amianus (lapis Carystius, Asbestinus, Bostrichites, Corfoides, Iscultos) alumini similis, fibrosus, mollis & candidus & subviridis, nihil igne deperdit, efflorescit, dum teritur in plumas, aptaturque in fila, qui politi eboris instar nitet. Entalium & Amentum dulce vocatur. 42. Bufonites mineralis colore est mespili, cinereo albescent, figura aliquando oculi in medio, aliquando albus, vel niger subtilissimus circulus. Saxo alto ad littora & scopulos, à mari flagellatos innascitur. 43. Callaimo pars CrySTALLI instar pellucida, pars nebulosa ut Sardæ, locus aliquando in gæode grandi, nec non mirandæ imagines. 44. Lapis sanguinalis maculis sanguineis distinguitur. 45. Manualis, rimas manuum, & pedum sanat. 46. Hystericus niger, ponderosus, majore ex parte teres & rotundus, uteri umbilico impositus solatium. 47. Izlihuilotli Mistecensium nigerrimus, politus ornamentum.

tum. 48. *Tolteca-Izli*, punctis nigris & rubris variegatur. 49. *Garatronio* figuræ ductibus Arabicis similes, coloris aurei in plano purpureo. 50. *Ovum anguinum* Plinij in magna Galliarum fama, Græcis omissum, mali orbicularis modici magnitudine crusta cartilaginis velut acetabulis brachiorum polypi crebris, insigne Druidis. Angues innumeri æstate convoluti, salivis faucium corporumq; spumis artifice complexu glomerantur. Ovum forte testudinis in lapidem duratum. 51. *Ovo anguino Gesneri* forma lenticularis vel hæmisphærica, colore fusco albicans, intus candidus, crusta extus silicea, & à basi plana, elatæ veluti serpentum & lacertarum caudæ. 52. *Lapis anguinum Bohemorum* vitrum est, ideo eo in ducendis filis ad verticillos mulieres utuntur. 53. *Ætites* in nidis aquilarum reperiri dicitur, magnaque, ex argumento promovendi vel retinendi partum fama. Qui ex oriente Callimo gravidus est: Cineres fœminei sexûs argillâ, vel margâ, scaber uterque. *Taphiusio* candor & rotunda facies. Saxonico cellulæ in superficie. 54. *Oculus mundi* pisi est magnitudine, eboris colore, aquæ injectus limpidæ, statim ab ora ad centrum, mox totus translucet & splendet: extractus sensim lumen amittit. 55. *Hamatites* sanguine est obscurior, ac si ferri scobes Minio nativo misceretur. Niger & pondere insignis. *Androdamas* est, redditque succum sanguineum: utilis ambustis *Elatites* quamdiu crudus, coctus, Miltites dicitur. *Vstus* minij colorem imitatur. 56. *Schiston* venæ rubentes discernunt, ex laminisque perspicuis componitur. Nigricat equidem. sed commendatior crôco similis,

peculiaris namq; splendet. 57. *lapis minij* seu *Cinnabaris* ex purpura ad ruborem declinat, insigniter gravis, argenti vivi holpes. *Syncero* cocci nitor: *secundarij* splendor uliginem in parietibus sentit. *Ephesinum Kinnabari*, Cilbianis agris curatio magni operis erat. *Hispanicum* solum vetustissimis cognitum. 58. *Ammochryso* seu *Aureniq* minii nativi color, flavesceus interdum substantia arenosa & quæ aureo pulvere conspergitur. 59. *Lapis Samius* candidior & durior est: nigricans *ebur fussile* & *exhebenus* dicitur. 60. *Galaicos Plinij* fortè & affinis, *Argyrodamanti* similis sed sordidior. 61. *Specularis* Crystalli instar pellucidus, flexilis, & in bracteas tenuissimas scindi promptissimus, facile in gypsum excoquitur. 62. *Porus* seu *Tophus* (*chermites*) colore & duritie aliquando pario marmori par, scaber & asper, qui facile in arenam resolvitur. Est & mollis, niger, veber. 63. *lapis Ilvensis* Plinij forte *Acapis*, nitro similis, pumicosus, & aureis guttis stellatus. 64. *Phrygius* gleba pumicosa, pallefcens & lineis albis distincta optima, ignotus hodie. 65. *Ageratus* huic non dissimilis, coriariis in usu. 66. *Arabicus* (*Arabus, Arabius*) ebori maculoso simillimus & hoc videtur nisi duritia abnueret. 67. *Galaxia* ex Nilo colore lactis, trita lactis succo & sapore notabilis, *Lentogea* & *Smectis*. 68. *Galactites* cinereus sed lacteum dulcemq; succum emittit. 69: *Spongia* seu *spongites* quibusdam *Terolithus* in spongiis invenitur, candidus, friabilis, & qui in similem succum resolvitur. 70. *in lapide sulphuris* particulæ quædam aureo colore radiant, inter ardens sulphureas scintillas ejaculatur. 71. *Sabuli* subcinereus plerumq; candidissimus aliquando & facile

cile ferro in tenuissimum pulverem teritur. 72. *Al-
denbergius* violam halat, sive is extra albicet, intra
cinereus, sive rubescat. 73. *Corallium album fossile*
aliquando est *ramosum* & variè protuberans: ali-
quando *geniculatum*, superficie ramosa, aliquando N.
rudius & informe. 74. *Morochtus* (*morochtus*, *Mo-* 19.
rechtis levkographis) qui porraceus lacte sudat & ni-
tet, & *Thyites* (*Thoites*) Jaspidis similitudine subvi-
ridis, qui mordacem succum fundit. 75. *Smyris* &
Magores, quorum ille duritie ad gemmas sculpendas
factus est, hic ex ferrugineo in cæruleum tendit, or-
bis miraculum, attractione, verticitate, inclinatio-
ne & variatione nobili. Trahitur à magnete ferrum
& patitur mores, domitrixque illa rerum omnium
materia, ad inane nescio quid currit: atq; ut pro-
pius venit, assistit, teneturq; & complexu hæret.
Est & *niger* & *candidus*, albus & lineis nigris inscri-
ptus *Calamita alba*. Ferrum rejiciens, *Theamedes*: N.
aurum *Pantarbas* dicitur. 76. *Lapis Gypsi* & *Mem-* 20.
phites. Ex eo si uratur calx fit, unde gypsum. Iste
pinguis calculorum magnitudine, illitusq; stupefa- N.
cit membra. 77. *Talcum* (*stella terra*, *Arg yrodamas*, 21.
Selenitis Dioscoridis) stellarum instar argenteoq; ni-
tore splendet, ex tenuissimis laminis componitur,
in igne perenne. 78. *Pumex* (*lapis Scyrus*, & *Thyrre-*
nus Vulcani, de *Barca*, *Rupex*, *Sperator*) liquefactorum
& adustorum lapidum sæx & spuma, fistulis refer-
tus & aquæ innatans. 79. *Hydrolithus* in speluncis
ex succo vel in canalibus ex sedimento concre-
scere solet. 80. *Lapis Spromus* colore primùm subfla-
vo, post leucophæo spongiosus aquam imbibit,
quæ deinde guttatim expressa quasi destillat. 81.
Sarcophagus seu *Affius*, fissili vena scinditur, corpora

defunctorum in eo absumi constat, intra quadragessimum diem, exceptis dentibus. 82. *Melittites* colore mellis, succum dulcem remittit usus. 83. *Marmor* purior materia, durissimum idem, & splendorem si poliatur recipit, recrefcit in fodinis erutum, molliusq; morâ temporis induratur. Si *granulatum* seu scabiosum est, & filicis instar diffilit dum sculpitur. Durities clavo similis *centrum* vocatur. Hinc & *scobs centrosa*. Fulget *Parium*, quod & *Lychnites* splendore radiat, & si translucet, *Plinii Phengites* est, quod interdum venis flavescit. *Coralliticum* mensura non ultra bina cubita, candore proximum ebori, & quadam similitudine. *Alabastrites* seu *Alabastrum* paulò aliis mollius & primum marmoris rudimentum. Maximè mellei coloris in vertice maculosi atq; non translucidi probatur. *Augusteum* quodammodo in vertice undatim crispatur. *Tiberinum* sparsum convolutâ canitie. *Basalies* seu *Basanites* ferrei coloris, atq; duritiæ. *Obsidianus lapis* translucet aliquando crassiore visu atq; in speculis parietum pro imagine umbras reddit. *Lapis Lydius* (*Basanus*, *Chrysis*, *Cotricula*) ferrei coloris interdum rufus, auri & argenti explorator. Qui hominis halitu protinus sudat, nubemq; discutit, *optimus*. *Porpyrites* rubrum est: candidis intervenientibus punctis seu furfuribus, *Leucostictos*, vel potius *Leptosephos* punctis nigris si inquinetur, *Hyenites* vel *Stygmites* & *Psaeronium*, si aureis guttis aspergitur, *Thebaicum* si aspectu ad purpuram magis declinat, *Alabandicum* viride pretiosissimi generis cunctisq; hilarius, *Lacedæmonium* serpentium maculis simile. *Ophites*: cinereo colore maculatur. *Tephrias*: Ovorum speciem maculis exhibet *ovatum*: formam pediculorum mentitur

tur *Pediculatum* : vario colore tingitur *Maculosum*. Invenies aliquando canis, felis, avium, piscium, hominis, Eremitæ, Monachi, imò crucifixi, Deiparæ, urbium & literarum effigiem. 84. *Saxum* sola impuriore materia à marmore discedit, sæpeq; in eo conchæ & filices : prominentia *crepidines*, vocant. *Arenarium* ex crassioribus & tenuissimis arenis componitur. *Crustosum* seu *scissile* (forte olim *Spinus*) in crustas finditur stratis & tectis utiles. *Limosum* futuri Saxi initium, facilè in limum resolvitur. *Tophaceum* intra terram aliquando ita molle, ut ferra secari possit. *Calcarium* excoctum, calcem pro cemento suggerit. *Molare* ex parvis filicibus & arena subtiliore constat. *Comense* (*lapis comensis*, *lapis lebetum*, *lapis colubrinus*) spongiosus, viridis & candidantibus maculis respersus, quæ argenteis micis radiant, ex quo vascula tantæ tenuitatis, ut pene ductilia sint, tornantur. *Pholadis* colore Leucophæo, asperum, Cavernosum sed non pervium, *pholádion*, *pholetyrion*. Balani, intensè cinereum, lævigatum, nullo foraminis extra vestigio intus balanis repletum. Minus lapis est propriè dictus impuriore materiae, scaber, porosus & omnis coloris capax. *Molles* ex his in totum ad ædificia inutiles, mortalitate mollitiei. Exercentur halitu maris, fricantur vento, verberantur imbribus. Si qui in opere tractabiles laborem sub tecto tolerant. *Tiburtini* ad reliqua fortes, vapore diffiliunt. *Fluiatiles* semper veluti madent. *Globosi* contra injuriam fortes, sed ad structuram in fideles nisi multâ suffrenatione devincti. *Fungifer* crusta crassa tepidè irroratâ quarto die fungos fundit. 85. *Silex* durissimum saxi genus, & quod calcem non bibit, variisq; sed obscuris à natura

natura coloribus tingitur, vitrorum & factitiorum
 lyridum materia, si translucidum & album, ple-
 rumq; liquabile. *Pyrimachus*: si durum, silentem
 intra se ignis laticem fovet, *Pyrites*: si nigricat, cum
 fasciis argenteum lævorem exprimentibus, *Argy-
 romelanos* appellatur. 86. *Cos* ex lapidibus etiam
 operariis nigra, alba, viridis, rubescens, lutea, va-
 riegata, inter *aquarias*, quæ & *rotaria* & *gyratiles* laus
 olim Naxiæ præcipua. Trahentes repertæ & in
 Italia aquæ aciem acerrimo affectu, nec non quas
 passernices vocant. *Laconia* olei indigæ, *Flaminita-
 na* saliva hominum proficiunt, & quia in tonstrinis
 humectantur, *Salivarias dices*. Oleariis quæ & *olea-
 ria crotica*, *scalptores*: scalptra & cœla exterunt. *O-
 cularibus* Collyria affricantur. 87. *Asterias* seu *A-
 stroites*, qui stellas exactè refert, aliquando rosas,
 N. vermium & caudarum Gyros sæpè confusè macu-
 23. las. 88. In *asteria vera* seu *stellari lapide* ita eadem
 supra ponuntur ut separari ab invicem possunt.
 Eminent radii suis angulis, in medio cavitas, mar-
 gines striis transversis fulcantur. 89. *Asteria Plinii*
 candicantium proxima, inclusam lucem pupillæ
 modo continet, ac transfundit cum inclinatione,
 velut intus ambulante ex alio atq; alio loco red-
 dens. 90. *Ceraunia* inter candidas fulgorem fide-
 rum rapit, concursantemq; intus stellam habet.
 91. *Selenites Plinii* ex candido translucet, imaginem
 lunæ continet, redditq; enim in dies singulos cre-
 scentis minutisq; numeris. 92. *Selenites Dioscoridis*
 (*kuphólitos*, *Aphroselenus*, nonnullis *Talcum*) albus,
 inanis & lævis, per lunæ augmenta plenior, & soli-
 dior invenitur. 93. *Astrios* Crytallo propinquus,
 intus à centro lucet, lunæ plenæ fulgore. 94. *Lapis*
 Hildes-

Hildesheimensis novæ lunæ in cornua curvatæ speciem gerit, aurei coloris armaturâ tectus, striatus quandoq;. 95. *Tephrites* seu *Menois*, lunæ crescentis & corniculatæ est forma. 96. *Stalactites*, aquæ N. ex alto decidentis progenies, styriis similis, in py-²⁴ramidem desinens, albus pellucidus. 97. *Stalagmites*, qui è guttis rotundis in terra densa coagmentatur, pisorum vel coriandri magnitudine, sæpè in unâ massa plurimi, favis quasi includuntur. 98. *Sardonyci* Indicæ cereum aut cornuum substratum, circuli albi, & quædam cælestis arcûs æmulatio, superficies locustarum, maris crustis rubentior. 99. *Lapis Caymanum* calculorum fluviatilium æmulus, quartanæ averruncus, in crocodilorum ventriculo reperitur. 100. *Corallum* (*Lithodeudron*, *Dendritis*, *Gorgonius*) cui fruticis effigies, hominis sæpè longitudo, color antequam lapidescat, varius, lignum prima materia. *Pseudo-corallo verrucario* superficies lineis inscripta verrucæ frequentes, quæ vesiculas habent. 101. *Lapis Judæicus*, (*Syriacus*, *Ætio*, *Phenicites*, *Pyrene*, *Thecolithos*, *Eurhæus*, *Cisteolithos*) olivæ est specie, striis velut torno secundum longitudinem ductis, albus, & subcinereus. 102. *Fungites VVormii*, cui striæ partim profundæ, partim echinatæ, in modulum terminantur, figura fungi. 103. *Nuciformis* qui nucem myristicam substantiâ refert, pulpâ intus ex luteo variegatâ. 104. *Syringites*, qui stipulæ internodio similis, perpetuâ fistulâ cavatur. 105. *Indicus VVormii* ad Achates refertur. 106. *Cenchrites* qui milii grana velut sparsa exhibet, sunt qui Agallochi, Santali, caudicum, cucurbitularum, melopeponum, conorum, malorum persicorum, castanearum, anacardii, tritici, pisi, pipe-

- piperis, seminis lentis, & raporum figurâ ludunt.
- N. 107. *Avium figuram præsentat Hieracites*, qui milvinis
 25. nigrisq; plumis alternatur. *Geranites* qui oculum
 gruis mentitur. *Perdicites*, qui striis & colore perdi-
 cum pennas exprimit. *Ætites* (alius à priore) qui
 colorem aquilæ, candicante caudâ. *Peristerites*, qui
 capite, rostro, pedibus, pectore, caudâ columbam:
 solis alarum lineamentis deficientibus. 108. *Piscium*
 N. *verò Lepidotes*, qui squamas variis coloribus imita-
 26. tur. *Rhombites*, castaneæ magnitudine candidus, qui
 squamis parvis obliquis, eminentibus undiq; plenus
 est. 109. *Astrobolus* seu *Astrolus* oculis piscium simi-
 lis est, relictus candido in solo. *Ammonites* seu *ami-
 tes*, qui ex arenis componitur, nucis juglandis ma-
 gnitudine, ovis piscium similis. Qui ex lapillis pisi
 aut orobi magnitudine constat, *Pisolithos*, qui milii,
Cenchrites, qui seminis Papaveris, *Meconites* dicitur.
- N. 110. *Ostracites* (*lithóstreos*) qui ostreis similis, Crusto-
 27. fus & scissilis, sonitumq; ollæ percussus reddit.
Ceramites vocatur, quia colorem testæ habet:
Cheramites cum cæruleis pullis cingitur. 111. *Por-
 phiroides* qui cinereus & purpuræ instar aculeis cla-
 vatur, sed sine turbine. 112. *Conchites* qui lineis in-
 curvis ad scapulas redeuntibus, & aurei coloris ar-
 matura superbit. 113. *Lapis Megaricus*, in cujus to-
 to corpore conchæ Marinæ sparsæ sunt. 114. *Cre-
 nites*, qui pectines refert, & oris ceti figuram quan-
 doque: In uno Saxo sex vel septem invenias, ci-
 nereo colore. 115. *Myites*, qui imitatur musculos,
 oblongus & pectinis modo rotundus. 116. *Strom-
 bus* seu *strombites*, qui cochleæ aquatili similis, ex
 amplo in tenue, turbinis instar deficit, in spiram à
 dextrâ tortus. 117. *Onychises*, unguibus odoratis,
 qui

qui onychi, tam colore, quàm figura similis. 118. *Cancrinites*, qui pectus cancri in lapidem versi, refert, lineæ albæ juncturas costarum æmulantur, & totum corpus pervadunt. 119. *Scolopendrites*, cui lineæ undarum penè ductu discurrunt, brevissimis petiolis transversis plenæ, ut vermes scolopendræ. 120. *Oculus cati* seu felis (*oculus solis*, *Mithrax Persarum*, *Pseudopalus*) qui oculum animalis hujus ap-
N. 28.
primè exprimit, ex lacteo & fusco, in medio veluti quodam divortio, separatis, in alterâ semper parte (si invertas) candidior & lucidior. 121. *Oculus Beli*, qui albicans, pupillam pingit nigram è medio aureo fulgore lucentem. 122. *Lycophthalmos*, qui ex rutilo sanguineus, in medio nigrum candido cingitur, ut luporum oculi. 123. *Leucophthalmos* rutilus alias, oculi speciem candidam, nigramque continet. 124. *Triophthalmos*, qui cum onyche nascitur, tres oculos simul exprimens. 125. *Glossopetra* (*lamiarum dens*, glottis Cardano) quæ serpentis vel potius pici linguam refert, crassa parte lapidea mucronatâ cornea, atroq; colore, sturni unguis instar splendet. Invenitur & dendatis marginibus. 126. *Lapis renalis*, qui renis formam exhibet, subruber, crustâ ferreâ tectus. 127. *Ceratites* (cornu fossile) qui cornu specie tam magnus aliquando, ut nulli animali tribui possit, intus mollis, albus, levis, friabilis, margæ succo lapidescente irroratæ Soboles. 128. *Crucifer*, qui cornu bubuli facile & dum transversim in orbiculos scinditur, crucem nigro colore mentitur. 129. *Cornu Ammonis*, quod aureo colore arietini cornu effigiem reddit, nodosum aliquando, quasi juncturis cohæreat. 130. *Ossifragus* (*Osteites*, *Amosteos*, *Osteocolla*,

colla, *Osteolithos*, *Holosteus*, *Stelechites*, *lapis Sabulosus*) qui ossis speciem refert, concavus, medulla friabilis, in liquorem solubilis. Pollulat aliquando è terra & Stipitis ramis mutilati figuram exhibet. Species *Enostios* est, fracti ossis similitudine. 131. *Enorchis*, qui ovi columbini magnitudine, obscuris coloribus fordescens, lapidem inclusum habet, testium forma. Plinio candidus, divisusq; fragmentis testium effigiem repræsentat. 132. *Geodes* oblongus, stercoris canini specie, candidus & utrinq; acuminatus: quibusdam *Bezoar Aegypti* fossile, & *Ætites* fœmina Plinii. 133. *Chelonites* nuper exclusæ ex ovis testudinis, cui cameratum & variis quadrangulis distinctum operimentum, Simulachrum: sæpe totam testudinem pronè & supinè refert. Qui cum tonitribus decidisse creditur & magnas eminentias habet, *Brontias* est: qui cum pluvia & exiguas, *Obibrias*: qui nullas & hemisphericæ formæ est, *Ceraunias*. 134. *Biocardia*, petra cordi bubulo similis, Babylonè & circa Neapolim proveniens. 135. *Buglossus*, linguæ bubulæ, pondere ferri & cui duo crassiore parte foramina. 136. *Ophiomorphites* serpentis in spiram convoluti facie est, caudâ centrum occupante. 137. *Onyx*, cui candor in substrato unguis humani similitudine. 138. *Umbilicus veneris* (umbilicus marinus, oculus marinus, faba marina) qui umbilici humani specie conchæ rudimentum, spiris in gyrum actis, rubello & albo, hinc inde distinguitur. 139. *Hysterolithus* seu *hystera petra*, qui muliebrem naturam exhibet, inter divaricata quasi femora. 140. *Diphyes* duplex candida & nigra, mas & fœmina, genitale utriusq; sexûs distinguente lineâ. 141. *Idea Dactyli*, qui in Cretâ ferreo colore pollicem huma-

humanum referunt. 142. *Variolatus*, qui variolarum rudimenta præ-se-fert, unus fuscus ad viriditatem tendit, alter flavescent, tertius leucophæus. 143. N. *Glossoeides*, qui ad radicem spissior ad apicem arcuatus, humanam linguam apprimè exprimit. 144. *Rotundi sunt Geodes* seu *Ætites*, qui terram continet, & aquæ injectus stridorem varium edit: & *Enhydros*, qui aquam, in candore levis, illaq; ad modum veluti in ovis liquor fluctuat. 145. *Hæmisphærici* præter chelidonium, Cheloniten jam dictos, *oculi cancri*, qui in gammaris exuvias deposituris inveniuntur. 146. *Cylindriciformis*, sed compressus *Rhombites* in Gálgebergo, striis se ita intersecantibus, ut plures in medio eminentiæ fiant. 147. *Cuneiformis*, est *Ceraunias* in albo fuscus vel niger, duritiæ filiceæ, foramine rotundo, aliquando pertusus. Rotundi & nigri *Betuli* vocantur, longi *Ceraunias* perforati, *Disci*: sunt & securibus similes. 148. *Rota aut tympani figuram* ostendit *Trochites*. Emodiolo radii eminentes ad extimum orbis, & inter eos striæ. Niter fractus & levis ex trochitis nondum separatis constat. *Entrochos*: radij alterius inseruntur striis. Æquali, radii eminentes & cingulum. Ex multis pentacrinis componitur *Encrinos*. 149. *Sagitte specie est Belemnites* nunc plenus, nunc concavus, armatus semper, & lapis, qui continet, crustis tanquam membranis quibusdam compingitur. Falerni succini colore & pellucens, *Lyncurius* est: nigrum *Coraciam* vocant. 150. *Patina* instar cavatur *patina Hildesheimensis*, quæ nigra & aurea armatura rutilans. 151. *Panis similitudine* est *Panis Daemonum*, qui prope Rotvillam reperitur. 152. *Baculi*, qui *Baculus S. Pauli* Colum-

- nula alba, substantiæ gypseæ dimidia parte nodosa. 153. *Clavis* quidam saxeæ duritiæ colore ad luteum inclinante. 154. *Pilei*, quo nautæ in Dania utuntur, alius ponderosus, colore cinereo, nec cavus. 155. *Clavatus* tubercula clavorum capitibus similia habet, fuscus & falsi Ammoniæ initar scissus, his adde *Hoplitem*, armaturâ tectum, ferri politi aut æris similitudine. 156. *Tyromorphitem*, qui caseum. 157. *Laganitem*, qui lagenam. 158. *Ephippitem*, qui ephippium. 159. *Phialitem* qui phialam repræsentat.
- N. 160. *Amphitane* aurum refert, quadrata figurâ. 161. *Balanites* glandem, viridis & Corinthij æris similitudine, mediam secante flammeâ venâ. 162. *Phaniciæ* dactylum. 163. *Altizoe* lenticulam & argenteo nitore fulget. 164. *Chalazias* (Gelasia, Chalazites) grandinem, igne addito manet suum frigus. 165. *Crocallis* cerasum. 166. *Cyanea* quæ nigra fracta fabam. 167. *Excardia* cordis speciem præfert, quædam nigri, cætera sui parte candida. 168. *Eumeces* filicis in Baëtris. 169. *Gemites*, manus utriusque se mutuo complectentis. 170. *Libanochros* thuris, sed succum mellis. 171. *Nympharena* Hippopotami dentium. 172. *Phloginos* seu *Chrysites*, Ochreæ Atticæ. 173. *Phycites* algæ. 174. *Prontea* seu *Brontea* capitis testudinis. 175. *Cyssites* in candido collucethæderæ foliis, quæ totam tenent. 176. *Inocissites* vel potius. 177. *Narcissites* Plinio, venis etiam hæderæ distinguitur. 178. *Daphnios*. figura Lauri, morbos comitiales demonstrat. 179. *Botrichites*, crines mulierum. 180. *Nebrates*, liberi Patris nebrides. 181. *Botrytes* pampineam incipientem uvam. 182. *Steatites* singulorum animalium adipem numerosam. 183. *Myrmecias* eminentes verrucas. 184. *Lyren* olivæ nucleos:

nucleos: & piscium spinæ aliquando inesse videntur 185. *Circos* pyra. 186. *Androdamus* argenti nitore, semper tessellis similis. 187. *Peantidas* seu *Gemonidas* prægnantes fieri & parere dicunt. 188. *Sallius* N. gravis, quo aurum pellitur. 189. *Cimilianthus* mar-
 321
 moris instar cum pupillâ aurea vel flava in medio. 190. *Solis gemma* quæ ad speciem syderis in orbem fulgentes spargit radios. 191. *cum aureis venis* *Lyfimachus* Rhodio marmori similis. 192. cum pulvinorum notis coëuntibus *cepites* seu *cepocapites*, candoremq; imagine regerit. 193. *Erystalis*, sed quæ ad inclinationes rubescere videtur. 194. *Cynedia* ex cerebro piscis, quæ habitum maris nubilo colore aut tranquillitate prælagit. 195. *Corsoites* caniciei hominis similis est. 196. *Antipathos Arabica* (lapis Arabicus) ebori, & hoc videretur nisi abnueret durities. 197. *Emites* eidem sed mollis. 198. *Galaricides* seu *Galarictis* fortè *Galactites*. 199. *Syfinus* qui oleo inunctus nigrescit & duratur in igne. 200. *Theherrhizos*, qui candidis radicibus spectatur. Mediam gemmam candida distinguit linea & mesoleuca. 201. *Acopis* nitro similis, pumicosa, aureis guttis stillans. 202. *Pallidus* & *Diadochus* & beryllo similis. 203. *Chrysopasos* de die, noctu ignei coloris. 204. *Ex albo rufa* *Aprodisiaca*. 205. *colorem pellis leonine* ostentat *Agapis* contra scorpionum ictus vehemens. 206. *Argenti Argyrites*, cum Stigmatibus aureis. 207. *CrySTALLI Kakabre* (Karate, Karadre) cum fusca albedine. 208. *vitri Lignites* contra fascinationes. 209. *Zingnites* & *Zingrites* contra nyctalopiam. 210. *Vini Orphanus opali species*. 211. *Etindros* guttas aquas perpetuo exstillat. 212. *Cambaites* alligatus brachio, hydropem sanat. 213. *Nigri* sunt plaze

nè *Antipathos Medorum*, qui non translucet. 214.
Sagda Samothracum, sine pondere, ligno similis.
 215. *Horcus Alexandrinis*. 216. *Catemia* argenti glutinationi proficiuus. 217. *Orphicardelos* binis lineis albis includentibus. 218. In *Mesomela* nigra vena quemlibet colorem per medium. 219. *Chalcophonos* æris tinnitum illisa reddit. 220. *subnigri sunt Galachites* (*Geratides*, *Gerachtides*) fabulosus vel magicus, & *Eurotias*, qui situ videtur operire nigrityam. 221. *Ferrei coloris Machera*, culter vel gladius ferro similis in *Berecynthio* monte, & *Asbestos* in *Arcadiæ* montibus. 222. *Luridus* & alii lurido similes *Icterias*, contra regium morbum. 223. *Fumidus* plurimis spiris *Capnites*. 224. *Ex albo nigri Ægyptilla*, & *Lince*. 225. *niger cum venis rubentibus Dionysias*. 226. *cum venis aurei coloris Medea*. 227. *cum venis rubentibus Asictos*. 128. *cum rubris virgulis vel guttulis Absynthus*. 229. *cum sanguineis & albis modis Baroptis seu Baroptenus*. 230. *cum candidis & sanguineis frondibus Borsycites*. 231. *cum limite albo, Vesentana*. 232. *Astrapie* In candido Cyaneo discurrunt è medio fulminis radii. 233. *virides sunt & planè limoniates*. 234. *Chrysopterus*. 235. *Chalcosmaragdus*. 236. *Polytrix cholo & dotto*. 237. *Porracei Eumetres & Sagda Chaldæorum*. 238. *Herbacei Chlorites & Chrysoprassus*. 239. *ex virore pallescit Gallerica*. 240. *viridis & aureus Horminodes*. 241. *cum fulgore aureo coaspites*. 242. *cæruleus planè cælicolor*. 243. *violaceus Ion Sapphiri colore*. 244. *Praconissus*. 245. *Rubri sunt Epistites*. 246. *Gaditane & ijettus*. 247. *sanguineis nigris venis Nasomonites*. 248. *cum sanguineis guttis*. *Thraciæ tertia species*. 249. *Æris colore Ottonna & chalaïtes*. 250. *Ignis colore Hormezion, & Aspilates*. 251. *Electri, Zanthene, Myrrha*

*Myrrha, Myrites & Aromatites. 252. croci, crocias, & Syrtites. 253. Minii, Corallis. 254. auri, Filaterius. 255. Fulvus Perithe. 256. è fulvo candicans Xanthos. 257. mellens Melichrotus & Myrsinites. 258. Partim flavus partim mellens, Melichlorus. 259. Cera similis, Cerites. 260. multicolores sunt, Hexacantalithus. 261. pellis pantheræ colore, Kaman, Drosolithus, Eupetalos, Exolictus, Polyzonos, chitonites fongites, olea, orca, Phanchrus, Panthera, Tarti, LiAZaa, Damonius, Syderopæilos, quibus & Ponticam adde. 262. nec figura nec coloris noti sunt, qui
N.
33.
sufficienter non describuntur, Ananchitis, Synochites, Baptes, Cactonites, Cadmites, Calondronius, Camascus, Caratohates, Catochites, Catapyrites, cegolithes Alberti, Chrysæterinus, clites, Dorialtides, Glossites, Erotylos, cum Aphicome & Hieromnemone, idem, Eusebes, Hyenia, Kenne, Kinocetus, Lauraces, linurgus, Liparis, Nemestites &c. 263. Margaritæ seu perlæ (si magnæ uniones dicuntur) duræ & rotundæ verrucæ, & maris rubri grana, humoris, ex quo testâ conchæ tuberosæ inæqualis & quodam modo morbosæ excrescit, viscosi & in minima resoluti, siccescentis paulatim, & indurati genimen, multiplici constans cute, si purus inducitur, conspicitur candor : si turbidus sordescit & fœtus. Summa laus coloris, Exaluminatas vocari. Elenchos nominabant fastigiata longitudine in pleniorē orbem desinentes. Physema abortus est, species inanis & sine corpore. Tympania quibus una tantum facies & ab eo rotunditas, a versis planities. Flavescunt servatæ, torpescuntq; rugis, nec nisi juvenita constat, ille qui quæritur vigor. Pauperioribus olim fœminis lictor in publico unio. 264. Lapis tuberonum, in pisce carchariâ, supra oculos candidissimus, magnus, duarum
N.
34.*

aliquando librarum pondere, mollissimus & pol-
linis instar friabilis, insipidus contra urinæ diffi-
cultatem. 265. *Lapis Manati*, qui etiam in capite
hujus piscis hæret, pilæ parvæ lusoriæ magnitu-
dine, ossis quod in balistâ tensum nervum reti-
net formâ, os potius quàm lapis. Candidus mas-
dilutè rubentis sanguinis instar scæmina. 266. *La-
pis aurata* in capite ejusdem piscis, albus & rimâ
in medio sectus. 267. *Lapis corvuli*, qui extra gib-
bosus, intra tuberculum cum appendice eminens.
268. *Lapis Corvinus*, qui à corvo pisce excavatur,
formâ ovalis, concavus. 269. *Lapis umbræ*, qui
parte superiore bifidus. 270. *Lapis dentalis* qui ex-
trinsecus ferratus, parte gibbosa rimosus, intra
squamatus. 271. *Lapis perca*, qui binus osseus,
oblongus, albus, planus, altera parte quasi den-
tatus. 272. *Lapis Carpionum*, vel osseum quid, cir-
ca spinæ dorsalis initium ejusq; auxilio caput spinæ
N. 35. annectitur, triangularis, subflavus. 273. *Synodoti-
des* è piscis cerebro ejusdem nominis. 274. *Oculi
cancri* supra recensiti. 275. *Bezoar* seu Pazahar, qui
certi caprurum generis in Persiâ ventriculo inna-
scitur, tunicatus ceparum instar, splendidus seu
lævis, pullus plerumq;, spadiceus, rarus aut ex
viridi nigricans, cui festucae aut herbæ fragmen-
tum in meditullio. 276. *Batrachites* seu *Borax* cre-
ditus, qui in capite rubetæ cornutæ, quæ Borax
dicitur, gignitur, os potius quàm lapis, palatum
vel lingua bufonis apparet. Color non omnibus u-
nus, alij in candido fusci: alij nigri, liventibus ma-
culis: Cæruleus aliquando in medio oculus: alba
macula quandoq; in vertice, quantitas mediocris
fabæ. 277. *Lapis porcinus*, qui in felle porci, propè
Malac-

Malaccam invenitur, rubeus, dilutus, amarus saponis gallici tactu Bezoharis æmulus. 278. *Lapis Malacensis porcinus* quibusdam in felle hystricis dilucidioris purpuræ colore, amarus, lubricus, & pinguis. Menses manu gestatus movet, abortumq; facit. 279 *Lapis Bulgoldi* in capite animalis *Bulgoldi*, avellanæ magnitudine, venereorum metus. 280. *Lapis fellis* seu *Haraozi* & *Mazatius* Sylvatico, in cisti fellis animalium ochræ colore, tunicis tectus. In bubus *Alcheron* quibusdam. 281. *Lapis asini sylvestris ovalis*, nucis juglandis magnitudine, ex albo ad citrinum tendens, cum scissuris quibusdam. 282. *Lapis ursinus*, qui inter carnem & pellem ursi latet, solidus, cui unguis pollicaris magnitudo, figura ovalis, hæmisphærica, cum maculis flavis cinereus. 283. *Lapis Castoris* qui in castoris inventus est in editullio, rotundus ferè luteus, & substantiæ gypseæ. 284. *Lapides cervorum*, qui in canthis oculorum nascuntur postquam se in fluvios post serpentum esum præcipitavere. 275. *Alectorius*, qui in ventriculis vel jecinore gallinaceorum reperitur, Crystallo obscuro similis, interdum fuscus vel sanguineis venis distinctus. Optimus qui stantem injecti cibi micam ostendit. 286. *Chelidonius*, cui in ventre juvenum hirundinum minera, seminis lini magnitudo, figura hæmisphærica, color in convexo pullus, dilutior, in cava purpureus, nigris injectis maculis, aureis guttis superbit probatissimus. 287. *Lapis palumbularum* exiguus, qui in ventriculis harum avium reperitur, præsentissimum contra renum calculum remedium. 288. *Dracontias* N. seu *Dracontides*, qui ex cerebro Draconum morientibus amputato fieri fingitur: viventibus abscisso 37. nunquam gemmescit, invidiâ animalis mori se sentientis.

tientis. 289. *Limacites* qui ex capite hortensis limacis habetur, nonnullis eminentibus lineis albus, & lividus. 290. *Lapis Cénar Sjnenfis* est, ne rugæ in corpore oriantur, impedit. 291. *reperiuntur & in homine*, non tantum in vesicâ & renibus, sed etiam in cerebro, hepate, corde, pulmone, vesica felleâ sublingua, &c. Ex atheromate eductus est uncie longitudine, substantiæ gypseæ, levis, & variis tuberculis verrucatus. Visum & *Lithopadion*.
 39. Hactenus, de lapidibus eorum differentia & variis speciebus quoad externa nomina & figuras egimus (nam intrinsecus eorum qualitates libro secundo considerabimus) ubi nemo dubitabit multo plures esse quàm hîc recensentur, sed & hos ipsos, quorum hîc mentio fit magna ex parte, etiam ipsi D. Jonstono quoad visum & notitiam corpoream incognitos, multa etiam quæ de illis traduntur falsa esse certum est, optandum itaque foret, ut non modo non nominatenus & in chartâ, sed reipsa curioso spectatori ob oculos ponere eos possemus, laboramus quidem in concinnando planisphærio, ubi omnes reperibiles lapidum species actualiter spectatoribus ob oculos ponemus, & speramus nos optatum finem brevi consecuturos, si ingeniosissimus D. *Daniel Neuberger* in hac operâ excellentissimus, curiosissimus, artificiosissimus, scientissimus, nobis quod promisit practicè assistat, ita his gratias agemus, à quibus nomina lapidum mutati sumus, & his obligati manebimus, qui nos communicatione ipsorum lapidum beabunt, sic namq; fundamenti partem non contemnendam, pro fundando Theatro Naturæ & artis, cujus in Methodo nostra Didactica mentionem fecimus.

cimus. Pag. 52. ponemus, hoc vero capite, lapidum nominibus finem imponemus.

Sectionis sextæ Caput quartum Tertium Subterraneorum compo- sitorum exponit.

De Metallis & Mineralibus.

SYNOPSIS.

- N. 1. *Vocabulum minerale exponitur.* N. 2. *duplex mineralium differentia.* N. 3. *minus perfecta.* N. 4. *perfecta.*

TEXTUS.

Nunc tertium compositorum subterraneorum genus aggredimur, nempe mineralia, est autem vocabulum *minerale* valdè latum, in communi de quovis fossili prædicatur, quòd è terra eruitur, ità enim origo vocabuli ex Hebræo indicat, nempe (è terra) In specie tamen illa tantum mineralia vocantur, quæ metalla sunt aut metallis grvida, sic propriè, cùm venæ metallicæ lapidibus intermixtæ sunt, ejusmodi lapides Germanicè *Erz* (*stueffen*) vocantur, ut Antimonium, bismuthum, Zink, aliaq; mineralia vocantur, metalla autem perfecta, ut aurum argentum, cæteraq; non nisi genericè mineralia nominantur, sed nomen *Metalli* specialiter servant, quod ab Hebræo *Metil* (*fundere*) originem trahit, nunc exposito termino minerali, ad differentiam mineralium properabimus, quæ varia inter authores est, aliqui enim mineralia distinguunt, in metalla vera & perfecta, & in imperfecta, veris tamen & nativis affinia, deinde partes quasdam mineralium

neralium considerant, vel naturâ vel arte factas, quoniam verò noster scopus non est, hoc capite si-
 ve de mineralibus siue de metallicis compositis age-
 re, quoniam id capite hujus sectionis septimo actu-
 ri erimus, meritò ad simpliciora metallica compo-
 sita hoc loco revertimur, quæ duplicia sunt, aliqua
 enim eorum imperfectè mixta sunt, alia perfectà
 existunt, hinc malleabilia, altera imperfecta hinc
 friabilia sunt, mineralia perfectà, metalla vocan-
 tur, mineralia eadem principia, cum metallis ha-
 bent, sed qualitatis minùs perfectæ & quantitatis,
 respectu metallorum, inæqualis: Inter minùs per-
 fectà recensentur, *Antimonium*, *Bismuthum*, *Zin-*
kium, *Marcasita*, hæc enim reverà metallica, licet
 imperfecta corpora, respectu aliorum metallorum,
 sunt, id est, in hisce mineralibus metalleitas quæ-
 dam cernitur unde ea compositorum generi adscri-
 bo, nam, quæ nullam metalleitatem exhibent, sed
 terrea existunt, decomposita sunt, ut *Cadmia*, *Ko-*
bolthum, *Magnesia*, figulis vulgò dictus *Braunstein*,
 de quibus hujus sectionis cap. 7. nunc præfata mi-
 neralia, *composita nempe minus perfectà*, explica-
 bo, inter quæ primum locum *Antimonium* obti-
 net, quod duplex est, *minera*, ubi intermixtus la-
 pis, & *ipsum minerale* seu *Antimonium fustum*, quod
 rursum duplex, purior substantia, quæ regulum ex-
 hibet, & ratione formæ vulgò *der Kops* & super-
 incumbens scorea, quam *fœminam*, priorem par-
 tem *marem* vocant, massa striis discernitur & fri-
 bilitate probatur *stimmi* Græcis, Hebræis *Zada-*
hab, in communi *Antimonium*, germanicè *Spis-*
glas vocatur, à forma striata lancearum instar, &
 quod igne tractatum in vitrum abeat, de ejus usu,
 parti-

partibus, origine, heic loci non agam in specie, nam hæc ad secundum librum spectant, ubi per aquam & ignem examinabitur, hoc non prætereundum est, esse varium, & sub vario nomine comprehendendi, rubrum nempe, stellatum, *Magnesia saturnina* vocatur, licet improprie, nam de *Magnesia* in decompositis agemus, *lupus* etiam vocatur, quod aurum devoret, licet purgatum revomat, nonnulli obinde id *primum Ens auri* vocant. Alterum in ordine est. 2. *Bismuthum* Metallarii *testum argenti* vocant, quod in mineris argenteis reperiatur, argentiq; indicium sit, volatile est, grave tamen & plumbo finitimum, stannum eo adulterant, *Schröderus* *Marcasitham* vocat, pharmacopæjæ suæ lib. 3. cap. 18. pag. 456. sed malè, *marcasita* enim aliud minerale est, de quo postea, vocat etiam *Magnesiam*, sed rursus malè, *Magnesia* enim aliud minerale decompositum est, ut hujus Sectionis capite septimo demonstrabimus, *Bismuthum* minerale quoddam sequitur quod 3. *Zink* vocant, vulgo *Spianter* / plerumq; ex Indiis afferri solet, friabilitas *Bismuthi*, ejusdem tamen naturæ, medium inter *Antimonium*, *Bismuthum*, *Marcasitam* & *cadmiam*, eleganter hoc minerali cuprum tingitur, in orichalci naturam, de quo sectionis hujus capite septimo, sub artificialium decompositorum titulo acturi erimus. 4. *Marcasita* flavum minerale est plerumq; quadrangulum ita accuratum, & curiosum, ut pro ponderibus in mineralibus bilancibus adhibeant, cupri index, sub quo minerali immaturo omnes species cupri complectuntur. Nunc expositis mineralibus, metalla aggrediemur quorum sex sunt.

N. sunt (*argentum enim vivum*, quod metallis pro septimo hucusq; falso annumeratum fuit, decompositum est, de quo hujus sectionis capite septimo) tria divisione distincta, duo enim ut *aurum* & *argentum* in igne fluunt, cum candent, duo, diu candent donec fluant, ut *cuprum* & *ferrum*, duo fluunt antequam candefiant, ut *stannum* & *plumbum* singulorum differentias clarissimus D. Jonstonus exponit. *Aurum* inquit seu Sol, Mercurio claro, Sulphuri albo & sali misto, se debet, inde fulvum colore syderum. In incendiis & rogis durat, minimumq; usu deteritur: nec aliud laxius, dilatatur, aut dividitur numerosius, intacti semper ponderis *ápyron* (*ápephdon*) sine omni operâ per se perfectum est, vulgò *Geiffengold* / *Wasehgold* / *Obryzum* (*purum putum excoctum, recoctum polyephdon aurum ad obrussam*) sæpius despumatum, & ideo experimento ignis, simili colore radiat. Ascendit ad. 24. ceratium. Nulla ejus sub hoc nomine apud veteres mentio, *ad obrussam* dicebatur *argentosum* aliqua argenti portione inquinatum, *Arrugia* fossione quæsitum & statim suum, massas ita inventas *Palacras* Hispani, alii *Palacranas* vocabant, quod minutum est *Balucam* *Ramentitium*, in torrentibus collectum *syrtos* dicebatur *Canalitium* in pureis effossum, quod venarum canalibus per Saxa vagatur. *Infectum* (*purum*) quod in massis. Auri meri massula in metallis reperta: *aurinodus* (*kéntron adamas*) dicitur, Massæ in puteis denas aliquando excedentes libras, *palai*: parvæ auri massulæ in Hispaniâ, quod super omnia solum in massas & ramenta capitur, *Strigites*. *Aurum Ophir* ex terra *Ophiz* seu *Zeilan* Insulâ, petebatur, *Lexico Arabico-Copto*, *Indicum*, quia ex *ophir* India.

dia. *Vphas* ex eadem regione venit, & quidem optimum. *Parvajim* colore est sanguini juvencorum simile, *Gemmatum* quod in poculis gemmis intextis ornabatur. *Largitionale* quod sacris largitionibus inferebatur. *Adulteratum* alienæ materiæ præter legem miscetur. *Signatum* quod pro monetis cuditur. *Netum* quod in fila attenuatum est. *Textile* quod vestibus intextum. *Coronarium* quod triumphantibus olim dabatur. *Hungaricum* cerationum seu scrupulorum viginti trium, inde *Nummarium* duo & *vicenarium* quod duodecimâ parte à prima notâ distat. *Vicenarium* (*usuale, esularium*) cerationum viginti, *Duodevicenarium* (*dodrantale*) cerationum octodecim. 2. *Argentum* (*luna*) ex mercurio perfecto puro & claro, sulphure, albo & sale oritur (juxta communem opinionem quam D. Jonston sequitur) colore hilariore, magisq; diei simile. Ex auri & argenti misturâ quinta hujus portione commista *Electrum* fit. *Orientale* Sapphiro lapidi Cyaneo & proprio pyriti adhæret. *Ramentosum* in fluviis & forellarum capitibus quære. *Rude* (*infusum*) quod adhuc in massa metallis & aliis permiscetur. *Purum purum* quod statim suum est. *Pustulatum* vel potius *Pusulatum* primæ notæ, *Acrosum* cui æs admiscebatur: tenue aliàs & læve grave in quo nihil præter pondus æstimatur. *Factum* quod in vasis & signis est, *Signatum* (*Celatum*) quod aliquâ formâ exprimitur. *Toreuma*. *Purum*, quod sine emblematis. *Foliatum* quod in folia malleatur. *Hiberum* pro excocto, quia tali Hispania abundabat. *Pastillatum* quod in massas & pastillas cogitur. *Escarium* seu *mensale* argentearum lancium suppellex, prout in vena prostat, est *ramosum, furcatum, acuminatum,*

minatum, crispatum trichites, chalkolibanon ex monte Libano ferebatur. *Pseudargyrum* (sterile, *Extar*, *theatricum*) quod in laminas extensum, in theatris suspendebatur. 3. *Aeri* (cupro, *veneri*) plurimum rubrum, & impurum sulphur, paucus Mercurius salq; impurior (vide meam circa principia metallorum opinionem pag. 43. §. 6. & alibi) Rebeum plerumq; violaceum, candescens, aurescens, purpureum, nigrum & varium nonnunquam. Melior magno frigore fusio, & proximum in usu pretium. *Hepatzon* ad jecinoris imaginem vergit. *Cyprium* nitro fundendo admisceri solet & propriè *cuprum* nominatur. *Orichalcum* seu *aurichalcum* æris duritie, sed auri splendore, præcipuè olim admirationis sed nō longi ævi & velocis defectûs. *Campanum*, è quo ollæ & lebetes ænei. *Deliacum* cui antiquissima gloria mercatus in Delo, concelebante toto orbe. *Æegineticum* cui proxima laus: & ipsa insula, officinarum temperatura nobilitata. *Corinthium* pretiosissima notæ, quod casus miscuit cum incendio ejus urbis, æris, auri, argentiq; venæ in commune fluxissent. *Caldarium* (fusile) quod funditur tantum, mailleis fragile. *Regulate*, (ductile batutile) quod malleo in laminas tenuatur. *Extersum*, quod celerius rubiginem contrahit, quam neglectum *coronarium*, quod felle tauri tinctum, specie auri imponebat, *Lucar* veteribus. *Tinctum* quod ab Ægyptiis pingebatur, ut in vasis Anubim suum spectarent. *Collectaneum* quod ex usu coëmitur. *Fusum* in panibus, qui trochos ferruminati panis æris. 4. *Ferrum* (*Mars*) plurimum sulphur crudum terrestre & indigestum, paucum mercurium, & impurum salem continent, durum & tardè fusile, quodq; igni accensum, nisi dure-

duretur, corrumpitur : optimum pessimumq; vitæ instrumentum. Ut ocyus mors ad homines perveniret, alitem illam fecimus, pennasq; dedimus ferro. Nucleus ejus *Chalybs* est, & ad magis indurandam aciem excoquitur. *Damasci elaboratus*, æquo auri pondere emitur. Quod in magnete extritum ferrum attrahit, & retinet, *vivum* vocant. *Fusile*, quod funditur & fragile est : postea in alias fornaces translatum è fragili fit ductile & incurvatur. *Apalon* quod ex venâ mollioris, complexus : fragilius *thrypton*, fusi & ferventis dum cuditur in fornace massæ, *strictura* dicuntur, quod non in aliis metallis, fornace extractæ *Spongia*, præter *Sericum* & *Parthicum* nulla olim ferri genera, ex acie temperabantur. 5. *Plumbum* olim *nigrum*, multum de mercurio impuriore, parum de sulphure sœtido, saleq; participat, molle & lividum. Aliquando summo terræ corio large provenit, crescitq; in humidis sepultum, & augetur pondere, facile funditur fusum argentum supernatat. 6. *Stahno* (olim *plumbum candidum* dicebatur) multum minùs perfecti argenti vivi, parum sulphuris impuri & non benè digesti, salisq;. Suetum illi metalla alia frangibilia reddere, morâ in aquis putrescere : candidum colorem non nisi igne, si castigetur, induere : Sordiciem candidam concipere, nec jungi secum sine nigro posse. Olim cum aliqua portione argenti permiscebatur, *argentarium* & *tertiarium*, nulli rei sine misturâ utile. Verùm de his specialius libro secundo.

Sectionis sextæ Caput quintum
De Decompositis terreis, sic-
cis & liquidis, pinguibus & macris.

SYNOPSIS.

N. 1. *Quid sit Decompositum.* N. 2. *divisio generalis Decompositorum.* N. 3. *specialis terreorum.* N. 4. *Decomposita terrea, sicca, pingua.* N. 5. *Macra.* N. 6. *Oleosa.* N. 7. *aquea exponuntur.*

TEXTUS.

N. 1. **Q**uid sit *Decompositum subterraneum*, non neces-
se erit repetere, quod hujus Sectionis c. 1. &
6. ad longum exposuerimus, decomposita nempe,
omnia illa vocari, quæ ex diversis compositis, li-
cet unius vel diversi generis, oriuntur, sic cum ter-
ræ metallis, vel lapides terris permixti sunt, de-
composita prodeunt, imò cum diversæ species uni-
us generis permiscentur, ut varia metalla, inter se
quoq; decomposita producuntur, ut in Orichalco
N. videmus, quod metallum decompositum est, ad tres
2. classes autem talia decomposita reduci possunt,
primâ continebuntur *decomposita terrea*, alterâ *lapi-
dea*, tertiâ *metallica*, quælibet verò classis talium de-
compositorum, rursus duplicia decomposita com-
plectetur, *sicca* nempe & *aquea*, inter sicca rursus
terrea, *pingua*, & *macra* quædam recensentur,
inter liquida nonnunquam *Oleosa* & *aquea* dantur,
interdum autem aquea sola reperiuntur, cum itaq;
præcedentibus Capitibus, simpliciora subterranea
mixta, quoad differentiam nominetenus exposue-
rimus,

rimus, consequenter pedem ad decomposita dirigemus, in quibus exponendis præfixum ordinem servabimus, in specie autem hoc capite à terreis decompositis initium auspicabimur, ut ordinem^{N.} servemus, quem nobis & lectori præposuimus,^{3.} quemadmodum enim in præcedentibus, inter composita subterranea, terrea initium fecêre, ita inter decomposita, terrea quoq; Exordium nobis dabunt, quæ ut diximus triplicia sunt, terrea quæ minus decomposita sunt, magis nempe simplicia, hinc maximam eorum partem Capite hujus Sectionis secundo sub titulo compositorum subterraneorum terreorum recensuimus, his ergo suo loco expositis, ad magis composita progrediemur, quorum aliqua consistentiam habent, sive *mollem* ut oposphalta & bitumina, inter quæ Halosanthos, sperma cete, ambra odorata, pix mineralis, sive *duram*, ut sulphur, succinum, Gagates, & hæc omnia *pinguia* existunt, macra autem sunt sal, Nitrum, quibus duo *superdecomposita* adnumerari possunt, ut sal armeniacus, & sal Alkali, *liquida* verò sunt vel *oleosa* eaq; *subtiliora* ut naphtha petroleum, vel *minus subtilia*, ut axungia, bitumina Maltha Ambia, inter *aquea* verò recenseri debent aquæ salinæ & nitrata sulphureæ omnes, in quibus licet maxima pars ex aquâ constet, terram tamen latitare & mixtum ingredi, tanquam compositum, nemo dubitet, hinc etiam neminem in admirationem trahat, quod ipsum sal & nitrum tanquam decomposita terrea macra, tum sulphur aliaq; pinguia, ex variis terris consent, prout ultimo Capite, Sectionis antecedentis sub initium liquiditatis humidæ, & Sectione secunda de aquâ marinâ demon-

stravimus, nec non sub cujuslibet subjecti speciali anatomia sufficienter demonstrabimus, nunc vero quoad exteriorem differentiam prænominata sub-

N. 4. jecta considerabimus. 1. *Halosanthos* Veterum (flos salis Plinio) collectus in Nilo, summa parte quæ pinguis, canescit, media croceo tingitur, garumq; olet. *Optimum* ignei salium instar fervoris, quod olei modo pinguitudinem reddit. Adulteratur rubrica vel testa trita. *Emmultron & thrómbus* echon fucatum. 2. Spaciosis nonnunquam tractibus, aquilonio mari innatat *sperma Ceti* (semen balenæ, ambra albida, succinum marinum, ambra purgata, flos maris) ignotum forte veteribus, pingue, salsum, subacidum, frictu insquamosa corpuscula facessens, quæ micarum instar splendescunt, in prunis nidorem sebi de se spargit, & quia vehementer tenue, pyxides penetrat: recens odorem gari habet. Vetus amygdalarum rancidarum vel olei putris. *Ablutum* vires, quæ à sale, amittit, *Rubrum* colore saturo è mari extrahi ajunt. *Pinguedo* circa Insulam Loandam, forte ex balænis fauciatiss effluens cognata, ne frigore quidem concrescit. 3. *Ambra* (Aromatites Plinii, Succinum orientale) è materia pingui & coagulabili, in terrâ vel mari ortus, a nobilissimo sulphure odor. *Fibrose* implicati villi seu ductus cum fibris albicantibus & punctis rufis. *Scruposa* ex pulvere quasi cogitur cum punctis citrinis & albis. *Crustosa & Pappilosa* lachrymatim concrescit. *Armata* corio obducitur. *Porambar* alba levissima & magni precii. *Sechra* è Siachrio felicitis Arabiæ oppido advehitur. *Grysea* frequentissima, & maxime in usu, ex albo punctatur. *Celestina*, quæ Serapioni cœrulea, efflorescentia mucosa.

Sulphu-

Sulphureæ similes maculæ. Est & quam in *fila* duxeris, acu puncta, si oleosum liquorem fundit, optima. *Zelainitica* in Insula Zeilan seu Ceylon habetur, forte *Selachitica* seu *Alzecheleti* *Ibensinæ*, *Zinguitana* *Serapioni*. *Cetacea* vel in ventre animalis, vel juxta spinam dorsi reperiri dicitur. *Chrysea* dura & ut sulphur ardescit. *Fæcticia* capit aliquot species.

IV. *Pici minerali*, *Asphaltus*, *Pissasphaltus* & *Mumia* subsunt. *Asphaltus* circa scaturigines & profluvius è liquido & maltha plerumq; ad soliditatem pervenit, niger ut plurimum, accensus nigricie multâ, fumigat, pumicosusq; perusti carbo. *Purus* *Judaicum* seu *Sodomeum bitumen* est. *Pissasphaltus* seu *Picibitumen* *Epidauri* incola, æstu fluminum in ripas coniectum, in glebam cogitur, ex nigro ad cinereum deflectens. *Aquæ innatans*, dum fervet, optimum. *Mumia* mellago olim spissa, & odorata in Principum *Ægyptiorum* sepulchris: jam carnis humanæ, sale, bitumine, resinis & gummatibus condita, miscella. In officinis liquamen ex sepulchris conditorum quod effluxit, prostat, vel ipsum medicatum funus.

V. *Sulphur* (*Comaris Schythica*, *Androdamas*, oleum terræ, Metallum vivax, Græcis *Theion*) ex quâdam pingui terræ materia, per temperatam decoctionem inspissata, & indurata nascitur. Quod nulla ignium tormenta expertum est. *Vivum* & *hapyron* dicitur, nasciturq; circa *Heclam* montem. Circa *Neapolin* liquidum & candidum. Spontè in capillamenta *Neapoli* in foro *Vulcanio* concrescit, fucoq; datur, purum aliàs *virgineum*. In locis sponte flagrantibus circa lapides in sublimi

concrefcit, *sublimatum*. Aufonio notum *cærulei* coloris. Nitedulæ inftar radiat *lampyrídon* in Infula *Melo* ex viriditate flavelcens. Ex *factitiis*, quod ful-
lonum officinis tantum familiare *glebam* vocant. *Egula* illud eft quod lanis candorem & mollitiem fuffitu confert. *Kavfíon*, uftum feu uftule ex quo fulphurata ad lucernas accendendas parantur. *Ca-
ballinum*, quod ex fquama ferri & fulphure fit, equo-
rum fcabiem sanat. *Baculiforme* teretem baculum re-
fert: aliis teres & *Arundinaceum*. *Dolichoeides* quan-
do fingulæ guttæ ad magnitudinem grani dolichi fi-
gurantur, idem ignem expertum perfectum & *ful-
phur vulgi*. Cuniculiſ effoffum quod oleo incoqui-
tur, & calamis ferreis funditur, *Extinctum* & *mortuū*.
Apud Chymiftas invenies vivum, decoctum, clavel-
latum, Naturæ, artis, incombuftile, &c.

VI. *Succinum élektron*, *chryſophóron*, *pteronophóron*,
harpax (gleffum, ſacrium, lyncurium, vellinurium,
Ambra citrinâ feu lutea, carabe) è limo quorundam
montium, æſtívis ſolibus fluitat, in algidoq; & her-
bido ſolo denſatum intumeſcente æſtu rapitur, &
purgamenti inftar protruditur in littora, ita volubi-
le, ut pendere videatur, atq; confidere in vado.
Attritu digitorum acceptâ caloris animâ, trahit in
ſe paleas ac folia arida. Taxatio olim in deliciis in-
gens, harumq; tantum in Succinis confidentia, cum
aliis vitiis oſtentatio aut uſus placeat. *Olólektron* pu-
rum eſt, nec quicquam heterogenei in ſe continet,
leucolectrum Cryſtalli inftar aliquando perſpicuum.
Chryſolectrum calliſtrati, matutini ſolis gratiſſimo
aſpectu, rapaciſſimum ignium, ſi juxta fuerint. *Fa-
lernum* à vini colore dicitur, molli fulgore perſpi-
cuum. *Foſſile* in foſſis Leſnæ, in cinerem poſt reda-
ctæ,

Ætæ, nec unquam rebus ut nunc stant, in eam magnitudinem & splendorem restaurandæ, dum urbs olim vallo muniretur, repertum est. Nihil *virgineo* extra misturam interiorem: *gravidæ* papiliones, muscæ, culices, quæ musteo adhæsere, inclusæ indurescunt, *Flavo electri* nomen: fulvo *Sualternici*, album inter medicas opes.

VII. *Gagati* (dicitur & Gangotis, Gangitis, Ætites, lapis thracius, Engangis petra, lithodæmon, lapis obsidianus, gemma thracia, bitumen nigrum, Ambra nigra, succinum nigrum) nigredo exquisita, lævor & polities, quia bituminis odorem spirat, funditq; resolutus, facile paleas arripit. *Pilegnus* rarior, levior, & ligno similis, spissior obsidianus & levissimus politurâ evadit. *Urbinas* lucidus inter faxa, *Borussicus* ex vicino mari titulo nigri succini venit. *Pumicosus* exsuccus difficulter flammam concipit. Non multum abludunt *Dryites* Plinii, quod instar ligni ardet, *lignum ferrugineum*, cum maculis nigricantibus Aldrovandi, quod flagrans odorem bituminis spirat, *gemma Samothracia* sine pondere, nigra, ligno similis, ex Samothrace Insulâ, *Ebenum fossile*, ligni instar fibrosum, bituminosum, scalpi, radi, & poliri potest. *Fagites Doldianus* Altorfii inventus, carbonibus ligni fagini similissimus, *lapis thracius* concretionem terreâ aridi bituminis constans, *Spinus Aristotelis* præcedenti congener, *Smarilus* favillâ Vesuviana vel Æthneâ Libavio, & *Maritha* calx viva naturalis in Hanno-niâ, ex terrâ cum marmoribus & bitumine effodi solita quibusdam.

VIII. *Sal*, *hals* & *halas*, coactio gignitur & sicca. N. to humore, cæditur & ex montibus lapicidinarum, s.

modo renascens, ferruminaturq; aqua. Effoditur in campis è terrâ humore densato *gemmeus*, glebis micarum nomen: squalentibus locis detractis arenis *Ammoniacus* levissimus intra suos specus, in lucem prolatus vix credibili pondere. Colligitur in lacubus qui in salem abeunt. *Tattaus* cum *Triteo* & *canteo* fortè idem, minutus omnis: in fluminibus, quorum summa in salem densantur, *fluviatilis*, in aquis marinis, coacto æstivis solibus humore *marinus*: *Tragaseus* non crepitat, nec exilit in igne. *Nativus* aliquando est pellucidus ut *gemmeus*. CrySTALLI instar, figuræ quadratæ, qui in igne ferri instar liquefcit, aliquando rubescit, duritie alabastrinâ, quandoq; flavus est, & frustum mali Cydonii imitatur. *Crocus* in Cappadociâ. *Rufus* circa Oxum apud Bactros. *Purpureus* in Hispaniâ, cùm teritur albescit. *Ruber* interdum Dacicus. Ovi tosti sapore *Colonienfis*. Ex *facilitis* Norvegicus niger est, & in ollis ferreis coquitur. *Flos Salis* ejus veluti rubigo est, humidioris naturæ, in fodinis candidissimus, canescentis lanuginis instar efflorescit. *Spuma* ramentum in extremis scopulis reses. Ex *Muriâ* sal communis elicitur. *Aspergo* in campis & pratis, qua rivi falsi labuntur, veluti pruina. *Salsugo* seu *salsilago* humor in salinis totus liquidus, marinâ aquâ falsior, vî distans. 9. *Nitrum* in terrâ sui generis, ad muros & petras ex coagulato humore nascitur. Educti ex quovis metallo & ligno potest, si *mendacissimo Glanbero* credendum, optimum, tenuissimum, fistulosum, spongiosum. Vulgari *Salispetra* & *nitri* nomen. Unde pulvis pyrius *Aphronitrum* in speluncarum molibus destillans, friabile est & purpureum si optimum. Efflorescens *salsuginosa*
in

in parietibus lanugo, *flos nitri* dicitur: si igne resolvitur *flospetra Affia*. Medico quo convalles in Media per siccitatem canescunt, *halmirrhaga*, quo Virgines in fucis & balneis usæ *Virginale*: quo matronæ *matronale* nomen. *Chalastricum* circa canis ortum, in aquis in Macedoniâ ad promontorium Chalastræum prodit. Est & *nigrum* & *rubeum* in Ægypto. Dioscoridi *ródopon* Volateranum, quod cum succo atramentario nascitur, *luteum* est: *flavesceus* pigmenti instar *Puteolanum*. *Thracicum* ad Philippos summæ terræ cuti inest, quia sordidum *ânreion* incolis. Inter congenera *Tartarum* nec non *Sal* 10. *Alcali* & 11. *Sal Armeniacum*, quæ licet ad decomposita artificialia spectent, de quibus heic loci non acturi erimus, nihilominus quantum ad subiecta pertinent, è quibus parantur, à nobis lib. 2. sub iisdem, nempe calcis & salis communis Anatomiâ, sufficienter explicabuntur. 12. *Babyloniæ bituminis* colamentum album *Naphta* (pharmacum Medæ, quo coronam & peplum Creontis filiæ inunxit, oleum Medæ) tantæ cum ignibus necessitudinis, ut transfiliant in eam, undecunq; visam. Aquâ aspersa stridet, copiosam cum fragore excutit, plurimâ obruitur, *pura* in solidum accensa conflamat. *Mixta* coagulum quasi pinguedinis adiposæ post se relinquit. *Citrina* & *purpurea*, si cum aquâ salfâ è scaturigine prodit, sal naphiticus, vel sponte concrefcit, vel arte paratur. *Nigram* deserta Arabum fundunt. 13. Minus inflammatur *petroleum* (eteosphaltus, oleum siculum) quia spissius, sed exaltatum, in illam abire potest: mutatq; aureum pro vasis modo colorem. *Merum* proxime ad naphtam accedit. *Mixtum* Pissa-

sphalto fœdatur. *Aureum & perspicuum* per se non capit flammam, indito elychnio picis more flagrat. *Violaceo* odor *Violæ*, in fonte nihil innatare potest. Bitumina *Cubanum* in cûba gravis odoris, *Hispanicum*, *Rahdinacum*, quod fœtet, & *oleum Corinthium* crassum, limosum, sub rubro & flavo coruscans, odoris nitrosi, quod in prato uliginoso reperitur. *Fælutitia* ex *Xeraphalto* arte resoluto prolicitur. *Pura* extenuata puniceo colore arridet. *Brochdorpiana* in planitie Brunsvicensi habetur, *baryosmos* inter congenera. 14. *Axungia bituminosa* Plinio *Pissasphaltum*, nigrum bituminis colamentum, in una plerumq; cum petroleo nigro, matrice, & quandoq; pro axungia rotarum in cocto sebo admista distrahitur. Bitumen *Zacynthium*, quod Asphaltum olet, & *Alsaticum*, quod vel liquidius vel spissius, nigrum utrumq; impurum, nec admodum fœdè olens, inter affinia. 15. Mediæ inter hanc & Xerasphaltum consistentiæ, nisi coalescat, *Maltha* est, facilè exardescit, coit, siccat. Cùm quid attigit solidi, tenaciter hæret, & tacta fugientes sequitur: flagrabat olim miles armis suis. cum urbs contra Lucillum defenderetur. Et hæc *Samosatrica* Plinii est. *Artificialis* vel ex naturali pice, arenâ, & aliis fit, quâ muri Babylonii ferruminati, vel ex calce vivâ vino restincta, adipe suillo, &c. *Limus maris mortui*, *Sidonius Plinii*, *Marga Altorfina*, lutum *Carinthiæ*, pix *Herodoti* inter cognata. 16. *Ambra Monardis* consistentiâ tenuis, color flavus, odor *Tacamahacæ*. bitumen *Valachicum* ceram olet, & ad candelas adhibetur. 7. *Aquæ salina* tam marinæ quàm fontanæ, de quibus suprâ. 18. *Aquæ nitrata* prout existunt in Indiis orientalibus, ubi ad ripam, evaporato

porato continuo colore partibus aqueis, nitrosæ facilis instar concrefcunt. 19. Sunt & *sulphurate aqueæ* prout in thermis reperiuntur & acidulis, quoniam, verò plerumq; mineralibus intermixtæ sunt, hoc loco tantum ea conditione ponimus, quâ solo sulphure constant, de reliquis enim mineralibus aquis capite septimo agemus, ubi decomposita metallica recensentur, nunc alteram decompositorum classẽ, nempe lapideorum aggrediemur..

Sectionis sextæ Caput sextum

De decompositis lapideis sic- cis & liquidis, pinguibus & macris.

SYNOPSIS.

N. 1. *Quid vocetur decompositum lapideum*, N. 2. *divisio Decompositorum lapideorum*. N. 3. *decomposita lapidea pingua*. N. 4. *Macra*. N. 5. *Mineralia*: N. 6. *Salina*. N. 7. *aquea*.

TEXTUS.

EXpositis Decompositis terreis, ad lapidea pro-
perabimus, ubi sive terræ, sive salia, sive aquæ
mixtum lapideum resolvunt, novumq; decompo-
situm faciunt, quod proindè quintuplex est, *primò*
enim terra pinguis lapides intercrefcit, ut nobis ex-
hibet terra ampelitis & lithantrax, *deindè* terra ma-
cra aliud decompositorum lapideorum genus con-
stituit, ut videmus in lapide scissili, Ebore, & cornu
fossili, nec non in belemnite, Corallo & lithoden-
dro,

dro. Tertiò aliud decompositorum lapideorum genus est in mineris, quibus lapides intermixti sunt vulgò *Erzstein / Stuppen / Quarz* &c. Quarto accedente salium specie, alumen, Chrysocolle & Borax producuntur. Quintum eorum, aquæ lapidificantes, lapidesq; resolventes, ut sunt Sophi, fluores &c. claudunt, nunc singula in specie explicabimus. 1. *terrea ampelutis* terra limositati miscetur, in lutum ab aquâ affusâ resolvi impos, *Pharmaciti* vis contra vermes, modicè assulosa, & oleo solubilis, misceriq; apta. *Selericia* à patria, *Belgicè* fictum *Torvenacum* ex *Torf* nomen: nigra est, & lignorum vicem supplet. *Brabantica* seu *mediterranea* minus foedi odoris, quia falsugine vitriolata minus imbuitur. *Zelandica* quæ pari falsedine ob maris viciniam corrumpitur. *Callaica* in Peru provenit, & ad solis ardores perticis imposita sudat. *Britannica*, quæ glebarum pinguium pratensium cespes, ex bitumine cum terris & radicibus concretionem *Motvenacum* nomen. *colonienfis* fusca est & friabilis. *Laminosa* ex assulis inæqualibus compingitur, nonnihil in nigredine subrubens & splendens. *Altorsina* ligneum ex betulâ vel fago carbonem refert. Aliquando splendens pyrites inest, sulphur aliquando: sæpè particulæ intus in ochram mutantur. In ardentibus niger color pertinax. 2. *Lithantraci* cum bitumine & succo lapidescente, inflammabilitas & lapidea durities, restaurat se ipsum, restibili seminario, sitq; iterum focus utilis. Flamma, affusâ aquâ acrior, oleo & arenis premitur. Est *Catainus Belgicus*, *Scoticus*. *Mollior* in terra facilè dehiscit. Macra decomposita quæ supra recensuimus ut lapis scissilis, ebur, & cornu fossile, Belemnites, coral-

corallium & *Lithodendrum* sub capite de lapidibus exposuimus, & eorum naturam Secundo libro exponemus. 3. Nunc ordo ad mineras vocat, quæ ex lapidibus & interspersis metallis constant, & vulgò *Schiefer* / *Quark* / *Horn*: *Kalchstein* vocantur, in N. quibus omnibus metalla generantur, atq; adeò tenaciter adhærent, ut rursus injecta lapidibus liquefactis, novum tale decompositum constituent, quod vulgò *amausa*, vocant, prout Sectione de principiis sufficienter exposuimus, nunc ad illa decomposita properabimus, ubi lapides cum salibus uniuntur, prout in *alumine chrysocolle* & *borrace* contingit, in hâc tota enim decompositorum expositione illum semper ordinem servabimus, ut decompositionem cujusvis decomponentis, *primò* circa terrea, *deindè* circa lapidea, tùm circa metallica, salina, & aquea exponamus, quod hucusque etiam observavimus. Ordo ergo jam ad alumen vocat. 3. *Alumen* (sal- N. fugo terræ) corrivatum hyeme, activis solibus 6. maturatur, liquidum (*alumen de rocha* & *ligurinum*) si lacteum est, *phórimon* dices, si pallidum scabrum, sordidum *paráphoron concretum*, si talo simile, *astragalótes*, si alteri *plinthites* & quia ex crustis constat *plakontites* & *boliton* si metæ *saccharinum* vocant. *Bullosum*, bullarum modo intumescit. *Fungiforme*, omnium facillimè ore diluitur. *Pumicosum* foraminum fistulis spongiæ simile, quia in Melo Insulâ nascitur, *melinum* vocant. *Scissile* flos glebosi est. *Trichites* incanescencia capillamenta dehiscit. *Iamenum* ex Babylonîâ adfertur. *Alumen Scajola* gypsi pars est perfectior, *plumeum* nonnullis. Inter factitia est *rupeum* seu *glaciale* quod ex præduro lapide candicante ex
rupe

rupe cæso & usto fit in agro Romano. *Catinum* quod in catino ex cinere herbæ Kali paratur quibusdā *ster-cus passerinum*. 5. *Chrysocolla* quasi auri gluten (auri sarnies *akestis*) humor in puteis per venam auri defluens limo, rigoribus hybernis usq; in duritiem pumicis. In ærariis metallis, laudatior proxima in aurariis. Ex *factitiis*, quæ erui colore est, vel granorum erui instar formatur, *orobytes* dicitur. 6. quæ ex urina pueri impubis, ærugine Cypria & nitro paratur, *Santerna*, quæ nitrosa est, *Borax*. 7. concludunt hoc caput *aquæ lapidificantes*, unde varia genera Tophorum & fluorum in cryptis Syriarum instar producuntur, inter quas præcipuum locum tenent, quæ in Comitatu *Cips* reperiuntur, in duobus non procul ab invicem distantibus fontibus, ex cujus uno aqua profluit, quæ quidquid injicitur, in lapidem mutat, alterius fontis aqua verò, subjecta quæ in priori fonte lapidefacta sunt rursus resolvit, quæ si vera essent, facilem viam haberemus calculum in corpore humano resolvendi, sed de his libro 2.

Sectionis sextæ Caput septimum De Decompositis metallicis.

SYNOPSIS.

- N. 1. *Divisio Decompositorum metallicorum.* N. 2. *Decomposita metallica sicca pingua.* N. 3. *media.* N. 4. *macra.* N. 5. *Terrea, naturalia.* N. 6. *artificialia.* N. 7. *Decomposita metallica liquida.*

TEXTUS.

TEXTUS.

Nunc ordo vocat, ut hoc ultimo capite Decom-
 positorum latus claudamus, quod faciemus N.
r.
 considerando decompositiones metallicas, quæ va-
 riæ sunt, variaq; decomposita producant, sive sic-
 ca sive liquida, inter *sicca pingua* mineralia locum
 obtinent, & inter hæc sulphur metallis gravidum,
 seu sulphur non commune seu minerale, Arseni-
 cum, realgar, auripigmentum, seu Sandarachæ,
media includunt argentum vivum & ejus super de-
 compositum nempe cinabrium, sive factitium, per
 sulphur & communem Mercurium, sive per sul-
 phur & Mercurium metallorum sive nativum, cui
 mineram adnumerare licet vulgò *Rothguldenerz* /
Macra sunt vitriola, sive naturâ sive arte facta solis,
 lunæ, Veneris, Martis, Saturni improprie saccha-
 rum dictum. *Terrea decomposita* metallica, quoq; du-
 plicia sunt, sive *naturalia*, ut Cadmia Kobolt, Ma-
 gnesia vulgò dicta *Braunstein* / quibus chalcitis,
 Misy, Sori, Melanteria, Galenâ, Calaminaris, Spo-
 dos adnumerari possunt, vel *artificialia* igne aut va-
 riis aquis facta, *in igne intra fornacem* resultant vel in
primis viis, sive ea pavimento incumbant ut scorea,
 lapidis orbes, diphryges, sive parietibus adhæreant,
 ut Galena factitia, cadmia fornacum, Tutia Ale-
 xandrina, Pompholyx & Spodos, vel in *secundis*,
 cum *metallum à metallo secernitur*, lithargyrium mo-
 lybdæna, vel *cum metalla colliquefiunt*, & nova de-
 composita oriuntur ut Orichalcum, blackmal & le-
 gaturæ metallorum, *extra fornacem* erumpunt rubi-
 gines & squamæ, ut ærugo, ferrugo, minium, al-
 bum Hispanicum, ultramarinum, cæruleum, quo-
 rum

rum aliqua igne, alia aquis solventibus parantur. Ad *squamas* squama æris, flos seu palea æris & ferri, nec non stomoma referri possunt. *Decomposita liquida metallica* sunt varii succi, acidulæ, & thermæ minerales. Nunc singula prænominata subiecta, juxta propositam seriem, nominetenus quoad externam differentiam considerabimus. 1.

- N. De sulphure vivo superius egimus, hoc loco autem *sulphura metallica* intelligimus, scilicet cum materia oleosa substantiam metallicam solvit, & novum decompositum causat, cujus variæ apud Chymicos existunt species, ut sulphur antimonij, Veneris, Martis, &c. de quibus partim in præcedentibus, partim libro secundo agemus. 2. *Arsenicum* de cujus plumbo seu reductione, tanta apud Philosophos disceptatio, quam nos quidem paucis horis decernere possemus, quando decompositum Arsenici in principia resolvimus, atq; in metalleitatem reducimus, nullius rei nisi vegetabilis cujusdam reagentis additione, quo corrosivi spiritus saturati, verum aliquod sive metallum sive minerale relinquunt, tantâ quantitate, ut libra Arsenici decem uncias exponat, sed de his libro secundo. Arsenicum ipsum quod attinet, magis quàm Sandarachæ pingue est, & ustum sulphur olet, quod optimum coloris est in auro ficcum, & gracili venarum discursu fissile, & si nulli materiæ permisceatur, *Foliosum* audit. *Glebofo* mixtus color, ideo deterior. In *factitio* Album CrySTALLINUM ducitur, quod dum simul mixta in fictili comburuntur, vapores elati circa vas, CrySTALLORUM instar concre-sunt, *Flavum*, quod ex Arsenico nativo & sulphure fit, *Realgar*, Arabibus, risagellum, aliis. 3.

Sanda-

Sandaracha reverà *auripigmentum* rubrum vel flammeum, in aurariis & argentariis metallis invenitur, melior quo magis rufa & magis virus redolens. *Fa-ctitia* Vitruvio *Sardix*, *Sandarachæ* differentiam inter Græcos & Arabes, ubi posteriores per eam vernicem Juniperi intelligunt, vide in Stockeri præxi aureâ lib. 1. pag. 65. editionis Batavæ Anni 1657. Sed de his lib. 2. 4. *Argentum vivum* (hydrargyrum, Mercurius) sæpè intra terram invenitur currens, plerumq; ex cinabari evocatur, æterni liquoris vomica, ignis vim eludens, & subito in fumum resoluta, restituitur sibi iterum. Exest ac perrumpit vasa permanens tabe dirâ, per pelles subactas effusum, sudoris vice defluit, guttis dividi facilis. 5. *Cinabarii* descriptionem in præcedentibus capitibus de lapidibus exposuimus, sub lapide minij. 6. Est & minera quam vulgò vocant *Nothguld*, *Erz* matrem mercurij vivi, unde non pauci sibi primam metallorum materiam spondent, sed de hoc minerali lib. 2. 7. *Vitriolum* (Chalcanthum, atramentum futorium, coriarium, cuprosa) sulphureæ saluginis æratæ ferratæve coagulum, efflorescit ex chalcitide & circa cupas, in quibus aqua atramentosa, vitrique pelluciditatem habet. Quod in venis & commissuris saxorum ex chalcitide efflorescit aut circa fornices fodinarum, instar styriarum destillat, pinarium & *stalagmias* appellant: quod è cuniculis effertur, vel in piscinas quadratas effunditur *concretum*. *Factitium* est vel *éphthon* quod ex aqua atramentosa in ahenis quadratis excoquitur: vel ustum Italicum viride si uratur, rubedinem acquirit. Sunt & vitriola *metallica* Martis, Veneris, Mercurij, Lunæ, Solis, &c. de quibus lib. 2.

His

N.
5.

His adnumerari potest *viride æris*, de quo in præcedentibus. 8. *Cadmia nativa fossilis*, quæ lapis calaminaris, sublutea, & fenum luteum si crematur spargens, eâq; æ colore aureo tingitur, ex metallica (lapis ærosus Plinio) æ conficitur. 9. *Koboltum*, Arsenici fomes, Smaltæ fundamentum, decompositum sulphureum Martiale & Joviale, vulgò *Münsther-Eydt*. 10. *Magnesia* sulphuris fomes, *Pyrites* (Marcafita, Zegnigrum, lapis luminis, Marcafita cuperosa, lapis ærarius) qui in fodinis æris, copiosè provenit, similitudine ejusdem aureo vel argenteo colore, tessellatus, granulatus &c. & metalli aut alterius cujusdam materiæ aliquid in se habet 11. *Subjectum* vulgò dictum *Braunstein* quo figuli in vitrificatione utuntur, à quibusdam *Magnesia* vocatur. 12. *Chalcitis*, quæ æris ruborem habet, & gracili venarum discursu probatur. *Facitia* fit ex chalcantho vetere, quod in filamenta transit. 13. *Misy*, quod luteum est, & è Chalcantho Chalcitideq; formâ pollinis aliquando efflorescit, aureis radiis, si fricetur, scintillans. 14. *Sorii*, cui color niger, odor nauseabundus. 15. *Melantheria* seu *atramentum metallicum*, quæ in cæruleo fusca est, circa pyritem ærosum lanuginosa: In faucibus ærariorum cuniculorum *saliformis*, quæ est melatria. 16. *succus acris*, cadmiæ suos natales debet, candidus & acerrimus, cui similis *halinitri* materia, quam saxa montium exsudant. 17. *Armenium* (armeniaci, opandica) à cæruleo candore modico discrepat aliquando nigro & viridi maculatur. 18. *Galena*, vena plumbo & argento communis, melior quo magis aurei coloris, quantoq; minus plumbo, friabilis, & modicè gravis. *Plumbago*, si solum sterilis ab igne consumitur, colore

lore magis lucido. 19. *Cadmia* fornacum, argenti & æris. Favillæ in ipso fornacum ore similis, *Cap-* N.
nitis dicitur, interior cameris dependens. *Botrytis* 6.
 in lateribus fornacum crusta potius quàm squama
placitis, intus maculis *Onychis* similis, *Onychitis*, to-
 ta nigra & sordidissima, *Ostracitis*. 20. *Scoria* seu re-
 crementum, de metallo, cùm defluxit detrahitur,
 oleiq; modo tenax & lenta, supernatat congelata
 fragilis. *Argenti helcysma* dicitur ut *spuma*, flos, &
kerchnos, cujus quoq; duo genera *kerchnétis* & *pegny-*
riene, in ærariis officinis, quæ accensis carbonibus
 repentè vehementiore flatu exspuitur: *Æris palea*
& psegma. 21. *Lapidis orbes* post scorias ex catino ex-
 trahuntur, varii generis, sive subsit metallum sive
 non. 22. *Diphryges* bis torretur, lapideq; æroso tor-
 refacto, cremato, aut excocto constat. 23. *Galena*
 auri & argenti fornacibus adhærere solet. 24. Huc
 adde arsenicum vulgò *Hüttenrauch* / totiplex, quo-
 tuplex est metallum, de quo supra. 25. *Tutia Ale-*
xandrina coloris cinerei, corticibus arborum simi-
 lis, exterius racemi instar granulosa, ex botryite
 nascitur. 26. *Pompholyx* æris & cadmiæ favillæ, te-
 ctillaqueari adhærens, bullata primo, mox lanarum
 penicillis similis, in candido cinerea quandoq; vel
 ærei coloris, *nil album*. 27. *Spodos* (cinerula) nigrior
 ponderosiorq;ue, mistis scintillis quandoq; & car-
 bonibus, parietibus fornacum traditur. 28. *Li-*
thargyrus (spuma argenti, lapis plumbi) in forna-
 cibus plumbariis olei modo liquecit, & refrige-
 rata in similitudinem spumæ concreescere solet.
 29. *Molybdæna* ex plumbo fit, & in oleo cocta
 jecoris colorem induit, *plumbago factitia*. 30.
Orichalcum vulgò *Steggensteiſſ*. Italicè bronzo;

ex cupro, stanno, cadmia, argento, aliisq; constat pro naturâ mixturæ & usu. 31. Est & aliud genus mixturæ decompositæ, quod vulgò fusores *Pladymal* / vocant, constans ex metallis diversis non probè separatis, cui adnumerare licet decompositum vulgò *Schirstein*. 32. Est & alia decompositi species arte tacta vulgò *Wagament* / unde monetæ constant, plerumq; ex cupro, auro, vel argento, vel auro & argento constat, & hinc variæ monetarum probæ & valores. 33. Ex rubiginibus *Cæruleum* elicitur ex argento per acceti vaporem. 34. *Ærugo* (flos æris *chalku ánthos*, viride æris) ex ærè dum in fodinis à succo vehementer acido eroditur, colore in cæruleo subcandido, sapore acri. Quæ circa lapides ærofos efflorescit, & abraditur, *Rasilis* est, quæ in formam vermiculorum contrahitur. *Scolecias* seu vermicularis apud Rhodios in panis *tu kóllikos* speciem effingebatur. *Fætitia* quæ abradebatur ab ære *rasilis* quoq; audit: quæ in placentas efformatur, *Placentiformis*: *Aurifabrorum* ex urinâ pueri impubis, in mortario pistillo Cyprii æris paratur. *Sublimatâ* pictores & statuarii utuntur. 35. *Ferrugo* seu *Rubigo* ferri ex humoris contactu, colore rubro cum nigredine permisto vitium, rarò intra terram reperitur. 36. *Cerussa* plumbi, vaporis aceti expositi rubigo est. Cinerea cinis *plumbarius* vocatur: *Minium veterum* sub lapide *Minij* vide: Vulgare (Sandyx Plinio *Phykos* quasi fucus aliis. Vitruvio *Sandaracha*) ex cerussa in patinâ super ignem usta fit. *Album Hispanicum* ex stanno, eodem modo conficitur quo cerussa ex plumbo nigro. 37. *Squama* sunt, squama æris, quæ

quæ clavis, quos ex panibus æris fabricantur, decutitur. Quæ crassa & fulva *Helites* vocatur. 38. *Flos æris* (paleæ æris ramentula) qui fit de ære fusco, aquâ extincto, & in alias fornaces translato, velut squamæ milii decutiuntur, sponteque cadunt. 39. *Squamæ ferri* (stomonia) subtilior ex summâ lanugine decutitur vulgò *Sinter*. 40. Decomposita metallica artificialia sicca sequuntur *liquida* ut sunt thermæ & acidulæ, de quibus Sect. 2. de statu mundi super: & subterraneo, hoc loco tantum diversitatem earum juxta varia loca considerabimus, sunt autem præcipue thermæ in *Italiâ*, *Patavina*, ex quibus famosissimum *Balneum Ebani* ex sulphuris, aluminis, nitri, salis, & calcis mixturâ constans: *Porretana* quadraginta à Bononia milliaribus: *Lucana*, quarum præcipuum balneum *de corseno* dictum. *S. Maria in Bagno*, quæ in Romandiola sitæ sunt: *Aqueæ* in Pifarum Comitatu, *Petriolæ* in Ducatu Senensi, alumine turgidæ: *Grotinæ* in Comitatu Viterbii, quæ ex ferro & ære constant: *Perusina*, quæ sulphure non multo & asphaltu participant, *montis Catini*, quæ omnes falsæ, &c. In *Germaniâ* laudantur *Plumbaria*: in *Lotharingiâ* ob copiosam plumbi mixturam ita dictæ. *Badenses* in *Helvetiâ*, quæ copioso sulphure & exiguo alumine constant. *Ferinæ* in Ducatu *Virtenbergensi*: *Cellenses* haud procul à *Martianâ Sylvâ*: *Amenses* prope *Rottenburgum* ad Nicrum situm: *Embsenses* in finibus lacûs *Constantiensis*: *Carolinæ* in *Bohemiâ*: *Visbadenses* non procul à *Moguntia*, ultra Rhenum sitæ: *Gastainenses* in *Bavaria*, quæ vehementi adstrictione, imprægnandi facilitatem pariunt: *Abudiacæ* supra *Reginoburgum*, quæ

quæ odore ova frixa referunt &c. 41. *Thermas* sequuntur *acidulæ*, quarum variæ existunt, sunt enim plurimi in Europa fontes acidi, inter quos præcipui sunt in *Germania*: *Spadani*, & hi quatuor *Geronsterius*, *Ponhontius*, *Savinarius*, & *Tonneleticus*: de quibus *Henricus ab Heer* scripsit *Griesbachiensis*, in aditu *Sylvæ Herciniæ* situs, qui ferro *Chalcantho*, sale *CrySTALLINO*, bitumine & sulphure imbutus est. *Petrinus* in *Alsatia*, quartâ milliaris parte à *Griesbachiensis*, qui mineras superiori pares habet. *Antegastensis*, qui alumine, sulphure, modicoq; *Chalcantho* imbuitur. *Ribelsaviensis* juxta eandem sylvam in *Comitatu Furstenbergico*, qui spirituosas subtilitates ferri, nitri, vitrioli, *chalciteos* & bituminis habet. *Gebersveilensis* in *Alsatia* superiore, qui alumine nitro & ferro constat. *Schvvalbacensis*. *Egranus* in *Bohemiâ*: *Nideraviensis* propè *Rottenburgum* ad *Neccarum*. *Demachiensis* in *Hercynia* sylvæ. *Federanus* in *Rhetia*, qui alumen & cuprum cum pauxillo sulphure continet. *Trevirenses*, qui tres sunt, & quorum unus terram luteam & ferrum præterfluit. De reliquis taceo. Atque ità absolvi decompositorum metallicorum caput, simul & totam hanc sectionem sextam, de subjectis mineralibus & subterraneis, quoad externam denominationem & differentiam, in quâ, licet alieno ore præter consuetudinem meam interdum loqui coactus fuerim, totam tamen ejusdem distributionem, ordinem & directionem mihi integram servari volo, utpote qui eam juxta meam intentionem & non sine ratione ad normam & leges naturæ disposui, quæ dispositio non ex nudâ quâdam *Dichotomia* sed ex ipsorum

psorum subjeetorum natura processit, prout secundus liber, qui totus est practicus, hæc omnia demonstrabit, & nostram hanc partitionem non sine sufficiente ratione factam esse luculenter demonstrabit: nunc explicato hoc labyrintho ad nostrum ingenium nempe ad nostra redibimus, & capite sequente, methodo Chymicâ, compositionem & decompositionem mineralium, seu omnia, quæ hæc sectione proposita sunt, clarius & quasi *summariter* ob oculos ponemus, atq; ita hanc sectionem concludemus.

Sectionis sextæ Caput octavum Compositionem & Decompositionem subterraneorum Chymicè exponit

S Y N O P S I S.

N. 1. *Necessitas & utilitas hujus capitis.* N. 2. *trium principiorum origo.* N. 3. *eorum progressus simplex pro lapidibus, terris, & metallis componendis.* N. 4. *eorum varietas, lapidum, terrarum, metallorumque inde nata differentia.* N. 5. *tria magna solventia ex præfatis principiis.* N. 6. *Acidi universalis decompositiones.* N. 7. *solventis sulphurei decompositiones.* N. 8. *solventis mercurialis decompositiones.* N. 9. *artis imitatio in triplici menstruo.* N. 10. *definitiones quorundam subterraneorum.*

Ll 3

TEX-

TEXTUS.

- N. 1. **Q**uanquam in præcedentibus capitibus decompositis & decompositis subterraneis satis superq; dictum sit, attamen ob corporum multitudinem & varietatem nec non prolixam descriptionem, ipsæ corporum compositiones non ita ob oculos veniunt, ut quasi unâ ideâ præstò essent, atque intellectui occurrerent, etsi quoque hujus libri Sect. 3. cap. 5. & 4. in genere subterraneorum compositiones & decompositiones recensuerim, generalia tamen nimis, sicut in hac Sectione recensita specialia nimium erant, medium ergò pro hujus Sectionis conclusione eligere volui, ne aliquid omitterem, quod curiosus Lector desiderare posset, nam licet Sect. 4. cap. 6. & 7. de subterraneorum mixtione multa dicta sint, quæ tamen hæc dicentur illic omissa sunt, quod huc spectarent, ad eum nempè locum, ubi uno intuitu tota subterraneorum genesis nec generaliter nec specialiter nimis ob oculos ponenda est, quod ut præstemus, ad principia recurrendum erit,
- N. 2. Mineralium nempè, quæ *tria* numero esse superius probavimus, primum lapidum mater est, alterum terrarum, tertium metallorum, ita tamen ut variè concurrant, ut postea dicemus, primum in terrâ naturalem sedem habere, alterum & tertium ex centro terræ & mari prodire sub initium hujus libri probavimus, sub aquæ, terræ, & vaporum larvâ conspici Sect. 3. cap. 2.3. & 4. ostendimus, prima enim terra reverà in Spiritu Vitrioli seu sulphuris imò in quovis alcali, altera in spiritu nitri imò quovis oleo, tertia in spiritu salis,

lis, aceti, fuliginis, & urinæ latet (notate hæc verba) omnia enim subiecta, non subterranea modo sed superterranea his tribus subiectis constant, seu de illis participant, proinde etiam *potentialiter totus orbis metallus refertus est*, cum verò ejusmodi principia ad actum disposita sunt, id est in ordine ad subterranea, varios qualitatum ^{N.} & dispositionum gradus acquirunt, cum enim ^{4.} pura sunt nec permixta, simplicissimæ mixtionis existunt, *primum* est lapis, qui duplex est quoad superficiem vel solidus vel arena, quoad substantiam vel vitri vel calcis lapis, vulgò *Glas oder Kalkstern*/ id est ad diaphaneitatem vel opacitatem paratus, vel purus vel impurus, vel mollis vel durus, vel clarus vel secundo principio tinctus, & hinc tot lapidum genera & species, duri, molles, clari, opaci, aquei, tincti, liquabiles, persistentes, puri, impuri; *Secundum* principium est terra, quæ duplex quoad superficiem, sicca vel liquida, quoad substantiam macra vel pinguis, pura vel impura, variè tincta, alba, nigra, flava, rufa, rubra cærulea, viridis, & hinc non modo ipsius terræ, varia genera & species, ut terra hortensis, agricolarum, figulorum, liquefactorum, Medicorum, pictorum, sed & mixta puta lapides & metalla, quæ hæ terræ ingrediuntur, pro earum diversitate, diversa existunt & variant, hinc varii generis lapides & metalla, colore variantia, imò substantia, puritate & bonitate, ferrum enim impuriorem terrâ auro habet, argentū albam, cuprū rubram possidet, viret smaragdus, rubet rubinus &c. *tertium* principium viscosum gluten est, coagulans, glutinans, maleabilitatē & extensibilitatem nec non metalleitatem

seu folium metallicum dans , itaq; si (exempli gratia) primum principium solum sit, CrySTALLUM habemus , si superveniat secundum puta terra rubra , tingetur CrySTALLUS in rubinum , si tertium addatur , fiet aurum , & accipiet metalleitatem & extensibilitatem , prima ergò terra propriè lapidibus , altera terris , tertia metallis competit , lapides proinde sunt simplicissima mixta , terræ plus metalla plurimum sunt mixta , ut autem ad tertium principium redeamus , in quo forma metalli latet , sciendum est , illud quoq; puritate & impuritate variare , non tamen in tantum , prout primum & secundum principium , hinc metalleitas omnibus ferè metallis una , varietas autem partim ex primo , plurimum ex secundo principio oritur , ut diximus , hinc quædam metalla fluida , friabilia , tenacia , sonora , levia , gravia , prout Sectione sequente & ultimâ exponemus , primo principio fusibilitas & consistentia , diaphaneitas & opacitas , secundo color , odor , sapor , tertio forma competit , in metallis metalleitas , in terris terrestitas , in lapidibus lapideitas , & in hac triplici formâ posteriores duæ formæ analogæ sunt cum metallicâ , non prorsus tamen eadem , variat ergò tertium hoc principium præfatâ trinitate generali , in specie enim plurimæ formæ lapidum & terrarum sunt , utpote foliatæ , striatæ , angulares &c. metalla perfecta unam quasi habent , mineralia parùm variant , ut antimonium in striis , marcasita in quadrangulis &c. quomodo autem imperfecta mineralia quoad mixtionem cum metallis differant , vide Section. 3. cap. 5. §. 4. & Sect. 4. cap. 6. & 7. nunc expositâ simpliciiori compositione lapidum

pidum, terrarum & metallorum, ad decomposi- N.
 tiones properabimus, si decomponentia prius⁵
 consideraverimus, ad quæ præparanda natura
 non minus provida fuit, quàm pro ipsis principiis
 producendis, & æterno ordine movendis, tria
 enim *magna decomponentia solventia* produxit, unde
 omnia decomposita oriuntur, eaq; trinitati prin-
 cipiorum originem debent, primum magnum
 solvens, *acidum universale* vocatur, de quo Sect. 2.
 cap. 4. §. 2. §. alterum sulphureum est, tertium
 mercuriale, seu salinum, primum, potiori parte
 primo, alterum secundo, tertium tertio principio
 originem suam debet, ità tamen, ut reliqua in
 quolibet concurrant, licet à potiori denominatio N.
 sumi soleat, primum ergò solvens, cujus potius⁶
 ingrediens calx est, seu terra calcis aluminosa,
 hinc adstringens & acidum, triplicia decompo-
 sita facit (non agam jam de naturâ & causâ hujus
 solventis & solutionis, de ejusmodi enim Sect.
 4. c. 3. egi) *primum decompositorum genus* lapi-
 deum est, nam cum lapidem calcis, permeando
 tales ductus subterraneos, solvit, alumen præpa-
 rat, quia alumen ex calce constat, teste anatomiâ,
 si lapidem vitri, id est, lapidem fusilem sol-
 vat, fit borax, nam exindè constat teste experi-
 entiâ. *Secundum decompositorum genus* ex acido
 solvente terreum est, nam cum acidum terras sol-
 vit vel macras, tum fiunt terræ adstringentes va-
 rii generis, vel pingues, id est, si picem vel axun-
 giam terræ solvat tum sulphura producuntur, sul-
 phur enim ex terrâ pingui & acido constat, *ter-
 tium decompositorum genus* & acido solvente me-
 tallicum est, cum nempè acidum universale me-
 tallum

talla solvit, hinc vitriola quorum tot species sunt, quot metalla, imò etiam metallica decomposita existunt, ex ipso enim Mercurio Vitriolum composui, nihilo nisi sulphuris acido addito. Nunc expositis decompositis per acidum universale, ad alterum decomponens progrediemur, nempe

N. 7. *sulphureum oleosum*, pingue, quod rursus triplicia decomposita facit, primum genus terreum est, hinc bitumina omnia, *alterum* lapideum, indelithantraces atq; id genus alia, prout in antecedentibus capitibus sufficienter expositum, *tertium* metallicum, hinc sulphura metallica variaq; arsenica & realgaria, quorum tot species sunt, quot mineralia, tertium solvens Universale *Mercuriale*

N. 8. est, hinc, decompositum Mercurii oritur, quod totiplex est, quotuplex metallum existit, & si species secundæ terræ adveniat, superdecompositum fit, quod cinabrium vocamus, sed de hoc mixto & nobili superdecomposito vide Sect. 3. c. 5. §. 3. narrationem hanc Physico-historicam, lector si sapiat, pro praxi totius hujus libri assumet, neq; eam bene perlegere dedignetur, nam nihil frustra sed omnia ex praxi scripsi, atq; ita clarè, ut mihi præ *invidis Philosophis* timendum sit, ne eorum causâ pericliter, quod ea prodam quæ nemo mortalium hæctenus aperuit, sed excussâ invidiæ

N. 9. larvâ, prodesse pergam, & prout in præcedentibus omnia composita & decomposita ex triplici terrâ & menstruo triplici decomponente prodire dixi, ita heic assero, possibile esse arti, ut hunc *senarium* majori perfectione quam ipsa natura imitetur, hoc tamen loco de menstruis decomponentibus tantum loquar (nam de ipsis componentibus nempe de prin-

principiis, in præcedentibus plus quàm satis actum) tria ergo menstrua in arte sunt, magna decomponentia, primum *magnum acidum* est, seu Philosophorum spiritus Sulphuris (potius eorum calcis aut boracis) quem Ripleus superficialem vocat, alterum *Alkaëst* nominatur, & est subtile oleum, propriè terræ pingui nempè secundo principio originem debens, cum illo corpora naturaliter calcinantur (potius pulverisantur) tertium *Mercuriale* est, & ut Ripleus ait, *humiditas maximè permanens incombustibilis & unctuosa in suâ naturâ*, cum hoc fiunt *revivificationes* corporum, cum primo *fixationes*, cum secundo *sublimationes* & incerationes aguntur, jam verò ex dictis meis magna contraditio apparebit, sectione enim hujus libri tertia cap. 4. Alkaëst ex tertio principio procedere dixi, nempè terrâ mercurificante, & sectione hujus libri quinta capite tertio §. 17. & 44. ex secunda terrâ procedere dixi, quæ sibi repugnant, O quàm gratum illis, qui ejusmodi contraditiones in Autorum libris offendunt, ut habeant, quo bonos Viros vellicent, invidiæq; suæ satisfaciant, sed ecce medicinam, quid si hæc contradictoria scribantur, ut idiotæ & tales superbi asini confundantur, consulantq; suum Aristotelem ut filum ariadneum pro hoc bivio eis concedat, sed in Philosophiâ propter nebulones, boni Viri pati non debebunt, itaq; nostris pauca in aurem, *pulchra fœminarum forma & Samsonem fortissimum, & Salomonem prudentissimum occæcavit, quare non me*, O gratum prudentibus errorem, *Felix qui potuit rerum cognoscere causas*, quod etiam intelligendum est de eo quod Sect. 3. c. 1. §. 13. pag. 132. & Sect. 5. cap. 3.

§. 71. 72. de Venere dicitur, fallunt profectò experimenta, non modo cùm non succedunt, sed potissimum cùm succedunt, tum enim quid pro quo statuunt, oculosq; occæcant, neq; enim ratio humana eò adigi potest, ut simplicia credat, sed subtilitatibus gaudet, unde decipitur, sic hæc *Veneris extractio*, quam non modo ego sed de Comitibus, Helmont, ipse Paracelsus credebant, imposuit, non in praxi sed scientiâ, albedo enim ex menstruo mercuriali provenit, & hoc errore didici *Mercurios facere, & in sale arsenificantem ac mercurificantem terram, id est Alkaest à Mercurio Philosophorum distinguere*, gratias ergò mihi ob has contradictiones & detectos errores Philo-Chymici agent, qui ità liberè & candidè scribo, errorem profiteor, veritatem detego, natura enim imper-scrutabilis est, singulisq; horis discimus, venia etiam danda est in errore tam subtili, qui ferè plus in nomine quàm in re consistit, sed ad finem hujus capitis & sectionis properabimus, ubi quoq; omnia periculi plena, ne contradictiones incurramus, hærent enim Peripatetici in verbis, nos in rebus, quibus liberè interdum nomina imponimus, & varia, pro naturæ exigentia, termini Peripatetici à Chymicis diversi, *nullus bonus Peripateticus bonus spagyricus, & e contra*, repugnat enim natura phantasiæ, quâ potissimum Peripatetica fulcitur, laudavimus autores, quos alibi culpavimus, sed in diversâ materiâ, idq; quia *veri magis quàm personarum rationem habuimus*, deniq; quod maximum est, *scribimus talia, quæ apud neminem hætenus leguntur*, sc. definitiones subterraneorum mixtorum, *non ab externâ formâ, sed internâ constitutione, mixtione, & crasi desumpta*,
 pauca

pauca verba, sed Lectori si sapiat, magis grata quam omnis præcedens apparatus à Jonstono, Boëtio aliisque depromptus, experientia enim nititur, bonis ergo me satisfacturum spero, aut ad minimum ansam ulteriùs indagandi daturum, pravis & invidiosis calumniæ materiam parabo, quæ tamen, uti hæcenus fecit, indies me magis ad virtutem stimulat, bono itaque animo ad definitiones quasdam compositorum & decompositorum subterraneorum me accingam, glaciemque in hoc genere sat obstinatam & solidam perfringam, cui hæc non placent, *Der mache es besser* / modo non *Mayeri* instar in nuperis suis vulgatis *Comitiis Philosophicis* totas paginas de verbo ad verbum ex meâ metallurgiâ transcribat, ne citato quidem autore, quos tamen plurimos citaverat, timebat autem bonus homuncio ne nihil sibi superesset, quod suum dici posset, meum enim sibi vendicaverat, quod tamen me non malè habuit, aut amicitiam erga hominem mutavit, quin ei ut mendicanti eleemosynam porrexerim, felicior Philosophatur⁹, si carbonarius potius quam librarius philosophus extitisset, neque scripsisset, antequam scribere didicisset, *dolendus juvenis*, sed jam quantum fieri poterit, brevi compendio nomenclaturam Phycam apponam, atque ita hanc sectionem mihi profectò laboriosissimam claudam.

Salsi pro rerum principio sumitur, est lapis vel Vitri vel calcis, latitans in propriâ larvâ, deinde in alcali, quovis spiritu vitrioli, sulphuris, *alcali* enim definitur quod sit calx in aquâ solutâ, differt ab alumine, quod ibi acidum interveniat, in alcali oleum, & *Spiritus vitrioli ac sulphuris* definitur, quod sit calx volatililis per acidum soluta, & volatilifata.

Sulphur,

Sulphur, si pro principio statuitur, est terra sulphuris & cujuscunq; pinguedinis, flagrantisq; materiæ, etiam *spiritus nitri*, qui definitur, quòd sit terra pinguis sale soluta urinoso, & volatilifata.

Mercurius si pro principio statuatur, est terra salis communis mercurificans, reperibilis in omni acido & urinoso, orta & præparata per separationem terræ arsenicalis.

Lapis aqueus definitur, quòd sit principium primum purum si *opacus* altera terra accessit, nempè opaca, si tinctus, sulphuris terra, *triplex* est, vel calcis, vel vitri, vel medius.

Terra definitur, quod sit principium, secundum nempè, si primæ miscetur, lapidescit, si tertiæ metallescit, sitq; decompositum, de quo antea, est macra, pinguis, &c. prout in præcedentibus dictum.

Metallum est vel iusta portione mistum, & tunc ad sex metalla, vel inæqualiter mistum, & tum ad mineralia pertinet, acquirit metalleitatem suam à terra salis varios lapides & terras ac salia in mistum recipit.

Sal nitri est terra pinguis sale volatili, urinoso, acido soluta.

Sal commune est mistum ex aquâ & mercuriali ac arsenicali, terra.

Sal alcali ex calce, terrâ pingui & aquâ.

Sal aluminis ex calce, & acido universali.

Sal Boracis ex lapide vitrescibili, & acido universali, arte facta Chrysocolle æmula.

Sal Vitrioli ex metallo & acido universali.

Salmiac est sal artificiale urinosum & salinum.

Sulphur ex bitumine terræ & acido universali, accedunt nonnunquam metalla.

Pinguedo est terra pinguis sale volatili soluta.

Arse-

Arsenicum ex terrâ sulphuris, quæ inest sali communi, & metallo intermixto constat.

Auripigmentum arsenicum est, nisi quòd accedat terra sulphuris communis.

Argentum vivum metallum est per terram salis fluidificantem vivificatum.

Cinabrium, argentum vivum est, intermixtâ communis sulphuris terrâ.

Aquæ minerales constant ex præfatis siccis corporibus interpositis aqueis.

Ars imitatur hæc omnia decomposita, inde amara, flores, croci, salia, butyra, cornua, mercurii, arsenica vitriola, sulphura, arte facta.

Acidum universale est spiritus salis calcis terrâ alteratus.

Alkaest constat ex oleo subtili, id est terrâ sulphuris arsenicalis, quæ sali inest, subtilitata.

Mercurius Philosophorum est terra mercurificans in sale latitans, duplicatus dicitur, si sulphure Philosophorum animetur.

Sulphur Philosophorum est secunda terra pinguis, purissima, incombustibilis, ubiq; præsens, à paucis cognoscibilis.

Tinctura est Mercurius Philosophorum, præfato sulphure imbibitus, & ad fixationem ac plus quàm perfectionem deductus.

Terra in genere est sicca, aqua est terra fluida, aër terra subtilis, ignis est terra rarefacta.

Cælum est elementum rari & densi.

Natura est motus conservans omnia in ea dispositione, quâ à Deo creata & producta sunt.

Deus est primum & increatum ens, unica movendi causa, & principium.

Habes

Habes heic lector benevole totum Naturæ Alphabetum, *en quàm modicè habitat Philosophia*, quam ex tot ambagibus in compendiū redigere quantæ molis! definitiones præfatæ practicæ sunt, & hinc earū veritas libro secundo sub cuiusvis subjecti anatomia speciali, defendetur, nunc huic Sectioni finem imponemus, atq; ad ultimam properabimus.

Libri Primi Sectio Septima & ult. De Subterraneorum accidentiis & affectionibus Physicis.

Caput Unicum.

SYNOPSIS.

N. 1. *Compositio, decompositio.* N. 2. *homogeneitas, heterogeneitas.* N. 3. *Mixtio, solutio.* N. 4. *perfectio, deterioratio.* N. 5. *corruptibilitas, persistentia.* N. 6. *terra, aqua, aëris, ignis larva in subterraneis.* N. 7. *calor & frigus.* N. 8. *humiditas & siccitas.* N. 9. *soliditas, fluiditas.* N. 10. *durities, mollities.* N. 11. *Malleabilitas, friabilitas.* N. 12. *porositas, compactio.* N. 13. *levitas, gravitas.* N. 14. *Volatilitas, fixitas.* N. 15. *ustibilitas, incombustibilitas.* N. 16. *diaphaneitas, opacitas.* N. 17. *Sonus & tonus.* N. 18. *figura.* N. 19. *Sapor.* N. 20. *Odor.* N. 21. *Color.*

TEXTUS.

Nunc expositis corporibus subterraneis, restat ut de eorum accidentiis & affectionibus Physicis agamus, idq; in genere tantum, cum libro secundo hæc omnia sufficientissimè in praxi præsturi

turi sumus, hoc verò loco rationes & causas affectionum dabimus, ne opus sit libro secundo, qui totus practicus est, multa theórica involvere, & hæc est ratio, quod hanc sectionem huic primo libro apposuerimus, loco ejus, secundo libro manipulationes quasdam circa subterraneorum anatomiam, utpote probam metallorum, salium & lapidum liquefactiones & refinationes addituri, ut autem ad nostrum propositum veniamus, constitueram quidem quemlibet paragraphum proprio capite ad longum exponere, quoniam verò multa praxis immisceri debebat, quæ ad secundum librum potius pertineret, nolui hunc librum primum, qui theoricus est, multâ praxi, sicut secundum non multâ theoriâ replere, deinde recordabar me hos paragraphos magnam partem in metallurgiæ meæ tertia parte exposuisse atq; ita frustraneum foret idem bis scribere, placuit ergo hanc totam doctrinam de accidentiis & affectionibus Physicis subterraneorum, in compendium redigere, uno hoc capite comprehendere, atq; ea inferere, quæ vel in Metallurgia mea ommissa, vel obscurius posita, vel hætenus à me melius inventa sunt, tuum erit Lector benevole laborem hunc æqui boniq; consulere, sciendum itaq; est; ut initium faciam, omne corpus subterraneum mixtum esse, sive compositum sive decompositum, ipsa enim subterraneorum recensita principia certo respectu mixta sunt, nihil enim in mundo sublunari, quod non mixtum unum tamen plus altero, hinc quæ in positivo mixta sunt, *simplicia* vocantur, quæ in comparativo *composita*, quæ in superlativo *decomposita* & *superdecomposita*, quæ simplicia, quæ composita quæ decomposita

M m

sint,

fint, fatis superq; & vix non ad nauseam Sectione præcedente exposui, hinc ingrata repetitione supersedebo, compositionis verò & decompositionis causas, invenies in variis locis hujus libri præsertim Sect. 4. cap. 3. Nunc, quid *homogeneum* sive

2. *heterogeneum* sit exponemus, sciendum autem est, in naturâ nihil heterogenei esse, respectu nempe totius symmetriæ, omnia enim suavissimè & naturaliter cohærent, & omnia suo modo perfecta sunt, & respectu totius, necessaria, sin verò mixtionem consideremus, illa heterogenea vocantur, quæ diversæ sunt mixtionis, id est, quæ commixta non cohærent, ut si lignum cum carne misceas, vel pomum cum auro, sic inter subterranea heterogenea sunt, quæ in mixtione non persistunt, ut stannum, quod excepto plumbo omnia metalla, quibus permiscetur, friabilia reddit, quod etiam de Orichalco intelligendum est, & inter lapides, vitrescibiles non miscentur istis, ex quibus calx viva paratur, nam quemadmodum omnes lapides vel opaci sunt vel diaphani, ita omnes vel in Vitrum vel in calcem mutantur, lapides enim qui calcem exhibent, non vitrescunt, si enim vitrescerent, non possent in calcem redigi, & sic non daretur calx in rerum naturâ, econtrâ lapides qui vitrescunt, non dant calcem, quia rediguntur in vitrum, antequam calcinentur, quod nisi facerent, non daretur in rerum naturâ vitrum, commune ergò axioma est, *Lapides vitrescibiles non dant calcem, & econtrâ lapides calcis non dant vitrum*, & propter hanc differentiam hæc duo lapidum genera ægerrimè commiscentur, & in commixtione sua quasi heterogenea sunt, deinde etiam heterogenea vocantur, quæ
non

non cohærent , præsertim in metallis , quæ prorsus sibi homogenea esse debent , quorum nempe quælibet pars rotunditatem & homogeneitatem suam servat, deinde multa heterogenea esse videntur , quæ tamen revera cum metallis homogeneam mixtionem ingrediuntur , ut sunt illorum principia , nempe tres istæ terræ , de quibus Sect. hujus libr. 3. & ex hoc fundamento variæ terræ & lapides mixtionem metallorum ingrediuntur , cujus ingressus occasione , non possum non Lectori insigne experimentum recensere , quod se sequenti modo habet : *Glauberus* in tractatu , cui titulum *Proserpina* fecit, aliisq; suis nugis docet, quomodo mediante oleo Vitrioli tinctura pretiosorum lapidum extrahi queat , extractam tincturam in lapidem concentrat , quo lunam tingit , *sed prout omnia ejus sunt experimenta , nempe inania somnia , deceptiones & impostura , partim mera conjectura* , ita quoq; cum hoc experimento succedit , quod falsissimum est , oleum enim Vitrioli quidem tingitur , sed non ex lapidibus , cum illa coloratio ex ipsa olei Vitrioli naturâ procedat , ego multum sudavi , ut processum emendarem , quò succederet , sed omnia in vanum tentata , prorsus aliam rationem inii , observavi namq; lapidibus tertium principium , nempe metalleitatem deesse , quare suspicatus lapidibus magnam quandam harmoniam cum Mercurii principio esse , eoq; faciliter solvi , accepto itaque subjecto minerali , quod præ reliquis penetrante Mercurio copioso refertum , cæpi id pulverisare , & certâ proportionem cum tritis lapidibus miscere , ac liquefacere , & inveni mixtum metallicum , minerale enim

de quo loquor, totaliter imbiberat lapidem, erat autem granatus, in liquefactâ massâ nihil heterogenei, nec vitrum nec scorias observavi, unde firmiter conclusi, prout etiam pondus demonstravit, totam granati quantitatem metalleitatem assumfisse, quod etiam regulus demonstrat, in quo veram granatorum tincturam latere deprehendi, valdè itaq; gavifus fui, quod modum invenerim, quoscunq; lapides levi negotio resolvendi, nam ulterius progressus sum, & hæmatitem, rubricam, variosq; alios lapides, imò etiam terras, ut Smiridem, bolum-armenum, &c. hoc modo tractavi, non sine emolumento, & Lector si sapiat, & quæ heic scribo intelligat, magnas mihi gratias aget, inveniet namq; modum non modo præstantissima medicamenta sed & aliqua alia præparandi, hoc loco demonstrare tantum volui terras & lapides, licet quasi heterogenea cum metallis appareant, homogenea tamen esse, & ipsum mixtum metallicum essentialiter ingredi, hinc metalla ex ejusmodi principiis constare, nempe ex terris, certissimum est, quod Sect. 3. c. 5. §. 14. pag. 194. & 198. ad longum demonstravi.

Mixtionem & solutionem in præcedentibus Sectionibus, nec non in nostro Oedipo Chymico ad longum recensuimus, præsertim quid sit radicalis solutio, quæ per propria principia fit, & quoniam tertium, quod Mercuriale est, plerumq; cæteris penetrantius existit, itaq; ad solutionem frequentius adhibetur, distinguendum tamen est inter solutionem, quæ lapidibus, & inter illam quæ metallis propria est, pro solvendis namq; lapidibus alia terra solvens requiritur, quàm pro metallis, quod
tertium

tertium principium in illis variet, prout cap. 6. Sect. 4. diximus, & hoc intelligendum est, si solutio in ordine & naturale augmentum instituat, id est, ut solvens cum soluto recoaguletur, tum enim solvens metallis competit, quod metalleitatem, & lapidibus quod lapideitatem dat & conservat, primum omnes Philosophi requirunt, in suo solvente, hinc Comes Bernardus *Amen dico tibi, quod nulla aqua corporibus in solutione conveniat, quae non eis permanet in materia & forma, & quam metalla soluta recoagulare possunt, &c.* experimentum circa solvendo lapides rarum & jucundum, apposui hujus libri pag. 144. §. 13. ubi solvens in naturam lapidis soluti transiit, reliqua de mixtione & solutione vide suis locis.

Perfectio & deterioratio ita intelligenda est, ut nihil in natura malum sit, Deus enim omnia in perfectione creavit, & quodlibet persistit in suo esse, deterioratio vero contingit respectu alterius seu status prioris, si enim ex auro plumbum fieret, utique deterioratum esset respectu prioris existentiae, interim quatenus plumbum, perfectum esset in suo genere, perfectio ergo consistit in relatione aliqua respectu aestimantium, hinc illud proverbium, *Ein edler Stein ist so viel werth / als ein reicher Mann darfür gibt* / perfectio autem si specialius consideretur, est cujusvis corporis naturalis status E. gr. in adamante diaphaneitas, claritas, & durities perfectionem causant, si jam maculae accedant, impuritas aut simile quiddam, tum imperfectus dicitur, in auro fixitas, gravitas, malleabilitas & color flavus desiderantur, quod si unum horum desit, imperfectum erit, id ergo deteriorari dicitur, quod

à statu naturali mutatur in pejus, id verò perficitur, quod vel in suo esse exaltatur, vel de uno esse in aliud transmutatur, quod in *relatione civili* magis æstimetur, *relatione enim Physicâ omnia corpora perfecta sunt*, in plumâ enim levitas tanti pretii, quanti est gravitas in auro, & mollities in corio tantæ laudis quantæ est durities in adamante.

N. 5. *Corruptibilitas & persistentia*, quæ corruptibilitati opponitur, Sect. 4. & 5. nempè de mixtione & solutione earumq; causis sufficienter exposita est, ubi probavi corpora, quo pauciores & simpliciores partes habent, eò minus corruptibilitati esse subjecta, hinc animalia omnium corruptibilissima, metalla econtra durabilissima, quin imò licet sub sole, præsertim inter sublunaria nihil constans sit & æternum, nihilominus mediante arte Vitra parantur, certè æternum duratura, interim tamen arte resolvi possunt, & tinctura, seu ut vocant, lapis Philosophorum, nullo quoq; Elemento corrumpi potest, licet ejus generatio ex corruptione procedat, nempè primi entis metallorum conjunctione & putrefactione cum auro, illudq; primum ens nonnulli chalybem vocârunt, qui per magnetem id est electrum immaturum attrahitur, in quâ attractione totum negotium consistit, sed ut ad propositum redeamus, illud corrumpi dicitur, quod à statu suo naturali recedit, sed status naturalis duplex est, unus in quiete, alter in motu, lapides & metalla mixta sunt, & constant in quiete, sed quæ vegetantur, quæ generantur, quæ vivunt, in continuo motu sunt, & ille motus consistit in perpetuâ reactione, sic actio ignis in oleum, reactionem causat, unde flamma, & anima perpetuò reagit

reagit in corpus, unde vita, quod se flammæ instar habet, sed de corruptibilitate sufficienter cap. de putrefactione egi.

Subterranea ignis, æris, aquæ & terræ larvâ non N. raro conspiciuntur, terrea forma, illorum pro- 6. pria est, & hinc ut sub initium hujus libri dixi pag. 45. & 46. in sacrâ Scripturâ sub terræ nomine comprehenduntur, de aquis lapideis & metallicis nec non mineralibus sect. 2. egi, si ex cupro viride æris destillatum facias, idquæ in spiritu Vini solvas, soluto chartam imbibas, incendasq; , viridem elegantem flammam conspicias, ubi atomos cupreas in flammâ larvari nullum dubium est, flamma autem in aërem resolvitur, cui etiam cupreas atomos communicat, circa hanc combustionem multa observanda essent, miras enim vicissitudines metallum sic incensum patitur, cæterum corpuscula lapidea in aëre vagari *cerauncas* lapis docet, qui ex ejusmodi corpusculis in momento quasi coagulatis constat.

Calor & frigus mineralibus inest, calor dupli- N. citer sumitur, externè & internè, actualis nem- 7. pè & potentialis, actualiter metalla frigent, idq; ob constrictionem pororum, principiorumq; compagem, possunt autem calefieri, recipiunt particulas igneas, communicantq; sibi in longam activitatis sphæram, nempe si laminam ferream vel cupream aut argenteam, multos pedes longam, in unâ saltem parte igni admoveas calefaciasq; , illicò calor usq; ad finem se extendet, quod si metalla flammis tractentur, non parvam alterationem sentiunt, nam cum flammæ acidæ sint, arrodent metalla, & hinc croci metallorum,

sed de his capite de liquefactione egi, perpetuum frigus subterraneis inesse antehac dixi, sed & calorem potentialem intus latere experientia docet, præsertim in acido illo universalis, de quo Sect. 2. ubi etiam de montibus ignivomis egi, & thermis calidis, oleum Vitrioli si probè rectificetur, summum calorem potentialiter continet, quod experiri poteris, si repentinè aquæ frigida quantitate affundas, illico maximum calorem & fervorem animadvertes, sed de his alibi.

N. *Humiditas & siccitas* metallis inest & lapidibus, accidentalis una, essentialis altera, lapides quidam ut marmor, perpetuo ferè sudant, sed illa sudatio non à lapide venit, sed ab ambiente aëre, qui frigidus, marmore densatus in aquam resolvitur, & hæc etiam est ratio oleorum per deliquium, essentialis verò humiditas non madefacit manus, nec propriè est humida, sed viscosa & mercurialis, lapidum autem humiditas magis est aquea, quod plerumq; cum aquâ, tanquam mixtionis instrumento permixta sit, metalla etiam in nullam humiditatem resolveri possunt, nisi additâ, unde nugæ sunt, quæ de metallis potabilibus non modo *Glauber*, sed & alii fabulantur, nisi in terminis ludere libeat, nam & folia auri in communi aquâ vitæ bibuntur, non per se sed spiritus Vini ope bibilia.

N. *Soliditatem & fluiditatem* cap. de liquefactione 9. Sect. 5. pag. 433. ad longum exposuimus, quo Lectorem remittimus, hoc tantum quasi in summâ repetemus, omnem fluiditatem per introceptionem corpusculorum sive terreorum sive aqueorum, sive aëreorum, & igneorum procedere, mediante raritate & densitate, quæ per calorem

causa-

causatur aut frigus, in subiecto quod primo capite hujus libri, cœlum vocavimus.

Durities & mollities ex raritate & densitate pororum quidem venit, sed interna quoq; principiorum constitutio requiritur, nam quæ multum de primo principio habent, dura sunt, ut in ossibus videmus, quæ multum de secundo, mollia existunt, prout hæc omnia in metallurgiæ nostræ tertia parte sufficienter exposuimus.

Malleabilitas & friabilitas duritiem & mollitiem pro matre quasi agnoscit, ad malleabilitatem porositas & mollities facit, ad friabilitatem densitas & durities requiritur, sed hæc rursus non sola malleabilitatis & friabilitatis causa, malleabilitas enim ex secunda terra nempe pingui & viscidâ hinc extensibili, friabilitas à primâ terrâ procedit, quâ stannum abundat, unde ejusdem stridor, & si reliquis permisceas, friabilia redduntur, quod ipsum etiam calx facit.

Porositas & compactio ex rarefacto vel densato aëre venit, quem in poros recipit, & pro cuius receptionis quantitate & gradu variat, variatio autem ex levitate & gravitate venit, nam quo corpora leviora vel graviora sunt, hoc plus vel minus sibi cohærent, & pro ratione hujus cohæsionis multum vel parum aëris introcipiunt.

Levitas & gravitas communissimæ corporis affectiones etsi nihil in naturâ leve sit nisi relatione alterius, omne enim leve est certo gradu grave, gravitas ergo est communissima & prima corporis affectio, omne enim corpus Physicum quantitatem habere debet, pro cuius alteratione totum corpus essentialiter alteratur, ut capite de liquefactione §. 126.

proposuimus, inò Sect. 4. cap. 4. §. II. gravitatem, formæ essentialē causam esse probavimus, cæterum gravitas non modo pro ratione raritatis & densitatis variat, sed ex internâ causâ præcipuè tertiâ terrâ procedit, adamas enim corpus est compactissimum, certè auro multò compactius, interim tamen non sequitur esse gravissimum, nam experientia docet, aurum adamante multo esse gravius, sed de his capite de liquefactione §. II. egimus.

N. *Volatilitas & fixitas* ex raritate & densitate quidem
 14. proveniunt, est tamen etiam interna harum affectio-
 num ratio, quæ in ipsis principiis latet, cum enim
 multum de primo & secundo principio subjecta
 continent, tum fixiora sunt quàm si in tertio exce-
 dant, & econtrà, ex hoc fundamento oleum Vi-
 trioli ità potenter figit, quia terra calcis in eo latet,
 prontitaq; terrarum diversam gravitatem, earum
 diversæ substantiæ, à Creatore sic productæ tribui,
 ità fixitatem quibusdam terris assigno, ipsa prima
 productione sic specificatis, reliqua fixitatis & vo-
 latilitatis argumenta in metallurgiâ meâ invenies.

N. *Vstibilitas & incombustibilitas* subterraneis quoque
 15. propria est, utile autem dicitur, quod rarefit, &
 in flammâ dissolvitur, fermentationis specie, pro-
 ut capite de fermentatione §. 151. & seq. declaravi.
 Nihil enim ardet, licet pingue sit, nisi particulæ
 salinæ interveniant, salinæ autem magna parte ex
 aqua constant, quæ ad flagrationem requiritur, ut
 nempè in aërem resolvatur, atq; aër rarefiat; illa
 ergo subterranea, quæ pinguis quidem, sed non
 salina sunt, non ardent. Deindè etiam *combur* di-
 cuntur, quæ igne consumuntur, licet propriè ignis
 nihil consumat, sed potius alteret, atque partes
 vola-

volatiles evaporare faciat , & hoc modo in igne omnia comburuntur , quæ non fixa sunt , nihil autem fixum vocari potest , quod igne alteratur , aut in flammam agitur , hinc lapides , qui calcem exhibent , licet fixissimi sint , nihilominus cum in calcem mutantur , atq; ita alterentur , non propriè fixi vocandi sunt , adamas econtrà & rubinus in igne immutabiles persistunt , & hinc fixi vocantur , quod etiam de auro & argento intelligendum , quorum incombustibilitas in eo consistit , quod non modo non comburantur , sed & in cineritio immutata persistent , servant nempe suam compactam homogeneitatem , hinc quasi pingua in cineritio flores faciunt , cum econtrà plumbum aliaque metalla in poris cineritij absorbeantur , utpote tenuioris mixti , atque ita aurum & argentum in cineritio tanquam percolata , compactiora , crassiora & pinguiora subsistunt . Reliqua de incombustibilitate in præcedentibus exposita sunt , ubi de sulphure Philosophorum incombustibili egimus , quod nihil aliud est , nisi terra pinguis , fixissima , purissima , nullo sale intermixta , sed terra mercuriali imbibita atque incerata .

Diaphaneitatis & opacitatis quoque ratio habenda est , ubi in memoriam revocandum , quod sæpiùs dixi , nempe esse ab initio creationis à Deo varia terrarum genera producta , quorum aliqua *diaphana* , *opaca* alia sunt , ex quorum commixtione variæ species oriuntur , metalla diaphana essent , si tertiâ terrâ carerent , sed tunc non metalla existerent , lapides diaphani sunt , etsi secundâ terrâ permisceantur , sin verò loco tertiæ opaca intercurrit , tum diaphaneitas cessat . Hoc quoq; considerandum

dum est, non omne diaphanum porosum esse, prout aliqui diaphaneitatem definiunt, existimantque, diaphaneitatem in poris consistere, cum spongia lapis porosissimus, interim tamen opacus sit, vitrum econtra corpus compactissimum nihilominus ex toto Diaphanum, potius ergo illa *diaphana* vocanda sunt, quæ plus ad terram aqueam accedunt, & illa *opaca* erunt, quæ magis ad terram, ut ita loquar, terreain tendunt.

N. 17. *Sonus* subterraneorum, imprimis metallorum, raritati & densitati adscribitur, ubi se subjectum cribrum instar habet, in cujus poris percussus aer reverberatur, hinc candentia metalla alium sonum dant, quàm frigida, prout hæc omnia cum multis observationibus & experimentis in metallurgiæ nostræ tertîa parte ad longum exposuimus.

N. 18. Diversas rerum *figuras & formas* gravitati tribui, quâ particulæ diverso situ feruntur, & ex hac dispositione, forma rerum essentialiter procedit, quo pauciores ergo particulæ simplicioresque mixtum ingrediuntur, hoc forma etiam simplicior est, magisque homogenea, quod in metallis videmus, quæ rotunditatem servant, illæ interim formæ, quæ diversas figuras constituunt ut vegetabilia & animalia, necessariò ex diversæ gravitatis particulis constare debent, quæ ob diversitatem non ita cohærere possunt, ut metalla, unde ejusmodi formæ, pulchræ quidem visu, levitamen casu alterabiles sunt.

N. 19. *Sapor* subterraneis purè terreis, præter adstrictionem, nullus est, sed in quorum mixto aqua & salia concurrunt, ibi diversi generis sapor prodeunt, quod etiam in artefactis videmus, ut
in sac-

in saccharo Saturni , aliisq; , omnem autem hunc saporem superficiale duntaxat esse , & ex raritate ac densitate procedere , tùm pro diversitate solventis & soluti variare , supra probavimus , imò in hâc raritate & saporis qualitate varias medicinales operationes consistere , experientia probat , quâ & illi convincuntur , qui metallis potestatem medicam inesse negant , quiq; contendunt , nullum medicamen ex metallo rectè præparari posse , nisi in primam materiam redigatur , sed hi ipsi nesciunt , quid sibi per reductionem in primam materiam velint , distinxì in Oedypo Chymico inter solutionem , quæ generationi , & inter illam , quæ usui Medico inservit , in qua posteriori etiam sine reductione in primam materiam , varia medicamenta dari possunt , quod in saccharo Saturni videmus , in vitriolo , sublimato , crySTALLIS lunæ , aliisque mixtis , quæ simplicitate suâ nullos eorum effectus habent , quos consequuntur , cum arte in nova decomposita mutantur , neque enim argentum vel aqua fortis urinam pellunt , cùm tamen argentum in aqua forti solvitur , & ad tertias abstrahitur , nec non in frigore in crySTALLOS densatur , vini diureticam maximam acquirit , cæterùm quomodo sapor in lingua fiat , & quibus nervis lingua sapiat , non meum est hic exponere , nec enarrare , quid microscopiis curiosiores in hâc materiâ habentius invenerint , cùm potiùs ad superterraneam Physicam spectent , hoc adhuc addendum est , mediante quodam sale simplici , ex auro vitriolatum saporem elici , maximæ virtutis Medicæ , summè enim in resolutionibus viscerum conducit , pretiosior in suâ operatione , quàm omnes auri reductiones in

nes in primam materiam, sed de hac præparatione libro secundo.

- N. 20. Ex metallis, præsertim cupro, stanno nec non Orichalco subtiles atomos prodire, quæ naso percipiuntur, præsertim si metalla digito terantur, ut calefaciant paululum, communis sensus *olfactus* docet, quomodo verò tam perpetuò transpirent, sine amissione virtutum & degeneratione subiecti, non ita cuivis obvium est, credibile tamen ambientem aërem atomis metallicis quidem nonnihil impleri, ipsum verò aërem metallo novas & perpetuas atomos mutuâ aliquâ communicatione & reactione communicare, cum metalla, præsertim plumbum, potius ab aëre incrementum quàm decrementum sumere deprehenditur, deindè si verum sit, quod de virgulâ cadente vulgò *Wünschel-Rhut* / perhibent, eam nempe ad metalla inclinari (quod quidem ego nunquam cum successu vidi) certè nulla alia ratio assignari poterit, quam quod ejusmodi atomi metallicæ exhalent, vulgò *Wütertern* / quæ exhalatio virgulam illam ad se arripiat. Nunc superest, ut *colorem*, qui subterraneis inest, exponam, de quo quidem multa in metallurgiæ meæ tertia parte tradidi, raritati ut plurimum adscribitur, & subiectis, quibus, diluitur, licet non negem essentialem causam & differentiam secundo principio substantialiter inesse, quomodo vitra, lapides & metalla tingantur, in præcedentibus sufficienter dixi, reliqua, quæ de coloribus dici possunt, in doctissimo libro inveniuntur, cui titulus est, *Experimenta de coloribus Illustris Viri Roberti Boyle*, ubi inter reliqua ingentissimam colorum extensionem recenset, verba Autoris pag. 219. hæc sunt:

unum granum cochinelii, dissolutum in mediocri quantitate spiritus urinae, in aqua limpida gradatim dissolutum, sensibilem colorem impertiebat, sex circiter vitris aquâ repletis, quorum quodlibet 43. uncias & mediam circiter continebat, quod ipsius pondus centies & vicies quinquies millies, & quot excurrit, multiplicat, hæc Author, si itaq; unum simplex vegetabile, tam simplici præparatione, tam paucâ, nempe unius grani quantitate 125000. partes tingere potest, cur de magno illo *Magisterio Philosophorum*, quoad potestatem tinctoriam dubitemus, & quid mirum, cum, ut capite de fermentatione §. 15. demonstravimus, paucarum horarum coctione, vini sapa in immensum colorem exaltari possit, si terra tincturæ, quæ per se pura & fixa est, tot mensibus coquatur, & tertiâ terrâ penetretur, atq; inceretur, insuper igne Philosophorum tanto tempore tingatur, & exaltetur, quid inquam mirum, si idem in extensione tincturæ deinde super metalla præstet, quod Cochinelii tinctura in aquâ fecit, concludimus itaque, cum sapientissimi pariter & pientissimi Imperoris gloriosæ memoriæ *Ferdinandi III.* dicto, quod numismati, Pragæ, in præsentia suæ Majestatis transmutato, & in Oedipo nostro Chymico citato, insculpi curavit, nempe: *Laudetur Deus in æternum, qui partem infinitæ suæ potentie, nobis abjectissimis creaturis communicat,*

CONCLUSIO.

O Sancta Mater Natura, æterne rerum ordo! tu scis, quot diversa mixta ab orbe condito usq; ad hanc genesin animalē ingressus fuerim, quot larvas

vas induerim, tu scis, ex quibus cibis & nutrimentis Parentes mei me miscuerint, tu scis sub quibus formis post mortem, id est hujus animalis mixti deturbationem & in terram redactionem usq; ad finem mundi, huic meo corpusculo peregrinandum erit, ego nihil horum vel recordor vel scio, nescio quid eram, nescio quid ero, transeo de una potentia in aliam, hic scio, me de præsenti tempore mixtum esse, ex terrâ & aquâ constans interposito vitali aëre, quod Spiræ à Parentibus meis in mixtum deductum est, quod animal rationale vocant, id est hominem, cui *Becheri* nomen dederunt, ut nominotenùs ab aliis, quemadmodum ratione à brutis & reliquis hominibus, non procul à bestiis discrepantibus discerni queam, in quod postremum unice quidem ego invigilo, nempè ut constet me *hominem* fuisse, id est, me in rerum mixtionis principia inquisivisse, ut supremo mixtori gratias agere queam, scilicet pro isto mixtionis gradu, quo me per triginta tres annos superesse voluit, ita spero, qui officio veri hominis hoc modo fungor, clementem, post mortem mixtionem, suavemq; partium *glykeian* aliquando à supremo mixtore rursus impertraturum, cui honor & laus in æternum, ab omni mixto, super- & subterraneo, Amen.

F I N I S.

JOH.

JOH. JOACHIMI BECHERI,
Spirensis Med. Doct.

Sacr. Cæs. Maj. Consiliarii.

EXPERIMENTUM
CHYMICUM NOVUM,

QVO

Artificialis & instantanea Metallorum
Generatio & Transmutatio

ad oculum demonstratur.

LOCO SUPPLEMENTI in Physicam
suam subterraneam

ET

Responsi ad D. ROLFII
Schedas de non Entitate Mercurij
corporum.

Opusculum multis *experimentis practicis*, nec non præ-
cipuis *Philosophorum dictis* explicatis refertum, Lectori
Philochymico non ingratum futurum.

JOANNIS JOACHIMI BECHERI,
Spirensis Med. D. S. C. M. Confiliarij.

SUPPLEMENTUM

In Physicæ suæ subterraneæ
priorem librum

Quo

Practicè demonstrantur, quæ citato loco circa generationem metallorum theoricè sunt posita, nempe

Metalla ex terra principaliter constare.


Additis pro demonstratione experimentis, quibus apodicticè demonstratur

1. Ex limo communi, eo sc. unde lateres coquuntur, & quavis pinguedine, animali etiam & vegetabili, ex. gr. oleo lini, sine ullis aliis materiis, quatuor horarum spatio, manipulatione simplicissima, operante natura, obstetricante arte, verum & genuinum metallum, ferrum puta vel aliud, in sat notabili quantitate producere.
2. Terris quibusdam vulgaribus ac obviis, omnia metalla realiter transmutare.
3. Iisdem omnia volatilia sulphura, ut sulphur commune, arsenicum, cinabrium, ipsum etiam mercurium communem, figere, ne ignem fugiant.

Paradoxa Chymica nova, ab invidis Philosophis hætenus orbi celata, nunc verò pro defensione Nobilissimæ Chymicæ, ejusdemq; fundamenti, Matericæ sc. Metallorum Universalis, seu Luti sapientiæ, Doctrinæ filiis communicata, omnia infallibilibus experimentis, sapientumq; dictis confirmata.

Albertus Magnus libr. de transmut. cap. 2.

Prima materia metallorum, est humidum unctuosum subtile, quod est incorporatum terrestri subtili fortiter commixto, Ità quod plurimum utriusq; non tantum cum plurimo utriusq; sed etiam in plurimo utriusq; sit.



Supplementi in Physicam subter- raneam

CAP. I.

Propositio.

Vetus est inter Physicos controversia, *utrum Alchymia, vera scientia* (aut si mavis ars) vel *utrum sola theoria deceptoria sit?* controversia hæc eo plus aucta est, quod ipsi Alchymistæ, perpetuum ejus fomitem alerent, cum enim nulla controversia decidi possit, nisi vel theoriâ, vel praxi, Alchymistæ verò utramq; fugiant, faciliè adversarii campo potiuntur, inquiunt enim Alchymistæ, se clavis verbis theoriam tradere non posse, nisi maximis sceleribus & perturbationibus ansam dare velint, nam quid futurum censes, si omnibus auri copia, *ut furiosus habens gladium sic dives malitiosus*, fureret etiam in se ipsam Alchymia, quæ nunquam sui persecutionem magis maturaret, quam si improbis indistinctim artem promulgaret, certè non deorent, recensente *Snidâ, Diocletiani*, qui non scripta modo, sed & ipsa Chymicorum corpora, Vulcano consecrarent, & quidem merito in tales sævirent, qui homines ab omni servitute liberare studerent, nihil enim est, quod omnes ad primum naturæ statum & æquitatem reducere posset, quam sufficiens bonorum possessio, exculpandi ergo Chymici, quod theoricè se defendere non liceat, ad praxin itaq; veniendum, quamvis & illa periculosa, nostri enim temporis Magnatum non pauci auro inhiant, & non nisi

Nn 2 stultus,

stultus, vel talis, qui sponte incarcerari velit, veritatem artis, eis in praxi monstraret, ita ut Chymicis, omnis ad defensionem via, tam theoricè, quam practicè præcisa sit, ediderunt quidem multos libros, in quibus theoriam hieroglyphicè & tectè docuerunt, nec non multa projectionis specimina hinc & inde, clam practicè, sed & plurimi libri supposititii, nec non plurimæ imposturæ practicæ, in projectione sese intermiscuerunt, ita ut hoc demonstrandi genus, adversariis plus profuerit, quam obfuerit, plus incertitudinis quam veritatis Chymicæ attulerit, *infelix Alchymia, quæ si se veritate tam theoricâ quam practicâ clare defendat, de vitâ, si id non faciat, de famâ periclitatur*, adeo ut hoc tempore Alchymistæ & Nebulones quasi Synonymi sint, nec Alchymistæ modo, verum omnium naturalium rerum Scrutatores, qui naturam igne aut destillatione examinant, tales audiunt.

Et hoc quidem nomine, non sponte, sed coactus hanc Spartham defendendam suscepi, cum enim naturali inclinatione, itaq; divinâ vocatione ad naturalium rerum perscrutationem ferar, atq; quasi ab incunabilis eisdem operam dederim, variisq; scriptis, chymicis orbi innotuerim, non potui effugere, quin ex causis prædictis, Alchymicæ stigmatè inurerer, quod equidem delendum non aliter suscipere potui, quam cum Alchymia communem causam faciendo. Res ardua, neq; enim ut audivistis, Alchymia vel theoricè vel practicè clarè defendi potest, adversarii verò, evidentia & certa desiderant, certe *non tam de defensione, quam de defensionis modo laboro*, planè enim heic loci, in scyllam incidit, qui charybdin vitare velit, volens Alchymistas clarè defendere, illos perdo, & si illos non clarè defendo, potiozem materiam accusationis adversariis do, sed

sed quoniam hanc defensionem non nisi cum Viris doctis Philosophis & Chymicis suscipio, facile id evincam, ut in certam quoddam defendendi genus compromittant, quod se taliter habet.

Satyricus ille Cornelius Agrippa, de Alchymia dicere solitus est, quod Theologia Soror esset, nam sicut illa hominibus, falsis insomniis & fabulis post mortem, aterna gaudia spondendo, imponeret, ita hæc inanibus theortis & processibus, in hac vita, longævam sanitatem & divitias promittendo, eundem luderet, sed hæc Athei potius, quam Philosophi vox est, & Theologia enim & Alchymia ens reale est. Alchymia quidem definitur, quod sit pars Physices, agens de metallis, & quidem ars, quare præsupponitur, quod naturalibus principiis mineralibus utens, aliquid circa metalla efficiat, quod natura sola efficere per se non potest, ita enim distinguitur natura ab arte, quod natura opus suum per se sine arte faciat, ars verò ope naturæ aliquid efficiat, quod natura sine arte efficere non potuisset, nec efficere solita est. Exempli gratia, cum suapte sponte, in Sylvâ, crescunt Cerasa Sylvestria, tum est opus naturæ merum, cum verò illa sylvestria inferuntur in arborem hortensem & fiunt domestica, hoc est opus artis, itaque natura sine arte, sed ars non sine naturâ operari potest, natura incipit, ars perficit, jam hoc tenetis, bonum est, nunc isthuc animum advertatis velim, ut cognoscatis, tria in hoc puncto arti esse licita, tribus nempe modis naturam arte adjuvari posse, primò in generatione, deindè in purificatione, tertio in alteratione, seu ut paucis dicam, in conceptione, generatione, & educatione, Exemplum dabo, circa conceptionem vini, plurimum ars facit, fimatione, pampinatione, & similibus, circa generationem & purificationem ars naturæ obstetricatur vindemiando, torculan-

do, separando, alias enim suapte, uvæ nunquam mustum fierent, aut fermentarent, tertio circa educationem vel alterationem, ars fœces vini separat, vinum à fœcibus abstrahit, in dolia reponit, sulphure perfumat, & vel in vinositate conservat, vel in acetum, aut spiritum ardentem mutat, vides ministerium artis, in uno tantum subjecto, nullum enim fere est corpus, circa quod non ars occupetur, id si mihi concedere in aliis corporibus cogaris, cur in metallis & mineralibus artem ministerio privabis? nullum enim vel paucissimum ferum, naturâ ita generatur & producitur, ut artem non pro liquefactione & refinatione imploret, id de omnibus mineralibus & metallis intelligendum, nullum vel paucum metalium ita purum & solidum est, ut separatione & reductione non indigeat, hinc artis filii, scoria, stricture, stomoma, palea, regulus, &c. Concludimus ergo Alchymiam esse artem realem & veram, fundatam super subjectis naturalibus veris, nempe omnibus metallis & mineralibus, quod evidentissimum est, sed hoc elucidatione indiget, *utrum in omnibus tribus punctis, nempe generatione, refinatione, & transmutatione ars alchymica, naturæ subvenire possit?* de refinatione, de quâ jam egimus, nullum est dubium, hinc enim tota ars docimastica, liquefactoria, quæ ut mechanica hinc & inde publicè in ærariis & officinis monetariis exercetur, verum duas extremitates quod attinet, nempe *generationem & transmutationem metallorum, utrum arti alchymica possibile sit, extra mineras eas ingenio imitari, & naturæ assistere, in hoc versatur quæstio.*

Non me quidem latet, circa animalium generationem multifariam artem occupatam esse, ita arte excluduntur ova, absolvitur bombycum metamorphosis, variant colore columbæ, equi, producitur mulus, variaq;

variaq; monstra, ex cinere cancrorum regenerantur cancri, ex carne vitulinâ putrefactâ, bombyces, ex aliis alia insecta; Circa vegetabilium genesin, ars colores, sapores, figuras notabiliter alterat, & in fictilibus ante fenestras, item in hypocaustis ad id paratis & calefactis, adhibitis principiis naturalibus, id cito absolvit, quod natura in terrâ, in dissitis locis & provinciis elaborat, sed nunquam legi, nec audivi, posse arte extra mineras in quovis loco & tempore ex rebus ubique reperibilibus etiam non mineralibus paucarum horarum spatio verum metallum generari, in nullo inquam Chymicorum, excepto solo *Divo Thoma*, id legi, qui in Commentario supra tertium librum *Aristotelis* de meteoris, sequentibus hanc artificiosam genesin innuit, considerandum autem est, circa principia materialia metallorum, quæ sunt in duplici differentia, quedam enim sunt materia remota, sicut est vapor inclusus in locis lapidosæ terræ, alia autem sunt materia propinqua, & hæc sunt sulphur & mercurius, itaque in prædictis locis lapidosæ terræ, per virtutem mineralem generatur sulphur & mercurius, deinde ex ipsis generantur diversa metalla secundum diversam eorum commixtionem, unde etiam ipsi *Alchymistæ* per veram artem *Alchymie*, per prædicta principia, vel potius per principiatâ, aliquando *VERAM GENERATIONEM METALLORVM* faciunt. Quæ ultima verba, hanc artificialem metallicam genesin indigitare videntur, per generationem enim, *Divum Thomam*, heic loci transmutationem non intelligere, antecedentia docent. *Borellus* in observationibus suis, *Andreas Soletæ* in tractatu de incremento & decremento metallorum, augmenti metallici mentionem quidem faciunt, sed de generatione metallorum ex principiis primis, de novo, cujus *Divus Thomas* heic meminit, nemo

vel verbulum scripsit, *experimentum* certè magni momenti, unum enim metallum in aliud transmutare, non adeo rationi repugnat, nec difficile est, cum salvo manente, genere, facile species ejusdem mutari possint, sed principia metallica ubivis locorum etiam extra mineras, quovis tempore reperire, ea conjungere, & paucarum horarum spatio, verum exinde metallum producere, hæc opus hic labor, qui id invenerit, atq; in magno in praxin deduxerit, næ talis gloriari poterit cum *Prometheo ad Æschylum*, *Quid proferam? quot commoda per meeducta sint humi latentia, ferrum vel argentum vel aurum vel quis es, ni mentiatur, reperit, quis me prior? nemo profecto? ni velit mentirier.* Occasio quæ ad hoc experimentum inveniendum me impulit, ea fuit, quòd de veritate *Alchymia* semper dubitaverim, sic enim mecum ratiocinabar, Transmutatio radicalis seu realis metallorum, quomodocunq; illa contingat, non potest sine alteratione principiorum metallicorum accidere, at illa alterari aut tractari nequeunt, si ab artifice ignorentur, proinde ante omnia opus erit, ut cognoscantur, cognita autem vel possunt ad manus comparari & haberi, vel non possunt, si hoc posterius, irrita erit tota *Alchymia*, quæ fundamentum suum super res ponit, quæ haberi nequeunt, sin prius, necessum est, *ut habitis & conjunctis principijs metallicis, in momento metallum, etiam extra mineras, generetur, quoniam generatio fit in instanti, testibus omnibus Philosophis, & præcipuè Gebro, qui ait, Etsi dicant, perfectionem in instanti dari, & preparationem nostram non in instanti fieri, & concludunt, ex hoc non perficietur per artificium, ergò nec ars; dicimus capita illorum fatua, vacuaque esse ratione humanâ, eosque magis bestiis quam hominibus assimilari, concludunt enim ex præmissis, nulla*

se ha-

*se habentibus habitudine, ad id, quod illatum est, tantum ergo tenet hæc argumentatio, asinus currit, ergo tu es capra, quantum & ipsorum, & hoc ideo, quia etsi non fiat preparatio in instanti, non prohibetur tamen hoc, quod forma vel perfectio non possit preparato dari in instanti, non enim preparatio est perfectio, sed habilitatio ad suscipiendam formam. Proinde semper existimabam illum artificem metalla radicaliter transmutare non posse, qui non arte metalla producere possit, ex principiis puta naturalibus actu metallum non existentibus, hæc est enim principiorum definitio, ut sint id, unde aliquid fit, non id, quod inde factum est, proinde Democretus lib. 3. physicorum cap. 3. de meteoris expressè ait, glorientur & exultent Alchymistæ quomodocumq; velint, nisi metalla in primam eorum materiam reducant, non transmutabunt ea, ratio quidem hujus axiomatis evidens & in promptu est, prima enim metallorum materia, constat ex principiis metallorum, ex quorum perfectione vel imperfectione, puta qualitate & quantitate, materiam primam metallicam, & quod inde producitur corpus metallicum, diversificari & specificari necessum est, quoniam specificatio metallica non per accidens, sed per essentiam principiorum fit, sine quorum alteratione, crasis mixti, radicaliter ac essentialiter alterari aut transmutari nequit, si enim in quacumq; conceptione, Exempli gratia humanâ, prima materia, quæ est utrumq; semen, masculinum & fœmineum, ita arte tractari, purificari, exactari, & juxta proportionem misceri possent, ut id natura mixti humani, in extremo gradu requirit, nonne eventurum putas, ut homines generarentur perfectissimi? Scripsit curiosum de hac re tractatum quidam *Anglus*, quem *Regina Sueciæ, Christina*, olim dedicavit, sed non est Typis editus, etsi ad generationis humanæ perfectionem valdè necessarius. In regno ve-*

getabili nota mihi est frumenti seminalis imbibitio, quam illustrissimo Domino, Baroni de Perneij, Heroi curiosissimo, communicavi, quiq; successum in praxi vidit, magno nempe cum lucro frumenti argentum & bonitatem, possunt quoq; quorundam vegetabilium semina adeo exaltari, ut quod antea in mense vix faciebant, adjunctâ arte, horæ spatio, super mensâ progrediantur, ac visibiliter ex terrâ succrescant, posito vase super modicum calorem, non loquor de resuscitatione florum ex cineribus, sed de reali vegetatione feminis Exempl. gr. lactucæ, quæ sub initium prandij sata, sub finem ejusdem eo usq; crevit, ut inter bellaria poni & edi possit, quid igitur dubitandum, si principia metallica, quæ multo reliquis tractabilia sunt, arte purgentur, exaltentur, conjungantur, nonne foetum metallicum excludi adeo necessum est, ut ex ovo, si rectè processeris, pullum, si enim in semen humanum qualitas morbosa introducatur, utiq; Proles morbosa erit, hinc morbi hæreditarii, & si semen vegetabile, certarum rerum imbibitione tractetur, juxta eas producti flores & fructus, colore & sapore alterantur, ita si in semen metallicum, qualitas bona introducatur, bonum id producet metallum, hinc doctissimè Lullius cap. 32. Recordamur nos dixisse in nostro testamento, quod nullum argentum vivum promptius convertitur in substantiam sulphuris, quam illud, in quo sulphuris qualitates per dissolutionem sunt sufficienter introductæ, nec ullum sulphur promptius congelat argentum vivum, quam illud in cujus naturæ substantiâ, ipsum argentum vivum existit, per artis ingenium jam conversum, quia tunc natura naturam complectitur propriam, & amabilius gaudet in ea, quam extraneâ. Quæ perfectio clarissima & aurea verba sunt. Salvâ ergo theoria

riâ hâc , quam nemo inficias ire poterit , firmam in sequente capite statuemus metallicam artificialem genesin , hoc enim posito fundamento, transmutatio ut superius demonstravi , per se liquet , quodcunq; enim principium verum metallicum , metallo vel demas , vel addas , metallum essentialiter in mixto alterabit , *in hoc ergò experimentum , ut sub initium hujus capitis dixi , compromitemus* , si enim hoc veritate clareat , quod ars ex materiis universalibus ubiq; reperibilibus , ubiq; locorum , paucis in horis , possit verum metallū generare , & verum mixtum metallicum producere , poterit etiam pro diversitate illarum materiarum seu principiorum metalla alterare & transmutare. Hinc illud philosophicum , *qui metalla construere nescit , ignorat etiam illa destruere* , ita enim Bernardus , *Quicumque ignorat radices minerarum & simplices & compositas , ignorat principia natura , ergò & artis , quare Sophista potius est , quàm Philosophus*.

Hoc ergò solum nobis demonstrandum est , tanquam transmutationis fundamentum , & veritatis alchymicæ argumentum , ita enim doctè Lullius , *Si in Alchymia essent principia auri & argenti , & post commixtionem non transmutarent primam quidditatem per primam localitatem* (id est nisi in instanti fieret metallum) *natura esset falsa , quia sic sequeretur , quod esse possit aliquis locus in natura , ubi principia naturaliter possent esse vacua* (id est non operari) *quod natura sufferre non posset , quia esset contra suam definitionem , cum natura sit id , per quod omne naturale sit plenum*.

Hæc ergò demonstratio plurimum pro veritate Alchymicæ tam theoreticè quàm practicè facit , atq; ita comparata est , ut omne id præstet , quod sub initium hujus capitis ab Alchymistis desideratum est , ut nempe si-

ne pe-

ne periculo politico, veritatem physicè defendere possint, quibus enim Deus intellectum illustrabit, multa ex his eruent utilia, sed qui neglectâ bonâ intentione aurum quærunt, hi sciant in hoc libro nihil scriptum esse, præter pauperem & nudam veritatem, ferrum in exemplum propono, non aurum, experimentum etsi non sit luciferum, est tamen luciferum, qui verò veritate non contenti, sed formales processus, aurum faciendi desiderant, atq; alienis manibus laborant, his tres processus communicabo, primum ex Avicenna dicente, *Qui accipit quod debet, & operatur sicut debet, procedit inde sicut debet.* Secundum ex Isaaco Hollando, scribente, *Novisti omnia mineralia, quæ in fodinis crescunt, ex illis elige id, quod proposito tuo convenit.* Tertium ex Arnaldo Villanovano: *Quicumque velit ad hanc scientiam pervenire, & non est Philosophus, fatuus est, quia hæc scientia non est nisi de occultis Philosophorum, hinc qui per alienum ingenium & manum mercenariam operatur, aliena a veritate opera videbit, & vice versâ, qui alteri servilem præstat operam, uti Servus in arte, nunquam ad Regiæ Mystéria admittetur.* Nunc ad secundum caput properandum, & curiosis Philochymicis, Experimentum ipsum exponendo, satisfaciendum est.

Supplementi in Physicam Subterraneam.

CAP. II.

Experimentum.

CUM doctrinam de principiis metallorum omnimodè necessariam viderem, diu noctuq; operam dedi, ut ejus particeps fierem, proinde statum quæstionis in quinque partes redegi, ut clarius eum resolvere possem.

Primo

Primo itaq; quæritur, utrum metalla principia habeant?

Secundo si principia habeant, quot illorum numero sint?

Tertio cujus substantiæ & aspectus juxta externa accidentia?

Quarto utrum ex metallis actu existentibus, elici possint?

Quinto utrum ex mineris vel aliundè, adhuc in primo statu sine mixtione, quodlibet per se haberi, ac arte tractari possit?

Primum Punctum quod attinet, stolidum videtur dubitare, utrum metalla principia habeant, sed modernorum quidam scrupulosi Critici, ne videantur nihil dicere, hoc dubium in medium proferunt, dicunt *ipsum metallum esse principium à naturâ in instanti sic productum*, ita ut metallum ante sui existentiam nullum aliud potentiale habuerit, non pauci sunt, qui omnem metallicam compositionem negant, asserentes, *quicquid metalli in mineris reperitur, à prima creatione illic conditum esse*. Cujus etiam opinionis S. Augustinus fuit, sed hi omnes multum errant, primi quidem, qui ipsum metallum principium sui esse asserunt, ita enim sequeretur, quod metallum non posset inter mixta censeri, cum tamen omne corpus sublunare sit mixtum, mixtum autem dici non posset, si ex unitate constaret, *cum mixtio definia- tur, quod sit duorum vel plurium conjunctio*, ad hæc sequeretur, quod omne metallum in instanti esset absolutum metallum, sed jam videmus in mineris metalla successivè, & tractu temporis generari, defectu conjunctionis principiorum, illis enim præsentibus, concedimus in instanti fieri metallum, sed jam sæpe unum principium alterum expectare debet, quod principiorum pluralita-

ralitatem demonstrat: deindè si unum tantum principium esset, non daretur vel reactio, aut successio, sed hanc in genesi minerali dari, sequentes Authores probant, eos quoq; refutantes, qui post primam creationem generari metalla negant. *Albertus Magnus* recenset suo tempore in Sclavoniâ contigisse, ubi cum Metallarii incidissent in metallum minus perfectum, occlusisse fodinas per triginta annos, ut major maturatio heret. *Mathesius* inquit, si metalla ad perfectionem suam pervenerint, casu aliquo superveniente, consumi iterum, & quasi comburi, unde tum Metallarii dicunt, se sero nimis venisse, idem testatur *Andreas Solea* in tractatu suo de incremento & decremento metallorum. *Fallopins* notat, sulphuris mineram, quæ Nutrix est caloris subterranei, fabri seu archæi fontium & mineralium, infra terram citissimè renasci, testantur historiæ metallicæ, sunt enim loca, è quibus si hoc anno sulphur effossum fuerit, intermissa fossione per quadriennium, redeunt fossores, & omnia sulphure ut antea rursus inveniunt plena. *Plinius* refert in Italiâ, Insula *Ilvâ*, gigni ferri metallum, *Strabo* multò expressiùs, effossum ibi metallum semper regenerari, nam si effossio spatio centum annorum intermittebatur, & iterum illuc revertebantur, fossores reperisse maximam copiam ferri regeneratam, cui historiæ non modo patrocinator *Fallopins* ex vendigalibus, quæ istius insulæ ferrum, Magno Duci Florentiæ suo tempore ferebat, sed eandem multò disertius in rem nostram commemorat *Cesalpinus*, vena, inquit, ferri copiosissima est in Italiâ, ob eam nobilitata *Ilva*, Tyrrheni maris insula, incredibili copiâ, etiam nostris temporibus eam gignens, nam terra quæ eruitur, dum vena effoditur tota, procedente tempore in venam convertitur, & *Agricola* scribit, ad *Sagam* Oppidum Germaniæ,

manix, in pratis erui ferrum, fossis ad altitudinem bipedaneam actis, addens, decennio renatum, denuò fodi, non aliter ac Ilvæ ferrum; *Broccasus Certaldus*, compertissimum esse scribit, Fessularum montem in Hetruria Florentiæ Civitati imminentem, lapides plumbarios habere, qui si excidantur, brevi temporis spatio, novis incrementis instaurantur; *Gerhardus Medicinæ Professor*, attestatur, aquam cæruleam *Annebergæ* inventam esse, ubi erat adhuc in primo ente, quæ coagulata redacta est in calcem fixi & boni argenti, plura vide in *Roberti Boylei Chymistæ* sceptico. Ex his & similibus casibus, cuivis liquet, metalla etiam nunc generari & regenerari, generatione successivâ, quæ contingere non posset, si metalla ex uno tantum principio constarent, quocunq; enim illud veniret, ibi statim metallum esset. Concludo ergo, quod metalla ex principiis constent, & quod talia principia non actu sint metalla, alias enim principia esse non possent.

Ad secundam quæstionem me convertito, quot nempe numero sint principia? dixi in præcedente quæstione, quod plura sint quam unum, omnes veteres Philosophi in uno concordant, qui est bifidus inquit *Albertus*, Aquila volans per aërem, & Bufo gradiens per terram est magisterium, indigitat *Avicenna*. *Arnoldus de Villanova* commendat Matrimonium Chabricij & Bejæ, *Thomas Aquinas* expressis verbis ait, ex sulphure & argento vivo, ut natura sic ars producit metalla, *Lullius* inquit, Corpus Infantis ex masculo & fœminâ procedit in actum, qui omnes numerum dualem principiis metallicis adscribunt, sed *Theophrastus Paracelsus*, salior Philosophus, tertium nempe solem addidit, cui plures & ferè Neoterici omnes adstipulantur. Videtur etiam *Hermes* hanc Trinitatem probare, cum ait, Sol est ejus Conjugij

gij Pater, & alba Luna Mater, tertius succedit ut Gubernator ignis, & *Maria Prophetissa*, Fumus complectitur fumum, & herba alba in monticulis, caput utrumq; . Omnium optimè *Albertus Magnus* hanc triplicitatem principiorum exposuit, cùm inquit: *Prima materia metallorum est unctuosum humidum subtile, quod est incorporatum terrestri subtili, fortiter commixto*, sed de hoc dicto postea. Concludo itaq; , quod sint duo principia, habentia se ut masculinum & foemininum, sed tertium est Matrix, vas, nutrimentum, seu illud, quod principiis accrescit, atq; hoc quidem ad principia numerari potest, quia est de naturâ principiorum.

Tertio cujus substantiæ & aspectus juxta externa accidentia præfata principia ante sui mixtionem sint, varia est Authorum opinio, quidam fumum vocant, ut *Maria Moysis Soror*, quidam vaporem unctuosum, ut *D. Thomas*, quidam aquam, quidam terram, *Albertus* unctuosum humidum nominat, *Aristoteles* lib. 3. cap. 6. vocat primam materiam metallorum halitum humidum, sed cùm mixtum metallicum omninò sit terreum, nihil aquæ eorum compositionem radicaliter ingredi potest, quare per humiditatem Authores Mercurialem & sulphuream, manus non madefacientem fluxum intelligere, nullum dubium est, neq; etiam cogitandum, principia in communis Mercurii, sulphuris, & salis formâ apparere, etsi subinde sub his larvis nobis imponant, commune enim sulphur, argentum vivum, & sal sunt mixta & composita, ergò prima & pura metallorum principia esse nequeunt. *Petrus de Zelanto* in explicatione vocabuli, *Brumazar*, de generatione metallorum dicit, fumor sulphuris & argenti vivi (id est sulphuris albi & rubri, aquæ & terræ vapores) ex profundo terræ exhalare, se invicemq; complecti, in quorum mutua

tua complexione, continuo calore agente, generari pinguedinem quandam unctuosam, quæ vocetur *Brumazar*, hoc est illud, quod non agnoscitur in mineris, licet videatur, quia est exiguæ quantitatis, estq; fermentum totius operis, sine quo nulla fermentatio fieri potest, de hoc *Brumazar* clangor declarat, panis fermentatus & coctus, est perfectus in suo statu vel esse, & ad suum ultimum finem pervenit, sic est in auro, aurum purum deductum est per examen ignis in corpus firmum & fixum, & eò amplius fermentare est impossibile, nisi habeatur *Brumazar*, id est, prima materia metallorum, in quâ resolvitur in primam materiam & in elementa miscibilia, recipiamus ergo illam materiam unde erit aurum, & mediante artificio deducatur in verum fermentum philosophicum, & mutetur hoc cum ingenio in materiam perfectam, & tunc demum incipiamus operationem.

Metallicolæ nostrates materiam monstrant, axungiae instar, quam germanicè *Bergguhr* nominant, in quâ re verâ sunt principia metallica, sed mixta, & non omnia, sed liquore aqueo perfusa, qui congelationem impedit, utpote heterogeneus, hinc in præcitâ cæreleâ aquâ *Annæbergensi* notandum, quod evaporatione aquositatis coagulari debuerit, alias in argentum nunquam mutata fuisset, ergo concludo principia metallorum tres terras esse, siccas & manus non made-ficientes, in vaporem resolubiles, & si conjungantur in substantiam unctuosam, postmodum in metallicam concrecentes, una est alba, quæ dat metalleitatem, altera est rubra, & dat colorem, tertia est sui coloris, & dat corpus, sed de his specialius in sequentibus capitibus, de sale, sulphure, & mercurio.

Nunc ad quartam questionem accedo, & dico, quod ex metallis ipsis hæc principia difficillimè elici possint,

salvâ manente metallorum potestate seminali, ignis enim & solventium ope alterantur, & per se difficillimè metalla, ob fortem inixtionem, eamq; homogeneous, in principia dissolvuntur, adeo ut concludere cogar, *sive per se, sive ignis aut solventium ope, principia ex metallis haberi non posse*, nisi principiorum additione, metallorumq; in primam materiam reductione, ut antea de *Brumazar* & auro in clangore audivistis, unde *Bernhardus* expresse ait, nullum solvens metallis convenire, nisi quod eis adhæreat, ac essentialiter illis concreascit in materiâ & formâ, & quam metalla soluta recongellare possint, & hoc sensu *Geber* ait, Ex quâ re metallum vel minimum verum augmentum sui assumserit, in illa re te dicimus esse ante fores philosophorum.

Ultimo seu quinto, utrum hæc principia ex mineris vel aliunde haberi, ac arte tractari possint, respondeo, principia in mineris reperiri & in mineralibus, & *virtutem seu potentiam mineralem universaliter disseminatam esse, ac ubiq; reperiri*, proinde etiam philosophorum elixir universale vocatur, quasi ex omnibus rebus parari ejusdem materia possit, ita enim *Hermes* in dictis sapientum, *Lapis ille est secretum totum, & vita uniuscujusq; rei, & omnis homo indiget eo, & hæc est aqua, quæ est in tritico frumentum, & in oliva oleum, & in persicis gummi, & in omnibus arboribus fructus, & principium generationis hominis, & ex eâ est vivum, quod non moritur, quamdiu mundus est, quia est caput mundi, id est humor, & Rozinus in libro ad Sarratantam Regem, hic lapis projectus est in valles & in montibus & in aëre habitat, & in flumine pascitur, & in cacumine montium quiescit, est in aquis omnibus, habentque eum tam divites quam pauperes, est simul vilissimus, carissimus, cujus Mater virgo est, & pater non concubuit, idem lapis in sterquiliniis calcatur pedibus, & sæpè stulti fodiunt, ut*
eum

eum extrahant, & non possunt eum invenire quam pretiosius omni cognoscenti illum? Rhasis in libro Divinitatis inquit: Scias res natura subtili artificio ita colligatas esse, quod in quâlibet re sit res qualibet potentiâ, quamvis actu non videatur. Omnes quoq; Philosophi in hâc universalitate, de quâ postea singulari capite ulterius conveniunt, quæ certè impossibilis videtur, & captu difficilis, quæ multos ab arte arcessit, imò pluribus, ac mihi met ipsi multis annis rationem occæcavit, ut cum Gebro, sub desperationis umbraculo delitescere diu coactus fuerim. His itaq; quinque punctis sic præmissis, generalem exinde conclusionem feci, nempe, illa esse prima metallorum principia, quæ metallis essentialiter specialissimè miscentur, & nihilominus juxta mentem omnium Philosophorum cum hoc universo generalissimè conveniunt, id est, ut potentiâ suâ ubique in omnibus corporibus, actu verò nullibi nisi in mineralibus sint, seu quæ dispersim in omnibus corporibus vagantur & latent, conjunctim verò illicò metallum producant, hâc positâ Cynosurâ, vastum illud Experimentorum mare tranare ausus sum imprimis observavi, nihil metalla magis afficere, alterare, ingredi, quam salem, sulphur, Mercurium. Per salem intelligo, ut capite quinto demonstrabo, omnem terram, lutum, limum, saxum, lapidem, silicem, calcem, arenam, glaream, cum salia inde constare experientia me docuerit, scio enim omnia salia in terram reducere, scio silices, toto pondere solo igne & aquâ in salem alcali convertere, etiam calcem vivam in oleum fixum alcali, neminem autem artis fusoriæ gnarum latebit, quanta metallis in fusione, per terrarum aut lapidum vel calcis additione, metamorphoseos accedat, ingrediuntur enim compositionem seu mixtū illorū essentialiter, transmutant id in vitrum, scoreas, extenuant mirabiliter, altera-

ta reducuntur notabiliter, ita ut nihil ferè sit, quod cras-
 sin metallicam sic alteret, videmus quoq; metalla inter-
 ris & lapidibus generari, quare non immerito *herba al-
 ba in monticulis crescens utrosque fumos recipiens*, à Mariâ
 Prophetissâ vocantur. Observavi varias terras ita me-
 tallâ ingredi, ut homogeneous mixtum cum eis, verumq;
 in omnibus probis augmentum faciant, nota est terra,
 quæ liquefacto argento injecta, in mixtum ejus ingre-
 ditur, cupellam sustinet, in aqua forti argento soluto,
 eadem in pristinâ formâ ad fundum decidit terra, fixa,
 ut antea, nec in reductione, ut alia calx auri in metallum
 reducibilis, ex quibus omnibus conclusi, terram sub
 quo nomine ante dictas species comprehendo, unum
 ex principiis metallicis esse. Secundo in *Sulphure* ob-
 servavi, quod omnia metalla penetret, essentialiter al-
 teret, & in terram, demptâ adustibilitate conversum ac
 metallis injectum, ea re verâ augmentet, unde & il-
 lud unum ex principiis esse conclusi. Observavi tertio
Mercurium communem corporibus metallicis amicabi-
 liter & sympathicè uniri, ac post sublimationem fre-
 quentem abstractionem super metallis ac præcipitatio-
 nem cum ipsis, veram alterationem relinquere, unde
 conclusi, esse in Mercurio terram, quæ metallis pro
 principio sit, neq; enim totum corpus *Mercurii* pro principio
 sumi, cum illud decompositum sit, quod etiam de *Sulphure &
 Sale seu terrâ* intelligendum volo, ita enim *Albertus*, ut an-
 tea notavi, ait: *Prima materia metallorum est unctuosum,
 humidum, subtile, incorporatum terrestri subtili fortiter
 commixto, ita ut plurimum utriusque non tantum cum plu-
 rimo utriusque, sed etiam in plurimo utriusque sit, quæ
 verba si Hobbesius audiret, non minus insana judicaret
 quam illa Suaris, quæ inter deliramenta citat, in suo
 Leviathan, de homine cap. 8. sed audiemus jam esse pro-*
 fun-

fundissima & clarissima, per *unctuosum* intelligit terram sulphuris, per *humidum* terram Mercurii, per *subtile* indicat nec crudum sulphur, nec argentum vivum, sed illorum subtiliores partes pro principiis metallicis habendas esse, *Incorporatum terrestri subtili fortiter commixto*, per terrestre subtili fortiter commixtum, intelligit purissimam terræ vel lapidis speciem, quæ sæpius subacta & æqualissimè mixta, leviter in igne fluit, cujus speciei omnes istæ terræ & lapides sunt, in quibus bona metalla generari solent, *Incorporatum*, ubi vult, ut duo principia metallorū in hoc tertio incorporentur, id est, ut corpus metallicum accipiant, ita Hermes *Potentia ejus perfecta est si in terram mutetur*, item *Nutrix ejus terra est Mater omnis perfectionis*, quod verò terra vim figentem omnium mineralium spirituum habeat, audietis sub finem hujus capitis, adeo ut hoc terrestre subtile non cruda terra, sed reverâ primum Ens terræ sit, ita ut *plurimum utriusq;*, per hoc intelligit, rem non in eo sitam esse, ut multum sulphuris & mercurii communis ad genesin metallicam veniat, sed ut *plurimum de utriusque subtili essentia* concurrat, illa enim requiritur non corporeitas crassa sulphuris & Mercurii, quæ ex decompositione adustibilis & arsenicalis terræ constat, *non tantum cum plurimo utriusq;*, hic quantitatem seu mixtionis proportionem, sicut præcedente *plurimo*, qualitatem indicat, naturale autem est, si *plurimum utriusq;* *seminis* ad generationem concurrat, foetum produci fortem, *sed etiam in plurimo utriusq;*, per hoc tertium principium, nempe Matricem, seu terrestre subtile, indicat, quod hermaproditicæ naturæ, sulphureæ nempe & mercurialis, adeoq; de naturâ utriusq; seminis, deindè quod non terra aut lapidis communis, sed plurimum ejus essentia esse debeat, re verâ enim, ut capite sequente audietis, pro

qualitate matricis, quantitas metalli in hâc generatione tam naturali quam artificiali acquiritur, & videmus indies in mineris, defectum lapidum aut terrarum bonarum, sterilitatis mineralis causam esse. *Sumptis igitur & conjunctis his tribus terris juxta præcedentem Alberti Magni doctrinam, necessario metallum generari debere evidens mihi fuit*, quâ verò praxi plurimum harum terrarum comparare, atq; ex involucris suis variarum decompositionum liberare potuerim, prorsus adhuc mihi reconditum erat, itaq; de facilitate practicâ sollicitus cepi tentare, utrum non in aliis & quidem juxta Philosophorum opinionem, in universis corporibus, hæ tres terræ laterent, quæ non juxta externum aspectum (possunt enim omnium elementorum formâ larvari) sed juxta effectû, id quod desiderabam, præstarent, leviori; negotio nudari possent. Huic ergò fini, & ut alteram Cynosuræ meæ superius præfixæ partem quoq; examinarem, Observavi primò, tam in animali quam vegetabili regno terram pro fundamento esse, observavi spiritus, imò etiam liquoris formâ, virtutem quandam terrestrem osseificantem, indurantem & lapidificantem, hinc & inde in omnibus corporibus vagari, Solis radios in terreas atomos reduci, & ipsas flammæ nostri materialis ignis in terram figi, ipse vidi, adeoq; totum orbem atomis terreis repletum esse, rationis microscopio detexi, illuc quoq; observavi, terram, quo subtilior & rarior facta, hoc magis purificari, ac nobilitari, compertâ ergò terræ universalitate, ad reliqua duo principia properavi, nempe sulphuris & argenti vivi, *præsuppono autem, quod nemo hoc supplementum leget, qui non physicam meam subterraneam probè prius prælegerit, mentemque meam circa principia metallica optimè intellexerit, hoc enim fundamento posito, quæ heic proferam, faciliè intelligentur*

Obfer

Observavi ad omnem generationem, requiri semen duplex, masculinum & foemininum, agens & patiens, calidum innatum, & humidum radicale, *utrumq; autem semen plurimum utriusq; continere*, & naturæ sulphuræ, pinguis glutinantis, ac plasimantis esse, unum frigore alterum calore pollere, contraria enim agentia omnis generationis sunt principia, nec hoc in generatione modo, sed in hujus universi actione & reactione contingere, diligenter observavi, vidi in cœlo duo luminaria Solis & Lunæ, inveni in terrâ duo sulphurâ, unum calidum alterum frigidum, siccum unum, humidum alterum, rubrum unum, album alterum, activum unum, passivum alterum, & præter hæc duo sulphura, quorum unum ab altero lumen suum accipit, nullum aliud reperire potui, sed *hæc duo tanquam magnorum universalium duorum luminum Solis & Lunæ exempla & argumenta in omnibus hujus mundi subjectis latitare deprehendi*, omnia enim pinguedinem habent, omnis pinguedo est duplex, aliqua pars flagrat, altera fumat, una comburitur, altera non, una rubificat, altera albificat, una combustionem fit volatilis, altera fixa, dico itaq; in veritate, *quod mercurii ens aque sit sulphureum, ac sulphuris ens*, sed illud album, hoc rubrum, illud externè frigidum, hoc calidum, illud foemineum, hoc masculinum, ex uno autem procedunt fonte, qui est universalis, inveni enim in quâvis pinguedine ens mercurii, ens inquam metallificans, albificans, unde paratur illa aqua alba, quâ *Latonem Philosophus, dealbare, de reliquo omnes libros rumpere jubet*, deinde inveni ens sulphuris, quod est formare rerum, juxta cujus nobilitatem etiam corpora nobilitantur, & hæc duo conjuncta, illud gummi efficiunt, seu fumos, per herbam albam figendos, clarè heic loci scribo, quoniam ab improbis Sophistis & Phi-

Iosophicidis persecutus, vix per horam vitæ tutus sum,
 optaremque; ut aliqui ea ad finem perducerent, quorum
 ego heic loci posui fundamenta, quanquam sciam, pau-
 cos futuros, qui laborem hunc immensum suscipiant,
 habilem enim reddere, & ex tot decompositionibus, &
 involucris reddere & liberare massam, heic opus hic la-
 bor, ego cum de hoc certus essem, quod in omni pin-
 guedine hoc duplex sulphur lateret, multa subiecta, tam
 animalia quam vegetabilia & mineralia examinavi, in-
 ter cetera, *oleorum reductionem in terram valdè quasivi*,
 proinde inter varias enchyrides, *limum communem*, un-
 de lateres coquuntur & furni parantur, ad aërem siccatum,
 ut cribrari posset, oleo lini ita perfudi, ut globuli inde for-
 mari potuerint, pro capacitatis retortæ colli magnitudine,
 idque in eum finem, ne factâ destillatione ob exemptionem ca-
 pitis, ut vocant, mortui, retorta frangenda foret, sed usui
 alio servavi, deinde ut ignis potentia parvos illos globulos
 vehementius, quam si in una essent massâ, penetrare posset,
 replevi ergo ejusmodi globulis retortam, & per gradus ex
 aperto igne destillavi, augendo sub finem, ignem fortiter, per
 horam unam vel alteram, finita destillatione simile ferè
 oleum in vase recipiente offendi, quam illud est, quod im-
 propriè oleum Philosophorum vocant, ex frigefacta retor-
 ta globulos exemi, qui quoniam in satis forti igne non rubi-
 ficabantur, sed valdè nigrescebant, suspicatus sum illam
 nigredinem ab oleo proficisci, cujus quædam partes terrea,
 virtute limi fixata & sequestrata ibidem corpus assumpsis-
 sent, quod quale id fuerit, experimentandum erat, contusos
 itaque atque cribratos hos nigros globulos in patinam posui,
 & superfusa aqua communi movi, turbidum per inclinatio-
 nem gradatim effudi, limpidam novam denuo addidi, sem-
 per materiam movendo, hoc tam diu feci, donec effusa aqua
 clarè decurreret, atque in fundo patinæ grave nigrum
 sedimen-

sedimentum maneret, quod ex gravitate & subitaneâ subsidentia, nec non nigredine in aquâ, metallica & quidem ferrea naturæ esset, non sine gaudio suspicatus sum, siccatum itaq; ad chartam posui, adhibito intra spem & metum magnete, qui à me hinc & inde in materiâ agitatus, pulvisculum ferreum, sed non multum, unâ vice extraxit, repetiit ergo, & extractum pulvisculum tandem juxta proportionem copiosum collegi, quem in omnibus probis optimum ferrum esse deprehendi, atq; ita meæ speculationis finem, vel potius infinitarum principium inveni, cum enim deprehenderim spiritus sulphureos, limo tanquam matrice figi, eundem modum cum omnibus mineralibus, sulphuribus, nec non ipso Mercurio institui, in omnibus nova videns, perrexi deindè ad liquefactionem variorum mineralium corporum cum variis terris & limis, adeò ut tot veritates, transmutationes, & possibilitates videns, temperare non potuerim, quin hanc novam de principiis metallicis doctrinam, in physicâ meâ subterraneâ publicarem, atq; eruditi orbis judicio exponerem, quoniam verò experimentum tum temporis non apposui, sed in secundum physicæ subterraneæ librum reservavi, ille verò liber vix tam citò lucem videbit, multi curiosi & præclari viri me rogârunt, (quorum quasdam literas sub finem hujus supplementi apposui) ut hoc experimentum, quod toti Alchymia maximam lucem afferre possit, publicarem, & Mysochymicis, qui hanc novam opinionem ringuntur, os obturarem; Et ita habetis non modo historiam theoriæ & praxeos, nec non causam inventionis & publicationis hujus experimenti. Vivunt qui de facto, occasione hujus experimenti, divitem Alchymiam experti sunt, atq; gratiarum loco mihi ipsi meam physicam subterraneam recommendârunt, ita aliis lucem incendendo ipsi consumimur & caligamus,

mus, facilius enim est rem inventam prosequi, eiq; addere, quam de novo invenire. Haëtenus de experimento, de quo dicit Zoilus, *parturiunt montes, prodivit ridiculus mus*, sed revera hoc experimentum etsi leve sit, donec tamen ex materiâ, ne minerali quidem, verum ferrum facere, brevi spatio temporis, atq; ita confundit omnium illorum subtilitates, qui nescio quot secula metallorum generationi assignarunt, ubi sunt jam tria Paracelsi principia? Communis limus, commune oleum lini, generant verum ferrum, fateberis ergo vel hac Paracelsi principia ad generationem metallorum non facere, vel si requirantur, in limo & oleo lini latere, quod si visa hac veritate, et jamnum de realitate Alchymiae dubites, Respondeo cum Comite Mirandulano, eadem dubietate etiam de te dubitari posse, utrum Genuinus vel Spurius, Suppositivus, Patre vel incubo progenitus sis.

Supplementi in Physicam Subterraneam.

CAP. III.

Demonstratio Physica.

Nunc superest, ut propositum Experimentum physicè examinemus, eiq; causas physicas assignemus, præprimis autem tria præmittenda sunt, *Primo* utrum Experimentum hoc verum sit, *Secundo*, utrum ferrum inde productum, non in limo vel oleo latuerit, atque sic impofuerit?

Ad primum respondeo Experimentum verum esse & succedere, utpotè multoties à me & aliis probatum, succedit etiam cum nonnullis alijs oleis, sed cum solo limo, non cum luto, si decem partes sulphuris vivi, & centum limi sumas, pastam ac lateres inde more communi facias,

cias, & vel in furno laterario, vel in figulino exco-
quas, lateres tundas ac lavando procedas, ut sub finem
præcedentis capituli in expositione experimenti doctum
est, quoque ferrum invenies, sed non tam bonum, nec
tam multum. *Ad secundam questionem respondeo*, ferrum
magnete ex pulvere extractum, si reducatur, verum
metallum & ferrum esse, quoniam verò non omnibus
occasio est, id in corpus reducendi, quod magnū ignem
apparatum talis reductio requirat, necesse est, ut in-
tereā illā qualitate contenti sint, quæ ferri prima & es-
sentialis ac specifica est, nempe a magnete trahi, nun-
quam enim proditum vel observatum est, magnetem
quid aliud præter ferrum, aut ferrum aliundè quàm a
magnete trahi, si qui ergò sint, qui hunc pulvisculum
ferrum esse negent, & tamen fateantur, experienciā co-
gente, a magnete trahi, id inquam si evincant, nobis no-
vum, nostro longè considerabilius exponent experi-
mentum. *Ad tertiam objectionem dico*, me magnā diligen-
tiā limum lavasse, vulgò geschleint/ ut omnes particulæ
minerales, si quæ insint, separentur, limum deindè per se
sic tractasse sine oleo lini, ut experimentum docet, at ne
atomum quidem ferri invenisse, ita ut in limo nullus fu-
cus esse possit, deindè suspicabar, quoniam oleum lini à
Mercatoribus plerumq; vendi solet, qui simul ferrū vē-
dunt, fortè atomos quasdam ferreas in oleum lini irre-
pisse, itaq; à restiariis illud oleum emi, sed idem effectus,
etiam cum aliis oleis, & quibusdam sevis animalium
sumpsi etiam oleum lini, & posui id solum in retortam,
abstrahendo ad consistentiā vernicis, tandem ad carbo-
nem, quem magnete examinavi, & inveni nihil, *concludo*
ergò, quod neq; in limo, neq; in lini oleo sit ferrum actuale, de
potentiā non disputabo, quam præsertim mineralem,
universalem, omnibusque subjectis inesse, præcedente
capi-

capite demonstravi, & si non esset in potentiâ, nunquam veniret in actum, hoc addere volui, me observâsse nimiam hujus ferri extractione, magnetem debilitari, id est fatiari, cum enim pulvisculus hic multas procul dubio adhuc spirituales atomos ferri (atq; ejusdem quasi primum ens in se) habeat, quæ tam paucio tempore figi non poterant, magnes illis repletur, sed post aliquot dies, cum nempè evaporârint, reddit ad pristinas vires: possent curiosi scrutatores forte occasionem habere de directione magnetis ad polum, si atomo-sphæræ motum ex his rectè investigarent, sed de his aliquando alibi.

His præmissis venio ad *examen hujus experimenti physicum*, propter quod expressè hoc caput posui, quod duabus quæstionibus absolvam, *primò* quæ sit in hoc experimento causa metallifica in genere, *secundò*, quæ sit causa ferrifica in specie?

Ad primam quæstionem respondeo, produci hoc experimento effectivè corporale verum ferrum, adeoque necessum esse, ut productionis hujus ferrinaturales sint causæ, & ut hoc ferrum vel ex limo vel ex oleo, vel ex utroq; proveniat, ex limo per se, ut & ex oleo per se, id non produci, suprà demonstravi, ergò ex utriusque conjunctione prodire certum est, nihilque accedit, quam modicus calor, de quo postea, qui non tam ad substantiam, quam ad præparationem ferri facit, habetq; se ut causa instrumentalis, non ut materialis, *Totum ergò quod provenit, ex limo & oleo venit*, considerandum proindè, *quantum unumquodque de utroq; ad genesin hanc metallicam contribuat*, ferri proprium est, ut ignem non fugiat, sed eum sustineat, olei proprium est, ut inflammetur, & ignem fugiat, si itaq; oleum in ferrum mutari debet primum est ut figatur, id est ut fiat siccum, terreum, ignem ferens, id quidem illo modo contingere potest,

potest, ut oleum lentâ destillatione in retortâ densetur ad vernicem, tandem in carbonem comburatur, certum enim est sulphureitatem seu pinguedinem omnem, lentâ digestionem aquearumq; seu tenuiorum partium abstractione concentrari, ingrossari, ac in terram, oleum verò tandem in aquam elementalem redigi, quod in omni ligno videmus, cujus pars igne in flammam agitatur, quâ abactâ reliquum pinguedinis in carbonem mutatur, & notandum carbonem quemcunq; nunquam putrescere, ob summum concentratum ignem, à putredine præservantem, & nunquam comburi, etiam si mille annis in occluso ingentissimo igne stet, sed in aperto rarefit ob atomos igneas eum penetrantes, & si cinis remaneat, in quo non modicum sulphuris, ut postea audiemus, ne ergo hic olei carbo, seu pars sulphuris concentrata, rarefieri possit, etiam extra in aperto igne, additur limus, qui poros ejus satiat, qui adstringentiâ suâ volatile retinet, quiq; mutuo amplexu, conjugium hoc facit admirandum, nam notabile est, *nec carbonem olei, nec limum à magnete trahi, sed quam primum juxta leges experimenti hujus connectuntur, arripiuntur a vidē à magnete, accedit ergo aliquid de limo ad sulphureitatem lini, cujus accessu completus fit ille magnetismus*, quod quale id sit, postea audiemus, nunc olei lini necessitatem plenius examinabimus. Certum est nihil trahi à magnete præterquam ferrum (cui subjungo chalybem) ferrum autem verum metallum esse experientia docet, ita enim Geber meus de naturâ Martis, cap. 8. lib. 2. *si verò fuerit sulphur fixum terreum, argento vivo fixo terreo in naturâ commixtum, & hæc ambo non puræ sed livide albedinis sint, cujus superantia quantitas sit sulphuris magna, generatur ex his ferrum, &c.* quod itaq; sulphur & mercurium habet, definitur esse metallum, cum ergo magnes ferrum trahat,

hat, trahit id ut metallum, & trahens ut metallum, trahit id ex causa, quod sulphur habeat & mercurium, nisi enim hæc principia haberet, non esset metallum, per consequens non ferrum, *definienda ergo est attractio magnetis, quod contingat ferro tanquam metallo, constanti ex mercurio & sulphure*, hoc enim est, quod inferre volo, nam neque mercurius, neque sulphur Martis, quodlibet solum sine altero a magnete trahitur, quod ab experimento liquet, cum neque limus neque oleum a magnete trahatur. Nunc hæc lite contestatâ, progredior & interrogo, in quo subiecto sulphur, in quo Mercurius Martis lateat? si utrumq; in utroq; lateret, quodlibet subiectum & limus & oleum lini per se a magnete traheretur, ast cum hoc non contingat, necessum est, hic sulphur, ibi Mercurium latere, quæ cum conjunguntur, metallum producant, quod a magnete trahitur, dico itaque in oleo lini mercurium, in limo sulphur martis latere, mirum aliquid & magnum, & ut credo hætenus inauditum, nec a quovis Philosopho unquam proditum pronuncio, nempe latere in oleo lini Mercurium, sed dictum puta, Mercurio ab omnibus Philosophis ad scripta semper est *metalleitas*, illa enim propriè metallum reddit malleabile, quæ specifica metallorum proprietas est, & sine quâ metallum dici nequit, illud ergo quod rebus hanc metalleitatem affert, illud inquam inmercuriale est, paucis autem verbis repetitam definitionem mercurii communis, ut philosophicum ab eo discernere sciatis, *philosophicus* seu verus mercurius, qui principium metallicum est, & metalleitatem dat, est certum genus albificans sulphuris, metallificans, sed mercurius communis constat ex terrâ antimoniali, arsenicali vitiosâ, juncta cum vero mercurio, ita ut verus mercurius sit terra simplex & metallorum principium, communis verò mercurius decompositum

(si arse-

(*si arsenicum fluidum nominem, non improprie loquerer*) mercurius ergo communis, cum sit decompositum, ejus ens non appetit aliud sulphur, quam id quod in sua decompositione habet, neque, nisi illo separato, quicquam boni operabitur, *sed principium mercurii, si sic nudum, illico operatur ut principium*, si suo sulphuri jungatur, producitq; metallicum corpus, juxta sui & additi sulphuris quantitatem & qualitatem, puritatem & impuritatem, unde doctè & paternè *Arnoldus Villanovanus* monet, *Totum tuum studium intendatur in digerendo & conquendo substantiam mercurialem*, pro sua enim dignitate corpora dignificabuntur, quæ nihil aliud existunt, quam substantia mercurialis decocta. Mercurius verò metallorum differt à communi, quod principium hoc nostrum mercuriale, loto sulphuris aut alterius terræ vitiosæ metallicum corpus assumerit, penetraverit, atque in statum currentem deduxerit, fluidumque metallum reddiderit, cum quo, juxta additi metalli qualitatem, rursus congelatur, quod memorabili exemplo testatur *Nicolaus Barnaudus à Cristâ*, in commentariolo suo ad ænigmaticum illud famosum epitaphium, Bononiæ legibile: *Ælia Lelia, Crispis &c.* (ubi pag. 18. narrat) fuisse virum Anglum magnæ authoritatis sui (authoris;) tempore etiamnum superstitem, qui aurum vulgi, liquore ad id parato, in mercurium vertit, & ex eo tandem & terrâ solis, tinturam paravit, cujus inquit *Author*, ego fructus aureos, cum apud *Dn. Doctorem Thaddenum Hagetium Pragæ* agerem, centies vidi, & manibus gestavi, placentulam nempe, sive massulam ex auro puro puto sex unciarum pondere ab ipso *D. Hagetio* ex mercurio vulgi, projectione grani unius pulveris rubri, momento factam, quibus Rosarius adstipulari videtur sequentibus, *Argentum vivum per se nil valet, cum verò mortificatur cum corpore suo occulto, tunc valet,*

valet, & vivit vitâ incorruptibili, & hoc corpus est de naturâ Solis, ideò necesse est, quod totum argentum vivum convertatur in naturam solis, sicut fermentum totam partem convertit in naturam fermenti. His assentitur Paracellus lib. I. de natura rerum, Regeneratio, inquit, & renovatio metallorum fit ita, quemadmodum homo redit in terram, ex quâ primò fuit desumptus, & ita rursus in die novissimo regenerabitur, sic & metalla iterum possunt in mercurium (ex quo primò nata sunt) abire, & cum illo solvi, & mercurium fieri, & iterum per ignem (qui etiam judicabit mundum) renasci & clarificari, hæc viâ, inquit, generantur lapides & tincturae speciales argenti & auri, sed de his capite hujus supplementi ultimo, nunc ad continuationem nostri mercurij veniamus paucis recensendo, quæ me causâ impulerint, ut crederem ens mercuriale seu mercurificans, & metallificans, in quâvis pinguedine latere, id quod candidè, ne quis me extra rationem quid tentâsse suspicetur, exponam. Movit me primò omnium adustorum pinguium fumus valdè nocivus, confirmavit illud carbonum vapor prorsus arsenicalis ac mercurialis effectus, secundo observavi, carbones ferro se miscere, idque in Chalybem mutare, item ferro aliisq; metallis varios colores affingere, processu ulterius, fumendo fuliginem & tractando cum metallis, observavi miram alterationem, carbones in liquefactione, metalla volatilia reddere observavi, item deprehendi cineres cuprum dealbare, caput mortuum nigrum tartari, id est fœces elixatæ ex tartaro nigræ, quibus chalcotypi pro impressione utuntur, auro colliquefactæ, id albefacere, & friabile reddere, processu ulterius, & in solventibus alcalibus, in alcalibus volatilibus talem larvantem dealbantem terram inveni, mediante quâ mercurium corporum feci, tandem manifestum experimentum, quod & me convicit,

appo-

apponam. Si *smegma*, *Sevum*, *oleum*, vel quodcunq; pingue arsenico misceas, & per retortam destilles, urgente igne sublimabitur in collum, arsenicum insigniter antimonii instar metallisatum, credebam primo arsenicum esse in metallum reductum, absorbente pinguedine corrosivos salinos spiritus, sed deceptum me deprehendi, positum enim sub campanam hoc metallisatum arsenicum, addito igne, flammare cœpit, in quâ flammâ ens mercurii abiit, & arsenicum pristinâ veste in campanam se sublimavit. Deinde & hoc notatu dignum, quod arsenicum taliter metallisatum intra paucos dies etiam optimè reconditum nigrescat, concidat tandem, ac suâ sponte pulverisetur, quod manifestum signum est, deesse huic mixto etiamnum aliquod principium, quod ex aëre quærat, fortis enim inter mercurii & sulphuris ens, magnetismus est, atq; ita, de uno experientiæ gradu ad alterum me contuli, donec tandem impulsus, concludere coactus sum, stupente me ipso, latere ens metallicum mercuriale, in omnibus hujus mundi sulphureis corporibus, atq; liberrimè, in ipso etiam aëre spatari, unde non immerito a Sendivogio, *Chalybs*, qui à magnetico sulphure arripiatur, vocatum est. Metallificantem ergò causam Mercurio, & mercurii principium oleo in hoc processu, causis præcedentibus motus, tribuo. Nunc ad secundam mixti partem progrediemur, dixi principium mercurii nec per se metallum esse, nec per se à magnete trahi, ergò secundum requiritur quod sulphur est, & cujus domicilium limo adscribo, antequam autem hanc demonstrationem incipio, necessum est, omnis generationis processum paucis verbis præponam. Ad conjunctionem seminis masculini requiritur femininum, & ad hæc duo nutrimentum, quod posterius est de naturâ fœminini, fœmina enim non solum semen suum addit, sed & illud dat, quod

utriq; semini accrescit, nempe nutrimentum seu menstruum, in vegetabilibus est semen, cui sociatur humiditas terræ, utriq; tandem accrescit portio sulphuris terræ, quæ nutrimentum est, ita in genesi metallicâ mercurius est & sulphur, tanquam mas & fœmina, est quoq; ut *Albertus* noster loquitur, *nutrimentum terrestre subtile fortiter commixtum*, id est non unumquodq; terreitre est metallorum nutrimentum, sed illud quod subtile, quod fortiter subactum, nempe quod plurimum utriusq; habet, sulphureum & mercuriale fit, cum itaq; heic loci de limo ago, dico in eo non solum sulphur, sed etiam hoc terrestre subtile accrementum seu nutrimentum metallicum latere, quod cum mercurio conjunctum, mixtum efficit, quod metallum vocamus, tantum ergò, in hâc genesi, metalli fit, quantum in oleo entis mercurii, & in limo sulphuris & terrestris subtilis est. Quod verò statuum in limo sulphur latere, non velim ut quis commune sulphur (quod decompositum ex acido universali & bitumine est) intelligat, principium enim sulphuris volo, quorum unum ab altero viribus & naturâ tantum distat, ut prorsus alterius sint naturæ, posse tamen acidorum solutione, ex limo vel luto sulphuris decompositum fieri, non nego, nam id experimentum me ad limum deduxit, cum ex ipsâ calce vivâ, sulphur flammans fieri possit. Deinde observavi limum in corrosivis solvi, & mercurio communi præcipitari, formâ valde subtilizatâ & exaltatâ, præcipitatum illud metallis delectari, atq; ingressum habere. Notavi lapides extractione quâdam in limum mutari, & Ambergæ in superiori Palatinatu, magnam mineræ ferri copiam, quæ aëri exposita, nec tam citò ob furnorum, bello germanico destructorum, defectum, in corpûs reducâ est, paucò tempore in purum, omnis metalli
inex-

inexpertem limum, mutatam esse, propriis oculis vidi, quæ res mihi multum persuasit, *metallis, pro fundamento limum esse*. Tabernæ Montanus testatur, *aurum in terram sigillatam mutatum esse*, & certam terræ speciem auro ita conjungi, ut vix & difficillimè, nec communi modo ab eo separari possit, superius notavi, & in mineris clarè liquet, certum quoddam terræ genus vulgò Æstig (de quo in physicâ subterraneâ sub principio sulphuris) metallis pro principio & nutrimento esse. In Oppido *Blomberg dictionis Fürstenbergicæ* penes sylvam Hercyniam, ferrum erui vidi, paucis pedibus infra terræ horizontem, vena limi instar est, à reliquâ terrâ facilè notabilis, crassitudinis circiter trium pedum, infra venam terra arenosa est, in quâ ne granum metalli reperitur, idq; quia limus deficit, *tanquam vaporum subterraneorum sulphureorum receptaculum*. Autopsia liquet, juxta bonitatem lapidum, terrarum, & luti, varia metalla generari, nam in lapidibus crudis vix quicquam crescit, & si quid sit, exiguum est, terris enim & filices adscribo, quoniam illi in calcem & sulphur mutari possunt, in quibus tamen plurimum metalla generantur, hinc non incongruè *Democritus* metalla ex calce & lixivio, ac *Egidius Mauritanius* ea ex cineribus generari prodit, qui limus & lapides in cineres, calcem & lixivium arte mutari possunt, unde etiam his additis extramineras, mineræ maturari & augeri, nec non infusione alterari possunt. Non ergo sine sufficiente & prægnante ratione, limo in hac genesi sulphoris & subtilis terrestris, nempe nutrimenti metallici ens, atq; ita consummatam metallicitatem oleo lini & limo, oleo lini metallicitatem & malleabilitatem, limo colorem, fusionem adscripsi, sed de his postea, nunc absoluto hoc puncto, ad alteram quæstionem me conferam.

Quæ nempe in hac artificiali genesi, sit causa ferrifica?
 in priori enim quæstione generaliter metallificationis
 causam proposui, heic verò specialiter ferreificationis
 ratio exponenda est. Causa seu forma ferrificans vel
 adscribenda est oleo lini, vel limo, vel utriq;: *non oleo*
lini, dabo enim limi speciem, cum quâ tractatum oleum
 lini non ferrum, sed aliud longè nobilius metallum pro-
 ducit, *neq; limo* assignari potest, monstrabo enim certum
 quoddam oleum, quod eidem limo (unde alias experi-
 mentum cum oleo lini, ferrum fieri solet) superfusum,
 non ferrum, sed aliud metallum elicit, *ergò utriq; forma*
ferræ assignanda, quod ut clarius intelligatis, per exem-
 plum, depromptum ex regno animalis generationis,
 hanc quæstionem illustrabo. Si semen masculi virtute
 suâ excellat fœmininum, id quod producitur, partes
 masculi æmulabitur, & hoc de semine fœminino intelli-
 gendum, bonum semen masculinum corrigit vitiosum
 fœmininum, & bonum semen fœmininum, corrigit vi-
 tiosum masculinum, vitiosum verò utrumq; vitiosum
 fœtum producere necesse est & naturale, quale enim
 semen, talis fructus; oleum se habet ut fœmina, limus
 ut masculus, bonum oleum ex limo etiam impuro ali-
 quid boni producit, bonus limus ex oleo seu Mercurio
 vitioso è contra aliquid boni elicit, unius enim bonitas
 superat alterius vitiositatem, sin verò ambo cruda & im-
 perfecta sint, crudum & imperfectum metallum inde
 produci consequens est, è contra si ambo bona, perfe-
 ctum metallum generari, eadem consequentiâ necessum
 est. Audivistis paulo antè Gebri definitionem ferri,
 quod ex immundo terreo sulphure & mercurio constet,
 pergit ille citato capite libro secundo, *superatio sulphuris*
fixi, fusionem impedit, nam quo plus corpus de fixo sulphure
habet, hoc tardius fluit, vocat etiam corpus terreum, livi-
dum

dum, & libro primo, parte tertiâ, cap. 27. definit Martem, quod sit corpus metallicum multum lividum, albedine impurâ participans non fusibile fusione rectâ, & ideo durissima tractationis, videtis quod duram fusionem tribuit sulphuri terreo limi, quod non sit sufficienter subactum, commixtum, adeoque non terrestre satis subtile, sicut etiam reverâ communis & omnis limus & lapis, unde ferrum fit, crudus & grossus est, ergo vitium in limo, deinde de livore & terreatate Mercurii conqueritur, quod vitium oleo, unde mercurialitatem procedere supra demonstravimus, adscribendum est, quid igitur mirum? Si vitiosi parentes vitiosam producant prolem, licet ferrum in sua specie æque metallum ac aliud, & ferrum hoc modo productum longè perfectius naturali, nullumq; dubium sit, quin purificatione principiorum nobilitas Martis ad extremum exaltari possit, & hæc est ratio, quod ex hoc experimento ferrum prodeat. Possem hæc occasione per plura experimenta addere, quomodo cetera metalla fiant, sed quoniam prudentes omnes, id per se colligent, totum nempe negotium in olei & limi, seu argenti vivi, & sulphuris, nec non terre bonitate consistere, supervacaneum foret, eos de re, ipsis æque benè ac mihi perspectâ, ulterius erudire, qui omnium Phylochymicorum Discipulus potius quam Doctor sum. Proportionem mixtionis quod attinet, videtis naturam suaptè operari, teste Rosario dicente, Aqua nostra est pondus sapientia, & calor, nihil juvat circa hanc genesin, nisi quod reliquas partes separet, convenientes misceat, figatq; tempus hujus operationis, paucis horis absolvitur, nam nisi natura cogeretur, principia ferri in hac generatione ex crassis illis involucris limi & olei colligere, sed arte collecta, separata, & pura conjungerentur, admiranda

hæc genesis utiq; in momento , in majori copiâ , ac perfectione fieret.

Supplementi in Physicam subterraneam

CAP. IV.

Authorum Conformitas.

Nunc opinione nostrâ , non modo clarissimo experimento, verum etiam rationibus firmissimis defensâ, superest, ut Lectori demonstremus, non paucos Authores nobiscum convenire , ita ut non praxis & Theoria modo, sed & veterum ac recentiorum Authoritas pro nobis stet, duodecim autem Testes in medium proferemus, quorum *quatuor* fatentur, mineralium generationem exterrâ procedere , *quatuor* naturam interdum extraordinario modo, etiam extra mineras metalla in meteoris produxisse testantur, *quatuor* id arte fieri concedunt.

Primus qui terram pro Matre metallorum assignat, est facer ille Scriptor *Esdra*, qui lib. 4. cap. 8. v. 2. expressè fatetur , *terram quidem copiosam humum pro fingendis fictilibus , parvum autem pulverem producere , unde aurum fit*, sive ergo cum vocabulo, *parvum*, denotet quantitatem, certum enim est, naturam plus ferri quam auri producere , sive intelligat qualitatem, id est, quod pulvis, unde aurum fit, *parvus, tenuis, subactus, subtilis, fortiter commixtus*, ut *Albervus* ait, esse debeat, in hoc tamen sensus clarus est , quod terram pro principio auri ponat.

Secundus est antiquus ille *Morienes*, cujus verba in Rosario citantur sequentia , *ô charissime, hæc intellige,*
& non

& non errabis, *sperma metallorum* est aqua viva, terra est corpus imperfectum, quæ terra merito Mater dicitur, quia est mater omnium elementorum, ideo quando *sperma* conjungitur cum terra corporis dissolvitur in aquam *spermatis*, & fit aqua sine divisione unâ, secundum est conceptio cum terra in nigrum pulverem solvitur, & incipit aliquantulum de mercurio secum retinere, tunc enim agit Masculus in foeminam, id est *Azothin terram*. Quæ verba si rectè consideres, adeo hanc nostram metallicam artificialem genesin indigitant, ut prorsus nullâ explicatione indigeant.

Tertius est *Augustinus Pantheus*, Philosophus Venetus, qui in arte suâ transmutationis metallicæ, in *Voarchadumia* hebraicum quoddam vocabulum *Dovorechad* ad Alchymiam multum faciens, pro communi argilla explicat, in quâ explicatione etiam, ut hæcenus audivistis, non fallitur.

Quartus est anonymus quidam Philosophus, sub *Philalethæ* nomine latitans, cujus opusculum nuper, curante *Joanne Langio* nobis innotuit, de quo tamen scripto, *Georgius Hornius* in præfatione ad *Gebrum* valdè sinistrè judicat, cum scribit, *prodiit nuper Anonymi introitus apertus ad occlusum Regis palatium ante multos annos ex Anglia Miss. ad me transmissum, opus planè Sophisticum & commentitium, quod experientia multis, qui exactè probarunt, cum damno temporis & sumptuum cognitum fuit. Optandum fuisset, Hornius Gebrum correctius edidisset, & aliorum labores intactos reliquisset, an ideo anonymus ille sophisticus? quia ante multos annos opus suum conscripsit, eâdem ratione & Hornii Geber, qui multò antiquior est, sophisticus erit, nec benè Hornio posteritas vertet, quod eam tam diu tanto thesauro privârit, plus debemus*

Dn. Langio, qui illo nos beavit, deinde cur sophisticum, cur comētitium scriptum vocat? ideò, quia multi cum temporis & sumptuum jacturâ, nihil inde elaborare poterant, hoc certè nomine, omnes Chymicorum & imprimis *Gebri* librî, sophistici erunt, neminem enim communium laborantium (inter quos ne *Hornius* quidem numerandus venit, utpote qui nihil practicè laboravit) unquam quicquam utilitatis ex *Gebro* haussisse certum est, adeo ut ipse *Comes Bernardus*, vix & ne vix quidem, illum pro Sophistâ plenè pronuntiet. Sed redeamus ad nostrum *Philaetham*, cujus scriptum non juxta literam intelligendum esse, ipse monet cap. 18. de reliquo si in toto libro nihil esset præter secundum caput de componentibus principiis Mercuriisophici, & undecimum caput de inventionē magisterii, omnes tamen Alchymistæ, æternum huic Authori obligati essent, si vel minimum lucis veræ habeant, adeò enim omnia clarè posita, adeò praxi respondent, ut nec ipsius aliter tradere scirem, sed ex c. 22. istius scripti producamus, quod nostro proposito inservit, nempe sequentia. *Quidam abducti in plumbo, spe maximâ, at fructu minimo sunt operati, at scias, plumbum nostrum quovis auro dignius esse, est limus, in quo auri anima cum mercurio jungitur, &c.* Quid hoc aliud est dicere, quam est terrestrē subtile, cui incorporandum humidum unctuosum, quam difficilis verò hic limus inventu sit, fatetur noster Author subnectendo, *Deum roga frater, ut hâc te benedictione dignetur, quia non est ex corrente, nedum ex volente, at à Patre luminum solo, hac benedictio dependet, unde sacer textus, inter benedictionis formulas ponit, det tibi Deus de rore Cœli, & pinguedine terræ, reverâ enim id quod pinguedo terræ dicitur, est ejus ens, nempe terrestrē subtile, Matrix, Nutrix, Vas, Sapientia lutum, sigillum Hermetis, Magnis, &c.*

Quintus & inter illos primus, qui testantur naturam etiam extra mineras metalla producere, est *Gasto Clavens* in Apologiâ, contra *Erastum*, qui sequentia notat: *Si in nubibus ex duplici illa inhalatione frigore densatâ ferrum gigni, & in terram decidere verum est, quanto magis subtus terram ex eâdem exhalatione frigore densatâ metal- lum gigni, verisimile est, & hoc contigisse testatur.*

Sextus noster testis *Albertus Magnus*, qui ex *Avicenna* recenset, decidisse cœlo, imbre massam ferri, centum librarum, unde acuti acinaces cusi, ita *Grimmæ* in *Misniâ*, tanta ferri moles cœlo decidisse perhibetur, ut loco moveri non potuerit.

Septimus est *Petermannus Eterlin*, qui in Chronico suo Helvetico prodit, magnâ tempestate cum projectu multorum lapidum Cœlo molem ferri decidisse, quæ in longitudine sedecim, in latitudine quindecim, in crassitie duos pedes habuerit, quam molem si geometricè juxta cubum dimetiamur, invenies pedes quadratos 480. si singulum pedem pro centenario sumas, ponderavit hæc moles 48000. libras, quæ cum in nubibus prognata sit, quid mirum, si tale in terrâ contingat, crederem Helvetos non irascituros, si tale frustum auri aliquandò cœlo decideret, sed vereor, ne propter possessionem fundi, bellum moverent.

Octavus est *Paulus Merula*, qui in *Cosmographiâ* suâ scribit, sex secures ferreas Cœlo decidisse, non quidem existimo fuisse secures, sed securium formam habuisse, cum etiam lapides, qui Cœlo de jici solent, talem figuram habeant, unde idiomate germanico *Donneraxte* vocantur.

Nunc ad illos progrediemur, qui tale quid arte fieri profitentur, quorum primus, sed in ordine.

Nonus est *S. Ioannes Evangelista*, de quo Romanorum

Breviarium, quod utique errare nequit, sequentia cantat, die D. Joannis Evangelistæ, sacro mense Decembri, Authore Adamo à S. Victore, cujus initium, Gratulemur ad festivum, &c.

Inexhaustum fert thesaurum

qui de virgis fecit aurum

Gemmas de lapidibus.

Ex lapidibus Gemmas facere, five naturales five factitias, non adeò absolum, cum lapides & gemmæ sub uno genere lapideitatis comprehendantur, sed ex virgis aurum facere, ex vegetabili metallum, id primo intuitu valdè durum, semper enim & diu à me ipso creditum est, non dari transmutationem unius regni in aliud. *Quidam ex Societate Iesu*, in summâ confidentiâ, timens suos superiores, quoniam regula Societatis, Alchymiam prohibet, pulvisculum dedit, quem ex regno vegetabili factum esse testabatur, quem rogabat, ut in corpus reducerem, feci id, & aurum inveni, rogabat per omnes sanctos tacerem, quoniam carceris periculum, & sui persecutionem ad mortem usque incurreret. *Idem Iesuita* pro certo narravit, circa tamariscum, id est in solo, ubi Tamariscus crescit, semper aliquid auri reperiri, quod facilè crediderim, tamariscus enim circa littora crescere solet & in locis udosis, ubi aquarum alluvies, ita enim D. *Ionstonus* in Dendrographiæ suæ libro 9. cap. 5. artic. 2. pag. 448. *Nascitur tamariscus ad amnes & fluentia inque locis, quæ ab iis inundantur, ad Rhenum, propè Brisacum & Neoburgum, juxta Danubium ad Viennam, arenosis locis, quæ pontibus longis adjacent, in Tyrolensi comitatu, in Italiâ, in Hispania juxta Iberum, & Silesiâ, &c.* Credibile ergo est in udosâ Pathmo Insulâ, ubi S. Ioannes in exilio erat, non defuisse tamariscum, unde virgas su-

sumeret, cùm illud lignum præ ceteris virgultosum sit, sic enim citatus Author de illo, *virgula plurima fragilia in plures ramos divisa habet.* Quâ verò ratione ex his virgis S. Joannes aurum fecerit, cuius obvium est, qui experimentum meum de ferro probè intellexerit, lignum faginum appositum baculis ferreis, in occluso, paucarum horarum spatio, quamprimum sufficientem ignem expertum sit, ita tamen ne fluat, illud in optimum chalybem mutat, atq; ita consequentia ad alia fieri potest, sufficiat liquere, hanc facturam auri S. Joannis ex virgulis nec impossibilem esse, nec rationi & experientiæ repugnare. Cur enim S. Joannes veritatem circa terrestria non sciverit, cui cœlestia arcana atque intima à DEO communicata sunt, non video.

Decimus est Michaël Pellus, Philosophus Græcus, citatus in præfatione hujus supplementi, qui expressè ad Patriarcham Constantinopolitanum Xiphilinum fatetur, se lapides quosdam contrivisse, & herbas quasdam miscuisse, atq; ita utiliter & valdè pretiosum metallum, seu ut quædam versiones habent, aurum confecisse, quæ omnia cum præcedente, S. Joannis aurifakturâ conveniunt.

Undecimus est Divus Thomas, qui loco supra citato expressè fatetur, *Alchymistas per veram artem Alchymia, aliquando veram metallorum generationem facere, & alibi scribit, ex sulphure & argento vivo, ut natura, sic ars producit metalla.*

Duodecimum locum sibi vendicat Dominus de Rochas Chymista Gallicus, mirabile experimentum orbi proponendo, sequentibus, *Visis, inquit, tot mirabilibus naturalis operationis aquæ beneficio, scire auebam, quid eadem possit efficere, artis naturam imitantis adjumento. Quare acceptâ aquâ, quam non esse compositam, probè noveram, nec ullâ*

ullare aliâ, quam spiritu vitæ (de quo ante sermonem habuerat) mixtam, adhibito artificiali, continuo & proportionato calore, mediante supradictâ coagulationis, & fixationis limace, eam paravam & disponebam, donec in terram vertetur, quæ terra animalia, vegetabilia & mineralia producebat, non refero, quanam animalium, vegetabilium & mineralium species illæ fuerint, hoc enim alii loco reservatum, sed animalia se movebant, edebant &c. & probæ Anatomie de iis à me factæ, adminiculo, ea ex multo sulphure, paucò mercurio & pauciori sale composita deprehendebam, mineralia crescere incipiebant, atque in naturam suam, unam partem terre ad id dispositæ, vertendo augeri, erantque solida & ponderosa, atque scientiâ hâc verè demonstrativa, scilicet Chymia, ipsa ex multo sale, paucò sulphure, & pauciori mercurio composita esse reperiëbam. Quod experimentum apud Aristotelicos, Peripateticos, aliosq; Mysochymicos, & Rosinianos non entistas paradoxum videbitur, omnemq; fidem excedet, mihi verò valdè rationabile apparet, possemq; si vellem, & loci angustia ferret, clarè demonstrare, quod æquè verum, & possibile sit, quam superius S. Joannis experimentum, ex virgis aurum facienti, quod enim in hac de Rochos operatione, aqua in terra mutata sit, non mirum est, cùm *Helmontius* & *Boyleus* multa ejusmodi producant experimenta, estq; jam antiqua opinio; ex *Orpheo* unus priscorum nempe *Athenagoras*, hoc citat testimonium:

Ek tu hydatos ils katéste,

Ex aqua limus factus est,

Huic subjungit *Scholias* *Apollonii*, Græcus quidam Author:

Ex ilin eblástese chrhòn hávte,

Ex limo terra producta est.

Cui sententiæ subscribunt *Thales*, *Homerus*, *Zeno*, *Hesio-*

Hesiodus, multiq; alii. Quod vero ex hâc terra, varia animalia & vegetabilia vita sint, præsertim cum spiritu vitæ, (mundi, de quo cap. seq.) imprægnata fuerit, nulum dubium, videmus enim terram arefactam omnisq; seminis inexpertem, per aliquot tempus aëri, syderumq; radiis expositam, variis vegetabilium animaliumque feminibus imprægnari, fertilemq; reddi, quod sæpius in solo rore majali probavi, unde terram & inde varia animalia ac vegetabilia produxi; hoc concesso, jam in promptu metalla habemus, ubicunq; enim animale vel vegetabile est, ibi etiam pinguedo vel oleum reperitur, at habito oleo & limo, metalla produci, hic liber ostendit in experimento ferrifero, quodq; ex pinguedine terræ & limo non suaviori ac naturaliori modo quam in meo experimento ferrifero metalla produci queant non nego, sed lubens concedo, cum mihi ipsi longè alia methodus operandi nota sit, hinc citata Domini de Rochos, *limax artificialis*, non adeò heteroclita est, sed suo sensu fumenda, verum de illa aliquando latius. Etiamnum in vivis est, ac Venetiis vivit, amicus meus singularis & sedulus naturæ indagator, *Don Marco Antonio de Castagnia minerarum Reipubl. Venetæ supremus Præfectus, & Societatis Pancteticæ fundator*, qui coram quovis attestabitur, esse arti possibile, in quâvis domo & laboratorio, variis modis perpetuam mineram extruere, unde statutis temporibus metallum verum non secus ac ex minerâ erui possit, nec sanè hoc mirum est, si præcedentia consideremus, nempe sulphur figi limo, ex quo fundamento multæ mihi viæ notæ sunt, plus ex mineris, si arte tractentur, quam more communi, acquirendi. Bruchsellæ, non procul à patriâ meâ *Spirâ*, sub ditione *Reverendissimi Principis Lotharii, Episcopi Spirensis*, non literatorum modo, sed & curiosorum Patroni summi, Do-

mini

mini mei Clementissimi, Helvetus ni fallor natione vixit, qui lavandæ arenæ, pro seligendo auro Rhenano operam dabat, & licet indoctus, præclaras tamen suæ artis rationes & experientias reddere sciebat, is expressè defendit, aurum, quod ex arena Rheni colligitur, non aliundè ex venis subterraneis illuc provenire, sed in ipsâ aquâ, littore præsertim, in arenâ mediante sole generari, quod experimento demonstrabat, arenam enim unde aurum lotionem semel separaverat, soli exposuit, & post aliquot tempus, factâ lotionem, denuò aurum invenit, idque multoties, adeo, ut hujus arenæ varios cumulos fecerit, quos permutativè & per vices lavit, & sic non opus habebat toties locum, recentis arenæ causâ, mutare. *Iesuita quidam* erat, qui in museo suo, varia vitra arenæ & aquæ plena habebat, pro certo asserens, selcertis vicibus aurum inde lavare, & si *Glauberi novo luminis Chymico fides*, omnis arena aurea est. Ex nive, cindelarum alis, sanguine humano, aliisq; multis rebus, aurum & alia metalla facta, olim mihi *D. Rapp, Archiater Moguntinus ostendebat*. Quibus *Albertus Magnus* consentit, expressè in libro mineralium scribendo: *Non est res ex quatuor elementis elementata, in qua non inveniatur aurum naturaliter, in ultimâ subtiliatione.*

Ex his omnibus ergò manifestum est, posse per artem metalla, extra mineras, brevi tempore ex omnibus rebus generari, & falsum esse, tot tempus generationi metallicæ competere, aut planetas illorum generationi concurrere, cum quoq; id, quod metallis accrescit, homogeneum sit, nec in partes dissimilares (ut in mixto animali & vegetabili necessum) mutari opus habeat, nulla est repugnantia, cur non habitis requisitis principiis, generatio in instanti fiat, sed principia præparare, purificare, ab involucris separare, exaltare, & perficere, is
reve-

reverà Philosophi labor est, interim ex his omnibus apparet, me in Physicà meâ subterraneâ verum scripsisse pag. 196. *Metallorum principia terras esse, quas indies pedibus quasi calcamus, facileque negotium, si Deus oculos alicui aperire velit, ut in maxima copia arte parari possit, ut in magno fierent, quæ nos in parvo probavimus, & pag. 399. Inest ejusmodi solventibus quadam vis & mineralis potestas, quæ cum metallis maximum magnetismum & similitudinem habet, & ut paucis verbis magnum secretum, & praxin supra hunc totum librum aperiàm, dico, in variis speciebus, & in his solventibus, vera metallorum & mineralium, tam simplicium, quàm decompositorum principia latere.*

Supplementi in Physicam Subterraneam.

C A P. V.

Consequentia.

ATque ita Experimento nostro candidè proposito, rationibus physicis, nec non Authoritatibus Authorum confirmato, hoc loco, ut speramus, Lectori satisficiemus, & cum ejusdem bonâ veniâ concludere possemus, ne verò quis objiciat, me classicum canere, & ferreum orbi seculum renovare marti sacrum, aut tempus trivisse, & Lectori nullam utilitatem reliquisse, juxta illud Chrysostomi, *peregrina doctrina, multas jactans nugas, & multâ detinens Auditores loquacitate, vacuis tandem dimittit inanibus, neque magnum neque parvum lucratos emolumentum*, non tam talibus momicis objectionibus, quis enim illis satisfaciet, quàm doctrinæ filiis gratificari, atq; materiam hanc paulo luculentius pertracta-

tractare volui, semotâ, ut quilibet videbit, omni invidiæ larvâ, ego enim præsentis vitæ pertæsus, ut in tugurio-
lo suo moribundus quondam Amicus noster *Emericus Stahl Emerita Hercynius* scripserat, aurea aliis secula non invideo, cui mundus etiam ferrea invidet, ut proinde Philochymici, omnium prædictorum consequentiam capiant, caput hoc in duas partes dividam, *primâ demon-*
strabo, dari in naturâ universale quoddam ens conserva-
tivum, unde omnium corporum Spiritus, vis, & vita. *Secundâ parte exponam*, quomodo hoc ens arte acquiri possit. *Ultimo verò capite docebo*, quæ hujus entis in Me-
dicinâ & Alchymiâ vis, interim vos Philochymici,

Pectore qui infractis tolerastis tempora brumæ,

Et pluviam maduistis aquâ, fuliginem olentes,

Fumo excecati, flammis crepantibus usti,

Durate, en redeunt per amœni tempora veris,

Quo tellus vario ridebit picta colore,

Promittunt verni pręnantia semina flores.

Primam ergo hujus capitis partem quod attinet, pro-
positæ universalitatis connexionem & consequentiam
necessariam, eleganter & doctissimè nobis ob oculos
ponit, Excellens ille Medicus & Chymicus, *Bernardes*
Penotes à portu S. Mariae Aquitanus, libro de medicamen-
tis, de quo scopticè *Horstius*, nihil se in hoc Penoto præter
animam observare potuisse, qualis autem ejus fuerit anima
jam jam audietis ex profundissimis ejus conceptibus,
quibus curiosi naturæ Indagatores plus delectantur,
quam ullo auro, cui sitibundi illi medicastri *Horstiani*
inhærent, *bipedes talpæ, altâ semper tellure sepulti*, ut benè
illos *Palingenius* depingit. Sed ut ad rem veniamus, *Pe-*
notus noster tria generalia fundamenta, pro defenden-
dâ universalitate ponit, *primum est*, Nihil DEUS creavit
in veritate superius, quin ejusdem aliquod simula-
chrum

chrum creaverit inferius, ut per simulachrum apparentis inferius, perveniamus ad veritatem existentis superioris. *Alterum fundamentum est*, Nihil Deus creavit in spiritu invisibiliter, quin idem in corpore aliquo adumbraverit visibiliter, ut per corpus umbræ patentis, perveniamus ad veritatem spiritus latentis. *Tertium fundamentum ponit*, Nihil Deus creavit in infinito invisibiliter dispersum, quin idem quoque in uno aliquo finito visibiliter creaverit collectum, ut per hoc, quod finitum est, & comprehensibile in uno, perveniamus ad illud, quod infinitum, & incomprehensibile est in pluribus: creavit autem Deus infinita propter se infinitum omnia, finitum autem propter hominem finitum creavit omnia, ut & principium suum haberent omnia à quo sunt, & simul finem suum testarentur omnia ad quem sunt, *his sic positis argumentis, pergit rem exemplo demonstrare sequentibus.* Omnia quæcunque sunt, à Cælo proveniunt, & cæli naturam participant, nihil enim tam naturale est, quam quod genitum Genitoris participet naturam & substantiam, cum autem universalis Genitor omnium inferiorum Cælum sit, necessarium est, quod omnia inferiora Cæli naturam & substantiam participant, & sic Cælum est in omnibus rebus occultatum interius, quod extra omnes res manifestatum est exterius, & sicut corpore suo patens est in superficie mundi latissimè, sic spiritu suo contractum in centro mundi arctissimè, summum igitur omnium rerum corpore suo Cælum, est in alto positum, & rursus profundissimum omnium rerum est cælum, in imo spirituosum absconditum, & sicut corpore suo claudit & regit omnia, sic spiritu suo transit & implet omnia, ubique enim Cælum visibiliter est in formâ suâ, & rursus Cælum est in omnibus rebus virtute

virtute suâ, & ut Cœlo nihil est per omnia manifestius, sic rursus in omnibus Cœlo nihil est occultius, Tu autem, qui Cœlum extra omnia semper vides, Cœlum in omnibus absconditum intelligas, & hoc absconditum Cœlum fac ut pateat, tunc nulla virtus manifesti Cœli, te unquam latebit, hoc Cœlum seu lapis Philosophorum, in omnibus rebus est, & per omnes res totius mundi transit, & est spiritus quidam vivificans, substantivus, essentialis, omnibus Creaturis hujus mundi, vitam, substantiam, essentiam largiens, quoniam ex ipso, in ipso, & per ipsum, sunt, vivunt, vegetantur, crescunt, ac omnia moventur, & virtute ejus plena sunt omnia, & nihil vacuum essentie, & virtutis ejus. Hactenus Penotus, cui Gerhardus Dorn, Nuyssement, multiq; alii subscribunt. Ego profundam hanc doctrinam in pauca reducam, dicendo, prout Deus universam naturam conservat, invisibiliter & immaterialiter, ita natura se ipsam conservat visibiliter & materialiter, conservans est spirituale, conservans conservatum materiale, seu ut clarius dicam, Dei proxima imago est Sol, Solis idea ignis, ignis exemplum materia Philosophicum, de quâ Rosarius: *Aqua nostra est fortior igne quia facit de corpore auri, merum spiritum, quod ignis communis facere nequit, qui respectu nostri ignis sicut aqua est, ideo dicunt Philosophi, Comburite es nostrum igne fortissimo, & Anaxagoras Clazomerius, Sol noster est rubens & ardens, qui conjunctus est animæ albæ & nature lune spiritus medio, quamvis totum sanè nihil aliud sit, præter argentum vivum philosophicum.* Sed ut institutum prosequar, Dico substantiam divinam nobilis invisibilem, solis quidem esse visibilem, sed incognitam, unde & cujus materiæ sit ignis communis substantia est, intactilis sed visibilis, ignis Philosophorum

phorum est tactilis & visibilis, quoniam est ignis concentratus, sicut communis ignis est rarefactus, porro Deus conservat universam naturam benedicendo, Sol omnia vegetat & vivificat irradiando, ignis omnia fovet & digerit calefaciendo, materia Philosophorum vegetat, conservat, atq; perficit ingrediendo, & penetrando, re verâ enim illa materia *Brumazar* vocari poterit, quod perpetua syderum, tanquam sulphurum, circulatione, exorta & generata sit, ita enim *Hermes*: Pater ejus Sol est, mater luna, ventus in utero portavit, Nutrix ejus terra est, potentia ejus perfecta est, si in terram mutetur, in hoc à terrâ in Cœlum ascendit, & de Cœlo rursus in terram descendit, atq; ita Superiorum & inferiorum potentiam in se recipit, ut latius in tabulâ Smaragdina, clarum autem est, esse in naturâ subtile quoddam unctuosum humidum terrestre, calidum innatum humidum radicale, spiritum rerum vitalem & vivificantem cujus præsentia vita, cujus absentia mors est, qui in microcosmo omnia conservat, sicut in macrocosmo omnia digerit, alterat, ita enim *Empedocles*: Naturam igne adjuvare possumus, præterea enim nullum aliud habemus auxilium, hic ignis naturæ suscitatur ab igne externo cujus fœtus est, inde perpetua illa rerum harmonia, Sympathia, & magnetismus, paucis, hic humor est caput mundi, ut supra notavimus. Optimè de eo *Hermes* loquitur, Cœlum seu lapis aut spiritus ille est secretum & vita uniuscujusq; rei, & omnis homo indiget eo, & hæc est aqua, quæ est in tritico frumentum, & in olivâ oleum, & in persicis gummi, & in omnibus arboribus fructus & principium generationis hominis, & ex eâ est vivum, quod non moritur, quamdiu mundus est, quia est caput mundi, id est humor, humor inquam, in quo omnium syderum influentiæ sulphureæ & salinæ, igneæ & aqueæ,

subtilissimæ terreitatis vinculo, dulci viscositate conjunctæ, & ubiq; reperibiles sunt, quam verè & quamdiu enim corpus quoddam conservatur, tam verè & tamdiu hæc essentiâ excellit, & quam verè sol mundum hunc illustrat, tam verè hic vitalis spiritus fons & principium vitæ ac omnis generationis est. *Hic est ille spiritus, qui in aëre habitans, omnia etiam insecta terræ vivificat, fluminum aquas fermentat, ut postea audietis, in venis sanguinem movet, & tingit, in mineris metalla producit, in vegetabilibus in flores & fructus excrescit, omnibus omnia in omnibus in nubibus tonat, pluit, ningit, in terris crescit, floret, germinat, in animalibus vivificat, alterat, digerit, in mineris fumat, penetrat, figit, arte applicatus vitam conservat, morbos curat, metalla transmutat, in volatilibus volatilis, in fixis, fixus, in animalibus, animalis, in vegetabilibus, vegetabilis, in mineralibus, mineralis, Philosophicus Chamæleon, in omnibus autem naturæ perfectissima, proprietatis penetrantissima, substantiæ tenuissima.* Sed nunc decantatum & sufficienter hoc Ens universale probatum, ulterius Lectori ob oculos ponemus, quâ nempe ratione visibile, quâ tractabile, & ad manus comparabile sit, quod jam secundâ hujus capitis parte demonstrandum aggredimur. Ante omnia verò necessum est, ut signa quadam curiosis naturæ Indagatoribus exponam, juxta quæ tam Artista præparans operationem suam dirigat, quam præparatum, tanquam ad lapidem Lydium conferat, alioquin ipsum errare certissimum est, cum spiritus hic ubiq; reperibilis, à paucis cognoscibilis sit. *Primum autem signum à substantiâ sumitur, cum enim hoc Ens universale definiatur, quod sit omnium corporum substantia intima, purissima, conservans, necessario sequitur, illam essentiam rerum esse, nempe id, unde corpora intrinsecè & essentialiter compo-*

componuntur, componuntur autem consentiente universâ Philosophiâ ex quatuor elementis mixtis, unde definiri potest corpus, *quod sit mixtum ex quatuor elementis*, ergo id quod in hoc corpore intimum seu essentialiale est, subtilissima pars istius elementaris mixti est, id est, ex mixtione, circulatione & alteratione quatuor elementorum, aliquod *quintum*, quod de Zalento, ut supra notavi, *Brumazar* vocat, unde *quinta essentia* vocatur, quia quatuor elementorum in quovis corpore commixtorum purissimum *ens quintum* est, hinc Scaliger exercit. 307. Sect. 20. *Omnis forma cujusque perfectè mixti, etiamsi non sit anima natura tamen est quinta, longè alia à quatuor elementis.* Constat tamen hoc ens universale ex quatuor elementis, est ipsorum, & quæcunq; inde producuntur corporum quinta essentia. *Secundum signum est*, quod cum essentiæ rerum proprium sit, ut sua mixta & corpora conservet, sequitur *essentiam omnem penetrativam, subtilem, & spiritualem esse debere*, alioquin hæc munia præstare, nec in omnes mixti partes influere posset. *Tertio* quoniam omnium corporum *mixtorum conservatio* in ea consistit, ut neq; internâ humiditate, neq; innato suo calore destituantur, tota vis istius essentiæ conservativæ *in calido & humido naturali* consistet, adeoq; hæc essentia in humido calida, propter humiditatem fluida, propter calorem & unctuositatem viscosa erit, nempe unctuosum humidum, summè volatile, summè penetrativum. *Quarto* quoniam à duabus extremitatibus non datur transitus nisi interposito medio, id est, spiritus non agit in corpus, nisi certo quodam vinculo, nullo autem alligari potest, nisi subtili terreo, *subtili*, ut naturam æmuletur spiritus, *terreo* ut accessus sit ad naturam corporis concludimus ergo ex præfatis quatuor punctis, *quod hoc Ens univer-*

sale, sit unctuosum humidum terrestri subtili fortiter commixtum, proprietatis conservantis, penetrantis, complexionis calida & humida. Ne verò existimetis, hæc ita obiter dicta vel intelligenda esse, sciatis per vocabulum unctuosum, non butyraceam unctuositatem, sed illam intelligi, de quâ expressè Morienes scribit, Nostrum sulphur non est sulphur vulgi, sed fixum, & non volat, & est de natura mercuriali & incombustibili, si enim sulphur vulgare velles dicere esse materiam metallorum, non esset natura homogenea, quod est contra omnia dicta Philosophorum. Neq; existimetis, per humidum aliam humiditatem intelligi, quam illam Gebri, de qua testatur, nos omnia experti, & magnâ ratione speculati sumus, sed nihil invenimus in prælio perstans, præterquam humiditatem unctuosam in igne permanentem, neq; credatis terrestre subtile fortiter commixtum esse terram cribratam communem, sed est illa quam sæpius ventilatam ventus in utero portavit, & quæ Solis ac Lunæ est, Mater omnis perfectionis, ut scitè Hermes eam vocat; Quod sit proprietatis conservantis, non est sumendum, ut in conservâ rosarum sacharum rosas conservat, quanquam & hoc virtute sui interni balsami hanc qualitatem conservativam habeat, sed est illud, quod in animali facit vivere, in vegetabili florere, in minerali metallescere, adeoq; causa conservans vitam, vegetationem & metallescentiam, unde rectè Hermes ut supra notavi, quod sit vita uniuscujusque rei, quod sit in tritico frumentum, in olivâ oleum, in persicis gummi, in arboribus fructus, principium generationis hominis, quod ex hac materia vivum sit quod non moritur: deinde per proprietatem penetrantem, non intelligi debet, quod corpora penetret, ut aqua chartam, Mercurius coreum, sed est vis penetrans dans corpori citra augmentationem ponderis
pene-

penetrantiam, id est actionem circa reactionem, ut sub finem hujus capitis audietis, est *complexionis calida* non activè sed potentialiter, est ignis naturæ non artis, deniq; est *mercurius Philosophorum, materia quam solam illi admirantur, & circa quam soli ipsi occupantur tanquam nucleo rerum, relictis plebi siliquis*, Mercurium autem vocant, quod Mercurii instar in varias figuras mutetur, & ut Protheus ille sub variis larvis reperiatur. Definitionem ergò hanc secundariam ideo addidi, ut primaria eò clarius intelligatur, nempe *ens universale, est unctuosum-humidum, terrestri subtili fortiter commixtum, conservans, penetrans, calidum humidum*, eandem enim definitionem habetis, si oleum commune cum aquâ communi injectâ calce vivâ misceas, prodibit enim mixtum unctuosum humidum terrestri subtili fortiter commixtum, conservans, penetrans calidum & humidum, quanquam quoque reverâ Philosophicum illud inixtum, aliud nihil sit, præter *Philosophorum oleum, aqua & calx viva, simul mixta*. Præmissâ ergò hâc universali definitione, superest ut Lectori illud quod omnib; est, & ab imprudentibus nullibi videtur, ullibi, nempe in quibusdam subjectis, tanquam exemplis demonstremus. In igne tale quiddam latere etiam in ipso sole, incredibile fortè esset, nisi ejus rei exempla exstarent, Solis enim radios vegetabilibus misceri ac in corpus figi, naturali processu evidens est, ut in tertiâ meæ metallurgiæ parte, & in Physicâ subterraneâ capite de fermentatione probavi, idq; etiam arte contingere, Dygbeus tractatu de immortalitate animæ parte primâ c. 7. p. 46. §. 8. sequentib. testatur. *Subit animum hâc occasione memoria rari admodum experimenti, quod nobilis quidam Vir*

fidei sincerissima, mihique amicitia conjunctissimus, vidisse se affirmavit, vasorum vitreorum sc. ope, peculiari quodam modo factorum, & artificiosè dispositorum collectos solis radios, in pulverem fuscì coloris, aut purpurei in rubrum vergentis precipitados fuisse, fraus nulla huic operationi subesse potuit, nihil enim in vasis, antequam disponentur, continebatur, peragi etiam debuit in calidiori anni tempestate, ut talis effectus sequeretur, hanc porro operatione aliquibus diebus, duæ ferè uncie colligi potuerunt, natura illi erat mirè subtilis, quæ ipsum etiam aurum, corporum omnium, inter quæ versamur, gravissimum ac solidissimum vi suâ ut sic dicam spiritali penetraret. Flammas verò ignis vulgaris, corporibus misceri ac in corpus reduci, crocus martis, & inter alios D. Tachenius in Hippocrate Chymico testis est, qui ait, acidum flammarum à ferro absumi & figi, taceo de igne lucente animalium, piscium, vegetabilium, lapidum, qui nihil aliud, quam ignis concentratus est, seu luna Philosophorum, unde Aristoteles spiritum seminalem animalium cum elemento stellarum respondere, asserit 2. de generatione animal c. 3. Inest, inquit, seminibus facultas quedam fecundativa seminis, seu spiritus qui in semine spumosoque corpore continetur, & natura quæ in eo spiritu est, proportionem respondet elemento stellarum. In aère hoc ens universale latere Boerellus in observationum suarum Centuriâ primâ observ. tertiâ, hisce verbis annuit. In aère est quedam substantia quinta, aqua vitæ summè rectificata, cœlique naturam retinens, quæ sic à Sole sine individuorum lesione accenditur, optimum spirituum nostrorum pabulum, & occultus vitæ cibus, ut cum Heroë Cosmopolitano loquar & sequente observatione sextâ, sub titulo curationis ebris malignæ, auro soluto curatæ, docet præparationem Magnetis, ex astris hanc essen-

essentiam attrahendi, destillandi, atq; eâ aurum solvendi, præmemoratus Dominus *Dygbans* in dissertatione suâ de plantarum vegetatione, cum nutritionis plantarum artificialis & grani hordei sic præparati, 249. caules & 18000. grana habentis, mentionem faceret, subnectit sequentia: *An verò existimas tantummodo esse sal nitrum, quod attractum in semen aut radicem, hanc fertilitatem adfert, minimè gentium, illud exemplo exhauriretur, nec tam immensa progeniei materiam subministrare posset, sal nitrum est tibi instar magnetis, quod attrahit similem salem, quo aer redditur fœcundus, & hinc Cosmopolita ansam arripiebat, ut diceret, quod in aëre occultum quoddam vita alimentum sit, in tali aëre, qui hoc benigno igne, maximè imprægnatus est, salubrem producimus vitam, in eo verò, qui terrestribus exhalationibus & marinis vaporibus abundat, parumque balsamini salis in se continet, insalubrem ducimus vitam, hic sale est alimentum pulmonum & nutrimentum spirituum vitalium, Cornelius Drebler contractâ magna hujusce salis quantitate, in angustum quoddam spatium, suos animo deficientes hospites in suâ angustâ domo sub aqua, postquam omne balsamum in secluso aëre, in quo ipsi seclusi erant, consumpserant: aperiendo quandâ phialam, quæ per istum vetustum, depravatam & exhaustum aërem novos infundebat spiritus, recreare & refocillare potuit, hic igitur spiritus, qui in aëre est, attrahitur veluti per quendam magnetem, per salinum liquorem &c. cui rei correspondent experimenta nuper extractione aëris ex variis vasculis in Angliâ detecta, inter quæ observârunt, aërem ab homine semel haustum illicò suâ substantiâ hâc privari, ita ut reliquis attractionibus nihil valeat, nisi novo spiritu mundi repleatur. Metalla attractiva facta & aëri exposita tractu temporis in Mercurium verti, ipse vidi, alias quæ *Glauberus de mercurio solis ex aëre factis*, in pharmacopœâ spagyricâ parte quar-*

tà, pag. 47. 48. scribit, non credidifsem. In aqua hanc nobilem essentiam latere, nullum dubium est spiritus calidus fontium & scaturiginum, spiritus maris & stagnorum satis testantur. Aqua pluvialis putrefacta & destillata ardentem præbet spiritum qui suo sali junctus idem ferè præstat in solutione juri variorumq; morborum curatione, quod superius *Corellus* de suo dixit, de nive largatur *Bartholinus*. De rore expressè Author *de la Coambre*, in dissertatione suâ, de causis inundationis Nili testatur in rore, quem *Ægyptii gustam vocant*, vim fermentantem latere quæ massam aëri expositam, adeoque ipsum Nilum seu nitrum, quod in Nilo est, fermentet, de spiritu roris aurum solvente, videatur supra citatus *Borellus*. Novi artificem, qui ex corpore elementari, saltem conficiebat, qui sal cum quocunq; corpore metallico liquefactus, corpori metallico ita inhærebat, ut nullâ amplius arte ab illo separari potuerit, in terrâ talem spiritum latere, communis cærulei luti destillatio, & rubri limi elixatio, ac elixati destillatio docet, elicitor enim inde spiritus aurum solvens, multarumq; virtutum medicarum, adeò ut hic spiritus in omnibus quatuor elementis lateat. Nunc ad *magis mixta* veniamus, & quidem ad *animalia*, inter quorum urinam & aurum tanta Sympathia, ut sine ullâ aurum vix solvatur, vivax illud animal Cervus, magnam hujus spiritus copiam cornibus, sicut & omnia animalia in pilis reliquisq; excrementis gerunt. *D. Tacchenius* Venetiis mihi fassus est, se ferè per integrum annum viperam in vitro, sine omni pabulo aluisse, nec aliter observare potuisse, quam quod ex aëris attractâ substantiâ vivant, unde etiam illorum caro ad longam vitam conservandam, spiritusq; vitales roborandos, tantum facit. Nobilem illum perlarum fœtum ex coitu roris prodire comper-

tum est, quanta autem vis restaurativa perlis inest, pro angustia hujus chartæ dici nequit, Ambram gryseam, quam eruditè *Fidus Klobius* tractatu de illâ, avium excrementum esse testatur, hæc nobili essentiâ adeò turget, ut spiritus vitales ad ebrietatem usq; repleat. Vos itaque Protomedici, pro Patronis vestris divitibus in longâ vitâ, vobisq; in amplo salario diu conservandis, alio nullo utamini restaurativo, quam *sal volatile Cornu Cervi, & viperarum, in perlarum & ambra spiritibus, omnibus per se sine additione factis, solvatis*, ac usui servetis, hæc nobilis medicina ex regno animali prodit, quâ reverâ quoad restorationem spirituum nobilior dari nequit. In *vegetabilibus* nobilis ille vini spiritus essentiâ hæc universali plenissimus plurimi alii fragrantissimi spiritus, seu olea volatilia hujus essentiæ receptacula sunt, incorruptibilis Mercurius vini, de quo *Epleus, vidisse se Bufonem rubram, tantum de uvarum succo bibisse, donec intestina crepuerint*, nec uvarum succus solus hoc præstat, percepistis in Experimento nostro metallifero, hanc essentiâ mercurialem in omnibus oleis latere & reperiri. Ad regnum minerale progredior, in quibus teste *Helmontio pag. 460. Sulphura sunt, quibus correctis, tota morborum cohors auscultat, utpote quorum pluralitas in unitatem Archæi tanquam in pignantem pugnum contrahitur, hoc pacto in ipsâ animæ sede combinatoque duum viratu, amentias, apoplexias, caducos, paralyses, vertigines, asthmata, atrophias, immanesq; defectus annihilari vidimas, stupente scil. ipsa natura. Hortor itaq; Tyrones ad discant sulphura spoliare vi peregrina ac virulenta, sub cujus nimirum custodia abditur ignis vitalis, archæum in scopos desideratos placidissimè ducent.* Salium substantia hæc essentiâ adeò plena est, ut universum mare tanquam salis virtutem mercurificantem, ac igne Philosopho-

rum lucentem habeat, prout postea audietis, nec lapides hac essentiâ vacuos esse, experientia docet, quoniam in alcali converti possunt, quod hujus essentiæ propterea condus est, ipsa metalla & mineralia suum existerè huic essentiæ debent, eâ enim præsentè, metalla sunt, eâ avolante, in terram rediguntur, ea nimiam quantitate accedente, liquida ac Mercurius fiunt, non secus si metallis terra lapidis addatur, ea in vitrum, si terra sulphuris superveniat, in terram mutantur, satis enim superq; in Physicâ meâ subterraneâ, sub titulo, de principiis metallicis demonstravi, esse arti impossibile, ob fortissimam mixtionem, quicquam ex metallis elicere, quod eorum simplex principium constituat, sed quicquid in hoc negotio arti conceditur, in eo tantum consistere, ut principia metallis superaddi, atq; ita metalla in hoc vel illud principium, nova decompositione reduci possint, *hanc decompositionem inprimis Mercurii vivi*, nobis negat *D. Guernerus Rolfincius, Professor Ienensis*, inissis nuper in lucem, de non entitate Mercurii corporum schedis, nescio quæ larvæ virum, *alias prudentem, doctum, & circumspectum* stimularint, quod odiosam hanc materiam defendendam suscepit, propter quam sanè à peritissimis Chymicis eludetur seq; prostituet. Etsi verò pro loci hujus angustia, propositi mei non sit, præfatas schedas refutare, non possum tamen non tribus verbis earum nullitatem Lectori monstrare. Omnis autem demonstratio, vel *ab authoritatibus, vel à rationibus physicis, vel ab experientia* dependet: *authoritates* eorum, quos *D. Rolfinck* pro negativâ affert, illorum authoritatibus numero pluribus convincemus, qui affirmativam tenent, sed instar omnium, esto ille ipse ad quem *D. Rolfinck* desperans de suis proselytis provocavit, cujus decisioni se subjecit, *quem supra omnem laudem* adeoq; omni

mni exceptione majorem esse in præfatione ipse fate-
 tur, atq; is est *P. Athanasius Kircher*, cui schedas suas de-
 dicavit, is ipse inquam est, qui in tractatu suo de ma-
 gnetismo corporum physico, expressè fatetur, solâ a-
 qua falsa plumbum in Mercurium currentem verti,
 quod etiam verum est. Verba Authoris sunt, in libro
 suo, cui titulus *Regnum naturæ magneticum ad Ale-*
xandrum Fabianum, Romæ Typis Ignatii de Lazaris
 1667. latinè in quart. pag. 67. sect. 3. cap. 1. lin. 15. 16.
Plumbum perpetuis aquis suisuginosis damnatum in hydran-
gyrum solvitur. Quid ad hæc *Rolfincius*, an putat sui cau-
 sa *P. Kircherum* palinodiam canturum, minimè gentium,
 nisi non supra sed infra laudem esse velit, aut *P. Kircherum*
 tanquam Mercurii metallici entitatem statuentem, quo-
 que *Thrasonicis gloriatoribus, ostentatoribus, ebuccinatori-*
bus, deceptoribus, ut omnes Mercurium corporum asse-
 rentes vocat (quos ipsi titulos jure retorquemus) adnu-
 merabit? quid facias hic, nunc illud *Plantinum* occur-
 rit, quo ibo aut non ibo, quid dicam, aut non dicam? vide
 quo provocaveris miser, ad forum, in quo causa tua,
 antequam proposita quidem fuit, damnata est, oportet
 te paucæ lectionis esse in scriptis *Kircheri*, qui hæc non
 observabas, ne ita impingeres. Nos jam inferemus, aut
Mercurius Saturni, juxta P. Kircherum est verum ens, aut
juxta Rolfincium falsum ens, si prius, damnata est causa
Rolfincii, si posterius, non video, quomodo *Rolfinc Kir-*
cherum à deceptoribus separet, quorum eum numero
 assignavit, sed viderint hi duo, quomodo inter se con-
 veniant. Simili infortunio *Tacchenium* citat, immemor
 illum Authorem pag. sui Hippocratis chymici 48. &
 seq. entitatem Mercurii lunæ statuere, & pag. 229. *Mer-*
curii metallici signa & differentias cum communi apponere.
 Ego jam ad secundum demonstrationis genus, nempe
ratio.

rationes physicas venio, quarum ne unam quidem in sche-
dis Rolfincii invenio, quæ non entitatem Mercurii cor-
porum probet, atq; evincat, impossibile esse, ut metalla
fluxu Mercuriali fiant liquida, cum in contrarium fir-
missimæ rationes dentur, *primò*, videmus tale subjectum
à naturâ & quidem in tanta copia dari in Hydria, ut
Præfecti mineræ Imperatori, prout ex rationibus pa-
tet, annis 1661. 1662. 1663. Mercurii ex fodinis extracti
695334. libras tradiderint, cujus 667666. libræ Mercu-
rii communis 26668. verò Mercurii virginis fuere, *dis-*
fert autem Mercurius virginis à communi, quod aurum a-
malgatum cum Mercurio Virgine & igni expositum, o-
mnino à Mercurio tollatur, id quod communis præstare
nequeat, argentum itaq; vivum à naturâ elaboratum vi-
demus, quod nisi esset, meritò de existentia tam mira-
bilis subjecti & aquæ, manus non madefacientis dubita-
ri posset. Secundo, videmus metalla cum hoc Mercurio
tantam sympathiam habere, ut cum illo copulentur,
naturam currentem inducant, atq; cum Mercurio tan-
dem per corium ac ignem transeant, suumq; fœdus in
omni necessitate servant. *Tertiò* videmus metalla sua
sponte in hunc mercurialem fluxum deduci, ergò nul-
lum dubium, si hæc ignis externus agat, atque corpora
metallica liquefaciat, ignem internum multo fortius a-
cturum, atq; corpora liquefacturum, ita enim de eo *Pa-*
racelsus. Spiritus meus (Mercurii) calidus est, habens po-
testatem emolliendi omnia congelata membra meorum fra-
trum. Quarto videmus metalla levi negotio emolliri,
ac in Cera & metallicorum foliorum fluxum reduci
posse, quod si possibile sit, cur non statuamus posse in
totum emolliri, ipse D. Rolfincius p. 8. argumentum hoc
sua luce radiare asserit, interim concessis præmissis, con-
tra omnem rationem pag. 16. conclusionem negat, sui
sem-

semper quasi oblitus, *Quatuor ergo sunt rationes physicae firmissimæ, pro existentia & possibilitate Mercurii corporum, contra quas Rolfincius, ne unam quidem afferre potest, puta, quæ probet impossibilem esse, ut metalla in stuitatem Mercurii deduci possint.*

*Tertium demonstrandi genus Experientia est, quarum aliquas Rolfincius avertit, falsas & non succedentes, ego verò ipsi totidem afferam succedentes: quam aliam desiderat? quam quæ à P. Kircherò loco citato proponitur, cujus longam naturalem plumbi macerationem in aquis falsuginosis, ego cum sale communi, paucarum horarum spatio arte abbrevio; quam aliam? quam quæ in D. Tacchenii Hippocrate Chymico pag. 40. citatur: quam aliam denique? quam quæ Abeguinò communicatur. Clavens in Apologiâ suâ de quibusdam loquens experimentis, quorum adjumento Mercurii metallici in metalla nobiliora figi possunt, subjungit, se loquutum de Mercurio vivo à metallis prolicito, quod vulgare ob nimiam frigiditatem & humiditatem nimium concoctioni sit contumax, cui operationi licet paulò antè Mercurios corporum metallicorum in genere præscribat, præcipuè tamen Mercurium arte ab argento extractum commendat, atq; alibi, eodem libro nobis refert, se ipsum expertum esse, nudâ coctione argentum vivum ex stanno prolicitem posse quâdam causâ efficiente ut loquitur in purum aurum mutari, atq; expertissimus Alexander von Suchten alicubi nobis narrat, certo quodam modo quem innuit fieri posse Mercurium ex cupro, non qui colore sit, ut ceteri Mercurii, argenteo, sed viridi, cui ego adjiciam (inquit Robertus Boyle, qui hæc in Chymista suo sceptico, pag. 173. & 174. notat) virum quendam Illustrem cujus nomini peregrinationes ejus & erudita scripta celebritatem conciliavêre (Dyge-
beum*

baum esse suspicor) nuper mihi asseverâsse, se pluries Mercurium plumbi (quem quidquid etiam Authores pollicentur, paratu valdè difficilem, in aliquâ saltim notabili quantitate deprehendes) in perfectum aurum fixatum vidisse, cumq; eum rogarem quivisne alius Mercurius ejusmodi mutationem, earundem operationum adminiculo subiret, negativam sustinuit, *hactenus D. Boyle.* Scio ante triennium in splendidissima urbe Germaniæ vicinissimâ venditum in monetariâ officinâ seu pro 30000. pistolettis immutatum esse aurum chymicum ex Mercurio metallico paratum, cumq; ejus laborantem seu Amanuensim interrogarem, qualis esset Mercurius, respondit Antimonii, simul vasa ostendit, magnumq; apparatus pro conficiendo tali Mercurio, modum quidem parandi in *Experimentis Dygbaaniis* pag. 146. habemus, sed hactenus non nisi grana aliquot illo modo elicere potui, quæ tamen paucis diebus in aurum coagulata fuere. *Glauberus* quartâ parte pharmacopeicæ spagyricæ in octavo mihi pag. 44. 45. 46. narrat, se nunquam ex tot mille processibus Mercurium corporum parare potuisse, ideoq; semper credidisse, ubicunque Mercurii metallici apud Philosophos mentio fieret, tropicè intelligendum esse, donec apud magnum Dominum laborâset (*credo fuisse Principem Zulickoven*) cui ab alio Domino recommendatus Saturni Mercurius, atq; in ejus signum uncia prædicti Mercurii, cum fixationis modo transmissa esset, cujus cum probam fumerent, in optimum aurum mutatum esse, sed mortuus est ille alter Dominus, qui Mercurium dederat, & Glauber cum suo Domino eundem parare, etiam exhausto biennii labore non potèrant, mortuus deindè etiam est Glauberi Dominus, Glauber verò semper in spe mansit nanciscendi Saturni Mercurium, quem tandem longè postea

postea se adeptum esse fatetur, communicasse aliis, in parvo quidem, qui & ipsi veritatem confessi & experti, eandemq; attestarentur, sed in parvo processu ponit, tractatu suo de tribus principiis, sub titulo Mercurii, pag. 54. & seq. quorum aliquos probavi, sed ut dixi in parvo succedentes, causas facile *Rolfincius* inveniret, cur in magno non succedant, *si potius ipsi rerum naturalium veritas quam desiderata Plebeja aureitas cordi esset*, insuper scio quid sit, negat *D. Rolfinc* experientias has, & benè quidem, nam non sunt ita comparatæ, *ut sua sponte se elaborent*, tales enim, *D. Rolfinc* desiderat, admoveat manus, & videbit, *non esse scopas dissolutas, sed conjunctas* quæ ferulam componunt, qua petulantes illi *Mysochymici*, veritatiq; refragantes, castigandi sunt. *D. Rolfinc* Methodum observat planè Philosophiæ legibus contrariam, Chymicos enim vituperando eò cogere vult, ut ipsum modum Mercurios corporum præparandi doceant, cum alias precibus, studiis, laboribus, & sumptibus multis id explorari debeat, nec ulli reveletur, nisi à parte Dei ipsi manifestetur. Non est quod Chymici censuram veriti hanc enchyrisin indistinctim communicare nolint, sed quoniam artem celare leges omnes jubent, hinc Mercurificatio, tanquam clavis artis omnimodè celanda est, ne horrendam Philosophorum omnium maledictionem & excommunicationem incurramus, quantæ enim potestatis tam medicæ quam metallicæ, Mercurii corporum perfectorum sint, dici nequit, ut Mercurius communis venenosa sua acida terra antimoniali & arsenicali, quæ in ejus præcipitatione per se patet, totum humanum corpus resolvit, ac paucissima quantitate, constricto balsamo vitali, universam corporis humani fabricam liquefacit, ac in confusionem agit, ita Mercurius cor-

Rr

porum

porum fixus, contrarium facit, pauca nempe quantitate introsumptus, acidum vagans, ut D. Tacchenius loquitur, imbibit, omnes corporis humani errores, furores, resolutiones, liquefactiones blanditer sistit, ac in requiem ducit, unde merito à Cornelio Agrippa libro secundo de occultâ Philosophiâ, in scalâ unitatis, *subjectum omnis mirabilitatis* vocatur, illud tibi communicare Rolfinci, qui id contemnis, & quidem tibi evulgatione, *piaculum* esset. Vos autem doctrinæ filii, ne existimetis *metallicum hunc Mercurium præcipitatum rubrum* esse, sciatis *Mercurii metallorum proprium* esse, ne in pulverem præcipitetur, ut doctè quoq; D. Tacchenius pag. 229. notavit, ita enim *Helmont de Lithiasi* cap. 8. §. 5. prout *nullum sulphur est metallum, ita omnis Mercurius metallicus est verum metallum*, per consequens in præcipitatum arsenicalem, sulphureum, pulverulentum, heterogeneum mutari nequit, quibus consentit *Claveus* in apologiâ contra *Erastrum* pag. 46. sequentibus. Neque verò existimandum est, *argentum vivum*, quod solvendi *aurum* obtinet facultatem, esse illud vulgare, quod palam à pharmacopolis aut mercatoribus venit, cum enim à corpore, quod similitudine totius substantiæ *aurum* referat, & temperamento sit calido & humido, solutionem ejusdem *auri* præstare oporteat, illam quidem similitudinem *argentum vivum* commune obtinere negari non potest, temperamento autem esse frigidissimo certum est, & maxime indefinito, sed aliunde *argentum vivum* nobis arte ingeniosa proliciendum & educendum est, à corpore paucissimis noto, quod natura concoxit, quod etiam similitudine totius substantiæ *aurum* magis referat, quam *argentum vivum* vulgare, quodque nulla arte, sed primo quoq; contactu & attritu cum *auro* non minus coeat & misceatur, quam *aqua aqua*. Jam contemplare altius quodnam sit illud

illud corpus. Occasione hujus dicti, 'experimenti recordor, quod nuper *Monachii* adstante meo Amico *Gerhardo Gorisio Roterdamo* peregi : singularem Mercurii vivi speciem habebam, quam cum auro amalgamare volui in patellâ vitreâ, Mercurius ad contactum primum auri ita excaluit & efferbuit, ut periculum fuerit, ne patella vitrea rumperetur, manus enim, quâ eam tenebam, præ calore amovenda erat, porro ex hac insigni reactione ingentissimus odor, nucis myristicæ fragrorem accuratissimè referens, ortus est, qui totum hypocaustum ita repleverat, ut omnes quasi penetrantissimo vapore inebriaremur, timui primum, recordatus *Historiæ D. Tacchenii* in Hippocrate suo pag. 213. ubi se suavissimum fragrorem ex arsenico accepisse, sed postea pessimè habuisse recenset, sed nihil ex hoc Mercuriali vapore mali subsecutum est, nisi quod gravedine capitis, quâ tum laborabam, illicò solverer, tum recordatus dicti *Helmontiani*, de Mercurii reactione in aquam vermes necantem, ubi ait, *sic nempe scholæ etiam invitæ addiscant, quod quedam agentia citra passionem aut reactionem patientium liberè semper indefessisq; viribus agant, & perstante eodem semper sui pondere*, quod in hoc amalgammate observavi pondus suum servante, etsi tantâ spiritum copiâ emissâ totum evaporâsse præsupposuissem. *Est itaque Mercurius Philosophorum longè aliud mixtum, quam Mercurii communis*, quod *Philaletha* noster sincerissimè declarat, verbis ferè aureis, ita enim capite secundo de componentibus principiis Mercurii sophici ait : *Intentio quorundam in hac operantium arte est hæc, ut Mercurium diversimodè purgent, nam per salia adjuncta sublimant, alii à variis focibus, nonnulli per se tantum vivificant, sic repetitis operationibus Mercurium philosophicum*

factum esse aiunt, & errant, quia non in natura operantur, quæ sola in suâ naturâ emendatur: sciant itaque aquam nostram componi ex multis, essetamen rem unam diversis substantiis, unius essentia concretis factam, est nempe in aquâ nostrâ requisitus primo ignis, secundo liquor Saturnia vegetabilis, tertio Mercurii vinculum, ignis est mineralis sulphuris, & tamen non propriè mineralis est, nedum metallicus, at medius inter mineram & metallum, neuter utriusque particeps, chaos sive spiritus, quia Draco noster igneus, qui omnia vincit, tamen per odorem Saturnia vegetabilis penetratur, cujus sanguis cum succo Saturnia concrevit in corpus unum minerabile, & tamen corpus non est, quia totum volatile, nec spiritus, quia in igne metallum liquatum refert, est itaque reverâ chaos quod ad omnia metalla se habet ut Mater, ex eo enim omnia extrahere novi, etiam Solem Lunamq; absq; elixire transmutatore, quod qui pariter vidit, potest attestari, &c. Et supra citatus Anaxagoras Clazomerius: Sol noster est rubens & ardens, qui conjunctus est animæ albæ, & naturæ lune spiritus medio, quavis totum sanè mihi aliud sit, præter argentum vivum Philosophorum. Non dico in communi Mercurio, non plurimum hujus essentia latere, sed fateor difficillimè inde separari posse ob mixtitenacitatem, sunt etiam qui Mercurium metallicum etsi vivum & verum videant, sophistum pronuntient, sed hos ad sufficientiam in Physicâ meâ subterraneâ, pag. 462. & seq. refutavi, quemadmodum & illi errant, qui Mercurium ex metallis productum, pro principio aliquo, & parte metalli statuunt, uti Helmont facere videtur, cum in tractatu de potestate medicaminum §. 40. inquit, sensi cruditatem Saturni, pinguedine fixorum salium solubilem, sicque dividi partes compositi, ut argentum vivum currere permittat, sed hoc refutavi in physicâ meâ subterraneâ lib. I. sect. 3. c. I.

Certe

Certè Mercurius currens sive communis, sive ex metallo factus, non est ullius metalli principium, sed ejus ens, seu id, quod metalla currere facit, eisque metalleitatem dat, est ~~caput~~ metallorum verum principium, nihil ergo in Saturno respectu Mercurii-crudum, cum quodlibet metallum & minerale totâ suâ quantitate Mercurius, & si is factus sit, bonum metallum inde fieri possit, non secus ac tota libra cupri in vitriolum decompositione resolvitur, quod vitriolum reducitur alteratum cuprum exhibet, vide *Gebri & Clavei Mercurium Iovis*, Nec in mercurificatione separatio partium, sed additio pro decompositione detur, quemadmodum spiritus sulphuris ex quovis metallo vitriolum facit, sed id vitriolum pro varietate metalli diversæ est qualitatis medicæ, ita Mercurius corporum pro varietate sui subiecti, diversæ est qualitatis metallicæ, ut id experientia docet, *communis enim Mercurius, & Solis Mercurius, & ens Mercurii, seu decomponens Mercurium*, adeo differentia sunt, ut Sol & terra, medicina & venenum, sacharum & acaciæ succus, unum enim digestionem in melius, alterum in pejus mutatur, unum in medicinam, alterum in venenum, unum in aureolum nepenthes, alterum in lethiferæ hypercatharfeos causam degenerat, ut *Heslingii Azoth* similitumque. Sed nunc ne curiositatis vento in amplissimum quæstionum & experimentorum Oceanum, ex succinctæ brevitatis portu, præter intensionem rapiar, vela mihi, Deum testor, invito contrahenda esse video: tot jam res loquutus fui quam verba, prout practici observabunt, in secundâ enim hujus capitis parte, *existentiam universalem philosophicæ essentia, in omnibus elementis & elementatis seu mixtis* adeo demonstravi, ut bardum esse oporteat, qui hæc non intelligat: sed video Lectorem secundæ hujus

partis finem desiderare, nempe præparationem, acquisitionem, & tractationem hujus essentiaë, quæ etsi sufficientissimè in præcedentibus tradita & edocta sit, Tyrionibus tamen paucis verbis eam candidè, & quantum licet exponam. *Morienes ait, hoc accipe, quod in sterquiliniis suis calcatur, si non absq; scala ascensurus, cades in caput*, id est, separa essentiam, in quantum possibile, à siliquis, quod, quâ id ratione fiat, intellige, *Primò* cujusvis corporis quamlibet externam formam mortifica & dele, *deindè* reduc ad universalitates formam, quæ salina est, ex hoc salo piscare Philosophorum Echnidem, seu fac ex corporibus alcali volatile & fixum, & habes mare Philosophicum, in quo linea horizontalis, vel recipe ex quovis corpore, vel pluribus corporibus sal urinosum, nitrosum, acidum, salinum, sulphureum, his quinque junctis oriatur chaos philosophicum seu solvens in quo calx metalli magnetica, quintam essentiam facile attrahet, & Mercurius fiet, à quo furtum exiges, & ut vitam redimat, perlarum te liquore beavit. Quæ omnia non modò multoties practicè, sed toto hoc discursu etiam theoricè firmis rationibus probavi, nec mihi philosophorum autoritas circa hanc Enchyrisin deest. Audite, quid antiquissimus pariter & doctissimus *Philosophus Gallus, Gratianus*, citante eum *Rosario* ad antecedentem nostram praxin conferat, apertè scribendo, atq; universalem existentiam entis Mercurialis probando, sequentibus: *De omni re potest fieri cinis, & de illo cinere potest, fieri sal, & de illo sale fit aqua, & de illâ aquâ fit Mercurius, & de illo Mercurio per diversas operationes fit sol*, Res enim naturæ, ut superius ex *Rhasi* notavimus, subtili artificio ita colligatæ sunt, quod in quolibet re sit res quælibet potentiâ, licet actu non videatur. Et *Albertus* expressè fatetur, *Non dari rem ele-*
menta-

mentatam, in cujus ultima substantiatione non reperiatur aurum, quanto magis Mercurius, utpote sine quo aurum fieri non potest. Helmont brevibus longa dicit, cum ait, calcinata acerrima, cum sale armeniaco resoluta & tartaro putrefacto, dulcorantur, seu in Mercurium non acidum & corrosivum, ut communis est, vertuntur, huius Mercurii spiritus, astrum, vocatur & electrum immaturum, & id, de quo hactenus egimus, atq; ita clarè exposuimus, ut neminem mortalium id unquam fecisse arbitremur, neq; ego clariùs scribere potuerim, nisi prorsus perlas suis proijcere animus esset, quod Deus avertat.

Supplementi in Physicam subterraneam

CAP. VI.

Finis.

Multi reperiuntur, qui *Entis huius universalis finem & usum* ignorant, his hoc capite satisfaciam, sciant itaq; *duplicem esse, unum ad medicinam, alterum ad artem metallicam transmutatoriam.* Medicinam quod attinet, omnes Philosophi testantur, *hoc ens, talis naturæ esse, ut corpus humanum in longa sanitate conservet, morbos quoscunque curet, insuper etiam metalla omnia in perfectissimum aurum transmutet, uterq; effectus ab hostibus Chymix atrocissimè semper disputatus ac negatus fuit, sed hoc loco rationes physicas, veras, ac novas adducemus, quibus veritas huius duplicati effectus, omnibus ratione pollentibus eaq; uti volentibus, clarissimè patefiet, nihil enim sine causis naturalibus proferemus, unde D. Thomas ad fratrem Reinaldum,*

Rr 4

Ne

Ne cures de verbis Philosophorum modernorum & antiquorum de hac scientia differentium, cum in capacitate intellectus, & in demonstratione experimentalis Alchymia sibi sedem constituerit. Prima autem difficultas circa existentiam Panaceæ seu medicinæ universalis inde oritur, quod diversis morbis diversa & sæpe contraria remedia quærenda, his resolventia, illis adstringentia, his calida, aliis frigida præscribenda sint, quæ diversæ qualitates in uno subiecto medico simul & semel esse nequeunt, & hæc est opinio pluralistarum, humoristarum, Galenistarum & communium scholarum existimantium, hanc objectionem quovis nodo gordio implicationem insolubilioremque esse, sed quàm fallantur, postea videbitis, si pauca quædam præliminaria de hominis fabricâ audietis. Cum enim omnipotenti Deo placuerit, mixtum animale & quidem humanum producere, ordine, quem in omnibus suis creatis observavit, id fecit, pro fundamento ergo ossa posuit, sed quoniam hæc suâ sponte se movere non potuissent, nervos illis addidit, qui motu & nutrimento opus habebant, motu, ut subtilis spiritus eos penetraret & moveret, nutrimento, ne quotidiano motu siccarentur, & contraherentur, seu attererentur, hinc musculos illis substravit, musculisque venas indidit, ut cruore continuo humectarentur & nutrentur, ne verò hic sanguineus humor deficiat, opus fuit quotidiano potu & victu, ejusque in sanguinem & spiritus transmutatione & circulatione, inde intestinorum ventriculi, hepatis, cordis, cerebri necessitas, ut verò quid esset, quod alimentum quotidianum in sanguinem & spiritus alteraret & digereret, inditus est homini ignis vitalis, cujus ope victus cum potu in sanguinem, sanguis in humorem nervosum, spermaticum, & spirituosum digeritur, ipse verò ignis vitalis perpetua

tuâ aëris refocillatione indiget, unde pulmonum officina, ex quibus cuivis obviam est, *principale negotium humana fabricæ*, ejusq; observationis, in digestionem seu alterationem alimenti in sanguinem & spiritus consistere, pro hujus enim alterationis bonitate & vitio, humores generantur in corpore vel probi vel vitiosi, unde quod illis nutritur, vel validum, vel morbosum esse oportet, hanc verò alterationis causam *unicè à spiritu vitali profuere* adeo certum est, ac claret, solem cuncta in macrocosmo alterare & digerere, & errant Galenistæ, quod his digestionibus varias causas differentes affingant, ut *facultatem chylo-hema-sperma-pnevma-poitikin*, item *facultatem retentricem, expultricem, separatricem*, nugæ istæ sunt, & conceptus metaphysici, æquè ac si dicas, est *facultas carbo-cineri-fuliginificans*, & has facultates facias ratione ortus diversas, certum enim est illas omnes ab igne venire, sic *unus est Sol*, qui omnia fovet, in radice radificans, in caule caulificans, in floribus florificans, sic etiam in corpore humano & quovis animali *est ignis seu spiritus vitalis* digerens in ventriculo & intestinis cibos, alterans eos in hepate, corde & venis in sanguinem, mutans sanguinem in cerebro, nervis, & venis spermaticis in liquorem album, nervosum, spirituosum, ille solus est digestionis, excretionis, retentionis, Chyli-Chymi sanguificationis fons & causa. Ipse *Sennertus* non nisi in agone Chymicorum amicus in libro tamen suo de consensu & dissensu Chymicorum cap. 11. sub principiis Chymicorum fateri cogitur de hoc spiritu universalis sequentia: *Actiones autem à totâ substantiâ dictæ & occultæ proprietates huic spiritui, tanquam proprio subiecto tribuuntur, qui in venenis est veneficus, in purgantibus purgans; Quemadmodum enim ignis culinaris in una olla diversas coquit carnes, & olera, maturatq; & digerit,*

quodlibet juxta suam qualitatem, ita in universo corpore humano hic ignis vitalis omnia membra conservat, omnes digestiones peragit, quamlibet juxta sui continentis & contenti exigentiam, etsi in uno horum deficiat, illicò error in naturâ animadvertitur, hoc est quod in peste conquerimur, ignem hunc vitalem adeò debilitari, ut venenum vel digerere, vel foras pellere nequeat, inde apostemata interna & vomica viscerum, inde cruditates sanguinis, & hinc tot morbi, in cerebro catharrum, in sanguine serum, nunc acre, nunc aqueum nimis, in ventriculo & intestinis adipepsia, ut sequentibus doctè *Caspar Barlaus* in dedicatione ad *D. Adrianum Toll* supra praxin auream *Stockeri*, expressit:

Quisquis in humano defigis corpore vultum

Sospes ab humano corpore disce mori.

Vivimus, & vita miseri torquemur ab ipsâ,

Et dolor haud una nos ratione necat.

Iam caput afflictum est, jam tinnit iniquior auris,

Nunc oculos grando, nunc premit ava gulam.

Hic gemit, hic arcto gravius sub pectore tussit,

Ille putrescentes bajulat ager aquas.

His titubans lingua est, aliis vestigia nutant,

Hic riget, hic flammis aestuat, ille tremit.

Nunc natura foris, nunc intus fracta laborat,

Et Domino adversa est, pars sua quaeque suo.

Corpus ines trahimus, sed tot cruciabile morbis,

Membraque diversus singula tortor habet.

Sed diversi hi Tortores effectus potius unius tortoris sunt, qui exacerbatus in universum corpus furere incipit, non secus ac ignis extra modum agitato, in subjectum suum flammabile fortius agere, idq; citius consumere incipit, eadem prorsus est ratio cum hoc igne vitali, variat enim pro naturâ sui pabuli seu nutrimenti, si ipsum

ipsum *suffoces*, supprimetur, ut in apoplexiâ, & strangulatione, Plethorâ, Pleurisi, aliisque videmus; si nimium *agites*; se ipsum consumet, ut in febre hecticâ, caustione, aliisq; inflammationibus, si nutrimentum nimium rarefscibile, tenue, subtile, oleosum sit, citò rarefiet, atque ab igne consumetur; si densum nimis & crassum, reactioni ignis hujus, inidoneum erit; si nutrimentum sit purum, ignis vitalis erit purus, sin secus tettriciis vaporibus replebitur, *nutrimentum verò seu pabulum hujus ignis* partim in aëre consistit, unde sal quoddam attrahit, sicut flamma sulphuris in præparatione olei sulphuris, *aciditas enim illa non à sulphure, sed ab ambiente resoluta aëre venit*, ut alibi probabimus, multum ergo qualitas aëris ad hunc ignem conservandum, imò plurimum facit, cum solo odore rerum bonarum vel malarum refocillari aut exstingui illicò possit, ut sæpè vidi, *ellyphnium hujus ignis subtilissimi sanguinis spiritus sunt*, quos tettriciis, melancholicis, aut pestilentibus, contagiosis atomis, vel variis animi pathemathum exacerbationibus refertos esse minimè convenit, juxta ejus enim puritatem & flamma ardebit, sicut ellyphnii communis alteratione, flammæ quoque alterari possunt, nutrimentum hujus ignis *quotidianus victus* est, quis, qualis & quantus esse debeat, diætæ methodus docet, adeò, ut heic loci apponere supervacaneum & contra intentionem sit, *qui non medicinam, sed supplementum Lectori promisi*. Nunc ut vela contraham, atq; universalem doctrinam dari posse probem, dico *circa corpus humanū duo consideranda esse*, unum quod est alterabile, digestibile, nutrimentum, alterum quod est alterans, digerens, & agens, *primum* in sex rebus ut vocant non naturalibus consideratur, & in hoc fateor methodum diæticam plurimum posse, si neimpè qualitatem & quantitatem

tem rei alterandæ probè observes, sed hoc non est corpus curare, verum illud præparare, ut sit curabile, nisi enim *secundum*, id est universale illud alterans, digerens & conservans, consideres, atq; ad ignem vitalem respicias, omnis tua nutritio & medicina inutilis erit, hinc optimè Arnoldus, *Hoc egerunt quidam Veteres Medici, eorum unica intentio fuit, vigorare naturam, quæ alleviata & vigorata, perficit omnia, ut expedit*, quid enim mortuo medicina vel victus prodest, utpote inalterabilis ob defectum ignis vitalis, cur frequens coitus, & venæ sectio ventriculorum, aliaq; interna viscera debilitant? quia hoc modo multum vitalis ignis perditur, cur in his medicina citò, in aliis tardius operatur, cur hi ex vitioso & crudo nutrimento optimum habitum, alii ex optimo victu pessimum nutrimentum conquirunt, cur hi vulnerati citò, alii tardè curantur & consolidantur? cur inquam, nisi quod ignis vitalis in his fortis, in aliis debilis sit, non tam ergò ad subiectum quam ad objectum respicite, atq; vitalem hunc ignem confortate, *eumque ex pluralitate vestrarum facultatum, potentiarum, & digestionum in unitatem reducite, ut Lullius paternè monet in theoricâ sui testamenti cap. 32. sequentibus, Benedictus sit Deus gloriosus omnipotens, qui humano generi dedit intellectum ad conjungendum & integrandum particularitates confusas totius medicinæ, cum universalitate reali, per quam remanebunt rectificata omnino. Et ideo fili, monemus te, si desideras esse perfectus medicus, non ponas æ complacentiæ particularitatum medicinæ, quia confusæ sunt, & non integræ, natura enim eas pati non potest propter confusionem nimiam, sed complacere in unicâ medicina, quia non est nisi una sanativa totius malitiæ, pravitatis, & infirmitatis, & confortativa spiritalium virtutum, & paulo post, qui multas & plures particularitates sciet, ad universalitatem reducere, inter alios erit*

melior

melior, in particularitatibus sunt virtutes confusa, & in universalitate sunt reales virtutes in unum congregata & excitata, sicut totius naturæ cursus manifestat, est medicinarum medicina qui eam habet, donum Dei habet, quia thesaurus est incomparabilis, hætenus ille. Fatebimini ergo igne vitali confortato & existente salvo omnia totius œconomiae humanæ tranquilla & tuta fore, illo in furore in actio, omnia sævire, illo confortato omnes digestiones bene absolvi, puros humores generari, obstructions referari, atq; omnia membra suo officio fungi, illo alterato autem vel extincto, quid aliud, præter morbos & mortem sequi necessarium est & consequens? hic enim spiritus vitalis per universum corpus diffusus, centrum sine circumferentia, ignis sine foco est, quanquam hujus ignis focum cor esse, eumque ibi primum accendi & ultimo manere credibile sit. Cum itaque fateri cogamini, esse in corpore humano unicum quiddam, quod se ut agens erga omnia nutrimenta, humores, medicinas habeat, quo uno omnes digestiones, alterationes, ac transmutationes, quæ in corpore humano, cursu naturali contingunt, absolvuntur, eadem etiam necessitate fateri cogemini, dari medicinam quandam, quâ hic ignis vitalis purificetur, conservetur, & confortetur, quo purificato, conservato, & confortato, omnes ejus actiones in corpore humano, rectè procedere necessum est, hanc verò medicinam spiritui huic, seu igni vitali conformem esse debere necessarium est, alias venenum esset, quicquid enim huic igni contrariatur, venenum est, quicquid illi assimilatur, medicina, videtis, quam paucâ veneni dosi, vitalis hic ignis agitari & tandem extingui possit. Cur ergo dubitatis paucâ eum etiam dosi refocillari & accendi in ipsis extremis posse, si paucâ grana Mercurii præcipitati, totam naturam in salivationem resolvunt,

vunt, cur hujus præcipitati contrarium, non contrarium effectum præstaret, & resolutam restringeret, vagantem reconciliaret, quod de omnibus venenis eorumq; contrariis intelligendum velim, neq; enim, *at* *Basilii Valentini* Monachus Benedictinus scribit, *Natura in tantum cecidit, & à Deo maledicta est, ut mala tantum ei contingere necesse sit, quia Deus in omni tam animæ quam corporis affectu solamen ei concesserit & remedium.* Dixi autem, quod medicina talis huic igni quam simillima esse debeat, nempe quoad *substantiam* aërea, ignea, lim-pida, spirituoſa, penetrans *qualitate enim penetrativa* hic spiritus omnes obſtructiones reſerat, nervos & membra inſluit, digerenda digerit, quia omnis digestio & alteratio per penetrationem fit, unde Philoſophus, *requirit alterationem ante mixtionem, & penetrationem ante alterationem*, temperamenti etiam eſſe debet *aqualiſſimi*, ut putredini & corruptioni reſiſtat, paucis, unctuoſum calidum innatum, quo ignis vitalis conſervatur, humidum permanens, & radicale, ne ab igne hoc conſumatur, atq; hoc unctuoſum humidum terreſtri ſubtili incorporatum eſt, ut materiale in materiale agat, cùm juxta Galenicis, *qualitatibus metaphyſicis homo nec conſtet nec conſeruetur, minus curetur.* Eleganter nobis hanc Medicinam depingit *Arnoldus Villanovanus* in lib. de retardatione Senectutis, & rejuveneſcentiâ acquiranda cap. 2. Et eſt ſciendum, inquit, quod innovatio & confortatio cutis fit cum potione aque auri puriſſimi proprie: ipſa namque Alopeciam curat, & Tyriam, & transmutat corpus humanum, ſincerat & innovat ipſum, & virtus multarum rerum approximat huic operationi, ſed ipſa eſt, quæ prædictum miraculum facit, & quæ non corrumpitur, & complexionem humanæ eſt conveniens, & neque calefacit, neque inſrigidat, neque humectat, neque deſiccatur, imò eſt o-

mni temperamento temperata, omnemque rem excedit in
 temperantia & perennitate, quam habet: etiam subvenit
 stomacho frigido, timorosos facit audaces, cardiacos confor-
 dat; valet contra melancholiam & alopeciam, & calorem
 naturalem confortat & temperat, in quibus non est res aliqua,
 quæ stare possit loco ejus: & virtus ejus in sua manifestatur
 substantia, quia est in ea claritas, ideo clarificat, & in ea
 est magna temperantia, ideo magnum temperamentum ef-
 ficat, super omnem rem, & quia in ea est perennitas, ideo
 conservat corpus humanum, & in ea est assimilatio com-
 plexionis humanæ, & ideo incorporatur, si prepararetur, ut
 decet, & in ejus preparatione est totum secretum, quod sapi-
 entes propter invidiam occultaverunt. Confirmat autem &
 sincerat cordis substantiam, & suæ puritatis impressione o-
 mnem dejicit impuritatem ab eo, & tuetur illud, & clarificat
 spirituum substantiam, & movet sanguinem ad cutim, &
 inducit pulchritudinem juvenilem, & abstergit absterfione
 levi. Hactenus Arnoldus: Utendi autem modus hanc
 medicinam longè alius est, quam vulgaris Medico-
 rum cohors existimat, quæ sibi persuasum habet, me-
 dicinam hanc indifferenter sumptam operari, potest qui-
 dem omni tempore, in omni affectu, curativè, &
 præservativè, in omni ætate sumi, semper naturæ i-
 gnem confortabit, sed sic, ut obstacula ei removeas,
 superflua demas, necessaria addas, ignis enim nutrens, di-
 gerens, alterans est, non id quod nutriri, digeri, & alterari
 debet, combina ergò subjectum ad objectum, & videbis Phi-
 losophos vera scripsisse, esse nempe unum magnum dige-
 stivum catholicum, sic etiam vulgus existimat, medicinam
 hanc metalla alterare sine prævia incorporatione, metallo-
 rumque purgatione & preparatione, sed quam fallatur,
 postea audietis, nunc scio omnes paratos, atq; juxta il-
 lud Virgili, Intentataque ora tenere: Quomodo hæc me-
 dici-

dicina præparetur, sed quoniam præparationem ejus in capite præcedente posui, nolui eam heic repetere, opponitur pesti, materiæ naturæ humanæ quarto modo contrariæ; ergò facile colligetur medicinam hanc ex ejus contrario, *materia nempe naturæ humanæ quarto modo amica & similari*, componi, pestis constat ex atomis æreis corruptis extra temperamentum actis summè raris spiritus vitales agitantibus & exstinguentibus, medicinæ hujus materia quoq; *ex atomis æreis sed temperatis & incorruptibilibus ad extremum gradum digestis* constat, unde quicquid in corpore humano furiosum in errore vagatur modicè restringit, temperat, *spiritusque vitalis proximum pabulum est, non secus illum ac sulphuris flamma, vinum conservans*, sed ne Lectori longiori ejus descriptione tædiosus fiam, atq; limites compendii excedam, de potestate medicæ universali nostri entis in corpore humano heic loci finiam. Sciant ex his *Galenistæ*, plura esse, eaque diversa corpora nutritioni & digestionem in Corpore humano convenientia, multa etiam esse medicamina in quantitatem & qualitatem nutrimenti agentia, *unum autem tantum universale digestivum*, unum ignem vitalem, ejusq; conservativum medicamen dari, *sine quo & victus & medicina omnis in vanum tendit*. Nunc ad alteram hujus capitis partem progredior, defensus metallicam transmutationem, quæ hoc ente universali fit, nam de illâ, quæ per reductionem in principia per primam initionem contingit, superius sub experimento meo ferrifero, sufficienter verba feci, additis talibus demonstrationibus, quas nemo prudens negare, aut improbare poterit, *ast transmutationem aliquam in instanti fieri, solâ projectione paucissimi pulveris, multis creditum, & impossibile est, qui talem panaceam metallicam, æque ac medicam negant, sed eodem modo, ut*
cum

cum priori, convincentur. Duo autem circa hanc transmutationem observanda occurrunt, *primum tintura substantia, deinde ejus agendi, seu transmutandi modus*, substantiam audietis postea, præliminariter verò dico, esse eam ex unâ parte mercurialis & sulphureæ naturæ purissimæ, fixissimæ & adstringentis, id est, *fixoria qualitatis* non secus ac communis limus, qui junctus ipsi Mercurio, arsenico, cinabrio, ipsis volatilibus oleis, partem eorum, imò tandem totum figit, & terrâ vitrioli, aquæ seu olei formâ, super quævis volatilia & adustibilia corpora, super ipso etiam sulphure abstracta, ea ita figit, ut ingentissimum ignem sustineant neq; inflammentur, *aurum & argentum* commune, eandem figendi potestatem habent, Mercurius enim illis liquidis injectus, ex parte ab illis figitur. Novi argenti mineram, quæ nihil argenti in communi probâ dabat, sin verò argento communi liquefacto injiciebatur, bonum & multum argenti exhibebat, *Mercurius communis* singulari artificio argento commixtus & destillatus etiam in ingentissimo igne subsistit, & *arsenicum* convenienter argento mixtum, cum eodem cupellam sustinet & cineritium, aquâ forti auri instar ab eo solvitur, & in corpus grave, fuscum, plumbeum reducitur, quod per se in Cinericio probatum, à saturno absorbetur, argento verò recolliquefacto eidem resistit, quod manifestum signum est, latere in his corporibus perfectis virtutem figentem, ipsum *aurum* triplâ proportionem argento mixtum id ab aquâ forti præservat, ut Docimastæ omnes norunt, hanc ergò *qualitatem fixoriam tintura* negare quis audebit, cum auro & argento communi nec non rebus vilioribus eam concedere cogamur, nec in dubium vocari potest, *hoc figens quantitatem suam qualitate multiplicativa excedere*, cum

Sf

enim

enim communis sulphuris uncias quatuor, sedecim Mercurii uncias, in corpus solidum cinabrium puta coagulare, & ejusdem sulphuris quatuor uncias, libram olei in hepatis consistentiam reducere, & unam libram olei, decem lixivii libras in smegmatis soliditatem restringere videamus, quid implicat, si etiam *tinctura talem vim figentem multiplicativam* concedamus? Audivistis a supra citato Comite Dygbeo unum granum hordei, certâ quâdam imbibitione factâ, ita in seminali fecunditate auctum fuisse, ut 18000. grana protulerit, & 249. culmos habuerit, quod miraculi instar etiamnum Parrhyisiis apud Patres Christianæ Doctrinæ asservatur, quid mirum itaq; si semen metallicum ita in virtute suâ augeatur, ut tot mille partes postea in naturam suam mutet? non inquam mirum est, *cum metalla longè circa transmutationem tractabiliora vegetabilibus sint*, quod quidem jam Lectori Philochymico ad oculum demonstrabo, recensendo *vera transmutationis processum*, qui duplex est, *alius* enim circa rerum generationem & mixtionem, *alius* circa res generatas & mixtas observatur, de *primo* sub initium hujus libri dixi, nempe res faciliè habitis eorum principiis alterari & immutari posse, cum principia digestionem, purgationem & combinationem purgari, perfici, & ita immutari possint, ut in novâ compositione, conjunctione, & copulatione longè aliud corpus producant, quare *semper facilius est, mixta in principio sue mixtionis alterare, quam jam plenè composita in formâ suâ mutare*, quod ut ad *secundum* transmutationis Methodum veniam, in quibusdam corporibus ferè impossibile videtur, eò quod in generatione mixtio absolvatur, atq; interdum in partes dissimilares mutetur, ut in animalium & vegetabilium mixtione contingit, *quis enim*

jam

jam formatum hominem vel arborem immutabit, in cuius mixtione causa formans seu duplicatum semen, suum accrementum in tot partes dissimilares mutavit, *impossibile enim est hominem vel arborem, rursus in principia sua seminalia reducere*, atque hæc est ratio, quod vitia, quæ fortè circa has principales mixtiones contigerunt, mixto absoluto tenacissimè adhæreant, ut sunt morbi hæreditarii omnes, quare cum Physiici viderint, quod impossibile sit, naturam concreti & commixti, atque jam incompositum mutati seminis immutare, tentârunt, num per *continuum accrementum*, quo corpus ad justam suam proportionem indiget, *etiam extra & post generationem* vitiositatem feminis alterare ac contemperare possint, hinc Hippocrates, Aph. sect. 5. aph. 7. qui hæreditario vitio parentum epilepsiâ laborant, nisi ante vigesimum quintum annum curentur, incurabiles pronunciat, ratio, quia circâ id tempus potior accretio absolvitur, quæ causa ansam dedit, quibusdam medicis, in adultis, *quotidianum victum*, unde sanguis & caro generatur, immutandi, hinc *cura lactis* nuper in usum venit non sine successu, alii verò medici, cum malum profundius mixto inhærere viderent, *transfusionem sanguinis* invenerunt, etiam non sine successu, *certum enim est pro varietate accrementi totum mixtum alterari*, quod in vegetabilibus *manifestè videmus*, sylvestres enim fructus terræ hortensi impositi, domestici fiunt, & surculi alterius speciei arbori insiti notabiliter alterantur, hæc omnia autem, ut dixi, tantum eveniunt *ratione immutati accrementi*, quoniam ipsum semen duplicatum diffusum & congelatum, in primam materiam, ac statum homogeneum reduci nequit, quod si id

fieri possit, longè foelicius hæc transmutatio succederet, cujus rei exemplum in *vino* habemus, illud enim quod *aliqua*liter *homogeneè mixtum*, ac ex partibus magis *similaribus constet*, in fermentatione multis modis, tota suâ naturâ immutari & transmutari potest, quanto magis ergo in metallis homogeneis & continuis ex puris partibus similaribus constantibus id fieri & succedere poterit, ut nempe tam in semine, quam in accremento, atq; ita *radicaliter* transmutentur, antequam verò ad ipsas transmutationum metallicarum specialitates & particularitates veniam, præponendum erit *transmutationis metallicæ objectum*, quod corpus metallicum esse, nemo negabit. Jam verò occurrit *prima quaestio*, quæ partes in corpore metallico transmutandæ sint? Respondeo, si transmutatio vera esse debeat, & radicalis, quod corporis metallici partes essentielles intrinsecæ (& formales & materiales,) alterandæ sint, illas puto partes, quæ metallum componunt & specificant, & propter quas metallum non tantum in genere est metallum, sed etiam in specie hoc vel illud est metallum, ante omnia ergò, ne in causâ transmutante erremus, sed illam juxta objectum transmutandum dirigamus, cognoscendæ sunt partes metallicæ transmutandæ, atqui jam diximus illas esse, unde metallorum materia venit & forma, nempe partes essentielles metallum constituentes, seu ut clarius loquar, metallorum principia, illa numero tria esse, in præcedentibus hujus libri capitibus percepistis non modo, sed & universa Philosophia Chymica in illa compromittit, vocando ea *sal*, *sulphur*, & *Mercurium*, quanquam omnes Philosophi his nominibus propriis utentes semper protestentur, se per hæc vocabula, neque commune *sal*, *sulphur*, aut *Mercurium* intelligere, quoniam commune *sal*,

ne sal, sulphur & Mercurius *decomposita*, Philosophorum verò sal, sulphur & mercurius *simplicissima principia* sunt, cur verò hæc simplicia metallica principia per communia hæc, salis, sulphuris, & Mercurii *decomposita* indigentur, & denominentur, nulla alia est ratio, quam figura Rhetorica *continentis pro contento, aut totum pro parte*, non enim negari potest in his tribus *decompositis* communibus, tria prima metallorum principia latere, verum hæc denominatio plus obfuit quam profuit, quia maximè tam Tyrones quam Chymix etiam peritos Veteranos confundit, ut propter hanc denominationem, quæ ut dixi orta est ex *similitudine interna*, sibi imaginentur & quærant quandam metallicorum principiorum cum hisce *decompositis* convenientiam quoad *formam externam*, hinc totam ætatem in variorum salium, sulphurum, & Mercuriorum *decompositione* terunt, tempus cum sumptibus perdentes, & quoniam hoc primum, maximum & periculosissimum obstaculum in Alchymiâ seu arte transmutatoria est, non possum hoc loco non magnum servitium omnibus errantibus, reducendo eos ad veram viam, facere, qui sequi nolit, erret, nam cum ad projectionem venit, omnes speculatores Universalistarum cessant, & solum *transmutans* & *transmutandum* particulariter *invicem* congregiuntur, quale transmutans esse debeat, postea audietis, si prius intelligatis, *cujus res transmutanda nempe metallica, essentia sit & natura*, non sufficit enim ut dicas, sal, sulphur & Mercurius metallorum, debent immutari & immutando perfici, *operatio hæc est practica, & versatur circa materias materialiter, ideoq; omnes conceptus metaphysici, & non entia hic cessant*, proinde monstrare debes, quale nam sit hoc sal, sulphur, & Mercurius transmutandus,

tandus, tinctura, quæ immutat, materialis esse debet, ergo etiam materia transmutanda, nempe sal, sulphur, & Mercurius, quæ principia si à Chymicis in medium proferantur, Deus bone! quam ridicula, quam nulla, quam non simplicia, sed superdecomposita sunt, hic vitriolum saccharum saturni pro sale, ibi quodvis oleum & arsenicum pro sulphure, alibi nullam non volatilem terram pro Mercurio monstrabunt, imo si hæc ex metallis magno studio elaborârunt, & juxta suum ingenium in principia reduxerunt, adeò infelicitèr operati sunt, ut proprium corpus sua principia reassumere, aut ipsa principia ob heterogeneam decompositionem denuò coire pristinumq; corpus restituere nolint, ex quibus omnibus patet, quanta circa transmutationis studium ignorantia passim non occurrat, unde etiam tam paucos utiles effectus circa illam in praxi videri consequens est, sed ut juxta hujus supplementi compendium, brevitati studeam, dico Philosophos nullâ re magis quam principiorum metallicorum varietate mundo imponere, sed qui erudiri velit, naturæ Cynosurâ utatur, quam in omnium rerum generatione & mixtione observat, est autem illa, ut sit causa agens & materia patiens, deinde nutrimentum seu accrementum, Exempli gratiâ, in animalibus est sperma masculi, semen fœminæ & sanguis menstruus ad uterum fluens accrescens & fœtus nutrimentum seu accrementum, vel duplicatum Parentum semen & sanguis accrescens duplicato semini. In vegetabilibus natura semen masculinum in quolibet vegetabili producit, quod terræ commissum ejusdem succum tanquam fœmineum attrahit, superveniente aquâ pluviâ ac terræ portione tanquam nutrimento & vegetabilium accremento, in metallicis corporibus est semen masculinum, est fœmineum, vapor

vapor uterq; , sulphur utrumq; , unum rubrum, alterum album, agens unum, patiens alterum, terra subtilis utraq; , quæ conjuncta unctuosum humidum facit, quod *mercurium Philosophorum* vocant seu *Brumazar*, atq; illud duplicatum semen seu mercurius duplicatus, certam quandam terram pro accremento habet, quod cum accedit, mixtum fit, quod *metallum* vocamus, sicut ex junctis prænominatis principiis *animale*, ex vegetabilibus *vegetabile*, & quemadmodum, si duplicato semini animali aliud accrementum quam sanguinem, & vegetabili duplicato semini, aliud pro accremento quam aquam apponeres, nulla accretio nisi *monstruosa* fieret, ita certè si aliud quid, quam convenientem terram duplicato mercurio, seu metallorum semini apponeres, nil inde generaretur, quod etiam intelligendum est, si semen vel masculinum vel fœmineum unius regni *salum* sine altero sumas & accremento licet convenienti apponas, nihil enim inde orietur, quoniam medium uniendi deest sperma cum accremento, quod medium in semine masculino latet, ita quod si solum sulphur masculum, terræ licet genuinæ metallicæ apponatur, non accrescet, quia Mercurius tanquam fœmineum deest, medium quod accrescere debet, potius massam, aut aliud quid producet, nec accrementum per se sine duplicato semine unquam in ullum effigiatum & specificatum corpus mutaretur, videtis ergo necessitatem hujus principiorum *Trinitatis*, undè, quicquid utilis & curiosi, circa rerum in trino regno generationem naturâ vel arte produciuntur, procedit, omnimodè ergo studium circa hanc *Trinitatem principiorum* necessarium est, impossibile enim foret, ut Agricolaë ullum vegetabile producerent, si vegetabilium semen, si terram, si aquam ignorarent,

non ergò in admirationem rapiamur, cur tam pauci *Metallicolæ* optatos sui laboris fructus videant, cum plurimi in cerebro, sola speculatione seminare velint quod materiali operatione in mineris crescere debet, duplicatum nempe semen metallicum junctum terræ metallica, concipiant Universalistæ quascunq; subtiles speculationes velint, nisi principia metallorum considerent, in vanum laborabunt, nunquam enim rem, quæ extra materiam est, materie applicabunt. Expositâ ergò principiorum necessitate & trinitate, duo adhuc considerata veniunt, quomodo nempe operentur, & quomodo propriè nominentur, seu quid materialiter in se specificè considerata sint? Quomodo operentur, satis superq; in Physicâ mea subterranea demonstravi, nempe *Omnipotentem Deum* in Universo hoc, universale movens & mobile creasse, movens esse Cælum, mobile terram, seu cælum posse rarefieri, & rarefactione omnes motus Mechanicos & Physicos perficere: quid per illud Cælum intelligam, ibidem sub initium fufius explicavi, per terram in creationis actu, intelligo globum terr-aque-aëreum, quam triplicem terram voco, nempe terram opacam, aquam terram diaphanam, aërem terram luculentem, quo plus corpus aëris habet, hoc magis est lucidum, quo plus aquæ, hoc plus diaphanum, quo plus terræ, hoc plus opacum, tria enim elementa creata statuo, quoniam ignis productione tantum, nempe rarefactione elementum est, quod ex corpore terr-aque-aëreo rarefactio procedit, actus verius quam elementum, ex his ergo tribus terris, earumq; commixtione diversa, omnia constant, quæ in Universo hoc apparent, non jam huc spectat quæ omnium Orbium, Sphærarum & planetarum Harmonia cum nostro globo, & qualis in nostro globo terr-aque-aëreo

motus

motus in seipsum sit, quoniam illa omnia in Physicâ meâ subterraneâ explicavi, hoc tantum pro necessitate hujus loci inde repetam, quod in hoc globo omnes motus fiant à Centro ad circumferentiam Physicè, sicut deinde à circumferentia ejusdem omnes motus fiunt ad centrum Mechanicè, id est in microcosmo seu homine sanguis physico motu fertur sursum, sed mechanico id est naturali gravitate deorsum, in macrocosmo, id est, in nostro globo, aqua fertur à Centro terræ ad circumferentiam sursum motu physico, sed labitur per flumina in mare propria gravitate deorsum, in motu physico impellitur calore interno, in motu mechanico labitur frigore externo, ex hoc ergo principio in physicâ meâ solidissimè demonstravi, globum nostrum semper ideam sui primi motus & locationis servare, movebatur enim per spiritum, & ita erat locatus, ut subtiliora in superficie, crassiora circa centrum essent, unde ex terra, aqua & aëre, subtilissimi gradus, sydera, deinde meteora, tum animalia ex crassioribus vegetabilia, post lapides, ex crassissima verò terræ, aquæ & aëris portione, metalla orta sunt, ita sydera & meteora in supremo, animalia supra terram, vegetabilia in superficie terræ, metalla in infimis visceribus terræ locum suę generationis sibi sumpserunt, dico itaq; pro conclusione, si quis hæc antecedentia, imprimis verò Physicam meam subterraneam probè intellexerit, quod *universum mare sit adhuc idea aliqua istius primi Chaos seu materie universalis, habens in se commixtam terræ opacæ diaphanæ & luculentis, id est, terræ, aquæ & aëris portionem & influentiam non exiguam.* Porro affirmo, aquam hanc marinâ fundum suum transillare, & concavum terræ centrum instillare, ubi tanquam in magno vase destillatorio, variæ ejus separationes atque ad circumferentiam terræ, per poros &

rimas, ac ductus ejusdem, destillationes sunt, partim liquidæ, partim solidæ, partim æreæ, partim aqueæ, partim terreæ, partim simplices, partim compositæ, partim decompositæ, ut omnia fusissimè & specialissimè in Physicâ meâ subterraneâ explicavi, & quidem tali operatione, non syderum influxu aut circulatione, ut quidam volunt, oriuntur inter alios terræ vapores, *duo ad generanda metalla, à Deo primo rerum ordinatore, destinati ex crassissimo aëre & aquâ subterraneâ constantes vapores* (brumazar) quorum *unus* ob naturam aëris calidissimus & siccissimus, *alter* ob aqueam naturam frigidissimus, humidissimus, unus masculi alter fœminæ vicem gerit, lucidus unus, diaphanus alter, rubens unus, albus alter, agens unus, passivus alter, hi duo vapores cum conveniunt, avidissimè & magneticè sese arripiunt, atq; invicem amplexantur, *siccitas enim humiditatem, calor frigus desiderat*, & ex horum mutuo amplexu, & vaporositate, quasi factâ aliquâ reactione in aliqualem visibilem corporeitatem mutantur liquido vaporosam, quam *argentum vivum mercurium duplicatum, seu semen metallicum duplicatum* Philosophi vocant, *hic liquorosus vapor* quem de Zalento Brumazar vocat, ob subtilem suam penetrantiam, crassissimos quosque lapides & terras penetrat, ac ubi matricem terream, seu conveniens suum accrementum terreum invenit, illud subigit, penetrat, præparat, seq; in eo ut luto aut sigillo figit, atq; ita metallum producit, *hecque succinctissimè ex Physicâ meâ subterraneâ generalissimè quidem protulisse sufficiat*, ex quibus omnibus secundum punctum elucidare volo, nempè quòd *metallorum principia consistunt ex vapore aëreo & aqueo, crassissima, gravissima & siccissima dispositionis, superaddita & intermixta terra tanquam accremento metallorum, à Deo ad id designato, terræ nempè specie*

cie crassissimâ, unde liquet in metallis terram, aquam & aërem esse, illâ nempè dispositione, quâ eis competit in metallica natura, unde ut patet, mixtum metallorum optimè ab *Alberto* definiri, *quod sit unctuosum humidum terrestri fortiter commixto incorporatum*, atq; ita ab omnibus *Aristotelicis* definitur. Verum *Chymici* ulterius progrediuntur, & ut supra notavi *salis, sulphuris & mercurii* nomine metallorum principia insigniunt, *sulphuris* quidem nomine semen masculinum vocant, quod aëreæ & calidæ naturæ esse supra demonstravi, *Mercurii* seu Menstrui vocabulum improprie semini fœmininò tribuunt, quoniam illud aqueæ naturæ est humidæ & frigidæ. & cum semen masculinum & fœmininum conjunctum est, tum iterum vocant *mercurium duplicatum* seu *mercurium aut argentum suum vivum*, *salis* verò nomine, sui vasis, *Calcis, luti Sapientiæ ac figilli Hermetis* mentionem faciunt, quod duplicato vapor minerali accrescit nempè *certam terræ speciem*, cujus accretione mixtum fit, quod metallum vocamus adeoq; *si quis hos Chymicos nominales & verbales larvas deponere velit, facilis ad interna metallorum principia & abdita penetrabit*, dico itaq; in veritate, quod ad generationem cujuscunque metalli aliud nihil neque naturaliter neque artificialiter requiratur, quam duplicatus ille subterraneus aëreus & aqueus seu sulphureus & mercurialis vapor, & terræ species, quæ utrumque hunc fumum recipiat atque figat, id est sulphur, Mercurius, sal, sed causas speciales variorum metallorum quoq; opponere libet, ut ex hac specialitate antedictorum veritas eò clarius, & quasi per exempla cuiusvis obvia sit, in genere autem præponi hoc debet, tanquam universale axioma, quod juxta trini principii, id est juxta *Aristotelicos*, vaporis aëre, nec non terræ juxta *Chymicos* Sulphuris, Mercurii, salis puritatem & perfectionem, ipsum etiam mixtum metallicum oriatur & de-

termi-

terminetur, puritas verò & perfectio horum principiorum metallicorum in eo consistit, ut agens, quo plus calidum & siccum, patiens quo plus frigidum & humidum, accrescibile nempè terra, quo plus homogeneitatis & fixitatis, & quodlibet horum trium, quo plus suæ naturæ, nempè ut *Albertus* loquitur, plurimum utriusq³ habet, eo inquam perfectius sit, eo fortius principia taliter constituta se appetant, eo tenacius sibi cohæreant, ignem, malleum, corrosiva, pondus sustineant, quodjam vobis in singulis metallis per omnes illorum vicissitudines specialiter & particulariter demonstrabo, hoc tamen præmittere volo, tanquam *axioma eorum omnium*, quæ jam circa specialitates metallorum sequentur, quod sicut ab experientia & anatomia corporum & mixtorum metallicorum patet, illa, ut sic Chymicè loquar, ex sale, sulphure & mercurio, id est, ex accremento semine, masculo & femineo, seu ex terra & duplicato vapore, vel ex unctuofo humido & terrestri subtili constare, ita etiam salis (*limo, calci, lapidi seu terræ*) causam figentem adscribi solere, *Basileus Valentin* Monachus Benedictinus, in ultimo suo testamento, plurima de metallorum basi, accremento, terra, & calce prodit, qui liber etsi à literatis pro suppositio habebatur, multa tamen continet verissima. *Riplus* in portis ait, *omnis spiritus figitur cum calcibus sui generis*, hoc benè animadverso fructum referes, de potestate figente salis Martis, postea audietis, & experientiæ, ac rationi consonum est, quod accremento incorporetur, ac figatur utrumque semen. Potestatem figendi, quæ communi limo inest, ut in experimento ferrifero patet, vobis commendo, *omne sal in terram, omnis terra in salem mutari potest*, hinc vobis decompositionis larva imponi ne patiamini, variæ autem sunt terræ, prout etiam quæ ex his constant, decomposita nempè varia salia existunt, alcalia, vitriolata, borracea, aluminosa, sulphurea,

rea, acida, urinosa, est terra grossa, rudis, rubra, est fusilis, sulphurea, facile in scoreas abiens, est calx, fluxui resistens, omnes enim terræ, lapides, limi, glareæ, arenæ, vel in vitrum vel in calcem abeunt, quod vitrum dat, calcem non dat, quod calcem dat, vitrum non dat, ut in ultimo capite Physicæ meæ subterraneæ satis notavi, hinc in mineris in den Gängen reperies einen harten groben feld=horn=maffen/econtrà einen zarten milden Quarz=oder Kalkstein / hinc ein grimmig västes daubes/econtrà gschädigē/zartes lindes Gebirg/adeò enim evidens est, quod materia loci, in quâ metalla generantur, ad specialitatem metalli, tam in quantitate quàm in qualitate faciat, ut in dubium revocari non possit, cum hoc loco experientia & autopsia omnibus subtilibus speculationibus resistat, quæcunque & quomodocunque etiam illæ producantur in contrarium, salis igitur principio, id est, limo, terræ, lapidi, calci vel cuicunque materiæ, in quâ metalla crescunt (*salis enim vocabulum retinendum est, alias me Chymici non intelligerent*) potissimam metallici mixti parsem adscribo, non modo fixitatem, sed & colorem. De fixitate Maria Moy sis Soror ait: *fumus complectitur fumum, & herba alba in monticulis, caput utrumque*, quid pulchrius dici posset, quid verius? quam quod vapor sulphureus apprehendat mercurialem, siccus humidum, calidus frigidum, activus, passivum, & terra capiat seu figat utrumque? Certè rogo, vos Philochymicos propter veritatem & vosmet ipsos, mittite illas altas speculationes, & operamini simplicissimâ naturæ methodo, & videbitis vos omnium potiri, quæ natura dare potens est. Ripleus, ut antehac citavi, ait, *Omnis spiritus figitur cum calcibus sui generis, hoc benè animadverso fructum referetis*, id est, omnis vapor mineralis figitur cum terrâ sui generis, nempè non cum qualibet terra, sed cum

cum illa, quæ est metallica dispositionis, hinc enim ut postea audietis, omnia metallorum imperfectorum incommoda oriuntur, quod scilicet cum conveniente sua terra non commixta sint, hinc aliqua in scorias, alia in stoma-
ma, in vitrum aliqua, plurima in crocum facillimè ab-
eunt, & hinc tanta apud Philosophos sui salis commenda-
tio, quoniam in illo reverà sunt omnia posita, nisi enim
subtilissima calcis seu terra foliata metallica portionem habe-
tis, in vanum laborabitis, neq; duplicati duo vapores,
Mercurius Philosophorum dicti vobis plus proderunt,
quam si argentum vivum commune aut arsenicum, vel
femen habeatis vegetabile, quod nisi terræ committa-
tis, nunquam crescet, legite quoscunque velitis libros, nul-
libi hanc explicationes invenietis. Mirabitur etiam orbis
 chymicus quod *non fixitatem modo, sed & colorem* huic
 principio adscribam, dico enim candidè & pronuntio
 juxta experientiam, *quod nullum metallum speciali colore*
sine hac terra tingatur, quæ duplicis coloris est, rubra
& alba, utraq; triplex, in positivo, comparativo & su-
perlativo gradu, nempe citrina, rubra, fusca, citrina in
auro, rubra in cupro, fusca in ferro, alba quoq; triplex
est, nempe fusca, grysea, alba, fusca in plumbo, grysea in
stanno, alba in argento, jam contemplemini altius, quo-
modo hæ terræ vocentur, & invenistis sal philosopho-
rum pro quovis metallo immutando non modo, sed &
generando, id inquam sumite, quod peregrinantibus pas-
sim non obvium est.

Nunc de metallorum matrice, vase, accremento
 terrestri subtili, *sale nempe, me ad seminalia principia du-*
plicata conferam, inter quæ pars masculi, quæ sulphuri
chymicè, Aristotelicè aëri, ut supra audivistis, calido
nempe & sicco tribuitur, primum locum obtinet, huic
in hæc metallicâ genesi meritò formam tribuo, forma
 autem

autem metallica consistit in mixtionis officio, nempe ut terra metallica optime aqua metallica permisceatur, atqui hæc permixtio mediante aëre metallico fieri debet, quoniam ut in physicâ meâ subterraneâ demonstravi, terra aqua misceri nequit, nisi aëris, tanquam raribilitatis subjecti instrumento, hinc semen masculum, ut supra citatum ex Aristotele audivistis, cum sit naturæ aëreæ, in quacunque genesi etiam animali & vegetabili formationis locum obtinet, ut in Physicâ meâ subterraneâ capite de animali & vegetabili mixto cum clarissimis circumstantiis percepistis, metallica ergò mixtio, id est, metallica terræ accrescibilis seu accrescenda subactio, preparatio, penetratio, ac cum terrâ mercuriali (semine fœmineo) commixtio, conglutinatio, incorporatio & compactio huic principio tanquam forma tribuenda est, quoniam cujuscunq; regni spermatis proprium est miscere semen fœmineum cum menstruo seu accremento, sine quâ mixtione nec forma nec generatio ulla fieret, si itaq; in subsequenteribus metallicis mixtis audietis, accrementum non benè semini fœmineo, seu sal Mercurio, terram aquæ adhærere, semper concludatis defectum in formâ, nempe sulphure, masculo, spermate, aëre consistere, quare dico, quod omnis conjunctio metallica, & ingressus metallicus, & homogeneitas nec non ductibilitas metallica in sulphuris ente consistat, juxta ejus bonitatem & vitium totum mixtum metallicum alterabitur, & vobis Philochymici hanc æternùm duraturam veritatem pronuntio, nisi sal seu terram vestram metallicam cum hoc ente sulphureo optime inceretis, quod illa nullum ingressum in substantiam mercūrialem ullius metalli habitura sit, & quod Mercurium non ingreditur, id à metallis heterogeneum est, jam cum Piscatore i-ctus sapite, & speculemini cur terræ minerales metalla tingere vel ingredi nolint, quia nempe non sunt à principio

cipio sulphuris, id est formâ metallicâ, subactâ, ideo ingressum in substantiam mercurialem non habent ullius metalli, *alias tam leve tincturam esset facere metalla essentialiter tingendi, quam cuius obviu est, aquam communem croco tingendi.*

*Ad tertium jam me principium converto, quod mercuriale est, seu fœmineum, nempe aqua metallica, & huic metalleitatem & pondus, ac ut verum fatear, potio- rem metallici mixti formam adscribo, quantum enim corpus metallicum de hoc Mercurio continet, tantum metallum esse dici potest, reliquum enim est accrementum terreum ad subsistentiam ejusdem à naturâ permixtum & subordinatum, ut paulò ante audivistis, hujus ergò aquæ metallicæ speciem in communi argento vivo propriè videtis, quod reverà semen fœmineum metallorum est, at vitioso & arsenicali semine masculino corruptum, unde nullam metallicam terram essentialiter in crasin mixti assumere potest, quinimò difficulter non nisi superficialiter se cum ea miscet, quia causa formans & agens vera ei deficit, quam paulò antè verum aquæ metallicæ cum terrâ suâ mixtionis principium esse demonstravimus, hinc terram ex sulphure & sale piscatur, unde cinabarii & sublimati decompositum, atq; his terris se aliququaliter miscet, quoniam in his salibus larvantes terræ per ens sulphuris ibi aliququaliter latitans nonnihil penetratæ ac subactæ sunt, ut facilius argento vivo misceri possint quam terræ communes, terram verò quæ actu metallis inest, (id est metalla ipsa) argentum vivum commune facillimè arripit, unde mixtum fit, quod *amalgama* vocamus, quia terra, quæ metallis inest jam ab ente sulphuris seu formâ metallicâ (materiæ metallicæ nempe) Mercurio conjuncta est, unde tunc natura naturam facilius recipit, licet mixtum metalli iugne suam terream retineat, peregrinumq; hospitem vacuum*

cum relinquat, cum *proximus sibi quisque sit*, duo ergo communi Mercurio defunt, nempe *agens perfectum internum*, id est sulphur mundum, cujus defectu argentum vivum commune nulli terræ se radicaliter miscere, & per consequentiam nullum metallum reale solidum fieri potest, item *cujus defectu*, terræ & aquæ communis elementalís non parva portio se mixto illi heterogeneè ut in ignis anatomia apparet, unde præcipitatum aliaque Mercurii communis producta intrusit, ut corpus ergo *cachecticum argentum vivum* apparet, quod naturalis ignis defectu quocunq; nutritur in aquam subcutaneam & heterogeneam mutat, applicate itaque argento vivo *agens internum seu sulphur aut ignem philosophorum* & operari illico incipiet, *dejiciendo quæ in mixto ejus heterogenea sunt foras, & mutando ac accipiendo quæ homogenea sunt intro*. Non procul à Mercurio arsenicum abest, in quo argenti vivi & sulphuris veri portio vera & bona est, sed pro accremento se terra quædam immiscuit, *antimonialis sulphurea* quæ mixto metallico non competit, nempe quæ non est sui generis, ideoque ex supradictis *tria metallica monstra seu imperfectè mixta* habemus, nempe si terra (*accrecibile*) extremè peccet, fit *arsenicum*, si sulphur (*aër*) erret, fit *argentum vivum*, si Mercurius (*aqua*) deficiat, *stiptica terra, flores, cadmæ, vulgò Bergmehl* fiunt, idq; intelligendum non tantum est de errore principiorum in qualitatè, sed in quantitatè, unde *bismithum, Zinck, Marcasitba, antimonium, aliaque*. His sic præpositis, dico metallicum mixtum ab omnibus creatis differentiâ specialissimâ in hoc præscindere & distingui, quod sit *terrenum, homogeneum, ponderosum, malleabile, ignescibile, fusile*, sunt enim & lapides terrei, homogenei, ponderosi, ignescibiles, fusiles, sed non malleabiles, ideoque hæ proprietates conjun-

Tt

cta,

Est, quarto modo metallis competunt & debentur. Nunc tandem videbimus quantum quodlibet metallum de his proprietatibus habeat, quo plus enim aliquod metallum de his possidet, hoc plus metallici esse habet, id est hoc plus ad metallicitatem accedit, quod jam per Exempla demonstrabo practicè, præmissis demonstrandorum causis theoricè.

Primum locum sed & infimum, *ferrum* obtinet, tam qualitate physicâ, quam æstimatione politicâ, ejus mixtum essentialiter intrant *multæ partes terræ rubræ stipticæ* difficulter fusiles, tanquam materia accrescens, *unctuosum seu causa formans* in ferro quidem fortis est, sed pauca quantitate nec *humidi metallici sufficiens quantitas* in mixto ferri est, juxta Chymicos ergo *ferrum* constat *ex multo sale, paucio sulphure & pauciori Mercurio*, ut doctè supra citatus Gallicus Philosophus *de Rochos* in notato experimento notat, unde concludo metallum quod inde productum fuit, *ferrum* extitisse, *ex magnâ ergo terræ rubræ stipticæ portione*, sequitur ferri cruditas, durities in fluxu, fixitas, resistentia in igne *ob defectum sufficientis causæ miscantis* sequitur aliqua mixti heterogeneitas, friabilitas, durities, *ob argenti vivi paucitatem* sequitur color fuscus, pauca metallicitas, pondus exiguum, hinc si ferri mixtum igne urgeatur, humiditas mercurialis terræ siccæ stipticæ tenacissimè adhæret, facileq; in terram mutatur, præsertim si vel ex flammis vel ex solventibus quædam portio terræ accedat, *omnia enim humida mixto ferri facile adherent naturali magnetismo, quo hoc mixtum ex alieno appetat, quod de proprio sibi deest*, hinc facillimè in crocum & rubiginem abit, per additionem terræ mercurialis vidi *ferrum in plumbum mutari*, id verbotenus juxta *Paracelsi processum* quem in praxi succedere ipse observavi,

fervavi, abstractione verò terræ stipticæ, ferrum in aliam quoq; proportionem temperamenti & mixti venire, adeoq; aliud metallum fieri certum est, *hoc notatu dignum*, quod terra quæ pro accremento in ferro est, quæq; ibi quantitate suâ luxuriatur, si ab illo mixto separetur, purificetur, subigatur, atq; conveniente sulphure tanquam causâ miscente penetretur, deinde super mercurialia metalla projiciatur, *quod ea figat tingatque*, & hinc *Basilus* non ineptè *fixitatem in sale* (terra) *Martis* quærere jussit, ut ex clavis suis patet.

Cuprum mixtum est ferro in multis simile, hinc unum facile in aliud mutatur, in hoc tamen à ferro differt, quod terram habeat dilutiorem, hinc magis rubram fortiusq; Mercurio mixtam, hæc terræ subactio atq; cum parte mercuriali mixtio malleabile quidem metallum reddit, extensibile, fusile plusquam ferrum, *sed paucitas hujus terre* in causa est levitatis & volatilitatis cupri, igne enim illud mixtum diutius tractatum, pars ejus Mercurialis terream secum rapit, unde *totum mixtum in igne avolat*, addendo plus de terra stiptica *cuprum facile in ferrum mutatur* & abstrahendo ex parte à ferro stipticam terram illud *cuprum fit*, in cupro sulphur seu causa formans penetrans & miscens latet fortis, unde *medium vocatur uniendi terram cum aquâ, salem cum Mercurio*, hinc oleum veneris multum *Basilus* commendat, variaq; de igne seu elemento *Veneris* observantur.

Aurum dilutam & ad citrinitatem vergentem terram rubram habet purissimam, naturâ suâ fixissimam, unitam, substantiæ Mercuriali purissimæ, perfectissimæ, mediante sulphure formante, miscente, subigente, penetrante, figente, unde *fortiter hoc mixtum temperatum*, ac equaliter mixtum est, & ex optimâ horum trium

principiorum mixtione, oritur color citrinus, sonus, fusibilitas homogœnea, gravitas maxima, ductibilitas admiranda, mollities grata, nihil in mixtum suum recipit, quod non ipsi sit homogœneum, superatur tamen terra martis quâ irreducibiliter in pulverem & terram mutatur, nec non terra Mercuriali quâ in contrarium priori fluidum ac Mercurius fit cum totali sui temperamenti immutatione, vel in siccitatem vel in humiditatem nimiam tendente.

Argentum quoad mixtionem suam nonnihil ferro affine est, sicut enim mixtum ferri ex multâ terrâ stipticâ rubrâ, pauciori unctuosô, & paucissimo humido, id est juxta Chymicos ex plurimo sale, pauciori sulphure & paucissimo Mercurio constat, ita quoq; argentum ex multa terra alba, paucô unctuosô & pauciori humido, id est, ex multo sale, paucô sulphure & pauciori Mercurio componitur, differt tamen in hoc à ferro, quod terra mixtum argenti ingrediens sit alba, nobilior, melius subacta, tenuior, substantiæ Mercuriali fortius adhærens ob sulphur seu causam miscentem perfectissimam, si itaq; argentum in aurum mutari debet, terram albam in rubram tingi, & vel partem iltius terræ abstrahi, vel plus Mercurii addi necessum est, alias enim nec color nec pondus auri accedet.

Stannum multum terræ calcis habet, paucissimum Mercurii, sulphur impurum & imperfectum, quod terram cum humido nempe Mercurio imperfectè miscuit, hinc stridor, levitas, heterogeneitas, nam cum hoc mixtum igne urgetur, in crocum mutatur, sopitur enim illa pauca humiditas (Mercurialitas) in terrâ, quam ut siccam arripit, ita ut mixtum suum quasi exterminet, cum in reductione vix in pristina forma stanni reperiatur, ratione terræ tamen quam copiosè possidet, quæ alba est, fixa, etfi
non

non sufficienter subacta argento tamen valde affinis, illudq; mixtum essentialiter non secus ac terra ferri mixtum auri ingreditur, quare salis jovis apud Chymicos non pauca autoritas existit, ipsum mixtum stanni essentialiter immutari nequit nisi corrigendo sulphur suum tanquam causam formantem & addendo multum Mercurii.

Plumbum magnam argenti vivi quantitatem, modicum sulphuris, paucissimum terræ seu salis habet, unde ob argenti vivi copiam magnum ipsi pondus, multa metallicitas, hinc omnes terreitantes stipticas in probis diluit, incerat, omnibusq; ingressum dat, prima est substantia post mercurium currentem sulphur in se habet benè miscens, subigens & penetrans, hoc plumbi mixtum terræ est cupidissimum, quod illius parum habeat, hinc arenam & varias terræ species resolvit & si in quantitate peccet, in scorem & vitrum mutat ob defectum perfectæ mixtionis, quicquid de terra stipticâ radicaliter mixto Saturni miscetur illud in aliud metallum mutat, defectus ergo in plumbi mixto est in sale, atq; hoc nomine opponitur ferro.

Ex his prædictis particularibus metallorum mixtionibus (quæ etsi quibusdam novæ appareant, ex praxi tamen proveniunt) cuilibet obvium est, Methodum transmutatoriam duplicem nempe aphereticam & prosteticam, particularem & universalem esse; apheretica quidem & particularis cum de mixtis metallicis pars quædam sive terrea sive aquea (salina vel mercurialis) separatur, cujus abstractione remanens mixtum in temperamento essentialiter mutatur, ast quoniam ob sortem metallorum mixtionem difficillimè aliquid ab eorum principiis separari potest, Methodus prosthetica non practicabilior modo, sed & universalior est, addendi nempe metallicis mixtis vel terram vel aquam metallicam convenientem

tem, *cujus additione totum mixtum in temperamento, radicaliter alteratur*, nulla autem humiditas (*mercurialibus*) metallis prodest, in cuius centrum terreitas non fit introducta, nec ulla terreitas (*sal*) metalla ingreditur, in cuius centrum mercurialitas non fit introducta, id est, quæ ingressum à mercurio habeat, dico itaq; per experientiam, *quod nulla terra aqua radicaliter conjungi possit, nisi aeris ope*, id est, nulla terra metallifica argento vivo radicaliter adheret, nisi illorum conjunctio ope sulphuris fiat, quemadmodum corpus animæ conjungi nequit nisi spiritus medio, & quemadmodum in primâ mundi mixtione terra aquæ conjuncta est, aeris seu spiritus incubantis ope, omnes ergo particulares transmutationes in universale aliquod mixtum reduci possunt, sicut omnes particulares medicinas in unam concentrari supra Lullius suavit, cuius mixti (*tinctura*) partes erunt terra & aqua metallica purificata conjuncta aeris ope, id est, *junge sal cum Mercurio sulphuris ope*, seu in corpora humidum terrestri subtili, unctuosius ope, Mercurii enim ope, terra in metalla ingressum habebit, & terræ ope Mercurius ignem feret, sulphuris autem intervenitu terra cum Mercurio miscebitur, & quoniam nulla radicalis mixtio (qualis quidem hæc philosophica esse debet) sine *penetratione* fieri potest, ita totum negotium principaliter in eo consistit, ut illa causa penetrans, miscens, & terram cum aquâ conjungens, seu quodlibet metallum tincturificans, id est tingere (ingredi) faciens ad manus habeatur, *sulphur nempe seu aer philosophorum*, quo habito, *terra inceratio cum argento vivo, atq; utriusq; in metalla ingressus* naturaliter sequitur, & ex infallibili consequentiâ, Quod ut libentius concedatis, altera vobis tincturæ pars exponenda venit, nempe *modus tincturæ agendi seu transmutandi*, qui in solâ

solâ penetrantia & subtilitate ejusdem consistit, fixa enim si non fixis intimè misceantur, præservant ea ab igne, & è contra, hæc est enim ratio, quod *aurum argento mixtum* in paucâ quantitate id non præservet, ab aquâ forti, cum è contra atomi argenteæ ab aquâ forti, vel aliâ subtili aquâ fortius penetratæ, aquæ forti non modo resistent, sed & bonam auri quantitatem relinquant, ita *cuprum* nequit ab argento in cupellâ à saturno præservari, quia non sufficienter ab argento penetrari potest, ob corporeitatem nempe utriusq; Exemplum habemus in *rosarum oleo*, quod aquæ mixtum etiam magnâ quantitate, si movendo cum eâ misceatur, paucum tamen sui odorem aquæ communicat, ast illud ipsum oleum solutum in alcali in liquorem saponatum, cujus paucæ guttæ aquæ permixtæ illam adeò suavissimo fragore inficiunt, ac si tota aqua rosarum oleum esset, cujus causa est sal alcali, quod oleum penetrativum & aquæ miscibile reddit, simili ratione *urinae spiritus* colores exaltat, uti sub finem Physicæ nostræ subterraneæ adduximus ex *D. Boyleo*, ubi author notaverat, *unius grani cochenilii pondere 125000. grana aqua tincta fuisse*, quæ immensa tinctura non nisi extensioni adscribenda est, intimè ergo mixta se præservant ac alterantur, non secus ac metallum, si pulverisetur longoq; tempore *teratur* (ut id curiosissimè *D. Comes à Wolffsegg* superioris Palatinat. locum tenens, nunc *makários*, observabat) atq; ita in se ipso penetratum varias alterationes tam in colore quam in substantiâ acquirit, ut *pulvis plumbi*, qui in *Clepsydris* est, per frequentiore & diuturnum cursum sic alteratur, ut nullo postea modo per se reduci in corpus possit, causa ergo extensionis & dilatationis multiplicativa tinctura aurea, est ejusdem penetrantia & subtilitas,

cujus rei *argentum* exemplum esto, quod monetam cupream satis crassam, salvâ ejus formâ, suo corpore nunquam penetrare poterit, at in aquâ forti solutum & spiritu vitrioli aut alio salino præcipitatum corneum fit, & facillè fusile, olei instar penetrans, moneta enim cuprea injecta, pauco tempore ita penetratur, ut foris & intus argentum appareat, notusq; mihi est modus faciendi *ex metallis olea*, quorum gutta una vel altera aquæ injecta, totam ejusdem amplissimam superficiem metalli folio obducit, & sanè non procul ab hoc præparationis scopo, oleum illud aureum *Sendivogii* fuisse, quo imperialem argenteum ex unâ parte in aurum, coram Imperatore *Ferdinando Secundo* tinxit, ratio dicitur, *cur vero aurum penetrans reddi debeat, & cur in hac penetrantiâ totum artificium & effectus consistat*, sequenti Experimento patet; observavimus unam metalli, seu ob meliorem penetrantiam, calcis aut pulveris metallici partem, quingentis vitri partibus injectam id notabiliter tingere, causa est, quod vitrum in igne porosum magis ac penetrabile quam metallum sit, nullum enim dubium est, *si metalla liquefacta, ita penetrabilia forent, ut vitrum liquefactum, ea quoq; tam paucâ quantitate alicujus metallici corporis tingi posse*, quoniam autem hoc propter Mercurii gravitatem & unctuosam tenacitatem impossibile est, alia Philosophis ratio ineunda, nempe tinctura magis subtilianda fuit, ut gravissima etiam corpora penetrare posset, hinc *Democritus Græcus: Pharmaco ignito spolianda densi est corporis umbra*; per umbram corporeitatem, & soliditatem auri intelligit, quam spoliandam; id est subiecto ignito attenuandam esse jubet, hinc *Rosarius, Aqua nostra fortior est igne, quia facit de corpore auri merum spiritum, quod ignis communis facere non potest*, etsi in liquefactione corpus auri

auri penetret, ac mollescat. Audivistis supra *pulverem ex solis radiis factum*, id quoq; præstare & *ignem nitri* subliquida formâ aurum solvisse, & cum eo in vase occluso in corpus siccum & solidum coagulatum esse, singularis experientia docet, hinc Geber profundissimè lib. 2. part. 1. cap. 12. *Probavimus igitur ex meis sermonibus, spiritus corporibus magis assimilari & uniri, per hoc quod videmus eos magis corporibus amicabilem quam aliqua alia in natura, per hoc enim adductum est nobis inventione veridicâ, hos spiritus esse corporum alterationis medicinam veram, ideoque omni quo potuimus ingeniorum modo, nos ipsos exercuimus, ut per illos imperfectorum unumquodque corporum mutatione firmâ & verâ in perfectum lunare & solare transformemus corpus, quam ob rem ex jam dictis spiritibus medicinam diversam, ex diversâ alterandorum intentione creari, necesse accidit, & lib. 1. p. 2. cap. 17. errores detegit, qui circa hos spiritus committi possunt, tandem concludit, si corpora, filii doctrinæ, vultis convertere seu transmutare, tunc si per aliquam materiam fieri hoc possibile sit, per spiritus solos contingere id necessum est, sed spiritus non fixos corporibus utiliter adherere vel adjungi non est possibile, ut supra diximus, ubi per spiritus non fixos, actu non fixos, non potentialiter fixabiles intelligit. Hinc omnes Philosophi monent, ut ex corpore faciamus spiritum, & ex spiritu corpus, & Ripleus expressè fatetur, omnem spiritum cum calcibus sui generis figi, hoc benè animadverso fructum referri, cum itaq; tanta tincturæ vis in auro subtili & penetrativo facto consistat, meritò hoc aurum à communi distinguitur, commune enim aurum spissum, compactum, solidum est, ægrè & tantum superficialiter se cum metallis miscens, ut oleum cum aquâ, hinc facilè etiam ab illis rursus separabile, aurum e contra Philosophorum, materiâ quâdam spiritali attenuatum, extensum & penetrati-*

tivum factum est, unde corpora quæcunque, incredibili penetrantiâ, in minimis atomis penetrat, ac hâc penetrantiâ alterat, suamq; vim stipticam figentem, de quâ supra, inducit, sine reconcentratione aut sui recorporatione, hoc enim sciatis, *aurum hoc philosophicum*, ob fixi spiritus, admixtionem *per se nunquam in æternum amplius in commune aurum, nedum in corpus metallicum reduci posse*, neq; spiritum hunc *per se sine auro fixatum ullo modo tingere*, nam id quod tingit, est aurum, id quod aurum tingere facit, est spiritus noster fixus, dans auro penetrantiam tingendique facultatem, quod etiam de argento intelligendum est, non enim hic spiritus fixus, causa specialis est tincturæ rubræ vel albæ, sed argentum & aurum causa est specificationis, quodlibet enim horum à spiritu hoc universali penetratum, operatur secundum speciem suæ naturæ, & qualitatem penetrationis, id est, *tingit, quia penetratum est, sed aurificat vel argentificat, quia aurum vel argentum est*, hinc Avicenna, *Si aurum & argentum non viderem, dicerem, quod non sit magisterium, sed quia video, scio magisterium esse verum*, & ex hoc fundamento etiam philosophicum particulare oritur, si nempe mediante hoc spiritu, aurum ita argento jungas, ut luna à sole sufficienter in minimis penetretur, ita enim gradabitur, *quoniam nihil in aliud agit, quod non potentiam in aliud agendi habet*, at illa potentia in solâ penetrantia consistit, undè meritò Hermes, *Propulsabis igitur tenebras omnes & cecitatem*, hæc enim fortitudo omni alii fortitudini & potentia palmam præripit, omnia namque subtilia & crassa, duraque penetrare ac subigere potest, & in præparatione docet, *ut subtile & tenue à grosso & crasso, & quidem prudenter cum modestia & sapientia separet*, duo ergò in magisterio nostro consideranda veniunt, *primum*, utrum aurum qualita-

tem extensivam habeat, id est utrum extendi possit, deinde utrum materia detur, quæ id extendat. *Primum* mechanico exemplo demonstrabo. Liquefac duos ducatos cum una argenti marca, & in lapide lydio ne minimum coloris admixti auri observabis, e contra fiat ex marca argenti fini bacillus rotundus, pedis geometrici longitudine, qui duobus ducatis deauretur, is postea bacillus, ut moris est, per varia foramina chalibeata, quorum semper unum altero arctius est, trahatur, ut id filatores faciunt, trahes exinde præter propter 100000. pedes filamentorum argenteorum ex omni parte deauratorum, jam dico, hujus marcæ argenteæ superficies multò plus est tincta, quam erat, cum hi duo ducati liquefacto argento injecti essent, tum enim illorum aureitas ne videbatur quidem, at jam factâ hæc extensione, si centum filamenta sumas, eaque fortiter jungas, ac funem hunc forcipe discindas, invenies ubique superficiem deauratam etiam intus esse, adeò ut nullum dubium sit, si hæc deaurata extensa filamenta, *citra extensæ deaurationis reconcentrationem, & restrictionem*, liquefieri, & in corpus reduci possent, hoc corpus multò ultra medietatem, aurum futurum, prout id nemo negare poterit, sicut & quilibet fateri cogetur, totum hoc ab extensione provenire, ergò certum est, *aurum in tinctura sua extendi & multiplicari, ac tum plus tingere, quam cum concentratum erat, posse.* Secunda quæstio est, *utrum quiddam detur, quod aurum vel argentum ita physica ratione extendere citra reconcentrationem possit*, ut supra mechanico id modo aliququaliter fieri posse, ostendi? Respondeo affirmando, videmus enim in amalgamatione auri cum Mercurio, eundem latissimè aurum extendere, unde deaurationes aurifabrorum & aurum cum regulo antimonii mixtum ac pulverisatum,

fatum, communis vitrificatorii pulveris instar fictilibus
 aspersum, vulgaria fictilia, evaporante antimonio, la-
 tissimè deaurat, non sine jucundo spectaculo, si rectè
 processeris. Superius de solis radiorum concentrato-
 rum, de singulari nitri & vini spiritus penetrantia, au-
 divistis, nec vos celare volo, in communi Mercurio,
 tantam vim penetrantem latere, ut etiam vitra crassissi-
 ma penetret ac tingat, salium ope, aurum, corporum
 omnium, inter quæ versamur gravissimum, adeo subti-
 le & penetrans reddidit, ut massivum vitrum levissimo
 calore penetraret, aurumque vitro penetrato in parte
 ejus exteriori, folii instar hæserit, *terram metallicam no-
 vi, quæ in fluxu auro mixta, & ab eo aliquoties abstracta, id ita
 penetravit, ut colorem rubicundissimi sanguinis instar, citra
 ponderis augmentationem acquisiverit, quod aurum supra
 argentum projectum, octo ejus partes colore optimi auri tinxit,
 sed quoniam causa penetrans necdum fixa fuit, aureitas hæc
 in saturno reconcentrata fuit, licet in fusione simplici, & anti-
 monio, nec non cemento regali subsisterit, eadem ratione
 Mercurium currentem rubicundissimum vidi, quod a-
 lii regulo antimonii quoq; contingere asserunt, verum
 ad aliud ens dispositionis fixæ confugiendum est, quod ut dixi,
 in omnibus rebus reperitur, spiritus penetrantissimus, naturæ
 metallicæ, dispositionis fixabilis, si enim mercurius com-
 munis tantâ terræ arsenicalis & antimonialis metallicæ
 quantitate oneratus & vitiatus, aurum tamen ita pene-
 tret, quid illud facturum putatis, quod mercurii ens est, &
 purissimus ejus spiritus, cum hoc ergo solvite aurum in te-
 nuissimas atomos, ut amplius reducibile aut non recon-
 centrabile (ob inductum in extensos poros dilatati auri fixum
 illum spiritum) in æternum sit, tum coagulatè, coagula-
 tum cum novo spiritu denuo solvite, & recoagulate,
 quod incerare Philosophi vocant, idq; multoties, donec
 aurum*

aurum vestrum subtilissimè penetratum, subactum, & cum hoc spiritu fixo perfectè mixtum sit, tum enim ut cera sine fumo fluat, & quacunque tanget, perfectà relinquet corpora, ut doctè *Palingenius*, penetrat enim ea ut oleum, illudq; penetratione suâ præstat, quod hætenus vobis dixi, dicant alii de temperamenti metallici immutatione, quam tincturæ adscribunt, ego statuo omne id contingere propter auri penetrationis ingressum & extenuationem. Totum quod hætenus audivistis, eleganti processu *Nicolaus Barnaudus à Crista* in commentariolo suo supra citato, sequentibus exponit, addita memorabili historiâ: Accidisse memini, paulo antequam *Cracovia Pragam* redirem, ubi à Clarissimo simul & Doctissimo Viro Nobili *Thaddeo, Hagecio, Medicina Doctore, Mathematico celeberrimo*, hospitio per sesquiannum exceptus, & ab Illustrissimo, æterna memoria digno, Domino *Guilielmo Vrsino à Rosis, Regni Bohemia, tum temporis, Prorege*, ad suam valetudinem tuendam in medicum adscitus, bono fato in *Virum Belgam Medicina Doctorem*, cui nomen est, *Anselmus à Boodt*, incidi, cum quo non parva mihi intercessit familiaritas, cujus amicitia etiamnum lætor, & utor, hic bonus, cum parentis sui demortui librorum supellectilem non exiguam, à Belgio *Pragam* advehi curasset, incidit in libellum à me tandem visum, in pelle arietina conscriptum, cui titulus erat, *Cymbalum aureum*, hunc cum membrana obtegere cogitaret (erant enim, quibus obtegabatur, asseres confracti) exempta à Doctore asseris particula fracta, apparuit incogitanti vacuus quidam & concavus in medio locus, pergameni obductus, in quo & chartula quædam obvoluta, in qua lapidis Philosophorum processus conscriptus erat, simul & rubentis pulvisculi particula, grani pondere recondita. Ad hæc *Anselmus* metallicæ Philosophiæ osor tum temporis acerrimus, hoc spectaculo permotus, cum experientiam, ut scripto illo jubeba-

tur, supra Mercurium fecisset, pulvisculi partem mediam ad ignem in ipsum conjiciens, vidissetque Mercurium in Solem nativo non dissimilem, evasisse, exarsit primum, obstupuit tandem, & si mavis, vox ejus faucibus hasit, ut ipse retulit, bis deinde adhuc per aurifabrum, projectionem eodem semper successu fieri curavit: Doctor vero tentato postea ad literam processu, & aliis permultis, cum Paulo Grimmero, Cæsarea Majestatis minerarum in Bohemia supremo Examinatore frustra expertis, abjecto Clypeo, & omni chymicâ spe, animum alio adducit suum, mihi que tandem illum processum, à Fernelii processu, in suo, de abditis rerum causis, libro, paucis non dissimilem tradidit, quem hisce communico, & publici juris facio. P R O C E S S U S. Recipe auri Obrizi, uncias duas, Mercurii magno artis studio elaborati, misce decuplo, vulcanoque dissolve languido, dum Mercurius expiret, auriq; impositi pondus maneat, in atrum pulverem reductum, qui tamen liquatus non possit in antiquam auri naturam converti, ex hoc pulvere, igne vaporarii aquam continentis, mercurium elice, dum pulvis in calcem niveam devertat, hanc septies aqua resperge, quæ toties expiratione inde prolata sit, & omni cura labora, ut hac impulsione & excussione crebra sese extenuent, & ab omni sorde & fæce evadant purissima, vimque recipiant superiorum & inferiorum, descendendo in terram & rursus ascendendo, ut in Hermetis smaragdina tabula legitur, hæc aqua est Azoth, spiritus vivens, terra est fermentum, aqua est mas, terra vel calx foemina, quorum complexu nascitur infans, lapis, sed non quovis tempore concipit mulier, sed tum demum, cum uterus à natura conceptui preparatus est, proinde calcem purificatum, seu solem Philosophorum obturato vase putrefac, seu reconde ad digerendum quadraginta diebus, dum in humorem album & crassum concreascit, in hunc justis die-

rum

rum intervallis aquam sensim infunde, hæc est maris & femina conjunctio, quæ mirum in modum uniuntur, & femina maris amore tota fundatur, hæc est solutio, relinque donec rursus suas vires recuperet, tum iterum coeat, idque toties, donec calx omnem suam aquam ebiberit, tum uterus clausus sit, ne quid expiret, nam tum infans concre-
 scit, & ex illa frequenti coagulatione & solutione lapis coagulatur, qui colores fiant, omnes explicant Philosophi, hæc vera esse hic pulvis ostendit, hunc pone super Mercurium in novo tigillo, ut tamen Mercurius aerem habeat ad drachmas duas, pone duodecimam grani partem, da fortem ignem, postea adde boracem, habebis drachmam unam auri, si multiplicationem scis, non opus habebis lapide, invenies apud me integrum processum, si fœlix es, cum omnibus suis circumstantiis, quamvis iste sufficiat, si diligens es, nihil enim deest, vale, & ab hoc, infœlix es, si abstraharis. Hactenus Author, in cujus processu notandum, ejus basin frequentem incerationem, solutionem, & coagulationem auri cum spiritu Mercurii esse, ita enim tinctura penetrans & subtilis, adeoque unctuosum humidum terrestri subtili fortiter commiscetur, quod post projectionem boracem addat, causa est, quod scoreas Mercurii ab auro separare hoc modo velit, sicut enim tinctura in homine, ut sub initium hujus capitis notavi, non operatur in corpore humano, nisi id disponatur prævia præparatione, ita etiam metalla tingenda, præparanda, & ab heterogeneis separanda sunt, quin imo ipsum aurum in coitione cum hoc spiritu, sordes quasdam terreas dejicit, ut hic quoq; processus notat; Præprimis autem Philosophus & artifex, qui ad hoc magisterium præparandum accedit, tanquam objectum seipsum præparet, avaritiæ, malæ intentionis, & impietatis se scoreis purget & liberet, deinde diligenter Gebri lib. I. c. 3. 4.

& 7. de artificis requisitione legat, tum theoricè sufficienter speculetur, & probatos Authores pervolvat, atque ut *Basilius Valentinus* monet, ad Authorum concordantias respiciat, Ne igitur, scribit *Nortonus Anglicus*, confidas lectioni unius libri, at oportet te ad plurimorum opera respicere. Liber librum aperit, inquit *Arnoldus* vir doctissimus. Idem *Anaxagoras* dicit de hoc opere: qui in legendis libris *Deses* exstiterit, in preparandis rebus promptus esse non poterit, & *Bernhardus Comes Trevisanus* expressè fateatur, se post gratiam DEI bonorum Philosophorum lectione, collectâ Authorum concordantiâ, & habita conveniente speculatione supra, veram scientiam aliquot annis ante perfectè theoricè habuisse cum omnibus circumstantiis, antequam eam in praxin deduceret, sciendum autem est, firmissimam theoriam hujus scientiæ non modo ex libris, sed & ex naturæ hypothesibus haurire debere, quas omnes per praxin explorari necessum est, alias *Chymici theoretici* tam parum profunt, quam *speculativi Medici*, nisi eum manum ad praxin moveant, inutiliter operabuntur, unde sicut supra citatus *Nortonus* ad lectionem provocat, ita *Paracelsus* hoc loco ad praxin compellit, ita enim libro de tinctura Physicorum cap. 1. scribit: *Discende primum digestiones, distillationes, sublimationes, reverberationes, extractiones, solutiones, coagulationes, fermentationes, fixationes, & omne, quod ad hoc opus, instrumentum requiritur, cognoscendum est usu, prout vitra, cucurbitæ, circulatoria, vasa Hermetis, balnea, furni, carbones, aliæque sic demum in Alchymia medicinaque proficere poteris, quamdiu autem per phantasiâ & opinionem fictitiis libris adhaeresces, ad horum nullum aptus vel predestinatus eris.* In multis namq; praxis theoriæ contrariatur, theoriæ enim ut plurimum subtiles esse solent, & multifariæ, Praxes verò, si naturam imitentur,

tur, simplices sunt, quæ simplicitas multos Artistas impedit, ne ad veritatem perveniant, & ut *Lullius*, prout ipsum sub initium hujus capitis citavimus, Medicos monuit, ut de *pluralitate* Receptorum & medicamentorum in *unitatem* venirent, ita sanè heic loci omnibus Chymicis suadeo, ut *pluralitatem* processuum & subjectorum Chymicorum, in *simplicitatem* & unitatem reducant, prout enim omnium Religionum una universalis, Catholica, harmonica, primigenia Religio, omnium linguarum una lingua, omnium scientiarum una scientia datur, ita etiam omnium materiarum una est materia universalis, Catholica, harmonica, primigenia, quam philosophicam vocant, ad hanc ergo tanquam ad scopum & metam ante omnia collimare opus est, qui præfixum lucrari velit præmium, quâ cordiali admonitione, opusculum hoc concludo, atq; *Philochymicis conatum suorum felicem successum precor.*

Hermes circa finem Asclepii.

Gratias tibi agimus ô summe & Exuperantissime. Tua enim gratia tantum sumus cognitionis tue lumen consecuti, nomen sanctum & honorandum, quo solus Deus est benedicendus Religione paterna: Quoniam omnibus paternam pietatem & Religionem & amorem, & quæcunq; est dulcior efficacia, præbere dignaris, cum donas nos sensu, ratione, & intelligentia: Sensu, ut te cognoscamus; ratione, ut te suspicionibus indagemus; Intelligentia, ut te cognitione cognoscentes gaudeamus, ac Numine salvati tuo latemur, quo nobis te ostenderis totum: gaudeamus, quod nos in corporibus sitos, eternitati fueris consecrare dignatus. Hec est enim sola humana gratulatio, cognitio Majestatis tue. Cognovimus te & Lumen maximum, solo intellectu sensibile,

Uu

intel-

intelleimus te. O vitæ vera via! O naturarum omnium
 fecunda pragnatio! cognovimus te totius naturæ tuæ con-
 ceptu plenissime, cognovimus te, æterna perseveratio. In
 omni enim ista oratione, adorantes bonum bonitatis tuæ
 hoc tantum deprecamur, ut nos velis servare perseverantes
 in amore cognitionis tuæ, & nunquam ab hoc vitæ separa-
 re genere.

I N D E X

Authorum in hoc opere citatorum.

A.

Æschylus.
 Agricola.
 Agrippa.
 Albertus.
 Anglus quidam.
 Aristoteles.

Athenagoras.
 Avicenna.

S. Augustinus.

B.

Barnaudus.
 Barlæus.
 Bartholinus.
 Beguinus.
 Bernhardus.
 Boodt.
 Borellus.
 Boyle.

C.

Cæsalpinus.
 de Castagnia.

Certaldus.
 de la Chambre.
 Christina Regina.
 Chrysostomus.
 Claveus.
 Clazomerius.

D.

Democritus.
 Diocletianus.
 Dorn.
 Drebbel.
 Dygbæus.

E.

Egidius.
 Empedocles.
 Estdra.
 Eterlin.
 Euripides.

F.

Fallopilus.
 Ferdinandus II. Imper.
 Fernelius.

G. Geber.

G.

Geber.
Gerhardus.
Glauberus.
Goris.
Gratianus.
Grimmillerus.

H.

Hagetius.
Helmontius.
Helvetus quidam.
Hermes.
Hesiodus.
Heslingius.
Hobbesius.
Homerus.
Hollandus Isaacus.
Hornius.
Horstius.

I.

Jesuitæ.
S. Johannes.
Jonston.

K.

P. Kircher.
Klobius.

L.

Langius.
Lotharius Princeps.
Lullius.

M.

Maria Prophetissa.
Matheſius.

Merula.
Mirandulanus.
Morieneſ.
von der Mühlen.

N.

D. Nabroth.
Nortonus.
Nuyſement.

O.

Orpheus.

P.

Palingenius.
Pantheus.
Paracelfus.
Perneij.
Plinius.
Plautus.
Promotheus.
Penotus.
Philaletha.
Pfellus.

R.

Rapp.
Reinaldus.
Rhafis.
Ripleus.
de Rochas.
D. Rolſinc.
Roſarius.
Roſinus.
de Roſis.

S.

Sarratanta.

U u 2

Scaliger.

Scaliger.	Thales.
P. Schneidt.	D. Thomas.
P. Schorrer.	Toll.
Sendivogius.	V.
Sennertus.	Valentinus.
de Solea.	Villanovanus.
Scholiasies Apollonii.	Virgilius.
Stahl Eremita.	W.
Stockerus.	C. à Wolffsegg.
Strabo.	X.
von Suchten.	Xiphilinus.
Suarez.	Z.
Suidas.	de Zalento.
T.	Zeno.
Tacchenius.	

Catalogus scriptorum hoc opere citatorum.

- Schedæ de non entitate Mercurii Corporum *Rolfincii.*
 Commentarius supra 3. libr. Aristotel. de meteoris
D. Thomæ.
 Observationes Physico Medicæ *Borelli.*
 De incremento & decremento metallorum *Andreae*
Soleæ.
 Libri Physicorum de meteoris, *Democriti.*
 Ultimum testamentum *Lullii.*
 Opusculum *Bernhardi.*
 De perfecto Magisterio *Geber Abenhaen.*
 Chymista scepticus *Roberti Boylei.*
 Liber mineralium *Alberti Magni.*
 Opera physica *Aristotelis.*
 Clangor.

- Dicta sapientum *Theatri Chymici.*
 Liber ad Sarratantam *Rozini.*
 Divinitatis liber *Rhasis.*
 Tabula smaragdina *Hermetis.*
 Commentariolus ad ænigma Bononiense *Barnaudi.*
 De naturâ rerum *Paracelsus.*
 Liber *Esthra.*
 Ars transmutationis *Augustini Panthei.*
 Introitus apertus *Philalethæ.*
 Apologia econtra *Eraſtum Clavei.*
Schweizer Chronick *Peterman Eterlins.*
 Colmographia Pauli *Merula.*
 Breviarium Romanum.
 Dendrographia *Ionſtoni.*
 Opus minerale *de Rochas.*
 Novum lumen Chymicum *Glauberi.*
 De medicamentis liber *Bernhardi Penoti.*
 Exercitationes *Scaligeri.*
 De immortalitate animæ libri duo *Dygbæi.*
 De generatione animalium liber *Aristotelis.*
 Dissertatio de plantarum vegetatione *Dygbæi.*
 Pharmacopœiæ Spagyricæ pars 4. *Glauberi.*
 Dissertatio de causis inundationis Nili *de la chambre.*
 Tractatus de ambrâ *Fidi Klobii.*
 Regnum naturæ magneticum *P. Kircherii.*
 Hippocrates Chymicus *Tacchenii.*
 Experimenta *Dygbæana.*
 Occulta philosophia *Cornelii Agrippæ.*
 De Lithiasi *Helmontius.*
 De potestate medicaminum idem.
 De consensu & dissensu Chymicorum *Sennerti.*
 Praxis aurea *Stockeri.*

676 *Catalogus Scriptor. hoc opere citatorum.*
De retardatione Senectutis & rejuvenescentia Villanovani.

Aphorismi Hippocratis.

Physica subterranea Becheri.

Experimenta de coloribus Roberti Boylei.

Zodiacus Palingenii.

Syllabus Experimentorum quæ in hoc opere recensentur.

Principale Experimentum de quo tota hæc deductio tractat, & propter quam reliqua adducta sunt, est experimentum, ex communi limo & oleo lini paucarum spatio horarum sine ullius alterius materiæ additione, solius ignis ope, verum & copiosum ferrum faciendi. *capite secundo.*

Sequuntur ad hanc materiam facientia variorum

Authorum, partim ipsius Authoris alia.

Michaelis Pselli Græci experimentum lapidum quorundam contritione & herbarum quarundam mixtione, aurum faciendo. *Præfatio.*

Divi Thomæ Experimentum arte veram metallorum generationem faciendi. *Cap. I.*

Meunæ Experimentum in vegetabilibus quantitatem seminalem fecundativam augere. *cap. eodem.*

De metallorum generatione & regeneratione variorum Authorum experimenta. Cap. II.

Vera ratio cur magnes ferrum trahat. *Cap. III.*

Angli cujusdam Experimentum vertendi aurum in Mercurium, eumq; in tincturam, *cap. eodem.*

Experimentum arsenicum metallisandi.

S. Joannes Evangelistæ Experimentum, quod Autho naturaliter contigisse apertissime & irrefragabiliter probat, nempe ex virgultis aurum facere. *cap. eod.*

Meun

- Meum experimentum* ex ferro Chalybem facere ope virgultorum. eodem.
- Dn. de Rochas Galli Experimentum* productionis tuium regnorum. eodem.
- Duorum Jesuitarum Experimenta*, arte aurum facere ex vegetabilibus *Dygbai* allegatū experimentum. *Cap.V.*
- Radios solis in corpus concentrandi.
- Helveti* cujusdam Experimentum. eodem.
- Experimentum* admirandæ cujusdam qualitatis sæcunditativæ in grano hordei Parisiis observato. cap. eod.
- Experimentum* de spiritu roris. cap. eodem.
- Meum Experimentum* mirabiliter restaurativum. cap. eodem.
- Helmontii Experimentum* in sulphuribus correctis. cap. eodem.
- R. P. Kircheri Experimentum* ex plumbo ope aquæ communis falsuginosæ argentum vivum faciendi, quod Author contra Rolfincium principaliter adducit. eodem.
- Alexandri von Suchten Experimentum* Mercurium currentem viridem veneris faciendi. eodem.
- Meum Experimentum* de singulari amalgamationis auri cum mercurio effectu. eod.
- Experimenta* Gratiani & Alberti, ex omni re aurum & Mercurium faciendi. eodem.
- Arnoldi Villanovani Experimentum* aquæ aureæ. *Cap.VI.*
- Sendivogii experimentum* exhibitum
- Imperatori Ferdinando secundo. *ibid.*
- Experimentum* aurum argento virtutem communicandi. *ibid.*
- Experimentum* quod cuprum paucō & ordinario plumbo non in cupellâ diluatur. *ibid.*
- Experimentum* in rosarum oleo smegmatifato. *ibid.*

Experimentum potentiae alcali & urinæ spiritus circa exaltationem tincturæ & odoris. *ibid.*

Experimentum trituræ metallorum. *ibid.*

Experimentum circa pulverem clepsydram. *ibid.*

Experimentum Gebri circa spirituum corporalisationem. *ibid.*

Experimentum auri cum antimonio conjunctione. *ibid.*

Experimentum Mercurii & Reguli rubri. *ibid.*

Experimentum Authoris novi Cymboli. *ibid.*

Nunc Elenchum observationum, definitionum, & axiomatum, aliarumq; particularitatum apponere deberem, sed quoniam Lector ipse videt talem elenchum ipso opere majorem futurum, cum plures res, quam verba hoc opere contineantur, lubens veniam dabit.



SUPPLEMENTUM SECUNDUM
IN PHYSICAM SUBTERRA-
NEAM.

Id est:

JOANNIS JOACHIMI BECHERI,
Spirensis, Med. Doct.

Sacr. Cæs. Maj. Consiliarii
DEMONSTRATIO PHILO-
SOPHICA,

Sen

THESES CHYMICÆ,

Veritatem, & Possibilitatem transmutationis
metallorum in aurum evincentes.

Ad

Inviētissimum Romanorum
Imperatorem

LEOPOLDUM.
ENCOMIUM CHYMIÆ AU-
GUSTINI PETRÆI.

Nobilissima ars Chemiæ, hominem sanum à morbis
præservat, ægrum sanat, restituit pauperem ab inopia, sublevat
naturam, abdita eruit, animum solidâ scientiâ imbuit, nulli in-
juriam facit, omnibus prodest, & tandem ad ipsam
DEI cognitionem adducit.

COLLECTA

Ab Archi-Præfule Nicolao Melchior-
re Cibinenſi Tranſylvano ad Ladislaum Hunga-
riæ & Bohemiæ Regem olim miſſa.

DEUS largitor totius bonitatis, qui maximè in fine temporum ſolâ tuâ bonitate & ſapientiâ famulo tuo non ſuis meritis præcedentibus, ſed tuâ ineffabili pietate & gratiâ præveniente, lumen ſacræ artis Alchymicæ inſpirâſti, præſta quæſumus, ut quod ex tuæ Majeſtatis dono acceperit, ad ſalutem animæ & corporis ejus proſit, in ipſoq; omnia vitia mortifica, & gratiam virtutis infunde, ut eandem ſacram artem, ſolummodò ad laudem & gloriam nominis tui, & fidei Chriſtianæ propagationem fideliter expendat, per Dominum noſtrum Jeſum Chriſtum, Amen.

Abbatis Trithemii in Sponheim cenſura de Alchymia.

CHymia à plurimis amatur, & caſta eſt, multas habet ancillas familiares, quæ Dominam ſuam perpetuâ vigilantia custodiunt, ſeq; ejus nomine ſupponunt, ut eam præſervent à commercio tot importunè amantium, tempore à talibus ſempiternò intactam, vanitas, fraus, dolus, ſophiſticatio, cupiditas, falſitas, confidentia, mendacium, ſtultitia, paupertas, deſperatio, fuga, proſcriptio, & mendicitas, pediffequæ ſunt Chymicæ, quæ Dominam ſimulantes, ut eam inviolatam custodiant, ſemetipſas amatoribus pecuniſis, avaris, cupidis, & ſaſtuoſis libenter prostituunt.



Præfatio ad Lectorem.

DE tribus tibi, Lector benevole, in hac Præfatione rationem reddere debeo; *Primò*, cur Alchymiam, scientiam omnibus fere, & quidem maximis viris exosam, suspectam, ludicram & omni commercio literario proscriptam, deceptionibus & fraudibus, scurris & imposturis plenam, nihilominus coram toto Mundo, & quidem in conspectu *Aug. Cæs. Leopoldi* defendendam, & vindicandam, non verbis & testimoniis, sed rationibus & experimentis susceperim. *Secundò*, cur defensionem hanc non Privato cuidam, verum ipsi Rom. Imperatori & quidam publicis Typis, dedicaverim & inscripserim. *Tertiò* cur argumenta, & experientia in defensionem Alchymiaë tam clara, tam perspicua attulerim, ut coram dignis pariter, ac indignis, totam artem propalare, prophanare, & prostitue- re visus sim: Ex quibus tribus punctis inferes, vel omnes Miso-chymicos, id est, Peripateticos ferè omnes, Alchymiam oppugnando insanire, aut me solum insanire, Alchymiam defendendo; Deindè Demonstrationem, quam coram Imperatore Nostro Clementissimo pro Alchymia propugnandam suscipio, vel Suxæ Majest. Cæsar. non satisfacturam, vel satisfacturam, sin prius, certissimum periculum prostitutionis, & temeritatis publicè coram toto Mundo incursum; sin verò posterius, i.e. si argumen- tis meis veritatem Alchymiaë evincam, certo certius periculum imminere, parumque abfuturum, ne ad de-
mon-

monstrationem prædicam cogar, cum omnis Théoria Praxin supponat. Tertiò interes sine necessariis Demonstrationibus & Argumentis veritatem Alchymiaë defendi non posse, at his publicatis, totam Artem propalari, atq; sic me promissis meis, nempe Demonstrationi vel non satisfacturum, vel si satisfecero, omnium Philosophorum anathema incursum. Ad singula hæc, præfationis loco, succinctè respondebo, atq; Lectorem, ut decet, de omnibus informabo.

I.

Ad primum ergò punctum seu objectionem dico, *Artem non habere osorem, nisi ignorantem*; nulla scientia Mundo magis invisæ, & suspectæ, quam *Jurisprudentia* est, utpote in quâ plures fraudes, deceptiones, nebulones, & impostores reperiantur, quæq; captu difficilius, pluribusq; contradictoriis implicatio sit, inde tamen non sequitur, Jurisprudentiâ non esse scientiam, non tractandam, aut ex Publico proscribendam esse, quod quidam præter vocationem suam, sine ordine, sine scientia, Chymiam involent, illam malè tractent, & ut digni sunt, depauperentur, ergone Alchimia erit scientia falsa? sanè qui Artem vitrariam tractare suscipit, eamq; non intelligit, non miretur, si damnum patiatur, neque concludat, illam artem esse impossibilem, licet ipse illam non calleat, & dato, quòd quidam Artem Alchymicâ verè calleant, interim tamen pessimè vivant, nulla erit sequela, falsæ scientiæ; Optimi, & plurimi ferè pictores luxuriosissimè vivunt, sed quid illorum vita malè morata ad industriosas suas picturas, quas pingunt? sic, etsi Scurra luxuriosus, imò hæreticus arte Chymica verum aurum producat, quid hujus hominis malitia ad auri bonitatem? si hoc sequeretur, aliqui Alchymistæ sunt Nebulones, ergò omnes Alchymistæ sunt Nebulones, tunc etiam sequeretur,
aliqui

aliqui Theologi, Juristæ, & Politici sunt Hæretici, Athei, & sine conscientia, ergo omnes Theologi, Juristæ & Politici sunt tales; video ergo, quod nec ignorantia, nec malitia Alchymistarum, quidquam vel ad artis Alchymicæ veritatem, aut falsitatem faciat, neque etiam Alchymia ideo odio habenda sit, quod non omnibus malè feriatis succedat; quot enim sunt, qui omnem ætatem, & facultates suas in Jurisprudentiæ studium impenderunt, cujus tamen finem non assecuti, atq; ita depauperati sunt, quo jure autem tales perditum tempus & sumptus Jurisprudentiæ adscribent? Certè non video, quo jure Alchymia odio persequi debeat: Sicut enim formosa Virgo non est causa, quòd quidam illam aspectans, in ipsam miserè amore depereat, cum faciem alio divertere possit, sic Alchymia neminem cogit, neque ulli nocet, nisi volenti, cum cuiq; liberum sit illam vel colere, vel negligere; tum Alchymia minus depauperat homines, quàm lusus, Comœdiæ & venationes, quæ tamen nec prohibet nec exosæ sunt; imò Alchymia non nocet Bono Publico, sed intendit eidem benefacere, aurum enim procurare, si malum esset, aurum fodere, & quidem vitæ periculo, incertisq; sumptibus, at Metallum fodinas multis privilegiis donatas esse, tantum propter bonum publicum, quis ignorat? cur ergo non liceret exta mineras, etsi eodem sumptu & periculo fieret, aurum quærere, quàm intra mineras? tum si in mineris Metallum non reperiatur, aliud nihil invenitur, verum, etsi in Alchymia desideratus scopus non acquiratur, aliæ tamen non contemnendæ scientiæ atque experimenta obviant; sic occasione Alchymicæ pulvis pyrius, at vitraria, Encaustica, Saponaria, Tinctoria, pluraq; alia artificia inventa sunt, taceo Medicinas, vegetabilium vegetationes, multaq; alia curiosissi-
ma

ma secreta. Alchymista ergò si ad desideratum scopum deveniat, & sanitate, & opibus proximo prodesse potest, si non deveniat, saltem nulli alii, nisi sibi nocet, neque in tantum etiam, ut non habeat, unde honestè vivere possit, si nempe moderatè procedat, neq; profusè pecuniam in artem impendat; at, inquires, multi depauperantur quarendo hanc artem, disperguntq; bona sua in rem incertam, quid tum? nonnè Metallodinas, Mercaturam, rus colere, honesta sunt negotia, interim tamen incerta, utpotè quorum finis certò sponderi nunquam possit, ergone relinquenda? ergò prohibenda? etsi certum sit, multos inde depauperari. Porro objicies certissimum esse, quod paucissimi, & inter mille vix unus ad hanc artem perveniat, ergò temerarium esse illam fortunā sperare millesimo vix contingentem. Ad quæ Resp. certum esse ipsius Salvatoris nostri verbis, paucissimos in Regnum Dei intraturos, ergone sequeretur, quòd ideò temerarium esset ad Regnum Cœlorum aspirare, quod tam paucis intrare contingeret? Tandem dices, malè sonat vocabulum *Alchymia*, sed ego replico, pejus sonare vocabula, *Contributio*, *Imposta*, *Accis*, *Interesse*, *Telonia*, *Vsura*, *Fiscus*, atq; ejusmodi, quibus subditorum bona exhauriuntur, & aggravantur, certè si nervus rerum gerendarum juxta Politicos, sit pecunia, sine qua Respublica conservari nequit & cujus causa Principi, quidquid ei ferè in mentem venit onerum subditis imponere licet, tunc ausim dicere, nullam scientiam, nullam propositionem, fundum nullum, Principi honestiorem, utiliorem, subditis verò proficuum esse, quàm Alchymia, quidquid etiam *VVeberus* Can. Reg. ille, in Spiritu suo Principali contra Alchymiam scribat, Principibusq; illam dissuadeat, stylo sanè & doctrinâ minus Principali. In Alchymia enim
non

non est turpis fœneratio, aut usura, non subditorum exaggeratio, non alterius marsupii exsuctio, sed auri vel argenti productio citra præjudicium ullius Mortalium, sic quasi providente Sanctissima Naturâ, ut, quæ in omnibus locis fodinas fundare nequivit, saltem extra mineras artem concederet Metalla maturandi, aurumq; & argentum sine turpi fœnore augmentandi, & multiplicandi, si itaq; Osores & Contemptores Alchymiae penitus in affectus suos inquirent, atq; Alchymiam intuerentur, invenirent sanè illam bono Publico, Proximo, Sibimetipsi, omnibus numeris commendabilem; quot Subditorum enim substantiæ quasi ad sanguinem usq; exhauriendæ sunt, antequam mille Ducatos acquirat Fiscus, quot maria Mercatori transfretanda, quot usuræ turpes instituendæ, donec 50. pro 100. lucretur, quot fraudibus implendæ artes & manufacturæ, ut nummus aureus conquiratur, quot Doctissimis & Clarissimis viris etiam subeunda sunt turpia servitia, ut leve salario lum lucrentur, tacéo de prostituenda Justitia, eaq; venali, ob sordidum quoddam, atq; exile lucrum, quibus omnibus medetur Alchymia, tollis enim rerum penuriam, avaritiam, invidiam, sorditiem, abjectam servitutem, incertitudinem, facultatum curam verumq; præbet asylum, vade mecum, ad libertatis portum, non ergò erubescō hanc artem vindicare, quâ generi humano nulla ferè utilior. Neq; sanè insanio, cum hanc artem defendo, verum illi insaniunt, imò calumniantur, qui omnibus objectionibus sibi resolutis, solis convitiis & calumniis illam ulterius dilacerare intendunt, & pergunt. Verum quibus mos est etiam de Maximis Principibus malè loqui, hi pro rostri sui modulo de quacunque etiam scientia, & re malè loquentur, à corvo enim non nisi crocitus expectandus, licet isto cantu seipsum prodatur.

Prius,

Priusquam verò hoc punctum finiam, objectio mihi adhuc occurrit diluenda, à Politico quodam sive subtili sive crasso, quasi pro indissolubili nodo Gordio proposita, quàm mirè sibi blanditur, totiq; Alchymiae inextinguibile stigma inuisse existimat, sic enim argumentatur. *Si Alchymia esset vera, & naturalis scientiæ, tum utique Rex Salomon tanquam scientiâ, omnium naturalium rerum infusâ à Deo ipso præditus, & quidem præ cunctis mortalium, illam calluisset: at ipsum hanc scientiam nescivisse, patet ex instituta navigatione commerciorum causa, Tyrum, & auri ergò Ophir versus, tum ex magna exactione suorum subditorum, quibus opus non habuisset, si hanc Artem calluisset, ergò Ars hæc Salomoni incognita fuit, nempe non existens, & nulla.* Ad quod argumentum Resp. concedendo primo majorem, neq; enim nego, Salomonem à Deo scientiam rerum naturalium infusam habuisse, nam qui naturam vegetabilium Hyfopi usq; ad Cedrum intelligebat, cur non etiam intellexisset Mineralium naturam? quamquam vix credam scientiam generalem infusam Salomoni adeò ad specifica se extendisse, ut particulares quascunq; scientias noverit, unde artem præparandi pulverem pyrium, vitri, chartæ, impressoriam, aliaque quàm plurima ipsi incognita fuisse, vix non ausim asserere. *Minorem verò quod attinet, hanc omnimodè nego, esto enim, quòd Salomon institutis navigationibus in Tyro, & Sidone commercia foverit, ex Ophir aurum eruerit, à subditis contributiones exegerit, inde tamen non sequitur ipsum Lapidem Philosophorum non habuisse; nam dato, & quod faxit Deus, ut Augustissimus noster Imperator Leopoldus Tincturam Philosophicam possideat, ergone suaderet ille Magnus Politicus, ut commercia nulla foveret, ut subditos omni contributione, & sic devotione solveret? imò ut omnes Mineras auri*

auri & argentiferas in Ungaria, & Ditionibus suis hæreditariis negligeret? absit hoc à sana & politica ratione, *non enim publica negligenda sunt propter privata*, & optarem, ut altius parum speculetur ille Politicus, cur Salomon Rex auri causa navigationem ad Ophir instituerit, dicet utique, si aurum potuisset facere in Residencia sua Hierosolymitana, cur opus fuerat tantum mare transgredere? Ad quod Resp. non implicare Salomonem, si in Ophir Mineras auri habuerit, vel exinde acquirere sciverit, etsi Tincluram domi habuerit, illud ideò derelinquere? vel etiam, si Lapidem possederit, illum ideò inter familiares Aulicos, & vicinos, apud quos nullum Secretum tutum, ideò illibi, & non dissito loco, quem Ophir vocabat, præparare, & transmutatum metallum in aurum, adferre debuisset vel potuisset. Certè quicunque in Salomonem commentati sunt, Optimi Theologi & Philosophi, existimant illud Ophir fuisse in Indiis Orientalibus; at mirum, ejusmodi fodinarum nulla amplius extare vestigia, quæ sanè adesse deberent tanquam Foveæ insignes, utpotè ex quibus tanta auri copia, & argentieruta fuerit; de Salomone enim expressè legitur, *quòd tantum fecerit auri, & argenti, quantum erat Lapidum super terram*, In Indiis verò Orientalibus nullam argenti fodinam dari certissimum est, quod si quis dicat Salomonem in Americam navigationem instituisse, eodem utor fundamento, nulla ibi Salomonearum fodinarum vestigia extare, taceo, quòd navigatio in tanta loca incognita & dissita æque incerta sit, utpotè quæ sine Magnetis usu tunc temporis incognito absolvi non potuit, vel si Salomon ex istis partibus tantum auri, vel argenti advexerit per modum commercii, non credibile est illas gentes aurum, & argentum Salomoni dono dedisse, aut ultrò obtulisse,

quæso verò quid poterat in Judæa, & toto Salomonis Imperio commerciorum reperiri, quod tantæ auri, & argenti copię comparandæ & commutandæ par & æquivalens fuisset, taceo, quod maximum est argumentum, Salomonis Regis Filium Rehoboam auri cupidissimum, defuncto suo patre navigationem istam auriferam versus Ophir statim neglexisse, nempe crediderim ego Patris sui scientiam ignorasse, neq; enim tantorum reddituum sui Patris illicò oblitus fuisset, aut neglectui habuisset, qui certè primus fuit ob pecuniæ penuriam Subditos suos maximè aggravans, tum aurum ex Ophir advectum scriptorum testimoniis, multò nobiliùs naturali fuit, & quidem talis bonitatis, & gradûs, ut etiamnum in utrisq; Indiis tale quidquam non reperitur; arte ergò Salomonem aurum fecisse, & quidem in loco remoto, & fictâ longâ navigatione propter Secretum celandum omnimodè supponendum est, aliàs navigatio ista utilissima post mortem Salomonis tam citò deperdita, aut neglecta non fuisset, neq; enim Mineræ auri tam subito deficere potuerunt. Sive ergò Rex Salomon hanc scientiam practicaverit, sive non practicaverit, non tamen implicat, illum eam non scivisse, multa enim scimus, quæ in praxim non deducimus, sive eum hanc Artem omnimodè nescivisse, quod tamen neq; constat, non tamen ideò sequitur Artem faciendi aurum impossibilem esse, quòd vel Salomon illam sciverit, vel nesciverit; practicaverit vel non practicaverit, cum ut dixi, nulla sit Regula universalis, *illa omnia impossibilia esse, quæ Salomon non sciverit*, & plures rationes pro me stent, Salomonem hæc scientiam habuisse, quàm non habuisse, infero *si scientia transmutandi metalla imperfecta in aurum naturalibus, & rationabilibus fundamentis innitatur, tunc certum est Salomonem, si omnium rerum natu-*

ralium

valium scientiam habuerit, illam possedisse, sive exercuerit, sive non exercuerit, at prius est verum, ergo & posterius, quod ipsum mihi jam in Thesi ab objiciente isto Politico concessum est, prius vero nempe Artem hanc naturalibus principiis fundari & probari, abundantissime, & irrefragabiliter hac meâ Demonstratione Philosophicâ nempe hoc Libro meo evincam, ergo clarum & liquidum est, Salomonem hanc scientiam habuisse, & nostri Politici objectionem stultam, frivolam, & nullam esse: Si proinde Magnus hic noster Bartholus Encyclopædista & Panfophus non firmioribus & solidioribus utatur argumentis & rationibus in Politicis, Militaribus, Cameralibus, & publicum statum concernentibus, quàm in his Alchymicis & Philosophicis, tunc sanè professione suâ multò infelicius fungetur, & infrugalius, quàm ego meâ, nempe Nobilissimam artem Alchymix à nugis, & calumniis vindicando.

I I.

Secundum punctum quod attinet, cur nempe ausus fuerim Theses has meas *Inviictiss. Imperatori nostro* inscribere. & dedicare & quidem publicis Typis coram universo Mundo Literato, & Philosophico, idq; rationibus & argumentis, naturalibus principiis fundatis & innixis. Ad quod Respondeo mihi visum fuisse id omnimodè mihi licere, si enim publicè cuivis Scurræ, Loco publico, in Cæsaris Residencia, imò in facie Aulæ Alchymiam publicis scenis ludere, & ludibrio ac omnium irrisui ac contemptui exponere, ut his Bacchanalibus factum est, impune licet, cur non & homini Philosopho licitum esset, publicis scriptis, argumentis seriis, demonstrationibus utilibus, coram doctis & Philochymicis illam defendere, laudare, & commendare, tum officio quasi meo incumbit, ut seriùs rem seriam seriò tractem,

tractem, dedit enim Sacr. Cæs. Maj. commissionem mihi, Chymicis hisce invigilandi, & incumbendi, quoniam itaq; res eo devenit, ut non ipsa scientia modò, tanquam subiectum meæ Commissionis à Mischymicis pro re vana habeatur, sed & ego illius causa vellicer, & promotione aliis postponar, necessarium duxi & Artem, & meipsum defendere, & illum primariò, qui commissionem mihi dedit, nempe Augustiss. nostr. Imp. qui etsi olim hanc Artem averfatus, eum tamen biennio antè, veritatem ejus propriis oculis, & sufficientissimè expertus esset, illam suspicere incepit, unde cum statim à rigidis quibusdam Censoribus iniquâ censurâ notatus esset, quasi rem ludicram & inanem tractans, non potui non istos in medium pro vocare, nullitatis & temeritatis convincere, ut, quibus Cæs. Clementia blaterandi habenas reliquit, Philosophica tamen Demonstratio frenum, & capistrum injiciat, ne sicut *equi & multi*, imò prorsus plebei *Asini*, sine intellectu obganniant, & recalcitrent, qui ut sæpiùs jam in hac præfatione protestatus sum, *unicus & primarius Scripti mei scopus est.*

I I I.

Ut ad ultimum punctum præfationis meæ deveniam, curnempe ego Spartham hanc obsessam, defendendam suscipiam, partim ex antecedentibus patet, partim verò, & quoad defendendi Methodum, ex sequentibus patebit; homini enim Medico, non pudor est, imò necessarium Philosophiam intelligere; Philosophiæ autem maxima pars est Physica & Matthesis, quid in utraque præstiterim, alia mea scripta testabuntur, Physices imo quidem sed profunda, nempe subterranea pars est, metallorum notitia & cultura, hanc proindè sive Medicinam, sive Cameralia, Principisq; ærarium tractanti, colere, indecorum esse, & inconveniens, nemo sanus pro-

pronunciare audebit, at Metallum culturam sine Alchymia plenariè & perfectè intelligi, nemo credat, imò certo sciat, si Alchymiae nomen abhorreat, eadem quoque ratione & Metallum culturam, rem monetariam, nempe totam Metallurgiam, id est, præcipuam Principis sui ærarii partem, vel non intelligere, vel negligere, adeò ut nullo modo Professioni meæ contrarium sit de hac Arte scribere, illam colere, atque experimenta circa eam, pro meliori ejus esse, moliri; non quidem negaverim, illos fortè non adeò Principi prodesse, aut Officio suo perfungi, qui incertis fundamentis, totum tempus circa Lapidem Philosophorum ad inveniendum impendunt, quod quidem hætenus à me tantum abfuit, ut non modò præcipuum scopum in metallorum, & minerarum utilem Tractationem, maturationem, & separationem intenderim, Augustissimoq; nostro Imperatori annuatim multa millia præter communem modum tractandi Metalla, & Mineralia procurare potuerim, nisi cacoëthes, illa mala consuetudo, *nihil novi, licet utilis, admittendi*, sicut in omnibus ferè locis, ita etiam in hac Aula sedem posuisset immutabilem, verum etiam tam circa commercia utiliter introducenda, aliasq; propositiones, maximis laboribus, occupatus fuerim, testantibus super hisce meis occupationibus, quàm plurimis actis, taceo quod pauculis, qui supersunt, horis successivis, etiam variis scriptis, Typis mandatis, rei literariæ, consilio & ope prodesse non destiterim, adeoque aliud sit, *Alchymiam sic colere, ut omnia cetera relinquantur, Alchymiam colere ordinè solo ad Lapidem Philosophorum, & Alchymiam colere in ordinè ad Metallorum & Mineralium meliorem tractationem, Principi & Patriæ utiliore*, quod verò, ut ad alteram partem, hujus puncti deveniam, Demonstrationem hanc Phi-

losophicam tam claris argumentis ob oculos ponam, non caliget ad hæc oculus invidus, in omnibus scriptis meis semper eò collimavi, *ut non aliena, sed propria; non obscura sed clara; non proluxa sed succineta scriberem*, qui enim scribere vult quod nemo intelligat, præclaram rem præstat si taceat, interim tamen nunquam immemor sum tritissimi proverbii, *scriptorem semper plus debere scire, quam scriptum suum*, requirebat in hac Demonstratione argumenti gravitas, ut ad oculum demonstranda demonstrarem, atq; clarissimè scriberem, sed ex hoc ipso, Lector conjiciet, si sapiat, neq; me prorsus desipere existimet, quantum adhuc lateat, & quantum reticuerim, ad Artis practicabilitatem spectans, aliud enim est demonstrare, dari viam in Indias, aliud est propriâ personâ navigare in Indias; *Artis veritatem & possibilitatem demonstrare volui, non omnia verò Artis repagula ad Demonstrationem non facientia detegere, & publicare*. Objicies, qui possibile sit, ut is viam monstret, quam ipse non calcaverit: Resp. distinguendum esse inter Theoriam & Praxin, aliud est scire, aliud est facere; sciunt & demonstrant Mathematici infallibilem distantiam Solis à Luna, interim nullus eorum pedibus illam metitus est, & sanè paucæ essent scientiæ in Philosophia, nisi Theoricè magis, quàm practicè demonstrari possent. In Hollandiâ Bibliopola fuit, qui nunquam fortè extra Urbem venit, quam inhabitabat, hic delectabatur Mappis Hydrographicis, inveniebatque circulo suo, in illis multò compendiosiore & securiore viam in Indias Orientales navigandi, quàm antehac, peritissimis etiam Naucleris iter illuc sæpiùs facientibus, cognita fuit, quæ Methodus etiam à Societate Indiæ Orientalis amplexa, & hæcenus practicata est, non sine munere dato isti Bibliopolæ; sic non mirum, si & ego viam demonstrem,

quam

quam me ad finem perduxisse nec constat, nec perductum constare velim. Cæterum scio quosdam futuros, quibus Demonstratio hæc plus placeret, si juxta illud Arnoldi Villanovani, *solve mihi hunc syllogismum*, aliquot libras Tincturæ suæ Majest. practicæ offerrem, scio, inquam, tales pecuniam pluris æstimare, quam scientiam, sed & *tales potius ad Indeos, quam Philosophos spectant*, felix quidem ille, qui possidet rerum effectus, quanquam Poëta illum tantum felicem prædicet, *qui possit rerum cognoscere causas*. Possidet Sacratiss. Sua Majest. non nihil de isto pulvere, seu vera Tinctura Philosophorum, hujus etiam, & quotiescunq; vult, memorabilem vidit effectum, veramq; Transmutationem Metallorum in aurum, at non scit illum pulverem vel præparare, vel multiplicare, neq; ille, qui dedit, scit, casu enim reperit jam præparatum, nonne præstaret scientiam invenisse, quam Artem? Tum concludam, sunt, qui existimant *scientiam hanc sive speculative sive practicæ apud principes potentes non tutam fore*. Quid alii faciant Principes, vel facturi sint, cum artis hujus possessoribus ignoro, hoc verò affirmare ausim, quod quotcunq; etiam hætenus sive veri sive falsi Philosophi ad Aulam hanc Cæsaream venerint, atq; in hoc genere aliquid proposuerint, à Majest. S. Cæs. clementissime semper sint excepti, & habiti, etiamsi nihil sciverint, & præstiterint; imò si etiam scienter deceperint, adeo ut vix non excessum in Clementiâ commissum esse sæpius observaverim: Longè enim à bonæ mentis Principibus, & Philosophis veris illa popularis stultitia atque cupido abest, *si hanc Artem haberem, bella inciperem, inimicos deprimerem, auri & argenti innumerabilem mihi copiam compararem, & nescio, quæ magnifica opera extruerem, luxuria & libidini plenas habenas committerem, & denique nihil non omitterem, quod ex lepidis his argumentis demonstraret*

straret coram Mundo me Tincturam possidere, sic sentiunt Tyranni, sic stulti, qui juxta modulum suæ mentis perversæ, & humilis Tincturæ usum metiuntur atq; hinc concludunt, nullos Philosophos veram Tincturam possidere, nisi eâdem imbuantur ostentationis, & vanæ gloriæ insaniam, quo argumento si & ego convincar, me in hac arte nihil scire, æquo feram animo, res mihi non cum Politicis, sed cum Philosophis est, ab his posterioribus vinci, temeritatis & ignorantiae nota mihi esset, cum, quam, ut sub initium hujus puncti dixi, defendendam Spartham suscepi, hanc viriliter me defensurum spero. Tu verò, Lector benevole, præter Physicæ meæ Subterraneæ jam diu promissum Librum secundum & hanc Demonstrationem, tanquam Supplementum in illum, in Chymicis à me amplius nihil exspecta. Nemo enim, ut cum Plauto finiam, exhibet hic, Spectatores, omnes (quoad praxin) intus conficiunt negotium. Concludo enim pro Thesi firmissima, Asinus est, qui contra Alchymiam loquitur, sed stultus est & nebulo, qui illam practicè venalem exponit.



Præliminaria pro faciliiori intelligentia Demonstrationis meæ Philosophicæ.

I.

T*ransmutatio* definitur, quòd fit immutatio seu alteratio unius corporis in aliud, duplex est, vel *essentialis*, ubi forma interna corporis transmutatur, ut cum ovum in pullum, bombyx in papilionem, caro in tineam mutatur; vel *accidentalis*, ubi forma interna manet, & tantùm accidentia mutantur, ut cum vinum dulce fit acidum, immaturum maturescit: *Essentialis* transmutatio unius formæ in aliam *ex generatione & corruptione*, sed *accidentalis* transmutatio accidentium *ex digestionem & penetrationem* procedit. Naturam verò indies circa utramq; transmutationem occupatam esse, artemq; Naturæ in ejusmodi transmutationibus multùm inservire posse, experientia, tam in animalium, vegetabilium, quàm mineralium genesi, mixtione & alteratione docet.

Transmutatio duplex.
Essentialis & Accidental.

II.

Si propterea arte Alchymicâ quicquam in aurum transmutari possit, tum quæstio erit, an talis transmutatio vel *in forma* vel *in materia* transmutandi subjecti contingat, & quòd subjectum huic transmutationi magis vicinum sit, ad quod Resp. illa corpora semper sibi magis affinia esse in transmutatione, tum essentiali, tum accidentali, quæ in gravitate proximè conveniunt, *quantitas enim est pri-*

Subjectum transmutationis in aurum est omne corpus metallicum.

mun, & principale accidens corporum, videmus autem nulla corpora in gravitate, omnibusq; accidentibus auro magis assimilari & convenire, quàm metalla, hinc concludere possumus, metalla præ omnibus aliis subjectis in aurum faciliùs transmutabilia esse, An verò illorum forma vel tantùm materiæ accidentia, in aurum transmutentur, quoq; scitu necessarium est, dico quod metalla omnia unam tantùm eandemq; essentialem formam, & materiam habeant, in argenti vivi, tanquam metallorum materiæ, coctione & perfectione consistentem, & quod forma plumbi, stanni, cupri, ferri, argenti, &c. quæ nobis specialis & specifica apparet, neq; in forma, neq; in materia differat, sed tantùm in accidentibus versetur ex varietate coctionis & puritatis argenti vivi, resultantibus: Hinc, si talis materia metallica, nempe argentum vivum, purissimum, & perfectissimè coctum, purum ac homogeneum sit, tum nobis sub auri, sin verò imperfectissimum, tum sub ferri, & sic juxta gradus, coctionis & puritatis argenti vivi, sub plumbi, stanni, &c. reliquorumq; mineralium specie nobis comparet. Ex quibus liquet metalla non essentialiter, sed tantùm accidentaliter inter se specificari, & diversificari, atq; ita *non essentialem, sed tantùm accidentalem* transmutationem in aurum requiri, quæ in sola purgatione & digestionem argenti vivi, tanquam metallorum materiâ consistit.

III.

Objectum
transmu-

Objectum, metalla in aurum transmutans, debet

bet esse *subiectum quoddam materiale, substantia* tans. seu
argenti vivi, sed qualitatis argento vivo communi Tinctura
contraria. Hoc subiectum Tinctura, seu Lapis vel Lapis
 Philosophorum vocatur, *tinctura*, quia metalla Philoso-
 in aurum tingit, fumitur autem in communi à phorum est
 colore, tanquam accidenti, oculis perspicuo, aurum.
 potior denominatio, *Lapis Philosophorum* vo-
 catur, quia Philosophi Chymici circa Tinctu-
 ram præparandam occupati sunt; *Lapis* verò,
 quia rubini speciem externo intuitu refert:
 porrò definitio hæc Tincturæ omnimodè cõ-
 petit, debet enim Tinctura *aliquid* esse, non
 imaginarium, vel in concavo Lunæ vel aliqua
 Phantastica, Peripatetica, Aristotelica, aut Ga-
 lenica facultas, sed reale aliquid & materiale
 subiectum, sicut illud subiectum, quod trans-
 mutari debet, quoq; reale aliquod existens
 metallum est; deinde Objectum hoc seu Tin-
 ctura *de substantia argenti vivi*, id est, metallica
 esse debet, alias enim nullum in metalla habe-
 ret ingressum, neq; enim quicquam metalla
 essentialiter ingreditur, aut cum eis permi-
 scetur, quod non est de illorum natura, at,
 hanc argentum vivum esse, antea doctum est,
 ergò Tincturam de substantia argenti vivi
 esse debere, si ingredi debeat, necessum
 est, sine ingressu enim non datur conta-
 ctus, & sine contactu nulla actio, cum *non*
detur actio in distans medio non affecto, sine acti-
 one verò nulla mixtio, alteratio & tempera-
 tio. Tandem Tinctura quoad substantiam qui-
 dem argentum vivum, sed quoad *qualitates*
 argento vivo contraria esse debet, alias enim
 argen-

argentum vivum in metallis, nempe illorum substantiam metallicam transmutare non posset, quæ transmutatio in temperamento versatur, verum cum qualitates argenti vivi communis, & illius quod imperfectis metallis inest, manifestè reperiatur esse qualitatum crudarum, frigidarum, volatilium, impurarum, heterogenearum, necessario sequitur Tincturam, seu argentum illud vivum, quod pro tinctura inservit, debere esse temperamenti contrarii, nempe qualitatum, coctarum, calidarum, fixarum, purarum, homogenearum, at tale subiectum, quod, quoad substantiam sit argentum vivum, & tamen quoad qualitates communi argento vivo sit contrarium, nullibi reperitur nisi in auro, ergo meritò concludimus, *aurum esse verum Objectum artis transmutatoriae.*

IV.

Forma Tincturæ seu ejusdem modus agendi consistit in subtiliatione auri, quæ per Mercurium Philosophorum causatur.

Tincturæ formam definitio, quod sit *subtilis fixitatis permanentis*, quam definitionem sic defendo. *SVBTILIS*, nam si metalla imperfecta debeant transmutari in aurum, tunc debent alterari in suo temperamento, at hæc alteratio non potest fieri, nisi per introductionem aliarum qualitatuum auro magis propinquarum, hæc verò introduci non possunt, nisi inhæreant subiecto, cui nempe insunt, ut auro, quare aurum necessario debet misceri cum metallis intimè, sine contactu enim non datur mixtio, at verus contactus Physicus est penetratio, juxta Philosophum. *Omnis physica penetratio est vera transmutatio*, aurum autem,

autem, ut corpus crassum, non miscetur, sic in minimis cum metallis, ut vires suas & qualitates illis imprimere, nec rursus ab eis immutatis viribus, & sine reactione separari possit, ergo debet *subtiliari*, ut penetrare, atq; metalla alterare, & temperare possit, quod probandum erat.

FIXITATIS. Probavi antè, quòd aurum debeat subtiliari, quod corpus, nempè auri substantiam, non qualitates ejus concernit, quæ immutatae permanere, imò per subtiliationem exaltari debent, hinc omnis subtiliatio auri, quæ qualitates ejus tollit, reprobanda est, potissima autem auri qualitas est *fixitas*, quâ aurum ab omnibus aliis corporibus specificè definitione suâ, præscindit, ergo in subtiliatione auri, fixitas ejus retinenda, hinc benè definitur Tinctura à *Gebro*, nempè quòd sit, *subtilis fixitatis*, ac fixum esse, est esse terreum, ergo forma Tincturæ absoluta erit terrea, nempè *pulvisculus*, qui ab Esdrâ definitur, quòd sit *parvus pulvis*, unde aurum fit, ubi per *parvum* intelligit subtile & penetrans, nam quod penetrat non magnum, sed parvum esse debet, per *pulverem* verò intelligit *terrestre subtile*, sicut ab Alberto Magno definitur, ast quorum corporum finis est fixissimus, nempè maximè *terrens*, horum principium debet esse volatilissimum, nempè maximè *aqueum*, omne enim *aqueum* tendit in *terreum*, sicut omne *liquidum* tendit in *solidum*, cum ergo Tincturæ finis sit *subtile terreum*, necessa-

necessariò ejus principium erit *subtile aqueum seu humidum, unctuosum, aut oleum incombustibile, manus non madefaciens*, tale verò humidum est argentum vivum, ergò Tincturæ principium seu *forma inchoata lapidis* erit *conversio auri in argentum vivum*.

PERMANENTIS. Probavi antea, quòd aurum non tingat nisi penetranda & quòd nulla penetratio possit fieri sine subtiliatione, jam verò dico, quòd *nulla fiat subtiliatio sine extensione corpusculorum, & nulla extensio sine interpositione aliorum corpusculorum*, ergò si aurum debeat subtiliari, tunc necessariò ejus corpuscula, seu atomi debent, ex-vel distendi, at talis *distensio*, ne detur locus vacui, non potest contingere sine interpositione corpusculorum aliorum, verum omnia corpuscula quæcunq; interponi possent, vel erunt ignea, aërea, aquea, vel terrea, tria priora esse non possunt, cum ejusmodi corpuscula in ignis examine evaporent, rursusq; separentur, ut atomorum auri *restrictio, extensi corporis reconcentratio*, pristinaq; ejus crassities, & penetrandi, ac tingendi inhabilitas sequatur, ergò erunt corpuscula terrea, sed nihil illorum cum auro fundamentaliter uniri potest, præterquam, quod aurum *gravitate æquat*, vel saltem proximè, gravitatem auri accedit, *levia enim non uniuntur gravibus, sed supernatant*, at nullum corpus terreum, quod sit valde grave, quoq; erit subtile, sed potius durum crassum, densum, ergò omnes lapides, arenæ, terræ & mineralia rejicienda, nullum

lum autem corpus in universo censu naturæ reperitur, quod sit *terreum*, *aurum* gravitate proximè accedens & tamen *subtile*, id est, *gravissimum*, *levissimum*, quàm *argentum vivum*, est enim *terreum*, nam manus non mædificat, est gravitate *aurum* proximè accedens, est subtilissimum & levissimum, nam in igne avolat, coeum & vitra transit, quod subtilissimus etiam vini spiritus non facit, ergo *argentum vivum* erit unicum adequatum subiectum pro permanente subtiliatione auri, sed *argentum vivum* vulgi est nimis humidum, aqueum, frigidum, & indefinitum pro solvendo auro corporum omnium fixissimo & calidissimo, tum ob indefinitam suam humiditatem, nunquam in statum fixum fusilem sola digestionem coagulari potest, ergo sequitur aliud *argentum vivum*, magis digestum in humido calidum, pro solvendo auro proportionatum, in solutione reactionem cum auro instituens, & cum ipso, solâ digestionem coagulationem fixam, fusilem suscipiens, nempe permanentem, cum auro persistens, idq; à reconcentratione præservans. Tale *argentum vivum* est illud, quod natura jam aliquantulum concoxit, digessit, & sulphure aureo embryonali, igne naturæ grano aureo fixo, fermentavit, atq; in actum deduxit, hoc verò *argentum vivum* in minerali reperitur, calidissimi, atq; aurei sulphuris pleno, tale est *ferrum*, cuius *aureum* terrestre, humidum requirit subtilissimum, quale est in *antimonio*, ex quibus junctis, *terreum* subtile, humidum unctuosum, *argentum vivum* seu *Mercurius* oritur, quem Philosophi suum vocant, potestatem habens, *aurum* permanenter, citra reconcentrationem subtiliandi quod demonstrandum erat.

GENE-

GENERALE ARGUMENTUM OMNIUM THESIUM.

Datur Deus, unde omnium rerum vita, ex qua motus, ex hoc actio & passio, hinc alteratio, unde corporum transmutatio, etiam metallorum in aurum, cui transmutationi proxima sunt corpora metallica, non materiâ, quæ argentum vivum, sed formâ, nempe argenti vivi decoctione differentia, illorum ergo materia decoctione perfici, atq; aliam formam induere potest, hac decoctio argenti vivi crudi, contingit per argentum vivum plusquam perfecte coctum, nempe per objectum concoquens, quod, quoad substantiam argento vivo communi simile, propter ingressum, quoad qualitatem & temperamentum verò ei quarto gradu contrarium, propter alterationem, quod subiectum est aurum, non quidem in substantia grossa & solida, sed subtiliatâ & penetrativâ, quam subtiliationem & penetrationem acquirit per spiritum metallicum, qui est argentum vivum arte exaltatum & subtiliatum, mediante quo aurum solidum in substantiam fluidam & penetrantem resolvitur, coagulaturq; fixatione perfecta, in formam, quæ ipsi juxta gradus subtiliationis congruit, quam Tincturam, Lapidem Philosophorum, Elixir, vocant.

ALIUD.

Ex cursu nature necessario rerum alterationes, mutationes & transmutationes oriri, author probat, tum demonstrat, prout in omnibus corporibus transmutationes admitti debent, ita etiam illas metallis concedere necessum esse, utpotè quæ unius sint generis & nature, cumq; natura semper tendat in perfectius, omnia metalla ad gradum auri adspirare probat, necq; hanc transmutationem imperfectorum metallorum in aurum impossibilem vel difficilem esse demonstrat,

strat, cum metalla unius sint materia cum auro, quoad speciem seu formam verò, solà suæ materiæ puritate & coctione diversificari, quam diversificationem purificatione & coctione ad identitatem auri, reduci posse, proponens asserit, causam vero digredientem, & concoquentem imperfectam metallorum materiam in aurum, esse quoad substantiam similem materiam cum metallis, sed quoad qualitates ei contrariam, nempe attenuatam & plusquam perfectam & concoctam, verum quoad modum agendi, debere esse subtilis & penetrantis fixitatis, fixitatem ex propria substantia habere, subtilitatem verò & penetrantiam arte acquirere posse, per sui generis subtilissimum & penetrantissimum, totius Mundi admirandum subiectum, Mercurium-Philosophorum, quem preparare docet author.

SUMMA ALCHEMIÆ.

Finis Alchymiae est Mercurius, *medium* est Mercurius, *principium* est Mercurius.

Finis nempe subiectum Transmutationis est Mercurius, vel communis vel imperfectorum metallorum, qui in aurum mutari debet, nam si metalla non haberent Mercurium, vel si non esset Mercurius in Mundo, non posset fieri transmutatio in aurum, quia nihil potest in aurum mutari nisi Mercurius, neq; metalla in projectione plus dant auri, quam quantum habent Mercurii.

Medium scilicet obiectum aut Tinctura, est Mercurius, nempe aurum, quod tota sua substantia Mercurius est, communi Mercurio, quoad substantiam in omnibus similis, sed quoad qualitates, in omnibus ei contrarius, nempe fixus, coctus, calidus, siccus, digestus, purus, unde qualitatem & vim Mercurium communem digerendi, concoquendi & alterandi habet.

Principium nempe modus operandi Tincturæ, est Mercurius, qui aurum resolvit, subtiliat, & penetrativum reddit, ut tingere queat, aurificat enim Tinctura, quia aurum est, sed extendit suam aureitatem in numerosa multiplicatione, quia subtiliatum est, & penetratum, talis autem subtiliatio, citra recontractionem, non, nisi per Mercurium contingere potest.

Est ergo in Mercurio, quicquid querunt Sapientes. Unde Arnoldus Villan. Tota tua intentio sit in coquendo substantiam Mercurialem, juxta ejus enim dignitatem etiam dignificabuntur corpora, quæ nihil aliud sunt, nisi Mercurius à Natura decoctus.

Tria mira in Alchymia & incredibilia inexpertis.

Simillimum dissimillimum, crassissimum subtilissimum, gravissimum levissimum.





THESIS I.

De transmutationis Metallicæ
necessitate & connexione cum universo
naturæ cursu.

*Datur Deus, unde omnium rerum vita, ex qua
motus, ex hoc actio & passio, hinc alteratio,
unde omnium corporum & rerum, etiam
metallorum transmutatio.*

Defensio hujus Thesis.

DEum dari, qui neget, carnificis potiùs
manu, quàm Philosophi demonstra-^{1.} Deus.
tione convincendus est, adeò enim
tota natura atq; universum cum Deo cohæ-
ret, ut si hunc negaveris, omnia, imò teipsum
neges, è contra si hunc admiseris, omnia de
quibus hic agam admittere cogaris, sicut enim
Plato ait, *animæ naturam absque Univerſi na-
tura cognosci non posse*, ita certe universi &
universalis natura sine eo cognosci nequit.
Concesso ergò & rato, quòd Deus detur,
statim simul & vitam admittes, ubi enim
Deus, ibi vita, nam sicut vita est fons^{2.} Vita.
caloris, ita fons vitæ est Deus, hinc ipse
Deus se Deum vivum, Deum viventium,
inspiratorem vitæ vocat, imò Deus adeò est
vita omnium rerum, ut omnia in ipso & per
ipsum vivant, hinc omnia quo magis in
Deo, hoc magis vivunt, æternum vivunt An-
geli,

3.
Motus.

geli, animæ, mentes, multum virtutis divinæ soli concessum, cujus radii omnibus corporibus vitam distribuunt, non vegetativam modo, sed & sensitivam, ut in vermibus aliisq; infectis & ovis, solo calore animatis, vitâq; donatis, quotidie conspiciamus. Nunc si vitam admittas, eadem necessitate & motum concedes, nulla enim vita sine motu, imò ideo cor principium vitæ censetur, quod primum motus ibi incipiat, itaq; ubi motus ibi vita, & ubi vita ibi motus, *Dices*, ergò Sol vivit, nam movetur, non quidem statuam Solem vivere, quamvis non adeò forte absurdum sit, cum multi mundo animam, & naturæ vitam tribuant, hoc tamen certum est, Solem non à seipso, sed ab aliquo motore moveri, & hunc motorem vivere, adeò quòd nihil omnino moveri statuam, quod non ab alio moveatur motore, & quod talis motor vita sit.

Objicies. Horologium movetur, ergò vivit; R. horologium mediante elatere vel pondere sese extendere conante, aut terræ centrum versus tendente, ergò *dices* elater seu pondus cum sint motores horologii, vivent. R. Elater & pondus est motor secundarius, primarius verò motor ponderis, est vis impellens illud versus centrum terræ, seu vis elastica, illa vis est intelligentia quædam, quàm sive magnetismum sive naturam voces, certe à Deo omnium rerum primo motore profluit. Vides ergò, quod omnia quæ moventur ab aliqua vita moveantur seu si Deum concedas, necessario etiam vitam, & in-

& inevitabili consequentia motum admittere debeas.

Nullus autem motus est quin agat, tendit enim de uno termino ad alterum, ergò agit de uno fine ad alterum, dumq; hoc agit, afficit medium, non enim datur actio in distans medio non affecto sic, ut motus & patiatur & agat, patitur à fine, quo decedit & agit ad finem, versus quem tendit, ex hac autem passione & actione oriuntur diversi gradus, quo propius enim est apud finem à quo, hoc fortius patitur, & quo propius ad finem ad quem, hoc fortius agit, medium autem est æqualis distantia de uno ad alterum finem, nempe reactio, seu id quod ex passione & actione oritur, porro si motum admittas, eadem ratione etiam & locum & tempus admittes, motus enim non fit in uno puncto, sed tendit de uno ad alterum, atq; sic constituit sive lineam directam sive circularem, cujus extremitates constituunt locum diversum ratione distantiae, dum autem motus de uno loco ad alterum tendit, necessario spatium temporis intercedere debet, cum sicut non datur actio in distans medio non affecto, etiam id non affici possit sine tempore in instanti. Nunc si ex motu actionem admittas & passionem, fateberis exinde necessario procedere rerum alterationem, seu per aut transmutationem, nam quæ sunt alterata, merito mutata, imò optimè transmutata dici possunt, præsertim si in sua actione, passione & reactione de uno fine ad alterum perveniunt, dum

4. Actio.

5. Reactio.

5. Alteratio.

7.
Transmu-
tatio.

enim Vienna Romam venio, atq; ibi sto, tum certè sum alteratus & translocatus ex loco Viennæ in locum Romam, sic si ex divite pauper, ex stulto doctor, ex subdito Rex, ex acido dulcis, ex opaco diaphanus, ex duro molli, ex corruptibili & mortali incorruptibilis & immortalis fiam, tum necessario alteratus & transmutatus dici debeo, non ergo obstupesces ad vocabulum transmutationis, cum transmutatio nihil sit aliud, nisi alteratio prioris quidditatis, & hæc procedat ab actione & passione, illâ à motu, hic à vita & hæc à Deo proveniat, proinde ut rem prorsus naturalem, indies videmus, alterationem syderum, animorum, regnorum, corporum, quæ alteratio translocationem, transmigrationem, transmutationem, transplantationem, metempsychosim, palingenesim atq; omnia complectitur, quibus alteratio causatur. In præcedentibus rerum transmutationem in politicis, moralibus, mechanicis, metaphysicis, astrologicis, ipsis etiam physicis concedere coactus es, tum ipsa experientia magistra, tum verò ipsa ratione urgente, cum enim vitam sine motu non esse posse demonstraverim, motum verò de uno ad alterum tendere, si sistere nolit, evidentissimè sequitur ex ejusmodi motibus præsertim physicis, alterationem corporum procedere, nam sicut motus localis subjectum est punctum, de uno ad alterum, unde linea fit, ita motus physici subjectum est corpus de liquido tendens ad solidum seu de humido in siccum, de aqueo in
terreum,

terreum, de frigidò in calidum & è contra, ita quod totus motus physicus in his duabus extremitatibus versetur, ex quarum alteratione plurima & diversa formantur mixta, corpora, temperamenta & complexiones, sed de his hoc loco abstrahens, duo à te petam, unū, 8. *Animalium* utrum animalium, alterum utrum vegetabili-
um transmutationem admittas, certè animalium transmutationem vix negabis, ovū enim in pullum, bombycem in papilionem, carnes in tineas mutari indies videmus, vegetabili- 9. *Vegetabilium.* um transmutatio æque clara est, nonne aqua in vinum mutatur in vite, in pomum, in pyrum, in rosam, in lilium, in cucumerem, cujus unum granum aliquot centena rursus profert, porrò gramen à bove in carnem bubulam, caro putrefacta ac in terram redacta in carduum aut flores, imò canis à leone devoratus in leonem, cerasum in pomum mutatur, quotidiana rerum experientia, nempe pro qualitate motus physici, atq; inde procedentis actionis & reactionis seu mixtionis, hæc ergò si in corporibus admittas difficilis mixtionis & partium dissimilium, utpote in animalibus ex nervis, venis, musculis, variis visceribus, in vegetabilibus ex variis radicibus, caulibus, herbis, floribus, fructibus, odore, colore, sapore, variantibus constant, ad quarum temperiem singulatim naturam respicere oportet, quanto facilius transmutationem & alterationem in metallis 10. *Metallo-* concedes, quæ partibus constant prorsus si-
milaribus & homogeneis, quarum tempe-
ries

ries proinde sola fusione ut aqua cum vino temperari potest : aut ergò concedes dari transmutationem metallorum (facilius quidem quàm in aliis corporibus) aut omnimodè negabis dari transmutationem vegetabilium & animalium, qua negata, negabis actionem motus physici, atq; simul cursum naturæ, ejusq; motorem Deum.

THESIS II.

De subjecto transmutationis metallicæ.

Si datur transmutatio metallorum, dabitur in perfectius, nempe in aurum, cui transmutationi proxima sunt corpora metallica, tanquam species unius generis, non materia (quæ in argento vivo tanquam genere) sed forma (quæ in argenti vivi coctione, tanquam specie consistit) differentia, nempe tantum in metallis in aurum transmutari potest quantum continent argenti vivi.

Defensio hujus Thesis.

- I. **P**Ræcedens thesis demonstravit possibilitatem & necessitatem transmutationis metallicæ, nunc hac thesi, qualiter illa naturaliter contingat, examinabimus, atq; ita de subjecto transmutationis metallicæ agemus, cum verò natura semper intendat perfectius, etiam illam suum ordinem circa transmutationem metallorum observare credibile est, statuemus

II.
Ordo naturæ in transmutatione metallorū.

tuemus ergò, naturam omnia corpora metallica in aurum deducere velle, etiam deducturam, si non impediatur, quod ex eo concluditur. 1. Quod metalla omnia unam habeant materiam. 2. Quæ sola coctione perficitur per gradus, ergo poterit perfici in ultimum gradum (si duret concoctio) nempe in aurum. *Objicies*, pariratione rosas, lilia, rosmarinum in vini naturam aspirare, utpotè in perfectius. R. negando paritatem, metalla enim non sic differunt specie ab auro, quali differunt rosæ, lilia &c. à vino; sin verò dicas vinum imperfectum & immaturum naturaliter tendere ad vinum maturum & perfectum, tum omnimodè concesserim & similitudinem & consequentiam. 2. avtopsia in mineris observatum est, metalla longo tempore alterari, in alia metalla transmutari & perfici, ergò habent motum ad perfectionem, sic plumbum in stanni, ferrum in cupri, cuprum in argenti, argentum in auri perfectionem tendit, & hæc ratio quod imperfecta metalla in mineris semper cum perfectis mixta sint, tanquam immaturæ & maturæ uvæ in uno botro. 3. quo metalla profundiora in mineris, hoc perfectiora, nempe hoc magis calori centrali perficienti & concoquenti propiora sunt, ergò signum est metalla calore perfici: *Objicies*, observatum esse, quod extra mineras calore metalla destruantur, concedo, si calore violentum intelligas, & non naturalem, sin verò ignem illum adhibeas, quo natura utitur, pariratione metalla etiam extra mineras

12.
Metalla habent naturalem motum ad perfectionem auri.

perficerentur, non secus ac mala aurantia in hypocaustis perficiuntur & crescunt, quo ergo instinctu immaturum ad statum maturitatis naturaliter properat, eodem plane stimulo imperfecta metalla ad statum perfectionis properant, nempe ad aurum, cum ergo de metallorum transmutatione hic ago, semper transmutationem imperfectorum metallorum in aurum intelligo. 2. Finis ergo transmutationis, de qua hic agimus est aurum; Subjectum verò est omne imperfectum minerale & metallum, nulla enim species facilius transmutatur in alteram, nisi quæ unius est generis, at metalla comprehenduntur sub uno genere metalleitatis, & tantum differunt specie concoctionis, ergo facilius in aurum transmutari possunt, quam lapides, ligna, ossa; metallicas verò species sub uno genere metalleitatis comprehendendi, experientia docet & ratio, nam quibus communia sunt accidentia, iis etiam commune est genus, atqui metalla communia habent accidentia, nempe fusionis, ponderositatis, malleabilitatis (secundum tamen majus & minus) quibus accidentibus præscindunt definitione speciales ab omnibus aliis generibus corporum totius mundi, ergo clarum est, convenire in uno genere, & inter se, in qua re verò metalleitas consistat, nempe quæ sit materia metallorum, si scire desideres, necessario supponere debebis ea, quæ in omnibus corporibus considerantur, principia remota, media, propinqua; principia metallorum remota Aristot-

13.
Finis trans-
mutationis
metallicæ
est aurum.

14.
Subjectum
transmu-
tandum est
omne me-
tallum.

15.
Metalla
compre-
henduntur
sub uno ge-
nere.

16.
Metallo-

Aristoteles vaporem seu humidum unctuosum, rum princi-
 Albertus terrestre subtile, alii alio nomine pia remota.
 denotârunt, quo tamen semper unctuosum
 incombustibile denotaretur, ut aqua perma-
 nens & similiter, principia media Rupeſciffa 17.
 ſal ſeu vitriolum vocat, nempè vaporem un- Media.
 ctuosum reſolutum & concretum in terræ
 aut ſalis quandam ſpeciem, quam, ut dixi, a-
 liqui ſalem, alii fuliginem, alii Sur/alii Ferch
 vocant, habetq; jam ſe ad principium metal-
 lorum propinquum ut ſanguis ad ſperma, 18.
 principium verò metallorum propinquum Propinqua.
 vocat D. Thomas ſulphur & argentum vi-
 vum, cum ait: *ex ſulphure & argento vivo ut*
natura, ſic ars producit metalla, per principia
nempè principiata, unde Alchymiſta per veram
artem alchymia aliquando metalla producant &c.
 Hic verò oritur quæſtio, utrum metalla unum 19.
 vel plura habeant principia, aliqui enim u- Metallo-
 num, nempè ſolum argentum vivum, aliqui rum princi-
 duo, puta, ſulphur & Mercurium, aliqui tria, pia quot?
 ut ſal, ſulphur, & Mercurium ſtatuunt, ad quæ
 &. ſicut ſperma, ſemen ſcœmineum & ſanguis
 menſtruus ad uterum fluens, omnia tria ad
 generationem animalis faciunt, tempera-
 mento & coctione diverſa, ſubſtantia tamen
 una, ita triplex datur argentum vivum quod 20.
 ad generationem metallorum ut plurimum Triplex ar-
 concurrere ſolet, ſola puritate & coctione gentum vi-
 differens, ſubſtantia verò unum, benè enim vum.
 concoctum ſub forma ſulphuris apparet, & 21.
 ſupplet vices maris, mediocriter coctum & Argentum
 non nihil crudum, ſupplet vices ſcœminæ & vivum ma-
 ſalis ſculum.

22.
Fœmineum23.
Menstruum24.
Sulphur ar-
nicale causa
imperfe-
ctionis me-
tallicæ.25.
Argenti vi-
vi diversita-
tes.26.
Causa di-
versæ spe-
ciei metal-
licæ.37.
Est sola co-
ctio argenti
vivi.

salis larva imponit, minimè coctum secun-
 dum vices sanguinis menstrui agit, ac sub for-
 ma currente apparet, unde Mercurius vo-
 catur, hinc doctè Basiliius, *Geynd drey und
 zwey und doch nur eins* / ex quibus omnibus
 apparet, argentum vivum solum esse unicam
 materiam Metallorum, quæ ratione coctio-
 nis, tum varia metallorum principia, tum ipsa
 quoq; metalla sub diversa specie producat,
 argentum vivum enim si sit vitiosum & non
 sufficienter à natura purgatum ac decoctum,
 non in sulphur fixum, sed in sulphur arseni-
 cale mutatur, pro cuius vitiositate etiam di-
 versa fiunt mineralia, quod etiam de reliquis
 principiis metallorum intelligendum est, ma-
 nifestè enim apparet, in quibusdam metallis
 & mineralibus semen fœmineum metallorum
 seu salem aut Mercurium solventem fortio-
 rem esse quàm in aliis, ut thesi quartâ demon-
 stratum, & Mercurii communis currentis di-
 versas esse species ex Mercurio Virgineo &
 communi apparet, unde firmiter concludere
 licet, puritatem & coctionem argenti vivi,
 causam esse diversarum specierum metallica-
 rum, quarum diversa forma in sola maturita-
 te consistit, non in specifico quodam semine,
 ut lilium, allium, rosa, prout quidam somni-
 ant, sed sicuti vini maturi & immaturi diver-
 sa quidem est forma externa, interna verò
 nulla nisi in ejusdem coctione & puritate, ita
 materia nempè argentum vivum plumbi,
 stanni, cupri, ferri, argenti, auri, unum est i-
 demq; argentum vivum, forma verò hujus
 argen-

argenti vivi diversa, secundum gradus puritatis & coctionis, auri enim argentum vivum magis decoctum esse quam plumbi, ignis demonstrat, in quo unum manet, alterum aufugit: *Objicies*, te non negare metallis unam eandemque esse materiam, quoad substantiam, & variantem specificè juxta qualitates ex decoctionis gradibus resultantes, sed negare hanc materiam argentum vivum esse, contra quod *§. 1.* metallicam materiam esse aliquid liquidi, quod eorum fluxu patet, atque hoc liquidum non potest esse humidum aut manus madefaciens, nam tale humidum non subsisteret in igne, sed illicò evaporaret, liquidum autem quod non sit humidum, nullum reperitur nisi oleum, atque hoc est combustibile, ergò, necessario sequitur, nihil reperiri in censu naturæ, quod sit liquidum & tamen non humidum aut inflammabile, præterquam argentum vivum, unde clarè liquet, hoc esse illud liquidum metallorum, seu illorum materiam, de qua agimus. 2. Metallum in fluxu repræsentat argentum vivum fluidum, fluxu & gravitate, quinimò, 3. ut thesi 4. audiemus, resolvitur in ipsum argentum vivum currens & currenter, etiam in frigido permanens, in quod autem aliquid resolvitur, ex eo factum fuisse credendum est: *Objicies*, metalla resolvuntur in vitriolum, ergò constant ex vitriolo, ad quod *§. me* hic non defensurum utrum non omnia metalla quoad principium medium, ex vitriolo seu sale content, unde ipsum argentum vivum provenit, cum ex omni

28.

Argentum
vivum est
materia
metallorū.

29.

Nempè hu-
midum un-
ctuosum
incombustibile.

mni vitriolo faciliè fiat argentum vivum , ut
 thesi ultimâ demonstrabimus , sed tantum
 heic loci distinguere inter decomposita &
 simplicia, si ex cupro vitriolum elicere velis,
 sulphur addendum est, vel spiritus sulphure-
 us, cujus coctione cum cupro, tertium ori-
 tur, quod vitriolum vocans, si verò ex Ve-
 nere Mercurium elicere velis, aliqua tibi ex
 Venere extrahenda sunt, nempe sulphur ar-
 senicale, Mercurium Veneris coagulans, at-
 que ita in operatione reductionis corporum
 in Mercurium, illa ad simpliciorum mixtu-
 ram, non ad ulteriorem decompositionem
 deducuntur, hinc in hac ultima operatione
 decompositionis, valet objectio, in priori
 non. Ex quibus omnibus concludo, si quæ
 corpora in aurum possint mutari, illa proxi-
 ma corpora metallica esse, non tamen negâ-
 rim unum vicinius altero esse, quo nempe sul-
 phure adustibili & arsenicali plus liberum, &
 Mercurio cocto plus abundans, ut argentum
 est, in tantum enim metalla sunt vocanda me-
 tallum in quantum materiæ metallicæ, nempe
 argenti vivi habent, atqui, si debeant trans-
 mutari, debent in essentia sua, nempe in hu-
 mido radicali mutari & alterari, hæc autem
 essentia seu hoc humidum radicale metallo-
 rum, est illorum argentum vivum, ergò tan-
 tum in Metallis transmutabile in aurum est
 quantum Mercurii habent & non plus, nam
 lapides, scorix, aliaque non respiciunt essenti-
 am metalli, sicut in musto areneæ, festuæ, a-
 liaque insecta nihil essentialiter ad vinum fa-
 faciunt.

THE-

30.

Unum me-
 tallum præ
 altero faci-
 lius in au-
 rum trans-
 mutatur.

31.

Quâ ratio-
 metalla vo-
 centur me-
 tallum.

32.

Quantum
 nempe ha-
 bent argen-
 ti vivi.

T H E S I S I I I .

De Objecto transmuta-
tionis metallicæ.

Argentum vivum , crudum & imperfectum in metallis, non potest immutari, nisi per commixtionem alterius argenti vivi à natura decocti, & plus quàm perfecti, quod quoad Substantiam sit argento vivo communi connaturale, quoad temperamentum verò, argento vivo communi & metallico, quarto gradu contrarium. Tale autem argentum vivum est aurum, tanquam objectum artis transmutatorie.

Defensio hujus Thesis.

EX præcedenti thesi clarissimè patet, si quæ corpora in aurum transmutari possint, illa proximè metalla esse, & quidem in illis tantum transmutari, quantum argenti vivi habent, nempe in quantum metalla sunt, reliqua enim omnia sunt heterogenea, & extranea, quæ natura in transmutatione separat, non secus ac fermentatio in musto, omne ejicit, quod non de natura vini est, nunc utrum & quomodo argentum vivum commune vel metallorum alterari & transmutari possit, quoq; exponendum venit, sciendum autem præliminariter, quemadmodum metalla ex materia (argento vivo) & forma (argenti vivi decoctione) constant, ^{33.} Metallorū ita etiam duplicia illis accidentia inesse, una accidentia
è ma- duplicia.

34.
Accidentia
materiæ
metallicæ
sunt eadem

35.
Accidentia
formæ me-
tallicæ sunt
varia.

36
Forma me-
tallorum
transmuta-
tur non
materia.

è materia, altera è forma illorum promanantia, quoniam autem, ut demonstravi, metallis omnibus una eademq; est materia, nempe argentum vivum, ita etiam necessario sequi debet, quod accidentia metallorum, quæ ex illorum materia profluunt, sint una eademq; , nempe gravitas, malleabilitas, fusio, his enim tribus, juxta majus & minus tamen, omnia metalla gaudent, definiuntur, & præscindunt ab omnibus corporibus mundi, accidentia verò quæ à forma metallorum proveniunt, sunt varia diversa & specifica, juxta gradus coctionis & puritatis argenti vivi, versanturque in fixitate, homogeneitate & colore, quæ enim ad ultimum finem decocta sunt, illa fixa manent, quæ omnimodè pura, illa homogenea, quæ diu & sufficienter excocta, citrinitatem, & rubedinem contrahunt, ex quibus manifestè apparet, sola coctione in forma sua alterari posse, tum enim prior forma perit, aut immutatur, cum omnia ejus accidentia immutantur, atqui quod accidentia formæ metallicæ immutari queant, experientia docet, ergò sequitur formam metallorum transmutari posse, manente nihilominus materia metallica, nam sicut materia uvæ maturæ & immaturæ, una eademq; est, nempe vinum, & solâ decoctione Solis, forma immaturi vini mutatur in maturum, manente materiâ uvæ, ita forma metallorum potest transmutari in formam auri, manente materiâ metallicâ, quam etiam retinere debet, si aliàs verum metallum ex tali transmutatione produci debeat,

beat, porrò sic minorem probo, accidentia
 formæ metallicæ possunt particulariter alte-
 rari & transmutari, ergò possunt ex toto trans-
 mutari in naturam auri, probo antecedens,
 volatilitas metallorum in igne, quod aufugi-
 ant, etiam quod ab aquis corrosivis attingan-
 tur, est accidens formæ metallicæ, & signum
 argenti vivi non bene concocti, atqui talis vo-
 latilitas potest artificiali decoctione sic figi, ut
 ignem sustineat sat vehementem, idq; tantum-
 modo per agens extrinsecum, nempe coctio-
 ne in lixivio, vel oleò vitrioli vel sulphure,
 ergò si ex parte per agens extrinsecum figi
 potest, poterit multò magis per agens intrin-
 secum figi ex toto, sed figi ex toto est habere
 fixitatem auri; Secundo idem sentiendum est
 de homogeneitate, cui opponitur heteroge-
 neitas, unde metallorum levitas & friabilitas,
 cui opponitur gravitas & malleabilitas, sed au-
 rifabris, & metallicolis vel trivialibus quibus-
 cunq; notum est, metalla friabilia reddere
 malleabilia, vel ut vocant dulcia, idq; tam ra-
 tione separationis partium heterogenearum,
 quàm decoctionis substantiæ argenti vivi, ha-
 bita autem homogeneitate, omnia reliqua ac-
 cidentia sua sponte alterantur, nempe decens
 fusio, sonus, pondus. Tertiò, metalla parti-
 culariter colorari posse, tironibus alchymiz
 notum est, idq; per gradationes & cementa
 varia, ergò ex toto colorari posse ratio dictat,
 jam ergò hoc infero, quod si imperfecta me-
 tallà ex. gr. plumbum, stannum, mutantur
 taliter in accidentibus, ut fluxum gravitatem,
 Z z mallea-

37.

Materia
 metallorū
 in transmu-
 tatione
 manet.

38.

Accidentia
 formæ me-
 tallicæ pos-
 sunt alte-
 rari.

39.

Metalla in
 accidenti-
 bus muta-
 ta, etiam
 in forma
 mutantur.

40.
Imperii Ro-
mani proba
auri super
ejusdem
accidenti-
bus tantum
fundatur.

malleabilitatem, sonum, colorem, fixitatem auri acquirant, tunc necessario in forma sua mutata, & in formam auri transmutata, ac proinde à monetariis, docimastis ac aurifabris quibuscunq; pro auro æstimanda & declaranda esse, rationem & experientiam civilem suadere, proba enim Imperii Romani pro auro dignoscendo super accidentibus non super materia auri fundatur, supponit enim Romanum Imperium, si metallum quoddam vera accidentia auri habeat, illud etiam veram auri formam & materiam seu essentiam continere, quæ enim in accidentibus conveniunt, in essentia seu forma convenire necesse est, quod verò accidentia metallorum imperfectorum ad statum accidentium auri deduci queant, antecedentibus demonstratum est, ergo clarè probavi, auro & imperfectis metallis unam esse materiam nempe argentum vivum, accidentia verò diversa, quæ tamen alterari & ad identitatem auri deduci possint, ergo concludo metalla posse alterari, immutari, & tandem transmutari. Nunc qua id ratione fieri possit quoq; physicè exponendum venit, omnis autem transmutatio naturalis & placida non violenta debet contingere per simile dissimile, per simile ut transmutans habeat associationem & ingressum ad transmutandum, nam cum non detur actio in distans medio non affecto, multò minus dabitur actio in præsens sine contactu, at contactus non debet esse superficialis sed centralis & essentialis, nempe ut transmutans intimè ingredia-

41.
Transmu-
tatio natu-
ralis fit per
simile dissimile.

42.
In transmu-
tatione re-
quiritur
contactus
physicus.

grediatur & se misceat in essentiam transmutandi, quod fieri non potest, nisi transmutans sit de substantia transmutandi, nulla enim propior affinitas nisi ejusdem substantiæ, hinc, *natura naturâ gaudet, natura naturam amplectitur, natura non emendatur nisi in propria natura*, quod in vino videmus, quod per oleum meliorari nequit, est enim naturæ heterogeneæ, hinc supernatat, & non miscetur vino, è contra vinum per vinum facile melioratur, quoniam vinum essentialiter & radicaliter miscetur, cum igitur essentia seu substantia metallorum sit argentum vivum, necessario concluditur, objectum transmutans, quoque debere esse de natura argenti vivi, aliàs enim neque homogeneitatem neque ingressum neque radicalem & physicum contactum haberet in ullum metallum, quod in experientia videmus, omnis enim tinctura, quæ non ingressum habet, nec tingit, nec alterat, at nulla tinctura potest habere ingressum in metalla, quæ non est de natura metallorum, hanc vero argentum vivum esse, supra demonstra- vi, ergò claret objectum transmutans, quod tincturam vocant, debere esse de substantia argenti vivi, nempe debere esse cum metallis quoad substantiam simile, sed quoad qualitates dissimile, cum enim idem vel simile non agat in idem vel simile, necessario vel transmutans debebit quoad qualitates seu accidentia esse dissimile, seu contrariarum qualitatum & accidentium cum transmutando; at subiectum transmutandum est argen-

43.
Objectum
transmu-
tans debet
esse de na-
turâ argen-
ti vivi.

44.
Sed quali-
tatum
contraria-
rum, id est,

simile quoad substantiam, dissimile quoad qualitates. tum vivum imperfectum metallorum, quod est naturæ frigidaë, humidaë, liquidæ, crudaë, volatilis impuræ, ergò si objectum transmutans debeat se proportionare ad subjectum transmutandum, necessario illud debet esse contrariarum qualitatum & accidentiũ, nempe naturæ calidaë, siccaë, constringentis, coctaë, fixaë, puraë, tale autem objectum quod harum sit qualitatum, & tamen quoad substantiam, argentum vivum, non reperitur ullibi nisi in auro, ergò bene concludo, aurum esse verum objectum artis transmutatoriæ metallorum, hinc publicè Avicenna exclamat, *si aurum non viderem, dicerem quod ars esset falsa*, benè dictum, nam si non videremus argentum vivum à natura in formam auri concoqui, necessario etiam deberemus dubitare, utrum ars eò pertingere posset, deinde si non haberemus aurum, etiam non haberemus objectum quod quoad substantiam esset argentum vivum, & quoad qualitates, argento vivo communi & metallorum quarto gradu contrarium, tali autem non habito objecto, etiam nulla posset fieri tinctura & transmutatio; ergò necessario ad artem facit, ut aurum sit in rerum natura, aurum enim metallum esse communis visus docet, aurum purum putum argentum vivum esse, pondus explicat, aurum argentum vivum sufficienter coctum, fixum, purum homogeneous, siccum, solidum esse, ignis, ejus fluxus, malleabilitas, citrinitas & fixitas demonstrant, quæ omnia accidentia communi Mercurio seu argento vivo contra-

45.

Cur aurum
sit objectũ
transmu-
tans?

ria sunt, ergò illud alterare ac temperare possunt, non secus ac vinum sole sufficienter excoctum, purum, defæcatum, subtile, igneum, aliud vinum fæculentum, crassum, aqueum, crudum coquere, attenuare & temperare potest; *Objicies*, multos philosophos de suo auro, item de essentia seu anima auri loqui, aurum commune repudiare, ergò aurum non esse necessarium objectum transmutationis metallicæ: *R.* ex sequenti thesi patebit enodatio hujus objectionis: philosophi nunquam aurum repudiârunt, quatenus subjectum constans ex argento vivo cocto, fixo, & puro, sed quatenus corpus solidum, quod in statu soliditatis vires suas in commune argentum vivum crudum exserere nequit, deinde si qui non sint usi auro vulgari, certe argentum vivum requirebant, quod jam sive natura sive arte dispositum esset ad statum aureitatis, terriò qui nescio quam essentiam seu animam ex auro somniant, quam formam auri statuunt, hi nesciunt quid vel dicant vel laborent, neq; ejusmodi animam unquam producere & monstrare poterunt, decepti solventibus, aurum dealbantibus hinc suapte citrinatis certè sicut forma physica laterum est eorum coctio ita forma auri est perfecta coctio argenti vivi in auro, adeò quod aurum ex partibus purè similaribus, homogeneis argenti vivi constet, totaque sua substantia sit & præbeat objectum tincturæ, nisi quis fortè statuat, esse in auro partes quasdam respectu puritatis & coctionis dissimilares, ita ut particulæ

46.
Quid sit
aurum philosophorū.

47.
Anima auri
quid sit?

perfectè coctæ, præservent ab igne imperfectè coctas, quo dato etsi non concessio, non tamen implicaret, particulas quasdam argenti vivi in auro perfectè coctas, plus & facilius alias coquere & perficere posse, quàm illas quæ sunt in imperfectis metallis, prorsus incoctæ, adeoq; tamen sequi, particulas argenti vivi plus cocti, temperare posse particulas argenti vivi minus cocti, particulas autem auri plus coctas esse reliquis, experientia docet, ergò concludo, aurum esse verum objectum artis alchymicæ transmutatorix.

THESES IV.

De modo transmutationis metallicæ, nempe de objecti transmutantis penetrantia & formâ tincturæ absolutâ.

Aurum ut corpus solidum non tingit, quia non penetrat, penetrare autem nequit, nisi subtilietur citra reconcentrationem corporalem & amissionem qualitatum aurearum, talis auri subtiliatio non datur, nisi per Mercurium.

Defensio hujus Thesis.

PRæcedentibus thesibus abunde & solidis rationibus demonstratum est, dari corporum & præsertim metallorum transmutationem, in metallis verò nihil in aurum transmutari posse, præter quam illorum substantiam Mercurialem, hanc mixtione alicujus argenti vivi decocti, & plusquam perfecti temperari & alterari posse, tale autem argentum vivum esse

esse aurum, nunc restat, ut de mixtione agamus, nempe de medio & modo agendi auri in metallorum vel commune argentum vivum.

Objicies enim, etsi aurum fluat cum metallo

49.

imperfecto, id tamen per aurum non alterari,

Aurum in

quin non arte separatoria rursus ad granum

soliditate

usq; separetur ex. gr. confluat una pars auri

suâ non
agit in me-

cum mille partibus argenti, sumaturq; de tali

talla.

argento pars millesima, & probetur, ecce in-

venies & separabis partem millesimam auri

additi, quod signum est aurum cum metallis

intimè misceri & confluere, nihilominus illa

non per aurum alterari, ad quod & 1. corpus

solidum non agere in corpus solidum, atqui

metalla sunt corpora solida & aurum est cor-

pus solidum, ergò invicem agere non pote-

runt. 2. Distinguendum est inter juxtaposi-

50.

tionem & penetrationem, aurum argento col-

Distin-

liquefactum non aliter ei cohæret, quàm per

guendum

modum juxtapositionis, corpus enim utrumq;

inter juxta

est reclusum & perfectum, neq; actionem vel

positionem

passionem ullam exercere potest, hinc ejus-

& penetra-

modi corpora integra substantiâ & qualitate

separantur, funde verò unam partem stanni

cum multis partibus argenti vel auri, & vide-

bis totam massam reddi friabilem, cum ante

mixtionem utrumq; metallum, ipsum etiam

stannum adeò malleabile sit ut folia inde ex-

51.

tendi & cudi queant, ratio ergò hujus effe-

Penetratio-

ctus tertii nempe friabilitatis promanat ex

nis physicæ

reactione stanni cum auro, cujus, nempe

effectus.

stanni, impurum, crudum & arsenicale ar-

gentum vivum, ob contrarias qualitates agit

in partes puras & coctas argenti vivi auri, inducendo aliquam anomaliam seu discrasiam temperamento auri contrariam, idq; agit ob porositate & corpus apertum stanni, unde malignitate seu discrasia sua aurum in minimis penetrat, auro ob reclusos poros & corpus solidum, non reagente sed patiente, si jam aurum eadem penetrantiâ & porositate polleret, tum utiq; in stannum vel quodvis aliud metallum reagere, illud penetrare, ac penetrando qualitates suas temperatas aureas imprimere & diffundere posset, id est, friabilia corpora reddere malleabilia, sicut stannum malleabilia metalla effecit friabilia, clarum ergo est metallum non per juxtapositionem, sed per reactionem alterari, atqui non potest dari reactio, ubi nulla est penetratio, *omnis enim penetratio physica, juxta Philosophum, est principium verae transmutationis*, quod etiam probatur ab experientia mechanicè & physicè: Mechanicè quidem, ubi unicâ unciâ auri, deaurata libra argenti, per modum baculi extensa, per foramina, & tracta in filamenta aliquot mille orgyias, omnia probè deaurata erunt, extensa mechanicè unicâ illâ auri unciâ, quam si in fluxu cum libra argenti colliquefacies, ne in lapide quidem lydio vel minimum aurei coloris observares, cum medietas quidem auri vix sit conspectui, clarum ergo est aurum plus tingere cum extenditur, quam cum in forma compacta confunditur & colliquefcit, deinde videmus uno grano calcis metallicæ plurima grana vitri tingi, in furnis vitria-

52.
Penetratio
mechanica.

58.
Physica in
Vitræ.

vitriariis, idq; quoniam vitrum tanquam sub-
jectum tingibile, est porosum in fluxu, ideò
absorbet tincturam calcis metallicæ in se, e-
amq; tam mirificè extendit; at metalla tan-
quam subiecta tingibilia in fluxu non sunt sic
porosa & levia ut vitrum, constant enim ex
materia ponderosa, nempè argento vivo,
quod compactum est, & gravitatem suam, ci-
tra deperditionem naturæ metallicæ amittere
nequit, ergò aurum tanquam tingens, formâ
suâ corporali ea penetrare nequit, sed illam
extensionem requirit, quam in tincturâ vitro-
rum subiectum tingendum habet, nempè vi-
trum, videntes ergò Philosophi, quod metal-
la non possent in fluxu porosa reddere, seu
aurum extenuantia, confugerunt ad obje-
ctum tingens, nempè aurum, idq; subtiliare
sategerunt, ut postea metalla penetrare pos-
set. *Objicies* aurum non potest subtiliari, nisi
volatilifetur, at volatile factum amittit fixita-
tem auream, nempè principale accidens, er-
gò taliter subtiliatum non proderit ad trans-
mutationem, potior enim defectus in imper-
fectis metallis est; quod non sunt fixa. & ne-
gando suppositum, quod aurum non possit
subtiliari volatilisatione, Philosophus enim
definit tincturam, quod sit *subtilis fixitatis*, da-
ri autem *subtile fixum*, æquè minus implicat,
quam dari *volatile grave*, nonnè Mercurius
est post aurum gravissimus, at nihilominus in
igne volatilissimus, quid subtilius esse potest,
quàm id, quod transit per chartam, illâ illæsa,
imò quod transit corium ejusq; poros, quod

54.
Distin-
guendum
inter subti-
lem & vola-
tilem fixita-
tem, dari
enim subti-
le quod
non sit vo-
latile.

etiam subtilissimus spiritus vini non facit, at ut postea audietis de potestate extensiva Mercurii, plumbum corpus gravissimum & compactum, transit corium, manente suâ naturâ illâ fa, & aurum solutum in aquâ Regis transit filtratione per multa folia chartæ emporeticæ, quis non dicat aurum hic summè subtiliatum esse, & tamen fixitatem suam non amisisse experientia docet, reductum enim idem est aurum quod antea, aurum ergo & argentum imo omne metallum subtiliari posse manente suâ naturâ integrâ, experientia sufficienter demonstrat, aurum verò vel argentum subtiliatum intim⁹ in metalla penetrare, eaq; penetrando alterare & transmutare rursus experientia docet, exemplum nobis esto argentum, quod cum cupro liquefactâ, illud minimè transmutat, sed habet se ut juxta positum mortuum, hinc immutatis viribus & actu separabile à cupro, verùm solve idem argentum in aqua forti, præcipita cum sale communi vel ejus spiritu, præcipitatum edulcora, invenies argentum fusile, volatile & summè penetrativum, hoc misce anatico vel duplo pondere cinerum stanni, vel limaturæ ferri, pone in globum cupreum ex duobus hemisphæriis constantem, reple infimum hemisphærium, luta juncturas, da ignem modicum, ut candendo ruffescat globus, non tamen fluat, relinque aliquot horis sic in igne, tunc frigefactum globum aperi, quod in fundo, liquefac fluxu reductivo, invenies tuum pondus impositi argenti, sed superius hemisphæ-

55.
Auri & argenti subtiliati vis penetrans & alterans

spærium cupreum invenies spiritu hujus volatilis argenti sic penetratum, ut magna ex parte in proba verum & bonum argentum exhibeat, cujus transmutationis cupri in argentum, nulla alia ratio assignari potest, præterquam vis penetrativa argenti, quam per sal accepit, sine quo nihil operaretur ut constat. Porro solvatur argentum in aqua forti vel spiritu nitri, abstrahatur solutio lento calore ad consistentiam salis, quod postea solvatur aliquoties spiritu aceti, semper abstrahendo & resolvendo tandem cum spiritu vini sic procedatur, ultimò relinquatur in spiritu vini sal argenti sine abstractione, hic spiritus vini sine ulla corrosione, aut violentia, instillatus argento vivo communi, quasi in momento illud figit, ac in argentum transmutat, & ne credas non plus reperiri argenti, quàm in spiritu fuit, certè proba benè instituta & pondere probè examinato, invenies ultra pondus argenti, notabilem quantitatem argenti vivi in argentum mutatum esse, eique accrevisse, cujus transmutationis ratio soli penetrantiæ argenti adscribenda est; Idem contingit in auro, quod si in aqua Regis solvas, addasque Mercurium abstrahendo liquorem ad salis consistentiam, eamque in spiritu aceti resolvendo, filtrando, purgando, & denuo inspissando ad consistentiam, quæ ceræ instar fluet, ac quodvis argentum etiam in talerorum crassitie in aurum transmutabit, modò candescat circa fusionem, idque cum augmento auri, quæ experimenta ideò tantum.

tum adduco, ut apertè clareat, aurum vel argentum non alterare nec transmutare metalla, quamdiu in statu soliditatis sunt, verum cum primùm subtiliantur, ut penetrare possint, illa statim juxta gradum suæ penetrantiæ in metalla agere, eaq; alterare & transmutare, & hæc est ratio actionum omnium subtilium aquarum, quas gradatorias vulgò vocant.

56.
Reconcentratio subtiliorum metallorū impedi-mento est.

Verum *objicies* aurum & argentum præcedenti modo subtiliata, non modo fiunt volatilia amittendo statum fixitatis, sed abstractis talibus rursus reconcentrantur, atq; in statum soliditatis redeunt, ergo hæc subtiliationis methodus non est recta nec vera nec utilis, ad quæ &c. concedendo totam objectionem, neque enim ego hanc subtiliationem ideò adduxi, ut illam pro philosophica penetratione tincturæ commendem, sed tantum ut aliquod exemplum monstrem, quo potestas subtiliationis clareat, si enim extra rectam viam, natura nihilominus possibilitatem monstret, quid non factura erit, si in via debita labores, cæterum optimè scio subtiliationem auri vel argenti, debere contingere per solutionem continui, id est, per interpositionem aliorum corpusculorum in atomos auri mediantibus, quibus illud attenuetur, dissolvatur & penetretur, atqui omnia corpuscula, quæ auro interponi possunt, vel erunt ignea vel aërea vel aquea vel terrea, tria prima interponi non possunt, quia non valent; non valent autem, quia in ignis examine ex atomis auri recedunt, ipsisq; reconcentrationem & restrictionem

57.
Solutio continui quid?

58.
Interpositio corpusculorum quid?

59.
Restrictio.

tionem permittunt, unde auro pristina soliditas & compages, propter quam corpus spissum in metalla agere non potest. Et si enim aurum in continuo solvatur, id est, de puncto ad punctum, ut fit in foliatione, trituratione, limatura, fusione, calcinatione, sublimatione, salificatione, solutione, illicò tamen ista puncta coire, & expulsis peregrinis intersitis corpusculis in pristinum solidum corpus concreescere possunt, taceo solutionem continui mechanicam, videamus liquefactionem auri, ubi atomi ignis sese ingerunt in poros auri, eosq; dilatant, sic ut fiat solutio continui, rarefactus enim aer quærit majus spatium, ne ergò detur corporum compressio, cedunt puncta auri, fitq; solutio continui, nempe liquefactio, at recedente calore, atomisq; igneis, illicò, ne detur locus vacui, punctula auri coeunt, atq; recongelaſcunt in corpus æquè durum consistens & solidum ut antea, porro si atomi aerei sese insinuent, ut fit in trituratione & sublimatione, his certè recedentibus, illicò corpuscula coeunt, ut quilibet videt in antimonio, quod mediante aere in flores sublimatur, ita ut antimonium in minimos atomos resolutum existimetur, at in occluso tigillo suâ sponte in pristinam compagem redit, tum si omnis generis subtiles spiritus solventes & attenuantes aquas premanus sumas, illis quidem auri corpuscula sic in continuo dissolves & discerpes, ut mirè subtiliata, in forma liquoris vel spiritus, chartam, alembicum, ipsa etiam vitra penetrare possint,

60.
Liquefactio.

61.
Compressio.

62.
Metus loci vacui.

63.
Dissolutio in sublimatione florum.

64.
In solutione aquarum.

65. Interposi-
tio corpu-
sculorum
tenerorum,
66.
Subtilium,
67.
Gravium,
68.
Fixabilium.

possint, at ubi in ignis examen venerint, au-
rumque aliud metallum, in quod agere debe-
ret, reperit, statim peregrinum hospitem re-
linquit, qui humiditatis suæ naturâ ignem de-
serit, in calore evaporat, vel exsiccatur, at-
que ita aurum pristinam soliditatem & for-
mam recuperat. Vides ergò quòd neq; ignea
neq; aërea neq; aquea corpuscula subtiliati-
oni auri inserviant, ergò inquires terrea re-
quirentur, quòd concesserim, at interim me-
mor esto, quòd ejusmodi corpuscula terrea
primò debeant esse subtilia, secundò gravia,
tertiò dispositionis fixabilis, *subtilia* esse de-
bent, si enim essent grossa, non possent atte-
nuare aurum, hoc ergò cùm sit corpus cras-
sissimum, & compactissimum, necessariò ex
opposito subtilans requiret subtilissimum &
penetrantissimum, *gravia* imò gravissima esse
debent ejusmodi corpuscula subtiliantia, a-
liàs enim cum auro, corpore gravissimo, nul-
lam radicalem & homogeneam mixtionem
admitterent, levia enim supernatant gravi-
bus, neq; se unquam perfectè miscent. De-
niq; ejusmodi corpuscula subtiliantia, dispo-
sitionis *fixabilis* esse debent, nisi enim cum au-
ro figerentur, fixatione permanente, tum rur-
sus in igne evaporarent, relicto auro re-
concentrato; aut habere dispositionem fixa-
bilem fixationi auri convenientem, est habere
humiditatem in igne permanentem, quale hu-
midum incombustibile nullum corpus nec a-
nimale nec vegetabile habet, ergò necessariò
ad regnum minerale confugiendum, quod
constat

constat ex terris, lapidibus & metallis, salibus & sulphuribus, sed licet terræ, lapides, metalla, salia & sulphura ibi dentur, quæ fixa sint non tamen habent gravitatem auro convenientem, multo minus requisitam subtilitatem & penetrantiam, aut homogeneam cum auro commixtionem & fusionem; ergo necessario ad tale subjectum confugiendum est, quod prædictis requisitis pollet, tale autem est argentum vivum, ergo illud pro adæquata causa subtiliante aurum declaratur, *probo* autem argentum vivum esse omnium corporum subtilissimum, gravissimum & dispositionis fixabilis, proinde auro amicabile & homogeneum, nam constat, argentum vivum evaporare subtilissimi spiritus forma, penetrare vitra & metalla quæcunq; ipsum etiam corium, quod subtilissimus spiritus vini facere nequit, deinde gravitate proximè æquat aurum, adeo quod subtilissimum sit etiam gravissimum, tertio est argentum vivum materia incorruptibilis, & incombustibilis, nam utut-
cunq; in igne tractetur, semper se recolligit, neq; aduri taceo comburi aut corrumpi potest, sed est & manet semper materia homogenea, rotunditatem sphaericam auri instar servans, quod si aliquanto tempore cum auro vel argento digeratur atq; figatur præcipationem admittit fixissimam, quod signum est ipsum esse qualitatis fixabilis. Deniq; propter hæc attributa, magnam cum auro sympathiam & convenientiam habet, quod in amalgamatione ejusdem seu concoctione cum auro

69.

Cur argentum vivum sit causa subtilians aurum.

70.
Conclusio
pro auri
subtiliatio-
ne per argē-
tum vivum.

auro videmus , quàm avidè illud arripiat , quàm intimè ei associetur , quàm ægrè ab illo divellatur , quàm fluidum reddat aurum , ut etiam aliquoties cum illo tractatum ceræ instar fluat , ipsaq; vitra penetret , tingatq; , concludo ergò *aurum debet subtiliari & penetrans reddi , aliàs non agit in metallà nec alterat aut transmutat illa , non potest autem subtiliari nisi per subtilans , penetrantissimum , gravissimum & dispositionis fixabilis aurea , aut homogeneitatis cum auro , talium verò qualitatum subtilans nullibi reperitur nisi in argento vivo , ergò necessario sequitur aurum debere & posse per argentum vivum subtiliari.* Nunc ulterius agendum est de forma hujus subtiliationis , ubi absolutè concludo , aurum perfectè & essentialiter ac radicaliter debere assimilari & reduci in formam sui subtiliantis at forma subtiliantis est liquida , manus tamen non madefaciens , ergò aurum debebit reduci in formam liquidam manus non madefacientem , talis autem forma est forma argenti vivi , ergo aurum debebit reduci in formam argēti vivi , id est aurum debet fieri argentum vivum , & hoc est , quod Philosophi toties inculcant , *fac Mercurium per Mercurium* , si enim hoc certum sit , ut paulo ante sufficienter probavi , quod argentum vivum sit omnium corporum subtilissimum & penetrantissimum , insuper gravissimum , ac quoad fixationem & homogeneitatem auro propinquissimum , adeoq; ejus (auri) subtiliationi adæquatissimum , certè aurum in ejus naturam totaliter converti prorsus necessarium

71.
Aurum af-
similari de-
bet formæ
subtiliantis,

72.
Forma sub-
tiliationis
auri est
Mercuria-
lis.

73.
Aurum re-
ducen-

rium

rium erit, nisi enim hoc fieret, non contingeret vera subtiliatio, sed subtilians à subtiliato recederet, tum non potest alia forma auro assignari, si subtilietur, quàm forma argenti vivi fluidi, aurum enim debet servare qualitates suas aureas, & solum à statu soliditatis recedere in statum penetrantiæ; at soliditati propriè opponitur liquiditas, ergò aurum, si de soliditate recedere debeat, debebit assumere statum liquiditatis, omnis siquidem liquiditas penetrantior est soliditate, jam verò tantum sunt tres liquiditates, nempe ignea, aquea, Mercurialis. Dixi, quod liquiditas ignea post fusionem statim congelascit in frigore, aquea verò in examine ignis evaporet, ergò sola tertia restat, nempe liquiditas Mercurialis, in qua qualitates omnes auri etiam conservari possunt tanquam in liquore proprio & homogeneo, accidentia enim nullibi naturalius & integrius conservantur, quàm in formâ & materiâ, ast hanc argentum vivum in metallis esse præcedentibus thesibus demonstravi, ergò accidentia seu qualitates auri optimè conservabuntur in argento vivo; *Obicies* 1.

dum est in argentum vivum.

74.
Tres liquiditates ignea, aquea, Mercurialis.

aurum subtilitatum esse tincturam, at tincturæ formam non esse argentum vivum currens, alias enim non esset fixa, ergò auri subtilitati formam non esse currentem Mercurium, & distinguendo inter formam inchoatam, & inter formam absolutam, exempl. gr. forma inchoata embryonis consistit in tribus bullulis seu ventriculis, unde postea caput, thorax & venter formatur, at forma ab-

75.
Forma tincturæ non est liquida currens.

76.
Distinguendum inter formam tincturæ inchoatam & absolutam.

A a a

soluta

77.
Inchoata
currens.

78.
Absoluta
est pulvis
gummosus.

79.
Distin-
guendum
inter natu-
ralem & ar-
tificialem
metallorū
productio-
nem.
Naturalis
solā deco-
ctione.
Artificialis
decocti at-
tenuatione
absolvitur.
Proportio

soluta embryonis consistit in perfecta articulatione & effigiatione humana, sic, forma absoluta tincturæ est sulphurea vel gummosa, inchoata vero est aurum subtiliatum, nempe mercurificatum, seu in statum argenti vivi deductum. *Objicies.* 2. formam absolutam tincturæ non esse gummosam vel sulphuream, sed verè auream, metallicam, aurum enim in Mercurium reductum, non potest aliam finalem formam servare, præterquam metallicam, cum decoctio argenti vivi sit ejusdem forma perfecta, ergo decoctio argenti vivi constituit aurum, ergo ex mercurio auri aliud nihil potest fieri, etiam adhibitâ perfectâ coctione, quam aurum corporale, sed hoc est metallum solidum, ergo non tingit, ergo non datur tinctura & formam argenti vivi in metallis, in decoctione eorum Mercurii consistere, sub initium harum thesium ipse demonstravi, dixiq; metalla juxta gradus hujus coctionis specificari, auri verò argentum vivum esse perfectissimè decoctum, ergo auri formam solâ perfectâ decoctione à reliquis metallis præscindere, & hoc quidem in ordine circa productionem naturalem metallorum solidorum, verum circa productionem artificialem tincturæ, non valet hæc consequentia vel comparatio, nam in tincturificatione vel auri subtiliatione, non sufficit sola decoctio argenti vivi in auro, sed requiritur decocti sufficiens & frequens resolutio, coagulatio, seu ut vocant cohobatio, aut inceratio, unde fixi auri subtiliatio & penetra-

tio,

tio, consistit ergò forma argenti vivi in tinctu-
 râ, non in sola puritate & decoctione auri,
 sicut in auro corporali, sed præcipuè in subti-
 liatione, penetratione & exaltatione istius
 decoctionis argenti vivi in auro, est aurum sic
 subtiliatum necessario acquisivit aliam for-
 mam nempè majoris subtilitatis, ergò in coa-
 gulatione seu fixatione, necessario materia
 auri nempè ejus argentum vivum, se debet
 proportionare & restringere juxta suam for-
 mam (*materia enim nobilitatur juxta nobilitatem
 sue formæ*) quæ cum ut dixi sit subtilior quàm
 in auro corporali, (ubi cocta quidem, sed non
 subtilis, verùm spissa & solida fuit) ergò ma-
 teria etiam subtiliorem consistentiam assu-
 mere debebit, quàm si suscipiat, aurum so-
 lidum corporale amplius esse nequit, & hoc
 intelligendum est de ipsa quoq; tincturæ ma-
 teria, quæ quotiescunq; nova resolutione
 per Mercurium in Mercurium subtiliatur, Exaltatio
formæ tin-
cturæ.
 totiescunq; novam & subtiliorem formam
 acquirit, juxta quam materia tincturæ nem-
 pè argentum vivum restringitur, subtilia-
 tur & penetrans redditur, unde contingit,
 quod ob frequentiore penetrationem &
 subtiliationem semper plus metalla penetret
 & tingat, atque ita multiplicativa vi in qua-
 litate & quâritate augeatur, non secus
 ac vini spiritus, quò plus destillatur, hoc
 subtilior redditur, qui si vino, unde destilla-
 tus, reaffundatur, non tamen amplius pri-
 stinum vinum componet, etsi omnes partes
 componentes vinum adhuc simul sint, 80.
Vis multi-
plicativa
tincturæ in
qualitate &
quantitate.
 id- 81.
Exemplum
in vino.

82.
Mercurius
præcipita-
tus com-
munis.

que ob subtiliationem spiritus vini, quæ major est, quàm in vino erat. *Objicies.* 3. Te quidem concedere aurum per Mercurium in Mercurium redactum, cum denuo figitur, non amplius auri corporalis formam induere posse, cum Mercurius additus in atomis auri hæreat, corpusculaq; auri disjungat, eundem quoq; Mercurium, si cum auro figatur, id tandem sub pulveris rubri specie, quam præcipitatum vocant, ob oculos sistere, verum vel una vel altera principali qualitate tincturæ carere, nempe vel non esse fixum, & rursus in liquefactione ab auro separari, atq; ita auro re-concentrationem permittere, vel esse fixum sed non fusilem, atq; ita non habere ingressum in metalla, prout etiam fixissimi pulveres præcipitati, nihil operando neq; ingrediendo in metalla, testantur, te ergo concludere, aurum corporale, etsi per Mercurium subtiliatum, & formam inchoatam tincturæ adeptum sit, non tamen per illum in fixatione formam finalem & absolutam tincturæ (in fixatione & fusibilitate non metallica sed sulphurea consistente) acquirere posse. Ad quod &. si aurum in argentum vivum reduci possit, vel illud argentum vivum coagulabitur in digestionem vel non coagulabitur, si hoc posterius, tum etiam nullum argentum vivum in mineris vel arte in metallum mutari posset, imò multò minùs, cum argentum vivum crudum & in mineris, multò impuriùs & crudiùs sit, quàm illud, quod ex auro factum est, contradicit etiam

etiam experientia, ut postea audiemus & demonstrabimus, omne argentum vivum digestionem sola coagulari, quod in ejusdem præcipitatione videmus, præsertim in argento vivo ex metallis extracto, communi nempe plus cocto, quod paucorum dierum spatio in metallum figitur, si prius, quod argentum vivum auri digestum coaguletur, tum vel in metallum vel in aliquid quod subtilius metallo est, coagulabitur. *Dices*, coagulabitur in metallum, & quidem in metallum auro multo solidius, quoniam plus decoquitur Mercurius auri, hoc fit fixior, ergo metallum solidius, nam si primo perfectæ decoctionis gradu metallum ortum est ex Mercurio, quod aurum vocamus, corpus solidissimum, quid fiet, si aurum resolvatur in Mercurium & coquatur decoctione ut Philosophi vocant, plusquam perfectâ, nonne metallum prodiet auro multo solidius, multo compactius, id est, multo crassius, & proinde minus potestatem penetrandi, & transmutandi vel tingendi habens, adeo quod appareat, hanc methodum, aurum in Mercurium reducendi & denuo coagulandi è diametro tincturificationi contrariari, quæ in penetratione non in incrassatione consistit. *¶* Mercurium auri non posse in metallum coagulari, etsi enim ulterius, & ad plus quam perfectiorem arte decoquatur, non tamen sequitur illum ideò tot gradibus incrassari & solidari, operatio enim Philosophorum circa Mercurium solis, non consistit in solâ coagulatione non fit

83.
Mercurius
præcipita-
tus metalli-
cus.

84.
Argentum
vivum auri
in decocti-
one non fit

- solidius sed tione & decoctione, sed potius in frequenti
tenuius. solutione, subtiliatione, attenuatione, pe-
85. netratione, elevatione ac purificatione e-
Inceratio. jusdem, unde omnes Philosophi *solutionem*
86. *suam* tanquam clavem artis sic commendant,
Cohobatio atq; de ea, quæ nihil aliud est, nisi auri sub-
87. tiliatio, toties monent: *Cave coagulationem*
Coagulatio ante solu- *ante solutionem facere*, si ergò aliqui circa so-
tionem per- lam coagulationem auri occupati sint, sine
niciofa. prævia solutione, his concesserim suam ob-
jectionem, quod nempè nihil nisi durius me-
tallum acquisituri, imò aurum perdituri, ac
ad tingendum minùs aptum reddituri sint, &
econtra, quò plus aurum subtiliatur & coa-
88. gulatur, hoc plus etiam penetrat, & hoc plus
Materia re- stringitur tingit non ergò impedit coagulatio, sed finit
juxta nobi- negotium, si reiteratam solutionem debitam
litate for- sequatur, & tum talis Mercurius in corpus
mæ; acci- auri solidum re congelari nequit, ob indu-
dentia verò striam nempè longè subtiliorem formam jux-
immutan- ta cujus nobilitatem etiam materia restringi
tur juxta debet, *forma enim dat esse rei, at forma subtilia-*
perfectio- *ta debet etiam dare subtilius esse rei, sed subtilius*
nem mate- *esse opponitur crassiori & solidiori esse, ergò ne-*
ria. *cessario crassum & solidum esse argenti vivi auri,*
mediante subtiliationis formâ, mutabitur in sub-
89. *tilius esse;* subtilius autem esse, metallis dari
Accidentia nequit, citra accidentium immutationem,
Tincturæ ergò si argentum vivum, tanquam materia
quæ & qua- auri subtilietur & instruatur perfectiori for-
lia. mâ, necessario etiam omnia auri accidentia
90. subtiliora fieri debent, illa nempè, quæ à for-
Forma Tin- ma procedunt, ut soliditas, opacitas, color,
cturæ abso- fusio
luta qualis.

fusio, quæ in tenuitatem semidiaphaneitatem, colorem intensum, fusionem ceræ instar mutari debent, & hæc erunt vera accidentia formæ tincturæ, seu auri subtiliati, realgari vel sublimato auripigmento (si volatilitatem excipias vel combustibilitatem) non ab similibus: Quod verò dicas Mercurium communem additum aurum in subtiliatione & subsequente coagulatione in talem statum & formam, ob suam volatilitatem & stipticam fixitatem reducere non posse, facile concedero, si de communi Mercurio intelligas: Verum, si quæ Philosophi de suo singulari & Mercurio corporum ad hunc effectum destinato, requisita desiderant, in sequenti thesi percipies, obijcere circa hoc punctum, utique desistes. Mercurius enim communis est frigidissimus & humidissimus, interno igne pauperrimus, hinc seculo vix in perfectum metallum coagulabilis, in super livido, fusco, leproso, & arsenicali sulphure infectus, hinc in pulverulentam stipticam fictam & virulentam formam seipsum, præcipitans, Mercurius econtra Philosophorum vel auri & argenti proprium habet agens perfectum, calidum in definito humido, sulphur absolutum & fixum, coloris permanentis, substantiæ fusilis non virulentæ & salivatoræ, sed diaphoreticæ qualitatis, medicæ.

* * *

Aaa 4.

THE

THESIS V.

De objecti transmutantis, nempe auri penetrantiæ & subtilitatis acquisitione seu de forma tincturæ inchoata, id est, auri Mercurio, agitur in hac thesi specialiter de objecto aurum mercurificante, nempe de Mercurio Philosophorum ejusque præparatione.

Objectum, aurum mercurificans, seu subtilians & penetrativum reddens, nempe tincturificans, est argentum vivum currens, non vulgare quidem, sed Philosophicum, actu & motu, igne & archæo minerali vegetatum & animatum, calido innato & humido radicali, seu sulphure & sale metallico purissimo aureo exaltato, ex chalybe & antimonio arte extracto, constans, corpora metallica revificans, sympathicè attrahens, in illa agens, ex reactione incalescens, per corium & retortam secum arripiens, in minimis sibi uniens, ac in illorum primam materiam nempe in argentum vivum ea resolvens & generans.

Defensio hujus Thesis.

91.
Divisio hujus Thesis.

92.
Causa Mercurificans.

UT thesis probè intelligatur, & elucidetur, duo explicanda veniunt, primum quæ Mercuriorum, deinde quæ metallorum sit natura specifica, id est, quomodo se materia metallorum in statu libero & corrente, secundo, quomodo se in statu à forma sua coagu-

coagulato vel fixato habeat, seu ut clarius loquar, quæ sit causa materiam metallorū Mercurificans & fluidificans, & quæ sit causa materiam Mercurificatam coagulans & figens. Prius hac, posterius sequenti thesi exponam.

93.

Causa Mercurificatum coagulans.

Primum ergò quod attinet, nempe statum argenti vivi, sciendum est, duo circa illud considerata esse, primò ejus definitionem & differentiam, secundo ejus effectum. Definitionem expono: *Argentum vivum est species liquida sulphuris seu arsenici incombustibilis: vel Mercurius est vapor mineralis, unctuosus viscidus, crassus, in terra poris congelatus in liquorem homogeneum.* Quæ definitiones probantur ab experientia, est enim Mercurius liquor, nam fluit, est unctuosus, hinc sulphureus, nam manus non madefacit, est incombustibilis, non enim aduritur, etsi ignem fugiat, unde apparet esse vaporem & quidem mineralem, est namq; gravissimus, crassissimus & viscidus, quia globosâ rotunditate guttarum instar homogeneè sibi cohæret, vocatur aliàs humidū unctuosum, terrestre, subtile, æquâ cum terra sui generis perfectè mixtâ. Argentum vivum itaq; quomodocunq; sumatur, est materia mixta, cōstans ex quatuor elementis, prout omnia sublunaria, hæc tamen est cæteris longè fortius mixta, est enim neq; igne reliquis elementis exterminabilis & dissolubilis, licet aliqui sint, qui ejus anatomiam in partes diversas se invenisse jactitent, sed hi præcipuè errant, quod vel non cognoscant essentiam argenti vivi, quæ per *accidens* naturale in mi-

94.

Definitio Argenti vivi.

95.
Ejus fæce.

96.
Heteroge-
næ.

97.
Error illo-
rum qui
Mercurium
ex omnibus
rebus præ-
parare sup-
ponunt.

98.
Distinguen-
dum inter
rerum hu-
midum ra-
diale.

neris sulphure arsenicali humido acido vel
dolose per artem variis rebus adulteratur, &
miscetur, hinc metallum quoddam minerale
vel speciale compositum & mixtum vocari
potest, vel non cognoscunt subjecta illa, quæ
pro Mercurio discerpendo ei addiderunt.
Mercurium sub variis larvis rursus rejicere
atq; ejusmodi incautis anatomicis, imponere
solere, sciendum ergò est, quædam corpuscu-
la heterogenea essentiam ejus ingredi quæ
non sunt de naturâ ejus, ab his ergò abstra-
hendum & heic loci tantum de argento vivo
in seipso purè considerato, abstractis omni-
bus heterogeneis agendum, prætereundi
etiam sunt nugatores illi, qui ex sanguine, her-
bis, aquâ & aëre Mercurium elicere promit-
tunt, quod nunquam efficient, nisi casu, &
per errorem illuc devenerit, Mercurius enim
à natura pro humido radicali metallorum,
destinatus est, quorum natura humidum in-
combustibile expetit, ignem enim ferre de-
bet, è contra animantia & vegetabilia pro suo
esse, combustibili gaudent humido, non ergò
naturæ seriem confundere oportet, quæ san-
ctissimo ordine levia levibus, gravia gravibus
associat, Mercurius ergò cum sit corpus cras-
sissimum, meritò mineralibus debetur. Con-
cludo ergo argentum vivum constare ex ter-
ra & aqua, hujus mundi gravissima, & cras-
sissima, optimè invicem mixta, & subacta, pro
humido radicali metallorum à natura designata,
seu si mavis chymicè, argentum vivum est sal
acetosum naturæ mineralis, sic definiente Basilio
& Sen-

lio & Sendivogio, aut juxta meam mentem, ex physica mea subterranea & ejus supplemento, *argentum vivum* constat ex terra tertii generis, nempe ex terra salis acidi, unde imbibit sal urinosum, omneq; sulphur pestilens arripit, ut in lue venerea, peste sublimatione cum sulphure & sale videmus, cum quibus quandam habet analogiam, prout postea demonstrabitur. Nunc ad argenti vivi differentias progrediemur, ubi primo distinguendum est inter argentum vivum in actu & extra actum, in actu voco, cum in Mineris argentum vivum, spiritu quodam sulphureo, archæo minerali, igne interno, seu ut Basilii loquitur, primo mobili metallorum, imprægnatum agitur, atq; in coagulationem metalli tendit, & tunc propriè vocatur *vivum*, quoniam movetur motu physico ad finem sui termini, qui est metallum, sed argentum vivum extra motum, id est, extra mineras, est mortuum nempe quasi sanguis extravasatus, statim vita, motu, & calore privatur, ac proinde, nisi naturalis suus ignis vel motor accedat, neq; se movens, neq; ad finem metalleitatis ulterius tendens, cujus manifestum exemplum habemus in Mercurio communi, qui nullam cum auro notabilem reactionem incipit, quoniam igne interno caret, at quamprimum sulphureis subjectis, ex. gr. vitriolo aut metallis sulphureis, destillatur, & tum auro jungitur, tunc statim motu sensibili & mechanico illud attrahit, resolvit, ac resolvendo reagit, istaq; reactione notabiliter calcis vivæ instar excalescit,

99.

Argenti
vivi differ-
entia.

100.

Argentum
vivum in
actu.

101.

Argentum
vivum ex-
tra actum.

102.

Argenti vi-
vi motus &
reactio in
metalla.

103.

Ejus inca-
lescentia.

104.
Argenti vi-
vi triplex
forma ex-
terna. Cur-
rens. Cina-
brium. Ar-
senicum.

105.
Mercurius,
cinabrium,
arsenicum
in se con-
vertibilia.

lescit, verum si Mercurius taliter animatus, ante reactionem cum auro, tantum per aliquot dies in aëre stet, tunc amittit suum calorem, ignem, ac potentiam reagendi, & tam parum operatur, quàm communis Mercurius, ex quo clarè patet, communem Mercurium, extra actum esse, ergo aliquem in actu dari necesse est, ergo duplicis generis erunt Mercurii, unus in actu, alter extra actum. Cæterum Mercurius sive in sive extra actum, triplici facie comparere solet, vel in formâ corrente, in qua reperitur in mineris, & tum vocatur Mercurius virgineus, fortè quia non adulteratus, vel in forma cinabrii, junctus nempe sulphuri naturaliter, unde tale cinabrium nativum vocatur, vel in formâ arsenici aut realgatis, quæ decomposita etiam ars imitatur, cum ex Mercurio & sulphure cinabrium artificiale, & ex Mercurio & salibus arsenicum artificiale, quod sublimatum vocant, præparat, amat ergo Mercurius tam sulphur quam sal, nec mirum, etsi enim hæc tria coram oculis nostris diversa appareant, levi tamen negotio ex sale communi sulphur commune, & ex hoc Mercurius currens præparari potest, inprimis ex arsenico, ita ut sulphur arsenicale salis, & sulphur commune & Mercurius currens, ex uno fonte fluant, ejusdemq; quasi naturæ, arsenicum enim est argentum vivum decoctum aliquo modo, argentum vivum est arsenicum fluidum, sulphur commune participat de utroq; est arsenicale & Mercuriale, non secus ut supra dixi sperma, semen fœmineum,

neum, sanguis menstruus, omnia ex uno fonte sanguinis derivantur, neq; aliter quàm decoctione specificantur; licet, ut postea audiemus non negem in mutatione Mercurii, in cinabrium vel arsenicum, aliquod sulphur intermisceatur, separabile rursus à decomposito, interim tamen hoc certò statuendum, omne sulphur sive *phlogiston* sive arsenicale, esse Mercurialis naturæ, & procedere ex fonte Mercurii ac tendere ad eundem, ut postea de Mercuriorum coagulatione ulterius audiemus. Nunc de differentia Mercurii ad effectum ejus properabimus, qui duplex est, primum in seipso exercet, alterum in metalla intendit, hinc de Mercurio Philosophorum Sendivogius ait, *quod & sibi & aliis sufficiat*, additq; signa & effectus Mercurii Philosophici, discrepantia cum communi, Philosophicus enim ille Mercurius vocatur, qui *in actu* est, nominatur etiam *animatus*, quasi viveret, cum motum habeat, nempè animam mineralem, talis ergò Mercurius 1. seipsum coquit & perficit, atq; juxta gradus decoctionis in omnia metalla, tandem in argentum & aurum, ultimò volente artifice etiam in tincturam convertitur. 2. Mercurium autem philosophicum aureum esse, & tamen non ex auro communi productum non miraberis, si antimonium fusum in Mercurium communem effuderis, atq; scintillulam hujus veritatis & magnetismi inveneris & videas, disparitatē cum communi de philosophico ergò non mirum, cum nihil aliud sit, quam *verum aurum liquidū*,
hinc

106.

Argenti vivi
effectus.

107.

Argentum
vivum in
seipsum
agit.

108.

Mercurius
Philosophi-
cus qualis?
quæ signa?
ejus quinque
effectus.

hinc argento illinitum & ab eo evaporatum, illud optimè deaurat, cum alias tamen totum in igne evaporet, atq; omnis corporalis auri expers sit. Hinc in rosario legitur, *argentum vivum per se nil valet, cum verò mortificatur cum corpore suo occulto, tunc valet & vivit vitâ incorruptibili, & hoc corpus est de naturâ Solis, ideo necesse est, quod totum argentum vivum convertatur in substantiam solis, sicut fermentum totam pastam convertit in naturam fermenti.* Et hoc est quod Philosophi dicunt, *ignis & Azoth sufficiunt, vel si scis ignem, Mercurius tibi sufficit*, quod Mercurius communis nunquam præstat, etsi enim plurimos annos digeratur, non tamen vel metallum vel tinctura fiet, teste experientia, tum Mercurius Philosophorum non solum prædictum effectum in se exhibet, sed & in metalla potenter agit, nempe 3. resolvendo illa præsertim aurum reactione manifestâ in amalgamatione ad fervorem & excalescentiam usq;, attenuando illa 4. ut per corium transeant & arripiendo illa 5. per retortam secum, ita ut indivisibiliter cum illo permaneant, qui sanè posteriores tres effectus perfectam metallorum attenuationem & subtiliationem per Mercurium demonstrant, quod unice in desideriiis & quæstione est. *Objicies*, esse impossibile talem Mercurium, qui hos effectus præstet, dari. R. autem, posse hos effectus probari experientia & ratione, nam 1. ut tantum de communi Mercurio loquar, qui licet seculum digestus per se non nisi in virulentum præcipitatum & non

109.

Argentum
vivum
commune,
agente in-
terno potest
animari,

& non fixum mutaretur, nihilominus suo ut etiam
 vero agente igne & archæo minerali pene- extra mi-
 tratus paucissimo tempore in metallum pri- neras fiat
 mō imperfectum, deinde etiam in perfectum metallum.
 mutatur, adeò quòd etiam extra mineras
 natura adjuncta arte, adhibitis tamen requisi-
 tis naturalibus vera metalla producere, atq;
 imperfecta maturare possit, prout id singu-
 lari experimento singulis diebus demonstra-
 re possum; ergò clarum est posse etiam
 communi Mercurio agens & vitam inprimi,
 ut animetur & moveatur motu physico, no.
 qui tendit de liquido ad solidum. 2. Porro Amalga-
 manifestum est, aurum cum communi Mer- matio solu-
 curio amalgamari; atqui nulla datur amal- tionem hæc
 gamatio sine solutione, & nulla solutio si- reactione,
 ne reactione, nulla vero reactio sine effe- illa effe-
 vescentia, & nulla effervescentia sine cal- vescentiam
 ore, ergò clarum est Mercurium quemcunq; supponit?
 etiam communem in amalgamatione auri ex-
 calefcere, licet ad tactum insensibiliter, quo
 fortior autem est Mercurius saleq; metal-
 lico imprægnantior, hoc fortius etiam au-
 rum resolvit, & hoc fortior erit reactio,
 ejusque effervescentia & calor, prout de
 Mercurio superius per vitriolum acuato
 demonstravi, tum clarum est, arsenicum
 commune metalla solvere, atqui Mercuri-
 um communem arsenicum fluidum esse su- III.
 perius demonstravi, ergò etiam metalla re- Mercurius
 solvet, quod manifestè in stanno & plumbo metalla sol-
 videmus, præsertim si commixta sint, quæ vit & in vir-
 etiam in frigido à Mercurio resolvuntur, & tute suâ so-
 exedun- lutoriâ an-
 geri potest.

exeduntur ac perforantur, ergò clarum est Mercurium metalla solvere, quid autem implicat, si ea solvat, cur non in virtute sua solutoria exaltari possit, ut posse jam demonstravi, sunt enim corpora quædam mineralia & decomposita ut Regulus antimonii, quæ in amalgamatione Mercurium minimè assumunt, eū respuunt, neq; cum eo sociari, aut resolvi patiuntur, attamen si spiritu salis & vitrioli irrorentur ac dextra trituratione in amalgamatione tractentur, Mercurius sic fortificatur, ut subiecta hæc quasi heterogenea vincat, eaq; resolvat, at cum illis amalgametur, quod evidens signum est, Mercurium in virtute amalgamatoria exaltari & juvari posse, ergò & in qualitate resolutoria. 3. Quod verò Mercurius Philosophorum aurum sic attenuare possit, ut cum illo corium transeat, etiam non impossibile est, si fortiùs & intimiùs aurum solvat, quam communis Mercurius, cujus amalgamatione non modò aurum per corium non transit, sed & magnam partem Mercurii in corio secum detinet, quod signum est, *aurum plus in Mercurium eum incrassando, quam Mercurium in aurum agere id resolvendo,* sed maneamus pro exemplo in Mercurio communi, qui, si æquali pondere cum marcasita & plumbo fuso misceatur, & donec frigeat, baculo misceatur, ita per marcasitam in virtute solutoria augebitur, ut plumbum sic resolvat, ut non modo in frigido non consistat, sed & per linteum & corium communis Mercurii instar, totâ suâ substantia transeat, quid

112.
Metalla cū
Mercurio
corium
transcunt.

113.
Experimen-
tum.

quid dices ad hoc? certum enim est plumbum esse corpus valde grave, tenax & crassum, neq; facilè corium transire, certum etiam est, Mercuriũ odore plumbi plus coagulari quàm resolvi, ergò certum est, virtutem resolutoriam magna ex parte à marcasita procedere, sine hac enim negotium non succedit, quinimò marcasita antimonio ac aliis metallis colliquefacta omnia illa, etiam alias Mercurii consortium abhorrentia, cum ipso unit, molliissimum amalgama producit. Dixi paulò ante, vim resolutoriam ex parte ex marcasita prodire, quoniam ipsum plumbum multum ad hanc solutionem facit, sola enim marcasita sine plumbo non transit cum Mercurio per corium, sicut plumbum non sine marcasita, & quod magis mirum, ubi corium omnia tria (Mercurius, marcasita & plumbum) transierint, aliquot dierum spatio, potior marcasitæ pars ad superficiem ejicitur, manente plumbo perpetuum fluido, haud aliter ac fermentum cerevisiam fermentat, & finita fermentatione ad superficiem ejicitur, porrò si cum plumbo particulam cujuscunq; metalli vel Reguli antimonii liquefeceris & postmodum cum marcasita & Mercurio prædicto modo tractaveris, plumbum quidem in Mercurium resolvetur, & per corium transibit, sed admixtum metallum ad granum usq; separabitur, & in corio manebit, ergò clarum est, *quedam metalla esse magis solubilia, quedam minus*, prout postea demonstrabimus, cum de metallis eorunq; causis mercurificationem

nem impredientibus agemus; sed & hoc evincitur, *esse quoddam aliud minerale fortioris salis & purioris quam marcasita, cujus ope additoq³ loco plumbi argento, Mercurium taliter acui posse, ut ipsam aurum sic resolvat, & attenuet, ut cum Mercurio sicut plumbum corium transeat, dico non implicare, cum talis implicantia non possit dari ratio vel contraria experientia, tam enim difficile est, ut plumbum corium transeat, quam aurum, & si detur modus attenuandi plumbum, certè etiam auro non negabitur, quod multo purius ac extensibilis plumbo est, prout in utriusq; foliatione apparet. 4. Quod Mercurius Philosophorum aurum se cum per retortam ferat, atq; sic indivisibiliter cum illo misceatur, id est, quod aurum essentialiter emolliat, atq; verè mercurificet, tam parum mirum quam quod aqua fervens glaciem dissolvat, cum Mercurius communis tanquam aqua frigida respectu Mercurii Philosophici, si vel modice juvetur atq; acuetur, simile quiddam præstet, sed majorem sui quantitatem, tempus majus, & operationem operosam desiderat, clarum enim est, levi negotio, mediante Mercurio & sulphure communi, ex omnibus metallis, ex ipso etiam auro cinabrium præparari posse, ita enim Mercurius per sulphur in potestate sua volatilificatoria, exaltatur & augetur, ut gravissima quæq; corpora in sublimatione secum elevet, præsertim si corpora taliter cinabrisanda & elevanda aquis vel salibus corrosivis & penetrantibus*

114.

Mercurius
aurum per
retortam
elevat.

tibus prius disponantur, ut citius eleventur, sic enim maximam partem cum Mercurio sublimabuntur, ac in cinabrium convertentur, cinabrium verò levi negotio revivificari posse experientia docet, neq; opus est multum protestari super volatilisatione auri per Mercurium, plusquam vellent, sapè experiuntur pauperes Alchymistæ, Mercurium furem esse, at nesciunt illum, si capiatur, furtum hoc cum lucro rependere. Si ergò, ut ex ante dictis hætenus claruit, communis Mercurius in eum statum produci potest, ut præfatos essentielles effectus Mercurii Philosophorum particulariter tamen præstet, ergò de ipso Mercurio Philosophorum planè non dubitandum erit, quod vel non dari, vel tales effectus non edere possit. *Objicies*, Mercurium Philosophorum non dari à natura, ergò etiam non per artem, non autem dari per naturam, experientia docet, nam nunquam talis Mercurius in mineris repertus est, qui hæc suapte præstet: Ad quod *ꝛ.* negando primò consequentiam, multa enim artefacta dantur, ut sapè, vitrum, orichalcum &c. quæ à natura non dantur, deinde negotio subsumptum, non dari à natura Mercurium in actu, nam si talis non daretur, etiam nulla producerentur metalla, sed posterius repugnat experientiæ & rationi, ergò, & prius etiam autopsia constat, agens metallorum in mineris esse calidum, æstuant enim antra fodinarum non rarò præ calore sicut balnea, docent enim lapides etiam opacissimi

115.

A natura
ad artem
non valet
consequen-
tia.

116.

Datur Mer-
curius Phi-
losophorū
à naturâ.

117.
Sed actu
rarò inve-
nitur cur?

& solidissimi ac durissimi se esse Mercurio penetratos, multò subtilius quàm per corium, in medio enim illorum aurum finissimum reperiri, ut dixi, autopsia docet, tum agens illud minerale Mercuriale, metalla, ipsum etiam aurum resolvere ac volatilifare in mineris experientia docet, adeò ut ubi ante centum annos metallum fuit, jam nullum, & ubi nullum metallum, jam metallum reperies, sicut omnes desideratas qualitates Mercurii in mineris invenies, at quod actu Mercurius currens ibi reperiatur, qui has qualitates habeat, fateor rarissimè contingere, natura enim cum Mercurium eò perduxit, atq; anima minerali instruxit, non finit ipsum diu otiari, sed quasi in momento ipsum constringit in *massam metallorum proximam, quam Philosophi materiam secundam, & chaos vel rudimentum metallorum, electrum seu primum metallum vocant*, unde postmodum varias metallorum species induit, donec ad auri decoctionem veniat, de hoc metallo primo Helmont ait, *Metallus primus seu masculus, ab indole metallica necessario vestitur Mercurio & sulphure metallicis*, sed de hoc postea plus, ubi de metallis agam, hoc loco id tantum inferre volo, non sequi, quod *in quibuscunq; mineris metallum aliquod reperitur, in his etiam debere Mercurium currentem reperiri, neque etiam metallum primum*; sed sufficit quiddam simile seu analogum, nempe in omnibus mineris aliquid Mercuriale, arsenicale, antimoniale, vel sulphureum reperiri, ex quibus omnibus vel singulis, arte nimirum,
metal-

metallorum agens, nempe Mercurium animatum elici poſſe, experientia docet. *Objicies*, ſi in his immaturis mineralibus eſſet vis quædam agens mineralis, tum illa tenderent ſua-
 pte natura & proprio motu ad finem ſuæ perfectionis, nempe ad ſtatum aureitatis, ſed compertum eſt, illa etiam arte adjuta, neq; longiſſimâ etiam digeſtione vel granum meliorari, ad quæ &. hæc nihil inferre, quemadmodum enim immatura uva, abſcerpta à vite, eſſi quocunq; calore digeratur, non maturatur, quia præſciſſa eſt à vite & trunco, unde influit agens ſeu ignis naturæ, nempe humor quidam alimentitius, qui uvam perficit & maturat, adjutus ſolis calore, nam *ſolus calor niſi agat in debito humido, non ſufficit ad maturationem*, ita minera excerpta ex monte, præſciſſa & privata eſt, omni ulterius influvio Mercuriali, requiſito ad ulteriorem maturationem, hinc non mirum, quod *ſolus calor instrumentalis, non ſufficiat ad talis minere maturationem extra mineras*, ſed requiratur etiam humiditas Mercurialis, id eſt, Mercurius activus, proprio calore inſtructus, neq; tamen omnimodè arti via præcluſa eſt, ejusmodi mineras, etiam extra fodinas maturandi, modo ignem adhibeant naturæ, certè ſolo communi ſulphure, & Mercurio, ſcio omnes mineras & metalla, etiam fuſionem jam paſſa, ſic maturare, ac ulterius coque-
 re, ut valde notabilem copiam argenti & auri relinquunt, idq; exiguo tempore, ſulphure & Mercurio nec purificato neq; bene
 Bbb 3 juncto,

118.

Ignis naturæ ſeu mineralis præſentia immatura metalla perficit, abſentia in ſtatu imperfecto relinquit.

119.

Experimentum maturandi metalla.

120.
Unde Mer-
curius Phi-
losophorū
constet?

121.
Sal metal-
lorum est
metallicū.

122.
Metallorū
sal & sul-
phur humi-
dum radi-
cale & cali-
dum inna-
tum. Ani-
ma, spiritus,
corpus.

123.
Differentia
inter Mer-
curium

juncto, sed ut sic loquar, crasso modo appli-
cato, quid ergò faciet Mercurius Philosopho-
rum? tanto sale, tanto sulphure, seu tanto hu-
mido, & tanto igne abundans? sed propere-
mus ad finem hujus thesis nempe ad objectū
Mercurificans, seu Mercurium Philosopho-
rum, quem dixi constare ex *purissimo sale me-
tallico, & sulphure aureo embryonali*, non mo-
veantur hic Alchymistæ, qui sub vocabulo sa-
lis, sibi communem formam salis imaginan-
tur, non attendendo, quod sal metallorū, sub
specie metalli veri compareat, certè antimo-
nium & marcasita sunt corpora prorsus sale
metallico constantia, quod patet ex illorum
vi resolutive, atq; effectū salino, & tamen non
apparent sub forma salis, quod etiam de sul-
phure intelligendum metallico, nam sicut
*omnis Mercurius metallorum est verum metallum,
ita omne sal metallicum est verum metallum*, nam
Mercurius, sal, & sulphur sunt, *idem substantiā,
sed diversa ratione cōctionis*, intensiōis & con-
junctiōis, sulphur est metallorum calidum
innatū, sal est metallorum humidum radicale,
Mercurius est calidum innatum & humidum
radicale conjunctum, seu sulphur est anima,
sal est spiritus, Mercurius est corpus & vincu-
lum, in quo anima & spiritus habitant & ligantur,
vides ergò compositionem Mercurii so-
phici, & in quo differat à Mercurio communi,
nempe quod is se habeat ut corpus mortuum
exanimæ, exspirans, vel ad minimum agoni-
zans, id quod defectu spiritus vitalis & animæ,
quodlibet malignum sulphur irrumpit, non
secus

fecus ac in corpus humanum, quamprimum id vitâ carere incipit, putrefactio corruptiva intrat, prout autem si quis in potestate sua animam ponendi haberet, nulli corpori convenientius communicare, & resuscitare posset, quàm illud, ex quo pauco antè, exspiravit, & quod jam animæ dispositiones & operationes expertum est, ita sane anima metallorum nulli subiecto convenientius communicari potest, quàm argento vivo comuni, vel argento vivo in metallis, quod jam virtutem hujus animæ mineralis in digestionem, coctionem & coagulationem sui expertum est, hinc argentum vivum metallorum semper comuni cocius est & digestius, taceo quod per animam seu ignem mineralem in metallis quiescens vita & spiritus, quasi coagulata & sigillata denuò resuscitentur, atq; in motum deducantur: Sed *objici-*es hunc ignem mineralem non dari, aut ab arte applicari posse, vel enim quærendus erit in mineris, vel extra mineras in mineralibus, at nullibi horum locorum reperiri potest, ergo arte tractari nequit, putas te minorem probare, cum dicis, ignem hunc in mineris reperiri non posse, multò minùs extra mineras in metallis, si enim solum in mineris reperiretur, tum omnes Philosophi ex fodinis suam materiam eruere, imò in ipsis mineris & fodinis laborare debuissent, cum extra mineras ignis hic mineralis cesset, nam si non cessaret, mineralia etiam hoc igne referta extra mineras perficerentur, sed prius est absurdum & posterius experientiâ refuta-

124.
 Agens, anima seu vita mineralis, cui corpori resuscitando plus competat.

125.
Distinguen-
dum inter
animam in-
habitantem
& inter ani-
mam ope-
rantem.

126.
Anima seu
ignis mine-
ralis in
multis sub-
jectis mine-
ralibus latet
& est, sed
non agit &
impeditur
in actione
suâ.

tur, ergo, neq; in mineris, neq; extra mine-
ras hic ignis reperiri potest, ita ut ad designa-
tum finem, nempe metalla revificandi, atq; in
actum maturationis deducendi proficit. & di-
stinguendum esse inter animam inhabitantem
& animam operantem, potest enim inhabita-
re anima corpus quoddam sine operatione
suarum facultatum ex. gr. in infante, anima
nec loquitur nec intelligit, nec ratiocinatur,
in furdo non audit, in cæco non videt, in
paralytico non sentit, idq; ob instrumenta &
materias oppositas, quibus impeditur in o-
peratione sua, interim tamen negandum non
est, in infante, cæco, furdo, paralytico,
æque perfectam animam, ac in aliis corpori-
bus, in quibus plenè anima suas facultates
exercet, habitare: sic in argento vivo com-
muni in marcasita, antimonio, plumbo, stan-
no, cupro, ferro, &c. æque est ignis mine-
ralis, ac in ipsis mineris, sed partim debilis,
partim impeditus, partim vitiatus à subjecti
corporis materia, sulphure puta vel arsenico
impuro immaturo, imperfectè cocto, quod
vitium quidem in mineris superaret longo
tempore & accedentibus continuis influviis
novi ignis, ante tempus verò ex mineris ex-
cerpto metallo, isto gradu decoctionis hæret,
quæ metallicolæ manus ipsum eruit. Non
aliter ac granum tritici in granario ignem su-
um continet, sed quiescentem & ulterius non
operantem, quippe sigillatum, donec ab
igne naturæ, qui in humido terræ latet, si
ei granum tritici committatur, resuscitetur,
& revi-

& revivificetur, tum enim ignis internus occultus tritici actum incipit, excalescit, atq; in cy-
 mas excrescit, quod sine resuscitatione sui ignis nunquam faceret, sic metallorum & mineralium ignis manifestatur, si impedimenta ei demantur, quæ illum impediunt, constri-
 gunt, atq; sopiunt, hinc scitè periti metallico-
 læ, omnia mineralia & metalla in duas classes distinguunt, vocantque unam ein wachend Metall / quod nempè in actu decoctionis est, alteram nominant ein schlaffend Metall / quod nempè extra actum est, & impèditur.

Interrogabis porrò, dato quòd ignis mineralis ex mineralibus & metallis elici, atq; in actum deduci possit, in quibus metallis id potissimum lateret, aut eruendus esset. Dico, quod sicut perfectio alicujus animæ appareat nobis ex facultatibus ejus, in corpore cætera præcellentibus, ita etiam intensio ignis seu sulphuris & subtilitas aquæ seu salis mineralis, ex corporibus mineralibus eorumq; effectibus cognosci potest, quibus reliquis excellentior inest, at inter omnia metalla & mineralia nullum reperitur, quod calidius sit, aureoq; sulphuri vicinius & universalius quàm ferrum, quod patet ex calcinatione tartari cum regulo Antimonii Martialis in occluso, ubi sic incalescit, ut massa hæc pulverisata, sic siccissima, omne combustibile sine ullo igne incendat & consumat. Item ex reactione ferri in aqua forti, ex combustionem in igne, & si cum auro lique scat, absorptione, ex attritu ejectis igneis scintillis, ex vicinitate cum

127.

Proindè liberandus & resuscitandus.

128.

Metalla in duas classes distinguuntur.

129.

Agens igneum in ferro.

auro, ejusque exaltatione, est enim Solis & Martis domus communis *aries*, ex universali diffusione & magnetismo Martiali per universum orbem, à polo arctico ad antarcticum, omnis enim limus, lapis, & glarea potentiale sulphur ferri, teste experimento in supplemento ad Physicam meam subterraneam habet, sulphur vero ferri & auri unum esse in potentia, experimentum probat, quo sulphur Martis omnes auri probas sustinet, illud nempe, quod præmissa calcinatione & extractione facili negotio in perfectum aurum transit, quæ & similes plures communes affectiones ferri cum auro, cum sulphure, cum magnete, cum calore, indicant *in chalybe latere, verum ignem mineralem, primum mobile metallorum, seu embryonale sulphur aureum, quod Mercurium communem animat & in ætæum deducit.* Quod verò sal resolutivum metallorum, seu humidum radicale metallorum attinet, dico illud in *antimonio excellere*, nullum enim est minerale, quod omnem limum, glaream, lapidem & metalla, ipsum etiam aurum sic resolvat, quàm antimonium, *nullum* omnium metallorum & mineralium tam tenuiter, imò tenuius, quàm spiritus vini fluit, ac antimonium, unde à Typothetis in fusione literarum adhibetur, *nullum* denique est minerale sulphuris Martialis sic appetens quàm antimonium, unde illud aquæ instar resolvit, mixtumque facit, quod *Regulum* vocant

130,
Sal resol-
vens in an-
timonio.

vocant, & deniq; *nihil* est quod ferrum attrahit, præterquam magnes, at, magnetem, magnesiā, arsenicum, antimonium ejusdem generis esse vel similis effectus demonstrat, in dealbatione & clarificatione vitrorum, prout vitriarii norunt, attrahit enim ad se semen & sulphur ferri, quod in silicibus vel arena latet ac universaliter disseminatum est, unde vitra tinguntur colore ingrato, quæ proinde subjectis his arsenicalibus clarificantur, *nihil* tandem est quod aurum sic purificet & exaltet quàm antimonium, concludo ergò finaliter hunc articulum de ingredientibus Mercurii sophici, nempe in *Marte latere metallorum ignem, sulphur, calidum innatum, illorum verò humidum radicale, & sal resolvens in antimonio esse*, hæc duo conjungi vinculo & incorporari in communi argento vivo, *esseque illa duo in Mercurio unum*, talem verò Mercurium fieri vivum, animatum, resuscitantem, emollientem, aurum denique subtiliantem, penetrativum reddentem, intimè solventem, atq; in Mercurium, nempe in formam inchoatam lapidis deducentem.

131.

Mixtura
falis & sul-
phuris me-
talli in re-
gulo anti-
monii.

132.

Mixtura
Mercurii
philosophi-
ci.

T H E S I S VI.

De subjecto Mercurificabili,
nempe de auro & reliquis metallis, eorumq;
præviâ præparatione in ordine ad mer-
curificationem.

*Subjectum Mercurificabile seu subtiliandum,
est aurum & argentum, & hac occasione
omne*

omne metallum, in Mercurium reducibile, cujus vis coagulans resolvi debet, quæ vel à sulphure combustibili vel arsenicali vel fixo constat, hinc tres viæ sunt ad Mercurificationem, seu liquidificationem juxta præfatos tres gradus metallica soliditatis, primi duo sine Mercurio, tertius verò gradus absq; Mercurio difficulter emolliiri potest, primus gradus nempe **CONSISTENTIÆ** per separationem sulphuris adustibilis, secundus gradus **COAGVLATIONIS** per sulphuris arsenicalis resolutionem; tertius gradus **FIXATIONIS** per sulphuris decocti emollitionem revivificandus est. 1. Separatio sulphuris adustibilis fit per subjecta siue metalla siue salia siue terras à sulphure communi reactionem suscipientes. 2, Resolutio sulphuris arsenicalis fit per sal quoddam inter fixum & volatile medium, quod sulphur arsenicale nec figit nec volatilizat, sed illud resolvendo Mercurium metalli liberat, tale sal oritur ex reactione alcali & salis urinosi, ex qua reactione terra fixa alcali precipitatur, & urinosum separatur coeunte sale quodam tertio inter alcali & urinosum medio, quod tamen utriusq; est nature, saline & sulphureæ, nempe saponatæ, quod quidam alcali volatile vocant, seu pinguedinem fixam volatilifatam, cui sali medio seu alcali volatili metalla conjungenda, atq; sic Mercurificanda sunt, qua ratione etiam Mercurius desideratus ex Marte & Antimonio preparatur. 3. Sulphuris fixi emollitio fit per Mercurium Martis & Antimonii successivè, aurum tamen ex hoc Mercurio factum facilius emollitur,

quàm

quàm commune, quod quidem etiam habilita-
tione levioris amalgamationis, sublimationis,
& fusibilitatis ad emollitionem Mercurialem
pro lucrando tempore facilitari & disponi potest

Defensio hujus Thesis.

HActenus de Mercurio Philosophorum,
nempè de objecto, aurum aliaq; metalla
mercurificante, ejusq; conditionibus egimus,
nunc restat, ut de subjecto mercurificabili
nempè de auro reliquisq; metallis agamus, id-
que rursus duplici consideratione, primò
quæ sit vis coagulans metallorum, deinde
quomodo ista vis coagulans, in quantum pos-
sibile, infringatur, ne objecto mercurificanti
resistat, id est, ut *subjectum* vel *passivum* diriga-
tur, ad *objectum* nempe *activum*, cùm igitur
hactenùs de *objecti activi* natura, nempe Mer-
curii Philosophorum, & effectu, nec non e-
jus qualitatis mercurificantis intensiōe &
fortificatione egerim, necessariò etiam non-
nulla de subjecti passivi nempe metallorum
natura & effectu, nec non illorum qualitatis
coagulantis relaxatione & debilitatione pro-
feram, sicut enim non sufficit, ut magnetem
robores, seu, ut vocant, armes, quo pronus
ad attrahendum reddatur, inq; facultate sua
tractoria augeatur, nisi interim etiam ferreum
vel chalybeum clavum muro infixum taliter
liberes & resolvas, ut attrahentem magne-
tem sequi possit, ita non sufficit, ut Mercuri-
um animes, atq; in facultate sua mercurifi-
cante augeas, nisi etiam metalla ut subjecta

mer-

133.

Requiritur
dispositio
passivi ad
activum
nempè

mercurificandi metalli ad mercurificationem.

134.

Causa coagulationis metallorū provenit ex sulphure argenti vivi.

Mercurificabilia, sic à causa sua coagulante & figente liberae, ut objecto Mercurificanti obedire, in ejusque naturam liberè transire queant, scio te statim sub initium hujus disceptationis interlocuturum & objecturum, metalla in Mercurium reduci posse sine Mercurio, ergo non opus esse Mercurio ad Mercurificationem. R. autem ad hanc objectionem, ubi prius nonnulla de metallorum coagulatione præmiserò, scias itaque omnia metalla ex argento vivo constare, ut præcedente thesi secundà demonstravi, si quid plus contineant, illud est heterogeneum, puta lapides, glareas, aliaque, illud verò argentum vivum metallorum propriam suam causam coagulantem, nempe ignem seu sulphur in se continet, qui movetur & excitatur motu externo elementorum, atque ita quod in se continet argentum vivum perficit & coagulat sine alia substantia vel re, quod clarè docet Bernardus Comes Trevisanus Philosophus excellentissimus, cum scribit: *Videamus, quomodo naturaliter fiant metalla, composita ex quatuor elementis, ut Mercurius, quæ elementa si moveantur, calefaciunt Mercurium, & Mercurius per hunc motum, naturalem calorem accipit, & ita ignis, qui inest Mercurio, cum aëre movetur, & paulatim excitatur, quia sunt aqua vel terra digniora elementa, sed tamen humiditas dominatur in Mercurio, & capit motum ignis & caloris. Cui ad stipulatur Geber Philosophorum princeps, cum ait: In profundo Mercurii est sulphur, quod coquit*

coquit & perficit illum longâ morâ in venis minerarum terre, & de Mercurio activo vel Philosophorum confirmat Marienes sequentia, in nostro Mercurio est sulphur fixum, & incombustibile, quod nostrum opus perficit sine alia substantia vel re, nostrum enim argentum vivum in profundo habet suum sulphur fixum & incombustibile Mercuriale, & per illud sulphur sunt diversi colores metallici (scilicet juxta gradus decoctionis) & quando illud sulphur excitatur, tunc coquit & temperat qualitates humidas & frigidas, & dominatur perpetua constantia illis. Ergo ut ad propositum veniamus, dico, motum naturæ physicum in omni generatione tendere de liquido ad solidum, sic in mari generantur pisces, omne semen animalium de liquido tendit ad solidum, omnis aqua pluvialis terræ commissa, ex liquida fit in fructibus solida, sic etiam Mercurius tendit de liquiditate in coagulationem & fixationem, cujus coagulationis & fixitatis causam & radicem in se ipso continet, tendit nempe omnis Mercurius ad statum sulphureitatis, quod ex solâ digestionem Mercurij communis videmus, qui sine ulla alia materia vel re, se in pulverem præcipitat ficcissimum, verum sicut tres sunt gradus soliditatis, nempe *consistentia*, *coagulatio* & *fixatio*, sic etiam tres sunt materiales gradus sulphuris, *primus* est sulphureus, volatilis & combustibilis, *alter* arsenicalis mediocriter ignem ferens & tardè combustibilis, *tertius* est metallicus, fixus & incombustibilis, hinc

135.

Argentum
vivum ten-
dit de liqui-
ditate in so-
liditatem.

136.

Tres gra-
dus solidi-
tatis.

Tres gra-
dus sulphu-
ris.

Tres gra-
dus coagu-
lationis
hinc argenti.

vivi in mineris.

137.
Consistentia argenti vivi in cinabrio.

138.
Coagulatio argenti vivi in metallis imperfectis.

139.
Fixatio argenti vivi in metallū fixum.

140.
Tres species mineraliū.

141.
Methodus metalla mercurifi-

hinc etiam tres gradus coagulationis argenti vivi in mineris, primo gradu Mercurius sulphur combustibile ex se dejicit, mediante quo *forma solida* consistit, sed volatilis, combustilis, nec ignem ferens, ut videmus in cinabrio, altero gradu Mercurius sulphur arsenicale ex se digerit, mediante quo coagulatur *coagulatione fusili*, fertq; aliquantū taliter ignē, repræsentatq; metallum varium, juxta diversos gradus depurationis & coagulationis, istius sulphuris arsenicalis, tertio gradu Mercurius sat depuratus suā substantia decoquitur & alteratur in sulphur purum, grave album vel citrinum, *fixum*, quod argentum & aurum vocant, sunt ergo tres species mineralium, *prima*, ubi illorum argentum vivum tantum consistit mediante sulphure adustibili, ut in cinabrio, *altera*, ubi cum sulphure adustibili convenit sulphur arsenicale magis digestum, quod argentum vivum coagulat, sed ignem fugit, ut in antimonio, marcasita, zinckio, vel ubi sine sulphure adustibili, solum est sulphur arsenicale, quod argentum vivum sat tenaciter coagulatum & fusile in igne tenet, ut sunt quatuor metalla, plumbum, stannum, cuprum, ferrum; *tertia*, ubi totum argentum vivum perfectā decoctione decoquitur in purum sulphur fixum, album, vel rubeum, nempè argentum vel aurum, quæ duo metalla proindè sunt homogenea, neq; ex diversis partibus, prout reliqua metalla & mineralia constant. Ex his prædictis facilè patet, quod methodus metalla & mineralia mercurificandi non

di non sit una eademq; sed triplex, juxta tri-
 plicem gradum soliditatis, nempe consisten-
 tiæ, coagulationis & fixitatis, *aliter* enim ar-
 gentum vivum in cinabrio, sulphure adustibi-
 bili constrictum, *aliter* argentum vivum in
 metallis sulphure arsenicali coagulatum, *ali-*
ter argentum vivum in argento & auro per-
 fectâ decoctione in substantiam sulphuris re-
 ductum & alteratum revificatur, nunc ut ad
 diluitionem objectionis præmemoratae veni-
 am, dico quod primæ duæ classes vel species,
 nempe quæ sulphure adustibili & arsenicali
 constricta & coagulata sunt, sine Mercurio
 possint revificari, verum quod ultimam clas-
 sem concernit, nempe argentum & aurum,
 in quibus argentum vivum perfectâ decocti-
 one in sulphur figitur, & purum totâ suâ sub-
 stantiâ alteratum & conversum est, dico vix
 posse fieri mercurificationem sine Mercurio,
 sic dictante methodo spagyrica, quæ
 clarè docet, *qua per juxtapositionem sulphuris*
constricta sunt, illa per separationem simplicem,
qua per sulphur arsenicale coagulata, illa per sul-
phuris istius resolutionem & separationem, qua
verò decoctione fixata sunt, illa per istius fixa-
tionis & decoctionis emollitionem & redincrudat-
ionem liberanda & revificanda esse, indurationi
enim emollitio, decoctioni redincrudatio, coagu-
lationi resolutio, juxtapositioni separatio opponi-
tur, hinc etiam videmus juxta hanc metho-
 dum mercurificationem optimè in praxi suc-
 cedere, & quidem primo in revificatione ci-
 nabrii sive nativi sive artificialis, statim Mer-

candi non
 est una sed
 triplex.

142.

Axiomata
 methodi
 mercurifi-
 catoriæ.

143.

Revificatio
 cinabrii.

Ccc

curius

144.
Revificatio
sublimati.

145.
Revificatio
arsenici.

146.
Sulphur ar-
senicale te-
naciter me-
tallis adhæ-
ret.

curius revificatur, quam primum sulphur adultissime ab eo separatur, quod contingit per omnia illa subiecta, quæ sulphur retinent & Mercurium demittunt, ut sunt calx viva, sal tartari vel lixivium, acetum, plumbum, argentum, regulus antimonii, his enim permixtum cinabrium, sulphur ad hæc subiecta deponit, Mercuriumq; in forma liquida dimittit; Secundo videmus Salia Mercurio fortius adhærere in sublimato quam sulphura in cinabrio, hinc difficilius separantur, fit tamen separatio per talia subiecta, in quæ Salia agunt, istaq; reactione Mercurium vivum dimittunt, ut sunt oleum tartari, rasura plumbi ferri, argenti, reguli antimonii, quibus sublimati mixtum dividi, parsq; Mercurialis liberari potest, salia autem omnia, præsertim commune & vitrioli arsenicalia esse, alibi demonstravi, & postea demonstrabo in præparatione arsenici, argenti, & plumbi, quo fixiora & metallica ergo hæc sulphura sunt, hoc tenacius argento vivo communi & metallorum etiam adhærent, ita ut ignem fusionis planè sustineant, sicut in imperfectis metallis, plumbo, cupro, &c. in marcasita, & antimonio videmus, quæ plurima, ex parte ex Arsenica constant, ut forma illorum in sublimatione florum, arsenicum repræsentet album & naturale, interim tamen fusionem sustinent, metallumq; liquatum referunt, difficillimè ab igne fugiunt, & non nisi successive evaporante illorum arsenico cum Mercurio, atq; ad cameras vel orificia forn-

fornacum in forma salini & cristallini arsenici, conrescente, in quo argentum vivum esse experientia docet, clarè ergò liquet sulphur arsenicale pro dispositione sua Mercurium coagulare, figere & volatilifare, atq; ægerrimè à substantia Mercuriali divelli, exemplum hujus habemus in argento communi fixo, quod solutum in aqua forti & sale communi præcipitatum, sulphur salis arsenicale tam tenaciter arripit, ac mixtum exinde format (lunam cornuam vocant) quod nulla ablutione vel edulcoratione ab hoc sulphure arsenicali liberari potest, quin non in igne potior argenti pars cum illo avolet, & si in sublimatione capiatur, perfectum arsenicum repræsentat, quod utcumque coquas, extrahas, præcipites, sanè argentum tuum ægrè, & non nisi cum magno dispendio ad pristinum statum reduces, ex quibus hoc infero, quod *coagulatio Mercurii per sulphur arsenicale sit multò fortior, quam in cinabrio, per sulphur adustibile*, ideoq; fortio-rem resolutionem requirat, cum duplici separatione, ejusmodi enim metalla imperfecta, ut antimonium plumbum, cuprum, ferrum, stannum primò sulphur aliquod adustibile, ut in cinabrio habent, quod separari debet, via in cinabrii revificatione usurpata, nempe vel coctione in forti lixivio vel sublimatione super ista corpora, quæ sulphur adustibile retinent, deinde etsi hoc sulphur adustibile, imò etiam ipsum sulphur arsenicale resolutum sit, nihilominus Mer-

147.
Arsenicum
Lunæ.

148.
Duplex sul-
phur coa-
gularis,
adustibile
& arsenica-
le, utriusq;
resolutio.

149.
Et Mercurii
resoluti li-
ratio.

curii liberati separatio & revificatio instituenda est, ut postea docebo, imaginare ergò tibi, quod metalla imperfecta & mineralia omnia, tria sulphura contineant, unum adustibile commune (ut in antimonio videmus, ex quo extrahitur sulphur ardens copiosum, sic ex ferro, sic ex stanno imò sulphur commune cum ipso argento liquefit, sub specie metallica, & tamen nobis extra apparet sub forma gummi) alterum arsenicale (ut rursus

150.
Sulphur
phlogiston.

videmus in antimonio, quod etsi sulphure communi *phlogisto* sit liberatum, tamen adhuc coagulatum est, albosq; arsenicales flores in sublimatione dat, sic ex stanno, cupro, plumbo, imò arsenicum commune cum metallis liquefit sub specie metallica & tamen foris nobis apparet sub forma salina) tertium est aureum potentia fixum latens in Mercurio

151.
Sulphur ar-
senicale.

liberato, Mercurius enim coagulatus per sulphur arsenicale contrahit majorem calorem & coctionem ob ignis affinitatem, sicut ferrum per se frigidum calefcit propè ignem positum, hoc rursus videmus in Mercuriis antimonii, ferri, cupri, plumbi, stanni, qui omnes intus aureâ essentiâ & sulphure pleni sunt, atq; illo non spoliandi, sed potius in illa qualitate augendi, si enim hoc igne vel sulphure interno privarentur, æque parùm valerent, ac communis Mercurius, quod *benè notandum*, nec mirandum, si non omnes Mercurii metallici effectui desiderato respondeant, cum error ex hoc, quod dixi, proveniat, qua itaq; ratione sulphur pri-

152.
Sulphur
aureum.

153.
Argentum
vivum per
hæc sul-
phura coa-
gulatum,
contrahit
dispositio-
nem fixam
majoremq;
acquirat
coctionem.

mum

phur primum nempe adustibile à corporibus separandum sit, clarè demonstravi ; nunc sulphur arsenicale restat, quod quia tenacius adhæret, etiam ejus resolutioni tenacioribus remediis obsistendum, si enim tale metallum vel minerale, cujus Mercurius, sulphure arsenicali coagulatur cum subjectis fixis, ut calce viva, alcalibus, corrosivis spiritibus tractes, plus figetur sulphur arsenicale quàm resolvetur, *omnia enim ejusmodi subjecta fixa, teste experientia arsenicum figunt*, at quo plus hoc figitur, hoc fortius etiam figit suum argentum vivum, ergò metallum plus coagulat quàm figit, si verò *volatilibus & volatilifantibus* subjectis uti velis, elevabis quidem Mercurium metallorum, sed simul cum illo arsenicum. Sed quid prodest captivo, si illum ex imo turris ad summum tectum ducas non relaxatis compedibus, requiritur ergò *objectum in arsenicum metallorum reagens, quod sit arsenicale, liquidum resolvens & Mercurium in libero statu relinquens*. Arsenicale esse debet, nam nulla natura tam facile aliam ingreditur quàm propriam ; *liquidum*, liquida enim faciliùs operantur in solida ; *resolvens*, coagulationi enim sulphuris arsenicalis opponitur ejusdem resolutio, Mercurium in libero statu relinquens, nempe ne figatur, hinc certum est sulphur arsenicale quoq; nec figi, nec volatilifari, sed in proprio statu relinqui debere, nam si *figeretur*, tunc figeret etiam Mercurium suum, si *volatilifaretur*, tum simul etiam Mercurius

154.
Sulphure embryonali aureo, argentum vivum metallorum, non spoliandum est.

155.
Sulphur arsenicale resolvatur, non coaguletur, hinc vitanda fixa. Et volatilia.

156.
Cujus qualitatis objectum esse debeat quod sulphur arsenicale resolvit.

157.
Sulphur arsenicale in libero statu relinquendum.

158.
Experi-
mentum
circa anti-
monium.

159.
Sulphur
auratum
quid?

160.
Mercurius
vitæ, quid?

161.
Natura ar-
senici du-
plex.

ascenderet, quod manifestè videmus in antimonio, si enim id per sal alcali solvatur vel fundatur, tunc figitur simul arsenicum & Mercurius antimonii cum isto alcali, & permanent fixa; sin verò per sublimationem, vel sal aut vitriolum imo per se sublimetur, tunc ascendit simul & arsenicum & Mercurius antimonii, adeoq; utcunq; instituaturs analysis antimonii, semper arsenicum & Mercurium antimonii simul invenes, nam quod *sulphur auratum* antimonii vocant, hoc si fundas & reducas, idem erit antimonium, nempe arsenicum & Mercurius antimonii, & quod *Mercurium vitæ* vocant, nihil aliud est, nisi sublimatum arsenicum & Mercurius antimonii, separato sulphure adustibili, quale autem sit *subiectum arsenicale liquidum*, in *arsenicum* agens, & *Mercurium* non alterans, imò *illum ab arsenico liberans & volatilisans*, quoq; *considerandum* venit, claret autem ex natura arsenici, illud esse naturæ saponatæ, nempe salinæ & sulphuræ, *salinæ*, quia solvitur in aqua communi, metallaq; non aliter in fluxu ac nitrum solvit, unde non immeritò à quibusdam coagulata aqua fortis naturæ vocatur; *sulphuræ* verò naturæ est, nam & sulphur olet, & ut auripigmentum vel realgar accenditur, & flammam concipit, solvitur etiam oleo, quod non nisi sulphur facit, ex quo concluditur, *proprium solvens arsenici debere utriusque naturæ nempe salinæ & sulphuræ esse*, nam sicut sapo suavissimè per aquam saponis solvitur ita arsenicum per

per liquidum arsenicum congruenter solvitur; demonstravi autem arsenicum esse substantiæ salinæ & sulphuræ, itaq; solvens esse debet ejusdem duplicatæ naturæ, sed quoniam arsenicum in metallis valde coagulatum, & quasi fixum est, cum ignem ferat, necessario solvens arsenicale debet esse naturæ contrariæ, liquidum resolutum & penetrans, jam verò antea probavi omnia alcalia esse fixa & figere, & omnia urinosa & salia reliqua volatilifare, qui duo effectus non competunt resolutioni arsenici ex causis ante dictis, ergo concludo *neque alcalia seu salia fixa, neque salia volatilia ad hanc operationem conducere*: *Objicies* non dari agens, quod solvat citra soluti immutationem: R. contrarium probando, nam *aqua fortis* utcumque vehemens sit, & argentum ab auro solvat, solutum tamen non immutat, cum in pristinum corpus immutatis viribus transmutari queat, idem dicendum est de *spiritu Theriaca* vel quocunq; oleo, quod cinabrium solvit immutatis viribus & sulphuris & Mercurii, & si sulphur taliter extractum non contemnendarum sit virium, abeatque in oleum rubicundissimum, de quo in sequentibus forte plura, ubi de sulphure arsenicali egero, specifica enim metallorum vis & facultas medica in ejusmodi sulphuribus arsenicalibus extractis & correctis versatur, quorum correctionem Helmontius indigitare videtur, cum scribit: *Hortor itaque Tyrones, addiscant sulphura*

162.

Objectum
arsenicum
resolvens,
debet esse
naturæ
salinæ &
saponatæ.

163.

Sed liquide
& resolventis.

164.

Alcalium
& urinosorum natura
contraria
resolutioni
arsenicali.

165.

Datur agens
citra soluti
immutationem.

166.

Metallorum
vis medica
in sulphuribus
arsenicalibus
correctis.

*spoliare vi peregrinâ ac virulentâ, sub ejus nimirum custodia abditur ignis vitalis. Sunt sulphura quadam, quibus correctis atq; perfectis tota morborum cohors auscultat, hoc pacto, amentia, apoplexia, caduci, paralyses, vertigines, astmata, hydropes, atrophia, immanesq; defectus annihilari vidimus stupente sc. ipsâ naturâ. Porro objicies non dari inter sal fixum & volatile medium, & Helmontium claris verbis ad Mercurificationem commendare sal fixum & volatile, cum ait: *sensi cruditatem* (sulphur arsenicale) *Saturni pinguedine fixorum salium solubilem, sicq; dividi partes compositi, ut argentum vivum currere permittat, & alibi, calcinata acerrima sale armeniaco resoluto, & tartaro putresceto dulcorantur.* R. I. dari salia media, quæ nec volatilia nec fixa sint, experientia testatur, nemo enim negabit tartarum vini sal esse, interim hoc sal nec volatile nec fixum est, etsi utrumq; fieri possit, quod verò Helmontius sal fixum commendat in Mercurificatione plumbi, hoc malè imputatur Helmontio, qui non salia fixa, sed *pinguedinem salium fixorum* commendat, id est, liquorem quandam pinguem ex salibus fixis resultantem separata salium fixorum calce viva figente, quæ omnem Mercurificationem impedit, seu ut clarius loquar, Helmontius per salia, *alcalia volatilifata* intelligit, prout in alio loco innuit, cum scribit in potestate Medicaminum §. 65. *fixa alcalia si volatilifentur, magnorum pharmacorum potestates equant, quippe vi incisionis, resolutionis & abstersionis delata**

usque

167.

Helmontii
opinio de
sale medio,
seu alcali-
bus volati-
libus.

usque ad limen quarta digestionis, tenacitatem coagulatorum in vasis fundamentaliter tollunt, & alibi in passiva deceptione scholarum humoristarum cap. I. §. 89. Si verò penitiori recessu aliquid pertinacius & occultius restiterit, assumenda sunt alcalia volatilia, quæ instar saponis cuncta abstergunt, mirum sanè quantum salt tartari uni-
 si volatile factum non præstiterit, nam omnem è venis amurcam detergit, & obstruentium contumaciam, dispergitque apostematum suscepta conciliabula, de hoc sale volatili verum est illud Paracelsi, quod quocunq; non attigerit, vix aliquid potentius perveniet. Quantam ergò Helmontius alcali volatili potestatem resolutivam ad contumaciores obstructions in corpore humano attribuit, hanc certè coagulationi metallicæ non denegabit, utpotè quæ eâ plus indiget quàm aliæ obstructions, ob tenacitatem adhærentis sulphuris, præsertim cum alio loco Helmontius dicat, se *salis circulati sensilis volatilis tartari medio, aurum in forma puniceæ olei per retortam destillasse*, & alibi ex Paracelso, *spiritus vini non solvit aurum, nisi insit sal circulatum*, & hæc ratio, quod tota Chymicorum turba tam anxie sudet in præparatione salis alcali volatilis, quæ certè æque difficilis, ac ipse Mercurius Philosophorum, ad cujus præparationem hæc planissima via est, sine qua vix ad illam perveniretur, ut ergò volatilisationem salium fixorum vel alcali paucis verbis explicem, compositio seu textura alcali prius probè explicanda est, quæ se sic habet: *In nulla herba est actuale sal vel volatile vel*

168.
Sal tartari
volatile.

169.
Circulatum
Paracelsi.

170.
Salium fixorum volatilifatio, difficilis.

171.
Historia
productio-

Ccc 5

fixum

nis salis fixi
incombustione rerū
ex cinerib⁹
resistantis.

172.
Fungo, sal
volatile urino-
sum est
sal alcali
volatile.

173.
Sal alcali
fixum.

174.
Affinitas sa-
lis urinosi
& fixi.

175.
Differentia
illorum.

176.
Sal alcali fi-
xum in
combustio-

fixum, sed sit primum per ignem, nam in omni herba (sumam autem in exemplum tartarum) est terra quædam, ego calcem voco, libeat tibi nominare ut velis, tum est pinguedo quædam, Chymici terram, salem, & pinguedinem sulphur vocant, adeo quod ex sale & sulphure constant omnia, cum itaq; herba quædam, ex. gr. tartarus comburitur, aut destillatur, tum subtilior pinguedo & terra seu sulphur & sal exhalant, & si capiantur in aquam aut oleam vel salis subtilis consistentiam, resolvuntur & concresecunt, in hac combustionem vero, dum texturæ horum corpusculorum violenta separatio fit, sicut sulphur volatile se jungit sali volatili, unde urinosus & fuliginosus odor & sapor, ita pars pinguedinis hac combustionem & quasi assaturâ figitur cum terra, seu sulphur cum sale, induuntq; naturam salis, quod alcali vocant seu sal fixum, vides ergo, quodcumq; est superius esse simile ei, quod est inferius, nempe sal volatile urinosum æquè constet ex sale & sulphure, seu pinguedine & terrâ, ac sal fixum, quod est in fundo vel cineribus, quod constet ex sale & sulphure, seu terra & pinguedine neq; ulla est differentia, nisi quod unum sit fixum, alterum volatile, hinc unum lixiviale alterum urinosum, unius autem radicis, ortus & effectus, lixivium enim omnia præstat, quæ sal urinosum, & hoc omnia, quod lixivium, nempe in solutione & præcipitatione rerum: ergo obijcies non opus esse volatilisatione salis fixi, si sal urinosum sit verum alcali volatile. R. hoc non obstare, interim ta-
men

men volatilisationem alcali seu salis fixi desiderari, quod pinguedo seu sulphur in combustionem per terram, magis digestum fixum, igneum ac resolvens sit redditum, hinc plus penetrans, si subtilietur volatilizando, quam illud quod est in sale volatili urinoso, quod incipiente combustionem statim avolat, neque ignis penetrationem sustinuit, sicut enim dixi thesi quartâ quod subtiliatum, si figatur, necessario subtiliorem fixitatem acquirat, juxta formam & gradum subtiliationis, ita hæc loci dico: *Omne igneum fixum, si subtilietur & volatilisetur, majorem vim & penetrantiam acquirere, quam si nunquam fixum fuisset, aut nullæ qualitates calidæ in id introductæ fuissent; qualis verò concentratio igneitatæ sit in combustionem, vel ex solis carbonibus videmus, qui tali concentratione siccissimi & calidissimi evadunt, qualem excedentem qualitatem sine combustionem nunquam accepissent, tum videmus insignem vim causticam lixivialium, potentemque facultatem resolutoriam, præsertim illius lixivii quod ex tartaro per regulum Martis præparatur, ita ut etiam ipsa metalla in fluxu resolvat, nullum ergo dubium, combustionem sulphur seu pinguedinem vegetabilium alterari, figi, ac igneas qualitates, causticas & solutorias acquirere, hasque, si volatilisationem subtilientur, penetrantiores reddi, quam si nunquam fuissent fixatæ & concentratæ, prout in salibus volatilibus & urinosi sub principium combustionis exhalantibus vel exstillantibus, neque vim ignis per-*

ne igneum
factum, si
per artem
volatilise-
tur, magis
penetrans
est, quam
commune
sal volatile.

177.
Methodus
alcalia vo-
latilifandi.

178.
Caput
mortuum
quid?

179.
Experimen-
tum.

perpeffis videmus, quod respectu alcalium parum vel nihil agant. Hæc ergo est ratio, cur Philosophi & Helmontius *sal alcali volatilisatum* desiderent, quæ verò hujus volatilisatæ sit methodus, quoque scire præstat. Ex præcedentibus audivistis, quæ sit structura, textura vel compositio alcali, nempe quod constet ex terra fixa, calcis vivæ instar, quæ pinguedinem seu oleum herbæ vegetabilis in combustionem pro suâ conservatione ad se attrahit, ita quod illam ad cineres usque conservaverit, qui elixat tantum præbent salis lixivialis, quantum terræ potuit se vestire & defendere pinguedine, nam reliquum redigitur in terram insipidam, seu ut vocant, mortuam, hoc sal fixum necdum sufficientem pinguedinem habet, unde ex omnibus corporibus attrahit, quod de proprio perdiderat, hinc modicum salis alcali in magna quantitate vini acidi vel austeri resolutum attrahit ejusdem tartarum acidum, cum vehemente reactione, fitque denuò tartarus, atque ita vinum austerrum fit gratum, lene, & dulcificatur, & hæc est fundamentalis ratio artis saponariæ, utuntur enim lixivio, quod additam pinguedinem attrahit, unde decompositum oritur, quod *smegma* vocant, si itaque velis alcali (id est, pinguedinem quæ in alcali est: & quam Helmont. *pinguedinem salium fixorum* vocat, quæ cruditatem Saturni solvit, ut argentum vivum currere permittat) volatilisare, necessarium est, ut terram fixam ei demas, at hoc vinculum inter terram fixam & pinguedinem in
textu-

textura alcali tam fortè est, sustinuit enim in-
violabiliter ignis torturam, ut nullâ vi, citra
totius compositi & qualitatum immutatio-
nem (transit enim tandem in vitrum) dissolvi
queat, ergò à violentiâ abstrahendum & con-
trariâ texturâ ac decompositione negotium
aggrediendum, quod, antequam exponam,
in contrarium alicuius alcali volatilis, ex. gr.

180.

A Violentiâ
abstinendū.

Textura salis communis, salis armeniaci tex-
tura explicanda est, illud, ut notum est, con-
stat ex sale urinoso volatili & sale communi,

181.

Textura sa-
lis armenia-
ci.

quid sit sal alcali, quid urinosum, paulò an-
tea percepistis, quid verò sit sal commune,
necdum exposui, unde hoc loco, quo con-
gruit, dico, esse sal medium, nec alcali, nec
urinosum, nec fixum, nec volatile, nec sal-
sum, nec sulphureum, sed utrumq; & ad u-
trumq; statum dispositum, hinc ope solius sa-
lis communis & metalla mercurificari, & in
tincturam converti possunt, licet non tam le-
viter & citò id contingat, quàm si alcali fixum
in talem statum deducatur, sal etiam commu-
ne ab alcali valdè expetitur, & quasi magne-
tismo attrahitur, ut videmus in smegmatis a-

172.

Analyfis
smegmatis.

nalyfi, ubi cum smegma in aqua solvitur, &
modicum salis communis inspergitur, illicò
alcali attrahitur, quod pinguedinem seu ax-
ungiam, quam aliàs tantoperè amavit, & cum
qua in mixtum smegmatis coit, illicò dese-
rit, ac ad superficiem ejicit, nactum meliorem
& acceptiorem hospitem, eâdem ratione sal
urinosum, quam primum sal commune attin-
git, cum illo se miscet, ac in mixtum sublima-

183.

Sal com-
mune ad sa-

tur,

lium volatili-
um & fixo-
rum statu-
m tendit.

184.
Analyfis al-
calis.

185.
Reactio al-
cali.

186.
Novum de-
composi-
tum alcali.

187.
Mundo ha-
ctenus in-
cognitum.

188.
Potestatem
resolvendi
habeas.

tur, quod sal armeniacum nominamus, ex a-
qua duplici decompositione liquet, sal com-
mune tam ad fixorum quam ad volatilium sa-
lium statum tendere, ac proinde inter ista duo
naturæ mediæ esse, potentioreque obedire.
Nunc ad analyfin salis alcali veniam, sumat-
ur, quod placet, alcali fixum, solvatur vel
per se vel aqua communi in lixivium, ex al-
tera parte solvatur quoque sal armeniacum in
aqua, utramque benè filtratam, & ab omni sæ-
ce purgatam, successivè confunde, & obser-
vabis miram reactionem, unionem, ac utri-
usque compositi (alcali & salis armeniacy) dis-
solutionem, alcali enim seu potius pinguedo,
quæ est in alcali, attrahet, sibi; associabit sa-
lem communem, qui est in sale armeniaco, ex
qua associatione, duæ sequuntur separatio-
nes, una in alcali, quod terram suam fixam
ad fundum dejiciet, altera in sale armeniaco,
quod sale communi spoliatum, spiritum urino-
sum exulare jubet, qui; statim naribus
obvius erit, filtretur ergo omnis liquor, & in
filtro remanebit terra fixa, mortua, quæ al-
cali pinguedinem adstringebat, filtratus li-
quor destilletur, & habebis spiritum urino-
sum, qui in sale armeniaco erat, reliquus li-
quor abstrahatur ad consistentiam salis, vel
ad tertias, & exhibebit jucundos crystallos,
nec lixiviosæ nec urinosæ, sed naturæ alicu-
jus tertiæ, mundo hæctenus incognitæ, vel
saltem, quoad effectum, parum notæ, quod
sal, mirabilem potestatem resolvendi habet,
præsertim si loco salis communis in præpara-
tione

tione, salis armeniaci, vitriolum, aut spiritum
 vel oleum vitrioli adhibueris, præparatur et-
 iam breviori modo hujus generis sal, si oleum
 tartari fixi cum alumine in aqua resolutum mi-
 scueris, tum enim & calx viva aluminis & sa-
 lis tartari calx decidunt, reliquum filtratur,
 & ad salis consistentiam inspissatur, destillan-
 do & servando spiritum, qui ex reactione &
 evaporatione procedit, ubi etiam continua-
 to igne, ipsum sal volatile acquies, quod eâ-
 dem methodo cum vitriolo seu spiritu aut o-
 leo vitrioli & oleo tartari vel borraçe succe-
 dit, porro si in oleum tartari vel lixivium
 commune, tartarum pulverisatum successivè
 projeceris, & modicam digestionem in oc-
 cluso adhibueris, finitaq; reactione vel fer-
 mentatione bullularum, liquorosam materiã
 destillaveris, similiratione spiritum urinosum
 & potentem acquies, reperiesq; omne sal fi-
 xum alcali, naturam mediam cum tartaro in-
 duisse, ejusdemq; qualitatis, quã ex antece-
 dentibus reactionibus præmemorata salia or-
 ta sunt, esse. His præmissis nollem, ut credas,
 per præfatam operationem sal alcali ex statu
 fixitatis tantum in statum medium reductum,
 aut in natura suæ alcalitatis immutatum esse,
 neutiquam, nam deprehendes experiëntiã,
 sal fixum alcali in hac operatione non modò
 in statum medium, sed totum in sal volatile, i-
 mò spiritum penetrantissimum abire, qui so-
 lus potestatem habet, *cruditatem*, ut Helmon-
 tius vocat, nempè sulphur metallorum resol-
 vendi, separandi liberatamque substantiam
 Mer-

189.
 Brevior
 Processus

190.
 Modus fa-
 ciendi sal
 volatile ex
 oleo vitrio-
 li.

191.
 Sal tartari
 induit natu-
 ram mediã.

192.
 Et tandem
 volatilem.

193.
 Experimentum volatilis-
 ficationis al-
 cali & Mer-
 curificatio-
 nis metal-
 lorum

Mercurialem elevandi & ob oculos ponendi, quod taliter experieris: Solve certam quantitatem salis tartari (notato tamen ejus pondere) in aqua communi, ut fiat fortè lixivium, in quod medietatem pulverisati tartari crudi, vel cremoris tartari successivè injice, statim claude vas, & incipiet quasi fermentare, ubi in ista fermentatione post digestionem per aliquot septimanas cessaverit ebullitio, totum lento igne destilla, & videbis tam tartarum crudum, quam ipsum sal tartari vel totum vel tamen majori ex parte in igneum penetrantissimum spiritum transmutatum esse, quod etiam de vino intelligendum est, in quo si sal tartari solvas, & spiritum inde destilles, invenies magnam partem salis volatilifati, si vero durante fermentatione vel ebullitione in digestionem metallum quoddam accommodare huic mixto sciveris, comperies in hac ipsa reactione salis tartari, & tartari crudi, metallum dissolvi, sulphur ejus arsenicale discerpi & substantiam Mercurialem cum spiritu igneo in destillatione separari & elevari, unde faciliè præcipitari & revificari potest, sive per salia contraria, sive per metalla attrahatur, ut est aurum &c. & hoc est, propter quod totam hanc historiam exposui, tria ergò circa hanc Mercurificationem observanda sunt, *primò* sal alcali, *secundò* sal armeniacum, *tertiò* metalli connexio, sal alcali quod attinet, sive id sit lixivium commune, sive ex cineribus clavellatis, calce vivâ adhibitâ, aut cineribus ex vite, aut ex tartaro vel nitro fixo

194.
 Tria circa
 Mercurifi-
 cationem
 observan-
 da.

195.
 Quale alcali & sal

& Re-

& Regulo Martiali, unum idemq; est, modo fit pingue & substantiosum, sal armeniacum verò ex sale communi & spiritu urinæ, fuliginis, cornuum cervi, vel ex oleo vitrioli cum spiritu urinæ, vel tartaro crudo solo, vel cum sale armeniaco juncto constare potest. Metalla quæ huic mixturæ duplicatæ annexi debent, vel possunt cum sale alcali vel cum sale armeniaco, aut ejus vicem supplente tartaro crudo aut sale communi jungi, cum alcali junguntur, vel decoctione in lixivio, & tum præstat ut metalla tum in sulphure adustibili, tum in sulphure arsenicali augeantur, sic enim facilius ab alcali solventur, si illorum sulphur aliquo modo emollitum fuerit, possunt autem metalla solvi in spiritu therebinthini vel oleo lini & similibus, præsertim illorum flores, ut flores antimonii, saccharum Saturni, lithargyrium &c. vel cum arsenico aut terrâ salis communis in præcipitatione cornua possunt reduci in arsenicum in fluxu, ex. gr. antimonium sulphur, & arsenicum confusa exhibent realgar, hæc ergò mineralia & metalla juncta & aliquo modo soluta ejusmodi pinguedine, facilius deinde solvuntur in lixivio, non secus argentum auro mixtum ab aqua forti facilius solvitur, si plures partes argenti addantur, unum enim solvit alterum, ut in quartatione videmus, possunt etiam metalla solvi in alcalibus in via sicca in fluxu, ut regulus Martis per nitrum. Tartarum &c. vel metalla possunt uniri sali, quod cum urinoso in sal armeniacum concrevit, ut si in aqua

armeni-
cum esse de-
beat.

196.

Metallorū
mercurifi-
candorum
connexio
cum alcali
& salibus.

197.

Metalla in
sulphure
combusti-
bili augeri
possunt &
debent ut
facilius in
lixivio sol-
vantur.

198.

Exemplum
in quarta-
tione.

199.

Metalla sali-
bus jun-
genda sunt,
modus.

D d d

forti

200.
Metalla in
vitriola re-
duci atq; ex
his Mercuri-
us elici
potest.

201.
Metalla, si-
ve salibus
fixis sive
volatilibus
uniantur,
reactionem
pati debent.

202.
Proportio
reactionis.

203.
Effectus re-
actionis.

forti solvantur, & sale communi vel ipso etiam sale armeniaco præcipitentur, vel si cum sale communi calcinentur, extrahantur atq; in salem concrefcant, quo in præparatione salis armeniaci uti possumus, ut in plumbo, vel si in vitriola redigantur, hæcque in sua substantia vel oleum inde destillatum præparationi salis armeniaci adhibeatur, vel si in aceto, in spiritu nitri, in spiritu salis solvantur, quæ omnes solutiones cum spiritu urinæ trās-eunt in sal armeniacum, quod cum alcali reactionem committit, metallum taliter connexionem mercurificat, possunt etiam metalla cum sale armeniaco sublimari & tum reactioni adhiberi, vel coquantur in tartaro crudo in aqua soluto, sive in rasuræ sive crystallorum solubilium forma, hic tartarus postea fermentet cum alcali, vel deniq; solvantur metalla in spiritu urinæ, vel spiritu igneo tartari & tum hic spiritus metallo imprægnatus, jungatur sali & fiat sal armeniacus, qui cum alcali patitur reactionem, hoc tamen notandum, quod, quò magis metallum est subtiliatum & annexum ac solutum sive in alcali, sive in sale armeniaco, & quod, quò magis alcali agit in sal armeniacum, hoc melius etiam negotium succedere, quoniam *quo fortiora sunt sub-jecta reagentia, hoc fortior etiam est reactio, & re-actionis effectus*, qui consistit in pinguedinis fixorum salium subtiliatione, & mediante hac sulphuris arsenicalis resolutione, ac Mercurii liberati elevatione. Ex prædictis ergò observationibus non obscurum erit dictum Helmon-

montii explicare, *calcinata acerrima* (nempè
 fale alcali vel arfenico aut salibus sulphureis
 resoluta metalla) *fale armeniaco resoluta* (id est, ^{204.}
 passo fale armeniaco reactionem & dissoluti- ^{Explicatio}
 onem sui spiritus) & *tartaro putrefacto* (scilicet, ^{dicti Hel-}
 fale tartari reagentem in salem armeniacum, ^{montii de}
 vel etiam juxta literam intelligendo, nempè ^{mercurifi-}
 tartarum putrefaciendo, nam si tartarum cru- ^{catione.}
 dum in aqua solvas, & in occluso per aliquot
 tempus digeras, situm contrahet & putrescet,
 postea destillatus spiritum dat igneum, qui
 omnia metalla, ipsum etiam aurum mirabili-
 ter solvet, si ergo in tartaro crudo metallum
 aliquod solvas, atq; prædicta ratione putre-
 facias, putrescit & resolvetur simul metal-
 lum, postea liquore destillato, in igneo spiritu
 Mercurium invenies) *dulcorantur* (id est, mer-
 curificantur, Mercurius enim talis non am-
 plius corrosivus est, sicut in corrosivis seu cal-
 cinatis acerrimis fuit, cum ipsum etiam oleum
 tartari & sal armeniacum invicem digesta, &
 reactionem passa, dulcorentur, vimq; corro-
 sivam amittant.) Paucis ergo verbis & veris,
 Helmontius totam mercurificandi metho- ^{205.}
 dum præscripsit, sed sine commentario, ^{Pro Mercu-}
 intellectu difficillimis, ut ergo ad finem ^{rio Philoso-}
 hujus Mercurificationis properem, dico ^{phorum}
 desiderari pro compositione Mercurii Phi- ^{sulphur}
 losophorum ex Marte sulphur aureum, & ^{Martis & sal}
 ex antimonio sal metallorum resoluti- ^{antimonii}
 tur. ^{desideran-}
 tum, atqui sulphur Martis ex Marte ^{206.}
 non potest separari, sine resolutione ter- ^{Methodus}
 restreitis, per additionem sulphu- ^{præparan-}
 ris Martis.

207.
Modus
præparandi
sal antimo-
nij

208.
Regulus
antimonij
substantia
duplicata.

209. .
Sulphur ar-
senicale re-
guli, impe-
dimento,

210.
Ejus separa-
tio, cum
Methodo
resolutoria.

ris communis augetur, per salia verò resolvitur simul cum aureo sulphure, atq; sic nulla separatio datur, ergò requirit sal metallorum resolvens, quod ingenti suâ vi resolutoriâ quidquid est impuri in Marte, absorbeat, consumatq; quod aureæ verò naturæ est, conservet in proprio humido, quod est metallorum Mercurius, tale verò subiectum non datur nisi in Antimonio, quod experientia videmus Martem solvere, depurare ac in substantiam Mercurialem redigere, quam regulum vocant, in qua & sulphur aureum, Martis & sal resolutivum antimonij conjunctim moratur, passum in igne reactionem, & exinde producto novo subiecto reguli, in quo omnia sunt, quæ in Mercurio Philosophorum desiderantur, nempe potestas resolvendi & emolliendi aurum & argentum, eaq; in actionem novæ generationis deducendi; at obstat in antimonio adhuc sulphur arsenicale, quod Mercurium hunc duplicatum Martis & antimonij constrictum & coagulatum tenet, in forma autem hac solida non potest agere in aurum, multò minus illud emollire & reddere Mercuriale liquidum, nisi ipsum prius fiat liquidum & Mercurius, ergò necessario regulus hic debet fieri Mercurius, atqui non potest fieri Mercurius sine ejus sulphuris arsenicalis separatione & Mercurii elevatione, sulphur autem arsenicale non potest separari, atq; sic Mercurius liberari, nisi per pinguedinem penetrantem, sulphur arsenicale absorbentem, & Mercurium volatili-

san-

fantem, talis verò pinguedo penetrans non datur symbolicè nisi in alcalibus seu salibus fixis, sed pinguedo non potest indeliberari ac subtiliari nisi amotione terræ fixæ, quæ in alcali pinguedinem hanc ligat & arctam tenet; hæc verò terra non potest amoveri nisi reactione per simile contrarium, at non datur simile contrarium, nisi per sal volatile urinosum, tale autem est sal armeniacum, ergò concludo *sale armeniaco resolvi pinguedinem in alcali, hanc resolutam dissolvere sulphur arsenicale reguli, hoc dissoluto liberari ejus Mercurium, nempe objectum mercurificans aurum & argentum*, quod nobis in quæstione fuit, prætereo notas usum & effectum Mercuriorum reliquorum metallorum, hæc methodo produci possibile, sicut & taceo de usu medico supra citati sulphuris arsenicalis, in Mercurificatione hæc, è metallis extractio, quoniam ad propositum nostrum, nempe Mercurificationem auri nihil faciunt, etsi possibilitatem transmutationis metallicæ ad oculum demonstrent, cum quodlibet sulphur arsenicale, specificam quandam formam habeat communem Mercurium in verum tale metallum coagulandi, unde extractum fuit, Mercuriorum etiam metallicorum semper unus coctior altero sit, atq; ita etiam extra projectionem tincturæ, solâ decoctione, invicem transmutari queant metallici Mercurii, producendo alia metalla, hæc & similia prout curiosa, ita cum immediatè nihil ad tincturam faciant meritò ulterioribus obser-

211.

Philosophica, & realis
Conclusio
pro præparatione
ex Regulo
antimonij.

212.

Vis transmutans sulphuris arsenicalis metallorū.

213.

Tertia clas-
sis Mercuri-
ficandorū
corporum,
nempè fixo-
rum, auri
& argenti.

vationibus supersedebō, & ad ultimam nempè
tertiam classem Mercurificandorum corpo-
rum, scilicet auri & argenti progrediar. Cor-
pora hæc decoctione indurata esse, ac pror-
sus homogenea experientia docet, hinc e-
mollitio opponitur, emollitio autem debet
fieri per liquidum, calidum, penetrans, sic
glacies faciliè dissolvitur in aqua calida, qua
pori ejus penetrantur, simili planè ratione
dissolvitur aurum in argento vivo Philosopho-
rum, quod *calidum, liquidum, tenue est*, unde
Democritus Græcus jubet, *pharmaco igni-
to spoliandam esse densi corporis (auri) umbram*
(soliditatem) & in Rosario de Mercurio Phi-
losophorum legitur, *Aqua nostra seu Mercu-
rius noster fortior est igne, quoniam facit de corpo-
re auri merum spiritum, quod ignis communis fa-
cere nequit*, & Paracelsus de hoc spiritu inquit,
*Spiritus meus calidus est spiritus, potestatem enim
habet calefaciendi omnia congelata membra suo-
rum fratrum* (nempè metallorum,) & in libro
vexationis Alchymistarum, cū particulare
Philosophicum describit, sic loquitur, addam
tamen in parenthesis commentarium juxta
meam mentem & experientiam. *Si Sphæram
seu cælum Saturni (antimonii) cum vita terræ
(Mercurio) incursum (Mercurialem) dedu-
xeris* (id est, si ex antimonio Mercurium fece-
ris) *tum debito pondere ei adde imperfecta metal-
la, Iovem, Martem, Venerem & modicum Lunæ*
(ad majorem acuitionem Mercurii) *permitte
tam diu cum cælo currere* (amalgama & destilla
amalgama cum Mercurio antimonii) *donec
cælum*

214.

Explicatio
processus
Paracelsi de
Mercurifi-
catione per
Mercurium
antimonij.

cælum Saturni totaliter evanuerit (nempè donec Mercurius antimonii omnem Mercurium ex metallis additis extraxerit, secumque per retortam sumpserit) tum metalla sola remanent consistentia, suntque mortua cum suis veteribus corruptibilibus corporibus (scilicet remanente illorum terrâ mortuâ & sulphure arsenicali in retorta) assumpseruntque novum perfectum incorruptibile corpus (videlicet illa substantia, quæ cum Mercurio antimonij per retortam transit) quod corpus est spiritus cæli (scilicet aurum spirituale in tali Mercurio latitans) unde planeta revivificantur, & recorporantur (nempè in digestionem & fixationem talis Mercurij animali vel per se vel cum corpore perfecto) hoc novum corpus separa a vita & a terra (nempè separa Mercurium superfluum, reliquum præcipita & fige, & ex hoc fixo terreo præcipitato, extrahe aurum per solvens aliquod, reliquum verò quod extractionem non patitur, est terrea feculentia rejicienda, utpote ingressum puriori substantiæ prohibens) & retine reliquum, nam est aurum & argentum. Hactenus locus Paracelsi, ad quem non pauci præsertim Glauberus commentati sunt, existimantes totam hanc operationem de refixatione per nitrum vel sub cupella in cineritio intelligi, sed falluntur, neque enim istâ refixatione quicquam pluris auri vel lunæ ex metallis excernitur, quam in illis extitit corporaliter, cujus separatio, opus tritum, non Philosophorum esset, verum Paracelsum, mercurifi-

cationem imperfectorum metallorum per Mercurium antimonii intelligere ipsa verba, sensus & operatio clarissimè docent, prout in parenthesisibus adnotavi, seipsum quoque clarè circa hunc passum explicat Paracelsus lib. I. de nat. rer. Regeneratio inquit & renovatio metallorum fit ita, quemadmodum homo redit in terram, ex qua primò fuit desumptus, & ita rursus in die novissimo regenerabitur, sic & metalla iterum possunt in Mercurium ex quo primò nata sunt, abire, & cum illo solvi, & Mercurius fieri, & iterum per ignem qui etiam judicabit mundum, renasci & clarificari, hac viâ inquit, generantur tincturæ speciales argenti & auri; legantur, quæ Suchtenius de vi resolutiva Mercurii antimonii scribit, & qualiter ex Marte aurum per eum excernatur, & quomodo hoc aurum per spiritum Veneris in corpus coaguletur, item in processu Barnandi sub finem supplementi mei in Physicam meam subterraneam allegato, ubi autem per Mercurium Philosophorum in atrum pulverem, qui in aurum non amplius possit reduci jubet, & omnia clarissimè convenient, Mercurium philosophorum maximam potestatem non modo omnia metalla, sed etiam ipsum argentum & aurum resolvendi habere, ut latius thesi antecedente probavi. Nunc verò in hac thesi pro conclusione nonnulla attingenda sunt, quæ ad habilitationem auri vel argenti faciunt, ut nempe ad mercurificationem magis prona fiant, Mercurioque-
Philoso-

215.

Potestas
Mercurii
antimonii
resolutoria.

216.

Habilitatio
auri ad faciliorem
mercurificationem.

Philosophorum libentiùs pareant. *Philatetha* hujus præparationis memor esse videtur, cum in introitu suo cap. 18. sic ait, *Repagula auri vulgaris solve, quæ dicitur preparatio prima, qua incantamentum corporis ejus solvitur, sine quo opus mariti nequit perficere, torridum Vulcani operam implorare debes, alibi, cum Sole vulgi si operatus fueris, sublimando ac bulliendo sunt materialia, ut postea illa cum Virginis lacte unire valeas; & alibi, cape solis vulgi partem unam benè purificatam, & Mercurii nostri sume clari partes tres, junge & impone igni dando calorem, in quo bulliat, sudetque, sudor ejus circuletur, & hoc de die ac nocte per dies noctesque 90. & videbis Mercurium hunc omnia elementa solis vulgi disgregasse iterumque conjunxisse, bulli postea per dies alios 50. & videbis solem vulgi per Mercurium nostrum conversum in solem nostrum, qui est medicina primi ordinis. Et alibi, jam verò si decoctioni solis vulgi utut purissimi cum Mercurio nostro regimen lapidis adhibueris, in erroris via es pro certo. Quare si cum sole vulgi fueris operatus forti indiges decoctione, igneq, proportionato, postea verò benignissimo igne progredere. Et alibi, si in opere solis vulgi processum inceperis, actio tum passioque fit in rebina. Et alibi, in Mercurio quem descripsi, ac sole purissimo vulgi, si laboraveris debito igne, solem nostrum invenies intra menses septem aut novem ad summum, lunamque nostram intra menses quinque. Et quibus dictis tria sunt consideranda, 1. posse dari aliam mercurificationem, quam in auro & argento vulgi. 2. Aurum vulgi cum Mercurio Philo-*

tethæ opi-
nionem.

sophorum junctum non illicò resolvi, sed certum tempus requiri. 3. Aliud esse regimen ignis in mercurificatione auri vulgi cum Mercurio Philosophorum, quam in auri philosophici, seu auri resoluti decoctione. *Primum* confirmat Philatetha clarissimis verbis cap. 18. scribendo sequentia. *Scias Mercurium nostrum de se dare aurum, quod si non noris, quod sit secretum nostrum subiectum, oportet ut pro sole vulgi vendas, estq; in omni examine sol verus ac proinde venalis est, id est vendi potest cuius sine scrupulo, sol proinde noster est vulgò venalis. sed non vulgò emendus, quia ut noster sit, nostra opus est arte, posses in sole, lunaq; vulgaribus solẽ nostrum reperire, ego ipse in his quæsivi, & reperi, at haud opus est facile, leviori cum negotio lapis ipse faciendus est, quam lapidis proximam materiam in auro vulgariter emendo invenies, quare aurum nostrum est lapidis nostri materia proxima, aurum vulgi propinqua, metalla remota, eaque, quæ non sunt corpora metallica, remotissima, sive potius aliena, aurum vulgi est, cujus anima, ut ab ignea Vulcani tyrannide sit tuta, in arcem clausam se recepit, sed si aurum nostrum quæris in re media, inter perfectum & imperfectum quare, & invenies. Et alibi: Nactò hoc sulphure (sc. auro) ne credas te habere lapidem & ejus materiam, quam possis in re imperfecta intra septimanam querere & reperire. Et alibi, loquuntur quidam de auro argentoq; vulgi & verum dicunt, negantq; alii idem & verum dicunt. Et alibi, lapis noster est in omni metallo & minerali, quia sol vulgi ex ipsis extrahi possit, ex quo sol noster propinquus peti possit, in omnibus*

bus puta metallis vulgi sol noster, at in auro argen-
toq³ propinquius continetur, ergò inquit Flamellus,
quidam in Iove, quidam in Saturno laboraverunt,
ego verò in sole laboravi, & inveni, est tamen
unum in regno metallico originis mira, in quo sol
noster propinquius est, quàm in sole & luna vulgi,
si in hora sue nativitatis eum quæras, qui in Mer-
curio nostro liquefcit, sicut glacies in aqua tepida,
& tamen auro quodammodo assimilatur, tamen
hoc in sole vulgi immediatè non invenies, at ex illo
per Mercurium nostrum digerendo per dies 150. in-
venies veram hanc, eandemq³ materiam, quæ est
aurum nostrum, viâ longiori quæsitum nec adhuc
tam pollens, ac illud, quod natura ad manus reli-
quit, & tamen tertio rotando rotam, idem in utroq³
invenies, hac tamen cum differentia, in priori
mensibus septem, in posteriori anni spatium cum di-
midio. Hæc & similia Philatethæ facilè intelli-
gi possunt, si consideretur, quæ de Mercurio
Martis & antimonii thesi præcedente scripsi,
quod nempe sit agens metallicum, & ignis mi-
neralis in motu, ergò perficiet seipsum in au-
rum, & quod sola digestionè in aurum matu-
retur, quodq; ille Mercurius sit aureæ sub-
stantiæ, & deauret, Regulus enim Martis
cum cinabrio tritus, & mixtus, ac destillatus,
Regulum de regulo dejicit, qui sufflatione
vel cupellatione probatus, bonæ notæ aurum
exhibet, ergò erit aureæ naturæ, multò
magis Mercurius ex illo, hoc verò scien-
dum, quòd Mercurius Martis & antimonii
præcipitatus, aurum Horizontale & Philoso-
phicum sulphur vocetur, qui præcipitatus,

219.

Mercurius
Philoso-
phorū sola
digestione
in aurum
maturatur.

220.

Experi-
mentum.

221.

Aurum
cum Horizon-

tale quid
fit?

222.
Facile per
Mercurium
resolubile.

223.
Introducitur
magnum
perfectiōem
& fixitatem.

224.
Tincturæ
exaltatio.

225.
Cohobatio
Mercurii
supra pro-
prium Mer-
curium.

226.
Reductio
auri Philo-
sophici in
corpus me-
talicum,
nocet arti.

227.
Differentia
auri Philo-
sophici

cum fixus est, sub pulveris specie facillimè in novo sui generis Mercurio solvitur, atq; ita fixitas in Mercurium semper plus introdu- citur, nam quando Mercurius transit in soli- ditatem pulveris præcipitati, tunc transit de natura Mercurii in naturam sulphuris, æquè ac sanguis coquitur in naturam spermatis, at sulphur hoc proprium fixatum, resolutum in proprio Mercurio, necessario introducit in suum Mercurium majorem formam fixitatis, Mercurius verò plus subtiliat resolvendo hoc proprium sulphur, unde necessario tin- cturæ exaltatio, abbreviatio, & subtilis for- mæ introductio sequitur, hinc optimè loqui- tur Lullius cap. 32. *Recordamur nos dixisse in nostro testamento, quod nullum argentum vivum promptius convertatur in substantiam sulphuris, quam illud, in quod qualitates sulphuris per disso- lutionem sufficienter sunt introductæ, nec ullum sulphur promptius congelat argentum vivum, quam illud, in cujus naturæ substantia, ipsum ar- gentum vivum existit, per artis ingenium (fixa- tione) in id conversum, quia tunc natura natu- ram complectitur propriam, & amicabilius gau- det in ea, quam extranea; hætenus Lullius.* Sciendum autem, si pulvis hic præcipitatus reducatur in corpus, quòd ejus resolubilitas in Mercurio suo, magnâ ex parte pereat ob adeptum crassius corpus, etsi tamen auro communi adhuc resolubilius sit, testante *A- lexandro à Suchten* in secundo libro *Tractatûs* sui de Antimonio, ubi exemplum recenset ar- genti & auri ex *Regulo* facti, per Mercurium anti-

antimonii rursus in Mercurium reducti, quod cum auro aurum commune non facit, reprobante pro-
 indè Authore illud aurum & argentum, sed^{228.} Fallacia A-
 ludente simul lectorem, quasi hoc aurum vel lexandrià
 Luna ex antimonio factum non valeret, ut Suchten.
 nempè deterreat lectorem ab illo, cum tamen
 in eo abbreviatio operis consistat. Cæterum
 quæ de argento Philosophorum Philatetha
 ait, non sic intelligenda sunt, ac si argentum
 esset forma argenti, sed antequam Mercurius^{229.}
 antimonii ad decoctionem auri pervenit, ne- Tinctura ad
 cessariò gradum Lunæ attingit, ita quod, licet album non
 tinctura ex auro corporali facta sit, tamen si requirit sul-
 vera facta fuerit ejus reductio, prius argētum phur diffe-
 tinget, quàm aurum, cum nempè in gradu ro.
 albedinis est, quando ergò Philosophi de ar-
 gento Philosophorum, vel de tinctura ad al-
 bum loquuntur, tum intelligunt Mercurium
 auri, ad gradum argenti decoctum, atq; hæc
 est ratio, quod Philatetha pro opere auri po-
 nat novem, pro argento verò tantum quin-
 que menses, *minus perfectum enim brevius tem-
 pus ad decoctionem requirit, quàm magis perfe-
 ctum.* Secundo ex prædictis claret, aurum
 commune etiam per Mercurium Philosopho-
 rum non statim, sed successivè solvi, præce-
 dente nempè calcinatione in Mercurio,
 quam alii *improprie putrefactionem* nominant,
 habetq; se, hæc calcinatio per modum præpa-
 rationis bynes, ubi triticum, nisi humectetur
 & torreatur, incalescat & excrescat, non re-
 solvitur, ut aquæ substantiam suam commu-
 nicare possit, sic nisi aurum cum Mercurio
 miscea-

^{230.}
 Aurum
 commune
 per Mercu-
 rium Philo-
 sophorum
 non statim
 mercurifi-
 catur.

^{231.}
 Exemplum
 in præpara-
 tione cere-
 visæ.

miscetur, humectetur, incalescat excrescat in arbusculas, figatur, & præcipitetur, non resolvetur, ut ex illo substantia Mercurialis erui possit. Tum videmus, quod omnia corpora, quæ magnam fixitatem, soliditatem, duritiem & siccitatem habent, non nisi tractu temporis, & successivâ humectatione, aut ut vocant, cohobatione resolvi & liquidificari, sic etiam aurum unâ vice à Mercurio, præsertim communi ob nimiam ejus humiditatem & crassitiem non resolvitur, ob compagem auri nimis crassam, siccam, tenacem & strictam, sed frequenti humectatione & cohobatione, quod manifestâ experientiâ videmus, aurum enim vel argentum cum Mercurio amalgamatum, si per destillationem Mercurium amittat, & cum eo denuò amalgameatur, hæcque operatio aliquoties repetatur, aurum vel argentum sic fusile reddi, ut ceræ instar in vitro fluat, omniaque vitra tingendo penetret, at leniter fluere, vitra penetrare, primus gradus ad emolliationem Mercurialem, ad subtilitatem est. Tertiò regimen ignis in mercurificatione, fortius esse debere, quàm in Mercurificati fixatione, ratio & experientia docent, *quæ enim constrictos poros habent, hæc ignis non tantum penetrare potest, quàm laxos poros, at aurum compactos habet poros*, quod gravitas indicat, ergò calor fortior debet esse pro penetrandis & emolliendis illis, quàm si jam incipiant mollescere, præsertim Mercurificari, duo ergò regimina ignis sunt, nempe in Mercurificatione auri, & in auri

232-
Experimentum cohobationis.

233-
Regimen ignis in solutione, fortius esse debet quam in coagulatione.

234-
Duo regimina ignis.

auri Mercurificati fixatione, hæc posterior
 lentum, prior fortiozem, in posteriori veræ
 actiones, operationes & colores apparent in-
 ter activum & passivum unius naturæ, nem-
 pe Mercurii Philosophorum & auri, qui jam
 verus est ille duplicatus Mercurius (sicut
 sperma & semen scemineum in utero, tum de-
 mum vera & unica materia hominis vocari
 possunt, non quando sunt extra vas duo di-
 versa. Philosophorum seu Rebis, aut *duo in*
una liquiditate Mercurii, in priori qui appa-
 rent colores & operationes, fictæ sunt, quia
 tantum promanant ex calcinatione & emol-
 litione materiæ, nempe auri, *aliud ergo est*
præparare materiam, aliud materiam præpara-
tam formare, quoniam verò de hoc postero-
 ri actu, in thesi quarta de forma absoluta
 tincturæ sufficienter egi, ipse etiam Philate-
 ha omnesq; Philosophi de regimine ignis
 in opere ipso sufficienter clarè scripserint,
 heic loci huic negotio supersedebo, & ad
 Mercurificationem seu præparationem ma-
 teriæ ulterius progrediar. Intentio ergò Al-
 chymicæ est, *ut introducant perfectè & insepara-*
biliter formam auri vel argenti in argentum vi-
vum, necessario concludentes, quod per hanc
 introductionem aureæ formæ in Mercurium, is
 in aurum re congelari debeat, & si hoc subtilie-
 tur, secuturam etiam in re congelatione subtilio-
 rem & nobiliorem auri formam, quam tincturam
 vocant, supponentes illam propter subtilem fixi-
 tatem & penetrantiam, formam suam auream
 multiplicativè & cum lucro in metalla introdu-
 cturam,

235.

Veræ ope-
rationes
naturæ.

236.

Quid sit
duplicatus
Mercurius?
seu illorum
Rebis.

237.

Duo in car-
ne unâ.

238.

Operatio-
nes fictæ.

239.

Intentio
philosophi-
ca Alchy-
micæ.

240.
Solus Mer-
curius Phi-
losophorū
in tincturā
& aurum
transit.

241.
Exemplum.

242.
Variatio o-
perationis
& temporis
consistit in
gradibus
subtiliatio-
nis auri.

*eturam, eaque in aurum transmutaturam, quæ omnia hæcenus sufficienter rationibus & experientiis probavi, ac quoq; demonstravi, ipsam formam auri etiam extra aurum corporale embryonaliter & potentialiter in Mercurio Philosophorum latitare, qui sola digestionem in aurum, & per repetitas solutiones & congelationes in tincturam mutari, & decoqui possit. Verum tempore longiori, sicut enim aqua communis diu cocta tandem cocturā longā digeritur, cruditatemq; deponit, at multo breviori spatio frusto carnis imposito, in salutare jusculum alteratur, ita Mercurius Philosophorum semen quidem activum aureum in se continet, quod solā digestionem de potentia in actum prodit, tempore tamen sat longo, & digestionem ingeniosā, ita idem Mercurius in qualitate sua augeri potest, si aurum corporale à natura productum, & jam actu existens in eo solvatur, ipsiq; communicetur, sic enim qualitates aureæ actuales evocabunt Mercurii qualitates aureas potentiales, totumq; negotium facilius & brevius absolvetur, licet tot mille, non tingat, cum aurum actuale ad tantam subtilitatem reduci difficulter possit, quàm illud existit, quod est potentiale, si figatur, *coagulatio enim se dirigit juxta subtilitatem*, interim tamen negandum non est, opus multum accelerari posse, juxta nempe auri subtiliationem, quæ cum varia sit, varia etiam erit operatio, ejusque subtilitas, tempus & effectus, fateor, modum, quem Philatetha cum auro communi descri-*

describit, solâ decoctione cum Mercurio, tædiofum & longum esse, quoniam aurum non præparatum est, verum si antequam Mercurio jungatur, ad Mercurificationem habilitetur, & subtilietur, multò brevius & facilius negotium succedet, dari autem talem subtiliationem & præparationem auri, ut facilius cum Mercurio mercurificetur, ratio & experientia docent. *Objicies*, me repudiâsse in præcedenti thesi quartâ omnem auri subtiliationem, quæ non fit per Mercurium, ad quod R. distinguendo, me repudiâsse subtiliationem auri per solventia scil. aquea, ignea, & terrea, & omnia, quæ non sunt de Mercurio, in ordine ad ipsam Mercurificationem auri, sed non in ordine ad faciliorem habilitationem seu præparationem ante & ad ipsam Mercurificationem, exemplum videmus in antimonio, quod crudum & pulverisatum minimè solvitur in spiritu therebinthini, at per se sublimatum & subtiliatum in flores, statim in præfato spiritu solvitur, at sublimatio antimonij in flores non est solutio Antimonij in spiritu therebintini, interim tamen deducit ad illam, & præparat antimonium ad illam, sic aurum crudum difficulter solvitur in Mercurio, at subtiliatum per solventia, facillimè solvitur, non quod istæ subtiliationes vel solventia, sint subiecta mercurificantia, vel ipse actus Mercurificationis; sed quod præparent aurum, ut habilius reddatur ad Mercurificationem: videamus ergò quæ requirantur ad istam habilitationem, vel facilitationem Mercurificationis. Et erunt tria,

243.

Aurum
subtiliatum
facilius &
brevius o-
peratur ad
tincturam.

244.

Distinguē-
dum est cir-
ca auri sub-
tiliationem
in ordine
ad præviā
præpara-
tionem &
in ordine
ad ipsam
mercurifi-
cationem.

245.

Exemplum.

246.

Requisita
tria prævia

Ecc

nem-

ad faciliorem habilitationem mercurificationis.

247.

Amalgamatio.

248.

Sulphur intercutaneū.

249.

Experimentum.

nempè *amalgamatio, sublimatio & revivificatio*. Amalgamationem quod attinet, dices mirum esse, me illam pro difficultate in medium producere, cum nihil facilius ac auri calx cum Mercurio amalgametur: & me loqui de amalgamatione auri subtiliati, seu calcis aureæ cum Mercurio, cujus calcis, utcumq; ferè præparetur, natura est, quod Mercurium ac amalgamationem cum illo abhorreat, (ob interpositum sulphur arsenicale solventium, quod Nympham vocant) quod in auro fulminante, multisq; aliis generibus calcium auri & argenti, sicut in luna per salem communem præcipitata, vulgò Luna cornua dicta, manifestè videmus, adeò quod inter secreta numeretur solvens invenire, quod tales calces solvat, cum ne ipsa quidem aqua fortis, propriam calcem auri vel argenti (sine præcedente candescencia) resolvat, multò minus talis calx cum Mercurio amalgametur, quin imò Mercurius cum puro auro vel argento aliquoties amalgamatus, & ab illo abstractus ac realgamatus, tandem metallum etsi solidum & purum, respuit, idq; in ulteriori amalgamatione abhorret, nisi oleo fætido tartari vel acetato aut aliis imbibatur, quæ cum sint salium volatilium naturæ, nempè urinosæ (id est, multum participant de terra tertii generis mercurificante seu fluidificante, ut in physica mea subterranea de principiis ostendi) id eò aurum & argentum reddunt fusile, dulce, ac molle ac fusile esse, est principium ad Mercurificationem, ergò hæc præparatio conducit,

vit, quod manifestè in spiritu salis armeniacy videmus cum spiritu vini mixto, aurum enim liquefactum, ac in hunc duplicatum liquorem effusum, valdè dulcificatur, ut plumbi instar molle sit, quæ liquefactio & infusio, si aliquoties reiteretur, aurum levissimo igne etiam fluit, notusq; mihi modus est, mediante quodam spiritu urinoso, & aurum & argentum, omneq; metallum reddere fluidissimum, dulcissimum, ita ut ceræ instar fluat, atq; cum Mercurio facilè amalgametur, in ejusque liquiditatem transeat, dico ergò quod talis amal-

penetratio nature passivæ est fundamentum intimæ transmutationis, ergò si aurum vel argentum sic præparetur ac fusile reddatur, ut Mercurius id intimius, quàm in communi amalgamatione penetrare queat, necessariò id etiam fundamentalius ad se attrahet, fluidificabitq; fluiditas verò Mercurialis, etsi sit saltem qualitas superficialis, nempe solutio continui, nihilominus primus gradus est ad communicationem internarum qualitatum, quæ in Mercurio in volatilitate potissimum heic loci consistunt, ut nempè *secundo* aurum cum Mercurio taliter amalgamatum, & fusile redditum, etiam cum illo in sublimatione seu destillatione ascendat, concomitetur, reddatur

250.
Amalgamatio vera est primum principium Mercurificationis.

251.
Auri & argenti volatilifatio.

252.
Distinguen-
dum inter
aurum so-
lum & mix-
tum.

253.
Aurum fit
cinabrium.

254.
Experimen-
tum Mercu-
rificationis
argenti.

tur volatile, neq; fixum in vase destillatorio ,
vel sublimatorio remanet. *Obijcies*, esse con-
tra naturam auri , ignem fugere & volatile
fieri, ad quod &. distinguendum esse inter au-
rum solum & per se, & inter aurum per addi-
ta præparatum, sic enim experientia didici-
mus, aurum per quædam salia , ex. gr. nitri,
aluminis, salis armeniaci, sola trituratione &
coctione, mediante aquâ communi, sic resol-
vi, ut facillimè per Mercurium in Mercuri-
um abeat, cum eoq; accedente inprimis sul-
phure communi, in cinabrium elevetur, atq;
omne corpus, quod cum Mercurio in cina-
brium elevatur, transit in volatilitatem Mer-
curii, fitq; currens Mercurius, si à sulphure
liberetur, quod autem metalla mediante Mer-
curio & sulphure in cinabrium elevari pos-
sint, jam pridem observavit Geber lib. 2. part.
1. cap. 6. de auro, cum ait: *quod verò sulphur
sit tingens, patet per hoc, quod admistum argen-
to vivo, ipsum per sublimationem in colorem trans-
formet rubrum, quod cinabrium vocant & quod
cum amalgamatur cum corporibus (metallis) &
sublimatur forti ignitione de corporibus, ita quod
illorum ascendat subtilitas (pars Mercurialis)
cum illo, citrinissimum creet colorem,* (ut vide-
mus in præparatione auri musici ex amalga-
mate Jovis, porro ipsum argentum vivum
commune si acuetur, vel præcipitetur cum
nitro, vel sale communi, addaturq; argenti
calci vel puræ, vel per spiritum nitri cristalli-
fatæ, simulq; sublimetur, potior pars argen-
ti cum Mercurio ascendit, fitq; leviter Mer-
curius

curius currens, metalla etiam sale vel spiritu armeniaco sublimari, subtiliari, atq; ad Mercurificationem taliter habilitari possunt, ut ipsis nihil, præterquam tertium requisitum, nempè revificatio desit, etsi vero corpus quoddam metallicum sic præparetur, ut sublimetur, ut volatilifetur, ut vel salis, vel præcipitati vel sublimati, vel arsenici, vel sulphuris aut cinabarii formam induat, proximeque Mercurificationi sit, nisi tamen revificetur, non habebitur Mercurius currens. Ad revificationem vero requiritur *continuitas*, sicut ad subtiliationem vel sublimationem *interpositio*, & *particularum disjunctio*, cum itaq; metalla in ordine ad Mercurificationem, sublimantur, corpuscula illorum disjungi, terraq; tertii generis nempè mercurificans, & fluidificans, seu sulphur aut sal mercuriale interponi debet, quod, quoniam sulphuri arsenicali semper conjunctum est, quo tanquam scabie vel aqua subcutanea vexatur, ne coëat, aut in continuam liquiditatem abeat, necessario in revificatione talis corporis sublimati, particulæ arsenicales separari debent, ut reliquæ particulæ in liquiditatem Mercurii coire debeant, quas particulas arsenicales solum, quidam Nympham vocant, seu hymen impediens coitum, quod manifestè videmus in antimonio, hoc enim sublimatum per sal armeniacum, & resolutum ac præcipitatum in aqua communi, ut cera, nempè ut arsenicum fluit, estq; proximè argentum vivum currens, modo nympa seu terra arsenicalis

255.

Revificatio necessaria.

256.

Continuitas quid?

257.

Methodus revificationis.

258.

Nympa quid?

259.

Exemplum.

260.
Duplex via
Mercurifi-
cationis.

261.
Tria de
Mercurio
Antimonij
ejusq; præ-
paratione
notanda.

ab eo abstrahatur, quod etiam de Luna cornua intelligendum, quæ facillimè in Mercurium currentem abit, modò terra arsenicalis (salis) ab illa separetur, quæ quomodo separari debeat, per spiritum volatilem salinosum in antecedentibus satis superq; demonstratum est, supervacaneum proinde hoc loco recensere, & repetere, quoniam verò Philatetha, quod hætenùs dixi & demonstravi, satis apertè, & fideliter in introitu suo aperto scribit, placuit pro coronide quædam capita ex illo recapitare, atq; commentario illustrare, ubi, quæ Lectori obscura erant, ad oculum patebunt; sciendum autem est, ut supra demonstravi, corpora imperfecta duplici viâ mercurificari posse, nempe per salia sola, vel pro leviori revificatione per Mercurium, quod Philosophi omnes inculcant, dum scribunt, *fac Mercurium per Mercurium, per aquam Mercurialem*, ubi per aquam Mercurialem salia resuscitativa intelligunt, arsenicale sulphur separantia, hanc viam ingressus est Philatetha, utpote de Mercurio antimonii tractans, quod minerale imperfectum, non tam forti sulphure arsenicali coagulatum, hinc facilioris resolutionis est, quare primus gradus ut cum Mercurio amalgametur, sublimetur, & revificetur. Sed percipiamus mentem Philatethæ, mentionem facientis primò Reguli Antimonii, ejusq; præparationis; Secundò de reductione Reguli in Mercurium currentem, seu Mercurificatione Reguli. Tertiò de usu Mercurii antimonii. *Primum* quod atti-

attinet, Reguli nempe antimonialis necessitatem & præparationem sciendum est, tres Regulos dari, quorum unus per carbones, alter per salia, tertius cum Marte fit, qui ultimus solus est stellatus, nam utcumq; antimonium tractetur, nunquam ejus Regulus verâ stella signabitur, nisi Mars accedat, *sal enim junctum sulphuri formam striatam exhibet*, ita sal metallicum, quod est in antimonio si jungatur sulphuri Martis, strias parit stellæ instar, *Antimonium* ergo Philatetha magnetem & puriorem Martis substantiam, chalybem Sophorum vocat; nominat etiam Antimonium liquorem Saturniæ vegetabilis, serpentem qui Cadmi focios voravit, terram, centrum occultum sale abundans, qui aurum calcinare potest, & Martem vocat Draconem igneum, cælum Cadmum, nostri operis clavim sine quo ignis lampadis nullâ arte potest accendi, auri mineram, spiritum præ cunctis valdè purum, ignem infernalem secretum, mundi miraculum, &c. *Regulum* verò ex Antimonio & Marte compositum vocat chaos seu medium inter mineram & metallum, quod nec corpus nec spiritus est, sed mixtum quoddam mirabile, quod se ad metalla habet, ut mater, Arsenicum nostrum, aërem nostrum, Lunam nostram, meretricis nostræ menstruum, Leonem viridem, Draconem Babylo-niensem veneno suo cuncta interimentem, notatum ab Omnipotenti signo notabili astri septentrionalis in Horizonte Hemisphærii, polo nempe centrali extra verso:

262.

Tres Reguli
Antimonij
dantur.

263.

Forma Re-
guli striata
ex sulphure

264.

Definitio.
antimonij.

265.

Definitio
Reguli.

266.
Præparatio
Reguli.

chaos, intra quod est cœlum Philosophorum in centro suo, quod centrum est reverà astrale. Chamæleon sive chaos nostrum, in quo latent omnia arcana virtute non actu, infantem hermaphroditum. Præparationem verò Reguli expressis verbis docet c. 7. sequentibus. Sumantur Draconis nostri ignei, *nempè Martis*, qui in ventre suo chalybem occultat Magicum, partes quatuor, Magnetis nostri *nempè Antimonii* partes novem, misce simul per Vulcanum torridum in forma mineralis aquæ cui supernabit spuma rejicienda, testam repudia, nucleumq; selige, purga tertia vice per ignem ac falem &c. Mercurificationem verò

267.
Mercurifi-
catio Regu-
li.

Reguli nullibi non indigitat, semperq; fate-
tur & conqueritur esse in Regulo Antimonii
sulphur quoddam arsenicale, seu aërem,
quod ingressum aquæ mineralis extracentra-
lis, nempè Mercurii vivi communis in a-
quam centram Reguli nempè Mercurii ejus
prohibet, Mercurificationemq; impedit, hoc
sulphur vaporosum externum comburens,
vocat furem & nequam arsenicali malignitate
armatum, quem juvenis alatus Mercurius
horret, nominat etiam feram, Leonem, ca-
nem corascenum, qui non nisi per binas Dia-
næ columbas (salia) temperari & domari po-
test, nempè per salia alcalia & urinosa, quæ
malignitatem hanc arsenicalem contempe-
rant, Regulumq; mercurificant. Sciendum et-

268.
Tres Regu-
li status, u-
sus Mercu-
rii Antimo-
nij.

iam est, tres esse chalybis & magnetis sophici
status, *primò*, ut fiat mixtum quoddam, quod
Regulum stellatum vocamus, *secundo*: cum
pars,

pars quædam ſulphuris arſenicalis à Regulo ſeparatur, non omnis tamen, ſed tanta, ut Regul^o adhuc ſit metallum, ſed malleabile, quod *plumbum Antimonii* vocant: *tertio*, cùm etiam ex hoc plumbo reſiduum ſulphuris ſeparatur tum *Mercurium* currentem vocant. Uſum Mercurii reguli indicat Philatetha vocando hunc Mercurium Sophicum, aurum noſtrum, album, crudum, ſperma fœmineum, ſine quâ ſponſâ, aurum corporale commune mortuum eſt, laudando altiſſimum, quod Mercurium hunc creaverit, ei; naturam cuncta ſuperantem dederit, ſine quo vanum eſſet opus Alchymicum. Deindè dicit, quod Mercurius hic Reguli omnibus corporalibus metallicis prædominetur, illa; ſolvat in materiam proximam Mercurialem, ſulphura eorum ſeparando, & quod Mercurius hic ſit homogeneus interno ſulphure per artificium noſtrum gravidus, ſolem emolliens, ſulphure ſpirituali metallico prægnans, metallorum primum movens, rotam vertens, axemq; revolvens, quod ſit vita, quæ Mercurium communem animat, in actum ducit, atq; fæces terreas ab illo ſeparat, qui que ſe habet ad Mercurium communem, ut activum ad paſſivum, vivum ad mortuum, ſpiritus ad corpus. Sciendum autem eſt Philatetham, ſicut duas Mercurificationes proponit, ita illum etiam duplicem uſum Mercurii Reguli proponere, nempe applicando Mercurium Reguli cum auro communi, vel tractando, Mercurium Reguli per ſe ut in antecedentibus de auro Philoſ. dixi.

269.

Duplex uſus Mercurii Reguli ?

E e e 5

Sed

270.
Summaria
Doctrina
de mercuri-
ficatione
sextuplex.

271.
Prima.

Sed nunc ad hujus Thesidis finem properandum atq; quasi in pugnum unum, tota de Mercurificatione doctrina coronidis loco contrahenda est, quæ sextuplex est, *Primò* enim aliqui reperiuntur ut *Beguinus*, qui ex omnibus corporibus etiam animalibus & vegetabilibus argentum vivum elicere conantur, verum quantum hi errent, superius demonstravi, argentum enim vivum est decompositum, constans ex materia metallica & terra Mercurificante, prout in physica mea subterranea demonstravi, materia metallica nullibi nisi in regno minerali invenitur, terra verò Mercurificans nempe sal alcali volatile, seu ut clarius loquar *sulphur aliquod arsenicale album*, in omni re reperitur hujus mundi, adeo latè ejus substantia diffusa est, quidquid etiam mihi neget *Morhofius* in Epistola de metallorum transmutatione ad Langelottum p. 82. ubi se capere non posse profitetur, quod *oleum lini ad metallicam naturam conferre valeat*, sed facile capax fiet, si experimento observetur, in omni oleo, & pinguedine præsertim tartari, & urinæ, sulphur, ipsum etiam aurum dealbans, mercurificans, imò fixationem cum illo ferens, latere, cujus quædam experimenta *Glauber in lapide suo animali* recenset, sunt ergò quidam, qui non ineptè statuunt, causam Mercurificantem *universalem* esse, & in omni re, præsertim urinosa latere, tales autem sumunt causam efficientem pro effecta, quando dicunt, Mercurium in omnibus rebus latere, non secus, ac si dicerem, vitriolum

Vene-

Veneris in omni sulphure latet, eò quòd omne sulphur ex Venere vitriolum faciat.

Secundo sicut priores in omni re argentum vivum saltem potentialiter supponunt, ita è contra quidam reperiuntur, qui omnimodè, etiam ex metallis argentum vivum præparari posse negant, ut Author *non entium* & *Rolfincius*, sed hunc publicè convici, & refutavi, tum rationibus, tum experimentis in *Physicæ* meæ subterraneæ capite de liquefactione & supplemento primo, capite quinto, esto enim, quòd inter Chymicos non conveniat de causa & modo Mercurificationis, quodque *Rolfincius* ista assequi non possit, interim tamen contra manifestum experimentum clamandum non est, præparet enim ex Marte, vel Venere more communi vitriolum, solvat hoc in urina, digerat lentè per aliquot dies, filtret, terram albam in filtro servet, donec illam noscat, & mihi gratias agat, sed liquorem filtratum leniter destillet per Alembicum, sub finem dando ignem sublimationis, tum in primo liquore, qui extillat, Mercurium currentem inveniet, saltem tot grana, quæ ad demonstrandam veritatem sufficient, liquor verò rectificatus in Medicina, si non primum, saltem non postremum locum obtinebit. Ex qua operatione, ut dixi, tres insignes effectus oriuntur, aquæ nempe Medicinalis, argenti vivi currentis, & terræ albæ. Ecce experimentum sole meridiano clarius, contra quod nulla exceptio, causas harum

272.

Secunda.

harum operationum recensere jam non vacat, claret enim ex antecedentibus.

273.
Tertia.

Tertiò dantur inter *Mercurialistas*, quasi *neutrales*, qui mercurificationem ex metallis nec probant, nec negant, sed statuunt communem Mercurium animari posse, ut omne præstet, quod argentum vivum ex metallis extractum, idq; per additionem salium & sulphurum, hac enim methodo Mercurius præparatur, aurum solvens & extrahens, cum eoq; reactionem, & excalescentiam instituens: ubi notandum, nihil Mercurium communem acuere, quod non sit naturæ sulphuræ, sed sulphurum perfectionem consistere in subtilitate, & hanc acquiri per salia experientia docet, unde sulphur, quod nitro, sali communi, vel urinæ inest, magnarum est virium; at sulphur his salibus inesse, quod cum metallis, ipso etiam Mercurio analogiam habeat, & sympathiam experientia docet, uti latius in *Physica mea subterranea* demonstravi pag. 174. & 176. Legite & intelligite ista duo loca & studii vestri non pœnitebit.

274.
Quarta.

Quartò, sunt qui statuunt, metalla mercurificari posse, sed non *sine Mercurio*, quod *Theophrastus*, *Alexander à Suchten*, *Täckenius* pluresq; alii confirmant, sicut enim, dicunt, ignis est principium calefaciendi, ita Mercurius est principium mercurificandi; *Paracelsus* methodum hanc aliàs præter consuetudinem suam, sat fideliter recenset lib. 6. de resuscitatione rerum naturalium mihi pag. 897. lit. marginali b. nisi quod sub finem solvens (acidum

(acidum Mercurii analogum) omittat, quod ex fluida calce, argentum vivum extrahit, mirabilis sanè operatio, additus enim communis Mercurius, omnis rursus iusto pondere separatur, interim tamen, calcem ad mercurificationem habilitat, & disponit, manentibus integris viribus argenti vivi, & hoc est, quod Helmontius de eo ait, *sic nempe scholæ etiam invite addiscant, quòd quedam agentia citra passionem aut reactionem patientium liberè semper, indefessisq; viribus agant, & perstante semper eodem sui pondere.* Una enim libra argenti vivi communis, nescio quot mille libras argenti vel auri in Mercurium convertere posset, illa nihilominus & quantitate & qualitate manente integrâ, non secùs ac lumen lumen, fermentum fermentum accendit, sanè nisi hoc propriis oculis vidissem, & manibus fecissem, tam parùm quàm fortè lector capere potuissem.

Quintò sunt, qui statuunt, posse metalla ^{275.} mercurificari *sive Mercurio*, sed tum *non esse* ^{Quinta.} *verum argentum vivum*, sed vel analogum vel sophisticum, talis opinionis est *Ludovicus de Comitibus* in sua disceptatione practica, sed ex hoc collegi nec Authorem illum verum Philosophum esse, nec Alkaëst, de quo tanta scribit, habere, refutavi ipsum in *Phyficæ meæ subterraneæ capite de liquefactione* pag. 409. & seqq.

Sextò sunt qui statuunt posse metalla mer- ^{276.} curificari, *sine Mercurio*, nempe revificari ^{Sexta.} per *salia resuscitativa*, emollito illorum sulphure

phure arsenicali, & tum fieri verum argentum vivum, hanc opinionem utpote firmissimam hæcenus defendi, demonstravi, & Lectori ob oculos posui, in qua demonstratione philosophica, si Lectori quid utile, gratum & acceptum præstiti, nihil aliud expecto, quam ut mihi faveat, atq; nomini meo benè velit, fateaturq; me primum esse qui de *mercurificatione taliter scribat.*

Explicit demonstratio Philosophica de veritate transmutationis metallorum in aurum, scripta ad *Augustissimum Imperatorem Leopoldum.*



INDEX RERUM.

<i>Deus</i>	I
<i>Vita</i>	2
<i>Motus</i>	3
<i>Actio</i>	4
<i>Reactio</i>	5
<i>Alteratio</i>	6
<i>Transmutatio</i>	7
<i>Animalium</i>	8
<i>Vegetabilium</i>	9
<i>Metallorum</i>	10
<i>Ordo naturæ in transmutatione metallorum</i>	11
<i>Metalla habent naturalem motum ad perfectionem auri</i>	12
<i>Finis transmutationis metallica est aurum</i>	13
<i>Subiectum transmutationis est omne metallum</i>	14
<i>Metalla comprehenduntur sub uno genere</i>	15
<i>Metallorum principia remota</i>	16
<i>Media</i>	17
<i>Propin-</i>	

Index Rerum.

<i>Propinqua</i>	18
<i>Metallorum principia quot</i>	19
<i>Triplex argentum vivum</i>	20
<i>Argentum vivum masculum</i>	21
<i>Fœmineum</i>	22
<i>Menstruum</i>	23
<i>Sulphur arsenicale causa imperfectionis metallicæ</i>	24
<i>Argenti vivi diversitas</i>	25
<i>Causa diversæ speciei metallicæ</i>	26
<i>Est sola coctio argenti vivi</i>	27
<i>Argentum vivum est materia metallorum</i>	28
<i>Humidum, unctuosum, incombustibile</i>	29
<i>Vnum metallum præ altero facilius in aurum transmutatur</i>	30
<i>Quâ ratione metalla vocentur metalla</i>	31
<i>Quantum nempè habent argenti vivi</i>	32
<i>Metallorum accidentia duplicia</i>	33
<i>Accidentia materie metallicæ sunt eadem</i>	34
<i>Accidentia formæ metallicæ sunt varia</i>	35
<i>Forma metallorum transmutatur non materia</i>	36
<i>Materia metallorum in transmutatione manet</i>	37
<i>Accidentia formæ metallicæ possunt alterari</i>	38
<i>Metallica in accidentib⁹ mutata, etiâ in forma mutantur</i>	39
<i>Imperii Romani proba auri super ejusdem accidentibus tantum fundatur</i>	40
<i>Transmutatio naturalis fit per simile dissimile</i>	41
<i>In transmutatione requiritur contactus physicus</i>	42
<i>Objectum transmutans debet esse de natura argenti vivi</i>	43
<i>Sed qualitatum contrariarum, id est, simile quò ad substantiam, dissimile quò ad qualitates</i>	44
<i>Cur aurum sit objectum transmutans</i>	45
<i>Quid sit aurum Philosophorum?</i>	46
<i>Anima auri quid sit?</i>	47
<i>Aurum</i>	

<i>Aurum prorsus homogeneous</i>	48
<i>Aurum in soliditate sua non agit in metalla</i>	49
<i>Distinguendum inter juxta positionem & penetrationem</i>	50
<i>Penetrationis Physica effectus</i>	51
<i>Penetratio mechanica</i>	52
<i>Physica in vitris</i>	53
<i>Distinguendum inter subtilem & volatilem fixitatem, datur enim subtile, quod non sit volatile</i>	54
<i>Auri & argenti subtiliati vis penetrans & alterans</i>	55
<i>Reconcentratio subtiliatorum metallorum impedimento est</i>	56
<i>Solutio continui quid?</i>	57
<i>Interpositio corpusculorum quid?</i>	58
<i>Restrictio</i>	59
<i>Liquefactio</i>	60
<i>Compressio</i>	61
<i>Metus loci vacui</i>	62
<i>Dissolutio in sublimatione florum</i>	63
<i>In solutione aquarum</i>	64
<i>Interpositio corpusculorum terreorum</i>	65
<i>Subtilium</i>	66
<i>Gravium</i>	67
<i>Fixabilium</i>	68
<i>Cur argentum vivum sit causa subtilians aurum</i>	69
<i>Conclusio pro auri subtiliatione per argentum vivum</i>	70
<i>Aurum assimilari debet formæ subtiliantis</i>	71
<i>Forma subtiliationis auri est Mercurialis</i>	72
<i>Aurum reducendum est in argentum vivum</i>	73
<i>Tres liquiditates, ignea, aquea, Mercurialis</i>	74
<i>Forma tincturæ non est liquida currens</i>	75
<i>Distinguendum inter formam tincturæ inchoatam, & absolutam</i>	76
<i>Inchoata est currens</i>	77
<i>Absoluta est pulvis gummosus</i>	78
<i>Distin-</i>	

Index Rerum.

Distinguendum inter naturalem & artificialem metallorum productionem, naturalis solâ decoctione, Artificialis de- cocti attenuatione absolvitur	79
Vis multiplicativa tincturae in qualitate & quantitate	80
Exemplum in vino	81
Mercurius præcipitatus communis	82
Mercurius principitatus metallicus	83
Argentum vivum auri in decoctione non fit solidius, sed te- nuius	84
Inceratio	85
Imbibitio, cohobatio	86
Coagulatio ante solutionem perniciosa	87
Materia restringitur juxta nobilitatem formae, accidentia verò immutantur juxta perfectionem materiae	88
Accidentia tincturae, quæ & qualia	89
Forma tincturae absoluta qualis?	90
Divisio hujus Thesis	91
Causa mercurificans	92
Causa Mercurificatum coagulans	93
Definitio argenti vivi	94
Ejus faeces	95
Heterogeneae	96
Error illorum, qui Mercurium ex omnibus rebus preparare supponunt	97
Distinguendum inter rerum humidum radicale	98
Argentii vivi differentia	99
Argentum vivum in actu	100
Argentum vivum extrâ actum	101
Argentii vivi motus, & reactio in metalla	102
Ejus incalescentia	103
Argentii vivi triplex forma externa, currens, cinabrium, Arsenicum	104
Mercurius, cinabrium, arsenicum in se convertibilia	105

Index Rerum.

<i>Argentiviui effectus</i>	106
<i>Argentum vivum in se ipsum agit</i>	107
<i>Mercurius Philosophicus qualis? quæ signa? ejus quinque effectus</i>	108
<i>Argentum vivum commune, agente interno potest animari, ut etiam extra mineras fiat metallum</i>	109
<i>Amalgamatio solutionem, hæc reactionem, illa effervescentiam supponit</i>	110
<i>Mercurius metalla solvit, & in virtute suâ solutoriâ augeri potest</i>	111
<i>Metalla cum Mercurio corium transeunt</i>	112
<i>Experimentum</i>	113
<i>Mercurius aurum per retortam elevat</i>	114
<i>A natura ad artem non valet consequentia</i>	115
<i>Datur Mercurius Philosophorum à natura</i>	116
<i>Sed actu raro invenitur, cur?</i>	117
<i>Ignis naturæ, seu mineralis præsentia immatura metalla perficit, absentia in statu imperfecto relinquit</i>	118
<i>Experimentum maturandi metalla</i>	119
<i>Vnde Mercurius Philosophorum constet</i>	120
<i>Sal metallorum est metallicum</i>	121
<i>Metallorum sal & sulphur, humidum radicale, & calidum innatum, Anima, spiritus, corpus</i>	122
<i>Differentia inter Mercurium communem & philosophorū</i>	123
<i>Agens, anima seu vita mineralis, cui corpori resuscitando plus competat?</i>	124
<i>Distinguendum inter animam inhabitantem, & inter animam operantem</i>	125
<i>Anima seu ignis mineralis in multis subjectis mineralibus latet, & est, sed non agit, & impeditur, in actione sua</i>	126
<i>Proinde liberandus & resuscitandus</i>	127
<i>Metalla in duas classes distinguuntur</i>	128
<i>Agens igneum in ferro</i>	129
<i>Sal</i>	

Index Rerum.

<i>Sal resolvens in Antimonio</i>	130
<i>Mixtura salis & sulphuris metallici in regulo antimonii</i>	131
<i>Mixtura Mercurii Philosophici</i>	132
<i>Requiritur dispositio passivi ad activum, nempe Mercurificandi metalli ad Mercurificationem</i>	133
<i>Causa coagulationis metallorum provenit ex sulphure argenti vivi</i>	134
<i>Argentum vivum tendit de liquiditate in soliditatem</i>	135
<i>Tres gradus soliditatis, tres gradus sulphuris, tres gradus coagulationis argenti vivi in cinabrio</i>	136
<i>Consistentia argenti vivi in cinabrio</i>	137
<i>Coagulatio argenti vivi in metallis imperfectis</i>	138
<i>Fixatio argenti vivi in metallum fixam</i>	139
<i>Tres species mineralium</i>	140
<i>Methodus metalla mercurificandi non est una sed triplex</i>	141
<i>Axiomata methodi mercurificatoria</i>	142
<i>Revificatio cinabarii</i>	143
<i>Revificatio sublimati</i>	144
<i>Revificatio Arsenici</i>	145
<i>Sulphur Arsenicale tenaciter metallis adheret</i>	146
<i>Arsenicum Luna</i>	147
<i>Duplex sulphur, coagulans adustibile & arsenicale, utriusq; resolutio</i>	148
<i>Et Mercurii resoluti liberatio</i>	149
<i>Sulphur phlogiston</i>	150
<i>Sulphur arsenicale</i>	151
<i>Sulphur aureum</i>	152
<i>Argentum vivum per haec sulphura coagulatum, contrahit dispositionem fixam, majorem acquirit coctionem</i>	153
<i>Sulphure embryonali aureo, argentum vivum metallorum non spoliandum est</i>	154
<i>Sulphur arsenicale resolvatur non coaguletur, hinc vitanda fixa & volatilia</i>	155

Index Rerum.

<i>Cujus qualitatis objectum esse debeat, quod sulphur arsenicale</i>	156
<i>resolvit</i>	157
<i>Sulphur arsenicale in libero statu relinquendum</i>	158
<i>Experimentum circa antimonium</i>	159
<i>Sulphur auratum quid?</i>	160
<i>Mercurius vite quid?</i>	161
<i>Natura arsenici duplex</i>	162
<i>Objectum arsenicum resolvens, debet esse natura salina, &</i>	163
<i>saponata</i>	164
<i>Sed liquida & resolventis</i>	165
<i>Alcalium, & urinosorum natura contraria resolutioni ar-</i>	166
<i>senicali</i>	167
<i>Datur agens citra soluti immutationem</i>	168
<i>Metallorum vis medica in sulphuribus arsenicalibus cor-</i>	169
<i>rectis.</i>	170
<i>Helmontii opinio de sale medio, seu alcalibus volatilibus</i>	171
<i>Sal Tartari volatile</i>	172
<i>Circulatum Paracelsi</i>	173
<i>Salium fixorum volatilisatio, difficilis</i>	174
<i>Historia productionis salis fixi in combustionem rerum ex ci-</i>	175
<i>neribus resultantis</i>	176
<i>Fuligo, sal volatile urinosum est, sal alcali volatile</i>	177
<i>Sal alcali fixum</i>	178
<i>Affinitas salis urinosi & fixi</i>	179
<i>Differentia illorum</i>	180
<i>Sal alcali fixum, in combustionem igneum factum, si per ar-</i>	181
<i>tem volatilisetur, magis penetrans est, quam fixum com-</i>	
<i>mune sal volatile</i>	
<i>Methodus alcalia volatilisandi</i>	
<i>Caput mortuum quid?</i>	
<i>Experimentum</i>	
<i>A violentia abstinendum</i>	
<i>Textura salis armeniaci</i>	
<i>Analysis</i>	

Index Rerum.

<i>Analysis smegmatis</i>	182
<i>Sal commune ad salium volatilem, & fixorum statum tendit</i>	183
<i>Analysis alcali</i>	184
<i>Reactio alcali</i>	185
<i>Novum decompositum alcali</i>	186
<i>Mundo hactenus incognitum</i>	187
<i>Potestatem resolvendi habens</i>	188
<i>Brevior Processus</i>	189
<i>Modus faciendi sal volatile ex oleo vitrioli</i>	190
<i>Sal Tartari induit naturam mediam</i>	191
<i>Et tandem volatilem</i>	192
<i>Experimentum volatilisationis alcali & Mercurificationis metallorum</i>	192
<i>Tria circa Mercurificationem observanda</i>	194
<i>Quale alcali & sal armeniacum esse debeat</i>	195
<i>Metallorum Mercurificandorum connexio cum alcali & salibus</i>	196
<i>Metalla in sulphure combustibili augeri possunt & debent, ut facilius in lixivio solvantur</i>	197
<i>Exemplum in quartatione</i>	198
<i>Metalla salibus jungenda sunt, modus</i>	199
<i>Metalla in vitriola reduci, atque ex his Mercurius elici potest</i>	200
<i>Metalla sive salibus fixis, sive volatilibus uniantur, reactionem pati debent</i>	201
<i>Proportio reactionis</i>	203
<i>Explicatio dicti Helmontii de Mercurificatione</i>	204
<i>Fro Mercurio Philosophorum sulphur Martis & sal antimonii desiderantur</i>	205
<i>Methodus preparandi sulphur Martis</i>	206
<i>Modus preparandi sal antimonii</i>	207
<i>Regulus antimonii substantia duplicata</i>	208
<i>Sulphur</i>	

<i>Sulphur arsenicale reguli, impedimento</i>	209
<i>Ejus separatio cum Methodo resolutoria</i>	210
<i>Philosophica & realis conclusio pro preparatione Mercurii ex Regulo antimonii</i>	211
<i>Vis transmutans sulphuris arsenicalis metallorum</i>	212
<i>Tertia classis Mercurificandorum corporum, nempe fixorum auri & argenti</i>	213
<i>Explicatio processus Paracelsi de mercurificatione per Mercurium antimonii</i>	214
<i>Potestas Mercurii antimonii resolutoria</i>	215
<i>Habilitatio auri ad faciliorem mercurificationem</i>	216
<i>Philatethæ doctrina circa hæc</i>	217
<i>Annotata ad Philatethæ opinionem</i>	218
<i>Mercurius Philosophorum solâ digestionem in aurum mutatur</i>	219
<i>Experimentum</i>	220
<i>Aurum horizontale quid sit?</i>	221
<i>Facile per Mercurium resolvable</i>	222
<i>Introducitur magnam perfectionem & fixitatem</i>	223
<i>Tinctura exaltatio</i>	224
<i>Cohobatio Mercurii supra proprium Mercurium</i>	225
<i>Reductio auri Philosophici in corpus metallorum, nocet arti</i>	226
<i>Differentia auri Philosophici cum auro communi</i>	227
<i>Fallacia Alexandri à Suchten</i>	228
<i>Tinctura ad album non requirit sulphur differens ab auro</i>	229
<i>Aurum commune per Mercurium Philosophorum non statim mercurificatur</i>	230
<i>Exemplum bynes in preparatione cerevisiæ</i>	231
<i>Experimentum cohobationis</i>	232
<i>Regimen ignis in solutione, fortius esse debet, quam in coagulatione</i>	233
<i>Duo regimina ignis</i>	234
<i>Vera</i>	


Index Rerum.


<i>Vera operationes naturæ</i>	235
<i>Quid sit duplicatus Mercurius seu illorum Rebis</i>	236
<i>Duo in carne una</i>	237
<i>Operationes fictæ</i>	238
<i>Intentio Philosophica Alchymia</i>	239
<i>Solus Mercurius Philosophorum in tincturam & aurum transit</i>	240
<i>Exemplum</i>	241
<i>Variatio operationis & temporis consistit in gradibus subtiliationis auri</i>	242
<i>Aurum subtiliatum facilius & brevius operatur ad tincturam</i>	243
<i>Distinguendum est circa auri subtiliationem in ordine ad præviam preparationem, & in ordine ad ipsam mercurificationem</i>	244
<i>Exemplum</i>	245
<i>Requisita tria brevia ad faciliorem habilitationem mercurificationis</i>	246
<i>Amalgamatio</i>	247
<i>Sulphur intercutaneum</i>	248
<i>Experimentum</i>	249
<i>Amalgamatio vera est primum principium mercurificationis</i>	250
<i>Auri & argenti volatilifatio</i>	251
<i>Distinguendum inter aurum solum & mixtum</i>	252
<i>Aurum fit cinabrium</i>	253
<i>Experimentum mercurificationis argenti</i>	254
<i>Revificatio necessaria</i>	255
<i>Continuitas quid?</i>	256
<i>Methodus revificationis</i>	257
<i>Nympha quid?</i>	258
<i>Exemplum</i>	259
<i>Duplex via mercurificationis</i>	260
	<i>Tria</i>

<i>Tria de Mercurio Antimonii ejusque preparatione notanda</i>	261
<i>Tres Reguli Antimonii dantur</i>	262
<i>Forma Reguli striata ex sulphure</i>	263
<i>Definitio antimonii</i>	264
<i>Definitio Reguli</i>	265
<i>Preparatio Reguli</i>	266
<i>Mercurificatio Reguli</i>	267
<i>Tres Reguli status. Usus Mercurii Antimonii</i>	268
<i>Duplex usus Mercurii Reguli</i>	269
<i>Summaria doctrina de mercurificatione. Sextuplex</i>	170
<i>Prima</i>	271
<i>Secunda</i>	272
<i>Tertia</i>	273
<i>Quarta</i>	274
<i>Quinta</i>	275
<i>Sexta</i>	276

F I N I S.







a

